

Boysseul  
Cōsfut: de  
Spot. d: et Belat





Boysseul

Contut: de

Spot: d: er Beld







Boysseul  
Confit: de  
Sport: der Belan








M





418

~~1 B 12~~

40.9.42.



Bibliotheca LA<sup>418</sup> Colbertina

CONFVTATION  
DES

DECLARATIONS

DE M. IEAN DE SPONDE


& des Arguties de Robert  
Belarmini Iesuïte,

PAR IEAN BOYSSEVL.



A LYON,  
Par Noé le Roy.

1598.



13.1.A.28


COMPTON

DECLARATION

DE JEAN DE BORDO

in the presence of  
13.1.A.28

13.1.A.28



13.1.A.28



A

# MESSIEURS

LES MAIRE, ES-

cheuins, & Pairs de la Ville  
de la Rochelle.



ESSIEURS, C'est  
cōtre le peuple au mi-  
lieu duquel Dieu e-  
stablit sa paix, assen-  
re sa grace, dispen-  
se ses thresors, & tiēt  
la porte du ciel ou-  
uerte, que Satã se despite, dresse ses gabions,  
traîne ses machines, & vomit les feux de  
sa fureur. Pourquoi nō? ven que dès le com-  
mencemēt il entreprint au ciel de s'opposer  
à Dieu, & faire partie luy & ses Anges cō-  
tre le Tout-puissant? Mais comme là tous  
ses efforts ont esté vains; ainsi sera tout ce  
qu'il machine contre le peuple des Sainēts.  
Contre ceux-cy la force de Satã ne fera riē.

# EPISTRE.

Sa rage sera sa condamnation ; son conseil, ses intelligences, ses menées, son astuce, ses grands, diuers, & forts moyens, seront sa confusion. Car qui est comme Dieu en conseil, puissance, & sagesse ?

Ceste bataille de Satan contre le peuple des Sainct̃s, nous est representee comme en vn tableau, au 12. chap. de l' Apoc. où Michaël & ses Anges sont veuZ batailler contre le Dragon & ses Anges. De fait̃t, ce combat se fait en l'Eglise, là representee par le ciel. L'Eglise est aussi le Royaume des Cieux. L'Eglise est le Tabernacle de Dieu en terre, que Satā veut foudroyer, qu'il tasche d'abattre, de renuerser, ou de le polluer par superstitiōs, idolatries, & saletez, & le remplir de tenebres. Cest ennemi en veut debouter Dieu & sa verité, y estaindre la lumiere de salut, y introduire l'erreur la fausseté, l'heresie & l'ignorance, à fin d'y faire son regne de tenebres.

Iean 12. 31

2. Cor. 4. 4.

C'est pour cela que Satā (que nostre Seigneur appelle le Prince du mode, & S. Paul le Dieu de ce siecle) remue tant. Car il esbranle, il abbat, il foudroye, & semble souvent qu'il ait le dessus. Tout tremblera à la seule veüe de son appareil : les plus hardis

## EPISTRE.

auront peur, & les mal-assurez quittēt la  
 partie; & plusieurs des plus apparens se re-  
 uoltent, se laissent corrompre, & cōtre leur  
 conscience escriuent contre la verité. C'est  
 comme Satan (quoy qu'il sçache bien qu'il  
 ne peut estre le plus fort) se prēd à Dieu, qui  
 est seul le Fort. C'est comme ses Anges con-  
 tre leur conscience, & contre vne si belle  
 clarté du S. Esprit, osent aujourdhuy com-  
 battre contre Dieu, contre son Christ, con-  
 tre le benefice de sa mort, & cōtre la veri-  
 té; encore qu'il leur cōste qu'elle sera tou-  
 siours inuincible. C'est cōme ce vieux Dra- Apoc. 12.  
 gon iette sa queuē insqu'aux estoilles du 14.  
 ciel, & les abat. Car Dieu laisse cest ennemi  
 venir bien auāt. (Les iugemēs de Dieu sont  
 abyssmes) & apres quand il est temps, Dieu  
 fait son œuvre, deboute Satan de ses preten-  
 tes: quand il pense estre au dessus, & le iette  
 de tant plus haut en bas, & souuent par des  
 moyēs petits, inopinez & contēptibles. C'est  
 cōme la gloire de Dieu reluist en nostre in-  
 firmité. En nous, Dieu mōstre sa puissance,  
 ses bōtez, & la force de sa veirté. Car en fin  
 ce qui est si fragile, q̄ c'est la fragilité mes-  
 me, se trouue plus fort q̄ les enfers, lesquels  
 nul ne peut forcer que Dieu. Que les entre-

# EPISTRE.

Apo. 12. 15

prinſes de Satã ſoyēt comme vn fleuve qu'il  
 iette de ſa gueule pour engloutir l'Egliſe,  
 qui eſt comme la femme qui travaille nuit  
 & iour pour enſanter ( car ainſi travaille  
 l'Egliſe continuellement, pour enſanter  
 Chriſt en nos ames, par la predication de l'  
 Euangile) la terre s'ouure, boit l'eau du fleu  
 ue, & les entreprinſes de l'enfer viennent  
 finalement à rien. Dieu deiſſe donc Satan  
 de l'Egliſe où il vcut dominer, comme il le  
 deiſſa du ciel en l'enfer. L'enfer eſt ſon bu  
 tin, les chaiſnes d'obſcurité ſes trophées, &  
 les abyſmes de l'ire de Dieu ſon rēdez-vous,  
 & de ſes ſuppoſts. Les enfans de Dieu ſont  
 victorieux de tout cela, du monde, de la  
 chair, du peché, de l'Antechriſt, de la mort,  
 & de l'enfer: Ils en triōphēt; & ioyeux, com  
 me ayans leurs harpes en leurs mains, chan  
 tent le Cātique de Moÿſe & de l'Agneau:

Apoc. 14.  
 2. 3.

Car nôſtre Seigneur cōbat en ſon Egliſe  
 contre ces puiffances infernales, & avec luy  
 ſes Anges, les fideles miniſtres du ſalut e  
 ternel: voire quand nous n'aymons pas nos  
 vies iuſques à la mort; ains ſeillons la veri  
 té de Dieu de nôſtre ſang, pour rendre tes  
 moignage deuant le ciel, la terre & les en  
 fers, que nous croyons vn ſeul Chriſt pour

# EPISTRE.

Sauueur, seul pour nostre paix, pour nostre  
 vie, l'appoinctement & propitiation pour  
 nos pechez enuers Dieu par sa mort. Nous  
 combattons pour ceste croyance avec nostre  
 Seigneur, & par la vertu de son Esprit qui  
 nous fortifie. La gloire luy en appartient.  
 C'est luy qui est ce Michaël, le prince, qui  
 n'est seulement avec Dieu, ou comme Dieu,  
 mais qui est Dieu. C'est l'Agneau qui vain- Apo. 5. 5. 6  
 cra. C'est le Lion de Iuda qui a vaincu. C'est  
 la pierre coupee sans main, qui brise toute  
 puissance, & tous Royaumes qui luy sont con-  
 traaires. C'est la pierre sur laquelle est bastie Dan. 2. 34.  
 l'Eglise de Dieu; & les portes d'enfer ne Mat. 21. 44  
 peuuent rien à l'encôtre d'icelle pour la sur- Mat. 16. 18  
 mōter. Ceux qui combattent avec l'Agneau  
 sont victorieux du Dragon & de ses An-  
 ges; quād il se exterminēt de l'Eglise la fausse  
 doctrine, par le glaive de la parole de Dieu.

L'Antechrist (que S. Paul appellē l'hom-  
 de peché & ce fils de perdition) ne peut estre 2. Theff. 2.  
 desconfit autrement, que par ceste venue de  
 nostre Seigneur, laquelle se fait par la pre-  
 dication de l'Euangile. Et pourtant S. Paul  
 dit, que quand cest Antechrist sera reuelé,  
 que nostre Seigneur le descōfira à sa venue  
 par l'Esprit de ses leures. C'est le glaive de

## EPISTRE.

*sa bouche : C'est la parole de Dieu, par laquelle ses vrais ministres extirpent l'heresie, & combattent Satan, & le deboutent de l'Eglise qui est (comme a esté dit) le Royaume des cieux en terre.*

*Mais en cela Dieu se sert aussi de l'autorité du S. Magistrat, voire avec grand maieité & puissance : car le Magistrat a le glaive en main, & le porte à la terreur des meschans. Le Magistrat tient tout en paix, reprime l'insolence, met chacun en son deuoir, fait que le ministere est reueré, & qu'on donne audience à Dieu. Dieu a establi le Magistrat, & s'en sert à ceste fin aussi. Le Magistrat empesche que le ministere ne degenerate en tyrannie, cōme en la papauté : & pouruoit à ce que ceste belle lumiere de Dieu ne s'esteigne, ny es escoles, ny aux temples : & fait qu'elle esclaire tousiours en l'Eglise, pour empescher que l'ignorance & la fausse doctrine ne s'emparent de la chaire de verité.*

*Vous aussi, Messieurs, auez, & aurez au dernier iour vostre gloire en cela. Dieu vous a donné l'huis ouuert, pource qu'il a veu en vous quelque peu de force. Ceste force est vn don de Dieu : comment donc*



## EPISTRE.

ne luy donneroît Dieu de si beaux & glorieux effets, qu'il a fait au milieu de vous, à la memoire de vostre nom, deuant les yeux de toute l'Europe? En vous, Dieu a donné resjouissance à tous ceux qui le craignent, & aiment ceste venue bien-heureuse de nostre Seigneur, qui se fait par la predication de l'Euangile, en l'auancement de son regne, pourueu que vous cognoissiez le don de Dieu, & que vos dernieres œuures passent les premières; & pourueu que le tēps, les dangers, l'importunité des aduersaires, & leurs ruses ne rompent vostre vigilâce, vostre pieté, & vostre constâce, & n'esteignent vostre zele, & ceste belle lumiere de Dieu qui vous esclaire à present, & aussi ne trompent ceste prudēce, que par la grace de Dieu vous nous avez fait voir iusques icy.

Vous avez rendu tesmoignage à la verité de Dieu, l'avez scellée de vostre sang, & l'avez mieux aymée que vos vies. Plusieurs de vos peres ont deuant vos yeux abandonné leurs vies, & subi constammēt la mort, pour vous maintenir, & à vostre posterité, ceste grace de Dieu dās vos murailles. Vous n'avez rien que n'ayez voulu perdre, pour ne la perdre pas : Et de present la conser-

uez comme vostre plus beau thresor : C'est aussi la vie de vos ames, la paix, & la vraye ioye & prosperité de vos maisons.

Tout cela, Messieurs, me donne la hardiesse de me presenter deuant vous, & sous vos noms mettre en lumiere la Confutation des Declarations de M. Iean de Sponde, & des Arguties de Robert Belarmini Iesuïte, que de Sponde y employe, pour impugner la doctrine de nos Eglises, & fulcir celle de l'Antechrist, & les abus de l'Eglise Romaine. Car encore qu'il soit mort, le laisserons-nous declamer, faire ses inuectiues, & blasphemer contre la verité de Dieu, sans luy repliquer; comme s'il en deuoit au sepulchre mesmes triompher, & les Iesuïtes avec luy? Nous repliquons aux Iesuïtes plus qu'à luy, & pour leur fermer la bouche avec l'aide de Dieu. Car de Sponde parle apres eux, & n'a raisons que les leurs. Il n'a leu ce qu'il allegue de l'antiquité qu'en leur liures. Et cela ie le mōstre faux. Les Iesuïtes imposent à l'antiquité. Ils ont en cela abusé de Sponde & plusieurs avec luy. Qui contredira donc que cela ne doye estre rembarré, conuaincu & auéré faux, comme il est?

## EPISTRE.

Or veu que cest homme aduersaire & reuolté, a esté resseant en vostre ville, & y a eu des plus beaux honneurs, y faisant profession de la vraye Religion; mesme qu'il y sembloit des plus zelez, cōme ses premiers escrits en rendent quelque tesmoignage (si le miserable eust sceu cognoistre le don de Dieu, de reluire parmy tant de si beaux flambeaux.) C'est la cause, Messieurs, que ie ne sçauroy' à qui mieux adresser ce mien labeur, qu'à vous. Ioinct qu'il vous appartient de droict, étant conceu & enfanté chez vous, au temps de ces tristes guerres, que vostre ville m'a esté pour refuge, & à grand nombre de nos freres, auxquels benignement vous auez tendu la main & par mer & par terre. Mais vn si charitable accueil, a sa meilleure remuneration. Chacun le peut voir, & notamment en ceste faueur de Dieu, qui vous est tousiours presente. Je prie le Tout-puissant, Messieurs, qu'il vous l'accroisse & vous la continue, & à vostre posterité iusques au dernier iour du mode.

Vostre plus humble & fidele seruiteur,  
BOYSSEVL.

# ADVERTISSEMENT

AV LECTEUR.



IL se trouue quelques repetitiōs en ceste dispute, c'est que nostre aduersaire redit & amene souuent vne mesme chose, & ie le suy pied à pied pour luy satisfaire à tout: & pourtant ie mets tout son liure en ce miē labour, ou peu s'en faut: Au moins ie n'omet pas vne de ses raisons, ny de ses authoritez, à fin que le Lecteur voye & l'un & l'autre, & en iuge plus facilement. Je ne touche point à la preface, parce qu'il y a esté amplement satisfait. J'ay differé vn long tēps de mettre en lumiere ceste Responce, que j'auoy' dressé auant la mort du S<sup>r</sup>. de Sponde (comme se pourra voir en ce que ie parle à luy, comme s'il viuoit encore; ce que ie n'ay changé, pource qu'il me falloit employer le temps ailleurs:) J'ay esté contraint en fin de mettre cecy en auant, pour refrener la petulance des

aduersaires, & pour monſtrer la verité de la doctrine de nos Eglifes, & comment en noſtre croyance nous ſommes fondez ſur la parole de Dieu : ce que i'eſpere faire voir clairement, par la grace de Dieu. Au reſte, pource que ſouuēt ie mettray en auant l'autorité que l'Eueſque de Rome s'attribue, & comment il uſurpe par deſſus la parole de Dieu, & qu'on le tient pour Dieu en terre; à fin qu'on ne penſe point que i'impoſe, & qu'on m'excuse ſi ie n'ay touſiours cotté les lieux au marge, ie les mettray icy. Ie prie donc qu'on liſe *Ioannes Andreas* en la gloſe de la préface ſur les Clemētines, & ſur ce mot de *Papa*. Il l'appelle admirable, le pere des peres, qui a tout en ſa puiſſance. Qu'on liſe *Felin* ſur le Canon *Ego, de Iureiurando*; où il dit, que le Pape eſt Dieu en terre. Qu'on liſe *Speculum*, fait par Guillaume Durād en la premiere partie. *tit. de legat. S. Nunc oſtēdendum*. Là il eſt dit qu'il eſt vicaire de Dieu, & eſt plus qu'hōme; Qu'il ne peut eſtre iugé de perſonne que pour l'heréſie; Que ſa volonté ſuffit pour raiſon; Qu'il n'eſt ſubiect

# ADVERTISSEMENT.

aux loix, combien que les doye garder, qu'il peut dispēser des crimes plus grands que l'adultere; qu'il peut oster à l'un & dōner à l'autre. Qu'on lise l'Abbé Panorme *in cap. licet. de electio.* qui dit, que luy & Christ n'ont qu'un confistoire; qu'il peut presque tout faire cōme Dieu, excepté le peché. Qu'en la foy nul ne le peut iuger. *Augustinus Steuchus* sur la distinct. 46. C. *Satis.* dit, que le Pape a esté appellé Dieu, & adoré comme Dieu par Cōstantin. Qu'on lise au liure des ceremonies pontificales 1. *titul. 7.* Il est là dit, que toute puissance luy est dōnée & au ciel & en terre; qu'il domine de l'une mer à l'autre, & iusques au bout du monde. Et au C. *quoniam, de immunitate, in 6.* Là le Pape est appellé l'espoux de l'Eglise; ce qui ne conuient qu'à un seul Christ. & distinct. 40. C. *si Papa.* Il est dit, que quand il meneroit en enfer les ames par bandes, que nul ne luy doit dire que fais-tu? *Bald. in l. ult. C. sentent. rescind.* dit, que le Pape est *Deus in terris*, Dieu en terre. *Ludouicus Gomes in Reg. canc.* dit que le Pape peut faire de l'iniustice la

## ADVERTISSEMENT.

inſtice. Par le *C. debitus. de appellat.* le Pape peut diſpenſer cōtre vn Apoſtre. Et au *C. Propoſuit. de conceſſ. præben.* que ce que le Pape fait, c'eſt cōme ſi Dieu le faiſoit. Bref tous tienēt, que ce qu'il dit & qu'il fait, commāde & ordonne, c'eſt comme ſi Dieu meſme l'auoit fait. I'en laiſſe pluſieurs autres : car cecy ſuffira pour faire voir, que nous ne diſons rien de ceſte uiſſance effrenee & immense que le Pape s'attribue, qui ne ſoit vray, & porté par leurs liures. I'ay mieux aimé amener cela icy, qu'à tous propos remplir les marges de cottes, & de cela: & ſi ie ne cōté qu'en vn lieu ce que i'allegueray pluſieurs fois; ie ſupplie le lecteur me vouloir ſupporter.

Ie declare encore que le S<sup>r</sup>. de Sponde ſachant que ie reſpōdoy' à ſes declarations eſcrites à M. Loys Preſtreau Licēcié<sup>s</sup> loix, & Senefchal de Marennes, de faire que ie ſurceſſaſſe quelque peu de iours, dans leſquels il vouloit conferer avec moy, & ſi pria M. Iſſaac Preſtreau Aduocat en Parlement, de prier ſon pere d'obtenir cela de moy. Ie mets cecy à fin qu'o ſache q̄ ce n'a point eſté ſa mort qui m'a fait ſi hardy que de mettre ce labeur en lumiere, mais le deſir de maintenir la verite de Dieu.

# A L'AVTHEVR.

S. 1.

**A** Sseoir dedans l'Eglise vn Antechrist Romain,  
Et donner à Sion mille formes informes,  
Formees au patron des ombres plus difformes,  
C'est le propre & l'effect d'un fol esprit humain.

Dresser ce siege iniuste en estat souverain,  
L'asseurer contre tous d'escrits & dits enormes,  
L'Eglise deuestant de ses Chrestiennes formes,  
C'est le subiect aussi d'un impie escriuain.

Mais c'est aux Reformez d'estre informez à vie,  
Où est c'a bas la voye au vray des Saints suyue,  
Afin d'aller à Dieu par Christ sous l'esprit saint.

Et c'est à toy **BOYSSÉVIL**, en nous monstrant l'Eglise,  
De battre l'Antechrist, nous sauuant de sa prise:  
A garder son troupeau le Pasteur est astringé.

S. 2.

**S** I tu ne vois icy le langage affecté,  
Les pointtes de Seneque, & l'eimant de Plutarque,  
Ne t'estonne: Autre on voit du saint Esprit la marque,  
Il est, sans art ni fard, simple en sa verité.

Tels sont les truchemens de la Diuinité,  
Où plus que les beaux traitts la doctrine on remarque,  
Mais qui és mers du monde à le suyure s'embarque,  
Fuyant l'air de l'esprit, se paist de vanité.

De Sponde, plein de fast, d'artifice & peinture,  
Colore ses raisons, deguise sa nature,  
Dit son Apostasie estre vn saint changement.

Mais en ceste response on voit à nu de Sponde  
Errant loin de Sion, sans foy, sans iugement:  
C'est comme l'Esprit saint l'imposeur monstre au monde

A. M. D. F





L A

## CONFVTATION

*DES DECLARATIONS  
de M. Iean de Sponde, & des Arguties  
de Robert Belarmini Iesuite.*



**V**N DIEV, vne verité, Pages 23.  
24. 25. 26.  
27. 28.  
& vne Religion (a dit  
vn Ancien) & partant  
vn seul moyē de salut:  
Cela est sans contredit.  
Car qui confesse  
qu'il n'y a qu'un Dieu,  
il faut qu'il confesse  
aussi qu'il n'y a qu'une parole de Dieu, qu'un  
moyen d'auoir accez à Dieu & d'obtepir salut:  
cōme aussi il ny a qu'un seul Christ pour  
Mediateur entre Dieu & les hommes.

Mais l'Apostre au premier chap. de l'Epist.  
aux Rom. monstre comme en vn tableau, ce  
que peuuet d'eux-mesmes en fait de Religio  
les plus sages du mōde; à sçauoir, s'esuanouir  
en leurs pensees, & seruir à la creature au lieu  
de seruir au Createur. *La lumiere luit es tenebres*  
*(dit S. Iean) & les tenebres ne l'ont point com-*  
*prise.* Nostre Seigneur, Ceste lumiere est ve-

nu chez soy, en son temple, en sa maison, & les siens ne l'ont pas receu; qui cependant l'attendoyent, & l'attendēt encores en grande deuotion, sans pouuoir cognoistre qu'il soit venu. Tout cela tesmoigne, que nostre aueuglement est si grand, nostre corruption naturelle telle, qu'encore que Dieu nous monstre par sa parole la vraye Religion, & le moyen d'auoir salut: si est-ce que nous ne verrons pas clair, & ne croirons pas, s'il ne nous est donné & esclairé interieurement en nos esprits par le S. Esprit, & si par iceluy nous ne sommes conduits & menez selon la parole de Dieu, que nous auons en l'Escripture sainte.

Et aussi tout ce qui est de Dieu & de son Christ surpasse le sens humain & toute nostre capacité: Iesus Christ (dit l'Apostre) est folie aux Gentils (qui estoient tenus pour les sages du monde) & scandale aux Iuifs, qui sont appelez la gent sainte, & les premiers en l'alliance de salut, desquels nostre Seigneur est appellé la gloire. Le sens humain rebute la vraye religion, la reprouue & luy contredit. Simeon disoit de nostre Seigneur, qu'il seroit vn but auquel on contrediroit, & au 28. des Act. il est dit, que par tout on contredisoit à la doctrine de l'Euangile.

Ainsi nous voyons plusieurs, nez, baptisez, & instruits en la vraye & pure Religion, s'en retirer, & adherer à l'idolatrie. Israël auoit esté enseigné de Dieu, l'auoit ouy par-

ler, auoit ouy les commandemens de Dieu, les auoit par escrit, auoit veu tât de miracles, auoit les oracles & diuins documents ; & neantmoins laissoit la vraye Religion, faisoit contre la parole de Dieu, se polluoit en toutes idolatries, s'obstinoit contre les Prophetes, laissoit son Dieu, son roc, & son defendeur. Israël estoit l'Eglise de Dieu, & se reuoltoit, & idolatroit apres le bois & la pierre, là où les Payens demeuroyēt obstinez en leurs fausses religions, comme dit Ieremie.

Ierem. 2.

C'est donc que la vraye Religion s'altere, se perd, & ne dure pas tousiours en vn lieu, ni en vn mesme estat, ny en mesmes personnes. Les heresies naissoient & corrompoient les Eglises du tēps des Apostres, cōme il se peut recueillir de l'Epist. 1. aux Corinth. de celle aux Galat. & du 2. & 3. cha. de l'Apocal. Aussi est-il dit par esprit de prophetie, qu'aucuns en l'Eglise defaudent de la foy, & s'abuseront aux esprits d'erreur & doctrines des diables. Mais que lisons-nous du sage Roy Salomon, de Manasses, & de plusieurs Roys de Iuda & d'Israël ? Nous voyons comme ils adorerent les idoles, laisserēt le Dieu de leurs peres, la vraye Religion, & se polluèrent en plusieurs horribles superstitions, iusques à faire sacrifice (aucuns d'eux) de leurs enfans au diable. Salomon souffroit qu'on idolatrat en sa maison: luy-mesme se prosterna pour complaire à ses femmes deuant les idoles (ce que Dieu ne laissa pas impuni en sa

maison : ) cependant par le sainct Esprit il auoit escrit de si belles œuures, que l'Eglise de Dieu en receura edification à iamais : & si a esté si vain , que d'adorer autre que le vray Dieu , & contre le propre sentiment de sa propre cōscience. Qui trouuera donc estrange que le sieur de Sponde en ait autant fait ? & (qui est plus que ce qu'a fait Salomon) qu'il ait escrit contre Dieu & sa verité, qui s'en esmerueillera ? Mais s'il combat contre sa propre conscience, nous estonnerons-nous ? Quel mal y a-il où ne poussent & incitent les esprits infernaux ? Ils estoient auant leur reuolte esprits bien-heureux, & douëz de si grandes graces de Dieu. Quels-maux font-ils maintenant, non par ignorance ou infirmité, mais voyāt bien qu'ils font mal, le voulans faire, & n'en perdent aucune occasion, tousiours marris qu'ils n'en puissent faire d'auantage ?

En ces exemples-là, Dieu veut que nous-mirions, pour voir ce que nous sommes : & nous recognoistre infirmes, plains de vanité & de corruptiō, & de nature pecheurs : si Dieu ne nous soustient par sa vertu. Dieu veut qu'ainsi conuaincus de nostre corruption (sans rien presumer de nous, ou de nostre valeur & merite, deuant le iugement de Dieu) nous tenions de sa seule misericorde tout nostre salut, & la cognoissance & fermeté que nous auons d'iceluy de la clarté de son Esprit, & le tout par la grace de son

Christ. Dieu veut aussi que nous prenions la perséuerance pour tesmoignage de salut: car nostre Seigneur a dit, Que qui perseuera iusques à la fin, sera sauué. Que ce que dessus soit pour responce à tout le long discours que fait de Sponde, sur les moyens du changement de sa Religion.

C'EST maintenant qu'il nous faut mettre raison contre raison, la verité contre l'imposture, & la parole de Dieu contre toutes les raisons de nostre aduersaire, & le conuaincre par l'autorité d'icelle. Car de tous differens de Religion, le iugement en appartient à Dieu: il en est seul le iuge competent, l'homme n'y a que voir. C'est à l'homme de prendre de Dieu & d'obeir, & à Dieu d'ordonner & commander. Dieu en a ordonné, il a parlé, nous auons sa Parole, tous ses commandemens en l'Escripture sainte. Les Prophetes & Apostres ont escrit, inspirez par le saint Esprit. Dieu parle là, & là a parlé, décidé & iugé de tout ce qui est de la croyance & Religion Chrestienne & n'en veut que cela. Il n'a pas parlé à demy, il n'a pas ordonné qu'il n'ait tout dit ny enseigné, qu'il n'ait tout déclaré par les saints escrits des Prophetes & Apostres. Dieu n'a rien laissé à dire ny les saints secretaires à escrire, ny le S. Esprit à leur enseigner & dicter lors qu'ils escriuoient, comme nous le ferons paroître souvent icy dedans. C'est donc Dieu qui iugera par sa parole de ce différent, qui est entre

August. 34.  
serm. sur le  
vers. 11. du  
15. de S.  
Luc.

nous & nos aduersaires, touchant la Religion & vray seruice de Dieu.

Page 29.

La premiere raison que de Sponde met en auant qu'il a eu, ainsi qu'il dit, pour se departir de no<sup>r</sup>: c'est *qu'il cerchoit l'Eglise*. Voicy ces mots. *Et d'autant que ie m'estoy' proposé de trouuer ceste Eglise la premiere, ie la cerchay, & si bien, que considerant la pluralité de ceux qui se l'attribuent, il me sembla qu'ils ne la pouuoient auoir tous toute entiere.* Sur cela ie demande, si de Sponde a trouué en l'Eglise Romaine l'Eglise toute entiere, qu'il se soit pour cela retiré de l'Eglise reformee, pour se rendre à la Romaine? Car c'est à mon iugement ce qu'il veut dire. Si ainsi estoit, que seroyent donc les autres Eglises de l'vniuers? Ne seront-elles point Eglises? & toutes les Eglises du monde ne feront pas l'Eglise vniuerselle ou Catholique ou entiere, si elles ne sont recherches & considerees en l'Eglise Romaine comme dans leur matrice? le n'exclus pas l'Eglise Romaine de l'Eglise vniuerselle. Ie l'y recognoy en ce qu'elle est encore en l'alliance de Dieu, & en ce qu'en quelques points de sa croyance elle croit selon la parole de Dieu, & le Symbole des Apostres. Mais en ce qu'elle croit contre l'Ecriture sainte, & le Symbole des Apostres, quel droit a-elle d'estre en ce corps ecclesiastic? qu'elle se reforme de cela, encore ne sera-elle pas l'Eglise toute entiere, ou l'Eglise vniuerselle. Quoy? si toutes les autres Eglises ne sont encloses

en l'Eglise Romaine, ou incorporces en icelles comme les membres au chef, & pour suivre sa doctrine, toute telle qu'il luy plaira leur donner, elles ne seront pas Eglises ? & il n'y aura pas d'Eglise si on ne la cherche & si on ne la prend en la forme de l'Eglise de Rome ? Auant l'Eglise Romaine, & auant que Rome fut, n'y auoit-il pas d'Eglise au mode ? Dieu n'a-il pas donné sa parole par les Prophetes auât que l'Eglise Romaine fut ? Et lors qu'elle n'estoit pas encore bié nec ? Dieu n'a-il pas donné sa Parole par les Apostres aussi, pour la faire & former, ne plus ne moins que les autres Eglises de l'vniuers ? Que s'il y a eu Eglise au monde auant l'Eglise Romaine & auant Rome mesme, pourquoy ne seront pas Eglises de Dieu les Eglises de tous peuples & nations qui croient selon la parole de Dieu, encores qu'elles ne soyent pas immatriculées ou encloses en l'Eglise Romaine, comme les filles dans les flâcs de la mere ? Si ce n'est ce que de Spõde veut dire, qu'on me donne donc à entendre à cause dequoy il trouuoit l'Eglise toute entiere en l'Eglise Romaine plustost qu'en vne autre Eglise. Est-ce pour autant qu'il y a là vn Pape & des Cardinaux ? Mais auant cela il y auoit Eglise & à Rome & ailleurs. Et puis le Pape, ses Cardinaux & tout cest attirail, ne sont pas ny ne sont pas l'Eglise. Cela est plustost vne peste en l'Eglise, (cõme sera dit ailleurs.) Au reste l'Eglise Romaine est bien de l'vniuersalité,

mais nō pas l'vniuersalité ou l'Eglise vniuerselle, cōme le confesse la glose sur le canon c. *distin. 99.* Nullus. Mais venons à ce que dit de Sponde, qu'il cerchoit l'Eglise, quand il s'est departi de nous. On luy pourroit repliquer, que qui cherche ce qu'il a, n'est pas sans peine: mais biē sans iugement. *helas!* s'il luy eut fallu chercher l'Eglise, ne s'estoit-il aduisé de la chercher qu'en l'aage de quarante ans? Auoit-il vescu tant de temps sans croire qu'il fut en l'Eglise? Il auoit donc vescu sans foy, sans pieté, sans crainte de Dieu, & sans religion en son ame. (aussi en dit-on quelque chose.) Mais qui ne croira que c'est vn pretexte qu'il prend, veu qu'il estoit prisonnier quand il se reuolta, & prisonnier pour la quatriesme fois, & au plus fort de la guerre? Toutesfois soit comme il dit, voyons s'il auoit raison de chercher l'Eglise, & de se retirer d'auec nous pour la trouuer.

Pour cest effect il faut monstrier qui & quel peuple c'est qui fait l'Eglise de Dieu. Mais n'est-ce pas ce peuple sainct qui est engendré, né & conuiné à Dieu par le Baptisme, & par iceluy accepté de Dieu? N'est-ce pas ce peuple qui a l'alliance, l'adoption, qui l'accepte & s'en repute bien-heureux, qui est l'Eglise de Dieu? Je demande encore, si l'Eglise de Dieu n'est pas ce peuple qui sert à Dieu selon ses commandemens, qui croit en vn seul Dieu, & croit le Pere, le Fils, & le S. Esprit estre vn seul Dieu, qui en luy seul met toute



sa confiance, & qui croit vn seul Mediateur entre Dieu & les hommes : à ſçauoir Ieſus Chriſt noſtre Seigneur vray Dieu & vray homme, qui ſ'eſt donné à la mort en rançon pour nos pechez? Mais qui cōtredira que ce peuple qui inuoque vn ſeul Dieu, en luy ſeul cherche tout ſon ſalut, & à luy ſeul rend graces de tout le bien qu'il a, & par vn ſeul Mediateur Ieſus Chriſt noſtre Seigneur, ne ſoit Eglise de Dieu? Je dy ce peuple qui a, oit & garde la parole de Dieu, a en horreur & execration toutes hereſies, qui ne croit que ſelon la parole de Dieu & le Symbole des Apoſtles, & ſelon les Symboles receus en l'Eglise vniuerſelle, & qui a les Sacremens en la meſme forme que noſtre Seigneur les a ordonnez, & les préd à la meſme fin qu'il les a inſtituez : à ſçauoir, pour gages du ſalut eternal ſ'en aſſeure & en rend graces à Dieu. Quoy, ce peuple n'eſt pas Eglise de Dieu? Or nous auons tout cela, car nous ſommes en l'alliance Dieu, nous l'acceptons : nous-nous en tenons bien-heureux, & en rendons graces à Dieu. Nous auons les oracles de Dieu, qui ſont contenus és ſacrez eſcrits des ſaincts Prophetes & Apoſtles, les croyons & receuons pour ſeule parole de Dieu. Nous auons & receuons les ſaincts Sacremens, les celebrons en la meſme forme que noſtre Seigneur les a ordonnez, & à meſme fin: nous y exerçons noſtre foy, l'y fortifions, & les prenons pour gages de ſalut. Les promeſſes de

Dieu nous sont expliquees, nous y acquies-  
sons, les acceptons, rendons graces à Dieu, &  
croyons que Dieu nous reçoit & accepte  
pour siens. Nous croyons selon la parole de  
Dieu & le Symbole des Apostres. Nous  
prions vn seul Dieu & par vn seul Mediateur  
comme nous enseigne la parole de Dieu.  
Nous seruons à Dieu continuellement selon  
ses commandemēs, & non autrement. Nous  
chantons loüanges à la seule bonté de Dieu:  
& donnons loüanges & gloire à vn seul Dieu  
de tout nostre salut (cōme iadis l'Eglise d'Is-  
raël.) Nous-nous asseurons d'auoir paix &  
reconciliation enuers Dieu, & d'auoir la re-  
mission de nos pechez, & la vie eternelle, par  
le benefice de la mort & passion de nostre  
Seigneur: qu'empesche donc que nous ne  
soyons Eglise de Dieu? car c'est sans con-  
tredit, que le peuple qui a tout cela, est Eglise  
de Dieu. Or nous auons tout cela, nous som-  
mes donc Eglise de Dieu, encore que nous  
ne croyons pas tout ce que croit l'Eglise Ro-  
maine, faussement pretendue Catholique. Car  
elle n'est pas la regle de la foy, mais la parole  
de Dieu, d'où est tiré cest abregé de nostre  
croyāce, le Symbole des Apostres: croyons-  
nous rien que cela, ny rien contre cela, & qui  
n'y conuienne? Reprochez-le nous: il conste  
donc que nous sommes Eglise de Dieu. L'E-  
glise est là où est la foy, dit saint Hieros. sur  
le Pseau. 133. Nous auons la foy, nous som-  
mes dōc Eglise de Dieu. Or de Sponde estoit

avec nous, il estoit donc en l'Eglise, & neantmoins il dit qu'il la cherchoit. N'estoit-il pas en l'alliance de Dieu? Car estoit-il né de Turcs? n'estoit-il pas né de parens fideles? Mais s'il n'auoit pas receu ce qu'il appelle le caractere de Chrestienté, le S. Baptême, qui est le seau de la iustice de la foy, & le seau donné à l'Eglise pour marquer les enfans de Dieu, ceux qui sont en son alliance & de son Eglise: Comment cherchoit-il donc l'Eglise, veu qu'il auoit receu le caractere d'y estre, & y estoit indubitablement?

Tous ceux qui sont de ce corps de peuple qui est en l'alliance de Dieu, & pour tesmoignage de cela ont le Baptême, sont en l'Eglise de Dieu:

Or de Sponde estoit en ce corps de peuple qui est en l'alliance de Dieu, & pour tesmoignage de cela auoit receu le Baptême,

De Sponde estoit donc en l'Eglise.

Ce que ie monstreyeray encore plus clairement par cest exemple. La Circoncision estoit vn Sacremēt à Israël, qui testifioit qu'Israël estoit né & engendré à Dieu, qu'il naissoit & engendroit à Dieu & en son Eglise: & pourtant ce signe luy estoit donné en ceste partie-là. Le Baptême a succédé à la Circoncision, & nous en signifie autant. Le Baptême donc testifioit à de Sponde, qu'il estoit en l'Eglise: & cependant il la cherche (dit-il) & estonné comme vn aueugle qui a perdu son baston, ainsi qu'il semble à louer parler.

Si on replique qu'il n'y a qu'une Eglise, & qu'il en voyoit deux, à sçauoir l'Eglise de Rome, qu'on appelle Romaine, & l'Eglise Reformee, & qu'il cherchoit, laquelle des deux estoit l'Eglise de Dieu, parce qu'il s'imaginait, que toutes deux ne pouuoient estre Eglise de Dieu. Je respons que toutes les Eglises de l'vniuers ne font qu'une Eglise, que nous appellons l'Eglise Catholique, c'est à dire, vniuerselle : & partant que l'Eglise Romaine & l'Eglise Reformee peuuent estre Eglises de Dieu. Mais qu'on me face entendre pourquoy non, aussi bien que Iuda & Israël, & que l'Eglise des Sacrificateurs & celle des Apostres, lors qu'ils commencerent à prescher l'Euāgile? Car l'Eglise Romaine est Eglise de Dieu, & l'Eglise Reformee aussi: mais l'Eglise Romaine est Eglise impure idolatre & adulateur. Si donc de Sponde eust cherché l'Eglise la plus pure pour s'y ioindre, & à fin de se retirer de l'erreur & de toute idolatrie pour estre sauué, il auroit eu raison: Car tout ce qui est au corps visible de l'Eglise, n'est pas sauué: ains seulement ceux qui craignent Dieu, & se retirent du mal. Or l'Eglise la plus pure luy estoit aisee à trouuer par la grace de Dieu. Mais quoy? il y estoit (comme a esté dit) estant avec nous: où vn seul Dieu est inuouqué, le salut creu, accepté & bien cognu estre de Dieu & de son Christ, où sa parole est seule pour regle de foy, où tout ce qui est contraire à l'Esriture S. est

reietté, & où on ne croit ( pour le dire en vn mot ) que selon l'Eſcriture ſaincte & ſelon le Symbole des Apoſtres. C'eſt là où eſt l'Egliſe de Dieu toute pure, & où il en eſt autrement (comme en l'Egliſe Romaine) l'Egliſe eſt fauſſe, impure, & corrompue: Car l'Egliſe, où autre que Dieu eſt adoré, eſt Eglife idolatre, & adultere, quelque ſucceſſion, vniuerſalité, multitude & antiquité qu'on pretende, & ſ'en faut retirer pour eſtre ſauué, car les idolatres n'heriteront point le Royaume des cieux.

1. Corinth.

Apoſt. 21.

15. & 9. 20.

Ce qui a fait penſer à de Sponde que nous ne ſommes pas Eglife de Dieu: *C'eſt la contrariété* (dit-il) *qui eſt parmi nous en la Religion:* comme (dit-il) *entre M. Luther, Zuingle, & Calvin.* C'eſt Belarmini & les autres Ieſuites qui luy ont enſeigné cecy. N'eſt-il pas bien fondé? vne petite controuerſe entre nous, & eſt-ce à dire que nous ne ſoyons pas Eglife de Dieu? Qu'eult-il dit, ſ'il eult eſté du temps des Apoſtres, & ſ'il eult veu aucuns preſcher Ieſus Chriſt & n'eſtre pas à vn avec les autres Apoſtres: & ſ'il eult veu les vns preſcher Chriſt ſans les ceremonies de Moyſe, & les autres preſcher Chriſt, la Circoncifion, Moyſe & l'Euangile tout enſemble? Les vns vilipender ſainct Paul, & ſainct Paul & les autres Apoſtres tenir ceux-là pour faux Apoſtres, qu'eult-il dit de cela? & quand il eult veu quelqu'un des Apoſtres preſcher aux Gentils, les autres Apoſtres ſ'en ſcandalifer,

& faire rēdre raison de cela à S. Pierre, qu'en eust-il dit ? mais de voir sainct Paul resister à S. Pierre en face, S. Paul & Barnabas ne se pouuoir accorder, l'Eglise mesme ne les pouuoir mettre d'accord, & tirer l'un d'un costé, l'autre de l'autre ? Et qu'eust-il dit, s'il eust veu Cerinthe du temps de sainct Iean, Simon le magicien, les Nicolaites, & tant d'autres heretiques resister aux Apostres, & se dire de l'Eglise, & y mesler diuersité de fausse doctrine ? il fust demeuré en son Paganisme. Que pense-il, trouuer l'Eglise calme ? elle ne l'a iamais esté, nō pas du temps de Salomon : car lors les vns adoroient en Gabaa, & auoyent encores les hauts lieux, & le serpent d'airain. Les Prophetes approuuoient-ils cela ? Salomon mesmes idolatra en Israël. Du temps de nostre Seigneur, quel a esté l'estat de l'Eglise ? Cependant si estoit-il le maistre, le Dieu fort, & le Seigneur, & neantmoins combien de contradictions ? Il est entré en son temple avec le fouët, a chassé, ietté dehors les chāgeurs, mis par terre les tables, & par deux fois l'a repurgé. Si est-ce que les Prestres & les autres se sont tousiours obstinez en leurs erreurs & abus, luy ont contredit, demandé qui luy auoit donné ceste autorité, & qu'il fist donc quelque miracle pour preuue de son autorité, & ont cherché à le faire mourir. Les Scribes & Pharisiens (qui sont appelez les edifiens) ont reietté Iesus Christ. Si lors nostre aduersaire eust

esté president de la Iudee, comme Ponce Pilate, ou bien capitaine Romain en la garnison, il se fut ri en tous ces differens, & se fut pleu en son Paganisme, & aux legendes dorees de leurs dieux, & mesme d'un Iupiter par tout l'univers adoré sans contredit entre les Payens, pour le seul vray & grand Dieu. Eust-il iugé qu'il y eut eglise en Ierusalé, veu tant de contradictions? mais puis qu'il veut vne Eglise sans discord, & toute vnue en vne opinion, pourquoy va-il en l'Eglise Romaine, où tout n'est que contrariété? cōme nous verrons en son lieu (Dieu aidant) & mesme sur la fin, & touchant ce poinct de la sainte Cene. Cherche-il l'Eglise sans tache? Qu'il entre donc au ciel, & non en l'Eglise Romaine. Quel accord entre les prestres & les moines autresfois? & maintenant entre les moines & les Iesuites? entre les Papes mesmes? mais entre les docteurs Scholastiques? Ne se sont pas les Papes entretuez, deterréz, excommuniez, declarez damnez? Il n'y auoit pas donc d'Eglise. En quoy s'accordent-ils au iourd'huy qu'à manger le crucifix, à dire la Messe, (encor ne s'accordent-ils pas en ce poinct) & à crier contre Calvin? Si de Sponde cerchoit l'Eglise là où est l'accord, il ne l'a pas trouuee en la papauté: mais là il se trouue bien à son aise, car il est à l'abri des images, & y void faire parfuns & sacrifices, estendre les mains à autre qu'à vn seul Dieu, tomber à genoux deuant les autels & les bai-



fer. C'est là son asyle, de peur que la Ligue ne le face prisonnier de cinq fois. Et son pre-  
 texte, c'est qu'il n'y a pas Eglise de nostre  
 costé, veu le different qui est entre nous tou-  
 chant le poinct de la Cene. Mais au moins  
 nous-nous accordōs tous en ceci, voire vous-  
 mesmes avec nous, que nous participons  
 tous à Iesus Christ, mangeons sa chair, &  
 beuons son sang. La difference est, que vous  
 dites que le pain est fait chair, & le vin sang,  
 & que vous le mangez avec les dents, non  
 pas le pain, mais nostre Seigneur sans pain:  
 & le Lutherien dit, que le pain est pain, & le  
 vin, vin, mais qu'on y mange de la bouche  
 nostre Seigneur, non sans pain comme vous,  
 mais avec le pain. Et nous (que vous appel-  
 lez Caluinistes) disons, que nous mangeons  
 la chair de nostre Seigneur, & beuons son  
 sang, non de la bouche & des dents, mais de  
 la bouche de l'ame par foy, & veritablement.  
 C'est dit S. Cyprien *Cibus mentis non ventris*:  
 c'est à dire, viande non du ventre, mais de  
 l'ame. Car c'est spirituellement & par le S.  
 Esprit, que nous participons à la substance  
 de nostre Seigneur, de sa chair glorieuse,  
 comme les membres à celle du chef, le ser-  
 ment à celle du sep, & l'ente à celle de la  
 fouché: puis que par le saint Esprit nous  
 sommes faits chair de sa chair, viuons en luy  
 & luy en nous, sommes entez en luy, & faits  
 vn avec luy. Et quant aux Suisses que vous  
 appelez Zuingliens, ils croyent aussi qu'à la  
 Cene

Serm. de  
 Chrismate.



Cene ils ont communion avec Iesus Christ par le S. Esprit, & qu'ils sont faits chair de sa chair : ils prennent le pain & le vin pour gages sacrez de ceste sainte communion comme nous. Et en la chose ils s'accordent avec nous : ils n'admettent pas la consubstantiation de Luther, non plus que vous, ny non plus que nous, qui voulós garder, & qui gardons & desirons autant que nous est possible la paix avec eux, & avec tous. Nous sommes tous d'accord au reste, & mesme contre vostre transsubstántiation. De Spõde amene souuent ce different, & en fait son plus fort argument. N'a-il pas raison de dire, qu'à cause de cela, il ne nous recognoist pas pour Eglise de Dieu? Mais n'en pouuons-nous pas plus dire d'eux? En quel poinct de leur Papauté s'accordent-ils? Les Scholastiques tiennent, que le Concile est plus que le Pape : & les Canonistes, que le Pape est plus que le Concile. Les Conciles s'affuiettissent le Pape, & les Papes s'affuiettissent les Conciles. Les vns tiennent que le Purgatoire est dedans le feu, les autres en l'eau, les autres en des liëts bien garnis, & que les ames de ceux pour qui on ne fait point d'office y mendent. Les vns tiennent, qu'en disant des Messes on tire de Purgatoire, & cependant disent qu'on dit des Messes en Purgatoire: les vns que les enfans morts sans baptesme, n'entrent en la vie eternelle: les autres qu'ils sont sauuez en la foy de leurs parens : les vns qu'il faut adorer

En la legē-  
de 185. de  
Lombard.  
En la legē-  
de de tous  
les Saiuēt  
157.  
Legende  
de Lom-  
bard. 49.

les images (comme tous les Eueſques du 2.<sup>e</sup> cōcile de Nicee) les autres que non. Les vns que les Saincts voyent nos maux, les autres que les Anges le leur rapportent, & les ſollicitent d'aller prier & poſtuler pour ceux qui leur font des offrandes, & de telles choſes leurs Docteurs ne ſont pas d'accord, & ne ſçauent qu'en aſſeurer. Qu'ils s'accordent deuant que de parler des contrarietez qui ſont entre nous. En quoy diſcordons-nous en nos confeſſions de foy? Nous-nous accordons tous en cela, que le ſalut eſt de Dieu, & de l'Agneau. Si de Sponde s'eſt departi de nous pour contrarietez qu'il y ait veu, comment s'eſt-il ioinct à l'Egliſe Romaine, où il n'y a que contrarietez? Ils ont le ſalut tantost par le Bapteſme, tãtoſt par l'eau beniſte, tantost par la Meſſe, tãtoſt par la confeſſion, tantost par vn pelerinage, tantost par gagner les pardons, tantost par ieunes. Ie demande ſont-ils ſages? Nous tous en toutes nos Egliſes, ne nous accordons-nous pas aux poincts fondamentaux de noſtre ſalut, & en ce qui eſt le principal, à ſçauoir, que le ſalut eſt de Dieu & de l'Agneau?

Page 30.

Après auoir dit, qu'il s'eſt departi de nous pour les contrarietez qu'il y a veu, il demande où eſt donc l'Egliſe? & quant & quant ſe reſpond luy-meſme, que ceux qui ſont en France & à Geneue portans tiltre de reformez, diſent que c'eſt eux qui ſont ceſte Egliſe, qu'il l'a auſſi creu. Parce qu'il n'y oyoit parler que de l'Eſcriture, de la foy, de

*la pure doctrine, de l'honneur de Dieu, de l'idolatrie & des superstitions, & des contradictions des hommes.* Je respon, qu'il estoit lors bien fondé, que sa croyance estoit bonne, & qu'il prenoit l'Eglise par ses vrayes marques, comme nous auons monstté cy dessus. Mais deuant que passer outre, il faut monstter en quoy il est trompé, c'est qu'il conditione le different, comme si eux & nous disputions, qui de nous & d'eux est l'Eglise. Car n'y a-il point d'autres Eglises sous le ciel que l'Eglise Romaine, & l'Eglise de Geneue, & les Eglises reformees de France? Nous disons donc que l'Eglise de Geneue est membre de l'Eglise vniuerselle, & Eglise de Dieu, & les Eglises de France aussi: mais nous ne baillons pas à elles seules le titre d'Eglise vniuerselle, nous n'en excluons pas les autres Eglises, & tant de Royaumes reformez, & non reformez, qui sont sous les cieux: nous n'en excluons pas l'Eglise Romaine mesme, laquelle nous croyons membre de l'Eglise vniuerselle, & non Eglise Catholique: ains membre mal sain, & tout corrompu, que nous auons horreur de son horreur. Pour cela nous nous en sommes retirez, pour ne participer à ses pechez, & à ses playes. C'est le commandement de Dieu, Exod. 20. 3. 1. Gorinth. 6. 7. Apoc. 14. & 18.

Il nous fait apres vne question, tiree aussi de Belarmini *assauoir, en vertu dequoy nous croyons que le pur seruice de Dieu est en nos Eglis-*

Page 31.

*ses, ou l'idolatrie entre les catholiques Romains?*  
Deuant que nous respondions à cela, il veut que nous cōceuiions biē son dire. N'ya-il pas dequoy? il se fait la responce luy-mesme, telle qu'il luy plaist, & apres la combat. Ne merite-il pas de triompher, pour auoir escrimé contre son ombre si vaillammēt? mais, n'est-ce pas le meilleur, qu'il forme sa responce (dit-il) au nom de ceux qui en sauēt le moins d'entre nous, & la fait manque, à fin de se faire vne chimere pour la combattre apres? *Car sa responce est, que nous auons appris des l'enfance en nos Eglises, que le vray seruice de Dieu est entre nous, & l'idolatrie en l'Eglise Romaine.* Or nous disons plus que cela, assauoir que nous l'auōs ainsi appris par la parole de Dieu. Nos enfans sont instruits dès qu'ils sauent parler, & instruits par la parole de Dieu, & le recognoissent selon leur aage, & la grace de Dieu nous y apparoiſt: & ainsi cela est vray que nous auons appris en nos Eglises, & plusieurs dès l'enfance, que la vraye Religion est de nostre costé, & qu'en la Papauté est l'idolatrie. Nous l'auons appris ainsi par l'ouïe de la parole de Dieu, par la lecture d'icelle, par nos catechismes, & maintenant nous en sommes asseurez, cela nous est clair, nous ne nous y trompons pas. Il dira qu'il parloit au nom de ceux d'entre nous qui en sauēt le moins, & que ie respons au nom de ceux qui en sauent le plus. Je luy responds, que ie parle selon l'institution qui

se fait en nos Eglises, & selon ceste grace de Dieu qui esclaire en la pluspart, si tous n'en fauent l'un autant que l'autre, hélas ! pense-il qu'en l'Eglise de Dieu tous soyent d'une mesme classe ? tous aussi auancez les uns que les autres ? le peuple autant que les Pasteurs & autant les Pasteurs que les Docteurs ? Pourquoy a Dieu establi & ordonné le ministère & la prophetie en l'Eglise, que pour tousiours s'auancer ? mais en y a-il de si grossiers que ce nous est honte ? quel remede ? tous ne profitent pas de mesme, les dons de Dieu sont diuers : tous ne sont pas Prophetes, la capacité vient avec le temps. Il faut attendre & apprédre tousiours en la maison de Dieu : y scait-on tout du premier iour ? Nostre Seigneur n'a-il pas dit à ses Apostres : Et vous, estes-vous encores sans sens ? Au reste sa responce ne luy semble pas bonne aussi : il l'auoit faite pour la combattre & triompher de nous, ou plustost de son ombre. D'auantage il se vouloit faire voye à un autre argument contre nous : asçauoir, que si ceux qui dès l'enfance sont instruits en nos Eglises, ne se veulent pas departir de leur instruction, ains la trouuent bonne, & croient veritable : *Que ceux qui ont esté instruits dès leur enfance en l'Eglise Romaine ne s'en deuoyent donc pas departir pour saper, dit-il, la foy des Catholiques.* Nous respondons que ce n'est pas de mesme. Car l'instruction de l'Eglise Romaine est fausse, & s'en faut retirer. Nous le faisons



voir clair comme le iour, & que l'institution de nos Eglises est bonne & selon l'Escripture sainte, & partant qu'il s'y faut tenir, & ce ne sera pas saper la foy des Catholiques, mais la remettre & establir en sa pureté. Est-ce mal fait de nous retirer de l'erreur pour suynre la verité? Nous donc (tant ceux qui ont esté instruits en l'Eglise Romaine & s'en sont departis, que ceux qui dès leur enfance ont esté instruits en nos Eglises) voyons que le vray seruice de Dieu est en nos Eglises reformees, & qu'il y a de l'idolatrie en l'Eglise Romaine: Partant que nous sommes Eglise de Dieu sans idolatrie, & l'Eglise Romaine, non. De Sponde se deffiant de sa responce, en bastit vn autre, à sçauoir *Que nous disons que nostre Eglise est cōforme à la doctrine de Iesus Christ & des Apostres, & la leur non:* & ceste responce ne luy plaist nō plus. La raison, c'est que nous faisons vn grand fault en arriere, à sçauoir, de faire tressaut de l'Eglise Romaine iusques au temps des Apostres, & la ramener encores à eux & à leur doctrine. Mais quoy? ne le faut-il pas? les anciens Docteurs l'ont fait. Policarpe (dit Eusebe) s'il voyoit introduire en l'Eglise quelque chose de nouveau, que les Apostres n'eussent fait ou escrit, s'escrroit, O temps! ô siecle! Et S. Ambroise sur le chap. 9. de S. Luc dit, qu'il se faut retirer de l'Eglise, qui ne suit la doctrine des Apostres. L'Eglise est fondee sur la doctrine des Prophetes & des Apostres dit S. Paul, Ephes. 2. Les

Eusebe.

Apostres disoyēt, Il a semblé bon au S. Esprit & à nous. Ils ont à cest effect receu le saint Esprit, pour endoctriner l'Eglise en toute vérité. Il fait mal à nos aduersaires de reigler l'Eglise à la doctrine des Apostres. *C'est trop sauter en arriere* (dit de Sponde) le Pape est plus pres. C'est à luy & à sa doctrine qu'ils veulent reigler l'Eglise : car là ils trouueront le purgatoire, le cœlibat, l'adoration des saints, les images, & le reste de la Papauté. Ce qu'ils ne sauroyēt prouuer par la doctrine des Apostres. Et pource que nous les voulons ramener à l'Euangile, à la foy & croyance des Apostres, de Sponde n'a point de honte de dire, que cela luy est estrange, que nous les voulôs faire sauter en arriere. Nous sommes (dit de Sponde) *quinze cens ans ou environ apres le temps des Apostres, & vous nous rappelez a leurs principes : comme si leur doctrine eust esté esteinte, & vous l'eussiez seulement allumee de nouveau.* Nous respondons, que nous tenons la doctrine de salut des Apostres, Galat. 1. qu'il n'est loisible d'en ouir d'autre en l'Eglise contraire à ceste-là, non pas fut-elle annoncée par vn Ange du ciel : & disons que la doctrine de salut a esté corrompue en l'Eglise Romaine en beaucoup de poincts, & que du temps des Apostres mesmes Satan iettoit son yuroye au champ du Seigneur. Quoy ? trouueront-ils cela estrange ny impossible ? Nous disons dōc qu'il faut reuenir aux principes des Apostres, à l'Euangile, aux articles

du Symbole des Apostres, & reigler là l'Eglise, & la reformer selon cela. Leur faisons-nous tort ? S'ils n'ont point erré, pourquoy fuyent-ils cela ? mais pourquoy leur fait cela mal & le fuyent ils, sinon pource qu'ils fauent bien qu'ils errent, & ne veulent pas estre corrigez ? Il conște assez par là, que nous-nous arrestons à la parole de Dieu, & voulons estre reiglez par icelle & eux non. Car ils appellent cela *Ramener l'Eglise au berceau*, & cōme si depuis le tēps des Apostres elle n'auoit riē appris de nouueau pour le pouuoir enseigner. Mais S. Paul ne dit pas que de son temps l'Eglise fust au berceau, ainsi il dit qu'elle estoit à sa plus haute classe: car il dit qu'elle estoit à l'aage dernier, pour dire qu'elle n'auoit besoin de luy rien plus enseigner, à sçauoir que ce qu'elle auoit és escrits des Prophetes & Apostres. C'est là dessus qu'elle est fondee. Et au 1. chap. de l'Epistre aux Galatiens il dit, qu'il ne faut pas que maintenant elle apprenne aucune doctrine que celle de l'Euāgile, non pas mesmes d'un Ange ou d'un Apostre. hélas ! que sauroit-elle apprendre de meilleur, que ce que nostre Seigneur a enseigné à ses Apostres, que ce qu'ils ont enseigné, & que le S. Esprit leur a suggeré ? C'est toute verité. Auez-vous vne autre doctrine qui vous semble plus profonde ? C'est donc la doctrine de Iesabel, que nostre Seigneur appelle les profondeurs de Satan, Apoc. 3. Là nostre Seigneur dit à l'Eglise, Je ne te don-

1. Cor. 10.

11. 15.

Mala. 4. 2.

Mat. 13. 12

Apoc. 2. 24.

1. Tim. 4. 1.

Heb. 1. 1.

Ephes. 2. 20

Apo. 3.



neray point autre charge, tiens ferme ce que tu as iufques à ce que ie vienne. Or ce qu'il difoit à l'Eglife de Thiatyre, il le difoit à l'Eglife Romaine, & à toutes les autres Eglifes: & partât il dit à la fin de l'epiftre. *Qui a oreille* Apoc. 2. & 3.  
*oye ce que l'Efprit dit aux Eglifes.*

Au refte nous ne difôs pas que la doctrine des Apoftres ait efté du tout eftainte en l'Eglife Romaine, elle ne feroit plus Eglife. Dieu a eu tousiours mefmes en l'Eglife Romaine quelque tefmoins fideles de fa verité, & fa verité n'y a pas du tout efté eftouffee. Dieu a fuffité quelques vns qui ont remonftré les abus, prefché Iefus Christ, refifté au Pape, & qui a monftré, voire mefme prefché deuant luy qu'il eftoit l'Antechrift, & cefte Paillarde dôt il eft parlé Apoc. 17. Nous n'auons pas donc allumé de nouveau la doctrine de falut. Si Dieu l'a fait reflendir plus clairement de nostre temps, louée foit fa bonté, qui a donné la lumiere au milieu des tenebres, & le beau iour en vne nuit obscure, ou du moins en vn temps tel qu'il n'eftoit ny iour ny nuit: & où s'il y auoit quelque petit lumignon, allant, venant, & traufferant les tenebres de cefte nuit obscure. C'eftoit comme il eft dit d'Ifraël eftant en Egypte, Gen. 15.

Froiffart  
liur. 1. cha.  
211.  
liur. 3. cha.  
24.

Après cela de Sponde dit, *Vous arreftez-vous là? font-ce là les bornes de vofre doctrine, & de vos Docteurs? Quand les Apoftres, (dit-il après) font decedez qu'eft deuenue l'Eglife laquelle ces faints fondemens ont fondée? Quoy? où*

nous arresterons-nous donc, & où mettrons-nous nos bornes, qu'en la doctrine du fils de Dieu & de ses Apostres? N'ont-ils pas eu la charge de nous enseigner? n'ont-ils pas pour cest effect escrit? si les Apostres sont morts, leur doctrine n'est pas morte: nous auons leurs escrits, le formulaire de leur croyance, & le suyuōs: vous l'auiez, & ne le suyuez pas, vous le reiettez. *Mais*, dit de Sponde, *en estes-vous là?* Je demande, à quoy donc, au Pape?

Heb. 2. Nostre Seigneur est appelé l'Apostre de nostre confession. Dieu a dit, escoutez-le. Les

Mat. 17. Apostres ont esté enseignez par le S. Esprit,  
Iean 16. & par iceluy conduits en toute verité, pour nous enseigner tout nostre salut. L'Eglise doit estre conduite par leur doctrine. *Vous*

*serez assis sur douze sieges* (dit nostre Seigneur) *ingéans les douze lignees d'Israel; en ceste regeneration & regne du Fils de Dieu*, comme disoit nostre Seigneur. Car cōbien que tous n'ayēt escrit, nous auons la doctrine de tous aux

1. Cor. 3. saincts escrits de ceux qui ont escrit. Les Apostres ont edifié l'Eglise sur Iesus Christ, pour chercher salut en luy seul, cōme luy seul

1. Cor. 1. nous est fait iustice, sagesse, sanctification & redemption. Mais c'est icy le mal, que l'Eglise ne s'est pas en tout & par tout tenue à la doctrine des Apostres: ains de leur temps mesmes, se sont esleuez plusieurs heretiques en l'Eglise, elle commença d'errer, & non en tous ses membres, ny en tous les poincts de la Religio Chrestienne (cela ne se fait jamais,

autrement l'Eglise ne seroit plus Eglise) mais  
 en plusieurs de ses membres, & en plusieurs  
 points de la doctrine du Fils de Dieu. Nostre  
 Seigneur escriuât aux Eglises d'Asie, les a re- <sup>1. Cor. 4.</sup>  
 prinſes : & a eſte predict par le S. Eſprit qu'en <sup>12.3.</sup>  
 l'Eglise du nouueau Testament, pluſieurs de-  
 faudroyent de la foy, & s'amuseroyent aux  
 eſpris d'erreur & doctrine des diables, en la  
 deſſence du mariage, & en l'abſtinance des  
 viandes. Ainſi voyons-nous que l'Eglise Ro-  
 maine a erré, le moyen de la remettre, n'eſt-  
 ce pas de la ramener à la parole de Dieu, &  
 aux eſcrits des Prophetes & Apoſtres? Il ap-  
 pelle les Apoſtres fondemens: s'ils ſont tous  
 fondemens, ſainct Pierre ne l'eſt pas ſeul,  
 comme il dit cy apres: Ieſus Chriſt fonde  
 l'Eglise, cela ne conuient proprement qu'à  
 luy ſeul. S. Paul s'appelle maïſtre maſſon ou <sup>1. Cor. 11.</sup>  
 architecte, & appelle Ieſus Chriſt fonde-  
 mēt de l'Eglise, & dit que nul n'en peut poſer  
 d'autre. Il eſt vray qu'en l'Apocalypſe il eſt <sup>Apoc. 21.</sup>  
 parlé de douze fondemens, où eſtoient les  
 noms des douze Apoſtres: Parce que tous  
 douze auoyent poſé cà & là (& chacun où il  
 eſtoit) Ieſus Chriſt pour leur fondemēt: Car  
 ils ne ſont appelez fondemens de l'Eglise,  
 qu'à cauſe de leur doctrine, ſur laquelle l'E-  
 glife eſt fondee, & leur doctrine c'eſt le ſalut  
 en vn ſeul Ieſus Chriſt. De Sponde ne veut  
 pas que l'Eglise ſoit reiglee par l'Eſcriture  
 ſaincte, ains par elle meſme: pourtant il dit,  
*Qu'eſt deuenue ceſte Eglise?* Et apres il de-

mande, *Qui a recueilli & cōserué ceste doctrine? & qui vous a fait mesme croire & cognoistre qu'il y eust un Iesus Christ & des Apostres? Si vous l'auiez creu de vous-mesmes, pourquoy le Turc & les Payens ne le croiront-ils point? Si c'est par la grace de Dieu, auparauant que vous l'eussiez, n'esties-vous pas Chrestiens?* Nous respondons que l'Eglise s'est corrompue, & ne s'est pas maintenue en la vraye pieté, & partant qu'il faut reigler l'Eglise, non à l'Eglise, mais à la parole de Dieu, qui est la reigle de verité: & disons que nous sauons bien que la Bible a esté cōseruee aussi en l'Eglise Romaine, & le Symbole des Apostres, & qu'il y a tousiours eu qui a presché Iesus Christ, mais la plus part fort obscurément: ie dy durant ces tenebres. Dieu a esclarci les siens par son Esprit en la cognoissance de leur salut, & leur a donné de croire, & à nous aussi, & de voir, selon la verité de sa parole: Dieu a eu pitié de son peuple, & a gardé & maintenu la doctrine de salut, & empesché qu'elle ne fust du tout esteinte. Mais si la Bible a esté gardée chez le Pape, & chez les Euesques, n'a-elle pas esté gardée ailleurs? Ils font contre ce qui est escrit en icelle, & voudroyent partie d'eux, qu'il n'y eut ny vieil ny nouueau Testament: mais pour l'auoir gardée, ont-ils autorité sur elle, pour y changer, diminuer, la raualer, luy oster, luy donner sa valeur, & qu'elle ne soit creüe & suyuiue qu'autāt qu'ils voudront? C'est Dieu qui y parle, le feront-

ils taire? Il ne sera ouy qu'en ce & autant qu'ils voudront? Luy sont-ils subiects, ou quoy? ils ne peuuent rien contre la parole de Dieu, qu'ils ne puissent contre Dieu, & n'ayent autorité par dessus luy. Sont-ils plus que S. Paul qui dit, Nous ne pouuons 2. Cor. 13. 8 rien contre la verité. Au reste ceste doctrine a esté cōseruee en d'autres Eglises, & mieux, & plus purement qu'en l'Eglise Romaine, & ne fut-ce qu'és Eglises de Grece. Et quand Rome n'eust pas esté, ou qu'il n'y eust pas eu d'Eglise à Rome, la doctrine de salut ne se fust pas pourtāt perdue. Nos ancestres l'ont recueillie, & la nous ont gardee. C'est ici que de Sponde nous fait encores plusieurs questions. *Il nous demande, qui mesmes nous a fait croire & cognoistre qu'il y eust vn Iesus Christ & des Apostres.* Quoy? que pense-il? que ce soyent les Papes, ou que nous le croyons pource qu'ils l'ont dit. C'est Dieu qui nous fait croire qu'il y a vn Iesus Christ, & qu'il est seul nostre Sauueur, qu'il a enuoyé ses Apostres pour prescher l'Euangile, planter les Eglises, & les instituer en la doctrine de leur salut. Cela est escrit en l'Euangile, mais le S. Esprit nous fait cognoistre, & nous afferme que cela est vray. Nous ne nions pas, que nous ne croyons aussi, pource que nous l'auons appris de nos parens, mais cela & rien c'est tout vn, si nous ne sommes persuadez par le S. Esprit à nostre salut. *Pourquoy demande-il apres si nous le croyons de nous-mesmes,*

Mat. 16.  
Iean 6.  
1. Cor. 13.

Esa. 53.1.

*pourquoy le Turc ne le croit aussi. Ne scait-il pas que nous tenons que la foy est vn don de Dieu? nous ne croyons donc pas de nous-mesmes, cela est don de Dieu: La chair & le sang (dit le Seigneur à S. Pierre) ne t'ont pas reuele ces choses, mais mon Pere qui est es cieux. Si nous croiõs de nous-mesmes, le Turc pourroit aussi bien croire que nous. Mais pourquoy ne croit-il comme nous, sinon que le bras du Seigneur ne luy est pas reuelé? Si (dit-il) nous croyons par la grace de Dieu, qu'il y a vn Iesus Christ, auparauant que nous eussions ceste grace de Dieu, n'estions-nous pas Chrestiens? Je vous prie, n'est-ce pas vne feriale question? mais que veut-il dire, sinon que le Pape nous a fait Chrestiens, & que nous ne tenons le Christianisme que de l'Eglise Romaine? C'est Dieu qui nous a fait Chrestiens, mis en son alliance, fait naistre de Chrestiens, recensé du peuple sainct, & nous donne de croire selon l'aage, & augmente de plus en plus la foy en nous. Je respons donc, que nous sommes Chrestiens par la grace de Dieu, & non du Pape, ou de l'Eglise de Rome. Mais si le Pape est Chrestien, d'où, que de la grace de Dieu? d'où croit-il (s'il croit) & son Eglise Romaine, que de la mesme grace de Dieu? C'est de là que nous croyons aussi. Veut-il dire que ce soit de l'Eglise Romaine, que nous tenons la foy & la croyãce? nous tenõs la foy de Dieu, & nostre croyãce, la doctrine de salut, l'Euãgile: le Symbole*

des Apostres, de l'Eglise des Apostres, & ne tenons rien de tout cela de l'Eglise Romaine. Est-ce de l'Eglise Romaine que nous auons l'Ecriture sainte, & la parole de Dieu? ou de l'Eglise de Ierusalem, la mere de toutes les Eglises? La Loy, dit Esaie sortira de Esa. 2. 3. Sion, & la parole de Dieu de Ierusalem. Et encores que la Bible ait esté à Rome plustost qu'en France (si ainsi est) & le Symbole des Apostres, & que l'Eglise de Rome l'eust enuoyee és Gaules, & qu'elle auroit esté le moyen duquel Dieu se seroit serui pour nous faire Chrestiens, assauoir par son miniscere: si est-ce que l'Eglise Romaine n'a pourtât pouuoir sur la parole de Dieu (comme veut dire de Sponde, avec les Iesuites ses maistres) ny sur les articles de la foy, pour les changer, & oster leur autorité. Nous nedeuons pas croire l'Eglise Romaine, si elle ne parle selon la parole de Dieu, & le Symbole des Apostres. Si elle nous a donné iadis pour nostre croyance la parole de Dieu, veut-elle maintenant que nous croyons au contraire? si elle nous a donné l'Ecriture sainte pour parole de Dieu, & pour doctrine de salut, qu'elle ne nous y change donc maintenant rien, qu'elle souffre donc que nous reiglions nostre foy à la parole de Dieu, & non pas à l'Eglise Romaine. *Il demande apres, en quel lieu & en quelle compagnie nous auons receue ce beau caractere de la Chrestienté.* Il veut dire que c'est en l'Eglise Romaine, & partant qu'elle est Eglise, ou



que nous ne sommes pas baptisez, veu que c'est elle qui nous a donné le Baptisme. Nous confessons que l'Eglise Romaine est encore en l'alliance, mais qu'elle est horriblement corrompue & idolatre, & que pour estre sauuez il a fallu nous retirer de son idolatrie. Que si de Sponde veut dire, que puis que l'Eglise Romaine nous a dōné le baptisme, que nous la deuons croire de tout ce qu'elle dira, & sans contredit nous resier en elle de tout nostre salut. Nous respondons, que nous tenons le baptisme de l'Eglise des Apostres, qu'il a esté administré en l'Eglise Gallicane, volontiers aussi tost qu'en l'Eglise Romaine: que si l'Eglise Romaine & son Euesque, ont par succession de temps vsuré sur les Eglises des Gaules, (comme depuis Charlemagne,) neantmoins elle ne nous a pas donné le baptisme, veu que nous l'auons de nostre Seigneur, & qu'elle n'a fait que le barboüiller avec ses additions, de sel, de crachat, cresse & beguins: de cela nous ne luy sommes de rien attenus. Et dauantage, quand ainsi seroit qu'elle nous auroit enuoyé & donné le baptisme, & le formulaire d'iceluy, nous ne sommes pas tenus de la croire, n'y nous rapporter à elle de nostre salut, si elle nous enseigne autrement que ne porte la parole de Dieu, & contre ce que porte le saint baptisme. Le baptisme (ce saint caractere de Chrestienté) nous est gage & Sacrement de nostre salut, & le nous enseigne,

& assure



& assure par vn seul Iesus Christ, qui seul a satisfait pour nos pechez, & laué nos ames en son sang. Or le Pape & l'Eglise Romaine nous enseignent le salut autrement, à sçauoir par l'eau beniste, par la Messe, par les images, par les saincts, chandelles, pellerinages, & suffrages de purgatoire, & par les œuvres. C'est autrement que par Iesus Christ, & autrement que ne porte le baptisme & caractère de Chrestienté: Les croirons-nous donc? Ce seroit faire contre le baptisme, se desbaptiser, effacer le caractère de Chrestienté de l'ame, & n'estre Chrestiens que de nom. Mais les Chrestiens seront-ils des bestes? Ils croiront contre leur baptisme mesme! Ne voyons-nous pas ce que porte & signifie le baptisme, à sçauoir, le salut par vn seul Iesus Christ? nous disons donc que croire autrement, c'est faire contre son baptisme: Croirons-nous donc l'Eglise Romaine, qui contre nostre baptisme nous enseigne, de chercher salut ailleurs qu'en Iesus Christ? De Sponde continue encores en ces questions, qu'il a tirees de Belarmini, & dit: *Vous ne faites que de naistre: car vous n'estes ny Anges, ny Esprits ny fantosmes, où estes-vous donc nais, & qui vous a mesmes appris qu'il y eust des Chrestiens, & qu'il falloit que vous fussiez plustost de leur profession, que de nulle autre? Vous diriez que cest homme nous veut faire rire. Car ne voila pas de belles nouuelles, que nous ne sommes ny Anges, ny esprits ny fantosmes, & que*

Tertulien  
de presc.

nous sommes nais? Mais il veut sauoir où, & veut que nous luy confessions que nous sommes nais en l'Eglise. Le demãde, où donc? En l'Eglise Romaine (dira il) & nous disons en l'Eglise Gallicane, qui ne doit recognoistre qu'un seul Iesus Christ pour chef, & si elle a recognu le Pape, elle a esté en cela deceuë & forcee : elle ne pouuoit aussi faire cela à nostre preiudice, & de la gloire de Dieu. Il en va de nostre salut, & du droict de Dieu, & de sa verité, contre laquelle il n'y a point de prescription. Ny les espaces des temps, ny les defences des hommes, ny les priuileges des pays ne peuuent, ny ne doyuent prescrire rien contre la verité (dit Tertulien.) Mais que nous soyons nais en l'Eglise Romaine, ou comme que ce soit, croirons-nous pourtant le Pape de tout ce qu'il nous dira? Le croirons-nous, quand nous voyons qu'il parle contre la parole de Dieu?

*De Sponde demande encores, qui nous a appris qu'il y enst des Chrestiens, & qu'il falloit que nous fussions pluſtoſt de leur profession que de nulle autre.* Le respon, que quand nous sommes venus au monde, que nous n'en ſcauions rien. Car encores que nous naiſſions enfans de Dieu en son alliance, & de nostre Seigneur Iesus Christ, & naiſſions Chrestiens, nous ne naiſſons pas ſcauans : mais qui nous a appris, que nos parens & chacun d'eux autant qu'ils en ſcauoient? Qui donc, le Pape? Il ne nous en a iamais parlé, & ny luy, ny le curé

n'eussent feu nous en dire plus que nos parens: & maintenant de la grace de Dieu, nous voyons plus claiement par la parole de Dieu, que lors que nous ne voyōs qu'à demy. Mais que l'Eglise Romaine nous ait dit qu'il y a des Chrestiens, qu'il faut estre Chrestien, non Turc, ny Payen, & que nous la croyons en cela: la croirons-nous pourtant ny son Pape, en ce qu'ils nous disent qu'il faut adorer les images, inuoker autre que Dieu, & chercher salut en nos œuures, & ailleurs qu'en Christ? Ce seroit estre idolatre & Payen, plustost que Chrestien. Nous suyurōs donc l'Eglise Romaine, en ce qu'elle nous aura premierement bien enseigné: & ne la suyurōs en ce que depuis & maintenant, elle nous veut enseigner contre la parole de Dieu, & les articles de nostre foy.

Maintenant oyons de Sponde, ou plustost Belarmini sur tout ceci. *En un mot* (dit-il) *c'est une grande impieté de nous vouloir rendre nouveaux Chrestiens, & nous separer des Anciens.* Voulons-nous faire cela? le faisons-nous? c'est le contraire, & c'est nostre different que nous ne voulōs suyure que l'antiquité, l'Ancien des temps nostre Seigneur, l'Apostre de nostre confession, l'Euangile eternal, la parole de Dieu: & que nous ne cerchons le salut qu'en Christ, la semence benite, en qui seul il a esté promis, enseigné & assuré dès le commencement du monde. Est-ce vous faire nouveaux Chrestiens, & vous separer des

Daniel 7. 9

Heb. 3. 1.

Apoc. 14. 6

Gene. 3. 15

Anciens, que de dire, que Iesus Christ est seul  
 1. Ican 2.1 l'appointement pour nos pechez, & que de  
 2. Cor. 5. 19 tout temps Dieu a esté se recõciliant le mon-  
 de en luy ? C'est la parole de Dieu, & vous  
 appelez cela nouueauté & vne grãde impie-  
 té ? Helas ! qui vous a enorcelez ? diriez-  
 vous cela, si vous n'auiez beu en la coupe des  
 abominations de ceste grande paillarde, qui  
 Apoc. 18. 3 a enyuré les Rois & les nations du vin de l'i-  
 re de sa paillardise ?

Encores nous faut-il respõdre à de Spon-  
 de, car il le veut, & dit : *Respondez-moy, & se-  
 rieuusement, sans hocher la teste : ceste doctrine de  
 Iesus Christ & de ses Apostres, par les mains de  
 qui l'auẽz-vous receuë ? Vous aduouẽz (& com-  
 ment le pourriez-vous nier) que c'est par les mains  
 de ceux qui portent le tiltre de l'Eglise Romaine.*  
 Il se trompe avec son maistre. Nous auons  
 respondu à cela, nous tenons la loy du Sei-  
 gneur, & la parole de Dieu de Ierusalem, non  
 de l'Eglise Romaine. Elle ne nous a rien  
 donné en la religiõ que des erreurs, des abus,  
 des superstitions, & idolatries. S'il me de-  
 mande quoy ? ie luy respons, tout ce qu'ils  
 croyent contre, par dessus & outre la parole  
 de Dieu, & le Symbole des Apostres : mais  
 (comme a esté dit) quand ainsi seroit, que  
 nous aurions receu ceste doctrine de Iesus  
 Christ & des Apostres par les mains de l'E-  
 glise Romaine (que faussement il appelle  
 Catholique,) ie demande en quel document  
 qu'il nous faille croire, & qui doyue auoir

Esa. 2. 3.

autorité, & porte preuue ? l'auons-nous re-  
 ceuë qu'en l'Eſcriture ſaincte, qui eſt le vieil  
 & nouveau Testament ? Nous l'auons donc  
 là, c'eſt là la verité de Dieu. Le Pape peut-il  
 quelque choſe contre cela, contre la verité,  
 contre ce que Dieu a dit ? le croyons-nous,  
 ny l'Egliſe Romaine contre l'Eſcriture ſain-  
 cte ? Ains nous croyons l'Eſcriture ſaincte,  
 qu'ils nous confeſſent eſtre la parole de Dieu  
 (comment le pourroyent-ils nier meſmes  
 qu'ils ſe vantent nous l'auoir donnee & gar-  
 dec.) Nous ſauõs ſi bien maintenãt, que c'eſt  
 la parole de Dieu, que quand ils nous di-  
 roient le contraire, & qu'il ne la faut pas ſuy-  
 ure, ains l'Egliſe Romaine (comme ils veu-  
 lent) nous n'en croirons rien. Que s'ils repli-  
 quent, que nous la croyons eſtre la parole de  
 Dieu, parce qu'ils nous l'õt dit, c'eſt tout vn.  
 Quand ainſi ſeroit, qu'importe cela ? Les croi-  
 rons-nous maintenant, contre ce qu'ils nous  
 ont dit, ou contre l'Eſcriture ſaincte, qu'ils  
 nous ont dit eſtre la parole de Dieu ? Nous  
 ſçauons de faiet par le cõmun conſentement  
 de tous les fideles, de toutes les Eglifeſ, tant  
 de celle de Rome, que de toutes les autres,  
 que l'Eſcriture ſaincte eſt la parole de Dieu:  
 & avec cela, le ſçauons plus certainement,  
 par vne certaine perſuaſion que nous en a-  
 uons par le S.Eſprit : & ſçauons bien, comme  
 bien aſſeurez, que puis que c'eſt la parole de  
 Dieu, qu'il ne faut point chercher de ſalut  
 hors d'icelle, ny aller ny à dextre ny à ſene-

2. Timoth.  
2. 16. 17.

stre, & qu'en icelle nous sommes faits sages  
suffisamment, & parfaictemēt à salut, & à tou-  
bonne œuvre. Mais pour faire fin à ceste di-  
spute, disent-ils, que c'est l'Eglise Romaine  
qui nous a gardé la Bible ? nous respondons,  
qu'elle a esté gardée ailleurs, & encores que  
de cela nous ne deuons à l'Eglise Romaine  
qu'un grand-merci, que pour cela ils n'ont  
ni pouuoir ni autorité sur la parole de  
Dieu, & que nous ne sommes pas pour cela  
tenus de les croire, s'ils parlent contre l'E-  
scripture sainte, comme a esté dit : Car que  
font-ils en cela que nos libraires ? Vn libraire  
aura la Bible & la gardera, il dira c'est la Bi-  
ble: le croirons-nous pourtant en ce qu'il di-  
ra contre la parole de Dieu contenue en la  
Bible ? y peut-il rien changer ? Vn notaire &  
gardenote aura receu vn testamēt, l'aura gar-  
dé, dira aux enfans & heritiers du testateur,  
voila le testament de vostre pere, le deliurera  
signé & scellé: mais y peut-il rien changer &  
luy oster de son autorité, encores qu'il l'a  
luy donne ? Tous les Euesques de Rome &  
l'Eglise de Rome n'ont pas passé ny receu ce  
testamēt du Pere celeste, ce sont les Prophe-  
tes & Apostres, & les deux Euangelistes S.  
Marc & S. Luc, & ceux-là ny ont rien peu  
changer, Galat. 1. & les Prophetes n'ont dit,  
n'i escrit, que ce que Dieu leur auoit com-  
mandé : moins y peut changer l'Eglise Ro-  
maine. Ils nous ont dit que l'Escripture sainte  
est la parole de Dieu, s'ensuit-il pour cela

qu'elle ne vaille que ce que le Pape voudra? La Samaritaine dit de nostre Seigneur, C'est le Christ il n'auoit donc d'autorité que ce qu'elle vouloit, & elle la luy pouuoit rabaisser. Ne sçauons-nous pas que Dieu ne parle point, qu'il ne vueille estre craint, creu, obeï, & serui en tout & par tout? Est-ce à l'Eglise Romaine, d'en rien rōgner ou rabatre? S. Augustin (disent-ils) a dit qu'il n'eust pas creu à l'Euangile, si l'Eglise ne luy eust dit que c'estoit l'Euangile. Et puis: il auoit appris cela de vray en l'Eglise, & nous aussi, mais a-ce esté en l'Eglise Romaine qu'il l'auoit appris? l'a-il preferee à l'Euāgile? l'a-il creuë plustost que l'Euangile, & contre l'Euangile? Au contraire, il a reiglé l'Eglise à l'Euangile, & nous aussi, & ne reiglons pas l'Euangile ou l'Escripture sainte à la volonté de l'Eglise Romaine, ou de Constantinople, ou de Geneue, ou autre: ny ne nous reiglons à aucune Eglise, qu'en ce que nous voyons qu'elle suyua la parole de Dieu. Les Apostres n'eussent pas creu de nostre Seigneur, qu'il est le Christ, si saint Iean Baptiste ne l'eust mōstré, & n'eust dit, Voila l'Aigneau de Dieu, qui oste les pechez du monde. S'ensuit-il pourtant, que S. Iean fust plus que nostre Seigneur, & qu'il fallut plustost croire saint Iean Baptiste que luy? Aussi disons-nous, qu'il ne faut pas plustost croire l'Eglise Romaine que l'Escripture sainte, encore qu'elle nous ait dit de l'Escripture sainte c'est la parole de Dieu. Si on re-



plique, que ces exemples ne sont pas à propos. Car les Apostres eussent biē creu, encores que saint Iean ne leur eust pas dit, de nostre Seigneur que c'est l'Aigneau de Dieu. Ie respons qu'ouy, si Dieu l'eut voulu: mais il auoit ordonné qu'ils croiroient par le ministère de S. Iean, & aussi auōs-nous bien creu, & croyons sans l'Eglise Romaine, & sçauons que nostre Seigneur est nostre Sauueur, l'Euangile la parole de Dieu, mieux que ne sçait l'Eglise Romaine. Nos ancestres ont aussi creu, & Dieu l'a voulu, sans l'Eglise Romaine. Les premiers Docteurs qui sont venus és Gaules estoient Grecs & non Romains, venus d'Asie, & non de Rome: & les fideles qui estoient és Gaules, tant Iuifs que Gaulois, auoyēt plus de communication en faict de la Religion avec l'Eglise de Ierusalem, qu'avec celle de Rome. Si saint Augustin a dit, que la Religion est venue de l'Asie en l'Afrique, nous en pouuons autant dire de nous. Car il est dit que la loy sortiroit de Sion, & la parole de Dieu de Ierusalem, & que la montagne de Sion seroit esleuee par dessus toutes les montagnes, que chacun y accourroit, & en seroit fait citoyen, & que plusieurs prendroient vn Iuif par la robe, & luy diroient, Enseigne-nous les voyes du Seigneur vostre Dieu. La dispersion des Iuifs par tout l'vniuers, a esté le moyen d'appeller le monde à Dieu & à son Christ. Nous t'auons maintenant respondu, ou plustost à ton maistre

[ Esaie 2.



Belarmini, auons-nous hoché la teste ?

De Sponde à debatedu ce qu'il a peu, pour prouuer que nous tenons la doctrine de salut de l'Eglise Romaine, qu'elle nous a donné & gardé l'Ecriture sainte, nous a dit que c'est la parole de Dieu, & qu'il y a vn Iesus Christ, & des Apostres, & des Chrestiens, & qu'autrement nous n'en sçaurions rien: pourtant qu'elle a toute puissance sur la religiō & en la doctrine de salut, & qu'il la faut plustost croire que la parole de Dieu, & le Pape plustost que Dieu. Il n'a rien gagné en tout cela, il s'en doutoit bien: & pourtant il s'efforce maintenant de gagner cela par vne autre voye, à sçanoir, que l'intelligēce de la parole de Dieu n'appartient qu'à l'Eglise Romaine. S'il peut gagner ce poinct, ce luy sera assez, le Pape ne perdra pas sa cause: car la doctrine de la Papauté, qu'ils ne peuuent trouuer dans les textes de l'Ecriture sainte, ils la feront trouuer, & la logeront dans leurs gloses & interpretations, & pourtāt il adiouste.

*Mais à vostre aduis. C'est seulement les textes* Page 31.  
*de ceste doctrine que vous confessez auoir receus d'eux, & par consequent ils ne vous ont donné que le corps mort de ceste doctrine, & la simple lettre: mais l'ame & l'esprit vous ne le prenez point d'eux. Et de qui doncques ? Vous respondex de l'Ecriture mesmes. Il se fait accroire ce qu'il veut, que les Papes nous ont donné l'Ecriture sainte, & appelle les oracles des Prophetes, & l'Euangile du Fils de Dieu*

2. Pierre  
1. 20.

Pſe. 119.  
2. Pier. 1.  
19.

Traicté ſur  
S. Iean 24.

ſimple lettre, & fait vn corps mort de la doctrine de ſalut. Quoy? n'eſt-ce pas la viue parole de Dieu, & les paroles de la vie eterneſſe? Dieu parle là, les ſainctſ hommes ont parlé inſpirez par le ſainct Eſprit, & ont eſcrit. Ce n'eſt point donc ſimple lettre, ny vn corps mort, ny eſcriture de particuliere reuelation. Son intelligence eſt avec elle, & en elle-meſme, car le ſainct Eſprit qui nous en donne l'intelligence, ne la prend qu'en elle-meſme. Le S. Eſprit ne prend que du ſien pour ſe faire entendre. Nous diſons donc, qu'à la verité pour auoir l'intelligence de l'Eſcriture ſaincte, nous la prenons de l'Eſcriture ſaincte meſme, comme la clarté de la clarté. Car comme le ſoleil ſ'eſclaire de ſoy-meſme, auſſi l'Eſcriture ſaincte. Si tu allumes toutes les chandelles du monde pour voir le ſoleil caché ſoubs la nuë, ou en vn clair midy, tu ne l'en verras pas mieux. La parole de Dieu eſt lumiere, vn flambeau à nos pieds, la chandelle claire, la belle clarté, l'obſcurité n'eſt pas là, mais en nos eſprits. Toutes nos intelligences, ſi elles ne ſont puisſees de la parole de Dieu, ne feront que l'obſcurcir, comme la fumee des torches & flambeaux le ſoleil. Mais, dit ſainct Auguſtin, vn paſſage eſclaircit l'autre, vn clair & facile vn autre plus difficile : comme pour exemple, ce que noſtre Seigneur a dit, que le peché contre le ſainct Eſprit ne ſera pardonné ny en ce ſiecle ny en l'autre, S. Marc l'expoſe en diſant (ia.

mais) & ce qui est dit de l'autre siecle, l'Apostre 2. Timoth. 1. 18. l'expose du iour du Seigneur le iour du iugement, en ces mots : Le Seigneur luy doint de trouuer misericorde enuers le Seigneur en ce iour-là. Mais y a-il exposition plus seure de la parole de Dieu, que celle que Dieu mesme en donne? *Cependant* (dit de Sponde) *c'est vn sophisme ordinaire & tresperilleux*. Quoy ? que Dieu s'expose soy-mesme ? & qui interpretera mieux le dire du saint Esprit que luy-mesme ? toute l'Escripture sainte est sa parole. Si ce qu'il dit en vn lieu est interpreté par vn autre, & selon l'analogie de la foy, quel peril y a-il en cela ? quel danger ? quel erreur ? Les Apostres ont interpreté les Prophetes par le saint Esprit, nostre Seigneur aussi, & vn passage par l'autre, qu'y a-il de plus seur, que quand Dieu mesme parle ? quel peril trouuez-vous là ? vous n'y trouuez pas la doctrine de la Papauté, aussi n'est-elle pas en aucun lieu de l'Escripture sainte. Au contraire, ce seroit bien vn sophisme perilleux, s'il vous estoit loisible de donner interpretation ou intelligence de la parole de Dieu, contre la parole de Dieu, & telle que vous voulez, comme vous faites : c'est cōtre Dieu. Car vous diuertissez l'Eglise de Dieu, cōtredisez à la parole de Dieu, & menez les ames hors de la voye de salut. C'est vn sophisme d'enfer, & vn des plus dangereux artifices de Satan. Au reste, nous ne reiettons pas l'exposition de l'Eglise,

soit celle des Docteurs anciens, soit de Ierusalem, d'Antioche, d'Afrique, d'Alexandrie, de Constantinople, de Rome, des Gaules, ou autres : mais en vsons, les receuons, & nous en aidons contre vous-mesmes & contre vostre Papauté, en ce que nous voyons qu'elles sont conformes à l'Escripture sainte, & aux articles de nostre foy. S'il est question de la Deité de nostre Seigneur, de son humanité, de l'vnion des deux natures en vne personne, qui suyrons-nous plus volontiers que Leon premier Euesque de Rome ? Ce que nous traictons de la Cene, & en l'exposition des paroles de nostre Seigneur, qui suyrons-nous pour en auoir l'intelligence plus volontiers que S. Augustin ? En ce que nous traitons de la prouidence de Dieu, de la predestination, de l'election & reprobation, du merite des œuures, du franc-arbitre, & de la iustification par la foy, qui suyrons-nous plus volontiers, que le mesme saint Augustin ? Recusons-nous S. Bernard, ny les autres Docteurs, en ce qu'ils sont conformes à la parole de Dieu ? Mais ne vous les faisons-nous pas voir pour nous, contre vous ? S'il est question de communier à la sainte Cene, sous le signe du vin comme du pain, qui suyrons-nous plus volontiers que Gelase second ? S'il est question d'assister au Sacrement de l'Eucharistie, que vous appelez la Messe, reprouuons-nous le Pape, qui a excommunié tous ceux qui vont à la Messe, & ne communient

avec le prestre ? Nous ne reiettons pas donc les expositions de pas vn des anciens Docteurs, en ce que nous voyõs qu'ils conuiennent avec la parole de Dieu, & les articles de la foy : ains les receuons avec ioye, & action de graces à Dieu, de son don innenarrable. C'est à la parole de Dieu, que nous cognoissons que les interpretations sont bonnes, & qu'on peut cognoistre que les nostres sont bonnes aussi: à sçauoir, en ce qu'elles ne contreuiennent en rien au reste de l'Escripture sainte, ny des articles de la foy, & qu'elles conuiennent en doctrine & vray sens aux textes & passages que nous exposons: tellement qu'il peut paroïr clairement, que ce que nous disons, c'est ce qu'ont voulu dire & ont entendu les hommes saintes, qui ont parlé en l'Escripture sainte.

Mais, dit de Sponde, *Il est question de l'intelligence de l'Escripture, & comment est-il possible que l'Escripture mesme la vous donne ?* Trouue-il cela impossible ? est-il sage ? mais comment est-il autremēt possible, d'auoir l'intelligence de l'Escripture sainte, que par elle-mesme ? qui est capable d'interpreter ce que Dieu a dit, que Dieu mesme ? l'homme pourroit-il bien atteindre & sonder les profonds secrets de la sagesse incomprehensible de Dieu ? Qui cognoist ce qui est de l'homme que l'esprit de l'homme qui est en luy ? Pareillement aussi nul n'a cognu les choses de Dieu, sinon l'Esprit de Dieu. Nous disons dõc, que c'est

l'Eſcriture ſaincte meſme, qui nous dōne ſon intelligence. Le canon *Relatum*, rapporté à Clement, diſt. 37. le dit auſſi ainſi. Mais cela d'autant que le S. Eſprit qui parle en icelle nous en donne la cognoiſſance, & par elle-meſme, & non autrement. Ce qui eſt de Dieu n'eſt point monté au cœur de l'homme, l'œil ne l'a veu, n'y l'oreille ouy. Les princes de ce monde, dit l'Apoſtre, n'y ont rien entendu, mais Dieu nous les a reuelees par ſon Eſprit. Car l'eſprit ſonde toutes choſes, voire meſmes les choſes profondes de Dieu. L'Eſcriture ſaincte s'explique donc elle-meſme, & par elle-meſme : mais c'eſt parce que le S. Eſprit nous explique, ou fait entendre vn paſſage par l'autre. Et cela ſoit auſſi pour reſpondre à ce qu'il dit apres : *Si l'Eſcriture meſme donne l'intelligence d'icelle, d'où vient donc ceſte diuerſité d'intelligences.* C'eſt que tous n'ont pas le don de Dieu. Mais qui a enſorcelé ce braue eſprit de Sponde, ſinon qu'il a beu à la coupe de la grande paillarderie ? ne ſçait-il pas bien que tous n'ont pas la teſte bien faite ? que les vns ont vn ſens, & les autres vn autre ? & que chacun ſuit ſon humeur, & préd là ſon aduis, s'il n'eſt adreſſé par l'Eſprit de Dieu ? Si on n'expoſe la parole de Dieu par elle-meſme, que peut-on voir que contrarierez ? Le don d'interpretatiō, eſt vn don de Dieu. Les dons de Dieu, ſont à vn chacun par meſure. Tous ne ſont pas Prophetes, tous n'ont pas ce don de Dieu : Dieu en donne aux vns plus, aux

autres moins, & non à tous également, ni mesmes en tout temps, ains chacun iour on a diuersité de ses dons. Quelquefois Dieu cache aux grans & aux sages de ce mode ses secrets, & les reuele aux petis, & quand, & comme il luy plaist, Sainct Pierre eust voulu faire Paradis en la môtagne, il ne vouloit pas que nostre Seigneur mourust : il abhorroit cela, c'est le sens de la chair, il ne sçauoit pas qu'il falloit prescher l'Euangile aux Gentils, iusques à ce que Dieu le luy eust déclaré par vn signe du ciel : & si est-ce qu'il y a aux Prophetes mille passages de la vocatiō des Gentils. Il ne les entendoit donc pas encore, ny aucun des Apostres, combien qu'ils eussent receu le saint Esprit. Dieu peut bien faire son œuvre en vn moment, mais il y met du temps, & non sans cause. Il fallut à S. Pierre rendre raison de ce qu'il auoit presché aux Gentils. Les anciens Docteurs n'ont pas voulu exposer l'Ecriture sainte, que par elle-mesme, & neantmoins ils ont diuersité d'intelligence, & sur vn mesme passage : & de toutes icelles chacun choisit celle qui luy semble estre la meilleure : & celuy ne s'y trompe point, qui prend celle qui est fondée & apparoit au texte, & qui est selon l'intention du Prophete, ou de nostre Seigneur qui y parle, ou de l'Apostre qui escrit, & qui est fortifiée d'autre passage semblable de l'Ecriture sainte, & qui est aussi selon le Symbole des Apostres & les commandemens de Dieu.

& l'Oraison de nostre Seigneur, où est le sommaire de nostre croyance. En vn mot l'intelligence est à receuoir, laquelle ne controuuent point, mais conuient à ceste promesse, La semence de la femme brisera la teste du serpent: qui est de tenir tout le salut de la seule misericorde de Dieu, & par la grace d'un seul Christ: car c'est là que se rapportent la Loy, les Prophetes, & l'Euangile. C'est donc que l'intelligence d'un passage de l'Escripture sainte, & l'exposition qui reuiert là est seure soit qu'on la trouue aux anciens Docteurs ou non.

De Sponde dit apres, *Mais posons le cas que vous seuls ayez ce don d'intelligence, dites-moy par la mesme sincerité dont vous faites estat d'aimer les Escriptures, pourquoy Dieu la cachee à tous ceux qui vous ont deuancee? Pourquoy mesmes tous ceux qui se sont departis avec vous de l'Eglise Romaine, ne l'embrassent-ils comme vous? Disons-nous que nous l'ayons seuls? ne prenons-nous rien des anciens Docteurs, des Papes mesmes? Iean 22. escriuant contre les mendians, a entendu de mesme que nous ce passage, Il n'y aura point de mendiant au milieu de toy. Est-il question d'exposer ces mots de nostre Seigneur, Ceci est mon corps. S. Augustin les nous expose, quand il dit: *Cum daret signum corporis sui, non dubitauit dicere, hoc est corpus meum*: C'est à dire, quand il donnoit le signe de son corps, il ne fit point de difficulté de dire, Ceci est mon corps. Il a donné*



donné en cela la mesme intelligence que nous, à sçauoir, que le pain est le signe du corps de nostre Seigneur, & non son corps real & glorieux qui est au ciel. Aussi s'il est question d'exposer ces mots, Nous auons vn Aduocat enuers Dieu : S. Augustin nous expose cela d'un seul Iesus Christ, sans distinguer entre Aduocat de redemption, & Aduocat d'intercession. Il donne donc la mesme intelligence que nous, & ne s'est pas imaginé vn aduocat de redemptiō comme vous (dont l'Ecriture sainte ne parle pas) mais son exposition, c'est celle que l'Apostre Rom. 8. a tenu: C'est, que comme nostre Seigneur est seul assis à la dextre de Dieu, qu'aussi seul il intercede pour nous. Nostre intelligence donc en cela est de mesme que celle de saint Augustin, & selon la parole de Dieu mesme. S'il est aussi question de l'intelligence de ces mots. Sois bien tost d'accord avec ton aduerse partie. Nostre interpretation est celle mesme de Chrysostome, à sçauoir, que nostre Seigneur nous exhorte à amitié & recōciliation. Vous l'interpretez du Purgatoire : lequel des anciens Docteurs l'a ainsi entendu? S'il est aussi questiō d'exposer ces mots, Que <sup>1. Cor. 3. 15</sup> on sera sauué ainsi que passât par le feu: nous l'interpretons comme S. Ambroise, prenant le feu pour l'exame du saint Esprit: que S. Jean compare au feu, disant de nostre Seigneur, qu'iceluy nous baptisera du S. Esprit & de feu: c'est à dire, nous lauera & purgera par

son Esprit, qui aura en cela comme propriété de feu, pour nettoier nostre ordure, escume & erreurs. Vous le prenez pour le Purgatoire. Puisez-vous ceste interpretation de quelque ancien Docteur, ou de l'Apostre, ou du Symbole des Apostres? S. Gregoire mesme le rapporte plustost aux afflictions de ceste vie, qu'au Purgatoire: luy qui soustenoit le Purgatoire. Nul des anciens Docteurs, ne rapporte ce feu apres la mort. Bref: en nos intelligences nous suyons les anciens Docteurs en ce que nous les voyons s'accorder avec la parole de Dieu, autrement nous les laissons. Pourquoi nous adiuré-il donc de luy dire la raison, pour laquelle Dieu a caché ce don d'intelligence à tous ceux qui nous ont deuanté, comme si nul que nous n'auoit eu l'intelligēce que nous auōs? Que si Dieu a caché aux Docteurs de l'Eglise Romaine ce qu'il nous a reuelé, qu'y ferions-nous? rendrons-nous raison de ses secrets? pourquoy n'en reuela-il autant à Caïphe qu'à S. Pierre? Pourquoy defendit-il aux Apostres de prescher en Asie? Pourquoy ne donne-il sa cognoissance à tous? pourquoy plustost donna-il son Esprit à Michee, qu'à Sedecias & à ses compagnons, qui estoient circoncis & en l'Eglise de Dieu comme Michee? Il vous est donné, disoit nostre Seigneur, de cognoistre les secrets du Royaume des cieux. Cela n'estoit pas donné à tous.

De Sponde nous demande encore, pour-

*quoy nous tous qui nous sommes departis de l'Eglise Romaine, ne sommes tous d'une mesme intelligence ? Helas ! mon amy, que s'en faut-il ? te plains-tu de cela ? Si est-ce que vous ne nous trouuez que trop de bon accord cōtre vous. Mais pourquoy les Iuifs & les Apostres n'auoyent-ils tous vne mesme intelligence ? qui deuoit s'esbahir de cela, que Pilate & les Payens ? & pourquoy en la primitiue Eglise, les vns vouloyent les ceremonies, les autres nō ? Pourquoy tāt d'heresies ? s'il eut esté lors Payen, qu'eut-il dit ? si lors il eut esté Chrestien, qu'eut-il respōdu à cela, sinon que Dieu le vouloit ainsi ? Mais pourquoy est-ce que tous vos Scholastiques, n'ont vne mesme intelligence sur le maistre des Sentences ? Dites-nous encore, pourquoy vos curez ne s'accordent en faiēt de leurs reliques ? car combien en y a-il qui sont en different touchant le chef de saint Iean ? ne sont-ils pas cinq ou six qui se disent l'auoir chacun tout entier en son reliquaire ? autant des corps des Apostres, & du prepuce de nostre Seigneur que on dit auoir à Rome. Car en Poictou disent que cēla est faux, & que nostre Seigneur n'auoit qu'un prepuce, & qu'ils l'ont. Je vous ameneroy vn nombre infini de semblables reliques que vous adorez : car nous auons vn bon inuentaire de tout cela. Mais qu'il nous responde, pourquoy tous les Docteurs anciens n'ont eu vne mesme intelligence, & ont exposé vn seul passage de l'Ecriture sain-*

ête en plusieurs sortes, chacun selon qu'il l'a entendu, sans s'accorder en vne mesme exposition? Cela se void en beaucoup de lieux. Dieu se reuele quand, à qui & autant que bon luy semble. La saine intelligence de l'Escripture sainte, est vn dō de Dieu. Qu'il nous responde aussi, pourquoy S. Paul & saint Pierre, qui auoyent tous deux receu le saint Esprit, n'ont eu tousiours vne mesme intelligence? Je laisse le different de S. Paul & Barnabas. Qu'il nous responde à tout cela, & puis nous luy respondrons, pourquoy nous tous qui nous sommes retirez de l'Eglise Romaine, discordōs encore en quelques points. Je dy plus, que tout ne s'acquiert pas en vn iour, que Dieu veut que les vns apprenent des autres. Si vous n'eussiez attisé ce differēt par vos artifices, nous eussions esté bien tost tous de bon accord en tout. Cela s'auance & se fera maugré vous & les enfers, au temps que Dieu a ordonné.

Il adiousté encore. *Si vostre intelligence a esté incognüe és siecles precedens, & la forme exterieure de vostre Eglise aux siecles qui ont esté depuis les Apostres, qu'est-elle deuenue par tant de temps? où est ceste secrette canerne qui la cachee au monde?* Je te respons, que nostre intelligence n'a point esté cachee és siecles precedens. Nous parlōs par les anciens Docteurs, ne disons rien que nous ne trouuiōs bien en eux, & en vos Docteurs mesmes: mais nous suffit que nostre intelligence soit celle des Pro-

phetes & des Apostres : car saint Paul dit Ephc. 2. 20  
 que sur la doctrine des Prophetes & des Apostres l'Eglise est fondee. Et telle a esté l'intelligence de tous les anciens Dócteurs en ceci, (ie dy de tous sans en excepter vn) qu'il ne faut amener, introduire, ny croire rien en l'Eglise, qui n'ait fondement exprez en l'Escripture sainte . C'est nostre intelligence vous ne le pouuez nier.

Il faut maintenant parler de la forme externe de nos Eglises : car il nous demande en quelle cauerne secrette elle s'est gardee . Je respons, que nous ne pouuons pas bien dire quelle a esté la forme des anciennes Eglises des Gaules: mais au moins nous scauons bien que ce n'estoit pas la Messe, ni ce seruice, ou forme externe de seruice que vous auez en l'Eglise Romaine. Car Charlemagne & Pepin son pere apporterent tout cela de Rome, & par Edict public l'introduirent és Eglises de France, & le seruice ancien en fut chassé. Ce fut enuiron l'an 800. comme en l'an 1086. l'ancien seruice diuin qu'on appelloit l'Isidorien, fut osté d'Espagne : & au lieu d'iceluy le Gregorien introduir. Vos reuestiaires, hosties, & ceremonies de la Messe sont des rituelles & ceremonies des anciens Romains idolatres, que les Euesques de Rome ont adapté à leur liturgie. Mais pensez-vous que saint Pierre (s'il a esté à Rome) ait esté vn tel homme que le Pape, & ait fait ce que le Pape fait? que les pasteurs y ayent esté

lors de saint Paul & de saint Pierre tels enfans, que les Cardinaux & les Euesques? à qui ferez-vous croire cela, qu'à de plus ignorans que vous? On me repliquera, qu'au lieu de respondre d'où est venue la forme externe de nos Eglises, ie parle de la leur. Ie respon donc, que i'ay voulu monstrier, que la forme de ce seruice qu'on a en France, n'est point la forme du seruice diuin qu'auoit l'Eglise Gallicane anciennement. Et pour venir au formulaire du seruice diuin de nos Eglises, soit pour les prieres ordinaires, ou domestiques, ou Ecclesiastiques, & pour la forme du Baptisme, de la Cene, de la benediction du Mariage, & du Catechisme. vous voyez le tout, iugez-en: y trouuez-vous rien contre la parole de Dieu, & qui ne conuienne à la maiesté & gloire de l'Eglise Chrestienne, mieux que ce que vous faites?

Vous demandez en quelle cauerne cela s'est gardé: nous vous respondons, que cela s'estoit perdu en vostre cauerne de Babylon: mais que Dieu par sa bonté le nous a rendu, & restitué à son Eglise, meilleur & plus glorieux, que volontiers on ne l'eut iamais es Gaules. Y a-il rien qui ne resente la simplicité des Apostres? & aussi la Maiesté & puissance de l'Esprit de Dieu y paroist clairement. Car les fideles y sont edifiez, les rebelles estonnez, & chacun y donne gloire a Dieu. *Nous apellons, dit-il, les anciens Docteurs saints, les alleguons, & les Conciles generaux pour*

*confirmer nostre dire.* Cela est vray : mais que veut-il dire, que puis que nous les appellons saincts, nous les deuons croire? Le respons, qu'aussi faisons-nous, en ce qu'ils s'accordent à l'Escripture sainte, & non autrement. Dira-il qu'estans saincts, ils n'ont peu errer? Le respons que non les Prophetes & Apostres, qui auoyent receu le saint Esprit, pour donner & laisser par escrit la parole de Dieu : mais des autres, cela ne se peut dire. La parole de Dieu qui est la pierre de touche en iuge, & en fait foy. En trouuez-vous aucun qui n'ait erré, & que vous ne le condaniez en quelque point? S. Augustin, met ceux qui auoyent escrit auant luy, bien bas au dessous des escrits des Prophetes & des Apostres: & veut qu'on iuge de ses escrits de mesme, & que ne soyent suivis, qu'entant qu'ils conuiennent à l'Escripture sainte.

En l'Epist.  
à S. Hieros.  
Epist. 19.

Il nous demande apres, *Si les 318. Euesques qui estoient presens au concile de Nicee, les 150. qui estoient au concile de Constantinople, les 630. qui estoient au concile de Calcedoine, estoient membres honorables de l'Eglise : s'ils n'auoyent pas leurs bergeries où ils faisoient leurs charges? Item, Si nostre doctrine, de Iesus Christ & des Apostres, ne leur a pas esté donnee de Dieu?* Le luy respons à tout cela en vn mot, qu'ouy. Mais pense-il qu'ils ayent esté Papistes? qu'un seul d'eux l'ait esté? que parmi eux il y ait eu de Pape, ne qu'en leur tēps il y en eut ou à Rome, ou ailleurs? Pensez-vous qu'ils eussent ny Messe

Pag. 34.

ny purgatoire, ny cœlibat, ny image, ny telle autre chose que vous auez, & que nous reprouuons par la parole de Dieu? Ils ont eu leurs bergeries, ont fait leur deuoir, ont esté vrais Euesques, & hommes doctes, & non des idoles, cōme sont ceux de l'Eglise Romaine. Il est à sçauoir si vos Esuesques leur ressemblent, s'ils ont la mesme doctrine: Nous vous montrons que non, & qu'ils ne succedent pas à ceux-là en la pureté de la doctrine, & que vous ne pouuez parler d'eux qu'à vostre confusion. Mais de Sponde se moque-il, quand il appelle par mespris nostre doctrine, la doctrine de Iesus Christ & des Apostres? C'est-elle voirement, nous vous le faisons paroïr: & que la vostre est toute contraire, & vous-vous en riez, telle est la crainte de Dieu en vous. Je dy vous, qui vous mettez au loage du Pape. Il nous demande encore, *si depuis mil ans entiers, personne n'a donné au but de ceste doctrine*. Quoy donc? Il quitte les cinq cens ans prochains des Apostres: aussi leur doctrine n'estoit point encores lors receüe ny ouye en l'Eglise. Or cōbien que les Pasteurs de l'Eglise se sont fort abastardis, & que l'ignorance ait esté grande és Eglises de l'Occident, depuis l'an 607. que Boniface print (non de droict diuin, mais de l'ottroy du parricide Phocas) la domination sur toutes les Eglises: Si est-ce qu'il y a eu beaucoup de Pasteurs, & és Gaules mesmes (où le Pape ne pouuoit si tost empier) qui



ont tenu la mesme doctrine que nous, & résisté au Pape. Comme au concile de Reims, où il luy fut respondu & à ses gens, que l'Eglise n'a autre Seigneur ny maistre que Iesus Christ, & que l'Eglise doit estre conduite par sa parole, qui est l'Ecriture sainte. N'est-ce pas nostre doctrine ? elle a esté auant nous, & receuë en l'Eglise Gallicane. & encores depuis vostre corruption, il s'est trouué entre les Pasteurs & és escoles quelqu'un qui a contredit au Pape, ou par presche, ou par escrit. La verité a eschappé aux plus meschans mesmes, & Dieu ne s'est laissé sans tesmoignage. Les histoires nous en sont foy. Mais voulez-vous nier, que l'Eglise Romaine n'ait esté remplie d'erreur, d'ignorance & d'horreurs ? chacun le void. Trouuez-vous cela estrange ? Il auoit esté predict, 1. Timoth. 4. 1. & 2. Pierre 2. Apocal. 6. 9. & 11. Vostre Pape a fait cela, comme auoit esté predict, Apoc. 9. 10. & 2. Thessal. 2.

*Nous les reduisons (dit-il) à ce poinct de croire par necessité, que ceux qui n'ont point eu nos intelligences, n'ont point esté dans l'Eglise. voire que parauant nous du temps de Iesus Christ mesmes, il ny a point eu d'Eglise.* A quoy nous respondons, qu'il ne pleure pas pour cela, & qu'il n'en est rien. Car nostre intelligence est celle de l'Eglise, des Prophetes de nostre Seigneur, & de ses Apostres, puis qu'elle n'est fondée qu'en l'Ecriture sainte, & que c'est l'Ecriture sainte mesmes. Il a parlé cy dessus d'Ignace,

de S. Cyprien, de S. Ambroise, de saint Hierosime, de saint Augustin, de S. Gregoire, des quatre premiers Conciles generaux. Nostre intelligence ne discordé aucunement de la leur, si ce n'est en ce qu'ils discordent de la parole de Dieu, qui est l'Escripture sainte. Tous ceux-là ont-ils eu ne voulu de Pape non plus que nous?

Mais examinons encore de plus pres son dire: c'est qu'il n'y a point eu d'Eglise du tēps de Iesus Christ & de ses Apostres. *Si* (dit-il) *l'intelligence de l'Escripture sainte que nous donnons est bonne.* Je demande, pourquoy non? *Pource* (dit-il) *qu'ils n'entendoyent pas l'Escripture sainte comme nous.* Comment donc, comme le Pape l'entēd? Prouuez-vous cela? Pensez-vous que ceste intelligence que vous faites à l'Escripture sainte, soit celle de nostre Seigneur & des Apostres? mais ils n'ont eu autre intelligence que celle de l'Escripture sainte mesme, & celle que le texte porte, & ont esté Eglise de Dieu: voulez-vous nier cela? Si vous pensez que vostre intelligence de la Papauté soit celle des Apostres & de nostre Seigneur, vous-vous trompez: nous vous montrons que non. Les Apostres ne l'ont iamais cognüe, ny mise en l'Eglise: elle est contraire à la leur. Qui d'eux a dit, qu'il faut vn Pape en l'Eglise, & que l'Eglise se gouvernera par ses decrets? mais au contraire, nostre Seigneur est appellé l'Apostre de nostre confession, & l'Euangile la doctrine de salut. Qui

d'eux a dit qu'on est sauué par la Messe, par l'inuocation des Saints, par images, bulles, eau beniste, & telles choses, & qu'on est purgé au feu de purgatoire apres la mort? C'est ce que vous dites. Les Apostres n'ont pas eu ceste doctrine, leur doctrine a esté contraire à tout cela. Car elle a esté que le salut est de Dieu & de l'Agneau, que nostre Seigneur est seul Sauueur, qui seul sauue son peuple de ses pechez, qu'il est nostre satisfaction, l'Agneau de Dieu qui oste les pechez du monde. S. Pierre dit, que Dieu n'a point donné d'autre Act. 4. 12. nom aux hommes auquel il nous faille estre sauuez, & qu'il ny a salut en autre qu'en nostre Seigneur. Luy-mesme dit, qu'il est la re- Ican 14. 6. surrection & la vie, que nul ne peut venir au Pere que par luy, qu'il est la voye, la verité, & la vie. C'est la doctrine des Apostres, c'est la parole de Dieu, c'est leur intelligence, c'est aussi nostre intelligence: ils ont donc eu la mesme intelligence que nous. Et de Sponde dira que si cela est, qu'ils n'ont pas donc esté Eglise de Dieu! Quelle raison auez-vous, que vostre inimitié, vostre malice, & la haine que vous nous portez? mais vostre rage se deriue contre les Apostres, & mesmes contre nostre Seigneur. Car pour nous mettre hors de l'Eglise, vous les en mettez dehors aussi: veu que vous dites, que ny eux, ny nostre Seigneur n'ont esté Eglise de Dieu, s'ils ont entendu l'Ecriture sainte comme nous. Mais que sera-ce si nous l'entendons comme eux, sinon

que nous ferons aussi Eglise de Dieu comme eux? Or est-il que nous n'auons, que leur mesme intelligence en tout & par tout, nous vous le montrons. Car ils n'ont eu ny Pape ni papauté, ny la fausse doctrine non plus que nous: & nous croyons comme ils ont creu, & auons leur mesme intelligence: il conste par nostre confession de foy. Confessez-vous donc que nostre Seigneur, les Prophetes, & les Apostres ont esté Eglise de Dieu? Confessez aussi que nous le sommes: car nous n'auons croyance ny intelligence, ny doctrine, que ce qu'ils nous en ont appris & laissé par escrit. Et niez-vous que nous soyons Eglise de Dieu? niez donc qu'ils l'ayent esté, & que Dieu ait iamais eu d'Eglise, & que les Prophetes, nostre Seigneur, ses Apostres ayent esté Eglise de Dieu. Est-ce pas là que vous aimez mieux vous reduire, que non pas confesser que l'Eglise Romaine a erré, & aimez mieux dire qu'il n'y a iamais eu Eglise, que confesser que nous soyons l'Eglise de Dieu? Aimerez-vous mieux auancer l'atheisme, que recognoistre la verité?

Page 35.

Après cela il s'escrie. *Quelle Escriture est celle-là, en laquelle on n'a iamais veu goutte, iusques à ce que vous y auez ietté vos yeux?* Je respons, que nous parlôs de l'Escriture sainte. Comment, nul n'y auroit-il ietté les yeux que nous: veu que nous ny voyons qu'après les autres, & ny voyons que cela mesmes que les anciens Docteurs nous ont môstré, & voire

aucuns des Docteurs de l'Eglise Romaine?

Il dit que les Apostres ont esté malicieux, de nous cacher ceste intelligence, & nostre Seigneur encore plus, qui seroit une horrible blasphemie de ne tenir à son Eglise la promesse qu'il luy auoit faite, de luy enuoyer le S. Esprit pour estre avec elle eternellement. Je repons, que les Apostres ne nous ont point caché ceste intelligence, que nous l'auons d'eux, & la trouuons en leurs saincts escrits, la tenons de là, vous l'y monstrerons: mais vous ne voulez pas voir. Nous tenons ce que les Apostres ont reuelé, presché, & escrit par le saint Esprit, qui les a menez en toute verité: & tenons qu'ils ont esté loyaux & diligens en leurs charges, & ne tenons, ny ne voulons que ce qu'ils ont escrit: Ce qui est du contraire, nous l'abhorrons. Mais c'est vous qui faites les Apostres malicieux, car si ce que vous enseignez est bon & de Dieu (dites miserables) ne sont-ils pas malicieux de ne l'auoir enseigné? Sont-ils loyaux, ny nostre Seigneur, qu'il ne leur ait donné le S. Esprit, pour le dire & l'enseigner? Car ils ne ont rien enseigné de vostre Papauté: & vous dites que cela est bon, & le vray seruice de Dieu. Cōment l'ont-ils donc oublié & l'ont-ils caché? Si cela est si bon, cōment ne le leur a suggeré le saint Esprit? que s'ils ne l'ont eu pour le leur suggerer, comment ne le leur a doné nostre Seigneur, veu qu'il le leur auoit promis? Mais nous argumentons autrement que Belarmini & de Spōnde, à sçauoir, que

nostre Seigneur a donné le S. Esprit à ses Apostres comme il auoit promis, qu'il leur a suggeré la verité, & tout ce qui estoit de l'instruction de l'Eglise & pour nostre salut, & qu'ils l'ont enseigné fidèlement en l'Euangile. Or est-il qu'ils n'ont point enseigné rien de vostre Papauté, ains le contraire. Nous disons donc, que ce qui est de vostre Papauté, & tout ce que vous auez hors l'Euangile, n'est ny des Apostres ny du saint Esprit, ny de nostre Seigneur, ny de nostre salut ny de l'Eglise. Où en est maintenant de Sponde? Tout ce que nostre Seigneur a promis à ses Apostres, il le leur a donné.

Or il leur a promis le saint Esprit pour les conduire en toute verité :

Il leur a donc donné le saint Esprit pour cest effect.

Tout ce que le S. Esprit a deu faire, il l'a fait. Or il deuoit suggerer la verité aux Apostres, le saint Esprit leur a donc suggeré la verité, & les a conduits en toute verité. Or il ne leur a pas suggeré rien de vostre Papauté, ce n'est pas donc la verité.

Si ce qui est de vostre Papauté eust esté de la verité, & digne d'estre sceu, du bien & du salut de l'Eglise, le S. Esprit l'eust enseigné aux Apostres, & eux à nous : nous le trouuerions, & seroit en l'Ecriture sainte. Or cela qui est de vostre Papauté, n'est pas en l'Ecriture sainte, cela n'est pas donc digne d'estre sceu, ny de nostre salut, ny la verité, ny en-

seigné par le S. Esprit & par les Apostres. Car c'est par la doctrine des Prophetes & des Apostres, que le S. Esprit a enseigné l'Eglise du nouveau Testament, & non par autre doctrine. Nous tenons donc que nostre Seigneur a enuoyé le S. Esprit à ses Apostres, qu'il leur a tout enseigné, qu'ils ont tout enseigné, que les Apostres ont parlé & écrit, inspirez par le S. Esprit comme les Prophetes, que nous auons tout ce qui est à salut au vieil & nouveau Testament, & qu'il ne faut pas maintenant croire ny à autres escrits, ny à autres esprits, qui parlét contre ses saincts escrits, non pas mesmes quand ce seroyent Anges du ciel. Car que Dieu parle, qui n'es- Galat. 8.  
couterà ? or Dieu parle en l'Ecriture sainte, qui ne l'escouterà donc plustost que non pas vn Ange ou vn Pape qui contredira à Dieu & à sa parole ?

Mais vous ; veu que vous deferez plus au Pape, & le croyez plustost que Dieu qui parle en l'Ecriture sainte, commēt vous excuserez-vous, que vous ne le mettiez en la place de Dieu ? Que si vous dites, que les Apostres n'ont tout dit, ou n'ont tout sceu, qui accusez-vous d'infidelité, ou eux de n'auoir tout écrit, ou le S. Esprit de ne les auoir enseignez ? que si vous confessez que le saint Esprit leur a tout enseigné, tout ce que falloit pour nostre salut, & par eux a tout reuelé ( Car n'en aura-il reuelé qu'une partie ? ) & que les Apostres ont tout écrit fidelement.



Pourquoy songez-vous & cherchez vne autre doctrine? où en trouuez-vous de plus parfaite? Au Pape, aux Conciles, aux morts, aux apparitions & aux fantosmes & illusions que vous croyez? Dieu n'a pas promis son Esprit à cela, pour nous enseigner sa verité, ains à ses Apostres. Ils ont Moyse & les Prophetes, qu'ils les oyent (dit nostre Seigneur) De surplus nous auons les Apostres, oyons-les.

LUC 15. 29.

Le sieur de Sponde a veu que ceste promesse du S. Esprit faite aux Apostres luy estoit contraire, & pourtant il se retire de là le plustost, & le plus finement qu'il peut, non pas si finement qu'il n'y laisse du sien, & n'y perde son honneur & sa Papauté. Il s'efforce de la sauuer par vne autre voye, mais c'en est desia fait: cependant voyons ce qu'il fera. *La promesse (dit-il) a esté faite à l'Eglise, de luy enuoyer le saint Esprit, pour estre avec elle eternellement. A quoy faire cest Esprit, s'il n'enseigne la verité?* Je demande pourquoy de Sponde n'a coté le lieu où ceste promesse est faite: & si ce n'est pas parce que ny luy, ne Belarmini ne scauroyent, ou qu'ils voyent que les passages leur sont contraires? Car voicy comme il y a au 59. d'Esaië. C'est icy mon alliance avec eux (a dit l'Eternel) mon Esprit qui est sur toy, & mes paroles que j'ay mises en ta bouche, ne bougeront point de ta bouche, ny de la bouche de ta posterité, ny de la bouche de la posterité de ta posterité (a dit l'Eter-



l'Eternel, dès maintenāt & à iamais. Or si on respond à cela, que c'est vne ordonnance de Dieu, & qu'il veut que son Eglise soit tousiours ainsi conduite, à sçauoir, par sa parole, & par son Esprit, & qu'il defend que ce soit autrement (ce qui est vray) que dira-il à cela? Que c'est vne promesse que Dieu fait à son Eglise de luy donner son saint Esprit? Soit. Mais n'est-ce pas à fin qu'elle soit conduite & qu'elle soit gouuernee par iceluy en suyuant sa parole? Qu'a donc l'Eglise affaire d'un Pape, ny de ses constitutions, pour se gouuerner selon cela en sa croyance, veu que Dieu promet son Esprit & sa parole pour son seul gouuernement, & qu'il veut que l'Eglise soit tousiours ainsi conduite? Je dis tousiours d'aage en aage, & de posterité en posterité, iusques à la fin du monde, Esai. 59. 21. Apoc. 22. 4. 1. Corint. 11. 26. Dieu promet son Esprit à son Eglise, & sa parole quant & quant. Je demande quelle parole, si ce n'est celle qui est escrite és liures des Prophetes & des Apostres, le vieil & nouueau Testament, qui est l'Ecriture sainte? Dieu a-il deux paroles? Or Dieu ne donne point son Esprit sans sa parole. Il a conioint sa parole & son Esprit ensemble: si son Esprit est en nous, sa parole sera en nostre bouche, & nous parlerons par icelle, & n'enseignerons rien contre icelle. Je dy en ce que nous aurons le S. Esprit & parlerons par iceluy, & quand nous parlerons par la parole de Dieu, nous parlerons par le

sainct Esprit, & quand nous enseignerons & parlerons, croyrons & ferons par le sainct Esprit, nous parlerons, enseignerons, croirōs & ferons selon que Dieu commande par sa parole : autrement non. Or vous, vos Prelats, vos prescheurs, vos Conciles & Papes, ne parlez, n'enseigniez, ne croyez, ny ne faictes selon la parole de Dieu, ains au contraire, ie dis en vostre Papauté & fausses deuotions: en cela donc vous n'avez pas le sainct Esprit, ne parlez, n'enseigniez, ne croyez, ny ne faites par iceluy. Où en est maintenant de Sponde? Ceux qui separent le sainct Esprit de sa parole, n'ont point le sainct Esprit. Or vous separez le sainct Esprit de sa parole, vous n'avez pas donc le sainct Esprit en ce que vous enseigniez contre la parole de Dieu.

Ceux qui demandent à Dieu le sainct Esprit, se disent l'obtenir, & l'auoir, & ils laissent la parole de Dieu, & separent le sainct Esprit d'icelle, en enseignant contre icelle, n'ont point le sainct Esprit en tout cela: ains mentent, errent & sont seducteurs. Or vos Prelats, vos Conciles, vos Docteurs, & prescheurs demandent (ou se disent demander) le sainct Esprit à Dieu, & si se disent l'obtenir & l'auoir, & cependant laissent la parole de Dieu, en enseignant contre la sainte Escriure la seule parole de Dieu: en tout cela dōc vos prelatz, Conciles Docteurs & prescheurs n'ont point le sainct Esprit. On me repliquera, que Dieu a promis le sainct Esprit à ceux

qui le demanderont, & que les Prelats le demandent assemblez en leurs Cōciles, conclaves, & ailleurs, & aussi les Docteurs & prescheurs, & partant qu'il leur est donné: car autrement Dieu ne seroit pas veritable. Je respons, que Dieu donne son Esprit à ceux qui le luy demandent, pour faire ce qu'il a commandé, & ce qui est porté par la parole de Dieu: & non pour establir, prescher, & enseigner ce qui est contre la parole de Dieu, (comme font les prelates & prescheurs de l'Eglise Romaine, en establisant & enseignant ce qui est de la Papauté & idolatrie.) Et partant ie dis, que le saint Esprit ne leur est pas donné en cela: car le saint Esprit se contrediroit, d'autant que ce qu'ils establisent ainsi, c'est contre la parole de Dieu, en laquelle le saint Esprit parle. Nostre Seigneur n'a promis son Esprit que pour faire suiure sa parole, & ne le separe pas d'icelle.

On repliquera encore, que nostre Seigneur a promis sa presence à ceux qui s'assemblent en son Nom, qu'ainsi s'assemblent les Prelats: partant que le S. Esprit leur est donné, & ont nostre Seigneur present, pour les garder d'errer. Je respons, que ceux qui sont assemblez pour leur fast, ambition, reuenu & commodité, ne sont point assemblez au nom de Dieu: mais en leur nom & pour eux-mesmes. Or ainsi s'assemblent vos Prelats: Ils ne s'assemblent pas donc au nom de Dieu, & partant ie di que le S. Esprit ne leur

est ny promis ny donné : & qu'ils n'ont pas nostre Seigneur present pour les garder d'errer. Nostre Seigneur n'a promis sa presence qu'à ceux qui sont assemblez en son Nom: c'est à dire, à ceux qui renoncent à eux-mesmes, & à leurs propres affections, pour suivre la parole de Dieu. Ceux d'oc qui ne quittent pas leurs affections pour suivre la parole de Dieu, n'ont aucune promesse du saint Esprit, ny de la presence de nostre Seigneur en cela. Je demande, si ceux qui s'assemblent pour establir l'idolatrie, & pour le reuenu qui leur en vient, s'assemblent au nō de Dieu? n'est-ce pas plustost contre Dieu & sa parole? Or ainsi s'assemblent vos Prelats, ils ne s'assemblent pas donc au nom de Dieu: mais contre Dieu & sa parole. Pretendre le nom de Dieu, & dire qu'on s'assemble au nom de Dieu, & faire contre Dieu, est-ce s'assembler en son Nom?

Au 28. de S. Matthieu nostre Seigneur promet sa presence à ses Apostres, & à l'Eglise en leurs personnes, iusques à la fin du monde: mais c'est apres leur auoir commandé d'enseigner de garder toutes les choses qu'il leur auoit cōmandees. C'est donc à dire que la presence de nostre Seigneur n'est pas promise à l'Eglise, sinon entant que l'Eglise gardera, & enseignera ce que Dieu a commandé. Dieu n'a promis, ny ne donne son Esprit, ny n'est present, qu'à ceux qui enseignent & gardent ce qu'il a commandé. Or vous n'en-

seignez pas, ny ne gardez ce que Dieu a commandé : Dieu ne vous a pas donc promis son Esprit ny ne vous est présent. Ceux qui se desuoient de la parole de Dieu, & ne l'enseignent, & ne la gardent, n'ont ny le S. Esprit, ny promesse de la presence de nostre Seigneur en cela. Or vous-vous desuoiez de ce que Dieu a commandé, ne l'enseigniez, ny ne le gardez, vous n'avez pas donc le S. Esprit, ny promesse de la presence de nostre Seigneur en cela.

Mais vous pensez, que Dieu a promis son Esprit à son Eglise à fin qu'elle n'erre jamais, quelque chose qu'elle ordonne & enseigne, & que cela est impossible : vous-vous abusez ; il conște du contraire. Si nostre Seigneur auoit promis son Esprit à toutes ses Eglises en general, ou particulièrement à quelqu'une pour jamais, n'errer ny en tous ses membres, ny en quelque partie, ni en quelques poincts de la Religion, ou en tous, telle Eglise n'erroit jamais, ny en quelqu'un de ses membres, ny en quelque poinct de doctrine, ni en tout. Or est-il qu'il nous conște du contraire, à sçauoir que plusieurs Eglises, & plusieurs vrais membres d'icelles aussi errent, non en vn, mais en plusieurs poincts de doctrine : & conște que plusieurs Eglises errent, voire en tout, & se perdent du tout, comme celle des Iuifs, celle de Corinthe, d'Ephese, de Pergame, & vne infinité d'autres, tant de la Grece que de l'Asie : il s'ensuit donc, que Dieu n'a

pas promis son Esprit à toutes ses Eglises, pour dire que iamais aucune n'errera, ny en quelque poinct de doctrine, ny en quelques membres de son corps, ny en tout, & pour n'estre plus Eglise. *A quoy dōc faire cest Esprit, s'il n'enseigne la verité*, dit de Sponde? Le respōs qu'il enseigne aussi la verité, comme elle est en la parole de Dieu, car nous ne l'auons point qu'en l'Escripture sainte: Là le S. Esprit nous enseigne la verité: d'autrepart nous ny entendrions rien, si par le S. Esprit nous n'estions esclaircis en l'intelligence d'icelle. Ce n'est pas le tout que la verité nous soit proposée en l'Escripture sainte: Car si avec cela le saint Esprit ne nous estoit donné, ces mysteres surpassent nostre sens: & nous orrions & n'entendrions pas, & verrions & ne cognoistrions pas, nous liriōs & ne cōprendrions pas. Nul, dit l'Apostre, ne cognoist les choses qui sōt de Dieu, que celuy qui a l'Esprit de Dieu.

1. Cor. 2.  
10. 11.

Mais c'est sur cecy que s'esleue le sens de la chair, pour disputer contre Dieu. Nous ne pouuons (dit-on) ny entendre, ny aimer, ny suyure la parole de Dieu, si le saint Esprit ne nous est donē: cela est vray. Sans le S. Esprit, l'Eglise ne peut donc que se perdre & errer: Cela est aussi vray. Dieu luy a promis le S. Esprit pour la garder d'errer, nous confessons cela aussi. Pourquoi est-ce donc, dira-on, que Dieu ne luy donne & continue tousiours son Esprit, si amplement qu'elle n'erre iamais? Helas! ferōs-nous venir Dieu à raison? Ne se-

ra-il pas ce qu'il a ordonné? à qui en cela fait-il tort? Ceux qui perissent, perissent-ils que par leur faute, encore que Dieu en ait ainsi ordonné? Les fils d'Heli perirent par leur rebellion, & si estoient pasteurs de l'Eglise, Ils <sup>1. Sam. 2. 25</sup> n'escouterent point les remonstrances qu'on leur faisoit, & ne donnèrent pas lieu au saint Esprit: par ce que Dieu auoit ordonné de les destruire. Mais leur rebellion, fut la cause de leur malheur: Aussi ceux qui perissent en l'Eglise, c'est qu'ils ne veulent recevoir le S. Esprit, le contristent, font & bataillēt à l'encontre, en cherchant, voulant, & faisant ce qu'il defend par sa parole. Dieu est libre de ses biens, il les donne de sa grace, & les retire pour nostre malice. Dieu auāce & retire sa grace, selō que bō luy semble. Si Dieu priue quelques Eglises de ceste grace, ou s'en retire, & en retire la faueur, & les laisse de choir, est-ce nouueauté? où est l'Eglise d'Israël, où celle des Juifs? où sont les sept Eglises d'Asie, ausquelles nostre Seigneur a biē voulu escrire du ciel? où les Eglises de Grece plantées par S. Paul, où celle d'Egypte plātees par S. Pierre? Là se void nostre infirmité, & que nostre fermeté vient de Dieu, que de tout nostre salut la gloire luy est deuē, qu'il ne doit rien à personne, que ce qui est sauué, n'est sauué q̄ de grace, qu'il n'y a en nous que vanité, matiere de mort & de condānatiō. Qui luy a le premier dōné (dit l'Apo.) & il luy sera rēdu? A luy, de luy, & pour luy sōt <sup>Ro. 11. 35.</sup> toutes choses. Qui sondera les abysses de la



Pſeau. 92. ſageſſe de Dieu? Ses œuures ſont merueilleuſemēt profondes : l'hōme brutal n'y cognoiſt rien. Dieu auoit fait de belles promeſſes à Dauid & à ſa poſterité, Pſe. 89. Et quand les fideles ne voyoyēt en apparence que tout le contraire, diſputoyent-ils, ou ſ'ils murmuroyent contre Dieu? Au contraire, en tout cela doubloyent & redoubloyent leurs loüanges à Dieu. Dieu eſt libre, & ſa grace n'eſt ny liee ny aſtreinte à perſonne. Les promeſſes de Dieu ſont conditionnelles en cela.

Ezech. 20.  
24. C'eſt icy où ſe perdēt de braues eſprits: les prelatſ crient qu'ils ſont l'Egliſe, que le S. Eſprit leur eſt promis, ſ'enſſēt de cela, crient que ils ne peuuēt errer, le ſont crier par leurs trōpettes, & en ſont retētir les voutes de leurs tēples, le ſōt coucher par eſcrit, ne diſputēt que de cela: les ſimples le croyēt: les autres voyēt bien que l'Egliſe Rom. erre, & penſent que ſi ce que diſēt les Prelatſ & les Ieſuites eſt vray, qu'il ny a point de fermeté aux promeſſes de Dieu (comme penſoyent pluſieurs, en ce que Dieu auoit reietté la natiō des Iuiſ, ou retranché ſon alliance) & ſur ces penſemēs, on ſe iette en l'atheifme. Mais le fidele qui ſera eſclairé de Dieu, verra en tout cela les iugemēs de Dieu, les loüera, dira que Dieu eſt libre de ſes biens, qu'il en donne, ou, & autant & quand & pōur autant de temps que bon luy ſemble: qu'il ne doit rien à perſōne, que ſa grace n'eſt liee ni aux lieux, ni aux perſonnes. Combien de baptizez qui periſſent? Combien qui parti-



cipent à la Cene, & non à Iesus Christ? Combien qui oyent la parole de Dieu à leur condamnation? Beaucoup d'appellez & peu d'eus (dit nostre Seigneur) le fidele regarde de faire ce que Dieu luy commande, & laisse à Dieu ses secrets. Deut. 2. 9.

*C'est donc vne impieté à de Sponde de dire, (ainsi qu'il cote en marge) que si l'Eglise Romaine a erré, que le S. Esprit qui auoit charge d'enseigner l'Eglise, se seroit longuement endormi en tout le travail des Chrestiens passez, soit à enseigner, soit aux administrations des Sacrement, soit aux martyres, soit aux bonnes vies, & auroit esté inutile. Miserable! qu'est-ce que tu dis? Si le S. Esprit n'a enseigné ton idole de Pape, & tes Cardinaux, il a esté inutile en l'Eglise? mais qui ne voit que pour la pluspart ce sont Epicuriens, gens qui n'ont soin que du reuenu de leurs idoles, & qui pour cela sont comme forcenez contre nous? Le S. Esprit a sommeillé long temps (dis-tu) s'il n'a enseigné vostre Clergé: font-ils enseigner par le saint Esprit? Ils font & vont contre iceluy, quand ils font contre l'Ecriture sainte. Car comme a esté dit, le saint Esprit parle en icelle. Mais pensez-vous que le S. Esprit ait enseigné ce qui est de vostre Papauté? Il se seroit contredit: car il parle autrement, & tout au contraire en l'Ecriture sainte, comme nous vous faisons paroître. Mets-tu vos gens d'Eglise au rang des Martyrs? ou pensez-vous que les anciens Martyrs ayent esté Papistes? vous-vous abu-*

sez si vous pensez cela, & qu'ils ayent esté gens de Messe, & idolatres comme vous. Mais que veux-tu dire des bonnes vies? que si la vie de vos gens d'Eglise n'est bonne & saincte, que le saint Esprit s'est endormi, & a esté ou est inutile en l'Eglise? Blaspheme! veux-tu nous faire croire que la vie de vostre Clergé, du grand iusques au petit, soit œuvre du saint Esprit? Abolis donc la Loy de Dieu & casse tous ses commandemens. Veux-tu dire aussi que si le saint Esprit n'a operé en vostre faux, corrompu & bastard ministere, tel que vous l'avez vous-mesmes inuenté, il a sommeillé? Est-ce là que le saint Esprit employera sa vertu, & agira par cela qu'il n'a point ordonné, qu'il abhorre & qu'il a condamné: ou par la pure predication de son Euangile, & la pure administration des Sacremens qu'il a ordonné? Mais quand ainsi seroit, que par la malice & l'impieté du monde l'un & l'autre cesseroit, & qu'il n'y auroit ny predication, ny Sacremens, ne nous sauvera-il pas bien sans vostre Messe, & sans vos presches fabuleux & pleins de blasphemes? Cela n'est tout qu'impieté & idolatrie: le saint Esprit sauue sans cela, & non par cela.

Que fera-ce donc, dira quelqu'un, de la promesse que Dieu a faite, de donner son Esprit à son Eglise? Je respons, que Dieu n'a promis, ny ne donne son Esprit à son Eglise qu'en luy donnant de suivre sa parole (comme a esté dit) & ne separe iamais l'un de l'autre.

tre : Et disons , que combien que la predication de la parole , & l'administration des Sacremens , soyent les moyens ordinaires par lesquels le saint Esprit nous meine à salut , que neantmoins il n'est pas si lié à iceux , que sans predicateur n'y administrateur il ne nous puisse instruire en nostre salut , selon la parole de Dieu , & nous asseurer le benefice de la mort & passion de nostre Seigneur. Le saint Esprit a fait cela durant la corruption de vostre Papauté , & lors qu'il n'y auoit aucune pureté , ny en vos predications , ny en vos sacremens , & a sauué les esleus de Dieu. Et de Sponde dit , que le saint Esprit a long temps dormi , & a esté inutile ! Nous disons bié , qu'il n'a pas agi par vostre ministere , en ce qu'il est corrompu & plein d'idolatrie : mais il a agi par soy-mesme , par son ministere interne , cessant l'externe , lequel est du tout vain sans c'est interieur , que fait le S. Esprit en nos ames. Neâtmoins ne pense pas que nous reiettiõs le ministere externe , nous en vsons , Dieu l'a ordonné , nous le reuerons : par iceluy le S. Esprit nous instruiet en nostre salut , & nous le fait certain , & nous maintient en la crainte de Dieu. Mais nous disons , que si ce ministere externe defaut , le S. Esprit y supplée , ou pour mieux dire fait seul office de prescheur , & de ministre interieurement en nos ames , luy qui est seul le vray Docteur : & nous explique & applique en nos esprits les promesses de Dieu qui nous sont faites en l'Euangile.

A ce donc qu'il dit, que nostre Seigneur a promis le saint Esprit à l'Eglise pour estre tousiours avec elle, & la garder d'errer: outre ce que i'ay dit cy dessus. Je respons encore, qu'ouy. Mais ceste Eglise, ce sont ceux qui sont escripts au liure de vie, ordonnez à croire, ordonnez à salut, qui sont de la communion de nostre Seigneur, chair de sa chair, & os de ses os, ses membres, & entez en luy. Le saint Esprit meine ceux-là à la vie bienheureuse, il les releue quād ils sont cheuz, les fortifie en l'infirmité, leur esclaire en tenebres, les rameine quand ils sont desuoyez, les soustient quand ils chancellent, s'ils errent, les retire de l'erreur, leur donne des yeux pour voir, oreilles pour ouyr, & cœur pour comprendre, & les viuifie en la mort: en l'ignorance, en l'obscurité, & voire en l'horreur des enfers, leur fait voir la lumiere & la ioye du ciel, & les y ameine. C'est comme le saint Esprit est promis à l'Eglise. C'est ce qu'il y fait: c'est que souuent il la rameine de l'idolatrie & de l'enfer en plusieurs de ses vrais membres. Le saint Esprit garde l'Eglise la ramenant de l'erreur, comme en la gardant d'y tomber.

Je demande maintenant, si de Sponde n'est pas vn imposteur, de nous imposer que nous despoüillons l'Eglise de l'assistance du saint Esprit? Ainçois nous l'en reuestons, & disons qu'il luy est tousiours present, non seulement quand elle a ses belles estoiles, ses Docteurs

& pasteurs, & le ministère externe : mais mesmes quand cela y cesse, que la corruption y coupe tout, que l'ignorance y a gagné, que ses belles lumieres y sont presque esteintes, que sa voix ne s'y oit comme plus, que sa table n'y est plus dressée, ne le ministère apparent, ainsi que j'ay dit. D'avantage est-il dit, que le saint Esprit sera donné si amplement à toutes les Eglises, que pas vne n'errera jamais en rien, & que chacune aura tousiours son ministère apparent, magnifique, plein de maiesté, & tousiours en vn estat fleurissant. L'Eglise Romaine a-elle ceste promesse particulièrement, de n'estre jamais idolatre, voire de n'estre retranchée de l'alliance de Dieu? Mais au contraire, saint Paul l'aduerit de craindre, & d'estre sur ses gardes, & qu'il ne luy arriue comme à l'Eglise d'Israël. Elle a erré, & est horriblement idolatre. Si en cela elle a esté destituee de l'assistance du saint Esprit, si ne l'est-elle pas en ce qui est du salut, de la repentance, & cognoissance de la grace de nostre Seigneur, & du benefice de sa mort, aux cœurs & aux ames des vrais fideles qui sont là, & font la vraye Eglise de Iesus Christ nostre Seigneur, qui gemissent sous vostre Papauté, & sont là comme le grain sous la paille, ou la perle sous l'ordure, & la roze entre les espines. Ce sont les marquez de Dieu, ceux qui sont escrits au liure de vie. Ceux-là sont gueris de l'aiguillon mortel du scorpion, de la fausse doctrine de vos faux Docteurs. Le

sainct Esprit assiste là, & sauue ce que le Pape & son Clergé font effort de perdre par leurs superstitions. Le S. Esprit guerit ceux que vous blesez, & viuifie ceux que vous tuez. Que faites-vous? vous naurez à mort, donnez le torment à l'ame, comme fait le scorpion à l'homme quand il l'a frapé: vous ostez toute consolation, cachez le benefice de la mort & passion de nostre Seigneur, constituez le salut ailleurs (à sçauoir en l'idolatrie) & ne laissez que desespoir. Le sainct Esprit subuiét là aux elleus, & les retire de l'erreur, des liens de Satan: les cōsole, leur assure de salut en la mort de nostre Seigneur, la leur applique, & sauue nuiët & iour vne infinité d'ames, que vous perdez entant qu'en vous est. Nous disons cela: & de Sponde dit, que nous faisons dormir le S. Esprit en l'Eglise, l'y faisons inutile & destituons l'Eglise de l'assistance d'iceluy: Il est dit au 2. des Chroniq. chap. 15. que plusieurs iours se passerent en Israël sans le vray Dieu, sans Sacrificateur enseignant, & sans loy: c'est à dire, sans l'exercice de la vraye Religion. Car il dit sans le vray Dieu, pour dire sans la vraye inuocation publique du nom de Dieu. Est-il à dire, que les elleus qui font la vraye Eglise, fussent lors destituez du sainct Esprit? mais il besongnoit interieurement en leurs cœurs, & puissamment à leur salut, le ministere externe deffaillant. Helas! ne reconnoissez-vous pas cecy? que seroit-ce autrement?

Apoc. 9. 5.

2. Chron.  
15. 3.

C'est aussi vne autre demãde que nous fait de Sponde, à sçauoir, *Si nous ne voulons nier qu'il n'y a eu vne continuelle Eglise iusques à nostre temps, pourquoy nous croyons qu'il y puisse auoir vne Eglise qui renuerse tous les mysteres de la foy, mesle le ciel & la terre, & quitte du tout son Dieu, pour s'attacher à toutes sortes d'abominations?* Je respons, que nous accordõs qu'il y a eu Eglise continuelle iusques à nostre temps, mais les vnes fois plus pure que lès autres, & qu'à present elle est tres-impure en l'Eglise Romaine, & à grãd besoin de reformation. Que l'Eglise Romaine ait renuersé tous les mysteres de la foy: nous respondons, que peu s'en faut. Toutesfois nous recognoissons qu'elle est encore pure en des poinçts principaux de la Religion Chrestienne. Côme de la sainte Trinité, de la distinction des trois personnes, de la generatiõ eternelle du Fils, de sa Deité, de la Deité du S. Esprit, & qu'il procede du Pere & du Fils, & semblablement de l'vnité de l'essence diuine, de l'vnion des deux natures en la personne de nostre Seigneur, sans confusion des natures, ny des proprietéz en vne personne. Or que l'Eglise Romaine se soit attachee à toutes sortes d'abominations: dites-nous ce qu'il s'en faut. Quoy qu'il en soit nous y en voyõs tant, que c'est horreur. Mais qu'elle ait du tout quitté son Dieu, il y a long tẽps qu'elle l'eut fait, si Dieu eust voulu rompre l'alliance: mais il en a pitié. D'auoir meslé le ciel avec la terre: Que fait dõc l'Eglise Ro-



maine, quand d'un morceau de pain elle fait son Dieu, & fait Dieu d'un morceau de pain? le fait descendre du ciel sur l'autel, serre en vne armoire le Dieu du ciel (à ce qu'elle dit) & la escrit, Adore icy Dieu.

*Tout ce qui a ces marques (dit de Sponde) ne peut estre Eglise.* Si auez-vous cela, & estes encores Eglise: mais tres-corrompue, & serez Eglise tant que vous serez en l'alliance de Dieu, & iusques à ce que Dieu vous ait retraché, & donné la lettre de diuorce. Mais si vous ne vous amendez, ne quittez vos erreus & idoles, & ne vous repentez, vous ne pouuez estre sauuez, quoy que vous soyez encore en l'alliance. L'alliance de Dieu vous apporte ce bien, que vous pouuez estre sauuez, en vous repentant de vos impietez, en les abiurant, & demandant à Dieu pardon. Les idolatres ne possederont pas le royaume de Dieu, s'ils ne se repentent, & ne demandent pardon.

*La foy & la pieté de l'Eglise, dit-il, ne defaindra iamais.* Je respons que non en tout & par tout, ny en tous: mais pourtant elle esclipsera bien, il a esté predict. Pourquoi ne le croyez-vous? Plusieurs, dit l'Apostre, defaillent de la foy, & s'amuseront aux esprits d'erreur & doctrines des diables. De faict la pieté & la foy ne defaillét point és ames des fideles, qui font & sont la vraye Eglise, ains y croissent plustost & de plus en plus. Mais vous, qui estes-vous? faites-nous paroir de la foy & de la pieté de vos Prelats & Clergé, que vous appellez



pellez sainte mere Eglise? Il n'en y a comme point: vostre foy en la pluspart c'est idolatrie, & vostre pieté peché. Ce que Dieu n'a commandé, est hors de sa parole. Ce qui est hors la parole de Dieu, est hors de la foy: (car la foy ne est pas foy, si elle n'est fondée en la parole de Dieu) & ce qui est hors de la foy, est peché. Or vostre religion de Papauté n'est pas commandée de Dieu, n'est pas portée par sa parole: elle n'est pas donc de la foy: cela est donc peché. La foy & la pieté de la Papauté est donc idolatrie & peché. Je dy en ce qu'elle croit, suit & tient contre la parole de Dieu.

Quant à ce que de Sponde dit, *Que nous sommes acharnez à l'estat present de l'Eglise.* Je réspons, que l'estat de l'Eglise Romaine ne nous peut plaire, qu'il est tout corrompu: mais que nous n'en avons qu'à sa corruption, & à la Papauté. Qu'en disons-nous qu'avec raison, & par l'Ecriture sainte; & par l'antiquité? Il veut pourtant nous mener (dit-il) au temps que nous pensons avoir esté le plus pur, & veut que nous voyons si les Docteurs de ce temps-là s'accordent avec nous. Soit: mais quel temps pense-il que nous estimions le plus pur? Celuy de saint Gregoire & de S. Bernard? Ces siècles estoient corrompus. Nous estimons que le temps des Apostres est le plus pur: venons à ceux-là. Les Apostres sont les premiers qui ont enseigné l'Eglise du nouveau Testament. Les Apostres sont nos vrais Docteurs & nos iuges: voyez si leur do-

Êtrine s'accorde à la nôstre : nous auons la doctrine des Apostres & leurs escrits , ne de-uons-nous pas donc reietter toute doctrine contraire à leurs escrits ?

Pag 35. Pour faire preuue que les anciêns Docteurs du tēps que nous pensons (à son aduis ) auoir esté le plus pur , ne s'accordent point avec nous : il amene le Purgatoire, & dit , *que nous tenons pour heretiques , ceux qui prient pour les morts.* le respons, que nous tenons prier pour les morts, cōme vous faites , & vostre purgatoire, pour erreur & blasphemie contre la misericorde de Dieu & la mort de nôstre Seigneur : mais l'erreur n'est pas communément tenue pour heresie , s'il n'y a opiniastrété, & rebellion incorrigible conioinctement. Pour prouuer que les Anciens, & du temps de nôstre Seigneur, ont creu le Purgatoire, Il allegue le chap. 11. de S. Iean touchant la resurrection du Lazare, & dit, *que Marthe pria nôtre Seigneur pour son frere Lazare qui estoit mort.* Mais ie demande, fut-ce pour le tirer du purgatoire ? Est-il dit qu'il y fut ? est-il là commandé de prier pour les morts ? mais que demâdoit Marthe, sinon qu'il resuscitast du sepulchre ? de Sponde resue : il le voit & quitte son passage, & vient à Epiphanius, lequel dit-il, en la 57. heresie nous condamne en la personne de Ærius. le respons, que Ærius n'est point condâné ny tenu pour heretique, parce qu'il nioit le Purgatoire. Epiphanius ne parle pas de cela, & ne dit pas qu'il y ait de Purga-

toire. Il dit, que lors enuiron l'annee 350. l'Eglise condāna Ærius, pource qu'il reprouuoit les prieres pour les morts. Je demande, quelle Eglise condāna Ærius? l'Eglise Romaine? elle ny fūt ny ouye ny apellee: ains ce furēt les Eglises de Grece. Epiphanius mesme iustifie Ærius, & ditclairemēt, que les prieres ne seruoient de rien aux morts. Autant en dit Denys Areopagite, & que c'estoit plustost pour le soulagement des viuants. Cela estoit lors accoustumē, on le trouuoit bō, Ærius non, & contre le iugement des autres en disoit franchement son aduis: on le trouua trop hardy, on le condamna. Et quoy? s'il craignoit la consequēce, & qu'avec le temps on n'entraist en l'opinion du Purgatoire que tenoyent les Payēs (comme on a fait apres) à quoy il vouloit peut estre obuier? Mais il voyoit que c'estoit douter du salut des fideles apres la mort, & le rendre incertain: là où nostre Seignr dit au pecheur repētāt, Tu seras auiourd'huy en paradis avec moy. Item, Qui croit en moy, est desia passé de la mort à la vie. Ærius pouuoit craindre aussi, ce que condamne S. Hierosme sur l'Epistre aux Galatiens, à sçauoir, d'esperer salut par prieres apres la mort: & pourtāt il pouuoit condamner ces prieres, de peur qu'avec le tēps on n'entraist en opiniō, qu'on auroit redemption par le moyen d'icelles apres la mort. En vn mot S. Augustin ne condamne pas Ærius pour cela: mais dit qu'on l'en a tenu pour heretique. Nous verrons cy

apres l'aduis de S. Augustin en ce qui est du purgatoire. Et & quāt à Epiphanius, il dit là, que prier pour les morts, n'est point de la parole de Dieu, ains de quelqu'un des Anciens. Il ne sçait pas dire de qui, ny ne s'en soucie, n'en faisant pas d'estat : mais il assure bien que prier pour les morts, n'est pas de la parole de Dieu. Si Epiphanius & saint Augustin eussent creu un purgatoire, que volōtiers ils n'eussent pas autrement cōdamné *Ærius* : mais suffit que la parole de Dieu ne le condamne pas en ce poinct-là. Car c'est à la parole de Dieu que nous nous reiglons, non à *Ærius* ny à S. Augustin ny à Epiphanius.

Quant à saint Bernard, nous sçauōs bien ce qu'il en dit, & sçauons bien qu'il n'en faut rien croire, non pas quand mesme un Ange le diroit : veu que la parole de Dieu n'en porte rien. S. Bernard allegue le 12. de S. Matthieu : Je respons, qu'il n'est point là parlé du Purgatoire, ny de prier pour les morts : mais que le peché contre le S. Esprit ne sera iamais pardonné, ny en ce mōde, ny au iour de la resurrectiō. Lors que nostre Seigneur fera le grād & dernier iugement, & le grand, dernier, & general pardon. Opposons S. Bernard à saint Bernard : car il dit en ses sentences, qu'il y a trois lieux qui ont chacun ses habitans, les cieux ceux qui sont sauuez, l'enfer les dānez, la terre ceux qui seront ou sauuez ou dānez : dites où met-il le purgatoire ? Il nen parle pas là, ny n'en recognoist point. Mais ie demande,

Galat. 1. 8.

Rom. 2. 5.

1. Cor. 15.

28.

1. Cor. 5. 5.

2. Cor. 5. 10

2. Timot. 1.

18.

si de Sponde n'a pas bõne grace de dire, que pour toute responce à S. Bernard, nous dirõs que peut estre saint Bernard s'est trompé. Pense-il que nous parlions par peut estre? Nous sommes asseurez de nostre baston, & ne sommes pas irresolus & incertains cõme vous. Nous croyons qu'en cela S. Bernard s'est trompé, & n'en parlons pas par peut estre: & luy auons respondu par luy-mesme. Nous sçauons que nostre Seigneur a fait la purgatiõ de nos pechez par soy-mesme, que toutes nos iniquitez ont esté mises sur luy, qu'il en a porté la peine: & pour nous descharger de la coulpe & de la peine. Nous sçauons qu'il nous a lauez en son sang, & qu'en luy nous auõs pleine remissiõ de nos pechez, & que sa iustice est nostre pour en estre faits iustes deuât Dieu. Que nous reste-il là (ie dy apres nostre mort) que le ciel? *Puis que nous disons que S. Bernard a erré (dit-il) ne l'appellez plus Saint.* Cela est puerile, & indigne de responce. S'il a erré en quelques poincts de doctrine, n'est-il plus de la communion des saints? Cest hõme, ie dy de Sponde, est Anabaptiste: car ainsi il veut faire les hõmes tous parfaits, dès ceste vie.

Là dessus de Sponde dit aussi, *que nous n'appellions plus M. Luter nostre Prophete*: que ferõs-nous dõc? nous voila perdus. Mais pourquoy n'appellerõs-nous M. Luter nostre prophete? pource (dit-il) qu'il a creu le Purgatoire & si a bien Caluin, & moy aussi, & beau-

coup avec nous, qui maintenāt n'en croyons rien. & quand M. Luter l'auroit creu, qu'en fera-il? à sçauoir s'il y aura vn Purgatoire pour cela? Il ne sera plus nostre prophete? & puis nous auons nos Prophetes & nos Apostres au vieil & nouueau Testament.

Quant à S. Gregoire, nous sçauons assez quelle a esté son opinion du Purgatoire: mais est-elle fondée en l'Escripture sainte? il en a fait de beaux contes pour le faire croire: cela l'a rendu ridicule, & ses liures odieux, & lors en danger d'estre bruslez, aussi bien que le tien par la Sorbonne.

Quant à S. Augustin sur le Pseau. 38. il parle du feu d'enfer, puis apres du feu de chastiment & d'amendement, & semble bien qu'il l'entende apres la mort. L'Apostre ne parle pas ainsi, disant, Faisons bien cependant que nous en auons le temps. Et saint Hierosime là dessus dit, qu'il n'y a ny salut ny redēption apres la mort. Quant aux escrits de S. Augustin, j'en iuge selon son aduis: (à sçauoir) les examinant à la parole de Dieu, & n'en croyāt que ce qui conuient à l'Escripture sainte. Il peut bien estre que cela que de Sponde allegue, n'est pas de S. Augustin. Mais en vn mot S. Augustin ne parle là nullement, ny de Purgatoire, ny de prier pour les morts, mais d'amendement; c'est à sçauoir, de s'amender apres la mort, mais la parole de Dieu ne parle ny de Purgatoire, n'y d'amendement apres la mort..

Epistre 19.  
à S. Hierosime.

Gal 6. 10.

Quant au passage de S. Paul sur la premiere Epistre aux Corinth. chap. 3. Il est icy souuent exposé. Ce feu dont l'Apostre parle, c'est l'examen du S. Esprit, qui examine la doctrine de ceux qui enseignent en l'Eglise, l'esprouue & leur monstre leur erreur: & s'ils s'en retirent, ils sont sauuez, mais ayans premierement passé par cest examen du saint Esprit, qui se fait icy auant la mort, ou sur le poinct de la mort. De Sponde dit, *que S. Ambroise a entendu ce passage du Purgatoire*, cela est faux, il l'a entendu cōme nous, ou nous comme luy. Ce qu'il dit de Theodoret, est aussi faux: car Theodoret n'a iamais dit, ce qu'il luy impose, à sçauoir, nous croyons ce Purgatoire de feu auquel se purgent les ames, comme l'or au fourneau, &c. Ce grec est de la façon de Sponde, & non de Theodoret. Cela ne se trouue pas aux vieux exemplaires, & n'est en pas vn, si les Iesuites n'ont falsifié la fueille, comme ils en sont bons ouuriers, (tesmoing ce qu'ils ont fait sur les Conciles) & quād cela y seroit, il faudroit prouuer que ce Purgatoire soit apres la mort, non durant ceste vie ni comme a esté dit, à sçauoir par le S. Esprit: & encore faudroit prouuer par l'Escripture sainte, qu'il faut prier Dieu pour les morts: ce que ne se peut aucunement.

Je retourne à S. Augustin: car vous voulez vous en fortifier. Sō pere & sa mere ont voulu qu'on fist commemoratiō d'eux à la communion. Pourquoy? pour les tirer des peines



de Purgatoire? il n'en est rien dit : mais ils vouloyent que tousiours apres eux l'Eglise fust certifiée, qu'ils estoient decedez en la vraye foy & communion des saincts, & qu'ils iouïssoyent de la communion bien-heureuse laquelle l'Eglise. Ils n'auoyent voulu cela que pour consoler l'Eglise, & la fortifier en son esperance: que s'ils ont creu vostre Purgatoire, ils ont erré.

Epist. 19.  
Epist. 198.  
Epist. 112.

Au reste, si saint Augustin a dit quelque chose du Purgatoire, ça esté en doutant, & doute n'est pas certitude : mais quand il en auroit parlé apparemmēt, que seroit cela si l'n'amene l'Escripture sainte pour preuue ? Ce qu'il ne fait pas. C'est son aduis qu'on lise ses escrits comme il lisoit les escrits des autres, à sçauoir, non pas comme textes de l'Escripture sainte, ou ayant mesme autorité : mais bien bas au dessous. Opposons saint Augustin à saint Augustin, pour vous faire voir qu'il n'a rien creu du Purgatoire, quoy qu'il ait escrit. Escriuant contre les Pelagiens il dit, que l'Ecriture sainte ne met que deux lieux pour les ames, à sçauoir Paradis & enfer. Au premier liure des merites des pechez, il dit, qu'il n'y a que deux lieux, qu'il n'y a point de lieu moyen pour aucun que ce soit. *Et hypognosticon lib. Sept. Primum locum fides Catholicorum diuina autoritate regnum credit esse Cœlorum, secundum gehennam, tertium penitus ignoramus imò nec esse in Scripturis inuenimus.* C'est à dire, La foy des Catholiques croit par autorité



diuine, que le Royaume des cieux est le premier lieu, le second l'enfer, le troisieme nous l'ignorons du tout: mais certes, nous ne trouuons point es sainctes Escritures qu'il soit. Si cela ne vous suffit, lisez au 8. chap. du liure 13. de la cité de Dieu, où il dit, que les ames des fideles sont en repos apres la mort, & les ames des infideles portent la peine de leurs pechez attendant la resurrection. Autant aux questions attribuees à Athanasé.

Si vous voulez encor de l'antiquité sur ce poinct, lisez Iustin Martyr en son triomphe, Sainct Cyprien contre Demetrius, S. Ambroise au chap. 2. du bien de la mort, & S. Hierosme sur le 6. des Galatiens, vous verrez qu'apres la mort, il n'y a ny reparation, ny esperance de salut, ny attéte de pardon, ny prieres qui puissent seruir: que c'en est fait, & que la porte de salut est fermee pour les morts: sauf le salut des corps avec leurs ames au dernier iour pour les fideles. Le mesme S. Hierosme sur le Ps. 106. & sur le 11. de l'Ecclesiastique, & sur le 9. d'Esaie en dit autant.

Mais pourquoy recherchons-nous les anciens Docteurs, l'Ecriture sainte ne nous respond-elle pas amplement? Car elle nous testifie que nostre Seigneur a satisfait pour nos pechez, & nous a laués en son sang (comme a esté dit) que son sang nettoye de toute iniquité, qu'il est l'Agneau de Dieu, qui oste les pechez du monde, que bien-heureux sont ceux qui meurent au Seigneur, qu'ils se repo-

Esaye.  
Apoc. 1. 6.  
1. Ican 1. 7.  
Ican 1. 36.  
Apoc. 14.  
13.

sent de leurs labeurs, qu'il ne se faut contrister pour les morts, & qu'ils ressusciteront: & que nostre Seigneur dit au pecheur repentant, Tu seras aujourdhuy en Paradis avec moy. En vn mot, si nostre Seigneur a porté la peine de nos pechez, & nous a racheté de l'enfer: si en nostre Seigneur nous auons l'acquist & la remission de nos pechez, que deuons-nous en Purgatoire? Je dy en Purgatoire, qui iamais ne fut, qu'entre les idees de Platon, & ne se trouuera iamais qu'és fictions des Poëtes & resueries des Payens. Pour faire brief, ie laisse vos côtes fabuleux, les seruices de vos moines, les apparitions des esprits, les songes & visîons que vous alleguez, ainsi que nous les trouuons en vos liures, pour prouuer ce Purgatoire. Cela pour vne autre fois si vous ne vous taisez, mais vos Docteurs Scholastiques & Canonistes ne sauent où ils en sont, comme appert par le Canon *quibus peccata*, & le Canon, *In presenti*. Et le Canon *Tempus*. 13. qu. 2.

Pag. 39. Venons maintenant à l'article des images. Vous les tenez (dit le sieur de Sponde) pour vne pure idolatrie. Nous respondons franchement qu'ouy, comme on en vse en l'Eglise Romaine: & disons que Dieu nous a defendu au second commandement de sa Loy, de nous faire des images, de quelque chose que ce soit que les images representent: soit de ce qui est au ciel, ou en la terre, ou és eaux sous la terre. C'est pour ne les adorer (direz-vous) que

Dieu les a defendues: C'est cela. Et pourtant il a defendu de nous agenouïller deuant, & de les seruir, comme vous faites en les esleuant, les portant entre vos bras, sur vos espaulles, leur faisant des parfuns, leur portant des chandelles, & en les baïsant, les allant visiter d'un royaume en l'autre, ou bien loïn, & en publiant leurs miracles. De qui donc publiez-vous les miracles, des Saints? n'auroient-ils pas autant de vertu en un lieu, qu'en l'autre? Mais dites, que peut vne image de la Vierge plus en Italie qu'en France? que peut vne image de saint Iaques, plus en Espagne qu'en Allemagne, sinon autant qu'il plaira au Curé de l'exalter, & à vous, qui estes si fols que de le croire? y a-il abus comme cela? Vous dites que Dieu ne defend que les idoles: Quoy? ne scauez-vous pas qu'idole & image c'est tout vn? Estes-vous gens dignes de prescher? Vous dites encore, que Dieu n'a defendu que les images de Pallas, de Iuppiter, de Saturne, & des autres faux dieux des Payens. Mais nous vous monstons, que Dieu a defendu les images de soy: Car Moÿse dit ainsi, Vous Deut. 4. ve. prendrez donc bien garde sur vos ames. Car 5. vous n'avez veu ressemblance aucune au iour que l'Eternel vostre Dieu a parlé à vous en Horeb du milieu du feu: de peur que vous ne vous corrompiez, & ne vous faciez image taillee, ou ressemblance, qui vous represente chose quelconque, soit effigie de masse, ou de femelle. Qui doute que ce que Dieu defend

là d'effigie, ne soit pour le représenter? Comme Esaïe au chapitre quarantième, par plusieurs excellens termes & belles façons de parler, monstre la grandeur incomprehensible de la maïesté de Dieu, & apres s'elcrie, disant, A qui dōc ferez-vous ressembler le fort, & quelle ressemblance luy approprierez-vous? Et de faict, le Vivant sera il représenté par vne chose morte? l'Eternel sera il pourtraict par vne chose qui a cōmencemēt? l'infini par vne chose finie? Le Dieu du ciel par vne souche de bois, ou vne pierre taillée? Représenterez-vous Dieu que les cieux des cieux ne peuuent contenir, par vne idole que vous affeublez d'un manteau d'or? Dites, dites, gens insensés, ne desguisez-vous pas Dieu? Oyez ce que dit le S. Esprit par Esaïe, que Dieu a mesuré les eaux avec le creux de sa main: qu'il a compassé les cieux avec la paume: qu'il tient la poussiere de la terre avec vne tierce: a pesé les montagnes au crochet, & les costaux en la balāce? Qu'est-ce dōc de sa grandeur? Quelle image ferez-vous pour représenter le Dieu fort? L'essence de Dieu est incomprehensible, sa sagesse infinie, sa force inuincible, sa presence par tout: & vous le ferez semblable à la vanité, à ce qui n'est rien au prix de luy? Cognoissez-vous rien en ce qui est de la nature de Dieu? Mais quel mal y a-il (dit on) de représenter quelque chose par image? Grand: Si on veut représenter Dieu, & s'en faire image, & mesme pour l'adorer,

& pour cela représenter ou le Saints ou les Anges. C'est le péché que Dieu punit des pères sur les enfans en trois ou quatre générations. Auoir donc des images & les venerer, est-ce le moyen de mieux faire nostre salut? Dieu a defendu cela: les hommes sont-ils plus sages que Dieu pour l'ordonner? Cependant nous ne condamnons pas les images pour idolatrie, si ce n'est quand on les fait pour les adorer, & pour représenter Dieu, & pour le mieux seruir, & quand on les recherche pour auoir salut. Ne l'auons-nous pas sans cela? Cercher salut où Dieu est offensé, c'est chercher Paradis en l'enfer.

C'est maintenant de voir comment nostre aduersaire confute doctement, & avec candeur nostre dire. *Si, dit-il, nous tenons les images pour une pure idolatrie, nous en auons encore establi une pire. En quoy? En ce, dit-il, que nous appellons le pain de la Cene figure du corps de Christ, & en la reuerence que nous voulons qu'on le reçoigne & qu'on s'en approche.* Ce qu'il dit, n'est pas monstrier qu'ils ne sont pas idolâtres, ains vouloir monstrier que nous le sommes. Mais si nous appellons le pain de la Cene figure, n'est-il pas aussi question d'un Sacrement, où il y a figure, & chose figurée, chose visible, & chose inuisible: la première terrestre, la seconde céleste & spirituelle, ou entendue & prinse spirituellement? L'arche, figuroit Dieu: le propitiatoire, Christ: le buisson brulant, Israël qui brusloit en Egypte, & estoit cōme

dans le feu, & ne pouuoit estre consumé: le dragon, figuroit Pharaon: la main de Moÿse deuenât ladre, figuroit Israël pour & cōme ladre en Egypte. Le chandelier, figuroit la lumiere de Dieu: les pains de proposition, que Dieu est le pere nourrissier de son Israël, soit pour la vie presente, soit pour la vie à venir. Toutes ces choses estoient figures. Nous disons, que le pain est figure du corps de Christ: mais comme en Sacrement. Au reste, Dieu a ordonné le pain & le vin de la Cene, pour Sacrement & figure, & non vos images que vous adorez: ains (comme nous auons monstté) Dieu les a defendues.

Mais comment ose-il dire, que nous adorons le pain de la Cene? Nos Ministres preschent le contraire. C'est nous imposer ce que on fait en l'Eglise Romaine: car on dira à la Messe, *Sursum corda*, les cœur en haut, & cependant on adore le pain entre les mains du prestre. Mais sommes-nous artolatres comme vous? Nous adorons le Seigneur au ciel, & non le pain entre les mains du Ministre. Vous le prenez avec adoratiō, & n'en approchez autrement: & nous le prenons avec la main, & pour gage, figure & Sacrement que le corps & le sang de nostre Seigneur nous sont donnez: voire que luy vray Dieu & vray homme nous est vrayement & entierement donné. Là nous adorons Dieu, & participons à sa table avec reuerence. Se doit-il faire autrement? Nous ne cerchons pas nostre Sei-

gneur au pain & au vin, cōme s'il y estoit enclos, ains au ciel : commēt donc adorerions-nous ny le pain, ny le vin? Vray est que selon que saint Paul nous enseigne, nous discernons là le corps du Seigneur. Car nous ne prenons pas le pain, comme pain commun: mais comme consacré à vn vſage ſainct, à ſcauoir, pour nous aſſeurer, teſmoigner & eſtre gage de noſtre communion au corps de Chriſt.

Au reſte noſtre expoſition ſur ces mots, *Hoc eſt corpus meum*: c'eſt à dire, cecy eſt mon corps, eſt ſelon les anciens Docteurs, comme nous dirons en la troiſieſme partie de ces declarations, & ſelon la gloſe ordinaire. Car la gloſe dit ainſi. *Hoc eſt corpus meum*, 1. *ſignum corporis mei*: c'eſt à dire, le ſigne de mon corps, & eſt ſelon le dire de S. Auguſtin. *Cum daret ſignum corporis ſui, non dubitauit dicere, hoc eſt corpus meum*: c'eſt à dire, Quand il donnoit le ſigne de ſon corps, il ne craignit point de dire, Cecy eſt mon corps.

Augu. contra Adimāte, cap. 12.

Mais ne reſue-il pas de dire, que ſ'il faut prendre ceſte figure avec tant de reſpect, c'eſt l'eſleuer à l'honneur meſme de noſtre Seigneur? Au contraire, nous auons l'ame au ciel, quand nous auons la main au pain: & le prenons, non à l'eſtourdie, mais avec reuerence: Et la reuerēce non au pain, mais à noſtre Seigneur, le vray pain qui eſt au ciel, non dans le pain. Si à la Cene nous-nous preſentons avec attention & reuerence, c'eſt comme porte vn



tel mystere. Car nous prenons le pain & le vin en ce saint Sacrement, pour seau de nostre cōmunion avec le fils de Dieu. Mais puis que de Sponde veut rire, parlons de ce qu'on fait en l'Eglise Romaine en tel cas. Là vous portez de beau iour la chandelle allumee en main, vous-vous traînez là à genoux, n'y touchez de la main : ains ouurez les leures pour prendre l'hostie : il semble que vous ne l'osiez aualler, ou que vous craigniez luy faire mal. Car vos Docteurs tiennent, qu'on brise le corps de nostre Seigneur à belles dents. Et comment le briserez-vous uo mort, ou bien viuant? Puis si vous beueez, c'est pour rinser la bouche, si d'auenture il y restoit quelque chose de la chair de nostre Seigneur. De tout le iour il ne faut pas cracher en terre. Ce seroit bien le pire, si tost apres vous veniez à vomir, car il faudroit que le Curé mangeast cela, ou quelque autre apres s'estre bien confessé & mis en bonne deuotion : ou bien que cela fust mis en reliquaire à deffaut de quelque communiant. N'est-il pas vray que vos cautelles le disent? & ne le pratiquez-vous pas? Au reste surquoy se fonde de Sponde, quand il dit, que nous esleuons la figure au mesme hōneur que nous faisons Iesus Christ? Est-ce sur ce que nous disons, que l'Athee ou contempteur de Dieu, qui se presente à ceste sainte table indignement, est coupable du corps & du sang du Seigneur? Mais aussi c'est pource qu'il ne discerne pas le corps du Seigneur,



gneur, dit S. Paul. Comment, & quel est ce discerner-là, si ce n'est discerner le corps de nostre Seigneur d'avec le pain, & prendre le pain pour gage & Sacremēt du corps de nostre Seigneur, & pour gage que nostre Seigneur nous y est donné? Sainct Ignace dit en l'Espistre cinquiesme aux Philippiē, que qui ne croit que nostre Seigneur mort pour nous, se donne à nous en la Cene, est aussi meschāt que ceux qui l'ont crucifié. Si est-ce que discerner ainsi le pain d'avec le corps de nostre Seigneur, n'est pas mettre la figure au mesme honneur que la chose figuree, & honorer le pain comme nostre Seigneur: c'est tousiours recognoistre le pain, pain, & pour figure: & nostre Seigneur pour vray Dieu, le pain du ciel. Puis donc que nous discernons le pain d'avec le corps de nostre Seigneur, comment dit-il que nous faisons au pain le mesme honneur qu'au Fils de Dieu? Nous ne disons pas (comme nous impose de Sponde) que celuy qui honore ceste figure est à la porte de salut. Il n'a pas veu cela en nos liures, ny ne l'en peut tirer par aucune consequence. Il n'y a pas en l'Apostre, deshonorāt ceste figure ou ce pain, mais ne discernāt pas le corps du Seigneur: à sçauoir en ne receuāt pas le pain pour seau, ou Sacrement, & gage de nostre Seigneur. Quoy? pense-il que prenāt le pain pour Symbole, figure & gage que nous auons communiō avec le Fils de Dieu, que nous adorions le pain?

Page 40.

De Sponde nous demande apres, *En quelle part de l'Eſcriture ( dont, dit-il, nous faiſons tant de bouclier ) nous trouuõs, que le pain de la Cene ſoit la figure du corps de Chriſt, & moins qu'il faille porter aucune reuerence à ceſte figure ?* Le reſpon quant au premier, que ſi nous faiſons bouclier de l'Eſcriture ſaincte, qu'auffi c'eſt la parole de Dieu, la reigle de noſtre foy, de toutes nos œuures, & les documens de la religion Chreſtienne. L'Egliſe ſe fonde là, à ſçauoir, ſur la doctrine des Prophetes & des Apoltres : autrement elle ne ſeroit colomne & appuy de verité, ains n'auroit que menſonge & impieté. Le ſainct Eſprit parle en la parole de Dieu, & noſtre Seigneur a dit, voire dicté du ciel : Qui a oreille, oye ce que l'Eſprit dit aux Eglises. La parole de Dieu eſt le glaive, la deſenſe, & le bouclier qu'il faut prendre en main, pour deffaire & repouſſer tout aduerſaire. Noſtre Seigneur meſme l'a ainſi fait contre ſes aduerſaires, diſant, N'auiez-vous pas leu ? Item, Il eſt eſcrit és Prophetes. Item, Sondez les Eſcritures. Item, Vous errez, ne ſçachans les Eſcritures. Item, l'Apoltre dit, Toute l'Eſcriture eſt diuinement inſpiree, & profitable à endoctriner, à conuaincre & corriger, & inſtruire ſelon iuſtice : à fin que l'homme de Dieu ſoit accompli, & parfaictement inſtruit à toute bõne œuvre. Pourquoy donc ne ferõs-nous tout noſtre bouclier de l'Eſcriture ſaincte ? Mais dequoy donc, des ordonnances des hommes & de leurs inuentions ?

Ephes. 2.

c'est vanité en faict de Religion, & horreur, si cela contreuient à l'Escripture sainte.

Quant au second, où l'Escripture sainte appelle le pain figure du corps de Christ, nous luy respondons outre ce que dessus, que l'Escripture sainte appelle le pain, pain, & le pain que nous rompons, la communion au corps de Christ: d'ont s'ensuit, que le pain est figure du corps de Christ, & n'est pas de besoin que l'Escripture s'explique d'auantage en cela. Ne sçauons-nous pas qu'au Sacremēt il y a figure & chose figuree. Puis qu'é la Cene le corps de nostre Seigneur est donné, & représenté, ou figuré, que sera le pain que la figure? L'arbre de vie estoit figure de la vie, & signe vray: Aussi les sacrifices ont esté figure & signe, vray sacrement & gage tref-certain & sacré du sacrifice de la mort de nostre Seigneur, & du salut eternal par icelle. La Circoncision, signe ou figure de l'Alliance. Les ablutions & lauements de Moyse, figure du lauement des ames. L'arche de Noé, la nuee au desert, & la mer rouge, respōdent à nostre Baptesine. La Manne, l'eau du Rocher à nostre Cene. Le rocher est appelé Christ, il estoit donc la figure de Iesus Christ. car pouuoit-il estre Iesus Christ mesme? L'Agneau estoit figure de Iesus Christ, l'Agneau de Dieu qui oste les pechez du monde. Le bouc sur lequel Aaron cōfessoit les péchez du peuple, & puis estoit enuoyé loin au desert, estoit figure de Iesus Christ, qui a tiré nos pechez sur soy, les

a ostez de dessus nous, a prins nos langueurs, & les a mis au loin & de deuant Dieu & de deuant nous, pour ne venir en compte deuant le iugement de Dieu. Nostre Baptisme nous est Sacrement & gage sacré, saint, & certain de la remission de nos pechez, du lauement & purgation de nos ames, & de nostre regeneration. L'eau du Baptisme est donc figure de ce tressaint & certain lauement. Le Sacrement de la Cene nous est gage, signe saint, & tref-certain de nostre cōmunion avec Iesus Christ nostre Seigneur, de nostre vie entiere & parfaite en luy. Le pain & le vin nous sont donc figure de cela: & n'est point de besoin que l'Escripture sainte vse du mot de figure, ny qu'il y soit couché en terme exprez. Car qui ne le peut ainsi entēdre sans le dire? Nous vsons tantost du mot de signe, tātost du mot de figure, ou gage, ou seau, ou arres, ou symbole, & cōmunément du mot de Sacrement. Comment donc nommerōs-nous ce mystere? Mais de quels mots plus propres vserons nous, pour parler des mysteres incomprehensibles de Dieu en l'affaire de nostre salut, lesquels Dieu a ordonnez pour nous en rendre assiduelemēt, & de plus en plus certains? Pourtant, à fin de monstrier que nous n'entendons pas que le pain & le vin nous soyent figures vaines, nous vsons du mot de seau: comme l'Apostre appelle la Circōcision seau de la iustice de la foy: & du mot de gage, ou arres, Symbole, signe, tesmoignage, & Sacre-

ment : pour dire que c'est vn gage saint & sacré donné de la part de Dieu (qui ne peut mentir) que la chose nous est asseurée : que nous en auôs de bons arres & tesmoignages tres-certains que la chose est nostre, & que le salut que Dieu nous promet nous est donné. Dieu nous figure ainsi, & nous represente deuant les yeux la certitude de sa grace, & de nostre salut. Et pourtant les Sacremens sont appelez paroles visibles. Si donc le mot de figure ne se trouue en l'Escripture sainte positivement, c'est tout vn, la chose y est : la raison veut que nous en vsions, & l'Escripture sainte le porte ainsi assez, & le nous enseigne suffisamment, comme en ce que l'Escripture sainte nous enseigne qu'il n'y a qu'un seul Dieu, & que son essence est distincte en trois personnes, le Pere, le Fils, & le S. Esprit, vn seul Dieu : nous recueillons le mot de Trinité, & en vsions, encore que l'essence de Dieu ne soit ainsi nommée en l'Escripture, & que ce mot ne s'y trouue positivement.

Quant au troisieme, qu'il nous demande où nous trouuerons en l'Escripture sainte qu'il nous soit commandé de porter aucune reuerence à ceste figure, c'est à dire, au pain ? Nous auons suffisamment respondu, & monstré que nous ne l'adorons non plus que les enfans d'Israël la manne, & les vrais fideles l'eau du rocher dont ils beuuoyent, & leurs bestes, & s'en seruoient en tout ce qu'ils en auoyent affaire. Mais puis qu'ainsi est (comme tacitement de

Sponde le confesse) que l'Escriture sainte ne porte pas d'adorer le pain. Cōment est-ce qu'en la Messe vous l'adorez? Car Dieu n'a pas ordonné le Sacrement pour l'adorer, veu qu'il n'a pas dit, adorez: mais prenez, & mangez. Au reste, qu'y a-il de commun aux Sacremens que Dieu a ordonnez, avec vos images que vous adorez, & que Dieu a defendues?

Il demande donc si de Sponde ne se rend pas ridicule, quand il dit, que comme nous ne pensons pas estre idolatres en reuerant le pain de la Cene, ny eux aussi quand ils portent honneur à la peinture ou sculpture de nostre Seigneur, ou de quelque Sainct. Car que trouue-il de sēblable entre ce que nous faisons à la Cene, & les encensemens, honneurs & reuerences qu'ils font à leus images, en s'agenouïllant deuant icelles?

De Sponde ne parle que de porter honneur aux images. Quoy? veut-il eschapper si finement, comme s'il reprouuoit de les adorer? Mais sans y penser il approuue de les adorer, & vse de ce propre mot: voire approuue de s'agenouïller deuant, & dit que ce n'est pas idolatrie, non plus que quand le peuple d'Israël adoroit la nuee, qui estoit deuant le tabernacle. Mais Israël s'agenouïloit deuant Dieu & l'adoroit, & non la nuee, & Dieu estoit en la nuee, parloit là: & on l'oyoit. Deuter. chap. 4. v. 15. Il monstroit là sa gloire, mais vous adorez vos images, vous-

vous y prosternez, de iour leur esclairez, & leur encensez. Dieu est-il là? y parle-il? l'a-il dit? où en est la promesse & le tesmoignage? Dieu est par tout: mais il donnoit en la nuee vn tesmoignage de sa presence speciale de la presence de sa grace, & de sa gloire, au salut & à la crainte d'Israël. Fait-il cela en vos images? les a-il ordonnees pour cela? ainçois il les a defendues.

*Au moins de Sponde confesse que s'agenouïller* Page 40.  
*deuant les images, c'est les adorer.* Car il dit (c'est son aduis) *qu'Israël adoroit la nuee, & qu'ils font le mesme à leurs images, qu'il appelle representation des choses saintes.* N'est-ce pas confesser que s'agenouïller deuant, c'est les adorer? Et de faict leur doctrine porte, d'adorer les images de Dieu, de l'adoration qui est deuë à Dieu, laquelle ils appellent *Latrie*, qu'ils interpretent pour honneur: & d'adorer les images des saints, de l'adoration qui est deuë aux Saints, laquelle ils appellent *Dulie*, qui est à dire, comme ils l'expliquent, seruice: & d'adorer la Vierge & la croix de l'adoration qu'ils appellent *Hyperdulie*, qui est à dire, plus que seruice. Je demande, si ces gens sont sages. Mais i'atteste ciel & terre, si iamais il y a eu plus grande bestise au monde. Car ils donnent autât d'honneur à vn tronc de bois, ou à vne pierre taillee, en telle forme qu'il aura pleu à l'ouurier, qu'ils en donnent à Dieu: & à Dieu ne donnēt que l'honneur: aux Saints & Saintes morts offrent & font tout seruice,

& à la croix, & à la Vierge, plus que seruice. Qu'ont affaire ny les saincts, ny la Vierge de nostre seruice? Mais quel besoin en a la croix? Si la Papauté n'est le Rroyaume d'ignorance, qu'est-ce?

Il est vray que tous n'ont pas approuué ceste doctrine des images, & de l'adoration d'icelles, & notamment les Eglises des Gaules. car au lieu qu'au second Cōcile de Nicee, l'adoration des images fut approuuee: au contraire au Concile de Frâcfort, conuoqué par Charlemagne, où s'assemblerēt les Euēſques des Gaules, elle fut reprouuee. Et encore il y a vn liure ſoubs le nom de Charlemagne, là où ſont cōfutees les raiſōs de ces Euēſques du Concile de Nicee. Et avec cela nous auons le ſeptième Concile de Constantinople, qui reprouua ceste doctrine d'images, ainſi que les Eglises des Gaules. L'ignorance a depuis gagné; cōbien que cependant beaucoup reprouuent ceste adoration, voire l'abhorrent. Mais les Ieſuites ſouſtiennent fort & ferme l'adoration des images, pōur ne confeſſer que l'Eglise Romaine ait erré, & qu'elle peut errer, (comme ſi elle auoit plus de priuilege que les autres.) C'eſt ce qui fait à de Sponde ſouſtenir ceste adoration, comme les Ieſuites ſes maiſtres.

Pour venir maintenāt à ce qu'il dit d'Iſraël & de la nuee il preſuppoſe choſes fauſſes. Car il dit, *qu'ils ne ſont en ſ'agenouillant deuant les images, que ce que faiſoit Iſraël, quand il ſ'age-*



*noüilloit deuant la nuee.* Et presuppose qu'il l'adoroit, pour dire que ce qu'ils fônt n'est idolatrie, non plus que ce que faisoit Israël. Où a-il trouué qu'Israël ait adoré la nuee? Est-ce en Cicéron, qui se gaudissoit ainsi de la nation des Iuifs deuant le Senat de Rome? Israël n'a iamais adoré la nuee, ny la colône de feu, ny la mer, en laquelle ils ont esté baptizez, ny la manne, ny l'eau du rocher (lequel dit l'Apostre, estoit Christ) de laquelle eau ils beuoyent, & eux & leur bestail: non plus que nous n'adorons l'eau du Baptême. Israël n'a iamais adoré l'Agneau qui estoit figure de Iesus Christ, ny pas vn de leurs Sacremens, non plus que nous les nostres: commét donc eut-il adoré la nuee? Mais ie demande, qu'adoroit Israël, ou la nuee, ou Dieu qui parloit à eux en la nuee? Il dit, *qu'Israël s'enclinoit deuant la nuee.* Ie demande si c'estoit deuant la nuee, & pour luy faire honneur, ou deuant Dieu que Moyse faisoit venir Israël? S'il dit que Moyse faisoit venir le peuple deuant Dieu & deuant la nuee, puis que Dieu parloit en icelle: Ie luy demande, si c'estoit pour se prosterner à la nuee & l'adorer, ou si c'estoit pour se prosterner deuant Dieu & l'adorer? Israël prioit là Dieu. Dieu vsoit de ceste nuee, comme d'un pauillon, non pour la faire adorer. Car c'est vn seul Dieu qu'il faut adorer: mais pour monstrer que sa gloire nous est cachée, sans que (quoy qu'il nous soit present) nous puissions cognoistre & moins sonder ses secrets, & les

abyssmes de sa gloire. Bref, Moysé parloit à Dieu, l'adoroit, & le prioit, & tout le peuple aussi avec : mais ils n'adoroyent pas la nuee. & quant à vous, vous adorez vos images, les priez, leur faites encensemens, parlez à eux, & direz à vne image de S. George, ou de sainte Agathe *Nostre Pere qui es és cieux*, comme à vne image de la Trinité. Ceste nuee estoit de mesme nature qu'une autre, Dieu y monstroit la presence de sa gloire : Où eust le peuple adoré Dieu, que là où il se manifestoit ? mais pour se mettre là à genoux, il n'adoroit pas la nuee, ains Dieu. De mesme que Moysé n'adoroit pas le buisson qui brusloit, ains Dieu qui là parloit à luy. Et ceux qui faisoient la reuerence à nostre Seigneur, qui estoit monté sur l'asnesse, & s'enclinoient, estoit-ce elle ou nostre Seigneur qu'ils adoroyent ? Mais ceux qui adorēt l'image de saint Michel, adorent-ils l'image du diable, sur laquelle est l'image de saint Michel ? Mais adorez-vous le calice, ou le vin qui est dedans, que vous dites estre le sang de Christ ? que sçavez-vous que vous adorez ? Conclusion, Dieu estoit en la nuee comme il est par tout : mais en la nuee autrement qu'ailleurs, à sçauoir de la presence de sa grace. Israël l'adoroit là, mais non la nuee, en laquelle Dieu parloit à Israël.

Parlons maintenant de l'Arche, où la dispute est plus grande : Car elle est appelée Dieu, comme elle estoit aussi vn gage de la presence de Dieu, autant vray que vraye-

ment l'Arche sacrement & tesmoignage de la  
 presence de Dieu estoit avec eux. Dieu leur  
 estoit ainsi present avec les milliers de ses An-  
 ges, & avec tous ses thresors, pour leur de-  
 fense, leur bien, leur salut & leur vie. Et pour-  
 tant Iosué cheut sur sa face en terre deuant  
 l'Arche de l'Eternel, & les anciens d'Israël a-  
 uec luy, pour se plaindre à Dieu deuant le tes-  
 moignage de sa presence, de ce que son peu-  
 ple Israël auoit esté battu, & auoit fui de-  
 uant le Cananeen. Or pour prier Dieu, prés-  
 ser, insister en prieres, ils vouloyent ce gage  
 de sa presence, (à sçauoir l'Arche) deuant leurs  
 yeux, & pour esperer secours, se fortifier, &  
 sommer Dieu de sa promesse. Dieu parloit là,  
 & ils attendoyent aussi de là sa responce, &  
 d'estre exaucez, comme Dieu auoit promis.  
 Ils n'adoroyent pas donc l'Arche, mais Dieu,  
 lequel là ils inuoquoyent. Et puis que vous  
 confessez comme nous, que cela est aboli:  
 Je vous demande, si Dieu a ordonné au lieu  
 de l'Arche, d'autres Sacrements pour les ado-  
 rer, & se prosterner deuant? Dieu auoit ordon-  
 né l'Arche de tout en tout, & ce qu'il en fal-  
 loit faire, & la maniere de ce faire: Mais a-il  
 ordonné vos images? ainçois il a defendu ce-  
 la. Et vous appelez cela choses saintes? Ce  
 que Dieu a defendu, ce qu'il abhorre, le peché  
 qu'il punit en trois ou quatre generations des  
 peres sur les enfâs, n'est pas vne chose sainte.  
 Où en estes-vous, mais si vous estes sages?  
 Gens abusez, direz-vous tousiours le mal

bien, & le bien mal? Estoit-ce à l'Arche qu'on se prosternoit, ou à Dieu qui donnoit en l'Arche ( comme a esté dit ) vn tesmoignage de sa presence? Le peuple monstroit-il les larmes, ou à l'Arche, ou à Dieu? Vous me direz, qu'on s'agenouilloit deuant l'Arche. Je vous respons, que ce n'estoit pas pour l'adorer: à quel propos? mais pour adorer Dieu, & là se consoler & s'asseurer en sa promesse: puis qu'il leur donnoit ce Sacrement comme gage, qu'il habitoit là pour les sauuer. Pourtant il est dit, qu'il estoit assis entre les Chernbins. Daniel adoroit Dieu, & ( les fenestres ouuertes ) regardant vers Ierusalem. Adoroit-il les mazurcaux du temple, ou de la ville, ou l'air? Jonas au ventre du poisson, auoit les yeux de son esprit fichez sur le temple de Ierusalem: estoit-ce pour adorer le tēple, ou pour adorer Dieu, qui habitoit au temple, & qui estoit là present à tout son peuple, auquel la promesse s'adrefsoit, & non au temple, ni aux parois d'iceluy? Jonas & Daniel regardoyent à la promesse de Dieu, pour se consoler là dessus, en prenant le temple & le lieu pour gage de la presence de Dieu aux siens, & de la demeure eternelle d'iceluy avec eux. l'Arche estoit Sacrement: Dieu n'a pas commandé d'adorer les Sacramens. Vous me direz, qu'on portoit l'Arche avec reuerence: Pourquoi non? elle estoit Sacrement, Dieu l'auoit ordonné. Il en alloit de l'honneur de Dieu, de la certitude de ses promesses. Il ne falloit pas donc que ce Sa-

crement fust contemné: mais porté, logé, serré, couuert, & tout cōme Dieu auoit ordonné. Dieu parloit là, y donnoit ses réponses, faisoit là miracles, & sauuoit. On l'a portee au milieu de l'armee, mais pour Sacremēt ou gage sacré à Israël, de la presence de Dieu. Les eaux s'arresterent au Iordain, mais fust-ce par la vertu de l'Arche, ou des Sacrificateurs, ou par la vertu de la presence de Dieu? Le peuple la fit venir au camp: il pensoit que ce seroit son salut cōtre les Philisthins, & s'abusoit. Que luy seruit cela? Les Philisthins l'ayant prinse, la renuoyerent avec des presens. Israël l'a receut en ioye, fit sacrifices, à qui? à l'Arche, ou à Dieu? Daudid la fit venir en Sion, & sacrifia, mais à Dieu. Aza fut frappé pour y auoir touché (direz-vous) Je respon que ce fut parce qu'on la faisoit porter à des bœufs, contre l'ordonnance de Dieu, & l'Arche tombant Aza la voulust remettre sur la charrette, (là où il n'estoit loisible de la faire porter qu'aux Leuites, ny n'estoit loisible la porter solennellement comme lors) qu'aux seuls Sacrificateurs qui administroyēt les Sacremens. Dieu auoit defendu ce que faisoit Aza: Car il ne veut pas que ses Sacremens soyent profanez, & qu'on y transgresse son ordonnance. On la voulut porter avec Daudid quand il fuyoit deuant Ablalon: Daudid ne le voulut pas, ains dit, que si Dieu le vouloit sauuer, il le sauueroit bien sans l'Arche. Il estoit Prophete de Dieu, il n'attachoit à l'Arche ny

Iosué 3. 6.

adoration, ny salut. Il dependoit de Dieu seulement. Mais en fin, Dieu ne voulut pas que l'Arche fut en veuë. Pourquoy eut-elle esté cachée, s'il l'eut fallu adorer? L'Arche estoit au lieu appellé Le Sainct des Sainctz, dans le temple: & au paruis, le peuple adoroit Dieu. Tu adoreras vn seul Dieu, dit Moyse, & à luy seul tu seruiras. Au reste, l'Arche estoit du commandement de Dieu, & ce qu'on y faisoit: mais Dieu a defendu vos images, & l'honneur que vous leur faites.

Il dit que l'idolatrie a esté reprise, mais non l'honneur qu'on a fait aux choses saintes. S'il veut dire qu'il faut honorer & adorer (comme il l'entend) les choses saintes, il faut donc qu'il nous prouue ces deux poincts, ce qu'il ne fera iamais. Le premier, que le peuple de Dieu ait adoré par le commandement & volonté de Dieu, autre que Dieu. Le second, que les images, par lesquelles ils desguisent Dieu & ses saintz, (comme s'ils s'en vouloyent mocquer) soyent choses saintes. Mais cela n'est-il pas defendu de Dieu, comme les abus, fraudes, superstitions, folies, dissolutions, danses & paillardises qu'ils y font & tollerēt, pour le gain deshonneste qui leur en prouient?

Page 42. Au reste, nous ne cōdamnōs pas l'Eglise primitiue d'heresie, pour auoir adoré les images: car elle n'a sceu que c'estoit, & n'en a pas vsé, ny ne les a adorees. Ce que nous en auons de plus ancien, c'est d'Epiphanius, qui rompit (dit-il) vn voile, où il vit vne figure, ou de no-

stre Seigneur, ou de quelque Sainct. Il rom-  
pit cela cōme chose indigne de l'Eglise Chre-  
stienne. Cependant il fut requis de donner  
quelque autre voile pour cestuy-là: Ce qu'il  
fist, sans qu'il soit dit qu'il y eut d'image.

Epiph. en  
l'epistre à  
Iean Patr.  
de Ierusal.

Mais de Sponde se contredit, *Car il confesse,*  
*que sous les Empereurs Romains les Eglises n'e-*  
*stoyent point ornees d'images.* Sa raison c'estoit,  
dit-il, *de peur que les Payens n'eussent occasion d'e-*  
*xercer leur barbarie contre les images.* N'en don-  
ne-il pas de belles à ceux qui le voudrōt croi-  
re? Il confesse cependant que la primitive Eglise  
n'en usoit pas aux temples, & qu'il n'en y auoit  
point: & cependant il a dit que quand nous disons  
qu'il ne faut pas auoir d'images ni les adorer, nous  
condamnons d'heresie toute la primitive Eglise, &  
que l'exemple d'icelle suffit pour auoir & adorer &  
honorer les images. Mais n'est-il pas bien fin  
de dire, que le Concile Elibertin a defendu  
de peindre aux Eglises les images pour cela  
mesmes, à sçauoir que les Payens n'eussent  
occasion d'exercer leur barbarie & impieté  
contre elles? Quelle plus grande impudence  
que cecy? Voyons l'article du Concile, C'est  
le 32. *Placuit picturas in Ecclesia esse non debe-*  
*re, ne quod colitur aut adoratur in parietibus de-*  
*pingatur.* C'est à dire: Il nous a semblé bon  
qu'il n'y doit point auoir de peintures aux  
temples, à fin que ce qu'on adore (à sçauoir  
Dieu) ne soit peint aux murailles. C'est donc  
que l'Eglise adore vn seul Dieu, qui ne peut,  
ny ne doit estre representé aux parois. Quelle



ressemblance, dit le Prophete, luy approprierez-vous? Esaie 41.

Après auoir dit que l'Eglise primitiue, voire toute l'Eglise auoit & adoroit les images: *Non, il dit es tēples & en general: ains que c'estoit en particulier, qu'on auoit les images: c'est à dire,* chacū chez soy, ou en sa maison, ou en son cabinet. Mais ce n'est pas le tout d'en auoir eu, il faut prouuer qu'on les a adorees: Le Cōcile le defēd avec la parole de Dieu. Nous ne doutons pas, que plusieurs n'ayēt peu auoir quelques pourtraicts, ou de nostre Seigneur, ou de ses Apostres, cōme on est curieux de voir ainsi les excellens hommes apres leur decez & de s'y plaire: mais est-ce pour les adorer, ou pour contenter ainsi son esprit? (comme mesmes on fait aujourd'huy, & sans aucune adoratiō entre nous) Nous ne disons pas que cela soit defendu pour l'esgard de ceux qui ont simplement esté hommes: Cependant nous tenons bien, que cela a esté cause qu'apres on a voulu auoir des tableaux aux temples, de là s'est ensuyuie finalement l'idolatrie en l'Eglise Chrestienne. Car des tableaux on est venu aux images, & apres on les a adorez, & portez des chandelles, fait encensemens, & là deuant les ignorans font leurs prieres, ou aux images ou aux saincts: & le tout est contre la parole de Dieu, qui defend d'adorer, & partant de prier qu'un seul Dieu. De mesme source est sortie l'idolatrie des Payens. Car ils ont voulu auoir les effigies de Noé, qu'ils



qu'ils ont appellé Ianus, ou Saturne, de sa femme, de ses enfans, & de ses premiers hommes illustres. Et souz les noms qu'ils leur ont donné de Iuppiter, Plutō, Hercules, Cibelle & Ceres. Ils les ont deifiez & canonisez: & apres ont adoré eux & leurs images, & si ont fait vn nōbre infini de Dieux, & d'une sorte & d'autre, comme vous auez fait des saincts, & à mesme fin. Mais de Sponde n'a-il pas bien prouué l'usage ancien des images? *Il confesse que l'Eglise primitive n'en auoit point, que cela estoit defendu par vn Concile, mesmes la peinture defendue aux Eglises: & puis sans preuue aucune afferme, qu'on en auoit en particulier, c'est à dire, aux maisons, ou cabinets, ou en secret. Se mocque-il? mais a-il d'entendement? Si l'Eglise primitive en eust eu, & les eust adorees, où cela qu'és tēples? mais prouue-il qu'on en ait eu & adoré en la maison? Cōment donc dit-il, que nous condamnons toute la primitive Eglise d'heresie, quand nous reprouuons les images, & l'honneur qu'on leur fait en l'Eglise Romaine?*

De Sponde parle apres de l'honneur qu'on faisoit à la Croix en la primitive Eglise, & nous alleguerait S. Martial, S. Ignace, & S. Clement, s'ils ne nous estoient suspects: pource (dit-il) que nous y trouuons nostre condamnation. Je respons, que c'est à la parole de Dieu, de iuger en faict de religion, de croyance, & du seruice de Dieu: elle ne peut errer ni tromper: elle est procedee du S. Esprit: nous ne deuons ni ne pou-

uons estre condamnez que par l'Escripture saincte. S. Martial, S. Ignace, & S. Clement, ne sont pas au rang de Prophetes ny des Apostres. Mais pourquoy ne nous seront-ils suspects? Le premier est vn liure incognu, trouué de n'aguères à Lymoges, & en lieu suspect. C'est vn liure impur, en la croyãce de la saincte Trinité: car il ne distingue pas, mais diuise les personnes en l'essence de Dieu.

Quant à Ignace, nous y voyons ses epistres escrites à la saincte Vierge, qui sont insulses & honteuses, & des Epistres attribuees à S. Iean & à la Vierge, qui sont choses faites à plaisir. Quant à S. Clement, qui n'a tenu la moitié de ce qui est en ce liure pour fabuleux? Toutesfois si trouuerons-nous assez en chacun de ces trois pour condamner toute vostre Pápauté: & ne fust-ce qu'en cecy, que le salut est par vn seul Iesus Christ, là où vous le cherchez en la croix, & en vne infinité d'autres folles deuotions.

Au reste, nous ne nions pas, qu'il n'y ait eu plusieurs des anciens Docteurs, qui ont porté honneur au signe de la croix: mais presque tous, Irenee, Tertullien, Chrysostome, saint Ambroise, S. Augustin & assez d'autres: mais n'ont-ils pas eu d'autres erreurs? Irenee a esté Chiliaste, Tertullien a erré en d'autres poincts, S. Augustin s'est retracté, & non de tous les poincts où il a erré. Bref, vous-mêmes ne les approuuez pas en tout, & mêmes en ce qu'ils font contre vous. L'Eglise (direz-

vous) ne les a pas condâmez en ce qui est de la croix. Je demande quelle Eglise, la Romaine? N'y a-il eu iamais Eglise que la Romaine? Comment donc ont escrit nostre Seigneur & les Apostres à plusieurs Eglises, voire sans que nostre Seigneur ait escrit à l'Eglise de Rome? Se font-ils point abusez? Mais qui a appellé les adoreurs de la croix, Staurolatres, c'est à dire, seruiteurs & idolatres de la croix? n'est-ce pas l'Eglise? Vous voila donc condâmez pour idolatres, d'adorer la croix, en la personne de ces anciens heretiques. Mais n'est-ce pas assez que la parole de Dieu nous esclaire? Ce que la parole de Dieu n'approuue est reprouué: Or elle n'approuue point ceste adoration de la croix, ains la reprouue: car elle defend d'adorer autre chose qu'un seul Dieu. Adorer la croix n'est-ce pas donc idolatrie? sinon qu'on vueille dire, qu'une croix qui estoit un gibet, soit Dieu, & Dieu une croix? Or la source de l'idolatrie de la croix, si vous la voulez sçauoir, c'est qu'au commencement que l'Euāgile estoit presché aux Gentils: les Payens pour faire honte aux Chrestiens, leur faisoient le signe de la croix, pour leur reprocher qu'ils adoroient pour Dieu, un qui auoit esté pendu en un gibet. (Iesus Christ estoit scandale aux Iuifs, & folie aux Gētils) lors les Chrestiens faisoient ce signe aussi sur eux, pour protester par là, qu'ils n'auoyent point de honte de Iesus Christ, ny de sa mort, ains qu'ils cerchoient leur salut

Nicephore  
liu. 18. cha-  
pit. 53.

en Iesus Christ, qui est mort pour nos pechez. Par succession de temps, les Chrestiens accoustumez de faire ce signe de croix sur eux, en firent vne deuotion, y constituerent seruice de Dieu, salut & bon heur: si que Tertullien dit, qu'à leur entree, à leur sortie, à la table, à se vestir, à allumer la chādelle, à quelque chose que ce fust, ils faisoient ce signe de croix.

N'estoit-ce pas superstition & idolatrie, d'attacher à cela son salut, sa prosperité, & bonne rencontre? Quoy? y a-il promesse de Dieu, d'auoir toutes ces choses en faisant ce signe de croix? mais tout cela viēt-il du signe de croix, ou de nostre Seigneur qui est mort en la croix? Que si c'est de nostre Seigneur que nous auons salut, tout heur & tout bien, ne sera-ce pas sans la croix? A-il dit que ce sera par ce signe de croix, & non autrement? où nous est-il commandé de ce faire? Mais (pour tesmoigner que ceste superstition a grandemēt despleu à Dieu) les adorateurs de la croix finalement en sont tombez là, de dire & d'escrire, que le iour du grand Vdēredy, la croix fait ce que le Pere ne veut faire, ce que le Fils ne peut, & le S. Esprit ne daigne. C'est pourquoy ce iour-là ils demandent le S. Esprit à la croix, pour prescher la passion: comme les autres iours le demandent à la Vierge. Car ils croyēt que la Vierge est toute esploree ce iour-là, & au lieu de la saluër, & luy demander le S. Esprit, en disant; *Aue,*

ils saluënt la croix, & luy demandent le sainct Esprit, en disant: *Salue, ô crux, spes unica, salutis nostre, hoc passionis tempore.* C'est à dire, Salut, ô croix, l'unique esperance de nostre salut, en cetemps de Passion. Vous luy dõnez don de sauuer, de regir, de gouverner, & d'enuoyer le sainct Esprit, & mesmes en ce iour-là: Estes-vous sages? osez-vous parler? comment ne vous cachez-vous?

Vous estes bien appuyez, à ce qu'il vous semble, par ce que vous auez les anciẽs Docteurs pour vous: mais si vous auez la raison, & la parole de Dieu contre vous, quẽ sera-ce? Nous sçauons bien ce que les anciens Docteurs en ont dit, & vous en voulons faire iuges, & en amenerons icy plus que n'en a alleguẽ de Sponde. Les Iesuites auroyẽt honte d'amener tout ce que les anciens Docteurs en ont dit: car ils ont tant donnẽ à la croix, qu'ils n'ont que comme rien, voire du tout rien laissẽ au Fils de Dieu, qui est mort en la croix pour nostre salut, & l'y a fait & accompli. A qui est la gloire de nostre salut, ou à luy qui est Dieu, ou à la croix sur laquelle il a souffert? Iean Chrysostome sur le 16. de S. Matthieu homelie 55. dit ainsi, à le traduire en nostre langue. *Ce signe (dit-il) a ouuert les portes fermees, esteint la vertu des venins, reprimẽ les bestes furieuses, gueri les morsures mortelles des serpens.* Quoy? si cela s'est fait, quelques-uns faisans vn signe de croix, est-ce par la vertu de Dieu, ou de la croix? mais c'est à scauoir

si cela s'est fait. Que s'il s'est fait autresfois,  
 & tant de miracles qu'ils disent, sus, qu'ils  
 nous en fassent voir maintenant quelque vn.  
 Mais quand ils feroient quelque miracle par  
 ce signe de croix, si ne cfoirōs nous pas qu'il  
 la faille adorer, veu que c'est contre la paro-  
 le de Dieu. Que s'ils ne peuuent, qu'ils con-  
 fessent que ce qu'ils disent de la croix est faux.  
 Ce mesme Docteur dit apres. *Certainement.*  
*s'il a rompu les portes d'enfer, à sauoir le signe de*  
*la croix, s'il a ouuert la porte du ciel; s'il a renou-*  
*uellé l'entree de Paradis; s'il a coupé les nerfs du*  
*Diablo, est-ce merueille; s'il fait monter les venins*  
*pestilentiels?* Mais qui a ouuert la porte du  
 ciel? est-ce nostre Seigneur, ou le signe de la  
 croix? Estoit-il aduis à cest homme, que pour  
 entrer au ciel, nostre Seigneur fit vn signe de  
 croix, autant pour rompre la porte d'enfer,  
 qu'autrement il n'eust rien fait: que c'est ainsi  
 qu'il a renouellé l'entree de Paradis, & cou-  
 pé les nerfs du Diablo? où en sommes-nous?  
 A ce pas esté par sa mort, par sa resurrection,  
 par son ascension au ciel qu'il a fait cela, & nō  
 en faisant le signe d'un gibet? Qu'estoit la  
 croix, qu'un supplice ou gibet? la croix aura  
 ceste vertu, & toute vertu, parce que nostre  
 Seigneur y est mort, & nostre Seigneur non?  
 Où prenez-vous cela? Nostre Seigneur n'est  
 pas Dieu, il dōnera sa gloire à vn autre? vous  
 luy ravissez, sacrileges, & la dōnez où vous la  
 voulez, & mesmes au signe de la croix: mais  
 il ne la donne pas aux Anges mesmes, & fait

seul nostre salut, & par soy-mesme. *C'est moy*, Esa. 4. 3. 25  
*c'est moy, qui pardonne tes pechez, & pour l'amour*  
*de moy-mesmes.* Item, *C'est moy, c'est moy, qui suis* Esa. 4. 3. 11  
*l'Eternel, & il n'y a point de Sauueur que moy.*

La Deité n'a pas la vertu de sauuer sans la croix? La croix luy donne-elle cela, ou luy à la croix, plustost qu'à soy? & auât qu'il y eüst croix, nostre Seigneur n'estoit-il pas Sauueur, & n'y auoit pas de salut? quoy? Chrysostome dira le contraire, & que ce signe a renouuellé l'entree de Paradis? C'est nostre Seigneur qui est l'Agneau occis dès la fondatiõ du môde. Dieu estoit se recõciliât le môde en Christ. La satisfaction qu'il a fait par sa mort en la croix pour nos pechez, est la cause de nostre salut, non le bois de son supplice, ou la forme & signe de supplice, croix ou gibet.

Ce n'est pas tout, S. Chrysostome en dit bien d'autres. *La croix* (dit-il) *est le conseiller des iustes, le repos des troublez, le gardiẽ des petis, le chef des hommes, la lumiere de ceux qui sont en tenebres, le bouclier continuel, la sagesse des fols, la liberré des serfs, la philosophie des Empereurs, la loy des infidelles, le Roy des Prophetes, l'annonciation des Apostres, la gloire des martyrs, la ioye des Sacrificateurs, le fondement de l'Eglise, la medecine de ceux qui sont malades.* Que dira-il plus? en voulez-vous d'auantage? *Les Diables oyans le nom de la croix* (dit-il) *s'enfuyent: c'est l'esperance des Chrestiens, la resurrection des mortz, la conduire des aueugles, le baston des boiteux, la consolation des pources, le triomphe des diables, la*



*viçtoire contre le Diable, l'efpoir des deſefpereç,*  
*le gournail des nauigeants, le port de noſtre dan-*  
*ger, la muraille des affligez, le pere des orphelins, la*  
*deffence des veſues. S'il entend cela de la mort*  
*& paſſion de noſtre Seigneur, & l'appelle la*  
*croix, bon: Mais il parle du ſigne de la croix.*  
 N'eſt-ce pas idolatrer, de la croix en faire vn  
 Dieu? donner à la croix & luy attribuer ce  
 qui n'appartient qu'à Dieu, & ce qu'on ne  
 pourroit dire de noſtre Seigneur meſmes, s'il  
 n'eſtoit Dieu? Qui eſt la deſence des veſues,  
 le pere des orphelins, la muraille des affligez,  
 le port de noſtre danger, que Dieu? Où nous  
 rendrons-nous qu'à luy? D'où pretendrons-  
 nous ſalut & deſence que de luy? Qui eſt que  
 Dieu la conſolation de pources, la baſton des  
 boiteux, la medecine des malades, le bouclier  
 continuel? C'eſt noſtre Seigneur de vray qui  
 eſt le conſeiller des iuſtes, le repos des trou-  
 blez, le gardien des petis, le chef des hōmes,  
 la lumiere de ceux qui ſont en tenebres. Le S.  
 Eſprit eſt le Roy des Prophetes. Noſtre Sei-  
 gneur eſt le fondement de l'Egliſe, la reſurre-  
 ction des morts, le triōphe des diables, la vi-  
 ctoire cōtre le diable: & ils s'enſuyent quand  
 par la grace du S. Eſprit nous leur reſiſtons.  
 Bref, ce que dit icy Chryſoſt. ne ſe peut di-  
 re que d'un ſeul Dieu. Si on dit, que cela n'eſt  
 attribué à la croix, que pour autant que no-  
 ſtre Seigneur y eſt mort. le demande: ſe faut-  
 il arreſter à la croix? deſpoüillerons-nous  
 Dieu de ſa gloire, pour en reueſtir la croix?



luy attribuerons-nous ce que le Pere a fait pour nous, ce que le Fils a aussi fait pour nous, & ce que le S. Esprit fait en nous ? L'adorerōs-nous comme si c'estoit Dieu ? Chrysostome en diroit-il plus de Dieu, que de la croix ? Si nostre Seigneur est mort en la croix, en faut-il adorer la croix ? S'il a fait nostre salut en la croix, en sçaurōs-nous gré à la croix, & l'en baisérons, & deuant elle nous prosternerons à genoux ? L'enfant baisera-il le bois du supplice où son pere sera mort, pource qu'en mourant il l'a fait son heritier ? tiendra-il son bien de la croix ou bois, où son pere sera mort ?

Si on dit, que la croix ne sert que d'un Sacrement pour mener à Iesus, & chercher le salut en luy : cela est faux. Car ils cherchent salut en la croix : le luy demandent, l'en esperent, l'appellent leur vnique esperance. D'autre part, Dieu n'a point ordonné ce Sacremēt : il n'appartient qu'à Dieu d'en ordōner. Dieu en a ordōné d'autres, pour rafraischir la memoire de la mort de nostre Seigneur, à sçauoir, le Baptisme, & la sainte Cene. En la Cene, dit l'Apostre, nous annonçons la mort du Seigneur : & sans croix le nous representons deuant les yeux par la predication de l'Euangile : Et ainsi saint Paul dit, qu'il auoit pourtrait Christ crucifié deuant les yeux des Galatiens, & non par vne croix ou crucifix. Nostre Seigneur peut-il estre mieux representé deuant nos yeux, que par la vraye

predication de l'Euangile, où nous voyons que par sa mort nous sommes reconciliez à Dieu: & ce d'autant que par icelle il a satisfait pour nos pechez, & que de là nos pechez nous sont pardonnez, la iustice de nostre Seigneur impute, & que par icelle nous sommes faits iustes, pour consister deuant le iugement de Dieu.

Sainct Ambroise est encore plus excessif sur les loüanges de la croix. Car il en parle ainsi part. 3. liure 5. *in oratione de obitu Theodosij*, parlant d'Helene, & l'introduict disant. *Voicy le lieu de la bataille, & où est la victoire: Je cherche à tout le moins l'enseigne de salut. Je suis es Royaumes, & la croix est en la poudre.* Apres cela faisant tousiours parler Helene, elle appelle la croix, la palme de vie. Il luy fait dire: *Comment me puis-je iuger rachetée, si la rançon n'est venue? Et puis, Que la terre soit ouuerte, afin que le salut refuse. O diables! qu'as-tu fait en cachant le bois, sinon que tu sois de rechef vaincu?* Puis apres, que cōme la Vierge l'auoit vaincu, qu'elle aussi le vaincroit: que la Vierge l'auoit porté, mais qu'elle cherchoit sa croix: que la Vierge l'auoit monstré, engendré, mais qu'elle l'auoit ressuscité: que la Vierge auoit fait qu'il estoit venu entre les hommes, mais qu'elle leueroit des ruines l'estandart diuin en remede des pechez. C'est sainct Ambroise qui fait ainsi parler Helene. Je dy que ce sont les mots de sainct Ambroise, que de Sponde n'a osé alleguer. Il s'est contenté de mettre en auant les noms de ces anciens Docteurs, & se

seruir de leur autorité, & a supprimé leurs raisons: Car leur nom luy seruoit, & leurs raisons luy faisoient honte. Sainct Ambroise dit, que la croix est la victoire de nostre Seigneur. Je demande, si nostre Seigneur a souffert la mort sur ce bois de la croix, & y a vaincu l'ire de Dieu, les tourmens eternels en nostre nom, & a satisfait en la croix au iugement de Dieu pour nos pechez: la gloire est-elle deuë ny a la croix, ny a l'arbre, ny à celuy qui le planta, ny à la montagne sur laquelle il est mort? Qui en adorerons-nous, que nostre Seigneur, qui par sa vertu diuine a vaincu la mort en sa mort? C'est plustost sa foy qui a esté la victoire. La victoire a esté sur le bois de la croix & au sepulchre, mais le bois de la croix n'est la victoire; non plus que le sepulchre: ains plustost la cōfiance ferme & inuincible, qu'il a eu (entant qu'homme) tousiours en Dieu, au milieu des tourmens & douleurs eternelles, attendant avec patience que toute l'ire de Dieu fust passée, & tout accompli, & qu'il fut pleinement satisfait au iugement de Dieu. C'est là la victoire, & non la croix. Je dy donc que la croix n'estoit la victoire, non plus que Golgota, que sainct Ambroise appelle le lieu de la bataille. Aussi semble-il que sainct Ambroise se corrige de cela. Car il adioute, à tout le moins ie cherche l'enseigne de salut. Mais quoy? la croix est-elle l'enseigne de salut, encore que nostre Seigneur y ait enduré la mort pleine d'ignominie pour nostre salut?

C'est la parole de Dieu, & les S<sup>s</sup>. Sacremens, où nous annonçons sa mort : C'est l'enseigne de salut que Dieu nous a donné. Mais la croix fera le triomphe de Christ, & la palme de vie, & non son ascension au ciel, & sa session à la dextre de Dieu ! Mais bien qu'en voyant la croix nous-nous iugions rachetez : la croix fera-elle pourtant nostre rançon, ny le prix de nostre rançon ? N'est-ce pas plustost la mort de nostre Seigneur ? l'honneur & l'amour que nous deuons à Dieu de nostre rançon, la donnerons-nous à la croix, & l'en adorons, & la prions ? Et puis, si Helene n'eut fait fossoyer la terre, le salut n'eut pas paru ? Les Apostres auoyent donc presché en vain. Si auoyent-ils du temps de S. Ambroise par leur doctrine, conquis les bouts du monde à Dieu, & fait paroistre ce salut à tous peuples & nations. Helene auroit-elle fait plus qu'eux ? S. Ambroise la fait s'esgaler à la vierge Marie, en ce qu'elle vaincroit le diable, puis qu'elle auoit trouué la croix, cōme la Vierge l'auoit vaincu. N'est-ce pas nostre Seigneur qui l'a vaincu pour nous, & non ny la Vierge ny Helene ? Mais en quoy Helene, en ce qu'elle a trouué la croix ? hélas ! ç'a esté vn piege à Satan, pour faire perdre vn grand nombre d'ames, à sçauoir, ceux qui pensent que pour l'adorer en la baisant, ou en s'en signant, ils serōt sauuez. La Vierge l'a porté, & saint Ambroise dit qu'Helene a autant fait d'auoir cherché la croix, & en cela les equipare : a-il raisō ?

Auoir cherché sa croix, est-ce cōme le mystere incomprehensible de la conception de nostre Seigneur, & de sa naissance? Il dit plus: c'est que la Vierge l'auoit monstré, engendré, mais qu'Helene l'auroit ressuscité. Quoy? ne seroit-il pas ressuscité, si la croix n'eut esté trouuee? Sa resurrection, & son ascension au ciel, auoyent esté preschees & creuës presque par tout le monde, plus de trois cens ans auparauant. Mais qu'est-ce de ce qu'il dit apres, que la Vierge auoit fait, qu'il estoit venu entre les hommes, mais qu'Helene auoit esleué l'estādart diuin en remission des pechez? Est-ce la Vierge qui a fait venir nostre Seigneur entre les hommes, ou la bonté de Dieu? où en sommes-nous? Dieu n'auoit-il pas promis le Christ, ceste semence benite (& de sa seule grace) limité le temps, & le lieu? Ceste grace, ce salut est-il apparu & venu, que de la benignité de Dieu? la Vierge l'en a-elle requis, ne prié? y pensoit-elle, quand cela luy fut annoncé? l'a-elle merité pour nous? mais elle a esté receuë & sauuee par grace, & n'a iamais chanté que de la misericorde de Dieu. Au reste, la croix est-ce vn estandart diuin en remede des pechez? C'est donc la croix sous laquelle se faut rendre, l'adorer & la prier, pour auoir la remission des pechez! Deuinez maintenant qui a plus fait, ou la croix, ou la Vierge, ou nostre Seigneur, & à qui nous deuons l'honneur de nostre salut. Vous le transferez au bois de la croix, à la croix, & au signe d'icelle,

le cherchez là, & en faites feste, & laissez nostre Seigneur, de qui seul nous le tenōs. Pour le moins vous luy donnez tātost sa mère, tantost la croix, tantost autre chose pour compagnon, comme si luy seul ne suffisoit pour vostre salut. C'est luy, & non la croix qui est nommé Iesus: S'il nous a sauué par la mort de la croix, ou par sa mort sur la croix, le salut vient de luy, de sa mort, de ses peines, sueur, sang, & travaux, non du bois de la croix, ny de la forme d'iceluy: & l'honneur en est deu à nostre Seigneur, & luy en doit estre recognu & adoré, & non la croix. Mais quoy? vous auez en vos liures, qu'Adam auant que mourir, enuoya Set au Paradis terrestre, que luy fust donné de la graine de l'arbre de vie, qu'Adam dit à Set, de la semer en son sepulcre sur sa teste, ce qu'il fit: & qu'il en sortit vn arbre lequel fut coupé long temps apres: mais ne le pouuant employer à aucune œuure, fut laissé comme chose inutile, iusques à ce que fut employé à bastir la croix de nostre Seigneur, & de là est venu nostre salut de ce bois (dit vostre *vita Christi*) venu de la graine de l'arbre de vie. Et si vous ne le croyez ainsi, pourquoy adorez-vo<sup>9</sup> la croix, luy attribuez salut, & mesmes au bois de ceste croix, que vous appelez la vraye croix: non que vous appelliez les autres fausses (car toutes sauét, ainsi que vous dites) & l'vne aussi bien que l'autre. Mais pourquoy figurez-vous cela en vos tapisseries, à sçauoir, vne croix sortant

d'une teste d'homme, si vous ne le croyez? Mais si la croix a tant de vertu, comment est-ce que les Apostres n'en ont rien dit? comment ne l'a cherchée l'Eglise des Apostres, & comment tant de bons Euesques Chrestiens, qui ont esté en Ierusalem avant qu'Helene fut née, ne se sont-ils aduisez de la chercher aussi bien qu'Helene?

Sainct Ambroise dit apres, que par le titre de la croix le salut est apparü: que veut-il dire sinon que la croix de nostre Seigneur a esté recognue au titre? la croix, qui (dit-il) est le salut? Car que nostre Seigneur fust reconnu lors le salut par ce titre de la croix, il estoit reconnu Sauueur par le titre qui est en l'Euan-gile, & par la predication d'iceluy, & par tout le monde, plus de trois cens ans avant que Helene fut.

Mais pour vous faire voir que tout ce que vous dites de ceste croix est fabuleux: vous dites qu'Helene trouua trois croix, que ceste-là de nostre Seigneur fut recognüe au titre: & que pour mieux estre recognue, vne fem-  
Hist. Eccl.  
liu. 10.  
chap. 8.  
 me malade vint qui la toucha, & fut guerie: les autres disent, que c'estoit vne femme morte qu'on apporta, laquelle resuscita aussi tost qu'on l'eut touchée à la croix: les autres disent, que c'estoit vn ieune homme. Voila du discord assez, pour faire dire, qu'il n'est rien de toute ceste vertu de la croix, dõt vous parlez, ny mesmes de l'inuention de celle croix. Car n'y eut-il eu que ces trois croix? C'estoit



le supplice ordinaire des Romains. Eut-on pluſtoſt mis celles-là ſoubs terre, que les autres? & ſe fuſſent-elles gardees là avec leurs titres trois cens ans? Auſſi on ne s'accorde pas du lieu, où les croix furent trouuees: Car les vns diſent, que ce fut au ſépulcre, les autres que ce fut en Golgota.

Page 41.

Sponde fait force ſur ce que la croix chaſſe les diables, & allegue que meſmes elle a eſté en cela profitable à Iulien l'Apoſtat, lors que ſon magicien luy faiſoit voir les demons. (*Si dit-il*) *Nous voulons croire Gregoire Nazianzene.* Il veut dire que quand les diables eſtoient trop faſcheux, que le magiciē faiſant le ſigne de la croix, ils s'enfuyoyent. Nous diſons, que cela peut eſtre. Mais que le diable fuyoit par ce qu'il le vouloit, & pour attirer à ceſte ſuperſtition d'adorer la croix, & y conſtituer ſalut, ce qu'il a fait peu à peu. Car qu'y a-il en la croix, qui luy doiue faire peur? C'eſt la foy, & non la croix, qui le chaſſe. Mais n'eſt-ce pas vn beau teſmoignage qu'il nous allegue, que celui d'un Apoſtat, de ſon magicien, & du diable?

Liu. 50. homil. homilia 27.

Nous n'ignorons pas, que les Anciens ne ayent conſtitué ſalut au ſigne de la croix, ou en la croix. S. Auguſtin dit, que celui qui court au mal, & heurte du pied, & fait le ſigne de la croix ſur ſa face, ne ſçait pas qu'il fait, s'il chaſſe le diable, ou pluſtoſt s'il ne le renferme pas. Item, ce que dit ſainct Hieroſme, quand il exhorte la vierge à faire le ſigne de la croix  
ſur



sur soy, quand elle se couche. Item, ce que dit Chrysostome, que comme la mort est par le bois: aussi le salut par le bois, à sçauoir par la croix. Mais examinons les raisons: Vous ne le voulez pas, si ne sommes-nous pas des bestes, pour croire s'il n'y a raison, & mesmes où la parole de Dieu ne dit mot. Quant à ce donc que dit saint Augustin, Si le signe de la croix chasse le diable, & l'empesche d'entrer par la bouche: comment n'a-il ceste vertu de le chasser de dedās le corps? Comment dit-il dōc, qu'il ne sçait si l'y renferme? Est-ce que ce vilain ne veut pas sortir par la porte de derriere? si entroit-il biē par là en la prestresse d'Apollo: & puis en ceste region-là, on ne fait pas ce signe de croix, qui le peut là enfermer: que si le signe de la croix ne le peut chasser, où est ceste sienne vertu que vous dites? Quant à ce que dit Chrysostome, il payle formellement contre la parole de Dieu, contre ce que dit ce vaisseau d'electiō S. Paul, Rom. 5. car il dit, Que comme par vne seule offence la coulpe est venue sur tous hommes en condamnation: ainsi aussi par vne seule iustice iustificante, le don est venu sur tous hōmes en iustificatiō de vie. Et derechef, Car comme par la desobeissance d'un seul hōme, plusieurs ont esté rendus pecheurs: ainsi par l'obeissance d'un seul, plusieurs ont esté rendus iustes. Le salut est-il rapporté à la croix, au bois, ou au signe de la croix? n'est-ce pas à l'obeissance & iustice de nostre Seigneur? & la

Lib. homel.  
liarum 50.  
homel. 21.

condamnation est-elle rapportee au bois, à l'arbre, & au fruiet? n'est-ce pas à la desobeissance & rebellion d'Adam, & au péché qui en est prouenu en nous tous? Chrysostome a donc erré en cela. DeSponde dit, qu'il en scauoit plus que nous. La responce est prompte, qu'il n'en scauoit pas tant que S. Paul, lequel nous croyons. S'il replique, que Chrysostome a mieux entēdu l'Apostre que nous, nous luy respondons qu'il luy a contredit en cecy, & a mis le salut au bois de la croix, au lieu de le mettre en Christ. Il nous demande, *si nous reſons l'Eglise ancienne pour damnee, de nous auoir gardé ce signe.* Mais que ne dit-il de l'auoir adoré ou d'y auoir constitué salut? Nous respondons donc, qu'il n'est pas question d'auoir gardé ce signe, mais qu'ils y ont mis salut, & de là les Papistes ont adoré la croix. Au reste nous disons, que Dieu pardonne en son Eglise ce péché, & les autres, à ceux qui sont escripts en son liure de vie, & qui luy en demandent pardon: autrement, damnation. Iugez là dessus cōme vous voudrez, ce que Dieu en a decreté est ferme & arresté. Si vous le trouuez estrange, c'est par son ordonnance, comme ce qu'il dit à Adam: En l'heure que tu en mangeras, tu mourras. Que si vous trouuez estrange, qu'adorer la croix, & constituer le salut au signe d'icelle, merite la mort eternelle, comment ne vous esbahissez-vous qu'auoir mangé d'un morceau du fruiet d'un arbre, ait meritē la damnation?

car il y a rebellion en l'un & en l'autre, veu qu'il est defendu d'adorer autre chose que Dieu, comme il estoit defendu de manger de ce fruiet.

*Les anciens Docteurs sont vn preiugé* (dit le sieur de Sponde) *contre les heretiques.* C'est nous qu'il appelle heretiques. Est-ce à cause que nous ne voulons prendre vne croix, & la baiser, pour luy demander salut, & l'adorer cōme eux, & pour ne croire pas que ce signe de la croix a ceste vertu, de faire fuir le diable? Nous disons qu'en cela nous ne sommes pas heretiques, non plus qu'au reste qu'ils nous imposent. Au reste, les anciens Docteurs ne sont pas vn preiugé contre nous, qui nous face peur. Car la parole de Dieu est pour nous: la parole de Dieu iuge par dessus eux, ils l'ont ainsi escrit.

Je vien maintenant à S. Hierosme, & à ce qu'il conseille à la vierge de faire le signe de la croix. C'est conseil sans raison: Où a Dieu commandé cela? S. Hierosme mesme dit, que ce qui est amené sans l'autorité de l'Escripture sainte, est aussi tost reiēté que prouué. D'autrepart, S. Hierosme condamne telles choses sur le 23. de saint Matthieu, où il dit, que quelques pieces de l'Evangile portees, ny le bois de la croix, ne sont, ny ne font rien à salut, & que c'est vne superstition de femmes folles, & vn zele sans science. Si vous me dites, qu'il ne parle pas du signe de la croix: Je vous demande, Qu'y a-il plus au signe qu'au

bois ? & qu'aux mots de l'Evangile ?

Page 43. *Les anciens Docteurs* (dit-il) *n'ont pas esté censurez d'heresie pour cela.* Je dy qu'il leur a esté fait tort en cela : mais qui les eust censurez ? le mal estoit general, Dieu les censure par sa parole. Nous le voyons, nous conste, qu'en cela ils ont mal basti, & nous suffit de voir par la parole de Dieu qu'ils ont erré. Mais Arnobius escriuant contre les Gentils dit, que les Payens disoyent aux Chrestiens: Vous nous cõdamnez cõme idolatres, pour ce que nous honorons les images de nos Dieux : & cependant vous adorez les gibets, que vous y fussiez pendus (disoyët-ils.) Certes si ceste idolatrie scandalizoit les Gentils, aussi n'est-elle qu'estrange. Pourquoy plustost la croix que le fouët, que la couronne d'espines ? Mais quoy ? vous gardez tout en vos reliquaire, iusques à la queue de l'asne, qui le porta en Ierusalem. Que doit-on plus à la croix, qu'à Iudas qui l'a trahi, qu'à Pilate, qui l'a condamné, & aux bourreaux qui l'ont crucifié ? & que devons-nous plus à ceux-là qu'à Satã ? C'estoit l'heresie des Cainiens d'adorer ceux-là, pour le bien que Dieu en a tiré. Quelle raisõ auez-vous d'adorer la croix, sinon que nostre Seigneur y est mort pour nostre salut ? Que si nous auons nostre salut par sa mort, qu'auons-nous que faire d'adorer la croix, la porter, la baiser, & nous en fier pour estre sauuez ?

Au reste, si nous disons que les Anciens

ont erré en cela, c'est selon leur doctrine que nous parlons. Car ils ont condamné toute doctrine contraire à la parole de Dieu, & qui n'a fondement en icelle. Et puis nous parlôs en cela, selon la doctrine de l'Evangile & des Prophetes, où nous est defêdu d'adorer autre que Dieu. Precipitons-nous donc nostre sentence ? Nous ne nous arrestôs pas à leurs miracles : Car il est dit, que tout faux prophete qui annoncera dieux nouveaux, mourra de mort, encore qu'il face miracles pour preuue de son dire, Deuter. 13. Si vous dites que la croix n'est pas vn Dieu nouveau : Je respons, que vous en faites vn Dieu nouveau, puis que vous en faites vn nouveau Sauueur, & Esa. 43. 11.  
Ionas 2. 10 cherchez salut en ce signe. Qui sauue, si ce n'est Dieu ? Si vous dites que Dieu sauue par ce signe, abus : qui l'a dit ? Dieu ne sauue que par soy, & pour l'amour de soy : de nostre salut nous ne deuons rien qu'à luy. Conclusion, quand vn Ange mesme nous diroit d'adorer la croix, nous ne le croirons pas, ne d'y chercher salut : car l'Evangile ne l'enseigne qu'en vn seul Iesus Christ. Et l'Apostre a dit, Si vn Ange du ciel vous annonce autre Euangile, qu'il vous soit en execration. Or annoncer le Galat. 1. 8. salut ailleurs qu'en Iesus Christ (comme en vn signe, ou bois de la croix) est autre Euangile que celuy des Euangelistes : car il n'est pas parlé de cela en l'Evangile. Annoncer donc le salut au signe, ou bois de la croix, nous doit estre en execration.

Il faut maintenant venir à ce qu'il adiouste d'Athanase. *Que direz-vous à Athanase* (dit-il) *quand il vous racontera la passion de l'image de nostre Seigneur?* ne nous met-il pas bié en peine? nous sommes cōfus. Mais à son aduis, que luy respondrons-nous; sinō que s'il le croit, qu'il n'est pas sage? A quel propos la passion de cest image? vous-vous moquez de la religion Chrestienne, & la voulez mettre en risée, quand vous alleguez telles choses ridicules, & que vous scauez assez n'auoir iamais esté. Que si cela est vray, que ceste image ait sué, ce sont prestiges de Satā, pour attirer à la superstition; & que ce n'est pas la premiere qui a sué. Nous tenōs qu'on ne peut faire aucune image de nostre Seigneur: car puis qu'il est Dieu, il ne peut estre representé. Et quant à ce que vous dites de ceste passion, des miracles, & de la conuersion des Iuifs, nous vous demandōs caution: car ny la parole de Dieu, ny les histoires Ecclesiastiques ne disent rien de cela. Quant à Athanase, ce n'est point son style, l'histoire de Lombardie en la legende 130. dit, que ce fut l'an 750. que cela aduint. Sigibert dit, que ce fust l'an 765. c'est long temps apres Athanase & du moins 300. ans: comment auroit donc escrit Athanase cela? On luy attribue faussement, comme on suppose aux Anciens des choses où ils n'ont iamais pensé. Il n'en a esté parlé que long tēps apres Athanase: & par vn Pierre de Nicomēdie, en quelque assemblee, où on traitoit de

quelque sang sorti (ainsi qu'on disoit) du costé de nostre Seigneur, mais gardé iusqu'à ce iour-là. Qui ne void que ce sôt choses supposées? En vn mot, n'est pas danc qui ne le croit.

Ce qu'il dit d'Eusebe, qu'il auoit veu en Cesaree vne image d'airain, où estoit l'effigie de Iesus Christ, & de la femme qu'il auoit gueri du flux de sang à genoux, & la statue de nostre Seigneur luy tendant la main; puis de l'herbe qui croist au pied, & de sa couleur, & de la vertu qu'elle auoit de guerir toutes maladies: tout cela ne conclud rien pour auoir des images & les adorer, veu que c'est chose que Dieu a defendue. Car ce qui n'a fondement en la parole de Dieu, encôre qu'il s'y face miracles, n'est pas receuable: ains est à reietter comme prestiges de Satan, & artifice d'enfer, pour attirer à la superstition & idolatrie. Au reste, Eusebe ne dit pas, que cela fust au temple des Chrestiens, ne qu'on y fit aucune adoration, & si dit que ceste femme estoit des Payés, non d'Israël: & dit que si elle auoit fait cela, ce n'estoit merueille que ceux des Gentils, qui auoyent creu, offrisent tels presens à nostre Seigneur, pour tant de benefices qu'ils auoyent receu de luy: veu (dit-il apres) que nous voyons maintenant faire les images & les tableaux de S. Pierre, de saint Paul, & de nostre Sauueur: & nous auons veu de leurs vieilles images gardees par aucuns. Ce qui me semble estre du tout selon la coustume des Payens, parce qu'ils ont ainsi ac-

Euseb. hist.  
Eccles. liu.  
7. chap. 17.



coustumé d'honorer ceux qu'ils ont estimé dignes d'honneur. Car (dit-il) conseruer la memoire des faits excellēs des Anciens, c'est leur porter honneur & les aimer. C'est ce que dit Eusebe. Il ne dit pas que ces images fussent es temples, ny qu'on les adorast: il dit que cela estoit sorti des Payens, qui honroyent les hommes illustres qu'ils aimoyent, en gardant vers eux leurs pourtraicts. N'en faisons-nous pas autant en nos maisons, ou cabinets? Mais les mettōs-nous en nos temples? ou les adorons-nous à la maison? Les Anciens auoyent la mesme curiosité d'auoir en la maison tels tableaux de nostre Seigneur & des Apostres: & apres il les fallut mettre aux temples & lieux publics, comme les Payens mettoient les leurs; & apres on les adorez: & par ce moyen ceste idolatrie est entree en l'Eglise Chrestienne.

Page 44.

Il ne veut pas alleguer ce qui est dedās Damasus, à sçā. ce que fit Constatin, mettāt dans sa Basilique les images de Iesus Christ, & des douze Apostres, & des croix d'or, sur S. Pierre & sur S. Paul. Il sçait qu'il y a de quoy rire en cela, & a peur que s'il l'alleguoit, nous ne fondissions de rire, *comme cest nostre coustume (dit-il) là où eux (ainsi qu'il dit) ne font qu'espan- dre de bon cœur larmes sur nos risées, que nous as- secherons, quand nous leur monstrerons qu'il n'y a en que des idolatres en toute ceste antiquité.*

Nous respondōs comme dessus, que Dieu a defendu de faire aucunes images pour les



adorer, & de les adorer, que le fait de Constantin (quelque pieté qu'il ait eu) ne peut enfreindre le commandement de Dieu: que s'il a fait cela, & mis ces images au tēple, & pour les adorer, & les a adorees, qu'il a fait contre Dieu: comme fit Gedeō d'esleuer vn Ephod pour memorial de sa victoire, & de la faueur de Dieu contre les Madianites, lequel fust apres adoré à la ruine de la maison de Gedeon, & d'Israël.

Au reste, combien que vostre idolatrie soit ridicule, & que vous-mesmes vous en moquiez entre vous bien souuent: nous y trouuons à pleurer, & à en auoir pitié. Mais vous ne nous donnez ny le loisir, ny le subiect de rire: ains de pleurer, pour la perte des biens, & pour les dangers de la vie. Qu'y a-il dont vous ne nous spoliez, que vous ne nous rauissiez, quel outrage que vous ne nous faciez? Mais nos pleurs se conuertissent en ioye, & vostre ris se tourne en grincement de dents. Nous ne disons pas qu'en toute ceste antiquité, il n'y ait eu que des idolatres: plustost que les Iesuites pleurent tousiours. Car nous croyons, qu'il y a eu milliers de millions de Chrestiens, qui n'ont eu aucunes images aux temples, ny ne les ont adorees ny au temple, ny à la maison, ny ailleurs. Croy maintenant à nos raisons. Pour respondre à ce que dit de Sponde. *Qu'il craint que nous ne fondions de rire quand nous lirons dans Damasus, que Constantin mit les images de nostre Seigneur, des Apostres*

*& des 4. Anges dans sa Basilique, & des croix d'or, qu'il mit sur les corps de saint Pierre & de S. Paul:* Ierespons, que pour preuue de nostre dire, nous n'alleguerons point l'Empereur Leon, Isaurien, & son fils Copronime, ny le Concile de Francfort, ny le liure de Charlemagne, ny tous les Euesques des Gaules qui estoient pour lors, qui ont approuué ce liure de Charlemagne, lequel vous auez, & le pouuez voir: auquel sont, comme a esté dit, refutées les raisons du Concile de Nicee, & les Euesques là assemblez conuaincus d'erreur & d'ignorance. Mais outre tout cela, nous vous alleguerons l'Eglise de nostre Seigneur & des Apostres, & ceste Eglise primitiue, qui n'a eu aucunes images aux tēples, & vous alleguons le Concile Elibertin, qui defendit de peindre & pourtraire Dieu, lequel nous adorons en nos temples. Mais toute nostre raison, c'est la parole de Dieu, qui demeure éternellemēt, laquelle defend les images, & de les adorer. Que si vous reiettez Leon Isaurien & Copronime, pource qu'ils estoient des monstres en impietez: comment receuez-vous la doctrine des Papes, veu que plusieurs d'eux on esté encore de plus horribles monstres en toute impieté, & veu que leur doctrine est contre l'expresse parole de Dieu? Si Leon, & Copronime ont esté meschans en leur vie, si est-ce qu'en ce poinct de doctrine, à sçauoir touchant les images, ils ont suiuy le commandement de Dieu, en les reprouuant. Si la vie

quand elle seroit Angelique, ne iustifie pas vne heresie, ny vne fausse doctrine: aussi la meschante vie ne peut renuerfer vn article de foy, & aneantir vn commandement de Dieu.

Quant au liure de nos images (qu'il appelle) c'est vn liure des hommes illustres de nostre temps, où il y en a de vostre religion, avec leurs pourtraicts, & quelques epitaphes. C'est pour en laisser memoire, & tesmoignage de leur vertu à la posterité, & non pour les adorer. Les adorons-nous? Comme a esté dit ci dessus, l'idolatrie a esté introduite iadis par ce moyen en l'Eglise Chrestienne, c'en a esté le commencement. Que si la doctrine venoit à faillir à nostre posterité, le mesme seroit à craindre. Cependant cela ne peut estre defendu, veu que cela n'est ny aux temples, ny pour religion, ny pour adorer, ny pour par là obtenir salut. Au reste, saint Augustin qu'il allegue contre nous, est pour nous. Car il dit, que ceux qui cherchent Iesus-Christ non és Escritures, mais és murailles, méritent d'errer, & qu'il n'est point de merueille, si les peintres ont trompé les menteurs, que les peintures & images ne sont que mensonge. Item que Iesus Christ se cherche en l'Escriture, & ne se trouue en la peinture. C'est ce qu'en dit S. Augustin, au premier liure du consentement des Euangelistes, chapitre 10. N'est-il pas pour nous? Mais sur le Pseaume 117. Qui adore, ou qui prie en regardât vne image, qu'il n'en soit touché iusques à penser qu'il sera ex-

exaucé par icelle, & qu'il luy sera fait ce qu'il desire? C'est comme S. Augustin condamne l'usage des images aux temples. Quant à ce que de Sponde allegue de saint Augustin contre Faustus, il s'abuse: ce n'a pas esté leur different, que de disputer des images. Saint Augustin n'a iamais dit, que les images soyét du seruice de Dieu, ne qu'il les faille adorer: ains le cōtraire, comme nous auons fait voir, & n'a rien dit de tout cela, au lieu qu'il a allegué.

*Il se plaint apres, que nous auons tasché de rendre le nom de la Messe, autant ridicule par nos outrages, que de tout temps toute l'Eglise l'a honorée.* Je repons, que du nom de Messe nous n'auons dit, sinon que c'est vn mot barbare, tiré pourtant de ce mot latin ( *Missa* ) comme on dit à la fin de la Messe, *Ite Missa est*: C'est à dire, Retirez-vous, l'assemblée est enuoyee. On disoit cela à la fin de la Cene, à fin que les penitens & les Catecumenes qui attendoyét à la porte ( car on les mettoit dehors durant la communion ) fissent place à ceux qui sortoyent, & se retirassent: & lors chacun rédoit graces de la celebration de la Cene. Vous auez retenu cela, & en vsez: encore que vous n'ayez ny Cene, ny communion, ny penitens, ny Catecumenes. Au reste vous dites, que la Messe est vne commemoration de la mort & passion de nostre Seigneur, & le sacrifice de sa mort, & qu'elle a la mesme vertu pour sauuer que la mort de Christ: voire que sa mort &

passion ne sauue pas sans la Messe. Si ce n'est vostre opinion, pourquoy donc nous faites-vous mourir, & nous estimez indignes de nos anciens sepulcres: faites desenterrer par arrest nos corps, pource que nous ne voulons pas aller à la Messe, & l'accepter pour moyen & cause de nostre salut, au lieu de la mort & passion du fils de Dieu, ou avec icelle? Comme s'il falloit donner la Messe pour aide à la mort de nostre Seigneur, & à iceluy nostre Sauueur le prestre pour compagnon, & d'iceluy acheter nostre salut à prix d'argét: & pource, contrefaire la mort & passion du fils de Dieu: comme si on la vouloit iouïr, pour faire rire les Turcs & les Iuifs de ce mystere, & en faire vn bastelage. Donnez-vous à cela la vertu de sauuer, & la mesme vertu qu'à nostre Seigneur? C'est donc que nostre Seigneur n'est mort que pour dōner vertu à la Messe de sauuer, quand elle est dite par vn prestre. Nous disons, que c'est vne impieté la plus horrible qui fut iamais soubs le ciel. Si donc nous disons que la Messe est vne abomination, & vne ordure la plus ordre & sale, auons-nous tort? Qui vous la fait aimer (ie parle à ceux qui sont plus entendus) que le benefice & reuenue qui en depend, ou bien que Dieu vous a osté l'entendement?

De Spōde dir, *que de tout temps l'Eglise a honoré la Messe.* Et comment? du temps des Apostres l'Eglise ne sçauoit que c'estoit de la Messe. Il n'y a pas long temps qu'elle est a-

cheuee de bastir : nous vous dirons en quel temps elle a cominencé : vous monstrerons que plusieurs y ont mis la main, que c'est l'ou-  
rage des Pontifes de Rome, que chacun y a apporté sa piece. Vous dites que S. Iacques a fait vne litourgie, que vous appelez Messe : vous-vous vantez d'une autre de S. Basile, les autres en ont vne de Iean Chrysostome. Mais si saint Iacques en a fait vne, il estoit Apostre, en falloit-il d'autre ? falloit-il que ny Basile, ni Chrysostome & les Papes en fissent encores d'autres ? Pourquoy n'ont vsé les Eglises, de celle que vous attribuez à saint Iacques, sinon, parce qu'on a bien sceu, qu'il n'en estoit pas l'auteur ?

*De Sponde veut que nous voyons la iustice de la cause de la Messe, si nous sommes curieux & amateurs de la verité. Mais demandez-vous si nous l'auons fait ? nous en auons pardeuers nous le sac & les pieces, & auons veu, que la Messe est vn renôcement de la mort & passion de nostre Seigneur. Car puis que vous dites qu'elle sauue, & luy attribuez la mesme vertu qu'à la mort du Fils de Dieu, que vous sert ny nostre Seigneur, ny sa mort ? la Messe vous suffit : & n'est-ce pas laisser ou renôcer la mort & passion de nostre Seigneur ? Et aussi de Spode dit en la troisieme partie de ses declarations, que nostre Seigneur en instituât la Cene, institua & fit lors le sacrifice par lequel nous sommes sauuez, à sçauoir (dit-il) la Messe. Les autres Iesuites disent le mesme, & ne font seruir la mort de*

nostre Seigneur, qu'à confermer ce sacrifice ou testament, qu'ils appellent Messe. C'est là la iustice de sa cause: que s'il n'y auoit de Messe, nul ne seroit sauué: que sans la Messe, tout seroit d'anné. Et pour cela on nous tient comme brebis qu'on mene à la boucherie. Mais auant que la Messe fut, n'y auoit-il pas de salut? La Messe a esté faite par les Euesques de Rome. Il y auoit salut auant eux, & auant que Rome fut. l'Eglise des Prophetes, & celle des Apostres ont eu salut; Celle des Prophetes en la mort de nostre Seigneur à venir, & celle des Apostres en la mesme mort desia aduenue: & en tout ce que nostre Seigneur a fait, qui a accompli toute iustice pour nous, sans la Messe. En luy seul donc nous espérons, croyons, & auons tout nostre salut.

Nous auons plus fait, que de voir ainsi le merite de la Messe (que vous appelez la iustice de sa cause) car nous en auons fait vne Anatomie, & l'auons dissequée de tous costez, iusques aux intestins: & par tout n'auons veu que superstition, idolatrie, & horreur. C'est l'estat & iugement que nous en auons fait, nous fondans sur ceste raison: Que tout ce en quoy on cherche salut, au lieu de le chercher en vn seul Iesus Christ, est faux & detestable. Or on cherche salut en la Messe, au lieu de le chercher en vn seul Iesus Christ. La Messe est donc chose fausse & horrible. Vous ne pouuez nier cecy: car vos escrits portent, que la Messe est vn sacrifice agreable à Dieu, pour la remission



des pechez des viuants & des morts.

*Berengarius*, dit de Sponde, *a trois fois changé d'opinion, & a esté condamné par quatre Conciles.* Qu'y fait cela? Je dy, quand il auroit esté condamné en tous vos Conciles? car s'il a reprouué la Transsubstâtiation, ç'a esté avec raison, par la parole de Dieu, par la nature & propriété des Sacremens? Car le signe n'est pas la chose signifiée, ny la chose signifiée n'est pas le signe, ains faut discerner l'un d'auec l'autre. Le pain donc n'est pas le corps de Christ, ny le vin son sang: & le corps de Christ n'est pas le pain materiel & cuit au four. Mais comment eut Berengaire changé trois fois d'opinion, veu qu'il n'en eut iamais qu'une? Il ne creut iamais la Transsubstantiation, ny qu'on brisast, & qu'on rôpist avec les dents le corps de Iesus Christ, qui est tout viuant, & tousiours glorieux au ciel. Si on le luy a fait dire & signer, ç'a esté en le forçant contre sa conscience, si qu'il est mort en son opinion premiere. Et quant à ce Canon, *Ego Berengarius*: c'est à dire, Je Berengaire, Archediacre de l'Eglise d'Angers, &c. que le Pape luy fit signer, l'approuuez-vous? La plus part d'entre vous l'abhorrent, vos Docteurs Canonistes aussi: Car la glose dit là dessus, que si ce Canon n'est sainement entédu, on tombera en heresie, pire que celle de Berengaire: à sçauoir, de croire que le corps de nostre Seigneur se rompt, se masche, & se brise avec les dents. N'est-ce pas vostre opinion? Berengaire signa cela:

Car



Car il auoit peur de mourir : c'estoit infirmité en luy. Mais n'assasina-on pas l'Escot en Italie, par les menées de Lanfracus, pource qu'il tenoit la mesme opinion que Berengaire pour ce poinct icy? De Spode amenera encore cecy en ieu en la troisiéme partie de ses declarations : car il chante tousiours vne mesme chason pour toutes raisons, & là nous en faudra encor parler.

Pour fortifier l'opinion de la Papauté, de Spode amene le dire d'Ignace rapporté par Theodoret, qu'il prend de l'Epistre d'Ignace *ad Smyrnenses*. Ce sont icy les mots de Theodoret, comme on les a tournez en Latin *Eucharistias & oblationes non admittunt, quod non confiteatur Eucharistiam esse carnem Seruatoris nostri Iesu Christi, quæ pro peccatis nostris passa est, quam Pater sua benignitate suscitauit* : c'est à dire, Ils n'admettent point les Eucharisties, & les oblations, parce qu'ils ne confessent point l'Eucharistie estre la chair de Christ, laquelle le Pere a ressuscitée par sa benignité. Theodoret veut prouuer, que la nature humaine de nostre Seigneur a souffert (& non la diuine) & qu'elle a esté ressuscitée. Et il prouue par ces mots, & montre ainsi, que telle a esté la croyance d'Ignace. Au reste, l'Eucharistie est la chair de nostre Seigneur, en ce que là il s'agit de sa chair & de son sang, & nous y participons vrayement, quand nous y sommes faits chair de sa chair, & os de ses os. Et c'est lors que nous y mangeons sacramen-

talement, c'est à dire, par mystere (en esprit, ou spirituellement) & partant vrayemēt la chair de nostre Seigneur, & y beuons son sang. Ce n'est ny de la bouche ny des dents, mais en l'ame & par foy. Theodoret ne veut pas dire, que le pain soit transsubstantié au corps de nostre Seigneur, ny le vin en son sang, ou que la substance de l'un se change en la substance de l'autre. Car il debat tout le cōtraire en son premier Dialogue, qu'il appelle immuable, car il dit qu'il n'y a changement qu'aux noms. Ce sont icy les mots de Theodoret tournez en François. Nostre Sauueur, certes, a changé les mots, & a donné au corps le nom du signe, ou du Symbole, & au Symbole a donné le nom du corps, & ainsi s'estât appelé la vigne, il a appelé son sang ce qui estoit la figure ou Symbole du sang, à sçauoir le vin. Et apres, Iceluy a honoré les signes qui se voyent, du nom de son corps & de son sang; ne changeant point certes la nature, mais à la nature adioustant grace. Et encore apres, il appelle le pain & le vin de la Cene, aliment tres-sainct, mais figure du corps & du sang de nostre Seigneur. Le but de Theodoret c'est, que comme le pain & le vin ne sont point changez en la chair & sang de Christ substantiellement, mais demeurent pain & vin: aussi la nature diuine n'est point changée en la nature humaine, ny la nature humaine en la nature diuine, ains demeurent deux natures distinctes en vne seule personne.

Quant au passage de Malachie, chap. I. v. Page 46.

II. tous ceux qui le prennent pour l'Eucharistie seulement, s'abusent; mais plus ceux qui le prennent pour la Messe. Car là il n'est pas question seulement de l'Eucharistie, mais de tout le service de Dieu, qui luy est fait en l'Eglise du nouveau Testament, par la predication de l'Evangile, d'un bout du monde à l'autre. Ce service de Dieu est spirituel en Malachie, & opposé au service charnel de la Loy, qui devoit prendre fin. Et neantmoins ce service spirituel fait aujourdhuy à Dieu, est représenté en ce Prophete, & aux autres, par le service & ceremonies de l'ancien Testament, quoy que different en forme. Mais, comment eussent autrement les Prophetes exprimé, que tout le monde seruiroit un jour à Dieu: comme lors la nation des Juifs, qu'en représentant ce service spirituel par celui de la Loy? Lors on offroit à Dieu grand nombre de sacrifices, & force grasses bestes tuées, & parfums & encens. Dieu reprouve par Malachie les abus qu'on y commettoit, dit que cela ne luy plaisoit pas; qu'en tout le monde on le seruiroit purement, & non seulement en la nation des Juifs. Et pourtât il dit, *Mais depuis le Soleil couchât, jusques au Soleil levant, mon Nom sera grand entre les nations, & on offrira en tout lieu parfum à mon Nom, & oblation pure: car mon Nom sera grand entre les nations, a dit l'Eternel des armées.* Que peut-on conclurre de là, sinon que Dieu veut estre servi par tout le

Aâtes 15.

monde? mais sera-ce par parfuns & oblations  
cōme en Ierusalem? Ce seroit Iudaïser. Cela  
a cessé, nous en sommes tous d'accord, & no-  
stre Seigneur a dit, que les vrais adorateurs  
adoreroyent le Pere par tout en esprit & en  
verité: c'est à-dire, non seulement en Canaan,  
& avec les ceremonies de Moyse, mais par  
tout, sans ces ceremonies & figures. Ce qu'est  
dit en esprit, c'est à dire sans ces sacrifices.  
Et en verité, c'est à dire, ayant Christ le but &  
accomplissement de la Loy, & la fin d'icelle.  
Car il y a mis fin par sa mort, & lors qu'il dit:  
Tout est accompli, & que le voile du temple  
fut fendu du haut iusques au bas, pour tes-  
moignage que ce Temple, & ceremonies, &  
seruice qui s'y faisoient, perdoyēt leur vſage,  
& que tout estoit accompli, & que tous par  
Christ, auōs accez à Dieu sās ces ceremonies.

Ce passage de Malachie ne peut estre en-  
tendu de vostre Messe. Car il n'est là parlé  
que de sacrifice fait à vn seul Dieu, & pour la  
magnificence de son seul Nō en tout le mon-  
de, & d'un sacrifice pur & sans tare. Mais la  
Messe est vn sacrifice fait aux saints & à leur  
renom. Et puis c'est vn sacrifice vitié, & plein  
d'abomination contre l'Euangile, & le bene-  
fice de la mort de nostre Seigneur. Dieu ap-  
prouue-il cela? De Sponde nomme icy vn  
grād nombre de Docteurs, *qui (dit-il) ont tous  
exposé ce passage du sacrifice de l'Eucharistie.*  
Mais la Messe & l'Eucharistie sōt deux. Nous  
appelons bien l'Eucharistie sacrifice, parce

que nous y offrons à Dieu nos prieres, & loüanges de nostre salut, & nous-mesmes, en oblation de bonne odeur : mais nous n'y sacrifions pas nostre Seigneur cōme vous faites (ainsi que dites) à la Messe : il suffit qu'il ait esté sacrifié vne fois, & qu'en ce sacrifice vne fois fait nous ayons salut. Car par vne seule oblation, il a consacré à perpetuité ceux Hebr. 9. 14. qui sont sanctifiez. Soit à la Cene, soit ailleurs, mesmement à la predication de l'Euan-gile, & à la table du Seigneur, nous deman-dons pardon à Dieu, en vertu de la mort & passio de nostre Seigneur, qui s'est offert luy-mesmes en sacrifice de bonne odeur à Dieu, pour la satisfactio de nos pechez. Nous-nous en assurons : & en prenant les gages certains de nostre salut, rêdons graces à Dieu. Et aussi la coupe de la Cene est appelée la coupe d'ac-tion de graces. En cela nous ne nions pas que la Cene ne soit sacrifice de loüange & de prieres. C'est comme les anciens Docteurs & les Conciles ont prins ce passage de Mala-chie : & non que nous offriōs à Dieu son Fils, ny que luy offrions son corps & son sang. (C'est luy qui les no<sup>o</sup> offre, & se dōne à nous) moins luy offrons-nous sacrifice de pain & de vin. A quoy faire ? pour auoir pardon ? Seroit-ce bien le moyen ? mais plustost c'est se moc-quer de Dieu. Que les anciens Docteurs ayēt prins ce lieu du Prophete Malachie pour la Messe, nous le nions : Car elle n'estoit pas ba-ptie encore, ny ne l'a esté long temps apres.

Mais quand nos aduersaires trouuent ce mot de sacrifice, ou de sacrifier, ils pensent qu'il soit là parlé de la Messe, ou de dire la Messe, comme s'il n'y auoit sacrifice que la Messe, ou comme si la Messe l'estoit. Où est-ce que Dieu l'a ordonnee pour sacrifice? Car la Cene & la Messe, sont en tout & par tout deux choses bien différentes, comme il sera dit en son lieu. Iustin Martyr au Dialogue qu'il appelle Tryphon, parle bien du pain & de la coupe de l'Eucharistie: mais il dit, que les prieres des gents de bien, sont les parfaites & les seules hosties que Dieu a pour agreables, & n'appelle pas le pain que pain. Au reste, il parle comme on faisoit lors la Cene, mais il ne parle pas de la Messe: & si vous voulez dire que Iustin ait entendu par l'Eucharistie la Messe, nous respondôs par Iustin mesme, qui recite la forme qu'on auoit de participer à la Cene: c'est la forme du sacrifice qu'il appelle Eucharistie, c'est à dire de louange & actions de graces. Mais en tout cela, il n'y a rien qui ressemble à la Messe. Voicy ces mots à la fin de son Apologie. Les meilleurs sacrifices des fideles, sont les prieres & louanges à Dieu. Mais de Sponde allegue le Dialogue contre Tryphon, où Iustin dit, que Malachie entend parler du sacrifice, que nous (dit-il) qui estiôs Gentils, luy offrons & celebrons, en tous les lieux où s'estend nostre foy: qui est le saint pain & le diuin breuuege de l'Eucharistie, que nous sollennisons en sainteté &

chasteté de cœur, en luy rendant graces de tous ses bien-faits. Ce sont les mots de Iustin. Qui ne voit que ce saint Martyr parle là du Sacrement de la Cene? On me dira, qu'il l'appelle sacrifice de pain & de vin. Je respōs, que c'est parce qu'en mangeāt le pain & beuvant le vin, pour seeller & mieux nous asseurer nostre communion avec Iesus Christ nostre Seigneur: & bien asseurez d'icelle, on rēd graces à Dieu de nostre salut, lequel nous auons par le sacrifice de la mort de nostre Seigneur fait en la croix, duquel nous raffraischissons & celebrons la memoire en la Cene: ce que S. Paul appelle annōcer la mort du Seigneur. Iustin ne dit pas qu'on y sacrifie Iesus Christ; ainsi qu'ils disent qu'on fait en la Messe: au contraire sur la fin de ce dialogue, il dit, que les prieres & actions de graces, sont les seules & parfaites hosties des fideles. Diroit-il cela, si on y sacrifioit Iesus Christ? Luy, ne seroit-il pas meilleur sacrifice, que toutes nos prieres? Iustin dit encore, que les Chrestiens n'ont appris d'en faire que cela, en la commemoration de leur manger & de leur boire: où (dit-il) se celebre la memoire de la mort qu'a enduré Dieu, qui est le fils de Dieu. Et ainsi Iustin expose ce qu'il a dit du sacrifice de pain & de vin, par le māger & le boire de la Cene, où nous sacrifions à Dieu les loüanges de nostre salut. Au reste Iustin appelle le pain de la Cene saint, & le vin diuin breuage: parce que le pain & le vin sont consacrez & dediez



à vn vsage sainct & diuin, à sçauoir pour nous  
seeller la cōmunion bien-heureuse que nous  
auons avec Iesus Christ nostre Seigneur.

Quāt à Irenee, il ne dit rien de cela au lieu  
que tu allegues, à sçauoir, au 4. liure, chap.  
42. contre les Valentinien. Mais tu veux di-  
re le chapitre 34. C'est là où nous vous at-  
tendons. Car voicy les mots, Nous luy fai-  
sons oblation, non pas comme à celuy qui en  
a besoin, mais comme luy rendans graces du  
bien qu'il nous fait. Et derechef, il veut aussi  
que nous donnions offrande à l'autel, & sou-  
uent, & sans cesse : or l'autel est au ciel, car  
là sont adressees nos prieres & oblations.  
Quant aux autres Docteurs, comme Orige-  
ne, Tertullien, sainct Cyprien, Athanase, Op-  
tat Mileuitain, Basile, Gregoire Nazianzene,  
Epiphanius, sainct Iean Chrysostome, sainct  
Cirille, il ne se trouue pas qu'ils appellent la  
Messe sacrifice, & vne oblation non sanglante:  
Car ils n'en parlent point, mais vous mentez  
à plaisir.

Tous ces Docteurs sont ou Grecs ou Affri-  
cains, & pas vn Romain, si ce n'est sainct Hie-  
rosme : & depuis eux la Messe a esté bastie, &  
à Rome. Comment eussent-ils donc interpre-  
té ce sacrifice de Malachie pour celuy de la  
Messe, laquelle ils ne cognurent iamais ?

Aussi il ne corte point les lieux : Ce luy est  
assez de nommer force Autheurs, sans noter  
le lieu, à fin qu'on aye le plaisir de chercher ce  
qui ne se peut trouuer. Et quant au Concile



de Nicee, ne voyez-vous pas par là, que lors l'Eglise ne sçauoit que c'estoit de la Messe, & que Diacres, Prestres, & le peuple, communiquoyent tous ensemble? Ce que le Concile reprend là, c'est qu'aucuns Diacres s'auançoient de dōner la communion aux Prestres en quelques lieux. La raison du Concile, c'est que la reigle ny la coustume ne portent pas, que ceux qui n'ont point la puissance d'offrir le sacrifice, presentent le corps de nostre Seigneur à ceux qui offrent. Et vous-vous ahurtez sur ces mots d'offrir, & puissance d'offrir, pour bastir vostre sacrifice de Messe, pour la remission des pechez des viuāts & des morts, le blasphemé le plus horrible de tous. Quoy? cela est-ce la sacrificature que Dieu a ordonné en son Eglise? n'y a-il sacrifice que vostre Messe? Comme a esté dit, nous offrons à Dieu nos prieres, nos actions de graces & louanges de nostre salut. Ce sont les bouueaux des leures que Dieu demande, & nous offrons tous nous-mesmes à Dieu. Mais le Pasteur offre ce sacrifice de toute l'Eglise à Dieu, comme estans tous de la communion bien-heureuse de nostre Seigneur. Il fait lors office de Sacrificateur, sanctifie le peuple à Dieu, l'arrouse du sang de l'alliance, conferme ceste alliance, & avec le glaue de la parole de Dieu, fait mourir les ames à peché, & les fait viure à iustice, par viues exhortations, reprehensions, consolations: & en redarguant la fausse doctrine. Il prie au nom du peuple, & pour le

peuple, il rend graces, il assure le salut, ouvre le ciel, ferme l'enfer, il nourrit & alimēte l'Eglise de ce pain vif descendu du ciel, pour donner vie au mōde: l'offre (ou Dieu par luy) & le donne vrayement en viande de vie eternelle. Le pain & le vin au Sacrement de la Cene, sont gages & tesmoignages de cela. Mais que fait cela pour la Messe, où vous-vous dites sacrifier Iesus Christ à Dieu tous les iours? Iustin que vous alleguez, dit-il cela? Au contraire, que le meilleur sacrifice, ce sont les prieres & les loüanges à Dieu. Ce qu'il n'eut iamais dit, si en l'Eucharistie on sacrifioit Iesus Christ encores tous les iours à Dieu. D'auantage, lors du concile de Nicee, il n'y auoit point de Messe (où les Prestres fissent tous seuls leur communion) car lors les Pasteurs & les Diacres faisoient leur communion avec toute l'Eglise comme a esté monsté.

Quant au concile d'Ephese qu'il allegue, s'il eut cotté l'article nous luy respondrions. Il ne se trouue pas qu'il y soit parlé de ce passage de Malachie, ny de la Messe. Mais voyla vostre fidelité à quoter les passages: vous ne faites conscience, ny de mensonges, ny d'impostures. Les Grecs comme estoient les Ephesiens, n'ont iamais cognu vostre Messe, ny en Latin, ny en Grec. Car quant à l'explication de Cirille sur l'Anatheme 11. il ne parle non plus de la Messe, que les articles du Concile. La Messe n'estoit pas encore en forme, ny ne l'a iamais esté comme vous l'avez, ny

entre les Grecs, ny entre les Orientaux. Mais Cirille parle là, de ce que nous croyons & faisons en participant à la Cene : à sçauoir, que nous participons au corps & au sang de nostre Seigneur, & que sa chair est viuifiante, par ce qu'il est Dieu & homme en vne personne, & qu'autrement sa chair ne profiteroit de rien. Il appelle la Cene sacrifice, comme faisoient les Anciens, pour les raisons que nous dirons cy apres : & appelle ce sacrifice non sanglant pour les mesmes raisons, & pour exprimer par là, que celebrer la Cene, est celebrer & faire commemoration de la mort de nostre Seigneur, ou annoncer le benefice de sa mort, & en y participât vraiment, sans que pour cela il le faille encore sacrifier. Et quant à ce que dit Cirille sur le mesme onzième Anatheme contre Theodoret, touchant la manducation de la chair de nostre Seigneur, il dit que ceste manducatiō se fait par la seule foy, & reprouue toute crasse ou grossiere cogitatiō : & partant il reprouue vostre manducation charnelle. On la peut ainsi nommer, veu que vous voulez mâger la chair de nostre Seigneur, de la bouche & des dents. Cela n'est-ce pas vne crasse, grossiere & absurde? voire tref-deshoneste, mesmes desnaturee cogitation? Cirille dit, que songer vne crasse, & grossiere cogitation en ce mystere, & participation au fils de Dieu, c'est renuerser la foy des croyans. Item, que la chair de nostre Seigneur nous est vie, parce qu'il est vray Dieu & vray homme en

vne personne, & non pour manger sa chair humaine, moins, dit-il, que ceste manducation se doye faire avec la bouche & les dets. Quelqu'un voudra repliquer, que Cirille veut dire, que la chair de nostre Seigneur prise, separee de la Deité, ne peut viuifier, ou ne sert de rien. Cela est vray, & c'est ce que nostre Seigneur a dit, disant: La chair ne profite de rien, & aussi on ne la peut prendre separee de la Deité. Mais ie vous demande, si avec la bouche & les dents vous voulez manger la Deité & l'humanité pour estre Theophages & Antropophages, ou Theoantrophages, c'est à dire, mangeurs de Dieu hōme, en vn morceau de pain, & avec, ou de la bouche & des dents?

Nous ne contredisons pas donc aux siecles anciens, ny à tant de tesmoins: mais vous leur imposez; car ils n'ont iamais parlé de Messe. Ils ont parlé de sacrifice (direz-vous) Ie responds, qu'ils se sont exposez eux-mesmes, & mesmement Iustin, qui tient (comme a esté dit) les prieres, & les loüanges à Dieu qui se font à la Cene, pour le meilleur & plus excellent sacrifice. Mais tenez-vous la Messe pour vn sacrifice? Le sacrifice n'est deu qu'à Dieu, & vous faites le sacrifice de la Messe au nom des Saincts, est-ce sacrifier à vn seul Dieu?

*Nous sommes iniques*, dit de Sponde, Pourquoy? *pource que nous ne voulons pas recevoir ce mot de sacrifice pour la Messe, à cause que l'Escripture ne l'appelle pas ainsi.* Quoy? sommes-nous iniques, pour ne parler que selon l'Escripture

saincte, & pour nous regler à icelle? Ils veulent que par ce mot de sacrifice nous entendions la Messe, mais le mot de sacrifice est frequent en l'Ecriture saincte, & en pas vn seul endroit n'est pour la Messe, ny ne peut: veu que la Messe a esté faite depuis que les Apostres ont escrit. Le mot de sacrifice y est souuent, pour les sacrifices de Moysse. Or ces sacrifices n'estoyét pas la Messe, ny la Messe cela: comment veut-il que nous prenions les sacrifices pour la Messe, veu que lors la Messe n'estoit nee, ny n'en estoit question? Le nouveau Testament ne cognoist point vostre Messe non plus. *Mais, dit-il, ce mot de Sacrement ny est pas pour l'Eucharistie, & toutesfois vous le prenez biẽ.* Si le nom de Sacrement n'y est pour l'Eucharistie, la chose y est: la raison veut, que nous nommions l'Eucharistie de ce mot Sacrement, ou mystere, puis qu'il y a chose sacree, spirituelle, saincte & celeste, là representee: Et le mot de mystere, que les anciens Docteurs ont tourné pour Sacrement, s'y trouue, voire à propos de nostre communion avec Iesus Christ nostre Seigneur. Si nous ne nommons cela Sacrement, cõment le nõmerons-nous? Mais de vostre Messe, c'est vn nom barbare, & la chose que vous y faites encores plus, & toute contre Dieu & sa parole. Nous disons donc, que la Messe n'est pas appelée sacrifice en l'Ecriture saincte, & qu'il n'y est parlé de sacrifice de Messe, & que le sacrifice de la Messe où vous-vous dites sacrifier Iesus Christ,

Ephc. 5. 32

pour la remission des pechez, soit des viuants ou des morts, est chose reprouuee par l'Escripture sainte, & toute contraire au merite de la mort & passion de nostre Seigneur. Nous auons respondu à Iustin.

Quant à saint Hierosime, il ne dit rien contre nous en ce passage de Malachie: au cōtraire il est pour nous, & nous le suyons en ceci. En tout & par tout il ne parle ny de Messe, ny d'Eucharistie, ny de pain, ny de vin: & le mot qui est oblation pure, il le préd pour les prieres des saints en l'Eglise.

De Sponde allegue S. Augustin chap. 35. du liure dixhuiëtisme de la Cité de Dieu. Là S. Augustin dispute contre les Iuifs, & montre qu'ils n'ont que differer de receuoir Iesus Christ pour le Messias, veu que par la Prestreise de Iesus Christ selon l'ordre de Melchisedec, est offert à Dieu en tout lieu, depuis le soleil leuant iusques au soleil couchât, & que la sacrificature a cessé, estât accompli ce que dit Malachie. Nous-nous accordons à S. Augustin en cela: à sçauoir, que nostre Seigneur est nostre souuerain Sacrificateur, & qu'il offre les prieres de nous tous, tousiours & à iamais à Dieu son Pere, les luy rend agreables comme sacrifices de bonne odeur. En somme l'Escripture sainte ne dit pas, qu'autre que nostre Seigneur soit nostre souuerain Sacrificateur enuers Dieu, & que nous ayons entree à Dieu par autre que par luy, ny par sacrifice autre que sa mort: comme luy seul in-

tercede pour nous. Car il est dit de luy seul, qu'il est assis à la dextre de Dieu intercedant pour nous. Il exerce seul ceste sacrificature au ciel, sans y auoir de compagnon (comme seul est assis à la dextre de Dieu, & sans aucun cōpagnon en terre. Car comme seul il nous a reconciliez à Dieu, sans l'aide d'aucun prestre, aussi seul maintenant il nous y recōcilie: son sacrifice tousiours frais & vivant, pour nous faire trouuer grace deuāt Dieu. S. Augustin ne parle point de la Messe, mais de ce sacrifice de loüange que nous offrons tous à Dieu: à Dieu di-ie, qui nous a tous faits Rois & Sacrificateurs. Quant au 19. liure chap. 23. il n'est non plus parlé de la Messe: mais du sacrifice offert à Dieu pour tout le monde, qui n'est pas la Messe, mais prieres & aétions de graces. En vn mot nous disons, qu'entre tant d'autoritez & d'auteurs qu'il a allégué, il ne prouuera iamais ny ne monstrera, que la Messe soit vn sacrifice agreable à Dieu, ny ordonné de Dieu pour la remission des pechez, ny que le pain soit transsubstantié au corps, & le vin au sang de nostre Seigneur, ny qu'il faille adorer le pain & le vin, ou que le corps de nostre Seigneur (qu'ils se disent faire de ce pain & de ce vin) soit dedans ce pain & ce vin. Toutesfois de Sponde se fait fort de le prouuer par des Rabins, & dit, *qu'ils ont parlé de ceste Transsubstantiation miraculeuse, qui se fait du pain & du vin en ce sacrifice du Messias.* Nous luy respondons, que pas vn de tous ceux qu'il



nomme, n'a rien dit de tout cela : ny ne l'ont  
 appelee sacrifice du Messias : moins ont-ils  
 parlé de transmutation de pain & de vin, en  
 la chair & au sang du Messias. Bien a dit vn de  
 ceux qu'il nomme, à sçauoir Rabi Kimki,  
 qu'au temps du Messias, le froment change-  
 roit de nature, mais il ne dit pas cela du pain:  
 & quant & quant il s'explique, à sçauoir, que  
 l'ayant vne fois semé, il ne le faudroit plus  
 resemer, comme on fait tous les ans : car il  
 viendra (dit-il) de soy-mesme. Et sur cela alle-  
 gue les autres que de Sponde nomme, &  
 d'où ne se trouue rien, que ce qu'en dit Kim-  
 ki, qui n'approuue pas cela. Mais n'a-il pas  
 bien rencontré, d'auoir trouué que les Ra-  
 bins sont les prophetes de la Messe? Il a mis le  
 nez si auant dedans les Rabin, où il n'a ia-  
 mais rien entendu (ainsi que m'a dit son mai-  
 streen Hebrieu) qu'il y a trouué ce qu'encore  
 nul n'y a veu. Quoy? la Messe est le sacrifice  
 du Messie? pense-il que pour la parer de ce  
 nom de Messie, il nous la face sortir de là?  
 comme si nous ne sçauions pas que ce mot  
 (Messe) est vn mot barbare, tiré du mot Latin  
 participe *Missa*. Dauantage, est-ce à la Messe  
 q̄ le Messias est sacrifié? Il l'a esté en la croix,  
 luy-mesme s'est offert, & vne fois pour toutes  
 de ceste fois nous auõs salut, sans qu'il y fail-  
 le retourner. Au reste, nostre Seigneur n'a  
 pas ordonné la Messe (qu'il appelle le sacrifice  
 du Messias.) Nous monstons, & vostre Plati-  
 ne le dit, que ce sont les Euesques de Rome  
 qui



qui l'ont ordonnee, & par les fois, & chacun sa piece, & non tout à vn coup (comme a esté dit) & Volateran, Polidore Virgile, & d'autres, le testifient de mesme.

De Sponde se voyât pressé par l'Epist. aux Page 48.  
 Hebrieux, s'est aduisé d'une nouuelle responce. Cest que les Anciens ont leu & veu ceste Epistre plustost que nous, & l'ont mieux entendue que nous : qu'il n'est pas possible qu'ils ne se fussent aduisez de nos obiections, en vn si grand & si apparent mystere, tant & tant debatue, & defendue. Et quoy ? estoit-il debatue & defendue dè leur temps ? Vostre Messe n'estoit pas encore : c'est en ce temps, qu'il est debattu entre vous & nous. Le mystere du sacrifice de la mort de nostre Seigneur, & le benefice d'icelle, a bien esté debatue entre les Apostres & les Pharisiens, & prestres de la Loy, & entre les anciens Docteurs & les Payens. Les anciens Docteurs n'ont rien dit contre nous, mais l'Apostre parle cõtre vous. Car il dit, Qu'il n'y a plus de sacrifice pour la remission de nos pechez, & que le sacrifice de la mort de nostre Seigneur vne fois fait, est parfait, & qu'il n'a de besoin d'estre derechef sacrifié ou reiteré. Et vous, miserables, vous dites qu'il a institué l'Eucharistie, que vous appelez vostre Messe, pour sacrifice expiatoire, à fin d'auoir (par iceluy sacrifice de Messe) la remission des pechez. L'Apostre est dõc contre vous, quãd il dit, que nostre Seigneur Hcb. 9. 28.  
& 10. 10.  
12. 14. 18.  
Hcb. 10. 14.  
 par vne seule oblation a cõsacré à perpetuité

ceux qui sont sanctifiez. Les Docteurs anciens, direz-vous, ont parlé d'un sacrifice de pain & de vin. Cela est vray: mais ils ont ainsi appelé le Sacrement de la Cene, où le pain & le vin sont les signes visibles du Sacrement, figure du sacrifice de la mort de nostre Seigneur, & où elle est annoncée, & la vertu de ce sacrifice est représentée par la distribution du pain & du vin. C'est ce qui a fait que les Anciens ont appelé ce Sacrement, Sacrifice de pain & de vin. Non pas pour dire qu'on y sacrifie ou pain ou vin, ou Iesus Christ fait de pain & de vin, mais parce que participant au pain & au vin, chacun sacrifie à Dieu prières, louanges & actions de graces pour son salut, & chacun s'offre soy-mesme à Dieu en sacrifice, qui est nostre raisonnable service. Et le Pasteur au nom de tous, fait & offre ce sacrifice à Dieu par la predication de l'Evangile: & par l'oraison qu'il fait au nom de toute l'Eglise. Vous direz encore, que les anciens Docteurs ont appelé la Cene, le sacrifice du corps & du sang du Seigneur. Je vous réuoye encore à Iustin qui dit, que le meilleur & le plus parfait sacrifice qui se face en l'Eucharistie, sont prières & actions de graces. A vostre aduis, y sacrifie-on donc le corps de nostre Seigneur Iesus Christ? Ne seroit-il pas un meilleur sacrifice, que nos prières, comme a esté dit? Pourquoi donc, dira quelqu'un, ont-ils appelé la Cene, sacrifice du corps & du sang de nostre Seigneur? Je respons, qu'ils

ont confondu ces mots, Sacrifice, & Sacrement: parce qu'en la Cene il y a & l'un & l'autre sacrifice, comme a esté dit, de prieres & de louanges: & sacrement ou signe sacré & gage de nostre salut, en la vertu du sacrifice de la mort de nostre Seigneur, figuré & représenté à la Cene. Car à la Cene, nous célébrons la memoire de la mort de nostre Seigneur, non en vain & sans fruct. Car le fruct de ce sacrifice de la mort de nostre Seigneur nous y est donné, cōme si nous l'auions soufferte en nos propres personnes, & avec la mesme vertu qu'auoit le propre iour que nostre Seigneur mourut. C'est pourquoy il veut qu'à la Cene nous annoncions la mort, iusques à ce qu'il vienne. Mais que fait cela pour la Messe? car la Messe n'est pas la Cene, ny n'est l'Eucharistie, ny en façon ou forme, ny en fin. Car la Cene est pour rendre graces à Dieu de nostre salut, lequel nous auons par la mort resurrection & vie glorieuse de nostre Seigneur; & pour nous en assurer: & la Messe est pour le meriter en la disant, la faisant dire, & l'oyant dire, ou la voyant faire: Car il y a autant à faire qu'à dire en la Messe.

Il dit, *Qu'il ne croira iamais, que nos raisons soyent meilleures que celles des Docteurs anciens, si nous ne le faisons paroître par quelque particuliere reuelation de Dieu.* Il responz, que nos raisons ne sont pas cōtraires à celles des anciens Docteurs, & qu'ils sont pour nous. *Il veut que nous facions miracles.* Contre (dit-il) vne si ma-

nifeste & generale doctrine de l'Eglise? Nous ne tenons rien contre la doctrine de salut, qui est la parole de Dieu. La Messe n'est pas de la doctrine de l'Eglise: si l'Eglise Romaine la reçoit, c'est contre la parole de Dieu, qui est la vraie doctrine de l'Eglise. Quel homme est-ce cy? n'y a-il point moyen de iuger de la doctrine, que par reuelation extraordinaire, ou par miracle? Que seruira donc la parole de Dieu? c'est la pierre de touche, l'espreuve des esprits, de nos raisons, de nos escrits, & des anciens Docteurs. C'est icelle qui iugera. Ils ont Moysse & les Prophetes, disoit nostre Seigneur, qu'ils les oyent. Outre cela, nostre Seigneur a parlé & enseigné toutes choses. Nous auons le nouueau Testament, & en cela tout le conseil de Dieu, Act. 20. C'est par là qu'il faut iuger de nostre doctrine, & de celle des Anciens. Qu'il voye si nostre doctrine est selon la parole de Dieu: mais il le voit assez, & pource n'en veut pas subir le iugement: il l'a à suspect. Il veut que nous faciōs miracles, non pas pour prouuer que nostre doctrine conuient à la parole de Dieu. Ne le voit-il pas? Mais pour faire preuue qu'elle est bōne & selon Dieu; faut-il autre preuue, apres que Dieu a parlé? Cest homme ne parle-il pas, comme s'il n'y auoit point d'Escriture sainte? Nostre doctrine estant selon l'Escriture sainte (comme ils le confessent tacitement, quand ils ne veulent pas estre iugez par icelle) n'a que faire de preuue. Leur doctrine en au-

roit bien besoin, car elle est nouuelle, n'estant de l'Escripture sainte. Toutesfois quand ils feroient miracles pour prouuer leur doctrine, mesmes que ce seroit vn Ange qui l'annonceroit, & feroit les miracles, si ne le croirions-nous pas, puis qu'elle est contre la parole de Dieu. Au reste, il n'y a point de subtilitez en nos disputes, que ce qui est en la doctrine des Prophetes & des Apostres, & es articles de la foy Chrestienne. Que voulez-vous que nous croyõs que ce qui n'y est pas: à sçauoir, le salut par la Messe, adorer l'hostie comme Dieu, croire le Purgatoire, & que les Saints sont empressez au ciel à regarder en terre dans les temples, pour voir qui leur porte des chandelles, baise leurs images, les adore, leur fait des offrandes, à fin de postuler pour eux au ciel? Cela, & le reste de vostre Papauté que nous reprouuons, se trouue-il en l'Escripture sainte, & au Symbole des Apostres? Nous condânonns cela, selon la parole de Dieu, & les anciens Docteurs. Iceux auec le S. Esprit, sont en ces choses cõtre vous. Et si n'estiez si obstinez, ils nous auroient releué de ceste peine: mais vous ne croyez ny Dieu, ny eux, ny nous. Au lieu de nous escouter, vous hochez la teste de tout ce que nous disons: voire vous-vous ruez contre nous. Qui est-ce dõc qui renuerse l'Eglise, ou vous qui reiettez la parole de Dieu, ou nous, qui ne voulons croire que ce qui est porté par icelle? L'Eglise est-elle colonne & appuy de

verité en tout & par tout, si elle ne suit la parole de Dieu en tout & par tout aussi ?

De Sponde s'escrie sur cela, *que nous sommes tous perdus, du moins tombez en de grandes fondrières, depuis qu'on nous a desrobbe ce mont d'Eglise.* Mais qui nous a ainsi surprins endormis ? Quoy ? auoir l'œil tousiours ouuert aux commandemens de Dieu, l'oreille à sa bouche, le pied posé en ses sentiers, aimer mieux mourir que n'on pas s'en departir, est-ce s'endormir ? L'Eglise est le mont du Seigneur, la Ierusalem en laquelle il faut monter, & se tenir pour estre sauuez : mais nous y sommes nais, baptizez, nourris, & y viuons, ou bien Dieu n'a pas d'Eglise. Car s'il en a, c'est celle qui oit sa parole, la garde, la suit & n'a qu'un seul Dieu, l'inuoque seul, & ne pretend salut en aucune chose qu'en son Christ, l'Agneau de Dieu qui oste les pechez du monde. C'est nostre croyance : c'est pour cela que nous rejettons la doctrine de la Papauté, & que vous nous faites mourir. Cela ne nous testifie-il pas suffisamment, que nous sommes Eglise de Dieu ?

De Sponde dit apres, *que nous auons des heresies, qui nous ont embarrassé l'esprit, comme à luy & à S. Augustin quand il estoit Manicheen, & qu'il s'estoit laissé emporter à la nouveauté, comme luy reprochoit S. Ambroise.* Il veut dire, que nous-nous sommes laissé precipiter dans ces heresies, sans y penser. Mais quelles ? Premièrement (dit-il) l'erreur des Pelagiens. En quoy ?

*Que nous tenons* (dit-il) *que les enfans sont sauuez sans le Baptisme.* Mais nous ne nions pas le peché originel, cōme les Pelagiēs. Nous prions Dieu de le leur pardonner (ce que ne faisoyēt pas les Pelagiens) ainsi qu'il appert en la priere qui est au formulaire du Baptisme. Nous confessons, que nous naissons tous en poureté & misere, que nos enfans sont coupables du peché originel, comme toute la lignee d'Adam : qu'ils ne sont sauuez que par grace non plus que nous tous, ce qu'ont nié les Pelagiens. Il repliquera, *que nous disons qu'ils sont sauuez sans le Baptisme.* Cela est faux. Comment dirions-nous cela, veu que les baptizant, nous prions que le Baptisme produise sa vertu & son fruit en eux, comme nous est promis & déclaré par l'Euangile ? Il dira encore, *que nous tenons que le Baptisme n'est pas necessaire à salut.* Nous respondons, que Dieu l'y a ordonné, & qu'il y est necessaire : non comme cause de salut, mais comme tesmoignage, seau, Sacrement & gage d'iceluy, pour fortifier la foy contre toutes tentations de Satan, & contre les doutes que le fidelle peut auoir de son salut.

Il dira, que nous croyons que nos enfans qui meurent sans baptisme sont sauuez, aussi bien que s'ils auoyent esté baptizez. Cela est vray : Nous disons dōc, dira-il, que les enfans sont sauuez sans le baptisme. Mais que disent leurs meilleurs & plus purs Docteurs, & mesmes les Scholastiques, des enfans morts.



nais, ou qui meurent auant que pouuoir estre baptizez, sinon qu'ils sont sauuez en la foy de leurs parens? Comme en l'ancien Testament, ceux qui mouroyent auant le huiſtieme iour, & auant qu'estre circoncis, & comme les filles qui n'estoyent pas circonscises. La circonfion leur estoit comme nous est le Baptisme. Combien en mourut-il en Egypte sans estre circoncis, & au desert, où ils furent quarante ans? Dieu est nostre Dieu, & le Dieu de nos enfans dès le ventre de la mere. Et en l'Eglise ancienne & primitiue, où on ne baptizoit que deux fois l'an, à ſçauoir à Pasques, & à la Pentecoste (au lieu dequoy maintenant vous renouuellez vos fonts baptismales) combien pouuoit-il mourir d'enfans sans baptisme? Nostre Seigneur a dit, Qui croira & sera baptizé, sera sauué: mais qui ne croira sera condâné. Et n'a pas dit, Qui ne sera baptizé, &c. comme se deuoit dire, si sans le baptisme on ne pouuoit estre sauué. En la primitiue Eglise, plusieurs n'estoyent baptizez que pour morts: c'est à dire, pres de la mort, & sur la fin de leurs iours. Comme Constantin entre les autres, pource que, le baptisme n'est nécessaire à salut, qu'en ce qu'il est gage de salut, & pour fortifier la foy, de la remission des pechez, & en l'esperance de la vie eternelle, par la vertu, merite & satisfaction de la mort & passion de nostre Seigneur. Et toutesfois nous n'approuuons pas ceste façon de faire non plus que vous (sans toutesfois imposer

Marc 16.  
91



necessité de salut au baptesme, ou damnation  
 à faute d'iceluy, pourueu que la faute ne soit  
 par mespris.) Car nous tenons que le baptes-  
 me est gage, signe & sacrement de nostre re-  
 generation ou renouuellemēt spirituel, com-  
 me de la remission de nos pechez : & en cela  
 vne aide pour perseuerer à prier & demander  
 la grace du saint Esprit, & nous en asseurer,  
 à fin de resister à toutes tentatiōs, & persister  
 en ceste bataille spirituelle, iusques à ce que  
 nous obtenions pleine victoire. Et partant  
 nous tenons, que le baptesme doit estre admi-  
 nistré aux enfans pour cela, & pour tesmoi-  
 gnage qu'il sont à Dieu dès le ventre de la  
 mere, engēdrez & nez à Dieu en son Eglise:  
 qu'ils appartiennent à son alliance, & qu'il y  
 a salut pour eux; dequoy au baptesme nous  
 leur donnons la marque & le tesmoignage.  
 Nous ne disons pas de vray, que le baptesme  
 sauue, ou soit cause de salut: au contraire nous  
 disons, que nous sommes à Dieu, en son al-  
 liance, & auons le salut par la grace de Dieu  
 auant le baptesme, & que le baptesme ne  
 nous en est donné que pour marque & gage,  
 comme iadis la Circōcision. Et mesmes, que  
 pource, nous n'administrons le baptesme,  
 que là où nous croyons & esperons le salut:  
 c'est à dire, aux enfans des fideles. Et pour-  
 tant, nous ne receuons pas au baptesme les  
 enfans des Turcs, & autres infideles, que ne  
 voyons leur confession, & lors nous iugeons  
 qu'il y a salut pour eux: veu que Dieu les a ap-

pellez en son alliance, & donné la cognoissance de son Christ, & de leur salut par luy. Ainsi nous receuons au baptisme les Turcs, & autres infideles, apres auoir fait confession de la foy Chrestienne, & renoncé le Mahumetisme : & receuons leurs enfans avec eux auant l'aage de discretion, & en l'aage de discretion ceux qui font la mesme confession, & la mesme abiuration. Car nous croyons & voyons qu'il y a salut pour eux, auant mesme que recevoir le baptisme. Et pour cest effect, nous leur donnons le S. baptisme pour tesmoignage, à fin de les fortifier en la foy & esperance de leur salut, quand ils seront venus en aage. Pourquoy donc ne serōt sauuez les enfans des fideles, encores que preuenus de mort, n'ayent peu estre baptizez, veu qu'on a le salut auant le baptisme? Si l'enfant n'a peu estre baptizé, nostre Seigneur ne le pourra sauuer? Sa mort n'aura vertu sans trois gouttes d'eau? ou elle prendra de l'eau sa vertu? Quelle raison? Où en estes vous? y a-il ignorance comme la vostre? Si l'enfant non baptizé mesprise le baptisme en aage de discretio, c'est vn prophane, vn infidele, vn contempteur de Dieu, il n'y a pas de salut pour luy, s'il ne se repent. Si les parens le mesprisent, & ne presentēt leurs enfans pour estre baptizez, qu'en peuuent-mais les enfans? est-ce leur faute? Dieu s'en prend-il à eux? porteront-ils le peché de leurs parens, & seront damnez par leur faute? Quand Moyse ne circoncisoit

son fils, Dieu ne s'en print pas au fils, mais à Moÿse, lequel Sephora racheta, en circonci-  
 sant son fils elle-mesme : qui cōme est croya-  
 ble, empeschoit & diuertissoit Moÿse de ce  
 faire. C'est comme nous disons, que nos en-  
 fans peuuent estre sauuez, & sont sauuez sans  
 le baptisme. Parlons-nous sans raison ? que  
 voulez-vous que nous disions en tel cas ? En-  
 seignez-nous. Mais vos Docteurs nous ensei-  
 gnēt ce que nous en tenōs. Disons-nous, que  
 les enfans qui meurent sans baptisme, soyent  
 dānez ? qui en a donné la sentēce ? Nostre Sei-  
 gneur a dit, que qui ne sera regeneré d'eau &  
 d'esprit ne verra point le Royaume de Dieu :  
 mais estes-vous si ignorans, que vous ne sça-  
 chiez pas que nostre Seigneur ne parle pas là  
 du baptisme, ains de la regeneration signi-  
 fice par l'eau ? Et que là le mot d'eau n'est que  
 (selon les Prophetes) l'explication de l'ener-  
 gie & efficace du mot d'esprit ? C'est le mesme,  
 que disoit S. Iean Baptiste parlant de nostre  
 Seigneur, disant : Iceluy vous baptisera en feu  
 & en esprit, pour mōstrer qu'il est vray Dieu,  
 qui nous regenere par la vertu de son Esprit :  
 lequel a la vertu de nous repurger de toute  
 ordure & peché, ainsi que le feu & l'eau de la-  
 uer & repurger. Cela n'impose point donc de  
 necessité au baptisme, veu que là il n'en est  
 point parlé. Où trouuez-vous donc, que les  
 enfans qui meurent au ventre de la mere, ou  
 tost apres, ne puissent estre sauuez ? Si vous ne  
 voulez dire cela, que voulez-vous dire ? que

Bern. epist.  
77.

vous faut-il ? mesprisons-nous le Baptême ? C'est nostre premier Sacrement, & qu'en nos familles on reçoit ioyeusement, & tost, & le pluſtoſt qu'on peut. Sainct Bernard dit, que la priuation ou defaut du Baptême, ne damne pas, mais le meſpris. Là ſe rapporte le 39. Canon du concile Elibertin, tenu en Eſpagne l'an 330. & le 6. canon du Concile d'Arles tenu en meſme temps, & le Canon Baptiſm.

Sur quoy vous fondez vous, pour tenir les enfans qui meurent ſans Baptême damnez ? ſur vn liure de S. Auguſtin qui dit cela ? Penſez-vous qu'il ſoit de luy ? vous-vous trompez : mais quoy qu'il en ſoit, on l'en a appellé le bourreau des petits enfans. Et de faiet, quelle raiſon que l'enfant qui n'a peu meſpriſer le Baptême ſoit damné, pour n'auoir peu mettre ſur luy, viuant, deux ou trois gouttes d'eau, comme a eſté dit ? Attachez-vous là le ſalut ? que faites-vous donc de la mort de noſtre Seigneur, & de ce qu'il a fait pour noſtre ſalut ? Mais au moins, entendez-vous ce que vous dites ? Car le Sacrement eſt teſmoignage, & non cauſe de ſalut. Vous nous impoſez, que nous ſuyuons l'erreur des Pelagiens, & c'eſt vous : car que faites-vous de ces enfans qui meurent ſans baptême ? où les logez-vous, qu'où les logeoient les Pelagiens, & encores plus mal. Car les Pelagiens diſoient, qu'ils eſtoient ſauuez, mais hors le regne du Fils de Dieu, Quel ſalut eſt cela ? vous en riez : & les logez aux lymbes, où ne verront iamais

Dieu, ainsi que vous dites. N'est-ce pas hors du regne de nostre Seigneur, & la mesme opinion que celle des Pelagiens, ou pire? Si estes-vous, quoy qu'il en soit, Pelagiens en cela. Ne l'estes-vous pas aussi, en ce que vous dites, comme eux, que l'homme a son franc arbitre, qu'il est sauué sans grace, ou par le merite de ses œuvres? Vous disputerez là dessus tant que vous voudrez, mais en fin, si serez-vous conuaincus d'estre demi Pelagiens. Les Pelagiens ont dit, que la predestination est par les œuvres, & vous aussi, contre ce que dit S. Paul Rom. 9.10. Ils ont tenu l'Eglise estre icy parfaite, & sans peché, vous dites qu'elle ne peut errer. Je laisse que Pelagius disoit, que la concupiscence n'estoit pas peché: & vous dites, que c'est vn exercice contre la chair, sans considerer qu'elle n'est sans peché & infirmité, encore que le fidele en soit victorieux. Mais il y a bien plus, c'est qu'à vray dire, vous n'estes pas Pelagiens seulement: ains, ne craignez-vous point de tóber au Mahumetisme? Je dy, en ce que vous dites que les enfans ne peuuent estre sauuez sans le lauement de l'eau: Car vous attachez là le salut, comme font les Turcs à leurs ablutions, sans faire aucune mention, non plus qu'eux, que la mort de nostre Seigneur puisse sauuer, sans le Baptisme. C'est vostre doctrine, que les Sacremens donnent ou conferent salut, *ex opere operato*: c'est à dire, de l'œuvre ouuree, ou de soy, & du Sacrement receu. En cela

vous ne faites donc estat de la mort de nostre Seigneur, non plus que les Turcs : si ce n'est que vous dites qu'elle donne vertu au baptesme pour sauuer. Et ainsi nostre Seigneur ne sera mort, que pour nous sauuer par l'eau, comme si sans l'eau il estoit sans vertu, & comme si la grace de Dieu estoit attachee au Sacrement, & cōme si sans iceluy nous n'auions pas le salut.

De Sponde nous impose aussi, *que nous sommes Manicheens, pource que nous leur oſtons, dit-il, le liberal arbitre.* Ie reſpons, qu'en nos Eglises nous ne tenons rien des heresies des Manicheens, que nous les auons toutes en horreur. Et quāt à ce que les Docteurs de l'Eglise Romaine appellēt l'arbitre de l'homme liberal : Ils font trop cognoistre leur ignorance, d'appeller l'arbitre de l'homme, liberal, au lieu de l'appeller libre. En quoy trouuent-ils que l'homme ait son arbitre liberal, si ce n'est à mal? Et faut-il appeller cela liberalité? Car quant au bien, on voit assez que l'arbitre de l'homme n'y est que trop eschars, & mesmes de soy totalement inutile, voire y est mort: *Rom. 6. 11. Apoc. 20. 5.* pourtant la regeneration, est appellee la premiere resurrection.

Nous appellons bien l'arbitre de l'homme libre: car il n'est ny forcé ne contraint, soit au mal soit au bien, quand il le fait. Car s'il fait mal, c'est de sa volonté: s'il s'applique au bien & le fait, c'est aussi parce qu'il le veut, & sans y estre forcé. Mais s'il fait le bien, cela ne pro-

cede pas de luy, ains de l'esprit de Dieu qui le regenere, esclaire son arbitre, aduis & volonté, & l'encline au bien, & le luy fait faire. Lors sa volonté y est, sa pensee, & son entendement aussi, & fait le bien son arbitre non forcé ny contraint, mais libre; estant bien persuadé par l'Esprit de Dieu.

Et ainsi nous ne nions pas que l'homme n'apporte son libre arbitre, soit à faire le mal, soit à faire le bien. Mais nous disons, que l'arbitre de l'homme, quant il est question de bien faire, ne peut estre libre, que nous appellons franc, s'il n'est regeneré par le S. Esprit. Et si nostre Seigneur ne l'affranchit, luy qui baptise en feu & en Esprit: Et pourtant nostre Seigneur dit, En verité, en verité ie te dy, sinon que quelqu'un soit né d'eau & d'esprit, il ne peut entrer au Royaume de Dieu. Là les effects du saint Esprit sont comparez & representez par vne maniere de parler metaphorique au feu & à l'eau, selon les Prophetes: pour représenter le lauement de nos ames, & la purgation de nos pechez, & de nostre corruption naturelle.

Nous disons donc, que l'homme n'a point son franc arbitre, ou (pour mieux nous exprimer) que l'arbitre de l'homme n'est point franc: ains vitié & corrompu, non de sa creation (cōme disoyent les Manicheens) ains de sa corruption, suruenue en la nature humaine par le peché. Mais il nous faut icy distinguer sur l'arbitre de l'homme, à sçauoir, son

Iean 8.

Mat. 3. 10.

Iean 1. 33.

Iean 3. 5



arbitre auant le peché, d'auec son arbitre d'apres le peché, & en l'estat de peché: & cest arbitre-là d'auec l'arbitre de l'homme regeneré. Le premier estoit franc & libre, le second est corrompu & vitié, & enclin au mal: le troisiéme regeneré, est libre au bien, non des forces naturelles de l'homme, mais de la grace celeste & supernaturelle du S. Esprit.

Dieu crea le premier hōme libre, pur, net, sainct, innocent, & à son image: Son arbitre donc lors estant libre au bien, franc, entier, & non vitié ny corrompu, l'homme pouuoit faire le bien s'il eut voulu. Mais il a mal vsé de sa liberté, parce qu'il luy a ainsi pleu, & non qu'il y ait esté forcé: il estoit libre, & pouuoit faire & vouloir ou bien ou mal. Il a mis son libre arbitre au mal, & contre l'expresse defence de Dieu. Il s'est bandé contre Dieu, a voulu embler sa gloire, a presumé de ce faire plus grand que Dieu ne vouloit. Il s'est reuolté, & par sa reuolte s'est ietté en la mort, au peché, & en l'enfer: & est tōbé par son orgueil de la vie en la mort, de l'integrité en la corruption, de la saincteté au peché, de la sagesse en la vanité: & ainsi a perdu son libre arbitre, pour en auoir mal vsé, dit sainct Augustin, & ne la plus si ce n'est à mal faire. Nous n'auons pas donc nostre libre arbitre à bien faire: Car Adam nous a engendrez à son image, & tels que luy. L'image de Dieu est effacee en nous, comme en luy. Pourtant l'Apostre dit, que nous sommes tous morts en Adam. C'est



C'est de nature, & cōme nous naissons, & non de nostre premiere creation: pourtant l'Apostre dit, Que nous sommes tous de nature enfans d'ire, car il dit que les Iuifs (qui estoient la gent sainte, & où estoit l'esprit de regeneration) estoient enfans dire comme les autres: Ce qu'il prouue par le Psea. 14. au 3. cha. de l'Epistre aux Romains. Ephes. 2. 3.

Nous disōns donc, que maintenant l'arbitre de l'homme n'est ny franc ny libre de soy-mesme; à penser, vouloir, & faire le bien: mais qu'il est serf de peché, si nostre Seigneur ne le libere & ne l'affranchit. I'ay dit sur l'estat des fils des hommes (dit Salomon) que Dieu les en esclaireiroit, & qu'ils verroyent qu'ils ne sont que des bestes. L'homme s'est abruti, & s'abestit. L'homme non regeneré est appelé brutal & fol. La sagesse de Dieu luy est folie: le mystere de nostre redemption folie aux Gentils, & scandale aux Iuifs. Nous ne sommes pas suffisans, dit l'Apostre, de pēser quelque chose de nous comme de nous mesmes, mais nostre suffisance est de Dieu. La cogitation du cœur de l'homme mauuaise dès sa jeunesse, n'est que mal en tout temps. L'affectiō de la chair (c'est à sçauoir de l'homme nō regeneré) est mort, pource que l'affection de la chair est inimitié contre Dieu: car elle ne se rend point subiete à la Loy de Dieu; Et de vray, elle ne peut. C'est ce que peut l'homme non regeneré de sa nature à faire le bien. Celuy qui n'est né derechef, dit nostre Sei- Rom. 3. 10

Rom. 3. 10

1. Cor. 3. 5.

Philip. 2.

13.

Rom. 7. 14.

19. 21.

Ican 8. 3. 36

Eccle. 3. 18

Psa. 49. 13.

21.

Psa. 92. 7.

1. Cor. 1.

18. 23.

2. Cor. 3. 5.

Genes. 6. 5.

Genes. 8. 21

Ican 3. 3.

Philip. 3.

gneur, ne peut voir le Royaume de Dieu. Dieu donne le vuloir & le parfaire. Nous demandons à Dieu, que nous faciõs sa volonté en terre, comme font les Anges au ciel. Si Dieu ne le donne, nous ne le pouuons, ny ne le voulons, ainsi qu'appert par ces mots: Ierusalem, Ierusalem, combien de fois t'ay-ie voulu appeller, comme la poule appelle ses petits, & tu ne l'as pas voulu? Nous disons donc, que l'homme a perdu toute la faculté qu'il auoit à bien faire, en sa premiere nature & de sa creation: qu'il a perdu ce franc ou libre arbitre à bien faire, par le peché surueni en la nature humaine, & que de là il est enclin à mal, & inutile à bien, & ny peut rien de soy, non plus qu'un mort à se resusciter soy-mesme: veu qu'en cela maintenant l'Apostre dit, que nous sommes tous morts en Adam. C'est tout ce que maintenant nous pouuons en tout nostre libre arbitre, si nous ne sommes regenez de Dieu. Il faut que l'Esprit de Dieu vienne en nous, & pour nous donner de faire le bien, & y incliner nostre volonté, ou autrement nous ne pouuons. Et encore Dieu nous regenerera, & la chair contredira, ou l'affection charnelle, & combattra contre l'affection de l'esprit, & y resistera. Car la regeneration n'est pas l'œuvre d'un iour: mais il y a pour trauailler & combattre toute nostre vie, & autant que la cõcupiscence viura en nous, iusques à tant que la mort ait donné le dernier coup contre le peché.

Rom. 7.

Gal. 5.

Dauantage, nostre entendement est plein de tenebres, si que l'homme ne verra pas le bien qu'il luy faut faire: comment le fera-il? Encore l'homme verra ce qui sera le meilleur, & si fera le contraire, & laissera le meilleur pour faire & suiure le pire: & l'homme fera cela non forcé ny contrainct, ains d'autant qu'il le veut ainsi. L'homme regeneré mesmes fera cela; comme saint Paul dit de soy, apres auoir receu le S. Esprit. Je ne fay point le bien Rom. 7. 19. que ie vueil, ains ie fay le mal que ie ne vueil point. Il est yray que l'Apostre dit: Je peux tout en celuy qui me fortifie: Mais ce pouuoir estoit en ce qu'il estoit fortifié & regeneré par l'Esprit de Dieu. Conclusion, il y a tousiours en nous dequoy demander à Dieu pardon, & de nous escrire, comme l'Apostre ce vaisseau d'election. Las! miserable que Rom. 7. 24. ie suis! qui me deliurera du corps de ceste mort? C'est donc à nous de rendre graces à Dieu par nostre Seigneur, qui nous a affranchis, & par qui nous sommes reconciliez à Dieu, & obtenons pardon. C'est ce que nous croyons touchant le franc ou libre arbitre, que vous appelez liberal arbitre.

Je vien maintenāt à la dispute de Sponde. Il dit que nous sommes Manicheens, parce que nous leur osons leur liberal arbitre. Je respons, que de vray nous leur osons leur liberal arbitre, & nous moquons de leur ignorance. Car nous montrons que l'homme n'est point liberal au biē, & que son arbitre de soy

n'y est ny liberal, ny franc, ny libre: au moins ainsi qu'ils l'entendent, comme a esté dit. Mais nous nions que pour cela nous soyons Manicheens: si ainsi estoit, les Prophetes & les Apostres seroyent Manicheens. Nostre dire est conforme à la parole de Dieu, & tout cōtraire à celuy des Manicheës. Si on réplique, que les Manicheens disoyent, que nous n'auons point nostre franc ou libre arbitre, & que nous disons cela mesme. Je respons, qu'encore pourtant ne sommes-nous pas Manicheens: car les Manicheens tenoyent, que Dieu auoit créé l'homme tel qu'il est, corrompu & vitié comme il est, & que l'homme a la volonté de mal faire de sa creation, qu'ils appelloient nature, & non de sa corruption. Dites, miserables, disons-nous cela? & n'auons nous pas cela en horreur? mais ne le sçauiez-vous pas? Dieu crea l'hōme bon, il s'est corrompu, & de ceste corruption il est enclin à mal, & inutile à bien, & non de sa creation, comme les Manicheens disoyent: que de là il auoit la volonté de mal faire, & qu'il auoit esté créé avec ceste qualité, & partant qu'il ne pouuoit faire que mal. Dieu apres auoir créé l'homme, veid tout ce qu'il auoit fait, & voila tout estoit bon au iugement mesme de Dieu, qui ne se peut tromper: & puis que telle est nostre doctrine, n'est-ce pas malice à de Spōde, de nous imposer l'heresie des Manicheës? Que pense-il? que si l'homme n'a son franc arbitre, que Dieu l'a créé tel, & qu'il ne s'est

Genes. 2.

pas corrompu depuis sa creation? S'il pensoit cela, ce seroit bien tōber en l'heresie detestable des Manichees. Or si conste-il que l'homme est corrompu: cela ne se peut nier. Confessez donc, que l'homme a perdu son libre & frāc arbitre, ou qu'il ne l'auoit pas en sa creation, & que Dieu ne l'a pas creé bon: ains qu'il asseruit en le creant sa volonté à mal faire, & soyez Manicheens vous-mesmes plustost que nous. Car le peché habite en nous, Rom. 7. 14.  
17. 18. 19.  
20. 21. 22.  
23. 24. 25. mesmes es regenez, & sommes vendus sous peché de nature, c'est à dire, serfs de peché. L'homme n'a pas donc son franc ou libre arbitre, que vous appelez liberal. Cōfessez donc comme nous qu'il l'a perdu: ou dites comme les Manicheens, qu'il ne l'auoit pas quand Dieu le crea, & que Dieu l'a creé corrompu comme il est, ce que nous auons montré faux.

De Sponde nous trouue encore *Manicheens*, en ce (dit-il) que nous enseignons en termes expres, que Dieu est auther de tous les pechez qui se font au monde. De Sponde sçait assez pourtant, que ce n'est pas nostre opinion, & que nous abhorrōs cela: mais c'est tout vn. *Glosez*, (dit-il) tant que vous voudrez, il n'y a rien de si clair dans Calvin, toutes fois & quātes qu'il traicte de ceste matiere. Je respons, que nostre confession de foy nous iustifie de cela: & Calvin en est assez iustifié par ses escrits, où il traicte de la prouidēce de Dieu. C'est icy l'article de nostre confession de foy: *Nous croyons que non*

seulement Dieu a créé toutes choses : mais qu'il les gouverne & conduit, disposant & ordonnant selon sa volonté de tout ce qui aduient au monde: non pas qu'il soit auteur du mal, ou que la coulpe luy en puisse estre imputee, veu que sa volôté est la regle souveraine & infallible de toute droicture & equité : mais il a des moyens admirables de se seruir tellement des Diables & des meschans, qu'il sçait conuertir en bien, le mal qu'ils font, & duquel ils sont coupables. Et ainsi confessans que rien ne se fait sans la prouidence de Dieu, nous adorons en humilité les secrets qui nous sont cachez, sans nous enquerir par dessus nostre mesure. Mais plustost appliquons à nostre usage, ce qui nous est monsté en l'Escripture sainte, pour estre en repos & seurte, d'autât que Dieu (qui a toutes choses subiettes à soy) veille sur nous d'un soin paternel, tellement qu'il ne tombera point un cheueu de nostre teste sans son vouloir: & cependant tient les Diables, & tous nos ennemis bridez, en sorte qu'ils ne nous peuent faire aucune nuissance sans son congé. C'est ce que nous croyons de la prouidence de Dieu, quât au mal, & aux pechez qui se comment au monde. Qu'en dirons-nous que cela? Qu'on nous enseigne mieux. Nous parlons selon l'Escripture sainte, selon les anciens Docteurs, selon la raison, & la nature de Dieu, qui est d'auoir l'œil à tout, conduire tout, que ne se face rien cōtre sa volôté: & que cependant il soit tousiours le saint, saint, saint, le Dieu des armées, sans qu'il y ait en luy aucune ordure de peché. Car il est le

Esa 6.3.

Pl. 91.16.

Dieu qui ne veut l'iniquité, à sçauoir, entant qu'iniquité. Au contraire il l'a punit, & vn peché par vn autre peché. Mais de Sponde nous met Calvin en barbe, & dit, qu'il n'y a rien si clair dans les liures de Calvin que cecy, que Dieu est autheur de tous les pechez qui se font au monde. Il deuroit dir cou Calvin dit cela. Il cote le premier liure de son Institution, sans coter ny chapitre ny section. Mais voicy ce que Calvin dit sur ceste matiere de la prouidence de Dieu, en ce liure-là chap. 18. section 1. Il parle ainsi.

*Il sort bien plus difficile question des autres passages, où il est dit que Dieu ploye, tourne, ou tire à son plaisir les reprouuez. Car le sens charnel ne comprend pas comment il se puisse faire, qu'en besognant par eux, il ne tire quelque souillure de leurs vices: mesme qu'en une œuvre commune il soit hors de toute coulpe, & cependant punisse iustement ses ministres. Et voyla surquoy s'est forgee la distinction entre faire & permettre: Pource que ce nœud a semblé estre indissoluble, de dire que Satan & tous les iniques, soyent tellement en la main de Dieu, qu'il adresse leur malice à telle fin que bon luy semble, & use de leurs crimes & malesices pour executer ses iugements. Or possible que la modestie de ceux lesquels l'apparence d'absurdité qu'ils trouuent en cecy estonne, seroit à excuser, si ce n'estoit qu'ils attendent de maintenir la iustice de Dieu par fausses excuses & couleurs de mensonges. Ils iugent que c'est une chose de raisonnable, qu'un homme par le vouloir & decret de Dieu soit*



1. Rois 22. 21. *auenglé, pour estre tantost apres puni de son auenglement. Pourtant ils prennent ceste eschappatoire, que ce n'est point du vouloir de Dieu, mais de sa permission seule que cela se fait. Or Dieu pronon-*  
 Rom. 9. 18. *çant & haut clair que c'est luy, reiette vn tel sub-*  
 Exod. 7. 18. *terfuge. Que les hommes ne fassent rien que par le con-*  
 2. Sam. 12. *gé secret de Dieu, & quoy qu'ils remuent mesnage*  
 11. 12. & *en consultant, qu'ils ne puissent outrepasser ce qu'il*  
 16. 22. *a déterminé en soy: il se prouue par tesmoignages clairs & infinis. Ce que nous auons cy dessus alle-*  
 Ps. 115. 3. *gué du Pseaume 115. Que Dieu fait tout ce qu'il*  
*vent, s'estend sans doute à toutes actions humaines. Si Dieu comme il est là escrit, est celuy qui dispose la paix & les guerres, voire sans aucune exceptio: qui est-ce qui osera dire, que les hommes s'escarmouchent à la volée, & d'une impetuosité confuse, sans qu'il en sache rien, ou bien qu'il ne s'en mesle pas? Mais les exemples particuliers nous donneront icy plus de clarté. Nous scauons par le pre-*  
 Iob 1. 6. & 2. 1. *mier chapitre de Iob, que Satan se presente deuant Dieu, aussi bien que les Anges, pour ouir ce qui luy sera commandé, c'est bien en diuerse maniere, & à vne fin toute autre: mais toutesfois cela monstre qu'il ne peut rien attenter, sinon du vouloir de Dieu. Il semble bien apres qu'il n'obtienne qu'une permission nue & simple, d'affliger le saint homme: mais puis que ceste sentence est vraye, le Seigneur qui l'auoit donné l'a osté, il a esté fait comme il a plu au Seigneur: nous auons à conclurre que Dieu a esté l'auteur de ceste espreuue, de laquelle Satan & les brigands ont esté ministres.*

C'est iusques icy les mots de Calvin sur



ceste matiere:dit-il que Dieu soit autheur ny cause du peché? Il dit que Dieu est autheur de l'espreuue de Iob, mais il ne dit pas que Dieu soit autheur du peché, sinon qu'espreuue soit peché, & qu'en Dieu esprouuer soit pecher. De Sponde dit, *qu'il n'y a rien si clair dans Calvin que cela, que Dieu est autheur du peché.* Où le trouue-il donc? Calvin parle-il sans l'Escripture sainte, ny sans raison? S'il dit que Dieu conduit & a soin de tout, & que rien ne se fait qu'il ne le voye, ne le sçache, ne le vueille, & ne l'ait ordonné, Dieu sera-il autremēt Dieu? Oste à Dieu sa prouidence, sera-il Dieu? Où sera sa prouidence, s'il n'a ordonné de tout selon sa volonté, & de toute eternité, & s'il se fait rien qu'il ne vueille, & n'ait ordonné? Mais cōment voulez-vous donc qu'il en soit, que Dieu permette le mal se faire, sans qu'il l'ait ordonné, ou sans que sa volonté y entreuienne? Quoy? que fera-il donc? où sera nostre consolation, si Dieu est au ciel sans rien faire, ou se soucier du mal qu'on fait en terre? & qu'il le permette sans l'ordonner, où sera son gouuernement? où sera sa prouidence?

Si vous dites que Dieu permet le mal, nous disons que cela est vray: mais que c'est ou le voulant, ou ne s'en souciant pas, ou ne le pouvant empescher. Si vous dites que Dieu ne s'en soucie pas, vous faites vn tel Dieu que les Epicuriens, qui disoyent, que Dieu ne se soucie pas des choses de ce monde. Si vous dites que Dieu permet les maux, parce qu'il

ne les peut empescher, vous le faites impuissant, & comme le Dieu des Stoiciens. Si vous dites, que Dieu n'empesche le mal, parce qu'il le veut, c'est assez : sa volonté donc y entreuient. Aussi Iob disoit, que Dieu luy auoit donné, & luy auoit osté : & autrement, comment craindriōs-nous aux menaces de Dieu, & le prierions en l'aduersité, & nous consolerions sur sa volonté ? Que craignez-vous ? que Dieu face le peché, qu'il l'aime comme peché, qu'il ne soit pas iuste de le punir, ou qu'il y ait deux volonteés en Dieu, de defendre ce qu'il veut, & vouloir ce qu'il defend ? Mais Dieu ne fait pas le peché : En l'affliction de Iob, Dieu ne fit rien qui ne fut bon, & toutesfois l'affligea ainsi. Dieu le garda de desesperoir, le mit à l'espreuue, & le remit apres en vn estat heureux : mais Satan fit le peché, d'inciter les Sabeens à le piller, & Iob au desesperoir : C'est ce qu'il vouloit, & Dieu le contraire. Les Sabeens firent mal aussi de le piller, & Dieu fit bien d'exercer ainsi son seruiteur, & là le fortifier, & puis bien tost apres magnifier plus fort sa bonté enuers luy en le remettant mieux qu'auparauant. On peut dire qu'il ne se cōmit iamais plus de mal, qu'en trahissant & liurant à la mort & condamnation nostre Seigneur. Dieu fit-il de mal en cela ? quel bien que nostre Redemption ? Dieu la faisoit lors : mais Satan, Iudas, les prestres, & Pilate, faisoÿēt le mal. Absalom pecha horriblement de coucher avec les femmes de son pere : mais

Dieu non de le permettre: car ainsi il vouloit punir le peché & adultere de David. Pharaon endurcit son cœur, & Dieu l'endurcit. Pharaon faisoit mal de s'obstiner, au lieu d'obeir au cōmandement de Dieu. Et Dieu faisoit iustement de tenir son cœur, à fin de le punir de ses pechez par apres, en ce qui s'en ensuyuit. Satã faisoit mal, & les Prophetes d'Achab, de le persuader de mōter en Ramoth de Galaad: mais Dieu faisoit iustemēt d'aveugler ce Roy pour le faire perir en ce lieu-là. Et pourtant Dieu auoit commandé à Satan de le persuader d'y aller par la bouche de ses faux Prophetes, luy qui haïssoit les vrais seruiteurs de Dieu. Dieu est iuste en tout le mal qui se fait, & ne participe de rien au mal, ny n'en tire aucune souilleure, non plus que le soleil d'entrer en vn lieu ord, & esmouuoir vne charongne à plus grande puanteur: veu que ce que Dieu en fait, n'est que pour sa iustice, n'est que pour sa gloire, pour nostre instruction & salut. En Iudas nous abhorrons l'avarice, en Pilate la timidité & iniustice, aux prestres l'enuie, en Pharaon l'obstination, en Absalom l'enuie & cupidité de regner. Nous voyons que Dieu punit ces pechez-là d'horrible aueuglement, & si fait son œuvre au salut des siens, à l'estonnement des enfers, à la merueille & ioye de ses Anges. Dieu est donc iuste en tout cela, sans qu'il y ait en luy aucune tache de peché, comme appert en ce qu'ainsi il punit le peché, car en quelque sorte que

Dieu punisse le peché, il fait iustice. Et pourtant il conste, qu'il n'y a qu'une simple volonté en luy, à sçauoir, celle qu'il nous a manifesté en sa parole. Car pourquoy tant de maux, que parce que le monde contredit à la loy de Dieu, & se rebelle contre icelle? Mais ceste volonté de Dieu, nous apparoit en diuerses formes, selon les iugements de sa iustice, & sa profonde sagesse. Dieu auoit defendu de sacrifier qu'en Ierusalem, & sacrifier ailleurs estoit peché: & neantmoins Dieu fit & approuua qu'Elie sacrifia en Carmel. Dieu fit cela pour tesmoigner par le miracle qui se fit là, qu'il est seul Dieu: & qu'il ne vouloit qu'on luy offrit sacrifice qu'en Ierusalem, & comme il auoit ordonné, & qu'Israël erroit depuis qu'il s'en estoit separé. En l'inceste d'Abraham, Dieu fit cognoistre que l'adultere luy desplait, & ainsi que sa volonté est une en cela. En la paillardise infame de ceux de Gabaon, où mourut la femme du Leuite, Dieu fit cognoistre que la paillardise luy desplait, & est chose horrible, qui attire une infinité de malheurs. Les Grecs qui n'auoyent pas la loy de Dieu, ont peu apprendre cela aux tristes & tragiques histoires de leurs Rois, de Lacedemon, de Thebes, de Troye, de Menelaüs & Agamemnon, de leurs femmes, d'un Oedipe, d'un Thiestes, d'un Ægiste, & autres: de qui les paillardises, adulteres & incestes, ont esté punies de toutes sortes de maux, & de longues calamitez, iusques à la subuersion

1. Rois 18.

de leurs maisons, de leurs estats, & de leurs Royaumes. Voulez-vous dire que la main & la volonté de Dieu n'entreueint pas en cela, & que sa prouidence ne conduisit pas le tout? Où plus de maux se commit iamais qu'en Ierusalem, qu'en Israël? & qui fit cela que Dieu: & pour monstrier que sa volonté est vne & simple, à sçauoir, celle qu'il nous a manifestee en sa parole? Car pourquoy traicta-il ainsi ce peuple, que pource qu'il luy auoit desobei, & résisté à sa volonté? Et pourtant Dieu dit, Pour trois pechez & pour quatre de Iuda, ie ne feray point tourner cecy en arriere: pource qu'ils ont rebuté la Loy de l'Eternel, & ne ont point gardé ses statuts, ains leurs mēsonges les ont fait foruoyer, lesquels leurs peres auoyēt suiui: Si enuoyeray le feu en Iuda, qui deuorera les palais de Ierusalem. Dieu menace ainsi Israël, Moab, Edom, & les autres peuples circonuoisins pour leurs cruautéz, & autres forfaits. Y aura-il (dit Amos) quelque mal en la ville, que l'Eternel n'ait fait? Et Ieremie parle ainsi du mal & de la ruine de Ierusalem, (la chose plus triste en massacres violens, rauiffemens, & toute autre calamité, que le soleil veid onc sous le ciel.) Qui est cestuy-cy (dit-il) qui dit, que cela a esté fait, & que le Seigneur ne l'a point commadé? Les maux & les biens, ne procedēt-ils point du mandement du tref-haut? Et apres cela le Prophete enseigne, qu'il y a remede à tous nos maux. C'est de recourir à Dieu, demander pardon,

Amos 3. 6.

Lam. 3. 37.

Act. 2. 23.

Act. 4. 48.

Act. 7. 18.

Deu. 29. 29

Lamc. 3. 6.

& non pas nous despiter contre Dieu. Cela suffit pour monstrier, que le mal ne se fait pas que par le conseil & decret de Dieu. Ainsile Roy d'Assyrie, estoit la verge de sa fureur : la ruine de Ierusalẽ, son cœurre : les maudissons de Semeĩ contre Dauid, du mandement de Dieu, ou de son iuste iugement : la rebellioh des fils d'Heli, l'endurcissement des Cananeens, estoit aussi de Dieu. Mais pourtant Dieu n'est pas autheur du peché : car c'est le Diable, ou les meschans qui le font, encore que Dieu le permette & le vueille, pour de bonnes fins, & l'ait ordonné : car en Dieu, le permettre n'est point sans l'auoir ordonné. Le peché, c'est faire contre la loy de Dieu, que Dieu a donné ( dit Moysse ) pour nous & nos enfans, mais il s'est reserué ses secrets : à fin que nous sachions, que c'est à nous qu'il a donné Loy, & non à la sagesse de sa Maiesté incomprehensible. Partant, Dieu n'est ny ne peut estre autheur de peché, encore que le peché ne se face pas que Dieu ne l'ait ordonné. Nous ne sommes pas donc Manicheës, comme nous impose de Sponde : c'est plustost luy & ses semblables, qui ne veulent pas que le mal se face par l'ordonnance & iugement de Dieu. Cela les scandalise, & le trouuent estrange : là en estoient logez les Manicheens, & ne pouuans comprẽdre que les maux procedassent de Dieu, ( comme dit Ieremie ) ils s'imaginerent vn Dieu bon, & vn Dieu mauuais qui faisoit les maux, comme le Dieu

bon les biens:& vous, qui voulez-vous qui face & ordonne les maux, si ce n'est Dieu? En vn mot, Dieu sera-il Dieu, & se fera rien qu'il n'ait ordonné? Mais le peché est de malice, ou d'ignorance: & cela n'est pas en Dieu, mais toute iustice equité & sagesse.

De Sponde nous accuse aussi d'estre Donatistes, mais aussi peu sommes-nous Donatistes que Manicheens. Il dit que nous disons, que l'Eglise estoit du tout perie, sans quelque poignée de gens de bien: cela est faux. Nous ne disons pas que l'Eglise soit du tout perie: mais bien disons-nous, qu'elle a esté horriblement corrompue par la Papauté. Il y a difference entre perir, du tout mourir, & n'estre plus (& estre corrompu ou mal sain) si vous pouuez entédre cela.) Du temps de nostre Seigneur, l'Eglise estoit-elle perie? mais n'estoit-elle pas, encores que le nombre des vrais fideles fust petit? Aussi peu disons-nous que ce soit par le vice des gens d'Eglise: car nous disons, que c'a esté plustost par leur faulse doctrine. C'est là où nous regardons, encores que nous scachions que leurs mœurs corrompus & dissolus, ont fort aydé à corrompre l'Eglise. D'estre Donatistes, ce sont ceux qui font mourir ceux qui ne veulent estre de leur religion, comme faisoÿēt les Donatistes: les prestres ne reiettent-ils pas aussi l'autorité du Magistrat, comme les Donatistes? Mais de cecy il sera parlé ailleurs.

De Sponde trouue encore *que nous sommes*



*Simoniques, & Eunomiens.* En quoy? *A vostre aduis* (dit-il) *la seule foy nous iustifie sans les œuvres.* Je respōs, que ce n'est pas à nostre aduis, mais à l'aduis du S. Esprit, & de S. Paul, & de nostre Seigneur Iesus Christ, & des Prophetes & Apostres: voire, dit saint Paul, que la foy iustifie sans les œuvres de la Loy. S. Paul ne dit pas, que la foy soit sans les œuvres, ne que le fidele en sa iustification n'ait les œuvres, ou de faict ou de volōté & d'imputatiō: mais il veut dire, qu'elles n'entrēt pas en conte, & cōme causes en nostre iustification: car elle n'est de merite, ains de pure grace par la remission des pechez & imputation de la iustice de nostre Seigneur. Que si les œuvres de la Loy n'entrent en l'affaire de nostre iustification, moins les œuvres qui ne sont de la Loy de Dieu, comme les vostres, par lesquelles vous pretendez salut. S. Paul au premier chapitre des Romains mōstre, quels estoient les Gentils: & au second, quels estoient les Iuifs: pour monstrier que ny les vns, ny les autres, ne pouuoient obtenir salut par les œuvres. Par là il monstre, que tous sommes de nature horriblement pecheurs, voire mesmes ceux qui sont l'Eglise de Dieu, & en son alliance. Il monstre que l'Ecriture sainte propose, cela à fin que toute bouche soit clole, & que tout le monde soit cōgnu coupable. Dieu nous a reduit là, à fin que nul ne soit sauué par œuvres, mais par grace: & que toute la gloire de nostre salut demeure à Dieu



Dieu seul, sans qu'il nous en soit rien deu ?  
 Pourtant l'Apostre dit apres : Parquoy nulle Rom. 3. 20.  
 chair ne sera iustifiée deuant Dieu, par les 21. 22. 23.  
 œuures de la Loy. Il dit la raison pour laquelle 24. 25. 26.  
 la Loy ne iustifie pas, & que c'est d'oc qu'elle 27.  
 le fait en l'affaire de nostre iustification: à sça- Verf. 20.  
 uoir, qu'elle donne seulement cognoissance  
 du peché. Puis apres il dit comment l'hom-  
 me est iustifié, en disant : Mais maintenant la  
 iustice de Dieu est manifestee sans Loy, estât Verf. 21.  
 à icelle rendu tesmoignage par la Loy, & par  
 les Prophetes. Il veut dire, que tant s'en faut  
 que la iustice par laquelle on est sauué soit  
 par la Loy, qu'au contraire la Loy & les Pro- Verf. 22.  
 phetes rendent tesmoignage, que c'est par v-  
 ne autre iustice que celle de la Loy, qu'on est  
 iustifié deuant Dieu, qu'il appelle la iustice Verf. 23.  
 de Dieu par la foy en Iesus Christ : & dit que  
 ceste iustice est sur tous & enuers tous les  
 croyans, estans iustifiez gratuitement par la Verf. 24.  
 grace d'iceluy, par la redemption qui est en  
 Iesus Christ, lequel Dieu a ordonné de tout Verf. 25.  
 tēps pour propitiatoire au sang d'iceluy: à fin  
 de demonstrier sa iustice par la remission des  
 pechez precedēs: voire, dit l'Apostre, au tēps Verf. 26.  
 present, à fin que Dieu soit trouué iuste, & iu-  
 stifiât celuy qui est de la foy de Iesus. Et puis  
 apres pour mieux monstrier que l'homme est  
 iustifié par foy, sans les œuures de la Loy.  
 L'Apostre demande en s'escriât. Où est donc  
 la vantance ? elle est forclosée. Par quelle loy ?  
 Des œuures ? non: mais par la Loy de la foy.

Verf. 27.

Et apres fait ceste conclusion. Nous concluons donc, que l'hōme est iustificié par foy, sans les œuures de la Loy. C'est sommairement l'aduis de S. Paul sur cela: c'est la doctrine des Prophetes, des Apostres, & de nostre Seigneur. Je demāde, si c'est par nos œuures que nous sommes sauuez, puis que nostre Seigneur est mort pour nous sauuer par sa mort, & qu'il est seul l'Agneau de Dieu, qui oste les pechez du monde? Si donc nous disons que l'hōme est iustificié par foy sans les œuures de la Loy, sommes-nous heretiques? Et puis que nous parlōs apres S. Paul; si nous sommes heretiques, S. Paul ne l'est-il pas? Qui estes-vous pour cōdamner d'heresie l'Apostre, ce vaisseau d'election? de quel esprit estes-vous menez? condamnez-vous les Prophetes, S. Iean Baptiste, & nostre Seigneur, qui a dit, Nul ne peut venir à mon Pere que par moy? Et puis que nous ne pouuons estre iustifiez & sauuez que par luy, comment le ferons-nous par nos œuures? Il dit que ç'a esté l'heresie de Simon Magicien, & d'Eunomius. Cela est faux, & mentir à plaisir: ny l'un ny l'autre de ces deux heretiques n'ōt iamais cōgnu Iesus Christ pour vray Dieu, & pour nous estre iustice deuant Dieu: ny sceu que c'est de croire en luy, & que c'est que la foy, par laquelle nous sommes faits iustes deuant Dieu. Simon Magicien introduisoit toute saleté de mœurs & de paillardises: nostre doctrine approuue-elle cela? nous le condam-

nons. De Sponde scait bien que nous retranchons telles gens de la table du Seigneur, & à chacune Cene excōmuniions ceux qui sont tels. Quant aux Eunomiens, ils separoyent la saincteté de vie d'auec la foy : faisons-nous cela ? mais nous disons que sans saincteté, nul ne peut voir Dieu : & disons cōme S. Iaques, Heb. 12. 14.  
 Que la foy n'est pas vraye foy, si telle n'est cognue par les œuures. Car S. Iaques dit, Monstre moy ta foy sans tes œuures, & ie te mōstreray ma foy par mes œuures. Et comme l'homme est iustificié par foy sans les œuures de la Loy (ainsi que dit sainct Paul) aussi (ainsi que dit S. Iaques) il est iustificié par la foy & par les œuures. C'est que par vne confession de foy sincere & sans hypocrisie, accompagnée de droiture & charité, l'homme est vérifié & déclaré (ce que S. Iaques appelle iustificié) estre fait iuste deuant Dieu, de la iustice imputée de nostre Seigneur, & d'auoir obtenu pardon. Sainct Paul appelle bien estre iustificié par foy sans les œuures de la Loy. Car les bōnes œuures n'entrēt pas en la cause de nostre iustificatiō: mais c'en sont les marques & les tesmoignages & effects, comme elles sont appellees les iustifications des Saints: Et comme S. Iean dit, que la charité assure pour le dernier iour. Et comme nostre Sei- Apoc. 19. 8.  
 gneur dit de la femme pecheresse à Simon, qu'il pouuoit voir à ce qu'elle aimoit beaucoup, que beaucoup luy estoit pardonné. Et nostre Seigneur dira au dernier iour, Venez.

benits de Dieu mon Pere, & possédez le Royaume, qui vous est préparé dès la fondation du monde: Car i'ay eu faim, & vous m'avez donné à manger: i'ay eu soif, & vous m'avez donné à boire. S. Iacques ne veut pas dire, que l'homme soit sauué & fait iuste deuant Dieu, par foy & par les œuvres: Car il contrediroit à S. Paul, Ro. 3. 27. Ioint que l'homme est sauué gratuitement par la foy en Iesus Christ, & par la redemption qui est en iceluy. Mais S. Iacques veut dire, que celuy qui avec la foy a les œuvres, comme Abraham & Rahab, par la foy & par les œuvres est cognu, auéré & iustificié pour vray fidele, & enfant de Dieu, ordonné à la vie eternelle. Et nostre Seigneur a dit ce que dessus, pour monstrier ceux qui ont la vraye foy, par laquelle on est iustificié deuant Dieu, & qui sont benits de Dieu, & ordonnez à la vie eternelle deuant la fondation du monde: à sçauoir, ceux qui auront exercé charité en l'Eglise du Seigneur. Ceux-là ont la vraye foy, par laquelle nous apprehendons Iesus Christ pour nostre seule iustice. Or par sa iustice qui nous est imputée, nous sommes faits iustes, & non par la iustice de nos œuvres.

Le Sr de Spode nous condāne pour heretiques, *de ce que nous mesprisons les reliques des S. cōme faisoit Vigilānus*. N'est-ce pas vne grāde heresie? Il dit que S. Hierosme a escrit contre *Vigilānus* pour cela: Je respon, que c'ela luy a rabatu de sa reputation deuant les gens doctes.

Qu'a condamné Vigilantius? ces vigiles, ou veilles qui se faisoient aux temples pres des sepulchres des Martyrs. Pourquoy le faisoit cela? quel fruiet en est sorti, que superstition, danfes, & paillardises? Si S. Hierosme eust veu baïser les os des morts, des guenilles ou hail-  
lons, des foulers, qu'on dit estre les reliques des Saints, & les charbõs de S. Laurens, & adorer tout cela, s'agenouïiller deuant, & pour y chercher salut & santé: S'il eust veu les impostures des Prestres & des Moines, de dõner & faire adorer quatre testes de S. Jean, pour vne: cent bras de S. Anthoine, plusieurs de S. George, iusques à mettre en reliquaire la queue de l'asne qui porta nostre Seigneur en Ierusalem, qu'eust-il dit? & neantmoins de Sponde appelle cela la foy de l'Eglise. Nous auons vn inuẽtaire de vos reliques, & ne pou-  
uons que n'abhorrons tout cela, & ceux qui le font, & le soustiennent. Quelles paillardises ont commis vos prestres & moines, à l'en-  
tour des femmes & filles qui alloient veiller en vos temples? Ceste belle foy qu'il prise tant, n'a-elle pas esté abolie par l'honnesteté commune, comme la deshonnesteté mesme?  
Au reste nous abhorrons ce que dit S. Hierosme de Vigilantius, de ietter les corps des Saints à la voirie: car nous les enseuelissons avec honneur, mais sans adoration.

Il dit aussi, *Que nous condamnons le merite & le vœu de virginité.* Quoy? ou trouue-il ce me-  
rite? qui l'a dit, le Pape? est-ce à luy d'ordon-

ner prix ou salaire, à ceux qui feront vœu de virginité? y a-il commandement de faire ce vœu? Ce que dit S. Paul, 1. Corint. 7. n'est pas pour faire vœu, mais pour la necessité du temps, à cause des persecutions: & pour dire que ceux qui n'estoyēt point liez par mariage, estoient plus libres & moins empeschez es affaires de ce monde. Mais ce vœu se peut-il tenir, si on est appelé au mariage? qui se peut promettre cela? Est-ce servir Dieu, porter en sa poitrine vne boüillonnere de sales affections? L'Apostre ne dit-il pas qu'il vaut mieux se marier que brusler? On apporta à Gregoire premier (comme nous lisons en l'Epistre que saint Huldric, ancien Euesque d'Ausbourg, a escrit à Nicolas premier Pape de Rome) plus de six mille testes de petis enfans, que des Nonains auoyent ietté en vn viui: lors Gregoire s'escria, l'Apostre a dit, Qu'il vaut mieux se marier que brusler: mais (dit-il) faudroit encore adiouster, & que donner occasiō de mal faire. Et reuoqua l'ordonnance qu'il auoit faite contre le mariage des Prestres, Moines & Nonains. N'est-ce pas biē meritē? hélas! que meritēt vos gens Ecclesiastiques, qui ont voüē ceste vie Angelique, que les sales maladies qu'ils y acquierent pour la pluspart? Que sōt la plus part de vos cloistres que bordeaux? Mais sans voüer ce qui passe nostre portee (car se pouoir passer de mariage, dit nostre Seigneur, n'est pas donné à tous.) Ne deuons-nous pas tous garder ceste

virginité attendât le mariage? Qu'y a-il plus au cœlibat qu'au mariage, que plus d'aïse, & souuent plus de liberté pour la chair? demeurer là est-ce meriter? Vo<sup>o</sup> dites q̄ le merite est où il y a plus de peine: c'est donc au mariage. Tels (dit l'Apostre parlât des mariez) auront tribulation en la chair. Mais dites sans mêtir, est-ce pour meriter Paradis, & pour estre sauuez, que vous mettez vos enfans à estre Prestres, Moines ou Nonains, ou pour auoir le benefice, & descharger la maison de quelques enfans? N'est-ce pas comme faisoient les Payés en mesme cas, comme disoit Symmachus à Theodose? que vous souciez-vous s'ils paillardent? Que l'Eglise y pouruoye, dites-vous. Et de vos miserables familles, vous faites à l'enfer present: les faites passer par ce feu d'enfer, qui est la paillardise. C'est comme vous meritez, & c'est la foy de l'Eglise (dit de Sponde) n'estes-vous pas de bons fideles? Vous dites que ce vœu est aisé à garder: mais ie m'assure que vous ne prouuez pas cela par de Sponde. Car s'il veut mettre la main sur sa conscience, il dira que la paillardise est vn peché glissant, soit à ceux qui sont mariez soit aux autres. Il ne le scauroit nier. Que si ce vœu est aisé à accomplir, & la virginité à garder, comment enfermez-vous partie de ceux qui ont voué cela derriere la clef, & derriere des barres de fer, cōme on fait des mauuaises bestes? est-ce meriter, quand c'est par contrainte, & tousiours l'ame brulante de ce



fale & horrible feu d'enfer ? mais y a-il là virginité, où est la fale affection, encore qu'on ne paillarde pas de faiçt ?

Ce suppost de la foy Romaine dit apres, *Que nous oſtons à l'Eglise la puissance de pardonner les pechez, comme les Nouatiens.* Nous disons, qu'un seul Dieu pardonne les pechez.

Canó. Ver-  
bum. canó.  
Magno. ca-  
non. Cōuer-  
timini. de  
pœnitent.  
distinç. i.

Qui donc que Dieu ? le Ministre ? ce n'est que cōme Ministre & Ambassadeur pour Christ, & comme messager de sa grace, preschant l'Euangile, exhortant la conscience, la consolant, l'assurant, & non par vne bulle scellée de plomb, mais par vne viue predication de l'Euangile. Le Pape ne fait pas cela: il ne pardonne pas donc les pechez. En quoy trouue-il que nous tenons des Nouatiens ? Ils n'admettoient point à repentance ceux, qui apres auoir esté baptizez, par infirmité renonçoÿet la religion. Faisons-nous cela ? que dis-tu homme de bien ? Les Nouatiens & Catares oſtoient les admonitions & priuees & publiques: faisons-nous cela ? mais nos prescheurs, exhortent, admonestent, consolent, repre-  
nent, redarguent en nos Eglises tous les iours: & par leurs presches somment, adiurent, tonnent, foudroyent, & consolent aussi, & amènent les aines de la mort à la vie, & de l'enfer au ciel. Ils lient & deslient, retiennent les pechez, & les pardonnent, voire frappent la terre de diuerses playes pour la rebellion des hommes. Comment donc, dit-il, que nous oſtons des Eglises les admonitions publi-

2. Cor. 10. 6  
Apoc. 11. 6



ques & priuees, veu mesmes qu'au confistoire & par les familles, nous appliquons plus particulièrement ce qu'és temples nous preschons à tous ?

Il trouue aussi que nous sommes heretiques, comme Iulien l'Apostat. Quoy ? Iulien estoit-il heretique, ou Apostat, & persecuteur de l'Eglise comme toy ? Mais en quoy sommes-nous heretiques ? *Que nous tenons* (dit-il) *l'honneur des Martyrs pour idolatrie.* Nous auons dit cy dessus, comment, & quel honneur nous tenons pour idolatrie : Car au reste, nous les appellons Saints, & tesmoins de la verité de Dieu, qui l'ont scellée de leur sang : mais leur faire des temples, des autels, des images, seruir ces images, les baiser, & les saluer, s'agenouïller deuant, & leur presenter des chandelles allumées de beau iour, qu'ils ne voyent non plus que de nuit, les prier, ou les saints, s'y recommander, les prendre pour aduocats au ciel, leur demander salut & santé à genoux leur dire *Pater noster* : nous disons que c'est à faire à des ignorans, & que c'est vne idolatrie horrible.

Epiph.  
cont. Anti-  
dicomario-  
nitas.

*Il y a bien autre chose contre nous* (dit-il) *Et quoy ? que nous sommes Pepuziens.* En quoy ? *en ce* (dit-il) *que nous confondons les ordres de l'Eglise, comme les Pepuziens.* Je vous prie, que dirons-nous de cest homme ? montrons qu'il a voulu prostituer l'honneur de l'Eglise Romaine. (Je dy, si honneur y a.) Les Pepuziens ont receu les femmes aux ordres & ministere, fai-

sons-nous cela ? mais ne le faites-vous pas ? Vous avez diuers ordres de Nonains en vostre religion, & si les femmes baptisent entre vous. Le voulez-vous nier ? si est-ce que vous le leur permettez en cas de necessité. C'est donc vous, qui confondez les ordres de l'Eglise. Mais (dira-on) les Pepuziens n'auoyent-ils pas d'autres heresies ? ouy. Ils paistriffoient le pain de la Cene avec du sang, exaltoient Eue pour son peché, comme si elle auoit bien besongné : appelloient Pepuza la Ierusalem celeste, comme vous Rome, & disoient que leur Quintilla auoit le saint Esprit, & qu'elle ne pouuoit errer, comme vous dites du Pape. Voila quelles sont les heresies des Pepuziens.

Le S<sup>r</sup> de Sponde est-il sage, de dire que nous sommes heretiques comme ceux-la ? ne sont-ce pas plustost les Papistes ? Car combien qu'ils ne paistrissent pas leur pain de la Messe en sang, si est-ce qu'ils disent que le pain est chair & sang, sans qu'il y ait plus de pain. N'est-ce pas mettre du sang au pain de la Cene, ou de la chair, plus que ne faisoient les Pepuziens ? qui est plus heretique ou les Papistes, ou les Pepuziens ? qui les a condamnez, dira-il ? nous par l'autorité de la parole de Dieu, là où eux ne nous condamnent que par l'autorité du Pape.

Mais c'est bien le pire si nous sommes *Marcionites*. Quoy qu'il en soit, il le dit. Que seruiroit-il d'alleguer icy toutes les heresies de Marcion ? le vien à ce dont est question.

Marcion a permis aux femmes de baptizer, cōme vous faites : ce que nous ne faisons pas. S'il a donc confondu l'ordre en l'Eglise, vous aussi, & nous non. Comment est-ce que de Spōde n'a eu honte de nous imposer ceste heresie, dans laquelle vous estes enfondrez iusques aux oreilles? Marcio a aussi fait le corps de nostre Seigneur inuisible, comme vous le faites tel à la Messe. Marcion faisoit aussi vœu de virginité, & persuadoit cela aux filles & aux femmes, & sous ce pretexte les corrompoit en paillardises comme vous faites. Qui se fust doubté de luy, qui faisoit vœu de virginité comme elles? dont fut excommunié par son pere mesmes, & déposé de sa charge, où l'Euesque de Rome ne le peust remettre, & si l'eust bien voulu restablir : comme sera dit en son lieu.

Après cela, *il nous impose l'heresie des Vadiens* C'est (dit-il) *que nous disons que les possessions ecclesiastiques sont le regne de Satan.* Nous ne scauons pas où il a trouué les Vadiens. Car Epiphanius & saint Augustin les appellent Audeans, & les autres Antropomorphites. Ceuxcy ont dit, que Dieu est semblable à l'homme en membres. Ceste heresie a esté en execration, & les images de Dieu aussi à cause de cela ont esté abhorrees, & l'vsage d'icelles aux temples, selon Epiphanius. Au reste Epiphanius prend les Vadiens plus pour Schismatiques, que pour heretiques. Car Audean, qu'on appelle Vadian (dit-il) estant Moyne,

fut appellé au gouuernement d'une Eglise: & voyant les Euesques voluptueux, oisifs, pleins de fast, de pompe, & de vanité à cause de leurs richesses, il se mit à crier contr'eux & leurs vices. Les Euesques ne pouuans supporter cela, il fut déposé par son Diocesain. Et ne voulant demeurer sans enseigner, il enseignoit, & faisoit troupeau à part. Toutesfois (dit S. Augustin) il y en a qui tiennent qu'en Egypte, les Audeans communiét avec l'Eglise Catholique. Tant y a que de ceux-là est sortie ceste heresie, laquelle vous tenez, que Dieu est semblable en membres à vn homme. On les a condamnés pour heretiques de cela: & vous tiendrez la mesme opinion, & ne le serez pas? Mais approuuons-nous Audean, de s'estre separé pour les vices des Euesques de l'Eglise, qui lors suiuoit, la doctrine des Apostres? Nous sommes-nous separés de vous pour les vices du Pape & des Euesques, ou pour leur fausse doctrine? N'y a-il pas des Royaumes esquels les Euesques sont aussi riches en la reformation qu'auparauant? les Eglises se separét-elles pour cela de ces Euesques? Et nous, ne demurôs-nous pas en vne mesme doctrine, religion, foy, & communion avec ces Eglises-la? Nous ne disons pas, que les possessions Ecclesiastiques sont le regne de Satan: combien que nous ne nions pas, que de ces possessions mal mesnagees, n'en sorte plus de mal que de bien: mais chacun peut voir que c'est, & en iuger, horsmis ceux qui d'une cu-

pidité insatiable abbayent apres, & pour en auoir font la guerre à Dieu, à son Christ, à son Eglise, & combattēt contre la verité de Dieu. Je ne dy pas que ce soit de Sponde, qui a sceu par quelque deuin, que son fils sera vn iour Cardinal. Ce sont les heresies où nostre aduersaire trouue, que nous-nous sommes enfondrez : esquelles, & en plusieurs autres nous trouuons la Papauté toute plongee: mais ils n'ont pas peur de cela, ils ne font que s'en rire. Car quoyque par la parole de Dieu, & par l'antiquité on voye que cela est condamné d'heresie, ce ne sera pas heresie, si le Pape l'approuue, & ne le cōdamne d'heresie. Le Pape n'est-il pas donc leur Dieu en terre?

De Sponde dit apres, *Que leur foy se rapporte à l'antiquité, & que maintenant ils ne croient que ce que croyoit l'Eglise primitive.* Mais cela est faux. Car l'Eglise des Apostres n'a rien creu de vos superstitions, idolatries, & folles deuotions. Vostre Messe est-elle de l'antiquité? ou en la parole de Dieu? Mais comment seroyent vos superstitions de l'Eglise ancienne, veu que chacun iour vous inuentez de nouveau, ou bulles, ou *Agnus Dei*, ou pelerinages, ou autres nouuelles deuotions? De Sponde dira du contraire, mais que sçait-il qu'on croit en vos Eglises, luy qui a esté nourri en nostre Religion?

Puis que nous, en nos Eglises reformees, ne croyons que selon l'Euāgile & le Symbole des Apostres, nous disons que chacun peut

Page 50.

par là cognoistre, que nostre foy se rapporte à l'âtiquté. *De Sponde veut que nous n'en croyoi que saint Paul.* Nous en voulons croire S. Paul & les Prophetes, les autres Apostres, & nostre Seigneur Iesus Christ. Car c'est là où nostre foy se fonde, & là est la regle de nostre foy. Mais en quoy veut-il que nous ne croyons que saint Paul ? *A sentir* (dit-il) *une mesme chose, & qu'il n'y ait point de schismes entre nous, & que nous soyons parfaits en mesme sens & en mesme science, & que nous ayons un mesme esprit de foy.* C'est tout ce que nous voulons, à sçauoir, sentir & croire entre nous ce qui est de la doctrine de saint Paul, & ce que selon luy & l'Euangile il faut croire, & non pas autre doctrine: Je dy mesmes quand vn Ange du ciel la nous annonceroit. Est-ce auoir vn mesme esprit de foy avec les Apostres, que croire ce qu'ils n'ont iamais enseigné, Et croire le contraire de ce qu'ils ont enseigné?

*Mais, dit de Sponde, si nous de l'Eglise Romaine auons tel consentement avec toute l'Eglise Catholique, que vous resle-il pour replique?* Je respon que rien, si ce qu'il dit est vray: Mais il se trompe, car croyent-ils comme l'Eglise des Apostres? Au contraire, c'est là le different. Ils croyent le salut par autre que par Christ, par autre moyen que par le mérite de sa mort & passion, resurrection, ascension au ciel, & que par sa session à la dextre de Dieu le Pere tout-puissant. Combien de moyens ont-ils, par lesquels ils pensent estre sauuez?

S'ils veulent que nous croyons tous vne meſme choſe, & que nous ayons tous vn meſme eſprit de foy: croyons donc ſelon les Prophetes & les Apoſtres, & ne croyons ny plus ny moins. Mais veulent-ils cela? c'eſt ce qu'ils haïſſent. Car il faudroit bannir la Meſſe, l'autorité du Pape, les reliques, le reuenu du Purgatoire, & le reſte de la Papauté, qui n'eſt porté par le Symbole des Apoſtres. Et puis qu'ils ne croient pas comme les Apoſtres, ne nous departirons-nous pas d'auec eux? Ils ont autre doctrine, & autres ceremonies, eſquelles ils cherchent ſalut contre la doctrine des Apoſtres. Pouuõs-nous nous tenir auec eux, ſans eſtre idolatres cõme eux? Car ils ont ce ſentiment, que l'eau benite donne ſalut & vie, qu'on eſt ſauué par le merite des œuvres, qu'un morceau de paſte eſt Dieu, qu'il faut adorer l'hoſtie, qu'elle eſt le ſainct, le fort, & le Dieu des armées, qu'elle ouure la porte du ciel: que la vierge Marie eſt l'eſtoille de la mer, qu'elle commande à Dieu au ciel (car ils tiennent qu'elle commande à noſtre Seigneur vray Dieu) & l'en prient, diſans, *Iube natum*, c. commande à ton Fils. Ils croient que la Meſſe ſauue. Veut-il que nous conſentions à cela? mais cela n'a pas eſté la croyance de l'antiquité. Si cela a eſté creu, il y a quatre ou huit cens ans, cela n'eſtoit pas du temps des Apoſtres. Cela eſt contre Dieu & ſa parole, contre laquelle il n'y a point de preſcription.



*Il allegue Calvin en l'Epistre à Sadolet, & au 4. liure de son Institution chap. 2. sect. 5. où il propose, dit de Sponde, pour miroir ceste vieille face d'Eglise, qui estoit du temps de saint Chrysostome, de saint Bazile entre les Grecs, & entre les Latins, du temps de saint Cyprien, S. Ambroise, & saint Augustin. Mais en quoy nous propose Calvin ceste face d'Eglise? Est-ce pour croire que l'eau benite soit salut & vie, qu'il faille inuoquer les Saints, adorer les images, adorer le pain de la Messie, & que la Messie est cause de nostre salut? Est-ce au reste de vostre Papauté, que Calvin veut qu'on voye ceste face d'Eglise: ou en ce qu'elle a tenu suiuant la parole de Dieu? Mais Calvin a-il dit cela, pour regler l'Eglise Reformée d'aujourd'huy, à celle d'alors, ou pour y regler l'Eglise Romaine? Ceste Eglise ancienne ne vouloit vider ces differens que par la parole de Dieu: s'uyuons-la donc.*

Au reste, si le cōcile de Chalcedoine a employé l'autorité des Peres pour fortifier l'intelligēce du Symbole de la foy du concile de Nicee, nous n'en faisons pas moins, soit en ce poinct de doctrine dont lors estoit question, à sçauoir, de la Deité de nostre Seigneur, soit en tout autre poinct de la doctrine de salut selon la parole de Dieu, & fortifions nostre dire par l'antiquité, plus & mieux que vous ne voudriez. Mais ie demande, si au Concile de Chalcedoine les Euesques alleguerent l'autorité du Concile de Nicee pour la preferer à l'autho-



à l'autorité de l'Eſcriture ſaincte : ou bien ſ'ils ne l'ont pas alleguee pour monſtrer que leur croyāce eſtoit en cedont eſtoit queſtion de meſme que celle des peres du Concile de Nicee ? Ce Concile auoit decide de la deité de noſtre Seigneur ſelon l'Eſcriture ſaincte: en cela les peres de Chalcedoine le pouuoÿt alleguer, & nous en cas pareil, & de meſmes alleguons les Cōciles, & les Docteurs: à ſçauoir, pour monſtrer qu'ils ont entendu & interpreté la doctrine de ſalut, de meſmes que nous ſelon la parole de Dieu, que nous ſommes de bō accord avec eux, & eux avec nous. Mais en ce qu'ils ne conuiennent à l'Eſcriture ſaincte, ou y repugnēt, nous les laiſſons. Car nous reiglons noſtre croyance à l'Eſcriture ſaincte, & non à l'Egliſe ny aux Conciles & Docteurs, en ce qu'ils repugnent à la doctrine des Prophetes & des Apoſtres. L'Egliſe ſe reigle ſelon Dieu & ſa parole, & non pas à elle, ny à ſes loix & decrets. En peut-elle baſtir. contre la parole de Dieu ? Ie dy encore plus, qu'il n'y a Docteurs, ny peres Anciens, ny Conciles (ſinon celuy de Trente) qui n'ait iugé que l'Egliſe doyue eſtre reiglee ~~par~~ par l'Eſcriture ſaincte. Sainct Auguſtin contre Maxime dit ainſi : Or maintenant ie ne doy mettre en auant le cōcile de Nicee, ny toy celuy d'Arimini : cela apporteroit preiudice à ce par où la cauſe doit eſtre decidee. Car ie ne ſuis obligé par l'autorité de ceſtuy-cy, ny toy par l'autorité de ceſtuy-là: ains par l'au-

thorité des Escritures. Et apres il dit, que l'E-  
 scriture sainte est cōmune & à l'un & à l'aut-  
 re: c'est à dire, à luy & à Maxime, c'est qu'ils  
 s'y doyuēt tous deux reigler, comme à la rei-  
 gle infallible de verité. S. Augustin tiēt donc  
 que les differens de la Religion, ne se doyuēt  
 vuidier que par la seule parole de Dieu; qu'en  
 faire autrement, c'est luy faire preiudice. Et  
 quand nous & les Anciens alleguons l'anti-  
 quité, c'est en ce seulement qu'elle conuient  
 à l'Ecriture sainte, & pour en esclaireir no-  
 stre dire, & non autrement.

Il demande, si l'Eglise Romaine, qui a tenu  
 bon contre Ebron, Marcion, Manes, Arrim,  
 Nestor, Eutiches, & tant d'autres: & n'a peu  
 compatir avec eux, auroit ainsi failli, que de tom-  
 ber en heresie elle-mesme? Pourquoi non, ou en  
 erreur, ou en heresie? Vne Eglise peut bien  
 tenir bon en plusieurs poincts de doctrine, &  
 de faillir, voire lourdement, en vn ou plusieurs  
 autres poincts de doctrine. Les Eglises de  
 Corinthe & de Galatie, nous font foy de ce-  
 la, & les Eglises d'Asie dont est parlé 2. & 3.  
 de l'Apocalypse. Mais sur tout l'Eglise de Je-  
 rusalem & de la Iudee, qui du temps de Da-  
 uid & de Salomō, & Iosaphat auoit le serpent  
 d'airain, & l'adoroit, & si en autres poincts  
 n'erroit pas. Les anciens Docteurs (dit-il) ny les  
 Conciles n'ont pas reprins l'Eglise Romaine. De-  
 quoy reprins, de la Messe? La Messe n'estoit  
 pas lors de ces anciens Docteurs & Conci-  
 les. N'est-ce pas assez que la parole de Dieu

vous condamne? l'Eſcriture ſaincte n'eſt-elle pas pour nous? Elle vous condamne. Vous ſeruez Dieu pour neant, ſi vous n'auẽz ſa parole, ou raiſons fondees en icelle pour commandement. Parlons de l'autorité du Pape, comme vous en parlez. Tous les Conciles y ſont contraires, iuſques à celuy de Conſtance tenu du temps de Iean Hus: mais du temps de S. Auguſtin, de Tertullian, de Juſtin, d'Ignace, voſtre Papauté eſtoit-elle? Comment donc euſſent-ils reprins l'Egliſe Romaine, des erreurs où elle s'eſt plongee depuis? Mettez-vous les anciens Docteurs & Conciles au rang des Prophetes & des Apoſtres, qui n'ont point failli en leur doctrine, ains ont eſté inſpirez par le S. Eſprit? Et mettez-vous leurs eſcrits au rang des oracles des Prophetes, & de l'Euãgile? Vous auez les anciens Docteurs, & les anciens Conciles pour parties en cela. Car ils ſont la ſaincte Eſcriture iuge de tout different de la Religion. Ils ne parlent ne iugent, ny ne condamnent que par icelle. C'eſt elle qui vous iuge. *Mais vous-mesmes*, dit de Sponde, *n'auẽz pas condamné l'Egliſe pour heretique?* Quelle Egliſe, la Romaine? nous monſtrõs ſes abus par nos eſcrits, & vous remonſtrons vos erreurs, n'eſtes-vous pas aſſez conuaincus? Vous nous auez maſſacré pour cela: & puis auez dit, que c'eſtoit pource que nous voulions tuer le Roy, & nous emparer du Royaume. Seriez-vous ſi deſpits, & ſi enragez cõtre nous, ſi voſtre cauſe eſtoit de Dieu?

Aug. cõtra  
Faũlt. lib.  
23. cap. 9.  
de morib.  
eccleſ. ca. 7  
Ambroſ. de  
virginit.  
lib. 3.

vostre conscience (si vous en auez) vous conuaincra. En vn mot, vous estes conuaincus & ~~par~~ par nos liures, Catechismes, & confessions de foy : car là nous vous montrons par la parole de Dieu que vous errez. Il demande *avec quelle maiesté d'Eglise nous les auons condamnés, avec quel anatheme nous auons déclaré l'Eglise Romaine heretique.* Quoy ? quelle maiesté veut-il ? vn Pape, des Cardinaux, & telles sortes de gens ? & si nous n'auons cela, ils ne seront pas condamnés, quād nous parlerons ou escriurons par la parole de Dieu contr'eux ? Pourquoy se faschent-ils donc tant, & sont si acharnez contre nous, s'ils ne sont pas condamnés ? Mais quel anatheme veut-il autre, que celuy de la parole de Dieu, par laquelle nous parlons ? Toute plāte que le Pere celeste n'a plantée, sera arrachée. Si vn Ange du ciel annonce autre Euangile, qu'il vous soit anatheme (dit l'Apostre.) Or vous auez autre Euāgile, car vous auez autre doctrine de salut. Nous vous disons donc anatheme, & si parlons au nom de Dieu, & en son autorité : c'est donc avec vne bōne maiesté. Et de faict, nous auons foudroyé sur vos heresies, & sur la Papauté. Mais il dit, *que nous ne les auons pas fait venir deuant nous :* Je respon, que vous estes ridicules, y fussiez-vous venus ? Estes-vous de nostre communion ? les Apostres y faisoient-ils venir les Prestres, ou les Prestres eux ? & nostre Seigneur fit-il venir deuant soy ny Herode, ny Pilate ? & S. Paul fit-il venir Ne-

Mat. 15. 13.

ron deuât soy? Il demâde nos Synodes, par les  
quels nous les ayons sommez: & *si nous ne l'a-*  
*uons fait, ils ne sont pas en erreur, & nous y sommes?*  
Mais cela ne s'est-il pas fait aux Royaumes  
reformez, contre les Papistes & autres here-  
tiques, qui y ont voulu remuer & faire les  
fols? Auons-nous eu encores les Rois si fa-  
uorables? S'ils nous sont contraires, nous ne  
sommes pas Eglise de Dieu? Les fideles ne  
l'estoyent pas donc du temps des Prophètes,  
de nostre Seigneur, & des Apostres. Il parle  
de foudroyer sur l'heresie. Qui auez-vous re-  
duit des Arriens, Nestoriens, & autres? ou en  
sont vos liures? qu'auuez-vous escrit contre les  
heresies de ces heretiques, que pour vous ac-  
querir quelque reputatiō de sçauoir, comme  
a fait Belarmini à fin d'auoir plus d'autorité  
pour escrire contre nous, cōtre Dieu, & sa ve-  
rité: qui est, que le salut est par vn seul Iesus  
Christ? Voulez-vous voir nostre autorité?  
Voyez tous les Royaumēs de la terre reduits  
à Dieu & à son Christ, osté deux ou trois mi-  
serables, qui se veautrent en leur sang par la  
fureur des Iesuites. *L'Eglise (dit-il) n'est point*  
*desgarnie d'autorité, depuis que les Rois & Em-*  
*pereurs sont Chrestiens.* Je réspon, que cela est  
vray en l'Eglise Romaine: car elle a vne  
grande autorité (non legitime, mais tyran-  
nique) qu'elle a vsurpee sur les Rois, & les  
Empereurs, iusqu'à vouloir proscrire les  
Rois, exposer les Royaumes en proye, en  
despoüiller les Rois legitimes, & en inuestir

d'autres. Vostre Pape a voulu faire cela en ce Royaume, & combien qu'on l'ait fait demordre de cela, & fait confesser qu'il n'y auoit aucun droict, cōme appert par la Clementine: neantmoins il y veut tousiours retourner. Il en a autant fait sur les Empereurs, leur a mis le pied sur le col: c'est l'autorité du Pape & de l'Eglise Romaine, ou de vostre Synagogue. Les Rois qui luy ont donné ceste puissance, la luy osteront, mangeront sa chair, la brusleront au feu: car Dieu mettra en leurs cœurs de faire sa volonté. Il y a vne prophétie qui le dit, Apocal. 17. & ceste beste perdra sa puissance. Mais sçais-tu pas bien que nous n'auons pas telle autorité diabolique, ny n'en voulons? Comment peneses-tu donc que nous deuons faire citer le Pape, & les autres, & les faire venir deuant nous? *Si le faut-il faire* (dit-il) *car il n'est pas icy questio de l'ombre d'un asne.* Et de quoy donc? Car il est question de coucher vos Prestres à leur aise, & à l'ombre du Pape, de chercher le salut en ses bulles, & en leurs Messes, & de croire que le Pape a autant d'autorité au ciel & en la terre, que Dieu mesmes: & que Dieu luy a resigné l'empire du ciel & de la terre, sans plus rien faire que ce que le Pape voudra: c'est de quoy il est question, n'est-ce pas bien prouueu à nostre salut? Et de Sponde nous veut faire croire, qu'il en va de l'honneur de Dieu, & de nostre salut. Quel honneur à Dieu en cela? Est-ce l'honneur & la gloire de Dieu que nostre sa-

lut soit en la disposition du Pape? Le salut, dy-  
ie, de tout le monde, & non en la main de no-  
stre Seigneur seant à la dextre de Dieu? & que  
le Pape soit son vicaire, & face & dispose de  
tout contre la parole de Dieu, & contre l'E-  
uangile de son Fils? où en sommes-nous?

*Nous n'avons pas de soin* (dit de Sponde) *de*  
*ceux qui sont desuoyez*. Pourquoi? *pource* (dit-  
il) *que nous ne les faisons pas citer deuant nous, &*  
*ne les allons pas chercher*. Il veut dire, que nous  
n'allons pas en Espagne & à Rome. Mais il y  
en a d'autres pour nous, & tousiours prou,  
quoy qu'on en face brusler, qui vous citent  
& vous & vostre Pape, deuant le iugement de  
Dieu. Dieu en suscite là, sans que nous y al-  
liions. Mais vous; allez plaider la cause du Pa-  
pe en Angleterre, & és Royaumes reformez,  
puis que vous croyez que c'est la cause de  
Dieu.

*Nous fuyons* (dit-il) *les conferences*. Volon-  
tiers il n'a pas trouué qui ait cōferé avec luy,  
& l'ait fait muet comme vn poisson. Que luy  
faut-il encore? *Il se fasche que nous n'avons que*  
*l'Escripture pour fondement*. Mais l'Eglise n'est <sup>Ephes. 2.</sup>  
fondée que sur la doctrine des Prophetes &  
des Apostres: & autrement, comment seroit-  
elle colonne & appuy de verité? Sur quoy  
veut-il donc que nous-nous foudiōs, que sur  
l'Escripture sainte? Trouuerons-nous meil-  
leur fondement ailleurs? mais où? Sur les de-  
crets des Papes, sur leurs Extrauagantes, sur  
les songes, apparitions d'esprits, illusions des



Diabls, folles deuotiōs, & miracles de men-  
songe? *Il se plaint encore : pourquoy? Si nous-nous  
fondons sur ceste Escriture, nous glosions tant sur  
icelle, voire (dit-il) si elle vous sert? Où trou-  
ue-il que nous glosions sur l'Escriture sain-  
cte? Nous la prenons si simplement, qu'ils  
n'en sont pas contents : nous la prenons selon  
que porte le texte d'icelle, ne l'exposons pas  
autremēt: nous l'exposons, comme a esté dit,  
par elle-mesme, & selon les articles de la foy,  
que nous appellōs le Symbole des Apostres.*

Mais il veut que nous laissions la saincte  
Escriture, pour suyure le iugement de l'Egli-  
se:& pourtant il dit, *que l'Eglise nous a conserué  
la parole de Dieu.* Je demande, quelle Eglise?  
la Romaine? Ne tenons-nous la parole de  
Dieu, que de l'Eglise de Rome? Dieu estoit  
auant l'Eglise de Rome, & sa parole aussi.  
Est-ce raison de laisser la parole de Dieu,  
pour suyure l'Eglise, soit l'Eglise de Rome,  
ou autre? L'Eglise ne doit-elle pas suyure la  
parole de Dieu? Dieu ne la luy a-il pas don-  
nee pour cela? Et l'Eglise laissera la parole de  
Dieu pour suyure l'Eglise, c'est a dire, pour se  
suyure soy-mesme? A ce compte faut-il de  
parole de Dieu à l'Eglise, ou plustost la laisser  
à soy-mesme: cōme s'il ny auoit ny Dieu, ny  
parole de Dieu, & qu'il n'en falut point à l'E-  
glise: ains la laisser à elle-mesme, pour se bien  
gouuerner? C'est la faire plus sage que Dieu,  
en son gouuernement, & en ce qui est de la  
gloire de Dieu, de son seruice, & de nostre sa-



lut. Quelle raison a-il pour suyure plustost l'Eglise, que la parole de Dieu? *c'est (dit-il) que l'Eglise nous a gardé la parole de Dieu.* Quoy? est-ce raison? voire telle qu'il faille la mettre deux fois en auant? Car il a dit cela mesme cy dessus. Si l'Eglise a gardé la parole de Dieu, faut-il plustost suyure l'Eglise, que la parole de Dieu? Qui eust gardé la parole de Dieu que l'Eglise? qui eut dit c'est la parole de Dieu, que l'Eglise? les Turcs? Pourquoy l'a gardee si long temps l'Eglise, s'il faut plustost suyure l'Eglise que la parole de Dieu? qu'auoit-on affaire de parole de Dieu? Mais pourquoy l'agardee l'Eglise, que pour la suivre, se gouverner par icelle, & y prendre son instruction? Il demande, *où est ceste Eglise, qui a gardé la parole de Dieu, & où sont ces Docteurs de l'Escripture sainte?* Et pourquoy demâde-il cela, que pour les preferer à l'Escripture sainte, & luy oster son autorité, pour la donner à l'Eglise & aux Docteurs, & les mettre par dessus la parole de Dieu? Il dit aussi pour cela: *Et si vous estes l'Eglise de Dieu, ne voulez-vous pas que les plus simples vous croient simplement de tout ce que vous dites?* Cela est faux. Nous ne voulons point estre creus, si nous ne parlons par la parole de Dieu: & si nos ministres enseignent autrement que ne porte la parole de Dieu, ils sont deposez de leurs charges. Vn Ange mesme du ciel ne seroit pas ouï en nos Eglises, s'il annonçoit le salut autrement qu'il n'est porté en l'Euañgile. De Spon-

de se trompe donc, s'il pense que nous vueillions estre creus, pource que nous sommes Eglise de Dieu, comme ils veulent estre creus pour cela: car nous ne voulons estre creus, sinon entant que nous parlons par la parole de Dieu. Mais n'a-il pas bonne raison de dire, *que nous ne nous fondons pas sur l'Escripture sainte?* Car, dit-il, *si nous-nous fondions sur l'Escripture sainte, nous serions tous Docteurs.* Or est-il que nous ne sommes pas tous Docteurs. Nous ne nous fondons pas donc sur l'Escripture sainte: n'est-ce pas bien argumenté? Cest homme ne sçait qu'il dit, ou il veut faire rire le monde. Sur quoy nous fondons-nous donc, quand nous ne voulons croire que selon la parole de Dieu? Pense-il que nous-nous fondions sur les Ministres qui enseignent? c'est plustost sur la parole de Dieu qu'ils enseignent, & que nous sauons bien estre la parole de Dieu. N'y a-il que les Docteurs qui se fondent sur la parole de Dieu? Et tous ceux qui se fondent sur la parole de Dieu, sont-ils docteurs? c'est à dire, sont-ils iugez & trouuez capables d'enseigner les autres? quel homme est cestuy-cy de vouloir faire Docteurs & licentiez en Theologie tous ceux qui sont en l'Eglise, hommes, femmes, & petis enfans, pource qu'ils regardét à Dieu, & à sa parole, & reglent là leur vie, leur foy, & leur croyâce? Quand il dit, *Ces Docteurs de l'Escripture sainte où sont-ils?* Il monstre qu'il veut que nous-nous fondions sur les Docteurs. A quoy nous

respondons encore, que nous auõs les esclits des Prophetes & des Apostres, ausquels nous- nous tenons, & qu'en cela nous suyons l'E- glise ancienne & les Docteurs anciens, qui ont fait le mesme que nous: & nous accor- dons avec eux, en ce qu'ils s'accordent avec la parole de Dieu, & autrement non. Car il nous est defendu, d'oüir autre doctrine que celle de l'Euangile, nous fut-elle annoncee par vn Ange du ciel, comme a esté dit cy des- sus. Gal. 1.8.9.

Il dit que l'Eglise est fondee entre nous sur Page 52.  
les Docteurs, *au moins* (dit-il) *ceux qui n'ont la cognoissance de l'Escripture se fondent sur leurs Do- cteurs.* Je dy derechef qu'il se trompe, que ce- la n'est nullement, & que nul en nos Eglises ne croit les Pasteurs, soit les vostres ou les no- stres, s'ils ne parlent par la parole de Dieu. Si vous dites, Comment sçauiez-vous si on parle par la parole de Dieu? Je respon, que nous a- uons l'Escripture sainte, y sommes instruits, l'oyons lire en nos temples, graces à Dieu, l'entendons: nous auons le Symbole des A- postres, les commandemens de la Loy de Dieu, nos Catechismes & Confessions de foy: on ne sçauoit en cela tromper nos Egli- ses. Vous n'avez donc que faire qu'on vous presche (dira quelqu'un) Si: Dauid en a eu be- soïn, & toutesfois estoit Prophete. Et saint Paul dit, que le ministere est establi pour tous, Ephes. 4. Le S. Esprit agit en nous par la predication de la parole de Dieu: & le mini-

Matth. 11.

stere d'icelle a esté vtile & necessaire aux Apostres mesmes. Que si vous ne cōprenez pas ainsi les mysteres de la parole de Dieu, nous disons que ce qui est de la grace de Dieu, est vn don que nul ne cognoist que celuy qui l'a receu. Qui enseignoit la Sunamite qu'Elizee estoit hōme de Dieu, & sa doctrine de Dieu? Ceux d'entre nous quē vous appelez simples, en sçauent bien autant que vos Curez, & sçauent bien si nous parlons à eux selon la parole de Dieu, & en iugent, & ne faut point que nos Ministres leur dōnent des bourdes, comme font vos prescheurs: on ne l'endureroit pas. La verité de Dieu se fait sētir & recognoistre: & la sapience de Dieu est iustifiée de ses enfans. Ainsi nostre Seigneur estoit receu pour le Christ, & saint lean Baptiste pour ce Prophete qui deuoit venir deuant luy, quoy que les plus apparens y contredissent. Et les Samaritains sçauoyent bien que nostre Seigneur estoit le Christ: non pource que la Samaritaine l'auoit dit, mais parce qu'ils le voyoyent aussi bien qu'elle. C'est vne vraye science que la science de salut. Qui auoit enseigné la Syrophenicienne, que nostre Seigneur estoit le Christ? si le sçauoit-elle mieux que les plus doctes des Scribes & des Pharisiens. Quoy? de Sponde pense que la grace du S. Esprit soit seulement aux Docteurs: elle est aussi bien au peuple Chrestien, pour discerner la doctrine de salut & la recognoistre, qu'aux Docteurs pour l'enseigner. Encore

que tous n'ayent pas le ſçauoir amplement comme les Docteurs: ſi eſt-ce que nous auõs tous la meſme parole de Dieu, les meſmes commandemens de Dieu, les meſmes articles de foy que les Docteurs, & la grace de Dieu pour voir. Et c'eſt comme nous auons cognu les erreurs, & la fauſſe doctrine de vos Docteurs, de vos Prelats, Conciles & Curez, & nous en ſommes retirez. En nos Eglifes, ſi ceux qui y enſeignent eſtoient conuaincus d'auoir enſigné contre la parole de Dieu, ils ſeroient censurez, voire depolez, s'ils eſtoient obſtinez en leur erreur.

Après cela, pour prouuer que nous n'auons pas l'Eſcriture ſaincte pour fondement, *Il veut que nous luy monſtrions un paſſage expreſſe de l'Eſcriture, par lequel nous luy facions voir, que noſtre Seigneur ne veut pas que nous le mangions en l'Eucharieſtie, que par foy.* Car il veut dire, (mais il n'oſe) qu'on le mange charnellement & avec les dents. Nous luy reſpondons par ſainct Iean, & luy monſtrons que noſtre Seigneur a dit, *Que qui croit en luy, mange ſa chair & boit ſon ſang. C'eſt icy* (dit noſtre Seigneur) *l'œuvre de Dieu, que vous croyez en ce luy qu'il a enuoyé.* Et puis après ayant dit, *Que il eſt le pain de vie, deſcendu du ciel, & qu'il donne vie au monde (pour mōſtrer le moyen de manger ce pain) il dit: Je ſuis le pain de vie. Qui vient à moy n'aura point de faim, & qui croit en moy n'aura iamais ſoiſ.* Cela ne fait-il pas Iean 6. 29.  
Iean 6. 35.  
foy, que croire en luy, venir par foy à luy,

est manger sa chair, & boire son sang ? Et puis ce qu'il dit au verset 40. *C'est icy la volonté de ce-luy qui m'a enuoyé, que quiconque contemple le Fils, & croit en luy, ait vie eternelle : & pource aussi ie le resusciteray au dernier iour.* Et au vers. 47. *Qui croit en moy, a vie eternelle. C'est comme nostre Seigneur entend ce qu'il dit, Je suis le pain viuifiant, qui suis descendu du ciel, si quelqu'un mange de ce pain icy il viura eternellement, & le pain que ie donneray c'est ma chair, laquelle ie donneray pour la vie du monde.* Item, il dit apres, *Celuy qui mange ma chair & boit mon sang, demeure en moy & moy en luy.* Or commēt demeurōs-nous en nostre Seigneur & luy en nous, qu'estans par foy vnīs à luy ? Et si nous sommes entez en luy par le S. Esprit, nous croyons en luy. Par foy nous viuons donc en luy. Viure en luy, n'est-ce pas vn vray māger ? Ce manger se fait-il qu'en l'ame, & par le S. Esprit ? n'est-ce pas donc par foy ? Se māge-il autrement (ou cōme vous dites) avec la bouche & les dents ? Vous chātez, *Sola fides sufficit*, la seule foy suffit en cecy. S. Augustin dit, pourquoy prepares-tu les dents & le ventre ? Croy, & tu as mangé. Sainct Augustin n'y veut que la foy, & de Sponde y veut les dents. Sainct Cyprien dit, que c'est *Cibus mentis, & non ventris* : & de Sponde veut, que ce ne soit par foy seulement, mais aussi avec la bouche & les dents. Nostre Seigneur monstre assez en cela, que c'est par foy ou en croyant, que nous māgeons sa chair, & beuuōs son sang, &

en viuons. Et comment donc? *La chair ne profite de rien, les paroles que ie vous di* (dit nostre Seigneur) *sont esprit & vie.* C'est donc par foy, & non charnellement, ny des dents ou de la bouche, que nous mangeõs nostre Seigneur. Et de faiçt, nous mangeons nostre Seigneur ainsi qu'il est conuenable de le manger pour en viure: à sçauoir, par la predication de sa parole, auant, apres, & hors la Cene, & à la Cene. Dauantage saint Pierre a dit de nostre Seigneur. Qu'il faut que les cieux le contiennent, iusques au iour de la restauration de toutes choses. Les Anges le monstroyent montant au ciel, & disans: Qu'il n'en viendra que pour iuger les viuants & les morts, comme nous le croyons & confessons aux articles de nostre foy. C'est donc que le corps de nostre Seigneur n'est plus en terre: Et comment l'y mangerez-vous donc que par foy & spirituellement? Et aussi nous ne le mangeons pas autrement que les Peres anciẽs, qui ont mangé la mesme viande que nous mangeons, & beu le mesme bruuage que nous beuons: car ils ont beu de la pierre qui les suyuoit. Or la Pierre estoit Christ. Cepẽdant ils n'ont pas peu manger la chair de nostre Seigneur charnellement, ny des dents, & de la bouche: Car nostre Seigneur n'auoit encores prins ny chair ny sang: ç'a donc esté par foy & spirituellement, qu'ils ont mangé la chair de nostre Seigneur, & de mesme nous aussi. Car veu que c'est pour auoir mesme Christ, mes-



me salut, & mesme vie, que nous mangeons nostre Seigneur. C'est aussi par mesme moyē que les peres Anciens : à sçauoir, de l'ame en croyant, & de la foy, la bouche de l'ame, spirituellement, & par le saint Esprit, & partant tres-vrayement. Semblablemēt nous ne participons pas à nostre Seigneur, ny ne mangeons sa chair autrement que ses Apostres. Or est-il qu'ils ne l'ont pas mangé charnellement & des dents: car comme ils māgeoient le pain (que nostre Seigneur a appelé son corps) ils auoyent nostre Seigneur viuant, & parlant deuant eux, sans qu'il courut & fust rompu sous leurs dents, ny en leur bouche. Ce n'est pas donc charnellement, oralement, ny des dents qu'on mange Iesus Christ, ains spirituellement & par foy.

Il veut aussi, que nous trouuions en l'Escripture sainte la resolution de toutes les controuerses que nous auons avec eux. Où la trouuons-nous donc ? la cerchons-nous, ou la prenons-nous ailleurs ? ne vous les montrons-nous pas ? mais que voyez-vous, si vous ne voyez cela ? car pourquoy recusez-vous l'Escripture sainte, l'avez pour suspecte ; & en fuyez le iugement, que pour cela ? Il dira, que les lieux que nous alleguōs contr'eux, sont cōtre d'autres heretiques que contr'eux. Nous respondons, que contr'eux aussi, s'ils ont les mesmes erreurs, & que l'Escripture sainte parle à tous, est pour tous, & pour endoctriner tous, & condamner tous erreurs :

qui



qui que ce soit qui erre. *Qui a oreille, oye ce que l'esprit dit aux Eglises*, dit nostre Seigneur. Il dira, que le Pape ny est pas nommé, ny la Messe condamnée, ny la transsubstantiation. C'est assez que cela ny soit pas commandé de Dieu, ny nommé pour seruice de Dieu: & disons que pource que cela n'est en l'Escripture sainte, non plus que le reste de la Papauté, que Dieu n'a commandé ny ordonné, il doit estre de mesme reietté, & reprouué par les fideles: estât assez defendu pour idolatrie, en ce qu'il n'est ny commandé, ny escrit, ny recogneu en l'Escripture sainte pour seruice de Dieu: veu que Dieu est serui pour neant, quand on n'a pour doctrine que les commandemens des hommes. Esa. 29. Dauantage le Pape y est remarqué tel qu'il est en son impieté, en sa tyrannie, reuolte, cruauté, erreur & ignorance, 2. Theff. 2. 1. Theff. 4. Apoc. 9. 13. 14. 17. 18. Au reste ces mots, *La semence de la femme brisera la teste du serpent*, confutent toute fausse doctrine, & celle de la Papauté notamment, qui cherche salut ailleurs qu'en ceste semence benite, qui est Iesus Christ nostre Seigneur.

Mais que veut-il, que nous trouuions la resolution du Purgatoire en mots exprez? nous l'auons Hebr. i. en ces mots, *Que nostre Seigneur ayant fait la purgation de nos pechez par soy-mesme, s'est assis à la dextre de la maiesté és treshauts lieux*: Car l'Apostre dit, que nostre Seigneur a fait la purgation de nos pechez, Heb. 1. & non pas qu'il la fera, & qu'il l'a faite par

- foy-mefme, & nō qu'elle fe doyoue faire par du feu. Et S. Iean dit auffi, Qu'il nous a lauez en fon fang. Itē, Que le fang de nōstre Seigneur nettoye de toute iniquité. Veut-il qu'on luy prouue que nōstre Seigneur eft feul nōstre aduocat enuers Dieu? Cela eft en la premiere Epiftre de S. Iean, chap. 2. v. 1. en ces mots: Si nous auons peché, nous auons vn Aduocat enuers Dieu, Iefus Chrift le iufte: iccluy eft l'appointement pour nos pechez. Il dira que S. Iean ne dit pas feul: le refpon, que S. Iean ne dit pas qu'il y en ait d'autre, ny n'eft dit ailleurs: & partant, qu'il ne faut pas croire que nōstre Seigneur ait aucun compagnon en cela, à fçauoir, de nous donner accez. & entree à Dieu, & faire que nos prieres paruiennent au throne de fa grace. Dauantage, quand l'Apoftre dit, qu'il y a vn Dieu, & vn Mediateur, il monftré que comme il y a vn feul Dieu, auffi il n'y a qu'un Mediateur & Aduocat. Auffi de luy feul, Dieu a iuré: Tu feras Sacrificateur eternellement felon l'ordre de Melchifedec, pour feul presenter nos prieres à Dieu: & pourtant nōstre Seigneur a dit, Nul ne peut venir à mon Pere que par moy.
- Apoc. 1. 6.  
1. Iean 1. 7.
1. Ica 2. 19.
1. Tim. 1. 5.  
Pfc 110. 4.  
Heb. 5. 6. &  
6. 20. & 7.  
17.
- Iean 14. 6.
- Rom. 3. 27.
- Tit. 3. 4-5.
- Veut-il la refolution de la iuftification, fi c'eft par la foy, ou par les œuures? l'Apoftre dit, Rom. 3. Nous concluōs donc, que l'homme eft iuftifié par foy, fans les œuures de la Loy. Et en l'Epiftre à Tite, Que nous fommes fauuez, non par bonnes œuures que nous ayons faites, mais par la mifericorde de Dieu,

Veut-il la resolution de l'Eſcriture ſaincte en termes exprez que la Meſſe ne ſauue pas, & que c'eſt la mort de noſtre Seigneur ſans la Meſſe? l'Apoſtre dit aux Hebreux, que noſtre Seigneur par yne ſeule oblation a conſacré à perpetuité ceux qui ſont ſanctifiez. Heb. 10. 14  
 Veut-il ſçauoir ſi on gaigne paradis par ieufne? qu'il liſe Zacharie au 7. chap. & il verra que Dieu ne requiert pas le ieufne pour cauſe de ſalut: & pourtant il monſtré que ſi nous ieufnons, ou mangeons, cela ne luy reuient à rien, que ce n'eſt pas ce qu'il cherche & demande de nous. Et S. Pierre dit Act. 4. Qu'il n'y a choſe aucune qu'on puiſſe nommer, où Dieu nous donne ſalut, que Ieſus Chriſt noſtre Seigneur.

Nous ne parlons pas par conſequences (comme il dit) car ce ſont textes clairs. Mais quelle cōſequence a fait cy deuant l'Egliſe Romaine, qui ſoit fondee en la parole de Dieu, que nous ne tenions? Il dit, *que nous-nous faiſons iuges, quand nous-nous meſons de diſcerner les conſequences les vnes d'avec les autres.* Veut-il dire que l'eſpreuue des eſprits, nous ſoit moins commandee qu'à eux? Et quoy? chacun n'y eſt-il pas pour ſoy? Nous laiſſerons-nous tromper en noſtre croyance, non plus qu'en noſtre manger & boire, ou en de l'argent, ou en autre choſe? Nous fermerons les yeux en ceſt affaire, ny voudrons rien voir: nous laiſſerons bander les yeux, & mener comme on voudra, voire à des aueugles meſ-

1. Theſ. vlti.  
cap.  
1. Iean 4. 1.

mes, que nous voyons presque aueugles comme taupes en ce qui est du salut ? Quand le S. Esprit a dit, *Esprouuez toutes choses, & reprenez ce qui est bon.* Item, *esprouuez les esprits.* Ne parle-il pas à tous les Chrestiens ? les Chrestiens seront-ils stupides & bestes, pour se laisser mener, sans voir où ? Ne disôs-nous pas ie croy, qui monstre que chacun y est pour soy, & doit cognoistre sa croyance, sans qu'il s'en doye fier en son Curé ? Tous ne sauent pas faire ceste espreuue ( dira-il ) Ie respon, que Dieu adresse les siens, prouoit à leur salut, leur donne esprit, & cognoissance, bouche & sagesse, à laquelle ny les Curez, ny les Prelats, ny les Inquisiteurs ne peuuent contredire, que par feu & fureur. Ie dy aussi, que nous auôs la parole de Dieu, où nous voyons de la grace de Dieu, ce qui est de nostre salut, plus clairement qu'eux, qui pour la pluspart sont ignorans, se moquent, sont Athees, & n'ont Dieu que leur ventre, ny pieté que leur volupté.

*Il demande quelques raisons secrettes, si nous en auons, de plus fortes que celles que nous auons mis en auant, pour le retenir en nostre Eglise. Quoy ? nos raisons ne sont-ellés pas assez fortes ? elles l'ont retenu plus de trente ans avec nous : mais la crainte de la rançon, l'esperance d'un repos, l'attente d'un benefice riche, les promesses de cela ont esté plus fortes pour le faire reuolter, apres que Dieu l'a iustement abandonné à son sens. Qu'il responde à nos rai-*

sons, qu'il y apporte la quinte essence de Belarmini, & de du Perron son maistre, & de Panigarole, avec les memoires que les Iesuites luy minudent: car il n'ameine rien qu'il ne prene là. Ils luy font porter la marote, & nous veulent espouuanter de son nom. Et quant à nos raisons, elles nous sont prou fermes, elles sont puisees en la parole de Dieu. C'est l'Euangile, que tout le salut est par vn seul Iesus Christ. C'est le conseil de Dieu, Dieu ny change rien: c'est l'Euangile eternal. C'est là nostre religion. Maintenant, ie luy demande quelque chose de plus que les autres Iesuites n'ot encores amené pour soutenir la Papauté: car tout ce qu'ils ont allegué iusques icy, est esuenté, & mille fois confuté. Qu'il nous face paroïr par quelque texte de l'Escripture sainte (puis qu'il dit qu'il la croit comme nous) qu'on est sauué par la Messe, & non autrement, & que la mort de nostre Seigneur n'a aucune vertu, si le Prestre ne châte ou ne marmote vne Messe: qu'il nous prouue cela, & le reste de la Papauté par l'Escripture sainte.

Au reste, il veut que nous luy prouuions les Articles de la foy par demonstrations. S'il ne veut cela, pourquoy dōc, dit-il? *Et ne m'alleguez point que les articles de la foy ne sont point subiects aux demonstrations. Car cela est bon contre vn Payen qui ne s'accorderoit point des principes avec vous: mais non contre moy qui suis Chrestien, & qui recognoy & croy la sainte Escripture,*

*comme l'Eglise nous l'a aprins à vous & à moy : & partant (dit-il apres) il est aisé de me forcer à croire ce qui sera fondé sur ces communs principes. Quoy ? que veut cest homme ? disons-nous rien, croyons-nous rien, que nous ne demonstions vray par les principes de la parole de Dieu ? Que veut-il plus ? mais, comme a esté dit, qu'il nous en face autant apparoir de leur part. Nostre religion est toute articles de foy, & tous fondez en la parole de Dieu : & nous n'allōs pas chercher autres demōstrations que de l'Escripture sainte & qui conuiennent à la nature de Dieu, selō qu'en cognoissons par la parole de Dieu & de ce qui est propre à Dieu, & du merite de la mort de nostre Seigneur, & selon que porte le mystere de nostre redemption. Sçauroit-il trouuer meilleures demōstrations (pour se sauuer de l'opinion dans la certitude) que par la parole de Dieu ? y a-il rien de plus certain, que ce que Dieu a dit ? C'est là où nous-nous fondons, & non sur les inuentiōs des hommes, qui ne sont que mensonge, fallaces & abus.*

Page 33.

De Sponde laisse la parole de Dieu, pour se fonder sur l'Eglise, & là dessus dit en marge, que le poinct de l'Eglise est vn article de foy : & partant, que nous ne trouuions point estrange, s'il se fonde là dessus. Pourquoi se fonde-il là dessus ? que ne le dit-il ? Il n'ose, il a honte de le dire, n'est-ce pas que l'Eglise ne peut errer ? Il se fonde donc là, que puis qu'il croit l'Eglise, & que c'est vn article de foy de

croire l'Eglise: que c'est dōc vn article de foy, de croire qu'elle ne peut errer, quoy qu'elle, ordonne. Mais l'article ne dit pas cela, & l'Escripture sainte le ~~monstre~~ cōtraire. Quoy? l'article de l'Eglise porte-il, que l'Eglise laissera la parole de Dieu pour s'ordonner, & se faire vne autre parole de Dieu à sa fantasie? qu'elle s'establira d'autres loix & d'autres deuotions, que Dieu reprouue par sa parole? Si l'Eglise est Eglise de Dieu, faut qu'elle soit sujette à Dieu, & se fonde sur sa parole. L'Eglise est appelée le Royaume des cieux, & l'Escripture sainte ou la parole de Dieu, la parole du regne. Il faut donc que l'Eglise se gouerne par la parole de Dieu. Cōment seroit autrement l'Eglise colonne & establisement de verité, & la maison de Dieu? Comment seroit-elle bien conduite? Vous errez, disoit nostre Seigneur, ne sçachans les Escriptures. Item, N'avez vous pas leu? Item, Sondez les Escriptures. Que dirōs-nous donc de Sponde, qui prefere le Pape & son Eglise à la parole de Dieu? Croire l'Eglise, est-ce croire que le Pape & son Clergé soit l'Eglise? qu'il n'y ait Eglise que cela, & qu'il faille croire ce que le Pape dira & ordonnera, encore que soit contre l'Escripture sainte? qu'il ne peut errer, que cela est bon, comme si Dieu l'auoit dit, & qu'il se faut fonder là pour la religion, & non sur la parole de Dieu?

Pour faire fin à ceste premiere partie de Page 54.  
ses declarations, il nous fait vne question, à



sçauoir, si nostre compagnie est ceste Eglise  
 visible (où dit-il) Dieu veut qu'il face son sa-  
 lut. Il se persuade que non, & qu'il le nous  
 montrera par causes qu'il nous en deduira, &  
 nous prie de les lire avec vn esprit de patien-  
 ce & de charité: ce que nous luy accordons;  
 à condition que si nous y trouuons telles fal-  
 laces & impostures que cy dessus, que nous  
 ne le flaterons non plus: mais s'il a quel-  
 ques raisons meilleures, que ce que nous a-  
 uons veu iusques icy, pourquoy n'acquiesce-  
 rons-nous?

*Fin de la premiere partie.*





LA  
CONFVTATION

DES DECLARATIONS  
de M. Iean de Sponde, & des Argu-  
ties de Robert Belarmini Iesuite.

LA SECONDE PARTIE.

**N**ous accordons facilement  
au sieur de Sponde ce que Page 55.  
il dit, *que chacun desire d'es-  
tre sauué, & que tous n'en  
viennent pas à bout : mais  
nous ne luy accordons  
pas ce qu'il croit, que c'est  
faute d'une colonne de fen,  
& d'une nuee.* Car nous l'auons, & qui vaut  
mieux, veu que nous auõs la parole de Dieu:  
& en outre, le saint Baptisme, & la sainte  
Cene, nous serõt pour colonne & pour nuee.  
Dieu n'a rien laissé en arriere pour nous me-  
ner à salut. Pour y paruenir, de Sponde parle  
d'aller en quelque terre sainte. (Il entend l'E-  
glise Romaine :) *vent que nous scachions que  
Dieu l'a ramené, l'a trouué lors qu'il n'y pensoit*

Page 56.

Hcb. 10. 20

pas, l'aretiré de ses imaginations, d'apres les veaux d'or: & qu'il estoit comme ceux qui adorent les mesmes Dieux qu'ils font. Brief, il veut que nous sçachiōs que Dieu a fait miracle en luy, & luy a apporté ceste lumiere du ciel. Si ce n'est ce qu'il veut dire en son proesne, ie ne sçay pas que c'est. Mais apres il dit, qu'il est aisé à croire que, puis que Dieu veut que nous soyons sauuez, qu'il nous en monstre le chemin. Ce que nous accordons; & disōns dauantage, qu'il nous a fait & dressé le chemin, donné ce qu'il faut faire; ordonné ce qu'il faut croire, & pourueu luy-mesmes à tout. Il a fait nostre salut, par la redemption qu'a fait son Christ de nous: l'a esleué en gloire pour regner à nostre salut, nous a donné sa parole pour croire, ses promesses pour demander & esperer salut, les oracles des Prophetes & son Euangile pour en estre bien asseurez, avec les gages de ce salut en nos Sacrements: nous fait croire par son Esprit, nous fait crier à luy, nous repentir de nos pechez: nous fortifie & console, & ne nous abandonne pas, qu'il ne nous ait mené à salut. Ie dy ceux qui sont escripts en son liuré de vie. Le rendez-vous que Dieu nous done, c'est là. De Spōde dit, que c'est l'Eglise; Cela seroit bon pour dire à des Turcs: mais ceux qui sont nez en l'alliance de Dieu (comme ceux de l'Eglise Romaine & nous) sont en l'Eglise; & partant au rendez-vous dont il parle, ne reste sinon d'y seruir Dieu en pureté, & se retirer des idoles,

& arriere de toute iniquité.

Mais il ne trouue pas *qu'il y ait plus d'une E-* Page 57.

*glise*: Ce que nous accordons, pour l'Eglise Catholique ou Vniuerselle (comme est porté par les articles de nostre foy) qui est la communion des Saints. Car de toutes les Eglises, de tous royaumes & nations, Dieu n'en fait qu'une, vnice en une foy, en un esprit, en une loy, en un Euangile, en un Christ, en un baptême: & ainsi qu'il n'y a qu'un Dieu. L'Eglise c'est son temple, sa maison, & sa demeure speciale par tout en terre. L'Arche pour l'adoration: C'est son Christ qui est le propitiatoire pour nos pechez, en qui sont cachez, gardez, & departis tous les thresors de Dieu. Nous tous en luy (iceluy estant nostre chef) sommes le temple de Dieu, sa Ierusalem descendue du ciel, le royaume des cieux, où il regne par sa parole, qui est la parole du royaume. Nous sommes tous la gent sainte, la sacrificature royale. Car il nous a tous faits Rois, pour regner sur le peché, sur Satan & l'enfer: & tous Sacrificateurs, pour luy presenter chacun pour soy-mesme, nos prieres au nom de son Christ.

Nous confessons donc, que tous ne deuons auoir qu'une croyance au cœur, une confession en la bouche, qui est celle de l'Eglise Catholique, à sçauoir, que le salut est de Dieu & de l'Agneau: & le tout sous la conduite de ceux à qui Dieu a donné l'intelligence de ses mysteres, qui ont legitime vocation

Apoc. 7. 10

Heb. 13. 20

en l'Eglise de Dieu, y sont fideles pasteurs sous l'autorité d'un seul grand & souverain pasteur Iesus Christ nostre Seigneur. Nous croyons aussi comme luy en cecy, *Que la compagnie où Dieu se plaist, c'est la compagnie liée de l'union de charité, toute entiere, toute d'accord en ceste confession de foy, ayant la parole de Dieu pour reigle, le S. Esprit pour conduite, depuis un bout du monde iusques à l'autre.* Et de vray, c'est la bergerie vnique, où Dieu rassemble ses brebis, soit de Iuifs, de Perles, de Turcs, de Grecs, & d'autres nations. Là de vray ses brebis ne oyent que sa voix, & ne mangent que sa pasture. Sa parole est leur aliment, & ne cherchent laviande & pasture de leurs ames qu'en l'Ecriture sainte, ne salut & vie eternelle qu'en Iesus Christ.

Mais combien qu'il n'y ait qu'une Eglise, à sçavoir vniuerselle, toutesfois il y a plusieurs Eglises desquelles elle est composée, comme un tout de ses parties, comme mesme de Sponde dit. Or d'icelles, les vnes sont plus pures que les autres: & arriuera que la plus impure chargera d'iniures les plus pures; ne parlera que de pieté, de l'honneur de Dieu: voudra que son idolatrie soit receüe pour vray seruice de Dieu, ses superstitions pour religion, ses folies pour deuotion: mesmes sa fureur, sa frenesie, & sa rage pour zele, & que ce qu'elle fera pour un gain deshonneste, soit reueré comme si Dieu l'auoit ordonné.

C'est où nous en sommes avec l'Eglise Ro-

maine : car c'est elle qui marche noblement, & en plus grand apparat. C'est elle qui crie le plus haut, qui proscriit, qui despoüille, qui detrosne, qui enuoye en enfer, qui se dit auoir les clefs du ciel, & que nul n'y entre si elle n'ouure. C'est elle qui publië auoir tout pouuoir aux basses regions de l'enfer. C'est elle qui se dit l'Eglise vniuerselle, le rendez-vous de tous, qui se jacte d'auoir Dieu presët, qu'elle ne sera iamais vesue, qu'elle sera tousiours Royne. C'est la nouuelle Sion; la Ierusalem citë saincte, & se iacte qu'il ny a Eglise qu'elle. Que toutes les autres Eglises se rendent là, comme les lignes à vn poinct, les rayons à vn Soleil, & en dependent comme les membres d'un chef, comme les filles de la mere. C'est l'Arche de Noë. Il n'y a baptesme, foy, salut, charité, & seruice de Dieu que là. Que nous auons parole de Dieu, Sacramens, salut, & le ciel d'elle. Que c'est elle qui a engendré & porté dans ces flancs toute la Chrestienté, l'a allaittee & esleuee iusques icy. C'est elle qui se dit le siege de la cognoissance de Dieu, le premier siege de l'Eglise, l'vnité de foy, d'esprit & d'intelligence, le phoenix du monde. Les autres Eglises qui ne sont vnies avec'elle, ne sont que des hiboux; qu'elle & les autres n'en font qu'une, & dont elle est la matrice. Son Euesque, monarque de toutes les Eglises, qu'il a tout pouuoir sur la parole de Dieu, & luy donne son authorité: ensemble sur tout ce qui est de Dieu, de son

seruice, de ses mysteres, & les a tous dans son front, & au cabinet de sa poiëtrine : qu'elle a tousiours le saint Esprit ; qu'elle ne peut errer, qu'autrement Dieu seroit mêteur, qu'elle est la bouche de Dieu, le siege Apostolique, le propugnacle & bouleuart de la vraye Religion ; & qu'elle seule a terrassé toutes les heresies du monde. Item, que Dieu a constitué son Euesque pour chef, pour prince à tout son Israël, pour son lieutenant & pour Seigneur & Dieu au monde : & que qui ne le recognoistra pour tel, soit mesme prince, Roy, ou Empereur, estat, peuple, ou nation, soit exterminé de la terre : leurs biens, honneurs, grades, & estats, pros crits & donnez au premier occupant. Item, que Dieu luy a donné tout pouuoir sur les ames, sur les corps, sur les biens, sur la terre, dans le ciel, & en l'enfer : & de tout cela nous monstrerons qu'il n'en est rien. Nous produisons nos raisons. Nous parlons deuant tout le monde : montrons la parole de Dieu qui est l'Ecriture sainte pour nous, & la primitiue Eglise, & les plus anciës Docteurs ; en faisons chacun iuge, & ne demandôs que d'estre ouys avec patience. C'est ce que nous auons maintenant à disputer contre le sieur de Sponde & les autres Iesuites, & notamment contre Belarmini.

Nostre aduersaire veut qu'on regarde l'estât des religions ; & en combien de sortes ceste vnitë est deschiree : Ce que nous auons desia fait, & en auons fait vn bon estat.

C'est que l'Eglise Romaine s'est esleuee sur les autres Eglises, s'est perdue en son orgueil, s'est plongee en vn cahos d'erreur & d'ignorance, a remply la terre de sang, le ciel de tenebres, & a esté horreur à l'enfer mesme, a esté huee mesme des Anabaptistes, & autres heretiques de nostre temps: n'a esté soustenue que de ses pensionnaires, & de gents à loüage, gents factieux qu'elle nourrist & soudoye exprez, & qui abbayent contre Iesus Christ, falsifiēt le mystere de nostre redemption, pour vne lippee de soupe, qu'ils attendent du Pape: ainsi en font les Iesuites. L'vnité de l'Eglise a esté à son occasion deschiree, & chacun s'en sauue, s'enfuit & s'en depart, preuoyant l'orage qui tombera sur babylon. *Mais qui en pense tenir toute la piece?* nous? Parlez de vous, qui vous vantez d'estre la mere des Eglises, & de l'Eglise de Dieu, n'en auez qu'un bien petit eschantillon. Or quant à nous, nous n'auons point deschiré l'vnité, pour nous estre departis d'avec vous: Car nous auons l'vnité de foy & d'esprit, croyans & sentans vne mesme chose entre nous selon la parole de Dieu, mesmes avec vous en ce que vous croyez selon l'Escripture sainte, & le Symbole des Apostres. Et autrement qu'auons-nous affaire de vous, ny avec vous? Nous disons, que de vray nous sommes Eglise de Dieu, & le monstons: membres de l'Eglise vniuerselle; & non toute l'Eglise, ny la mere d'icelle, comme vous dites qu'est l'E-



eglise Romaine qui crie contre les auters Eglises, & se vante d'estre le phoenix. Quant aux heretiques, comme les Arriens & les autres, qui se sont dits l'Eglise, & ont tenu les autres pour hiboux, vous tenez d'eux en cela: car vous n'estimez que vous. Il vous semble que s'il n'y auoit plus d'Eglise Romaine, de Rome, de Pape, & de Cardinaux, que l'Eglise mourroit quant & quant, & qu'il n'y en auroit plus: Comme s'il n'y en auoit pas eu auant Rome, & dès le commencement du monde, & comme si Dieu l'eust attachée aux montagnes de Rome, & aux murailles d'icelle à fer & à clou. Mais ne refue pas de Sponde, de dire que les heretiques ont maintenu iusqu'à la mort qu'ils estoient l'Eglise de Dieu? Qui trouue-il qu'o ait fait autresfois mourir sur ceste question? Qui a iamais poursuyui les heretiques ou fait mourir pour cela?

Il trouue mauuais que chacun estat ait son Eglise. Et quoy? Ierusalem a eu la siene, Alexandrie la siene, Antioche aussi, Constantinople de mesme, & encore sans recognoistre Rome, la Gaule iadis, & chacū Royaume aussi. Ephese auoit la siene, Smyrne aussi & les autres villes d'Asie chacune son Eglise, & toutes Eglises de nostre Seigneur, membres de l'Eglise vniuerselle, & toutes faisans ceste Eglise Catholique. Et icelles prinſes particulièrement, les Apostres les ont appellees Eglises, & à chacune ont donné ce nom d'Eglise. Nostre Seigneur mesmes a dit, & toutes les Eglises



les ſçauront, que ie ſuis celuy qui fonde les reins & les cœurs. Cepẽdant il ne plaift pas à de Sponde, de croire qu'il y ait tant d'Eglifes: Pourquoi ? pour ce qu'il y void quelque diſcord en quelque poinct de doctrine. Le reſpõ, qu'il n'en fut, ny n'en fera iamais autrement; nõ pas en l'Egliſe Romaine meſme. Mais s'il penſe que nos Eglifes reformees, diſcordent aux poincts principaux & fondamentaux de noſtre ſalut, qui font & qui conſtituent l'Egliſe: il ſ'abufe. Nous auons monſtré cela cy deſſus ſuffiſammẽt, & que nous ſommes tous d'accord en cecy, Que le ſalut eſt de Dieu & de l'Agneau; Que la ſemence de la femme a briſé la teſte du ſerpent en Ieſus Chriſt noſtre Seigneur: & qu'en luy ſont benites, & ont ſalut toutes les lignees de la terre.

De Sponde ne voudroit voir qu'une Eglife, à ſçauoir l'Egliſe Romaine: pour ce qu'entre tant d'Eglifes, il eſt en peine de choiſir à laquelle il ſe rangera. Et pourtant il ſ'eſcrie, *Et moy poure errant & vagabond, où iray-ie? Aux paroles de quel maĩſtre faut-il que ie iure? Donnez-moy vne guide, comme à vn auẽgle; & en ma perſonne, guidez ceux qui le ſont.* A qui ne feroit-il pitié? Car le voilà eſtonné comme vn auẽgle qui a perdu ſon baſton. Il ſe plainct qu'il ne ſçait à quelle Eglife ſe ranger, ne laquelle eſlire de tant qui ſe preſentent. Quoy ? pleure-il pour cẽla? Si y a-il bon remede à ce mal. Qu'eũt-il fait s'il eũt eſté du temps de ſainct Paul en la Grece, ou en l'Asie du temps de S.

Iean, ou du temps de S. Pierre vers Babylon, & qu'il eust veu tant d'Eglises; laquelle eust-il choisi? N'eust-il pas laissé les sept Eglises d'Asie, pour se rendre à celle de Rome? Que trouue-il en ceste-cy plus qu'és autres, sinon vn Pape, des Cardinaux, & vne Cour de Sardanapale, avec vn bordeau, & vne eschole d'atheisme? cela luy plaist-il plus que l'Eglise de Geneue, de Basle, & tant d'autres Eglises reformees qu'il a veu en France mesme. Qu'il se range où il void la pureté selon la parole de Dieu.

Matth. 23.  
8. 9. 10.

Il demande aussi *aux paroles de quel maistre il iurera*. Quoy? n'y a-il pas vn Dieu? n'a-il pas parlé? n'auons-nous pas sa parole? Sa parole n'est-ce pas le vieil & le nouveau Testament? Il ne peut dire le contraire: qu'il iure là; Aux paroles de qui donc? Nostre Seigneur a dit, Vous n'appellerez aucun pere en la terre; car vous avez tous vn Pere au ciel qui est Dieu: Ny ne vous appellerez aucun maistre; car vous avez tous vn Maistre qui est Christ, & estes tous freres. C'est donc nostre Seigneur qui est nostre Maistre; & nous tous ses disciples: Il a autant d'autorité sur le grand que sur le petit. En cela nous sommes egaux: & faut que tous iurions en sa parole, & la suyuions, aussi bien le pasteur que le troupeau. Le pasteur n'y a non plus d'autorité pour s'en dispenser, & y changer ou diminuer, ou adiouster, que le moindre de l'Eglise. Le pasteur y doit estre le plus fidele, comme Moyse,

qui ne fit jamais rien sans cōsulter la bouche  
 de Dieu, & que Dieu n'eust parlé à luy. Dieu <sup>Hebr. 1. 1.</sup>  
 a parlé à nous, nous auons sa parole; c'est la S.  
 Bible, iurons là: & n'ayons autre Maistre que  
 nostre Seigneur, qui a parlé en la vertu de son  
 Esprit par ses Prophetes & Apostres. Le Pere <sup>Mat. 17. 5.</sup>  
 a dit, C'est mō Fils bien-aimé, escoutez-le. Le  
 S. Esprit a esté sur luy: & il est le docteur des <sup>Mat. 3. 16.</sup>  
 Gentils, le ministre des Iuifs, & l'Apostre de <sup>Rom. 15. 8.</sup>  
 nostre confession. De Sponde dit, *donnez-moy*  
*une guide, comme à un aueugle.* Pour guide nous  
 luy donnons nostre Seigneur: le sçaurions-  
 nous mieux adresser? Il est la lumiere du  
 monde, la gloire d'Israël, & la lumiere des <sup>Luc 2. 32.</sup>  
 Gentils, le tesmoin fidelle, l'Amen & le veri-  
 table. C'est l'Eternel qui donne des yeux à <sup>Apoc. 3. 7.</sup>  
 ceux qui rien ne voyent. Aimera-il mieux le  
 Pape, & ses Decrets, Canōs, Decretales, Cle-  
 mentines & Extrauagantes, que nostre Sei-  
 gneur & son Euangile pour guide? De vray,  
 de Sponde mōstre bien qu'il est aueugle: Car  
 il a veu de belles Eglises pures en doctrine,  
 mesmes en mœurs, & fleurir en pieté; ie dy  
 tout ce qui se peut, en ce dernier temps si cor-  
 rompu. Il y a este nourri, receu honneurs,  
 courtoisies, & bien-faits en sa necessité, où il  
 est obligé: & maintenant il les mescoignoist,  
 comme s'il auoit perdu l'entendement, & par  
 dessus icelles il exalte l'Eglise Romaine leur  
 ennemie, où il ne void regner qu'impieté; ie  
 dy s'il ne veut s'aueugler soy-mesme. Il fait  
 comme celuy auquel on presenteroit en par-

ty de mariage, le choix entre plusieurs pudiques & tresbelles filles, & les mespriserait, & diffamerait toutes, pour prendre quelque monstrueuse & contrefaite, & qui encore seroit putain. Ainsi fait-il quand il laisse les Eglises reformees de France, pour estre Catholique Romain, & porter des chandelles aux images selon la deuotion Romaine. Demande-il donc où il ira, pour estre en l'Eglise catholique? Il se faut rendre en l'Eglise, qui se comporte selon la parole de Dieu: Si quelque vne de ces Eglises differe de l'autre, ou en ceremonie, ou en quelque point de doctrine, si ne s'en faut-il pas departir pour cela; si ce n'est qu'elle erre es points fondametaux du salut, & sinon qu'on n'y puisse subsister (comme est en l'Eglise Romaine) sans idolatrer. Mais que fera celuy qui est come vn aueugle, & ne sçait où aller? Nous respōdōs, que maintenant n'est aueugle en l'affaire de nostre salut, que qui le veut estre. Dieu n'est pas loin de nous; nous auons sa parole. Il n'est point question de dire, Qui ira au ciel pour sçauoir ce qu'il nous faut faire: ou qui ira aux enfers pour parler à quelqu'un, & nous rapporter comment nous deuons nous gouverner? Nous auōs Moysē & les Prophetes, nostre Seigneur & les Apostres; croyons-les. Nous auons la parole de Dieu, apprenons: Dieu y parle à nous, escoutons, & demandōs son Esprit: mais celuy qui ne sçait rien de cela, où ira-il? que fera-il? Nostre Seigneur ne se laisse pas

Deut. 32.  
Rom. 10.  
Hebr. 1.  
Luc 16.

sans tesmoignage, & oit ceux qui le prient de bon cœur. Mais dequoy se soucie moins le monde, que d'aller droict? Que hait-il que la verité? l'ignorance luy plaist. Comment l'excusera-elle? Que si l'aveugle prend vn aveugle pour sa guide, tous deux tomberont en la fosse. Nous tenons donc que l'Eglise où il se faut rendre, c'est là où est la seule parole de Dieu pour guide, là où on croit que le salut est de Dieu & de l'Agneau; c'est à dire d'un seul Dieu & par vn seul Iesus Christ, sans luy donner autre pour compagnon, ny autre chose avec luy. Qui croit ainsi, est en l'Eglise Catholique & vniuerselle, & est de la communion des Saints. Car l'Eglise qui tient ceste foy, est membre de l'Eglise vniuerselle; est en icelle, comme vne partie en son tout: & l'Eglise vniuerselle est en ceste-cy comme vn tout en vne de ses parties, & comme tout le corps en vn de ses membres, ou la mer en vn de ses fleuves; & autrement ne peut-on estre en l'Eglise vniuerselle, non pas l'Eglise Romaine même. L'Eglise de Corinthe, celle d'Ephese, & les autres du temps des Apostres y estoient ainsi; & l'Eglise Romaine ne plus ne moins, & ne faisoit qu'un membre, partie de ceste Eglise vniuerselle: comme à present elle n'en fait qu'un membre, mais impur & corrompu, & iadis bien sain.

De Sponde dit apres, *qu'il entend que chacun dit qu'il n'y a qu'une Eglise; qu'il le croit, puis que tout le monde le dit: & qu'il faut qu'il soit vray,*

*puis que nul ny contredit.* Mais est-ce raison valable ? Vne chose sera-elle vraye , pource que tout le monde le dit ? Je dy si elle n'a pas la parole de Dieu pour fondement . C'est donc qu'il faut plustost croire qu'il n'y a qu'une Eglise, pource que Dieu l'a dit, & qu'il est ainsi montré par sa parole, & porté par les articles de nostre foy : car toutes les Eglises de dessouz le ciel, n'en font qu'une deuant Dieu, en foy, en esperance, en salut, en vn Christ, en vne vie eternelle, en vn esprit, en vn baptisme, & en vne regeneration.

Il demande, *si ceste Eglise n'est pas visible ?* Qui le nie ? Que cherche-il dōc ? Il se veut donner du plaisir, & entrer en vne dispute d'inuisibilité d'Eglise . Ceste Eglise vniuerselle, ne se voit-elle pas és Eglises particulieres qui la constituent ? Tu verras l'Eglise Catholique, c'est à dire vniuerselle, en ceux qui font profession de la vraye Religion ; non que tous ceux qui font ceste profession soyent vrais membres de ceste sainte Eglise : Car il y a des Cains, des Sauls, des Corez, & des Iudas. Mesme l'Eglise souuēt n'apparoist en ses vrais & fideles membres, que cōme le grain souz la paille. Car encore qu'un grand corps d'Eglise apparaisse, & vn corps de peuple tout en l'alliance de Dieu ; qui discernera l'hypocrite d'auec le fidele vray & entier, là où on void que tout le corps est corrompu, quoy que l'alliance de Dieu y soit ? Helie pensoit estre seul en Israël, qui estoit encore tout en

l'Eglise de Dieu, & Eglise de Dieu; & pensoit qu'il n'y eust que luy, & Dieu luy dit: Je me suis reserué sept mille hommes, qui n'ont point flechy le genoüil deuant Baal. Ainsi en est-il tousiours, que Dieu a quelque residu. encore qu'il ne se voye pas; non pas que ces hommes soyent inuisibles, mais on ne les cognoist pas pour enfans de Dieu: Car c'est vn don que nul ne cognoist que celuy qui l'a receu. Les fideles qui s'entreuoyent, en se voyans les vns les autres, voyent ceste Eglise, & les Anges la voyent, & la gardent.

Mais puis que nous confessons que l'Eglise est visible (ainsi qu'il a esté dit) & que non seulement Dieu la void, & ses Anges; mais nous aussi la voyons, nous y voyons naiz, nourris, & instruits, quelles disputes va-il bastir sur ceste inuisibilité d'Eglise? Luy-mesmes ne dit-il pas apres, *que nous voyons la compagnie des hommes: mais que ce soit la vraye Eglise de Dieu, nous ne le voyons point, & qu'il nous suffist de le croire?* ce sont ses propres mots en la page 66. Page 59.

Il faut voir maintenant ses raisons. Dieu, dit-il, *qui pour se monstrier à nous, a daigné se faire visible, comment nous est-il si enuieux de nostre bien, que de nous en desrober la venë?* Et luy qui recommande tant la charité, est-il si peu charitable luy-mesme, que de nous cacher ce thresor? Et s'il ne nous monstre point où il se tient, où veut-il que nous l'allions chercher? Dequoy nous condamnera-il si nous luy alleguons l'excuse de nostre ignorance,



*laquelle neantmoins nous ſçauons bien qu'il n'acceptera pas?*

Nous auons monſtré comment l'Egliſe eſt viſible, & commēt auſſi elle eſt inuiſible; à cela on ne peut contredire. Mais ce n'eſt pas de cela que nos aduerſaires diſputent: ſ'il n'y auoit autre choſe, nous ſeriōs toſt d'accord. Ce qu'ils veulent que nous leur accordions, c'eſt qu'il faut que l'Egliſe ait vn eſtat grād, ſplendide, & apparēt, auquel on la puiſſe toujours voir & remarquer, à fin qu'on ſ'y réde (diſent-ils) pour eſtre ſauué: & veulent que l'apparat de l'eſtat ſuperbe & magnifique de l'Egliſe Romaine ſoit ceſt eſtat, & qu'en cela l'Egliſe Romaine ſoit ceſte Egliſe viſible. C'eſt leur raiſon (car l'Eſcriture ſaincte leur deſaut) pour maintenir leur hierarchie Romaine. Ils diſent donc, qu'il eſt de beſoin que l'Egliſe ait vn Pape, des Cardinaux, des Archeueſques, & ceſte pōpe magnifique d'Eueſques, d'Abbez, & du reſte de leur Clergé; & avec tout ce luſtre & eſclat, l'amas de leurs ceremonies: & qu'il faut que l'Egliſe ſoit remarquable par là, qu'elle ſoit ainſi viſible, qu'autrement ne le peut eſtre; que ſi elle n'eſtoit viſible nul ne ſ'y rendroit. Que ſi on ne ſ'y rendoit pour ſçauoir ce qu'il faut croire, qu'on ne ſeroit pas ſauué, & les ames ſeroient perdues: Car le ſalut & le threſor de vie, n'eſt qu'en l'Egliſe.

Le reſpon, que ce n'eſt pas de la perdition des ames qu'ils ont peur, ains de perdre leur



autorité, leur domination superbe, & ceste  
 primauté & hierarchie, & le reuenu qui en  
 prouient dont ils iouyſſent. C'eſt ce qui les  
 fait crier; chacun le void. Ils m'appelleront  
 iniurieux, de dire ce qui eſt vray: mais i'ap-  
 pelle à teſmoin leurs conſciences deuât le iu-  
 gement de Dieu. N'a-on pas le ſalut ſans ce-  
 la? giſt-il en ce faſt & apparat? Eſt-ce en la  
 Papauté où eſt le threſor de vie? Ne ſçauons-  
 nous pas par la doctrine des Prophetes &  
 des Apoſtres, ce que nous deuons croire,  
 ſans le prendre de la bouche du Pape? Ce  
 n'eſt qu'abuz, ſimonie, idolatrie, erreur &  
 ignorance. Au reſte, j'ay monſtré que nous  
 ſommes tous en l'Egliſe, & ne nous faut pas  
 de marques pour la remarquer, à fin de nous  
 y rendre. Et monſtreray cy apres, que ceſt  
 eſtat papiftique n'eſt ny de l'Egliſe, ny ne  
 fait l'Egliſe, ny n'eſt marque d'icelle; veu  
 que cela n'a aucun fondement en la parole de  
 Dieu. Et meſmes qu'en cela il n'y a ny l'anti-  
 quité, ny la multitude, ny le conſentement,  
 ny la ſucceſſion qu'ils requierent pour mar-  
 ques de l'Egliſe. Car cela n'eſt pas des Apo-  
 ſtres, ny practiqué en la primitive Egliſe, ny  
 n'a eſté receu en toutes les Egliſes de l'vni-  
 uers. Pluſieurs y ont contredit par l'authori-  
 té de la parole de Dieu: Et leur ſucceſſion Pa-  
 piſtique n'a point ſon cômencemēt des Apo-  
 ſtres, n'y de trois cēs ans apres. Nous mōſtre-  
 rons cela, & auſſi ferons-nous voir, que tant  
 s'en faut q̄ ceste hierarchie, primauté, & do-

mination soit de la parole de Dieu; qu'au contraire nostre Seigneur a defendu cela Matth. 23. Et dauantage ie leur prouueray, que s'ils veulent dōner leur hierarchie pour marques de l'Eglise chrestienne au Turc, à fin qu'il s'y rende, que cela ne l'y peut attirer, ains l'en rebutera plustost: & que la marque & tesmoignage de la vraye Chrestienté, est en la doctrine de la sainte Bible, & és articles de nostre foy, & nō en ce fast & masque de Papauté, qui est plustost la peste & corruption de l'Eglise, que non l'Eglise, ny marque d'Eglise. Je respon maintenant plus particulièrement aux raisons de nostre aduersaire.

De Sponde prend l'Eglise Romaine pour nostre bien, pour nostre thresor, pour le lieu où Dieu se tient, & où il veut que nous l'allions chercher. Veut-il donc dire, que s'il n'y auoit d'Eglise à Rome, s'il n'y auoit de Pape, ny de son Clergé au monde, que Dieu nous auroit caché & desrobé la veuë de nostre biē, & seroit enuieux de nostre salut? Et quoy? Auuant que Rome fust, & qu'à Rome y eust ny Pape, ny Cardinal, ny tel Clergé que celuy de present, il n'y auoit ny Eglise, ny bien, ny salut, ny vie? Où en sommes-nous? Le Pape & son Clergé est-ce nostre thresor? est-ce nostre Seigneur, est-ce nostre salut? quelle horreur! Et la charité est nulle en Dieu, & Dieu nous est ennemi, si la Chrestienté n'a point de Pape, & vn autre chef pour la viuifier & conduire par sa parole que nostre Seigneur, & vne

Papauté ou Hierarchie pour phare, à fin de la remarquer à cela? Si est-ce que du temps des Apostres, l'Eglise n'auoit pas de Pape: Dieu estoit donc sans charité (au dire de Sponde) Mais pense-il que Dieu se tiène à Rome plus qu'ailleurs? fait-il là sa demeure speciale & son plus beau logis, & là où on croit à la façon Romaine? Je demande, où demeurait donc Dieu, auant que vint la religiō Romaine? Sa demeure n'estoit point avec les fils des hommes en Ierusalem & ailleurs? Dieu veut estre cherché où il est purement inuouqué, & inuouqué seul, & selon sa parole, par vn seul mediateur. Il dit que Dieu n'acceptera point nostre ignorance pour excuse, il dit vray: Mais comment se plaist donc l'Eglise Romaine en son ignorāce, & ne hait rien tant que la science de son salut? Et pourquoy l'y entretiennent donc ses prescheurs, qui ne parlent que d'une foy implicite? C'est de croire ce que l'Eglise croit: c'est à dire ce que le Pape croit, sans sçauoir que c'est. Pense-il que ce soit ignorance, de ne croire que l'Eglise Romaine soit l'Eglise vniuerselle? Le croire sera ignorance: & la prendre pour membre & partie de l'Eglise vniuerselle (ainsi qu'a esté dit) c'est ce qu'il en faut sçauoir. Elle n'est non plus le phare, ny le chef, ny le gouuernail des autres Eglises: c'est le Seigneur par sa parole, & par la grace de son esprit. Et l'Euesque de Rome, & son Eglise, n'a pas en cela plus que l'Eglise de Milan & son Euesque, ou quelque autre;

voire fust-ce du moindre lieu du mōde. Nous disons donc, que Dieu s'est fait visible, que l'Eglise est visible (cōme a esté dit) que Dieu ne nous cache rien de ce qui est de nostre salut; que nous auons sa parole où il parle à nous, & nous dit tout, nous expose tout son conseil, nous declare sa volonté. L'ignorance n'a pas donc d'excuse. Dieu cacha anciennement l'Arche, & l'osta de la veuë d'Israël: mais maintenant il ne nous oste rien. Il nous mōstre tout ce qui se peut voir à l'œil & à l'esprit, ce qui se doit & se peut croire pour nostre salut. Il est vray que nous ne voyons pas discerner les reprouuez d'avec les esleuz, qui sont ceste vraye Eglise sainte, prise de par tout le monde, & à laquelle appartient le salut, vn seul Dieu cognoist ceux qui sont siens. Ce n'est pas à nous aussi de voir cela: Il n'est pas de besoin, & n'en auons affaire. A qui ferions-nous du bien? quelle amitié! quelle horreur! quelle pitié, si le pere cognoissoit son enfant reprouué, ou l'enfant le pere, ou le mary la femme! Dieu seul discerne & cognoit ce qu'il en a ordonné; non nous. Nous nous aimons tous, Dieu le commande, iugeons les autres appartenir à Dieu, & leur faisons bien. Dieu le veut, & là exerçons nostre charité. *Il dit qu'il n'a garde de croire que ceste Eglise soit si desliée & subtile, quelle soit toute inuisible.* Ce n'est aussi ce q̄ nous voulōs qu'il croye, & ne luy disōns pas cela. Nous nous accordōs plustost avec luy, qu'elle n'est pas inuisible;

S. Bern. ser.  
78. sur les  
Cantiques.

ains qu'elle est visible és Eglises particulieres.

Il dit, *que si l'Eglise ne se voyoit point, ce seroit vne chimere fantastique que nostre Religion.* Nous auons dit comme l'Eglise se void, en ce qu'elle est d'hommes visibles, qui font profession de la vraye Religion, qui sont en l'alliance de Dieu, & suyuent sa parole. C'est là où Dieu se tient, & où il veut que nous le cerchions selon sa parole. Nous ne sômes pas de pire condition que les Iuifs : la venuë de nostre Seigneur nous a fait encore plus heureux que les Iuifs. L'Eglise qui lors ne se voyoit qu'en la Iudee, se void maintenant par tout le monde. Et nostre temple, nostre autel, nostre Sacrificateur, nos sacrez parfuns, nostre Arche, & le reste du sanctuaire, n'est plus en vn temple icy en terre ; mais au ciel, à sçauoir nostre Seigneur, le Sainct des Saincts, seant à la dextre de Dieu le Pere tout-puissant, intercedant pour nous, gouuernant ciel & terre. Nous voyôs tout cela des yeux de l'esprit, & si à clair, qu'il n'y a rien qui nous soit plus seur, ny que nous voyons mieux que cela, & nostre salut par nostre Seigneur. Qui luy nie que l'Eglise soit visible, côme estoit la Iudaïque? M. Daneau a fait vn liure *De ecclesia visibili*. Mais de Spode dispute q̄ s'il estoit autrement, il faudroit dire, dit-il, *que le diable auroit plus de prerogative que Dieu mesme.* Il veut dire que le Diable a son'Eglise apparente. Et que *si l'Eglise n'estoit visible, il ne resteroit à Dieu que l'industrie de desrober quelques hommes pour les*

*sauuer.* Quoy? Dieu desrobe les hōmes pour les sauuer, s'il n'y a point de Papauté, ou de hierarchie papale? On n'en a pas eu du temps des Apostres, ne 600. ans apres. Comment sauoit Dieu alors, estoit-ce à la desrobee? Mais vien à nos presches; tu y as esté, voy nos assemblees, & s'il y a quelque pieté en ton ame, oy là traiter les mysteres de Dieu: Et tu diras que Dieu ouure le ciel à toute ceste assemblee. Dieu leur dōne là les gages du salut eternal en la main: Sauue-il à la desrobee? Il

*Apoc. 2 17.* est vray que nul ne cognoist ceste grace, que celuy qui la reçoit. Mais celuy de qui l'ame vole là vers Dieu, ou y aspire, espere & croit qu'il en soit autant des autres; au moins qu'il ny est pas seul fidele, encore qu'il ne voye pas és autres ce qu'il sent en soy. Et si on ne void vne pyramide Papale, le clocher de S. Pierre de Rome, vne primauté Papale pour marque d'Eglise, tu diras que Dieu ne sauue qu'à cachettes, comme on meine les troupeaux de peur du loup? Ce sont tes mots. Salomon dit, Qui sçait si l'esprit de l'homme mōte en haut, ou s'il descend en la terre? De faict l'homme ne void pas cela: Car l'ame est inuisible, ce chemin inuisible, ce voyage au ciel inuisible, & ceste vie inuisible. Diras-tu pourtant, que Dieu n'a pas l'industrie de sauuer qu'à la desrobee? (car tu parles ainsi) Le salut & la damnation neantmoins sont choses cachees à nos yeux sensuels. Or c'est en ce salut qu'est & consiste ceste compagnie benite de Dieu, la

communion des Saints, ceste vraye, sainte, pure, & nette Eglise de Dieu cōme en la damnation celle des reprouuez : Cela est vray ; En cela donc ne diras-tu pas l'Eglise inuisible, & non cognue à tes yeux ? Mais comme l'Eglise est icy à present meslée d'vns & d'autres, de fideles & d'infideles, de reprouuez & d'esleuz, de paille & de grain, qui dit qu'elle soit inuisible ? Mais quand on ne void point vne Eglise pure, ains fort corrompue, comme à present est l'Eglise Romaine, on en iuge diuersement : les vns que c'est Eglise, mais corrompue ; les autres que ce n'est point Eglise. Sur cela vous demandez, où donc est ceste Eglise pure, sans ride, sans tache, nettoyee au sang de l'Agneau sans macule ? Là dessus on vous dit, que Dieu a tousiours bon nombre d'esleuz, soit à Rome, soit ailleurs, encore que nous ne les cognoissions pas : & iacoit que ce ne soyent pas des fantosmes, ains vrais hommes visibles, viuans, & mourans comme tous ; Et voire encore qu'on n'y voye pas, ou qu'on n'y ait cy deuant veu de telles assemblees (que par la grace de Dieu nous auons veu depuis, & voyons à present en plusieurs lieux du monde : ) là dessus vous dites, que si l'Eglise a esté ainsi, qu'elle a esté donc inuisible ; que le diable a plus de prerogatiues que Dieu : que Dieu n'a, ny ne luy reste rien plus, que l'industrie de desrober quelques hommes pour les sauuer, & qu'il mene les ames au ciel à cachettes, comme on mene les trou-



peaux de peur du loup. Ce qui vous fait dire cela, c'est que vous voulez prouuer ainsi vostre monarchie Romaine ou l'Escripture sainte vous est contraire, & pourtant vous dites qu'il faut voir vne face apparente & magnifique d'Eglise: qu'autrement il n'en y a point (dites-vous) si elle n'a apparemment son seruice, ses ceremonies, son estat, son lustre, & apparence. Où estoit-elle donc, quand Ezechias ouurit le temple, & quand Iosias le fit ouurir & repurger? Vous me direz, qu'elle estoit en la Iudee: Je le confesse. Mais où son lustre, où sa beauté, où ses sacrifices, son seruice, son sanctuaire, ses Leuites, ses beaux presches, ses saints Cantiques, & le reste du seruice diuin? Cela ne cessoit-il pas? Cela n'estoit plus: car il est dit, que plusieurs iours se passerent en Israël sans le vray Dieu, sans Sacrificateur enseignant, & sans Loy: & toutefois il y auoit Eglise. Aussi en l'Europe, quoy q̃ vostre Antechrist eust tout peruertey, vostre Babylō tout subiugué, le seruice de Dieu fust delaisé & corrompu, Dieu sauuoit tousiours son nombre, ceux qui estoient escripts au liure de vie. Et y a eu Eglise, encore qu'elle ne fust pas à tous visible & apparente, cōme elle a esté en Ierusalē apres la reformation d'Ezechias & de Iosias. Ainsi de nostre tēps, encore que l'Eglise ait esté comme accablée de tenebres, & qu'elle n'ait pas esté si apparente & belle, en zele & sciēce, & si visible en nombre & multitude de vrais fideles, que du temps  
des

2. Cron.  
15. 3.

des Apostres, ou depuis la reformation; Dieu a tousiours sauué les siens; ordonnez à la vie éternelle, incognus au monde, & homes visibles à tous, & non fantasmes, come dit de Spode. Quoy? si Dieu ne sauue tout le monde; s'il en sauue quelques vns, & reiette les autres; s'il ne monstre ceux qu'il sauue à tous; s'il n'a vne Eglise apparète au monde, il ne sauue qu'à la desrobee? Il n'est pas Dieu? Dieu a fait des ceultres qu'il a cachees, & n'a pas lors voulu dire, ny faire sçauoir à tous. Il ne voulut pas qu'aucun vist la vesue du Prophete tirer l'huile de la buë, comme Elisee auoit dit: ny qu'on vist ressusciter la fille de Tairus, le fils de la vesue de Sarepta, ny celuy de la Sunamite; ny ne voulut que les Apostres le vissent prier au jardin. Il a defendu quelquefois de dire & divulger, ce qu'il auoit fait par miracle. Il a caché celà; il n'est pas d'oe Dieu? il cache sa grace; il ne sauue qu'à la desrobee? Les Apostres ont presché de nuict, se sont cachez pour cela. Dieu cache ses secrets aux grands & aux sages du monde: Il n'a pas donc l'industrie de sauuer qu'à la desrobee? Que vous estes miserables! vous ne diriez pas cela, si vous ne tiriez à l'atheisme. On tend donc ce que dit celsuy-cy, à sçauoir, Que Dieu n'a industrie que de desrober ainsi quelques homes pour les sauuer? Comme si les troupeaux ne pouuoient point se garantir du loup, & qu'il les luy fallist conduire à cachetés; de peur qu'on ne les luy rauist se d'entre les mains, s'ils paroissoyent tant soit peu.

2. Rois 4.

& qu'en ce faissant il quitte le champ à son ennemy, & par ce moyen la plus illustre victoire & le plus magnifique trophée du monde. Nous sçauons bien que Dieu peut tout : mais il fait tout non comme il peut, mais comme il veut. Ne pouuoit-il pas faire ciel & terre en vn iour ? garder Adam de pecher ? amender le monde, sans le perdre par le deluge ? donner la benedictiō à Iacōb sans irriter Esāu, & sans que Iacōb la soustrayst ? donner Chanaan à Israël sans combattre ? & enuoyer de iour l'Ange & nō de nuict, fraper le camp de Sennacherib ? faire rebastir Ierusalem sans resistance, prescher l'Euangile sans contredit, faire ses miracles tout ouuertement, sauuer sans predication, & sans cōsistoire, sans pasteur, & sans censures ? Ne peut-il pas enchaîner Satan, qu'il ne face plus tant de mal ? Ne pouuoit-il pas sauuer Israël & les Gentils, sans que S. Paul y print tant de peine, & fust si jaloux du salut des Eglises ? Ne peut-il pas garder & deliurer l'Eglise sans nous ? A-il peur du Diable ? Il luy plaist de besongner ainsi : Car il veut se seruir de nous, & par nous faire l'œuvre merueilleuse de sa grace, & la rendre admirable à sa gloire, & non quitter le champ à son ennemy : car il est combattu & deffait par nous, qui sommes moins que rien. Dieu en rapporte la victoire, Satan y est confus. Dieu fait son œuvre, & rapporte de là le plus magnifique trophée du monde ; maugré les puissances des enfers, les malices de l'air & du

monde. Comment sauua Dieu Noé & ses enfans, lors du deluge? Abraham de Vr des Chaldeens, Israël en Egypte, & en Ierusalem ses fideles? Qui s'apperceuoit & voyoit qu'ils estoient Eglise de Dieu? les Babyloniés s'en apperceuoyent-ils? Plaide maintenant contre Dieu, de nous estre enuieux de ce bien, & de cacher ce thresor aux autres peuples. Le Turc cognoist-il que nous soyons l'Eglise de Dieu, ny la grace que Dieu nous fait? Cela luy est caché, & nous est reuelé. Et cependant tu diras (pour rire) que Dieu fait donc cōme le berger, qui meine ses brebis à cachette de peur du loup. Dieu n'a iadis esté cognu qu'en la Iudee; l'Euāgile n'a pas esté presché à tous, ny ne l'est pas encore. Nostre Seigneur n'a pas presché à tous; n'a enuoyé estant icy, ses Apostres, que par la terre de la Iudee: Le S. Esprit defendit aux Apostres de prescher en l'Asie. Dieu (dit nostre Seigneur) a caché ces choses aux grands & aux sages du monde, & les a reuelees aux petits. Dispute là tant que tu voudras; & dy que Dieu a donc peur du loup, & qu'il meine ses brebis à cachette, & n'a industrie de les sauuer qu'à la desrobee: mais nous dirons que tout cela sent l'atheisme. Ne vois-tu pas au 12. de l'Apocalypie, qu'il est donné à la femme, qui est l'Eglise, de grandes aisles, comme des aisles d'aigle; à fin qu'elle s'enfuye au desert, & soit là par vn temps des temps & moitié de temps. Et pour quoy? sinon pour estre comme cachée, & tou-

Actes 16.7.

Mat. 11.25.

tesfois il y a de sa lignee ailleurs en la terre, à laquelle le dragon fait la guerre? Nous ne disons pas donc que l'Eglise soit inuisible; encore que tous ne la voyent pas, ny ne la cognoissent, & qu'elle soit cachee quelquefois: les fideles, escrits au liure de vie s'y rangent.

Mat. 24. 28. Car là où est le corps, là s'assemblent les aigles, & la vraye Eglise ce sont les esleüs, dit S. Bernard.

Nostre aduersaire continue tousiours sa dispute contre nous, que l'Eglise est visible; comme si nous n'accordions pas cela avec luy: voire comme luy-mesme dit le croire; à sçauoir, qu'elle n'est pas toute visible, & que ce qu'on ne voit, il le faut croire. Cependant, combien qu'en ceste visibilité ou inuisibilité il n'y ait point dequoy disputer, ie mettray encore ses raisons en auant, à fin de faire apparoir de son impieté, & que malheureusement il defend son dire. Nostre Seigneur (dit-il) se seroit bien vanté de bastir son Eglise si solidement, que les portes d'enfer & heresies ne pourroyent rien contr'elle; Si maintenant il ne se sert que de la ruse, pour faire euader finement son Eglise à trauers l'inuisibilité. (Et apres) il ne fallloit pas parler de la bastir, ny de la pierre sur laquelle il la bastiroit, qui sont tous termes de force, plustost que de subtilité. Dauantage (dit-il encore) chacun est d'accord que Iesus Christ est le chef principal de ceste Eglise. Or le chef visible aura-il un corps inuisible? C'est trop (dit-il) de nous faire des monstres en la religion. Mais bastissons-nous des

monstres en la religion? Qui les bastit que luy-mesme, qui nous impose que nous disons que l'Eglise n'est qu'inuisible? Nous ne disons pas cela: Il a basti cè mōstre, & puis s'esbat à le combattre. Au reste nous croyōs que nostre Seigneur est visible au ciel, l'a esté en la terre. Croyons que l'Eglise est aussi visible en terre, encore que nul ne la voye toute par tout que Dieu. Croyons que l'Eglise est le corps de Christ; mais mystique (& non son corps naturel visible iadis en terre, & maintenant au ciel visible aussi.) Mais ce bastimēt de l'Eglise dont il parle, se fait spirituellemēt par la vertu secrete du S. Esprit; & non comme on bastit vne grange: & ce fondement de l'Eglise n'est pas cōme vne roche qui se voye, ny nostre Seigneur aussi ne se voit icy à l'œil. Tout cela se voit à l'œil de l'esprit, & par foy; & non à l'œil sensuel où du corps. Le Sieur de Sponde n'argumente pas bien, ny en bonnes raisons: car qui peut voir comment le S. Esprit nous fonde sur ceste roche? Et qui cognoist ceux qui y sont fondez; qui les peut discerner d'auec les autres par l'œil? Nous n'en iugeons qu'en charité, & si ne bastissons point de monstre en la religion. Car nous croyons que ceux que nous voyōs faire mesme confessiō de foy que nous, sont mēbres de Iesus Christ cōme nous, & membres de l'Eglise vniuerselle, laquelle est visible, en ce que nous la voyons en leurs personnes; comme le corps de nostre Seigneur est visible au ciel.

Mais la maniere d'argumenter est ridicule: *Jesus Christ est visible au ciel; il s'ensuit donc que l'Eglise est visible en la terre.* Car encore que Iesus Christ soit visible au ciel, l'Eglise n'est pas pour cela visible en la terre. Mais ce qui la fait visible, c'est qu'elle est d'hommes qui sont visibles. Autremēt si ce que Iesus Christ est visible, faisoit l'Eglise visible, il faudroit q̄ les esprits bien-heureux au ciel, partie de son Eglise, fussent visibles; ce qui est contre la nature des esprits. Car nostre Seigneur, pour estre le chef de l'Eglise, ne la fait pas visible; elle l'est de sa nature: comme nostre Seigneur, en ce qu'il est homme: mais il l'a fait bien glorieuse. Au reste il oppose bastir, & la pierre sur laquelle l'Eglise est fondee à sa subtilité imaginee; & dit que bastir, & pierre, sont termes de force. Soit: mais ce bastimēt est spirituel, & se fait inuisiblement (comme a esté dit) Il dit, que nostre Seigneur ne sauue pas son Eglise par subtilité, en la faisant passer à trauers de l'inuisibilité. Je respō, que Dieu sauue son Eglise, par la force & vertu secrete de son Esprit. De Sponde est vn moqueur. Apres cela il quitte volontairement ceste dispute, & s'en retire: & confesse que nous ne faisons pas l'Eglise si inuisible qu'il dit. Pourquoi donc a-il disputé de cela? Se plaist-il tant à brouiller le papier de ses folies, & faire cognoistre ses inepties? En se iouant, parle-il ainsi de Dieu & de ses mysteres? S'il veut monstrier qu'il est sçauant, il ne



le nous fait pas voir en cela. Il met en auant vn autre argument auffi ridicule, & tout de son inuention: C'est, que nous disons *que l'Eglise Romaine n'est pas l'Eglise Catholique: mais qu'elle est composee des reliques des gens de bien qui ont esté conseruez en l'Eglise Romaine.* Nous ne disons pas cela: Car elle est composée d'autres que de ces reliques. Et y en a d'autres qui n'ont iamais esté en l'Eglise Romaine: nous n'excluons pas l'Eglise Romaine mesmes, Dieu y a encore quelques esleus. Il les appellera: Il y a douze heures au iour. Son exclamation est sotte, quand il appelle ces reliques de gens de bien *l'ordure de la papauté.* Il veut rire. Esaie appelloit ce que Dieu sauuoit d'Israël, le residu, voire selon l'election de grace. Qui doute que Dieu n'en sauue ainsi par sa grace quelque nombre, d'un gros peuple qui perist? Et cestuy-cy appelle ceux-là les ordures du monde? Dieu en sauue ainsi de vostre Papauté. Ce sont ses enfans & son peuple, qui sortent de vostre Babylon. C'est le reste que l'enfer a laissé, & laisse où il ne peut mordre: C'est ce qui est escrit au liure de vie, & selon l'election de grace. Mais qu'y a-il que cestuy-cy ne tourne en risée? Comme apres ce qu'il demande, *si ces gens de bien conseruez parmy les meschans, sont morts ou viuants? S'ils viuent, s'ils sont Anges, s'ils sont morts: s'ils sont morts, ou tous, ou non? S'il y en a quelques vns viuants, que c'est qu'ils veulent faire parmy nous?* Nous (dit-il) que Calvin a appelez plus corrom-

Page 61.

*pis que la papauté.* Mais Calvin ne parle que de Geneue, & sinon de quelques particuliers, & touchant les mœurs; & non touchant la doctrine: & tu appliques cela à toutes nos Eglises, à tous ceux qui font profession de la Religion reformée, pour la doctrine & Religion, là où Calvin ne parloit que de la corruption des mœurs: ozes-tu escrire cela?

Il dit après, *que les Calvinistes* (c'est comme il nous appelle) *ne veulent pas qu'on rompe maintenant leur unité.* Mais pourquoy le voudroyent-ils; veu qu'il leur conste que leur doctrine est selon Dieu, leur vnion en Dieu formée par le saint Esprit au cœur d'un chacun, pour croire & sentir tous vne mesme chose, comme si ce n'estoit qu'un cœur & vne ame? Nous tenons tous vne cōfession de foy, selon la parole de Dieu, & le Symbole des Apostres. Il voudroit persuader les meilleurs d'entre nous de s'en departir, veu nostre corruption, dont Calvin se plaignoit, & de se ressouuenir de leurs ancestres. *Mais* (dit-il) *vous me repliquez, que les mœurs ne font pas l'Eglise, mais la doctrine.* C'est comme il s'eschappe subtilement de son inuisibilité d'Eglise, & se fait voye à un autre poinct; à sçauoir, que l'Eglise fait la doctrine. Il concède qu'il faut demeurer là où la doctrine est pure, qu'il n'est pas loisible de s'en departir; encore que la corruption des mœurs y soit grāde. Mais il veut dire, que nostre doctrine n'est pas pure; puis que l'Eglise Romaine ne l'a pas faite: Et partant quil

est loisible de se departir de nous. Pourtant il dit, *Pour parler proprement avec vous, ce n'est pas la doctrine qui fait l'Eglise: mais au contraire c'est l'Eglise qui fait la pureté de la doctrine.* Quoy? veut-il que la pureté de la doctrine vienne des hommes? La doctrine est de Dieu, & sa pureté par consequent. Si la doctrine est de Dieu, c'est de là qu'elle est pure. Or est-il qu'elle est de Dieu; Dieu l'a donnée, Dieu l'appelle siéne. Les hommes saints ont parlé inspirez de Dieu: Elle n'est point de particuliere reuelatiō. Elle est appelée parole de Dieu: & l'Eglise n'a pas autre doctrine que la parole de Dieu. Dieu veut estre seul maistre, & seul ouï en sa maison. Et n'est point à l'Eglise de se faire autres loix, autre doctrine, autres statuts: Dieu y a pourueu, & commandé d'ouyr sa voix, & le commande à l'Eglise; & non de se faire nouuelles loix. Conclusion, la doctrine del'Eglise est pure, parce que c'est la parole de Dieu, où il n'y a que pureté. Et l'Eglise n'a fait ny la doctrine, ny la pureté d'icelle, comme cestuy-cy nous veut faire accroire.

Pour sa raison il dit, *que l'Eglise a esté plus tost au monde que la doctrine, comme la matiere plus tost que la forme.* Et bien; Quand ainsi seroit, s'ensuit-il que l'Eglise ait fait la doctrine, ou Dieu qui a fait l'Eglise? Adam a esté créé, auant que Dieu ait parlé à luy. Nos premiers parents auant le péché, ont esté Eglise de Dieu. Cela ne se peut nier. S'ensuit-il qu'Adam ait fait sa doctrine, ses loix, & le seruice

qu'il deuoit à Dieu? s'est-il ordonné luy-mesme tout cela? Vous voyez le cōtraire. Comment luy en a-il pris, quād il s'est voulu gouverner par vn autre conseil, & par son aduis? Israël estoit Eglise de Dieu, se fit-il ses loix? Au contraire, Dieu parla à luy, & luy prononça ses commādemens, au iour qu'il traicta alliance avec luy, & en mesmes tēps luy donna ses ordonnances. Et quand Israël s'en voulut croire, où en fut-il? Nous disons donc, qu'encore que l'Eglise fut de quelque peu plustost que la doctrine, c'est vne sorte cōclusiō de dire qu'elle fait la doctrine. Car la doctrine de l'Eglise, c'est la parole de Dieu: Ce que Dieu a dit à l'Eglise, & non ce que l'Eglise s'ordonne. Mais ce qu'il dit, q̄ l'Eglise a esté plustost que la doctrine, est faux. L'vn a esté cōme l'autre: Car Adam & Eue n'ont pas esté plustost creéz, que tout aussi tost ils n'ayent esté faits Eglise de Dieu par la parole de Dieu, en y obeissant: & desobeissans, en sont decheuz. Les hōmes sont-ils la matiere dont Dieu fait l'Eglise? Si est-ce qu'ils ne sont point ceste Eglise que par la parole de Dieu, qui les forme & fait Eglise de Dieu. Les Turcs ne sōt pas Eglise de Dieu, parce qu'ils n'ont pas la parole de Dieu: pour les former & faire Eglise de Dieu: & ne seront pas Eglise de Dieu iusqu'à qu'ils auront la parole de Dieu; car par icelle ils seront faits Eglise de Dieu. Mais ferōt-ils la parole de Dieu & la doctrine, par laquelle ils seront faits & formez Eglise de Dieu? L'exēple

qu'il allegue des Apostres, est si hors de propos, qu'il fait voir à propos son defaut d'entendement. Il dit; *Que combien qu'ils n'eussent pas l'entiere intelligence du royaume des cieux, ils ne laissoient pas d'en estre citoyens, & de faire les membres principaux de ceste Eglise; voire que leur vocation a precedé leur instruction, qui a esté retardée, iusqu'à ce qu'ils ont receu le S. Esprit, pour le moins avec la plenitude qui estoit requise pour ces grands Docteurs. Qui eust donc voulu auparavant le iour de la Pentecoste nier, que les Apostres & les disciples ne fussent ceste vraye Eglise, qui n'auoit pas neantmoins encore receu toute la doctrine? Ce sont les mots de Spode. Que veut-il dire? Que les Apostres ont esté citoyens des cieux, principaux membres de ceste Eglise, que leur vocation a precedé leur instruction: & qu'auant la Pentecoste ils estoient avec les disciples ceste vraye Eglise; encore qu'ils n'eussent pas receu toute la doctrine: Il s'ensuit donc que l'Eglise est auant la doctrine. Soit: Mais s'ensuit-il que l'Eglise soit autheur de la doctrine, & non pas Dieu? Dieu ne donna-il pas le S. Esprit aux Apostres? La doctrine n'est-elle pas de là? Elle n'est donc que de Dieu, & non de l'Eglise.*

Au reste de Spode se trompe: Car les Apostres non seulement estoient de l'Eglise de Dieu, deuant qu'auoir receu le saint Esprit, mais aussi auoyent instruction. Et apres ne furent pas seuls l'Eglise (comme il veut presupposer.) Et quant au premier, que les Apostres eussent instruction, il conste. Car

Moyse se lisoit en chacun Sabbat : on y interpretoit les Prophetes : nostre Seigneur les auoit eu à son eschole long temps : saint Pierre, respondit à nostre Seigneur au nom de tous ; Tu es le Christ, le fils du Dieu viuant. La doctrine du Messias leur estoit donc connue, auant qu'ils receussent le saint Esprit. Et de fait, la doctrine des Prophetes, & la doctrine des Apostres ne different sinon, qu'en l'une sont les propheties & promesses du salut en Iesus Christ, & en l'autre l'accōplissement. Mais tousiours le salut par vn seul Christ : de sorte que ce n'est que ce que Dieu mesme dit à Adam, Que la semence de la femme briseroit la teste du serpent : & la restauration promise, dit saint Pierre, dès le commencement du monde. Les Apostres donc n'ont pas esté Eglise deuant que la doctrine fust ; ny n'ont fait la doctrine à parler proprement : mais c'est Dieu. Les Apostres ont receu le S. Esprit, qui leur a reuelé & ouuert la cognoissance des oracles des Prophetes, leur a suggeré ce que nostre Seigneur leur auoit enseigné, & les a conduits en toute verité : Car inspirez par iceluy, ils ont parlé & escrit selon que Dieu auoit ordonné de nostre salut de toute eternité ; ils ont déclaré le conseil de Dieu, qui est appelé l'Euangile eternal. C'est la doctrine à laquelle il nous faut arrester, le fils de Dieu parle en icelle ; & le Pere a dit, Escoutez-le. Il ne faut pas ouïr qui en annōceroit d'autre ; & fust-ce vn Ange. Pourtant il est dit, que

A&amp;. 2. 4.

A&amp;. 5. 21.

L'Eglise est fondée sur la doctrine des Prophetes & des Apostres. Mais quand ils auroient receu le saint Esprit pour faire vne nouuelle doctrine, ne l'ont ils pas redigee par escrit? C'est assez, elle suffit à l'Eglise, & pour tousiours, estant pour elle. Ce n'est ny au Pape ny à son Clergé (qui se disent l'Eglise) de composer ou ordonner vne autre doctrine, faire vn autre Euangile, ou enseigner autre moyen de salut. Ce n'est à eux, ny à l'Eglise d'y mettre la main: apres Dieu, les Prophetes & les Apostres. Ains, comme c'est à Dieu seul de sauuer, c'est à luy seul d'ordonner de la doctrine de salut. Il dit *que les Apostres estoient Eglise, auant qu'auoir receu toute la doctrine.* Les Apostres estoient membres de l'Eglise, principaux membres & non seuls l'Eglise. Ils estoient ordonnez pasteurs d'icelle, & Ambassadeurs de ceste doctrine, & messagers pour l'annoncer. Ce qu'ils ont fait. Et cela fait, eux-mesmes n'en ont peu annoncer d'autre: comme dit saint Paul de soy & des autres Apostres, Galat. 1. 8. 9. moins le Pape & son Clergé (qui faussement vsurpent seuls ce tiltre d'Eglise) peuuent s'auancer de donner à l'Eglise autre doctrine, comme veut dire de Sponde. Car c'est pour cela qu'il dit, que l'Eglise est deuant la doctrine, pour dire que l'Eglise fait la doctrine, & que le Pape peut faire la doctrine, & qu'il est l'Eglise: qui sont tous principes faux, comme a esté monsté.

Il dit qu'on a tousiours plustost cognu le Page 61.



Docteur, que la doctrine. S'il n'estoit eshonté de faict, il auroit honte de son dire. Le Docteur mesmes cognoist la doctrine auant qu'estre Docteur, & en reçoit la cognoissance peu à peu, & de la parole de Dieu, & non d'ailleurs. Et l'Eglise soit en la Papauté, soit entre nous, cognoist la doctrine auant que cognoistre le Docteur. On ne prend pas de Docteur, qu'on ne cognoisse la doctrine. Bien est vray qu'Adam cognut bien le Docteur auant la doctrine, mais ceste doctrine a tousiours demeuré en l'Eglise. La semence de la femme brisera la teste du serpent: C'est là l'Euangile, le sommaire de la doctrine de salut. Moyse a expliqué cela par la Loy, & par les ceremonies. Cela ont aussi expliqué les Prophetes; nostre Seigneur mesmes, & l'a accompli. C'est ce qu'ont escrit, presché & exposé les Apostres. Cela preschôs-nous, C'est l'Euangile eternal: Et est non seulement en Dieu de toute eternité; mais escrit, dilaté, enseigné, & asseuré en l'Eglise deuant qu'il y eut Pape, ny Eglise à Rome. Il n'est pas donc loisible ny à l'Euesque de Rome, ny à autre, ny aux Anges, ny n'a esté loisible aux Apostres, d'enseigner autre doctrine. Ceste doctrine, fait que le Docteur est vray Docteur en l'Eglise. Mais le Docteur ne fait pas la doctrine, & ne peut estre Docteur fidele, que premierement il n'ait pris, appris, & bien imprimé en soy ceste doctrine.

Il dit apres, *que les ouuriers precedent na-*

*mentellement leur ouurage*. Il veut dire, qu'ainfi le docteur est pluſtoſt que la doctrine. Cela eſt faux: car la doctrine fait le Docteur & eſt pluſtoſt que luy. Sa cōſequēce eſt dōc fauſſe en cela, qu'o cognoift le docteur pluſtoſt q̄ la doctrine, cōme elle eſt fauſſe en ce qu'il veut ſouſtenir, que le Papē & les ſiēs ( qu'il appelle l'Egliſe) peuuēt faire vne nouuelle doctrine. Car, il veut dire que ces gens d'Egliſe ſont la doctrine. Mais quād meſmes ils la preſcheroient, voire puremēt, ſi ne la feront-ils pas. Dieu l'a faite & toute pure. La doctrine eſt de Dieu, ce n'eſt pas ouurage d'homme. Le Docteur ſera bien pluſtoſt q̄ le preſche qu'il aura fait, & precedera le liure qu'il eſcrira, mais ceſte doctrine qu'il eſcrira, ou doit eſcrire & traicter, n'eſt-elle pas pluſtoſt que luy? Elle eſt de tousiours: Car elle eſt de Dieu. Dieu l'a donnee à l'Egliſe, & n'eſt loiſible au Docteur d'en donner vn autre, ny meſme à vn Ange, cōme a eſté dit. Dieu veut qu'on ſe tienne à ce qu'il a vne fois dit. Maudit qui apportera à l'Egliſe autre doctrine: A la Loy, dit Dieu, & au teſmoignage. Item, Sondez les Eſcritures, elles rendēt teſmoignage de moy. Itē, Ils ont Moÿſe & les Prophetes, qu'ils les oyēt. Item, vous prēdrez garde a faire tout ce que ie vo<sup>9</sup> commande. Tu n'y adiouſteras rien par deſſus, & n'en diſminueras rien. Dieu a créé l'hōme, pluſtoſt q̄ luy donner ſa parole. Et puis il la luy dōne, & par icelle ſe fait des hōmes vne Egliſe. Sera-elle Egliſe de Dieu, ſi ſa doctri-

Eſaie 8. 20.

Iean 6.

Luc 16. 29.

Deut. 11.

32.

ne n'est de Dieu ; ny colonne de verité , sans la parole de Dieu ? Conclusion , la doctrine est de Dieu , & donnée à l'Eglise pour son instruction , & auant que l'Eglise Romaine fust. Ce n'est pas donc à l'Eglise Romaine , ny à vne autre de faire la doctrine de salut vains à Dieu , qui en a ordonné auant qu'il y eust de Pape au monde.

*S'il falloit , dit-il , cognoistre l'Eglise par la cognoissance de la doctrine , qui nous enseigneroit ceste doctrine ?* Nous respondons , que nous l'auons en l'Escripture sainte : & que Dieu suscite tousiours en son Eglise ( où la doctrine s'enseigne , selon qu'il luy plaist de faire misericorde ) quelques vns qui l'enseignent ; à sçauoir ~~C'est~~ les parents aux enfans , les pasteurs aux troupeaux , les Docteurs aux escholes , l'amy à l'amy , le voisin au voisin ; l'enfant mesme quelquefois au pere , le mary à la femme ; ou priuement la femme au mary , l'estranger mesme à ses incognus. Les vns prennent les autres par la main , & se disent les vns aux autres , montons à la montagne du Seigneur. Dix prendront vn Iuif par le pan de la robe , & luy diront ; Nous irons avec vous : Car nous auons entendu que Dieu est avec vous. Qui enseigna l'Eunuque ? l'Eunuque cognoissoit-il Philippes , quand il luy demanda , Entens-tu ce que tu lis ? La vefue de Sarepta ne cognoissoit non plus Elie : Et les Indiens ne cognoissent les moines & les prestres auât que cognoistre leur doctrine. Mais qu'ont-

Esaie 2.3.

qu'ont-ils plustost cognu ou vostre Eglise, ou vostre doctrine ? Baptizerez-vous vn Turc, que premierement il ne soit instruit en la religion Chrestienne ? Ainsi requerez-vous que la cognoissance de la doctrine, precede la cognoissance de l'Eglise. On ne peut autrement cognoistre l'Eglise: elle ne se trouue que là où est la doctrine. On ne sçait que c'est de l'Eglise de Dieu, que par la cognoissance de Dieu, par la cognoissance de Iesus Christ, de sa iustice, de sa mort, de son obeissance, de sa satisfaction, & de nostre redemption. Cognoist-on tout, ou rien de cela, que par la doctrine ? Mais faites cognoistre à vn Turc, si vous pouuez, que le Pape est l'Eglise ? Ne voudra-il pas sçauoir comment ? Il faut donc venir à la doctrine. Parlez de son Clergé, de ses Cardinaux, Euesques, Prestres, Moines & autres: dites luy que tout cela est l'Eglise, comment le cognoistra-il ? Pour oüyr seulement dire, voilà le salut, voilà l'Eglise, le croira-il ? Le mode est-il si besté, que de croire si legerement ? Il vous demandera premierement, cōment c'est l'Eglise de Dieu, que c'est que du salut, que c'est que de Iesus Christ, de sa parole: où elle est, commēt vous sçauiez ce que vous en dites, qui vous l'a dit, s'il y a long temps que Dieu a ainsi parlé, s'il ne parle plus ainsi, & pourquoy ? & tousiours faut que la doctrine precede. Pesez-vous qu'il cognoisse l'Eglise autrement, & s'y range ? Mais si vous parlez à vn Ture selon la parole de

Dieu, vous le conuaincrez par là, de la force de la verité. Qu'il oye nostre cōfession de foy, qu'il oye les commandemens de Dieu, qu'il entende la priere que nostre Seigneur nous a donnee, & le Symbole des Apostres; ce sera lors qu'il sera touché en son cœur, & donnera gloire a Dieu: Et si Dieu l'appelle à salut, il recevra sa verité. A quoy donc vous cognoistrait-il pour Eglise de Dieu, que vous estes en possession: si sont bien les Turcs du Mahumetisme. Que vous avez l'antiquité? & eux aussi autant que vous. Que vous avez la multitude? ils sont plus que vous. Que vous avez l'vnité, ou que vous estes bié d'accord en vostre religiō? ils le sōt mieux que vous. Que vostre vnité est de Dieu? il faut dōc venir à la doctrine. A quoy donc cognoistrait-on que vous estes Eglise? à des bonnets cornus, à des frocs, que vous n'estes pas mariez, que vous ieunez, ne mangez pas de chair; que vous avez des images, des cloches, des processions, des chasubles, de l'eau benite; que vous avez vn Pape, des Moines rasez & oincts, des surplis & des breuiaries? Il en y a d'autres qui ont tout cela. Les prestres de Cybelle estoient chastrez, rasez, auoyent des clochettes, portoyent des images & reliques. Les Payens auoyent des processions, dont vous avez fait & tiré les vôtres: Ils auoyent de l'eau benite, & des châdelles. Les Bonzi de la grand Iauē, ont vn Pape comme vous, des prestres cōme les vôtres, qui sont vestus de mesme surplis;

ont des mesmes breuiaries, de mesmes font feste, & prient pour les morts comme vous. Sont-ils Eglise de Dieu pour cela? La doctrine de la foy leur defaut, c'est la marque de l'Eglise. Mes brebis, dit nostre Seigneur, oyēt ma voix. Vous voulez qu'o croye que l'Eglise Romaine est l'Eglise de Dieu pure; par ce que vous le dites: mais qui est creu par son dire seulemēt? Qu'elle oſte dōc toutes ses abominatiōs, se reforme de toutes ses idolatries, laisse to<sup>u</sup> ses fatras, & n'ait pour doctrine q̄ la doctrine des Prophetes & des Apostres: lors nous la croirons Eglise de Dieu toute pure.

Il a demandé, s'il faut cognoistre l'Eglise par la cognoissāce de la doctrine, qui la nous enseignera? A quoy a esté respondu: En cela il craint les inspirations, & nous les reprouuons; ie dy celles qui inspirent contre la parole de Dieu. Et où nous sommes inspirēz de chercher Dieu en sa parole, pour là le voir, cognoistre & embrasser pour Pere, nous approuuons ces inspirations, & croyons que c'est comme si Dieu nous disoit; Employe-toy à chercher mon visage: & nous le cerchōs aussi où il se trouue, & cōme il veut estre cherché de nous. Mais quelle inspiration va-il chercher? nous auons la parole de Dieu, la lisons, l'oyons, elle s'interprete. Que veut-il plus? En veut-il faire vne autre par quelque inspiration? Ce seroit reprouuer la parole de Dieu, s'il n'a la cognoissance de son salut par vn seul Iesus Christ comme porte icelle pa-

role. Mais (dit-il) ie n'y cognoy rien, i'ay d'autres occupations, cela me tient. Je ne suis pas en lieu où i'aye ce moyen, ny ne suis pres de ceux qui ont ceste saine inspiration. Je respon, que tant pis pour luy; que l'ignorance n'excuse pas, comme il a dit cy dessus. Quoy? (dit-il) i'ay bon desir d'estre sauué, n'y a-il point de salut pour moy? Je respon, que qui a affaire de feu, le cherche: qui a faim, cherche du pain: Qu'il y a beaucoup d'appellez & peu d'esleus: Que ceux qui sôt appelez aux nopces, ne se doyuent excuser sur aucune occupation: Qu'il faut demander sagesse à Dieu: Qu'il ne faut pas estre prophane comme Esaü; ne quitter comme luy le salut pour vne soupe; le salut qu'Esaü desira lors qu'il n'estoit plus temps, & cria lors qu'il n'y auoit plus lieu de repentance: Que ce n'est ny du voulant ny du courant; mais de Dieu qui fait misericorde. En vn mot c'est à Dieu de prouoir à cela. Dieu ne perd pas vn des siens: Ses misericordes ont là leur lieu, & ses iugemens sur les profanes & contépteurs. Que si l'homme veut contester contre Dieu; si est-ce que Dieu sera tousiours iuste en ses iugemens, Car Dieu ne doit rien à personne. Or tout cela n'empesche que l'Eglise ne se cognoisse à la doctrine: mais ceux qui ne la cognoissent, ny la doctrine, sont malheureux, & ne la cognoissent pas. Nous disons aussi, que l'inspiration n'est point extraordinaire, quand par le S. Esprit en l'Escripture saincte, qui est la parole de Dieu, nous auons la cognoissance



d'un seul Dieu, d'un seul Sauueur Iesus Christ, de nostre salut, des moyens d'iceluy, de l'Eglise, & des graces de Dieu enuers icelle, & nous y rangeons. Car tout cela est selon la parole de Dieu: & c'est là vocation ordinaire par laquelle Dieu adioinct à son Eglise ceux qu'il veut, & a ordonné de sauuer; lesquels ne s'y rangent point, que premierelement ils n'ayent bonne cognoissance des thresors qui y sont. Nous cognoissons & auons veu aussi par bons & certains signes, que Dieu inspire bié ainsi les muets qui sont priuez de l'ouye.

De Sponde demande, *Si les meschans & doubles esprits se meslent entre les bōs, qui luy apprendra à les discerner?* Pense-il que l'Eglise Romaine luy enseigne cela, mieux que la parole de Dieu? S'il parle des Pasteurs & Docteurs, nostre Seigneur enseigne, à quoy on peut discerner les doubles & faux, d'auec les simples & droicts. Vous les cognoistrez, dit-il, à leurs fruits. Ceux qui meinent les fideles à Dieu & à nostre Seigneur, pour y viure & mourir, pour de luy seul pretendre salut, l'en esperer, en rendre graces, & bien assurez laisser ce monde, & ioyeusement aspirer au ciel: ceux-là sont cognus à leur fruit, pour vrais & fideles pasteurs. Mais si nostre aduersaire parle des autres, qui enseignent faussemēt la parole de Dieu, il les pourra discerner, s'il en iuge selon l'Ecriture sainte: & apres qu'il se tienne à la parole de Dieu, & ne communique pas à leurs œuures infructueuses. C'est

Page 62.

Mat. 7. 16.

Page 63.

assez qu'il sache discerner ceux qui parlēt selon la parole de Dieu, d'auec ceux qui parlent & enseignent contre icelle ; pour fuir ceux-cy, & se ranger auec ceux-là, & auec eux seruir Dieu comme il l'a commadé. S'il ne scait faire cela, qu'il escoute ce que dit le Prophe-  
te ; Mon peuple perist, pource qu'il est sans science. Et nostre Seigneur a dit, Si vn aueugle meine vn autre aueugle, tous deux tomberont en la fosse. *Il n'est pas question d'entendre toutes les questions espineuses de ceux qui scauent disputer.* Je respon, qu'au moins il faut cognoistre ce qui est du salut ; à scauoir, que le salut est tout par vn seul Iesus Christ, sans en chercher rien hors d'iceluy.

Page 63.

*Mais, dit-il, Si ie ne voy point ceux qui seront animez d'une saine inspiration, & que ie soy environné de ceux qui ne l'ont point, que feray-je ?* Si tu prens inspiration pour cognoissance ; ie te dy en vn mot, que si tu cognois Iesus Christ pour ton seul Sauueur, l'embrasses pour tel en ton ame, te retires de l'idolatrie, & de toute iniquité, qu'il y a salut pour toy. Au reste, penses-tu que nous cognoissions l'Eglise par quelque enthousiasme, que tu appelles inspiration extraordinaire ? Nous ne disons pas cela, ny ne te croyons. Tu nous imposes ce que tu veux, & puis tu fais du vaillant à escrire contre cela. Nous cognoissons autrement l'Eglise, nous y sommes nais, nous ne mescognoissons pas nostre mere. Elle nous allaitte & nourrist du laiēt & viande solide de la pa-

role de Dieu, non pas tous (autresfois & durant l'idolatrie) en telle pureté que maintenât entre nous, apres nostre reformation. Nous auons receu & receuons iournellement en l'Eglise marque & tesmoignage de nostre salut. Nous-nous voyõs nous-mesmes, & nous cognoissons estre Eglise de Dieu. Ne la cognoissons-nous pas donc? Mais quelqu'un demãdera, à quoy nous pouuons cognoistre l'Eglise vraye d'auec la fausse? Je respon, que c'est en discernant la verité d'auec la fausseté, l'idolatrie d'auec la pieté, & l'impureté d'auec la pureté. Ce qui se fait par la parole de Dieu: & en cecy nous n'excluons pas la grace du S. Esprit. Car c'est par luy principalement que nous-nous cognoissons estre en l'Eglise de Dieu, & vrais membres d'icelle; à sçauoir, quand nous reglons & examinons nostre croyance à la parole de Dieu.

C'est comme nous cognoissons l'Eglise de Dieu, par la parole de Dieu: Et autrement comment en serions-nous mieux assurez? Quelle meilleure marque que celle, que le saint Esprit nous en donne en la parole de Dieu? A quoy cognoistrõs-nous la bergerie du Seigneur, qu'à ce qu'on y oit sa voix? A quoy cognoistrõs-nous l'Eglise du Seigneur estre colonne & appuy de verité, la maison de Dieu, le champ du Seigneur, & sa plante exquisse, qu'en y voyât la parole de Dieu qui est toute verité? A quoy donc la voulez-vous cognoistre? à des hommes desguisez, à des

lours vestus de peau de brebis qui preschent la fausseté. bref à tout ce lustre extérieur qui s'y void.

Mais si c'est pour se ranger à l'Eglise qu'il se traueille tât de la cognoistre; n'y est-il pas rangé, puis qu'il y est nay, & ne la cognoist-il pas? Il veut, peut-estre, cognoistre laquelle est Eglise de Dieu, ou l'Eglise Romaine, ou l'Eglise reformee. Je respon, Toutes deux; à sçauoir, chacune membre de l'Eglise vniuerselle, comme celle des Apostres, & celle des Sacrificateurs, & comme celle de Ierusalem, & celle d'Israël du temps de Iosaphat, comme a esté dit cy dessus: veut-il sçauoir laquelle est la plus pure, ou l'Eglise reformee ou l'Eglise Romaine, pour se ranger à la plus pure? Nous disõs que c'est l'Eglise reformee: nous le monstons & le faisons voir, sans qu'il faille d'inspiration extraordinaire: mais s'y ranger est œuvre de Dieu, Actes 2. v. 47. & 13. v. 48. C'est l'œuvre que le saint Esprit fait en nous. Nul ne peut venir à moy, dit nostre Seigneur, si mon Pere ne l'attire, Iean 6. v. 44. & 65. Et ceste inspiration du S. Esprit, n'est point extraordinaire, mais elle est celle par laquelle ordinairement Dieu appelle & inspire les siens, pour leur donner de croire, & les amener à salut par l'ouye de sa parole.

Quant à ce qu'il debat apres, *que si l'Eglise se cognoissoit par inspiration extraordinaire, encore se cognoistroit-elle par les Docteurs & non*

par la doctrine: parce que les premiers inspirez en enseigneroient d'autres, & ceux cy-encore d'autres, & ceux-là d'autres: & ces Docteurs qui enseigneroient, seroyent tousiours vne marque que ce seroit la l'Eglise. Je respon, que ce seroit donc à cause de la doctrine, & non à cause de leur autorité ou doctorat, & que la doctrine seroit encore tousiours la marque de l'Eglise, & non les Docteurs. Car à quoy cognoistraton pour bons Docteurs & fideles, ceux qui enseignent en l'Eglise, & l'Eglise où ils enseignent estre Eglise de Dieu pure, qu'à la pureté de la doctrine; à sçauoir, quand la parole de Dieu y est annoncée en pureté, & cōme le saint Esprit l'a nous propose en l'Ecriture sainte; mais les Prelats de la Papauté ne l'enseignent pas ainsi. Au contraire, ils preschent impiété & idolatrie, & si falsifient l'Ecriture sainte pour soustenir tout cela. Nous tenōs donc que l'Eglise est impure entr'eux & corrompue, & qu'ils n'ont avec eux la pureté de la doctrine: partant qu'ils n'ont la marque d'estre Eglise de Dieu pure, & qu'ēcor moins eux en sont la marque. Quant à la vicissitude de ses inspirations de dix en dix, ou de vingt en vingt ans, ce sont ses resueries.

Il dit, qu'il est ignorant, & du tout incapable Page 67  
de discerner la doctrine: & partant qu'il luy faut commencer par les maistres, les cognoistre plusost que la doctrine, se rendre docile à eux, & despendre de leurs enseignements & de leur conduite.

Je respon, que le Docteur ne se cognoist

pas vrayement pur & vray Docteur en l'Eglise, qu'en traictant purement la parole de Dieu: & qu'ainsi la doctrine est marque premierement que là l'Eglise est pure; & apres, tesmoignage qu'il enseigne purement. Mais auant qu'ouyr le Docteur & receuoir sa doctrine, il faut sçauoir si elle est bonne, de peur d'estre trompé. En cela l'ignorât (qui ne sçait pas discerner la vraye doctrine d'auec la faulse) n'a pas du meilleur, mais il faut apprendre: Dieu a donné sa parole, l'ignorant n'a pas d'excuse. Mon peuple perist, par ce qu'il est sans science. Si vn aueugle mene vn autre aueugle, tous deux tombent en la fosse. Mais le sieur de Sponde est-il ignorant? Si contre ceste sentence de Dieu, il plaide la cause des ignorans, il a perdu. Cela vous semble absurde, que l'ignorant qui suit la faulse doctrine de son pasteur, perisse par la faute d'iceluy: & plustost que de le croire, vous reuoquez & Dieu & sa parole en doute. Mais quoy? Celly qui perist, est-il condamné que pour son peché? Et au reste, où il semble que tout perisse, Dieu en a plusieurs de marquez, comme est dit Apocal. 7. En la mort mesmes Dieu touche les cœurs des siens, leur donne repentance, resueille leurs esprits, les ramene à soy, leur donne vraye cognoissance de leur Sauueur, & de luy demander pardon pour leur faire misericorde; comme au brigand en la croix.

De Sponde n'est pas content que nous se-

nions l'Eglise Romaine pour Eglise de Dieu. Nous disons dauantage, qu'elle est en l'alliance de Dieu. Il veut que nous la mettions en mesme rang que les Turcs. Mais en l'Eglise Romaine on est baptizé: on y a la parole de Dieu, & la croyance d'un seul Dieu, le Pere, le Fils, & le saint Esprit, & la croyance du salut par la mort & passion de nostre Seigneur: Encore que les Iesuites, Sophistes, Moynes, & iusticiaires le facent chercher aux pources ignorans hors un seul Christ. Nous recognoissons donc l'Eglise Romaine pour Eglise, mais impure (comme a esté dit) & pleine d'erreurs, d'abus, & de superstitions, dont doit estre purgée. Et de Sponde pour brouiller dauantage escrit, comme si nous en parlions autrement, & nous fait icy vne fallace: Car il dit, que nous disons que la pureté de la doctrine est marque de l'Eglise. Cela est vray; & nous ne le nions pas: mais nous nions sa conséquence qu'il veut tirer de là; à sçauoir, que là où il n'y a point de pureté de doctrine, il n'y a point d'Eglise: Car il y pourra auoir impureté de doctrine, & la doctrine sera corrompue en plusieurs poincts en vne Eglise; & neantmoins ceste Eglise sera Eglise de Dieu. Comme la Papauté est en l'Eglise Romaine, & l'Antechrist y est assis: & neantmoins l'Eglise Romaine est encore Eglise de Dieu, mais non pure; espouse, mais non loyale; le temple de Dieu, mais l'Antechrist y est assis; Eglise plus morte que viue; en l'alliâce, mais près si



elle ne se repent) d'en estre retranchée, & d'estre comme les Turcs. Nous disons donc, que la pureté de la doctrine, est marque de la pureté de l'Eglise: & qu'encore que la doctrine ne soit pas en tout & par tout pure, l'Eglise ne laisse pas d'estre Eglise de Dieu, & membre de l'Eglise vniuerselle, comme est l'Eglise Romaine. Il dit, *que si on ne luy donne d'autres marques de l'Eglise que la pureté de la doctrine, il ne la cognoistra pas, sinon que les Docteurs luy disent. C'est la doctrine: & ainsi là où il voit les Docteurs, là il voit l'Eglise.* Mais tousiours, il faut que la doctrine y soit: & sans elle, ce n'est rien: car tu prendras l'Eglise, où le Docteur te monstrera la doctrine, & ainsi la doctrine sera la marque & non le Docteur.

*Mais, dit-il, ceste doctrine doit plustost estre creüe, qu'entendue. Tant s'en faut, qu'il faut entendre pour croire. Vous voulez que l'eschole de la foy soit vne eschole d'ignorance, la foy est la science de salut. Mon seruiteur en iustificera plusieurs par sa science, Esaie 53. verset 11. Saint Iean Baptiste fut precurseur de nostre Seigneur, pour donner la science de salut. La foy donc gist en cognoissance, & non en ignorance. Les passages qu'il allegue ne contreuiennent point à cecy. Si vous ne croyez ces choses, dit Esaie 7. verset 9. vous ne consisterez pas. Quoy? que falloit-il croire que ce que le Prophete auoit dit, voire & tresbié déclaré? à sçauoir, que la ligue du Roy de Syrie & du Roy d'Israël n'auroit point*

d'effect. Ils s'estoyent partagé la Iudee, & à leur dire, y vouloyent establir vn Roy, le fils de Tabeel: & cependant le Roy de Syrie pretendoit faire Ierusalem sa Metropolitaine, & le Roy d'Israël autant. Et Esaie dit, qu'il n'y auroit rien de changé; ains que le chef de Syrie seroit Damas, & que son Roy seroit Rabin: & que le chef d'Israël seroit Samarie, & que son Roy seroit le fils de Romelia. Le Prophete ayant fait entendre cela, dit: Si vous ne croyez ces choses, vous ne pouuez estre affermis. Il falloit donques là entendre, auant que croire. Quant au passage de saint Iean, il est dit, Que plusieurs ayans entendu ce que nostre Seigneur auoit dit; Qu'il estoit le pain de vie, qu'il falloit manger pour viure eternellement, & que sa chair estoit le pain qu'il donneroit pour la vie du monde: qu'ils ne peurent receuoir cela, & dès ceste heure se departirent de luy, (tesmoignage certain qu'on ne peut croire sans entendre.) Lors nostre Seigneur dit aux douze: Et vous, ne voulez-vous pas vous en aller aussi? A quoy saint Pierre respondit, Seigneur, à qui irons-nous? tu as les paroles de vie eternelle. Nous auons creu & entendu que tu es le Christ, le fils du Dieu viuant. Qui ne voit que saint Pierre veut dire qu'ils ont creu, mais pour auoir entendu & cognu? Il n'importe que le mot *entendu* soit le dernier. Car c'est vn *ὑστερον προpositum*. Le saint Esprit nous donne d'entendre & de croire, & nous retient en reuerence

s'il y a quelque chose qui surpasse nostre capacité; & que du premier coup ou si tost nous ne pouuons comprendre.

Par vn autre argument il veut monſtrer, que les Docteurs ſont les vrayes marques de l'Egliſe, & non la doctrine. *Car* (dit-il) *pour la bien croire, de la bouche de qui la doy-ie pluſtoſt croire, que de la bouche de ceux qui la croyent & l'entendent?* Nous reſpondons, que pour la bien croire, il l'a faut croire de la bouche de Dieu, dont elle eſt procedee. Quoy? vous la croyez pource qu'elle ſort de la bouche de l'homme? Tout homme eſt menteur. Eſt-ce là bien croire, de la croire pource que l'homme a parlé? mais pluſtoſt pource que nous ſçauons que Dieu a parlé par la bouche de ſes Prophetes, que noſtre Seigneur vray Dieu a parlé luy-meſme, a parlé par ſes Apoſtres, les a inſpirez par ſon Eſprit pour ceſt eſſeët, & cõduit en toute verité. C'eſtoyēt des hommes; ie l'aduouē; mais Prophetes & Apoſtres. L'Egliſe n'a plus de tels Docteurs: Par leurs miracles Dieu a teſtifié qu'il les auoit doüez de toutes graces neceſſaires pour enſeigner l'Egliſe, tant par leurs predications, que par leurs ſainctſ eſcrits; où ils n'ont rien couché, que ſelon qu'ils ont preſché, comme auſſi ils n'ont rien preſché contraire à ce qu'ils ont eſcrit. Il veut prendre la parole, de la bouche de ceux qui la croyent & l'entendent. Penſe-il que le Pape, ſes Prelats, ſes Docteurs l'entendent bien? Ne void-on pas quelle eſt leur i-

gnorance, en ce qui est du salut, tefmoin leurs écrits?

Mais bien qu'ils nous dient, que l'Eſcriture ſaincte eſt la parole de Dieu ( nous le croyons, & mieux qu'eux ) s'enſuit-il pour cela qu'ils ſoyent les vrayes marques de l'Egliſe, & non la doctrine ſaincte de la parole de Dieu? Et quand leur doctrine eſt fauſſe, que ſont-ils que faux Docteurs? Or leur doctrine eſt fauſſe, nous le faiſons paroître; ils ne ſont donc que faux Docteurs: Ils ne peuuent donc marquer ou eſtre marques, ſinon d'une Egliſe abuſee & ignorante, ou mal enſeignee. S'il auoit le meſpris de Dieu & les infametez de Rome en horreur, il en gemiroit, au lieu de prédre ces hommes ſi corrópus pour vrayes marques de la foy, ſaincteté, vraye Religion & de l'Egliſe. Oſe-il dire qu'il n'y a Egliſe, foy, ſaincteté, ſalut, ny vraye Religion, que là où ceſte infame Papauté ſera? & qu'il ne faut croire, que ce que ces gens diront & voudront? Mais veut-il que pour bien croire la parole de Dieu, nous la croyons de la bouche de ceux qui doubtent s'il y a vn Dieu, qui n'ont ny foy, ny loy, ny Dieu qu'eux-mesmes, ny raiſon que ce qu'ils voudront, comme ils font paroître par leur vie? Prendrons-nous ceux-là pour marques de l'Egliſe? comment veut-il croire la parole de Dieu de la bouche du Pape, ou la prendre pour parole de Dieu, pource qu'il le dit & en ſon nom & autorité? Ne doit-elle pas eſtre receüe & du

Pape & de tous pour estre sortie de la bouche de Dieu ; & authorisee & verifiee pour parole de Dieu par plusieurs & infinis miracles ? Que veut-il plus ? Dauantage luy & son Clergé ne l'exposent, ny ne la traictent que pour leur profit : Car en ce qu'elle leur est contraire, ils luy contredisent : Ce n'est pas donc la croire & l'entédre. Au, reste pour voir la force de son argument, il est tel : Tout ce qui dōne autorité à la doctrine de salut, est plustost la vraye marque de l'Eglise, que la pure doctrine de la parole de Dieu. Or les Docteurs donnent autorité à la doctrine & parole de Dieu : les Docteurs sont donc plustost marques de l'Eglise, que la pure doctrine de la parole de Dieu. Cela est faux : Car les Docteurs ne dōnent point d'autorité à la pure doctrine, d'autant que si nous la receuons de la bouche de ceux qui l'annoncent, nous la receuons parce que nous la recognoissons & sçauons qu'elle est procedee de Dieu, la recognoissons és saints escrits de la parole de Dieu, és articles de nostre foy, le Symbole des Apostres. Et auons cela si bien imprimé en nos cœurs, que nous n'y auons rien de plus certain. Il dira encore, que nous receuons la parole de Dieu, par ce que les Docteurs le nous disent. Nous respondons, que nous le sçauons aussi, & n'en doutons non plus que nos Docteurs, & que nous les oyons pour l'explication d'icelle, & pour auoir plus ample intelligence d'icelle : & non pas pour sçauoir

voir si c'est la parole de Dieu ou non. Je conclus donc, que nous receuons & croyons la parole de Dieu, pour parole de Dieu; parce qu'elle est procedee de la bouche de Dieu; & non simplement parce que les Docteurs nous disent que c'est la parole de Dieu. Et partant nous disons, que les Docteurs ne sont pas marque de l'Eglise, qu'entant qu'ils annoncent la doctrine de salut; laquelle estât vraye & pure, & conforme à la parole de Dieu, est marque d'une vraye & pure Eglise de Dieu. Mais la doctrine estant impure, corrompue, & fausse, ou en plusieurs, ou en quelques poincts, elle est vne marque avec ces Docteurs qui l'annoncent, d'une Eglise corrompue, fausse, impure, & mal enseignee, & non orthodoxe.

Il dit apres, *que le preiugé de sa croyance est mieux fondé en ceux-là qu'autrement.* On voudroit icy sçauoir, que c'est qu'il appelle le preiugé de sa croyance. Item, qui a fait ce preiugé; ou Dieu, ou le Pape: ie dy qui a iugé, dit, & ordonné de nostre croyance? Que ne dit-il son aduis en cela, sans parler si obscurément? c'est qu'il n'ose. Il veut donc dire, qu'il y a vn preiugé de ce qu'il faut croire. Et où? en la doctrine du Pape, ou de l'Eglise Romaine, dira-il. Ie dy qu'il y a bien vn autre preiugé, qui precede cestuy-là, qu'il est en l'Euangile, que c'est l'Euangile eternal: que Dieu en a là iugé, taillé, dit, arresté, & ordonné ce qu'il faut croire. Les Prophetes l'ont escrit,

les Apostres apres, le S. Esprit les a inspirez. L'Eglise a ouy, creu, receu au Symbole des Apostres tout le salut par vn seul Christ. La semence de la femme (dit Dieu) brisera la teste du serpent. Ce n'est aux hommes de iuger de nostre croyance, & en faire l'ordonnance: c'est à Dieu. *Ily a* (dit de Sponde ailleurs) *vn preiugé contre nous*. Je demande, de qui? de l'Eglise, dit-il. Quelle? la Romaine? Dieu a iugé & ordonné de sa croyance & de la nostre: & n'y a qu'une croyance pour tous. Ce n'est à elle d'en iuger. Quoy? s'ordonnera-elle ce qu'elle voudra, & laissera ce que Dieu a ordonné, ou en rongnera? Elle a iugé que leur Religion est la meilleure, & a reprouvé la nostre: & puis c'est sans nous auoir ouy, sans l'autorité de la parole de Dieu, mesme contre icelle. C'est le iugement de l'homme; Il n'est pas du saint Esprit: Car il cōtreuient à la parole de Dieu, aux articles de nostre foy qui sont procedez du S. Esprit. Le S. Esprit ne contredit pas à l'Escripture sainte, car il se contrediroit. Leur preiugé est contre Dieu, vn mespris de sa parole & de son conseil eternal: comme si Dieu n'auoit point parlé, ou qu'il n'y eust Dieu que le Pape. Tel est leur preiugé: faut-il là fonder nostre croyance? Ouy, dit-il, & sera là mieux fondee qu'autrement. Parle ouuertement: Veux-tu dire que ta croyance sera mieux fondee là au iugement de l'Eglise Romaine, qu'en la parole de Dieu? C'est ce que tu veux dire: Tu as encore honte, & n'oses le



dire. Mais quelle raison as-tu? Ceste promesse solennelle de Iesus Christ, de n'abandonner iamais son Eglise. Quand il n'y auroit que cela (dit-il) c'est assez. Mais Dieu, qui a fait ceste promesse, a donné sa parole, à laquelle il veut que son Eglise se tienne, sans y changer, ou adiouster, ou diminuer: Et a promis qu'elle ainsi enseignée & conduite, il ne l'abandonnera iamais. Il ne luy a rien promis autrement. Mais dites, voulez-vous dire que Dieu a laissé l'Eglise à sa liberté, sans luy donner sa parole? vous voyez le contraire. Pourquoi luy a-il donné sa parole, que pour s'y tenir? voulez-vous dire que Dieu a donné à l'Eglise cōgé de se faire telles deuotions, articles de foy, & telle religion qu'elle voudra, & qu'elle n'errera pas? Pourquoi donc Dieu a-il donné sa parole, & commandé de l'ouyr? Et pourquoi a-il dit, que ceux seront bien-heureux, qui la garderont? Mais est-ce au Pape, aux Iesuites, & autres de son Clergé, que nostre Seigneur a fait ceste promesse? A eux, di-je, qui font & vont, croient & enseignent contre la parole de Dieu, & le Symbole des Apostres, comme nous le faisons clairement apparoir? N'est-ce pas à ses Apostres; & à la verité en leur personne, à leurs vrais & legitimes successeurs, & à toute l'Eglise, conduite & enseignée par la parole de Dieu, que nostre Seigneur a fait ceste promesse? Car il y a ainsi en S. Matthieu: Allez donc, & endo-  
Cap. vii. r.  
19. 20.  
 ctrenez toutes nations, les baptizâs au Nom

du Pere, du Fils, & du S. Esprit; & les enseignant de garder tout ce que ie vous ay commandé. Et voici, le suis avec vous tousiours iusques à la fin du monde. Ceste promesse est faite à l'Eglise, de n'estre iamais abandonnee de nostre Seigneur, & de l'auoir present, si elle est tousiours enseignée & conduite par la parole de Dieu. Mais si elle ne le veut pas, & laisse la parole de Dieu, & se fait des deuotions contraires à l'Euangile, qui ose maintenir qu'elle n'errera pas? L'Eglise Romaine preschera-elle donc le salut, & l'enseignera autrement que par vn seul Iesus Christ, & par autre moyen que par sa mort & passion, & aura le S. Esprit pour ne pouuoir errer? mais en cela n'erre-elle pas? Que s'ils sont successeurs des Apostres, qu'ils enseignent comme eux, & que leur doctrine soit selon l'Euāgile, & le Symbole des Apostres: & lors nous croirons qu'ils parleront par le S. Esprit, verrons qu'ils n'errent point, & les croirons en cela.

Il demande apres, *qui represente mieux ceste Eglise, que ceux qui sont dispensateurs & conservateurs de ses mysteres, & conducteurs de toute ceste compagnie?* Je luy respon, qu'encore qu'ainsi soit, que neantmoins le Pape & son Clergé ne représenteront pas l'Eglise. Ce ne sont pas eux qui dispensent & conseruent les mysteres de nostre salut: au contraire, ils les falsifient, & peruertissent en beaucoup de poincts. Il faut, dit l'Apostre, que le dispen-

fateur soit fidele. Il ne faut donc rien mesler ny changer en ce mystere de nostre salut, comme font le Pape, les Prelats, & Docteurs. Ils ne sont pas donc ny dispensateurs, ny conserveurs des mysteres de nostre salut, ny bons & vrais conducteurs de l'Eglise: ains faux, & seducteurs. En cela donc ils ne sont aucunement vrayes marques d'une vraye Eglise: mais, comme a esté dit, tesmoignages que l'Eglise où ils enseignent, est mal enseignée & corrompue. Je demande, s'il les faut donc preferer aux Prophetes & Apostres, & leur doctrine à l'Ecriture sainte & au Symbole des Apostres?

Cependant il donne ces Docteurs de l'E- Page 65.  
glise Romaine, pour vrayes marques d'une vraye Eglise, & en laquelle il se faut ranger pour avoir salut. Ne nous donne-il pas de bonnes enseignes d'une vraye Eglise? Mais encore nous donne-il de meilleures marques pour les recognoistre, cōme par leurs vrayes marques. *Ce sont (dit-il) ceux qui aiment Dieu, ceux qui aiment leur voisin; cest à dire, ceux qui ne sont ny heretiques ny schismatiques.* Ne nous en donne-il pas de belles? Il donne pour marques de l'Eglise les Docteurs qui adherent au Pape & à l'Eglise Romaine. Les Docteurs de l'Eglise Romaine, leur doctrine estât faulse & erronée (comme elle est) ne peuvent estre marques que d'une Eglise heretique (ainsi que nous faisons apparoir qu'est l'Eglise Romaine.) Il dit qu'aimer Dieu, c'est n'estre

point heretique; & aimer son voisin, c'est n'estre point schismatique. Mais à son conte, aimer Dieu & n'estre point heretique, c'est croire ce que l'Eglise Romaine enseigne contre la parole de Dieu. Et c'est l'heresie que cela. Aimer son voisin, & n'estre point schismatique, c'est ne faire point de conscience d'aller à la Messe; & c'est idolatrie: & toutesfois voilà que c'est qu'il appelle aimer Dieu & son voisin; & dit que tout cela c'est n'estre ny heretique ny schismatique. Au reste, il veut dire que tels sont les Iesuites, les Cardinaux, les Moines, les Euesques, & le Pape, voire la Papauté. Car la Papauté, & tout ce que nous combatons, n'est qu'heresie, & tout erreur, tenebres, & ignorance: & leur opiniastrété est l'heresie sanglante, qui a fait verser & continue à espandre le sang. Leur opiniastrété est en vne fausse doctrine. Si nous sommes fermes en nostre croyance, c'est vne sainte opiniastrété: car nostre croyance est bonne selon la parole de Dieu, & selon la croyance des Apostres mesmes, & selon leur Symbole. Est-ce donc vne heresie? Ces Docteurs-là que de Sponde appelle dispensateurs & cōseruateurs des mysteres de Dieu, aiment-ils Dieu? Dieu ne leur est qu'un pretexte pour viure à leur aise: ce sont prescheurs de sang, & de feu. Aiment-ils leur voisin? ils en cherchent le deshonneur & la damnation. Quelle est la vie de ce Clergé, que mauuais exéple, lasciueté, & le mesme bordeau? D'e-

estre schismatiques, ils le sôt, & en plus de cinq cents sortes ; voire en autant qu'il y a de monasteres & ordres de conuents. Il parle des Meletiës, & dit que du schisme ils tomberent en l'heresie. Quel fut leur schisme, que celuy de tous vos Moines, qui sont mis en des conuents, pour estre plus saincts, & faire là leurs prieres à part, & non avec le reste des hommes ? Ainsi vouloyent les Meletiens se mettre à part, pour ne prier avec les autres, & pour n'ouyr les preches de l'Eglise, & avec l'Eglise participer aux saincts Sacremens. Telle fut leur heresie selon Theodoret liure 4. des fab. des heretiques. Ils auoyent des lauemens & aspersions pour la remission des pechez, des chansons & sons d'instrumens & clochettes pour appaiser Dieu. Quoy ? n'auiez-vous pas d'eau benite, d'orgues, de chansons, & là dessus madrigales & tout ? n'auiez-vous pas de cloches, de petites & de grosses ? Et pourquoy cela, que pour appaiser Dieu, & le resiouir comme vous esbattiez vn petit enfant ? Si ce n'est cela, c'est donc pour vous donner du passetemps. Vous aurez cela comme les Meletiens, & ne serez pas heretiques comme eux ? Non, direz-vous : Car l'Euesque de Rome (c'est, à vostre dire, l'Eglise) approuue maintenant cela. Et pourquoy l'Euesque de Rome reprouuoit-il cela pour lors, & tenoit les Meletiens pour heretiques de cela, qu'auourd'huy vous faites ? Cela n'est-ce pas vn bon preiugé contre vous ? L'Euesque de

Rome peut-il plus maintenant qu'alors? *Qui aime Dieu* (dit de Sponde) *aime son Eglise*. Cela est vray : & celuy qui aime l'Eglise de Dieu, n'en est pas le maquereau, ne la corrompt pas, ny ne la fait idolatrer : mais la menera & la voudra mener vierge, chaste; non au Pape qui en veut estre l'adultere, mais à Iesus Christ son seul espoux. *Qui aime l'Eglise de Dieu*, dit-il, *ne s'en separe pas*. Cela est vray : Mais nous, sommes-nous separez de l'Eglise pour auoir renoncé à la doctrine infernale de la Papauté, & pour l'auoir en horreur? le dy ceste doctrine qui contreuient à la parole de Dieu, & aux articles de nostre foy. Pour ne vouloir adherer à leurs idolatries, sommes-nous moins en l'Eglise de Dieu? *Nous ne sommes pas en l'Eglise Romaine* (dit-il) & puis: Ne scaurions-nous autrement estre en l'Eglise de Dieu? n'en y a-il point d'autres? Encore sommes-nous vn avec elle, en ce qu'elle croit selon la parole de Dieu, & en ce qu'elle est Eglise. En cela nous ne nous en sommes pas separez. Nous auons fait selō que nous conseille S. Ambroise, disant sur S. Luc cha. 9. Y a-il quelque Eglise qui ne tienne pas la doctrine des Apostres? il la faut laisser & s'en retirer. Il n'excepte pas l'Eglise de Rome. Nous retenons nostre Seigneur pour le seul fondement, chef & salut de l'Eglise : nous consentōs à toute la doctrine que nostre Seigneur a donnee à l'Eglise. Au reste, ce qui est selon Dieu est tousiours fait en son lieu & en

son ordre. Nostre reformation, & sortie de la papauté, est selon Dieu ; car elle est selon sa parole : Elle est d'oc faite en son lieu & en son ordre, encore que le Pape & son Clergé, & d'autres, n'y ayent pas consenty. Ils n'ont pas voulu la reformation. Nous arresterôs-nous plus à eux, que l'Eglise des Apostres, au iugement des Prestres & Sacrificateurs qui auoyent la charge de l'Eglise, mieux que le Pape & son Clergé aujourd'huy n'ont pas, & par meilleure vocation?

Il dit apres, *Si ie puis voir au monde vne compagnie, qui depuis Iesus Christ iusques à ce iourd'huy, aye conserué precieusement ceste foy enuers Dieu, & ceste charité enuers le prochain,, doubteray-ie, non plus que saint Augustin, de me cacher en son giron, pour y chercher mon salut?* Le respon, que c'est là de vray qu'il se faut ranger, pour estre instruit de chercher le salut en Dieu. Mais pense-il auoir trouué ceste compagnie en l'Eglise Romaine, ou en la cour du Pape? Il s'abuse: Car l'Eglise Romaine, depuis que la Papauté s'y est logee, a esté corrompue: Elle a tout peruersti, & mis le monde en peché, en toute idolatrie, & en vn enfer de maux. Ie dy, entant qu'a esté en l'Euesque de Rome, & en son Clergé. Car ie ne veux pas dire, que la foy & la charité ayent esté du tout esteintes en l'Eglise Romaine; que Dieu n'y ait laissé quelque lumignon & tesmoignage, ou predication de la mort & passion de nostre Seigneur. Mais parmy vne mer de superstitions &



idolatries. Il s'est caché là : N'est-il pas aussi bien couuert que s'il estoit en l'enfer ? il cherche là son salut sous les clefs & les trois couronnes du Pape, sous ses bulles & pardons. Le salut n'est qu'en la misericorde de Dieu, dont se fait la dispensation: non par l'autorité du Pape, mais par les vrais ministres de la parole de Dieu. Ceux-là sont les Anges, ou messagers de sa grace. Qu'il nous donne l'Eglise Romaine telle qu'elle estoit du temps de saint Augustin, s'il veut que nous facions comme luy. Mais nous auons l'Eglise de Dieu pure au milieu de nous, y sommes, & faisons tous vne Eglise à Dieu, & nous contentons, graces à Dieu.

Je laisse ce qu'il dit apres *des syndereſſes, angoiſſes & maladies de ce corps d'Eglise Romaine, & des affauts qu'on luy a tousiours donné, & des trophées qu'il a emporté de tous ſes ennemis.* Car tout cela n'est que babil, & vne menterie impudente; tesmoin que le Pape & sa Papauté, sont aujourd'huy dénichés de la plus grand part des Royaumes de l'Europe. On y a ruiné Apoc. 14 8. Babylon, occis ceste grande paillardé, mangé sa chair; on l'y brusle au feu. On y presche, on y crie, on y assure la ruyne de Babylon. L'Eglise Romaine n'a-elle pas donc bien terrassé ses ennemis ? n'est-elle pas couverte de lauriers ? Elle a terrassé l'heresie, mais elle est plus heresie que verité : & l'a-on chassée de plusieurs Royaumes Chrestiens, comme vne sale putain.

Cequ'il dit apres, *qu'il croit qu'il y a tou-* Page 66.

*siours une sainte Eglise*, Nous le croyons, & sommes asseurez d'estre membres de ceste Eglise, & ne vous en excluons pas : mais nous disons que vous avez besoin de reformation. Aussi sommes-nous de son opinion, en ce qu'il dit, que l'Eglise se voit en partie, & en partie se croit. Mais qu'est-ce qu'il dit apres, en disant, *Nous y voyons la compagnie des hommes : mais que ce soit la vraie Eglise, nous ne le voyons pas, mais nous le croyons*. Je vous prie, n'est-ce pas cela mesme qu'il a cy deuant tant combatu contre nous ? car il a dit cy dessus, que l'Eglise est visible, & s'est moqué de ceux qui la font inuisible, & maintenant il la fait inuisible : car il dit que nous croyons l'Eglise, mais nous ne voyons pas que ce soit l'Eglise. Quel homme est cestuy-cy ? disputera-il que l'Eglise est visible, & puis il la fera inuisible ? car il est question si l'Eglise se voit ou non. Il a dit que l'Eglise se voit, & maintenant que l'Eglise se croit. Il veut dire qu'en partie elle se voit, & en partie elle se croit ; Nous le croyons aussi. Car nous croyons que ceux qui font profession de la Religion Chrestienne, sont de l'Eglise de Dieu ; encore que cela ne se voye pas à nos yeux : car nous ne sommes pas en dispute de ce qu'on croit de l'Eglise, & si cela est inuisible, mais si l'Eglise est visible. Nous disons que les hommes qui font l'Eglise, sont visibles, & qu'en cela l'Eglise est visible.

De Sponde tient apres, *que ceux qui ne voyent l'Eglise, sont des auengles.* Pilate voyoit l'Eglise, mais non que ce fust l'Eglise: car estre enfant de Dieu, est vn nom que nul ne cognoist que celuy qui la receu. Et en ce cas-là Pilate ne voyoit pas l'Eglise, combien qu'il vist les hommes qui faisoient l'Eglise. Il dit, *que l'Eglise ne s'esteindra iamais.* Nous l'accordons; soit en terre, soit au ciel. Car si icy elle est esteinte en vn lieu, elle est viuante & esclairée en vn autre. Le Royaume de Dieu a esté osté aux Iuifs, & a esté donné aux Gentils. Mais de Sponde ne dit pas sans cause, que les nuages des dissolutions ne l'esteignent pas. Car il ne peut nier les dissolutions de l'Eglise Romaine: mais il veut dire, que pour cela il ne laisse pas d'y auoir Eglise. Ce que nous ne nions pas; combien que nous niōs que ce soit l'Eglise vniuerselle. Cest adulateur du Pape dit apres, *que pour peu qu'il y ait de lumiere en l'Eglise Romaine (car il ne parle que de ceste-là) qu'il en y a assez pour esclairer tout le monde: A tout le moins, dit-il, pour nous garder du gouffre des tenebres.* Il dit cela, parce qu'il sçait bien qu'il y a faute de doctrine & de clarté en l'Eglise Romaine: Et toutesfois il dit qu'il y en a prou pour sauuer tout le monde. Et apres il dit, *que si ce corps de Iesus Christ n'a pas tous ses membres viuans, que pourtant tout n'est pas mort: que le cœur vit, & les principaux membres, ou les parties d'iceluy les plus nobles.* L'Eglise Romaine (dit-il) a de la lumiere assez pour peu qu'il

Apoc. 2. 17

Page 67.

y'en ait. Il demande, Pourquoi en a donc  
 Dieu tant donné à son Eglise par sa parole, si  
 tant est que ce peu soit assez. Mais qu'est la  
 Papauté q̄ tenebres ? cela estouffe la lumiere  
 de salut : la verité de l'Euangile y est cōbatue  
 à outrance, & par disputes, & à feu & à sang.  
 Iesus Christ y est perdu de veüe, caché, obscur  
 cy, & le salut presché & cherché ailleurs qu'en  
 luy, ou en quelque autre chose avec luy, &  
 non en luy seul; qui est n'en auoir point, & e-  
 steindre la lumiere de salut. Il est vray que  
 Dieu a gardé en l'Eglise Romaine, & y garde  
 quelque petit lumignon, comme a esté dit,  
 (autrement ce ne seroit plus Eglise) mais il ne  
 tient pas au Pape ny aux Iesuites, que tout ne  
 soit esteint. De ce peu de clarté qui y reste,  
 Dieu fait leuer par son Esprit vne belle lumie-  
 re és cœurs des siens. D'une petite estincelle,  
 on peut tirer vne belle clarté. Peu de leuain  
 leue beaucoup de paste, dit nostre Seigneur:  
 & de peu, Dieu fait beaucoup. De ce peu de  
 lumiere qui restoit en l'Eglise Romaine,  
 Dieu a fait leuer vne belle clarté, qui esclaire  
 auourd'huy par tout le monde. En tant de  
 belles Eglises reformees, qui sont en l'Europe,  
 Dieu a fait leuer ceste clarté : Car sans ce-  
 la, il n'y en auoit pas assez en l'Eglise Romaine,  
 pour sauuer tout le monde, & nous gar-  
 der du gouffre des tenebres. De Sponde n'est  
 pas si difficile, qu'il ne se contente de peu de  
 clarté en si profondes tenebres, que tacite-  
 ment il confesse estre en l'Eglise Romaine.

L'ignorance luy plaist, l'ignorance est la colonne de la Papauté : l'ignorance en l'Eglise, fait laisser & perdre peu à peu la grace de Dieu. Et (comme des vierges folles) laisser la lampe de salut s'esteindre, pour crier apres, Donnez-nous de vostre huile, car nos lampes s'esteignent.

Il appelle l'Eglise le corps de Iesus Christ. Commēt donc, dit-il, que le Pape est le chef? Ministerial (diront-ils) mais ils le font aussi viuifiant. Pourquoi donc nous tiennent-ils pour morts & retranchez de l'Eglise, à cause que nous ne tenons pas le Pape pour chef d'icelle, ains Iesus Christ? Mais où prend-il le cœur de la foy, & ceste noble partie, qu'il dit ne mourir point? S'il prend cela en ce siege de Rome, il erre grandement : Car c'est la maison de mort, les pourceaux d'Epicure, l'eschole d'atheisme, & ceux qui haïssent le plus la doctrine du salut par ~~par~~ vn seul Iesus Christ. Ce n'est donc là le cœur de la foy.

Bern, serm.  
77. in Can-  
tiq. 5.

Au reste, Iesus Christ vit tousiours en tous ses membres. Car il n'y a ne mort ne condamnatiō en ceux qui sont de sa communion. Et la foy ne meurt, ny ne defaut en tous les membres de l'Eglise, ny l'Eglise ne perist en terre : car si elle n'est plus maintenant en Antioche & en la Palestine, elle est pardeçà, & ailleurs. Et l'Eglise est la cité où Dieu habite, tant qu'elle oit la voix de Dieu.

Ceux, dit-il, qui disent que l'Eglise s'est perdue, sont perdus eux-mesmes. Qui en doute? Mais

qui est donc perdu, que ceux qui disent que l'Eglise est perduë; si l'Eglise Romaine n'est l'Eglise vniuerselle, que vous appelez Catholique? Le passage de S. Matthieu porte, que celuy qui ne se fonde sur Dieu, bastit sur du sable, & est vn fol. Vous ne vous fondez pas sur la parole de Dieu, sur vn seul Christ. Vous ne vous fondez pas donc sur Dieu; vous bastissez mal, & sur du sable, & non sur la pierre viue, esleuë, & fondamentale, le Fils de Dieu viuant. Vous estes donc perdus, vous estes insensés. Et à l'article de la mort vostre bastiment cherra, vostre confiance sera abattue, & perirez malheureusement, si Dieu ne vous donne repentance, & ne vous fait misericorde auparauant. Helas! où nous fonderons-nous qu'en Dieu? Seruirons-nous Dieu autrement qu'il n'a commandé par sa parole? Chercherons-nous salut ailleurs qu'en luy, & autrement, ou par autres moyens qu'il ne veut, & n'a ordonné? Serons-nous mieux fondez sur nostre inuention, sur l'imagination des hommes, & sur les deuotions, inuentees en leur teste sans la parole de Dieu? Que font-ils aussi en la Papauté, que flotter parmy le desespoir? Ne disent-ils pas qu'il faut estre en doute de son salut?

De Sponde nous mene apres sur la duree continuelle de l'Eglise. Nous ne la nions pas, & ne disons pas que l'Eglise ait peri: mais nous disons, qu'elle a esté corrompue. Il y a bien de la differéce entre mourir, & estre ma-

lade : & entre perir , & se corrompre. Il nous presche encore la vaillance de l'Eglise Romaine, les heresies qu'elle a terrassé & combattu. Que vous sert-il qu'elle ait autrefois fait cela , & que maintenant elle soit heretique elle-mesme ? De combien d'heresies la trouuons-nous chargée , tant qu'il semble qu'elle ait presque tout amassé ? Mais quelles heresies a combattu l'Eglise Romaine de nostre temps ? Elle les couue . Et quant aux heresies qui ont jadis esté combatues , qui y a fait meilleur deuoir que les pasteurs des Eglises d'Afrique , & de Grece ? Il dit qu'il s'est rendu à l'Eglise Romaine , pour n'estre plus si flottant & desespéré . Et quoy ? leur doctrine porte , que c'est peché d'estre assuré de son salut. Il s'est donc rendu au lieu , où flotter & estre incertain de son salut , est tenu pour œuvre de salut.

Après cela il dit, *que la continuation de l'Eglise se est plus valable que la recente naissance des heresies*. Nul n'en doute : nous ne sommes pas en dispute de cela. Mais bien si vne recente reformation n'est pas plus valable qu'une vieille corruption , comme elle est en l'Eglise Romaine ; à sçauoir telle , qu'il faut estre aveugle pour ne la voir pas . Appelle-il la reformation de nos Eglises ; vne naissance d'heresies ? Il le dit : Mais nos escrits font foy du contraire : Ils sont la mort aux heresies , & à celles de la Papauté mesme. Quelle heresie trouue-il au Symbole des Apoltres ? Il n'en y a non



nón plus en nostre confession de foy. Il ny a eu heresie, n'en y a maintenant, ny iamais ny en aura, qui ne soit par là réprouuee. Or il allegue ceste continuation d'Eglise pour se ser-  
 uir de l'antiquité. Toutesfois il trouue que l'antiquité ou longueur du temps est vn tire-  
 laisse : Neantmoins en fin il en fait, dit-il, vn argument cōtraignant, pour croire que ceux qui ne font que venir, n'ont pas tant d'auantage en vne doctrine ancienne, que ceux qui l'ont puisée des premiers poincts de l'antiquité. Nous respōdons qu'il dit vray, & qu'il parle contre luy : Car nous auōs puisé nostre doctrine des premiers poincts de l'antiquité; Car elle est de la parole de Dieu, qui est l'Escripture sainte. Mais vo<sup>9</sup> estes venus depuis, & auez mis & introduit en l'Eglise vostre Papauté. Auez-vous donc autant d'auātage que nous ? vous qui parlez depuis trois iours, au regard de nous, qui ne parlōs que par la bouche de Dieu, des Prophetes & des Apostres ?

Il presuppōse faux, quand il dit, *qu'eux, comme plus anciens que nous, peuuent plus raisonnablement auoir conserué la doctrine de salut que nous.* Car puis qu'ils n'ont pas la doctrine ancienne pure, ils ne l'ont peu conseruer par aucune raison, ny ne le peuuent raisonnablement dire. Au reste, nous faisons paroïr par nos confessions de foy, catechismes & formulaires de nos Sacremens, de nos prieres, & par autres escrits, comme par nos presches, que nostre doctrine est la doctrine ancienne

fondée en la parole de Dieu. S'il demande, qui la nous a conseruée? nous luy respondrons, l'Escripture sainte. Nous l'auons trouuée en la Bible, aux anciens Docteurs, & Conciles, & en l'Eglise Romaine mesmes: combien que ç'ait esté comme on trouue vne perle parmi des bourriers; Dieu l'a ainsi miraculeusement conseruée. Et ainsi tousiours, cōme la verité est plus ancienne que le mensonge, nous tenons que nostre doctrine, qui est, que le salut est de Dieu & de l'Agneau, est plus ancienne que le mensonge de la Papauté, qui est de chercher le salut en la Messe, & autres deuotions cōtraires à l'Euangile eternal du Fils de Dieu. Nostre doctrine est dès le cōmencemēt du mōde; dès que nos premiers pères eurent peché. Dieu luy-mesme la preschee, La semence de la femme brisera la teste du serpent. Et nostre Seigneur est l'Agneau occis dès la fondation du monde; c'est à dire, tousiours Sauueur. Dieu estoit en Christ, dit l'Apostre, se reconciliant le mōde. Et ailleurs, Dieu l'a ordonné de tout temps pour propitiation, par la foy, au sang d'iccluy.

Apoc. 13. 8  
2. Coriu. 5.  
19.

Rom. 3. 24.

Page 68.

Il couche apres en titre, *que tous ceux qui se vantent de l'Escripture sainte, ne sont pas l'Eglise*: Et il dispute, que l'Escripture sainte n'a aucunement la prerogatiue de l'antiquité. Ce sont icy les mots, *l'aduoüe que l'Escripture sainte pourroit auoir en cecy quelque prerogatiue, si ceux qui s'en veulent seruir, pour renuerser ceste continuelle conseruation de l'estat de l'Eglise,*

*pouuoient iamais persuader à tout homme de sain iugement, par quelque ferme demonstration, de qui ils ont appris que ces saints liures, qu'ils vâtent si fort, soyent ceste parole de Dieu, laquelle nous sommes obligez d'entendre. Quoy ? doute-il de cela ? luy faut-il quelque domonstration pour le luy prouuer ? Il n'a le iugement sain ny Chrestien. Mais comment ; dit-il apres, que nul n'honore l'Ecriture sainte tant que luy ; veu qu'il la reuoque en doute ? est-il donc de sain iugement ?*

Mais il presuppõe faux contre nous, & nous impose, en disant que nous-nous voulons seruir de l'Ecriture sainte, pour renuerfer ceste continuelle cõseruation de l'estat visible de l'Eglise. Nous ne nous prenõs qu'à la Papauté, à vn faux visage d'Eglise, & à vn masque que nous voulons oster. Vostre estat de Papat, Patriarchat, Cardinalat, & tel Episcopat que le vostre, & toute telle hierarchie que vous auez, n'est point de l'estat de l'Eglise des Apostres. Ce n'est point vne continuation d'estat d'Eglise estably par eux. Cela ne fut iamais ordonné de leur temps : c'est long temps apres, comme sera dit en son lieu. Ce n'est point vne continuation d'estat d'Eglise, mais vn commencement & continuation de corruption, que par la parole de Dieu nous osts & reformons.

Mais pour venir à son dire, il dit, *que si on scauoit de certain que l'Ecriture sainte fust la parole de Dieu, que lors elle auroit quelque prero-*

*gatine*; à ſçauoir, pour l'antiquité & pour la verité. Il la deſpouille de toute authorité en l'affaire de noſtreſalut, de la foy, & vraye religion. N'honore-il pas bien l'Eſcriture ſaincte, Dieu & ſa parole? Il dit ailleurs, que ce n'eſt que ſimple papier, & vn iuge muet: & icy, qu'on ne ſçauroit perſuader à vn homme de ſain iugemēt, que ce ſoit la parole de Dieu. Qu'eſt-ce à dire, ſinon que c'eſt vne beſtiſe de la croire? Auſſi ne luy faites-vous pas tant d'honneur, que de la croire au faiēt de voſtre ſalut. Quand on vous l'allegue, vous hochez la teſte, & la reiettez, pour ſuyure les deuotions de vos peres, & preferez cela à la parole de Dieu.

Si vous croyez qu'il y a vn Dieu, que ne croyez-vous qu'il a donné ſa parole, que l'Eſcriture ſaincte eſt la parole de Dieu? Et ſi la ſaincte Eſcriture n'eſt ceſte parole de Dieu, où la prendrez-vous? Mais Dieu ne parle-il pas en l'Eſcriture ſaincte? voyez, & oyez-le parler là dedans dès les premiers iours du monde. Il a parlé à nos premiers parens, & auant & apres le peché: il leur a preſché & aſſeuré le ſalut en Ieſus Chriſt, comme eſt porté par l'Euangile. Il a parlé aux anciens Patriarches, & apres a fait mettre ſa parole par eſcrit; donné ſa loy, & ſes commandemens à Iſraël; donné loix pour la police, pour les ceremonies & Sacremens, pour les mœurs, & le tout en eſcrit par Moyſe. Il a parlé par les Prophetes ſuyuās, qui ont expliqué cela. Les

explications & propheties qu'ils ont mis par escrit, c'est la parole de Dieu. Et ce que les E-uangelistes & Apostres ont escrit, à sçauoir, le nouveau Testament, c'est l'Euangile, & parole de Dieu, & le message asseuré de nostre salut en vn seul Iesus Christ: car tous ceux-cy ont parlé & escrit par le S. Esprit, là donc est la parole de Dieu. Si vous ne la prenez là, ie ne voy point où vous la prendrez. Car Dieu fera-il Dieu, aura créé le monde, y aura mis l'homme pour Roy, luy aura tout mis sous ses pieds, l'aura releué de sa cheute, asseuré de son pardon, l'aura racheté, se le sera reconcilié, & n'en aura rien dit; là dessus Dieu n'aura pas parlé? Et où qu'en ceste Escriture sainte? Dites où ailleurs? Ce sont nos demonstrations, & surquoy nous-nous fondons; quand nous disons que la sainte Escriture est ceste parole de Dieu, laquelle nous sommes obligez d'entendre. Dieu ne peut estre sans sa parole, par laquelle il veut estre cognu, seruy, & adoré, non plus que sans sa prouidence. Et puis qu'il a parlé en l'Escriture sainte, que cela nous conste bien, où prendrons nous sa parole qu'en la sainte Escriture, vieil & nouveau Testament? d'où luy en dōnerez-vous vne autre? Le Pape, dites-vous, la fera. Mais Dieu y a prouueu, l'a faite & donnee, & pour l'Euesque de Rome, & pour tous. Qui la donnera que Dieu? Qui sçait sa volonté s'il ne l'a dit? Qui est son conseiller? Qui cognoist ce qui est de Dieu, que l'Esprit

de Dieu? Serez-vous mieux fondez sur la parole du Pape, que sur la parole de Dieu? Si c'estoit au Pape de faire la parole de Dieu, falloit-il que Dieu en fit? Abolirons-nous la parole de Dieu, pour receuoir celle de l'Euesque de Rome? Quoy? ce seroit l'atheisme; ou faire comme s'il n'y auoit point de Dieu au ciel: ou comme si Dieu ne se soucioit du salut, & eust laissé au Pape d'en ordonner.

Il faut maintenât respondre à sa question: Il demande, *qui nous fait croire que la sainte Escriture soit la parole de Dieu, & qu'il n'y ait pas d'autre parole de Dieu?* Je respon encore sommairement, que nous voyons que toutes les Eglises ont receu l'Escriture sainte pour parole de Dieu; soit l'Eglise de Rome, celles d'Italie, des Gaules, des Allemagnes, de Grece, de Syrie, d'Afrique, & d'ailleurs: les Docteurs, Martyrs, Conciles & Confesseurs aussi: nous suyons ce consentement. D'autre part la verité des promesses, menaces, propheties, & l'accomplissement d'icelles, & au temps predict & ordonné que nous voyons en l'Escriture, nous fait croire que c'est la parole de Dieu: & aussi les miracles que Dieu a iadis fait par ses Prophetes & Apostres, pour l'autoriser comme parole de Dieu. D'auantage, comme les hommes saints ont parlé & escrit, estans inspirez par le S. Esprit; nous aussi inspirez par le mesme Esprit, nous reconnissons de mesme l'Escriture sainte pour la parole de Dieu, & n'en pouuons recognoi-

stre d'autre. Nous ſçauons donc que l'Eſcriture ſaincte eſt la parole de Dieu, par le meſme Eſprit qui l'a dōnee. Car comme il a donné aux hōmes ſaincts de croire, de parler, & de rediger par eſcrit les ſainctes Eſcritures, pour la vraye & pure parole de Dieu: auſſi nous dōne-il d'ouyr & de croire, que là Dieu parle à nous. Et ſauons bien que la Metamorphoſe d'Ouide, ou ſes Faſtes, ou Platon, Homere, & quelques autres, meſmes les traditions de l'Egliſe Romaine cōtraires à l'Eſcriture ſaincte, ne ſont pas la parole de Dieu. Et quand nous voudrions croire cela, nous ne pourrions, eſtans par l'Eſprit de Dieu reſolus du cōtraire. Pouuez-vous croire le cōtraire, de ce que vous croyez par le S. Eſprit? Par iceluy nous voyons en l'Eſcriture ſaincte vne telle maieſté, grace, & grauité, vne telle ſubterité & verité, promeſſes, menaces; douceurs, conſolations: & nos cœurs en ſont tellement épris & ravis, que nous croyons que c'eſt Dieu qui y parle. Mais vous-mêmes n'en eſtes-vous pas conuaincus? Comment donc nous demande ceſtuy-cy, qui nous fait croire que l'Eſcriture ſaincte ſoit la parole de Dieu, & non vne autre eſcriture? La cauſe efficiente de noſtre croyance, eſt Dieu par ſon ſainct Eſprit: mais vous pēſez que la croyance de ce qui eſt de noſtre ſalut ſoit de nous-mêmes: là où l'Apoſtre dit, Qu'il nous eſt donné de croire, comme de ſouffrir pour noſtre Seigneur: Nul ne peut venir à moy, ſi



mon Pere ne le tire. Item, Nul ne peut dire, Seigneur Iesus, que par le S. Esprit. Nous ne pouuons croire ce qui est de Dieu, que par le S. Esprit. Or l'Escripture sainte est parole de Dieu : Nous la croyons donc telle par le S. Esprit. Veut-il dire que c'est l'Eglise qui nous fait croire, que l'Escripture sainte est parole de Dieu ? Que veut-il conclurre de là ? que l'Eglise est donc plus croyable que la parole de Dieu, & plus anciene ? Nous auons monstté que tout cela est faux. Mais pourquoy amene-il cela icy, où il est question de monsttrer, si la doctrine de salut est la marque de l'Eglise, ou non ?

Il semble bien pourtant qu'il laisse ceste dispute des marques de l'Eglise, pour attaquer la dispute d'un autre costé, & remuer sa batterie. Car il demande, *qui nous a conserués ces belles reliques, des labours de tant de grands & saints personnages, pour n'en auoir eu l'intelligence que depuis soixante ans en ça ?* Mais pense-il que nostre intelligence soit si nouuelle ? nous ne disons rien que les Anciës n'ayent dit, & Docteurs & Conciles, & premierement la parole de Dieu. Que disons-nous qui y contreuienne, voire qui n'y conuienne ? Les Anciens ont compris ces cahiers comme nous, voire en tout : nous le faisons apparoir, ie l'ay monstté cy dessus. Quand M. Luther a preschié contre les indulgences, il auoit la parole de Dieu, & toute l'antiquité pour luy. Car la parole de Dieu ne parle point de ces indulgen-

ces, & l'antiquité n'en dit rien. En nos interpretations, nous auõs les Anciens pour nous, & contre vous. Ce que j'ay fait voir en la premiere partie de ces declaratiõs. Car de Sponde ramene icy cela mesme qu'il a dit là.

Ce qu'il dit donc, qu'à nõstre dire toute l'antiquité a esté damnee, que l'Eglise a esté miserable, qu'elle n'a fait que remplir l'enfer d'ames, qu'elle a esté sans la vraye intelligence de l'Escripture sainte (si nõstre doctrine est vraye) est vain & tout faux. Car les Anciens ont eu la mesme intelligence que nous, iusques à ce que la Papauté ait eu le dessus. Et encore nombre infini de Docteurs ont eu ceste mesme intelligence que nous, & crié contre le Pape & la Papauté, comme nous. Tout n'a pas donc esté perdu, quoy que la confusion ait esté grande. Et quant à ce qu'il dit, *que si nous auons les liures des Anciens, & les lisons, que nous ne les deuons pas donc mespriser.* Je respon, qu'aussi ne faisons-nous. Nous les lisons, & vous le faisons bien sentir: Car c'est contre vous que nous-nous en aidons, & les suyons en tout ce qu'ils sont cõformes à la parole de Dieu; autrement non: & ne faisons en cela rien, que selon qu'ils ont escrit, & nous ont enseigné de faire.

Il promet de dire pour l'antiquité contre la nouueauté: mais quel besoin de nous faire leçon de cela? Car nous prenons l'antiquité, nous y tenons, & la mettons sus. Je dy l'antiquité que vous auez banni de l'Eglise par vo-

qui tua le feu Roy? Porte-on ainsi des châdelles à M. Luther, & luy dit-on, *Ora pro nobis?*

Il compare par moquerie Martin Luther à Moÿse : & comme si Dieu auoit espandu de son Esprit sur les autres. Ne sçait-il pas qu'en mesme temps, Dieu donna à plusieurs, la mesme cognoissance qu'à Martin Luther? Et à quelques vns, comme à Zuingle auant luy, & sans auoir communiqué ensemble, & sans s'estre iamais veu, ny ouy parler, l'un de l'autre?

C'est tout ce qu'il auoit à dire pour l'antiquité contre la nouveauté. Et de là il fait vne conclusion ; à sçauoir, que nous ne combatons pas l'antiquité de l'Eglise par les Escritures, puis que c'est ceste Eglise mesme qui nous a donné la certitude, que ce sont là les Escritures. Je respon, que nous ne combatons pas l'Eglise, ny l'antiquité d'icelle ; mais la Papauté, & la fausse doctrine de l'Eglise Romaine, introduite en l'Eglise contre l'Escriture sainte. Au reste l'Eglise Romaine ne nous donne point la certitude des saintes Escritures : car c'est l'œuvre du saint Esprit, duquel elles sont procedees, & donnees à l'Eglise. C'est luy qui les fait croire & recevoir, avec assurance que c'est la parole de Dieu.

Aussi ne disons-nous pas que l'Eglise en ait Page 70.  
grossierement ignoré le sens, ny les anciens Docteurs & Conciles, comme a fait depuis l'Eglise Romaine ; & disons, que comme l'Eglise ancienne les a entendus, qu'elle les a receus. Quant à ce qu'il dit que les Conciles

les ont examinees, il se trompe. Les liures des Prophetes & du nouueau Testament, comme nous les auons, ont esté receus des Anciens avec reuerence, comme parole de Dieu; sans les examiner & assuiettir à leur examen; comme si ç'eust esté à eux de leur donner autorité, d'y adiouster, ou diminuer, ou les faire Escriture sainte & parole de Dieu. L'Escriture sainte n'est pas subiette à l'examen d'un Concile. Nul Concile n'a disputé les liures de Moyse & des Prophetes, ne ceux du nouueau Testament. Que si quelques particuliers ont douté de quelques liures du nouueau Testament: si est-ce qu'ils ont tous esté recognus en l'Eglise pour parole de Dieu, & ont esté receus de toutes les Eglises, sans en demander au Pape son aduis, ou s'en remettre au seul iugement de l'Eglise Romaine & de son Euesque. Au reste, les anciens Conciles n'ont pas combattu les Escritures saintes, & n'a pas esté de besoin qu'on ait expédié aux Conciles pour ce poinct: ny n'a fallu cōtredire aux Anciens, en ceste puïssace effrenee que vous donnez à l'Euesque de Rome: Car ils n'ont iamais entendu ny voulu luy conferer l'autorité de Dieu, ou de Lieutenant de Dieu en terre, telle que vous luy dōnez; non pas mesmes le Concile de Constance dernier. Au demeurant, par l'Escriture sainte nous monstons bien, que l'Eglise des Apostres estoit Eglise de Dieu: c'estoit la primitiue Eglise. Et apres aussi, l'Eglise qui a suiuy la mesme doctrine, estoit E-

glise de Dieu ; voire l'Eglise Romaine mesme, qui s'est corrompue, depuis qu'elle se gouverne par ses traditions, & non par la parole de Dieu, qui forme & fait la face de l'Eglise de Dieu. Que si quelquefois és anciens Conciles on a voulu establir quelque point de doctrine contre la parole de de Dieu, il a esté libre de contredire ausdicts Conciles, par la mesme parole de Dieu, qui y a esté ouye: comme au Concile de Nice, où estoient 318. Euesques, qui defendoyent le mariage aux pasteurs de l'Eglise. Vn seul Paphnutius leur cōtredit par l'Ecriture sainte, & monstra que le mariage est saint & honorable, & qu'il ne derogue en rien à la sainteté du ministère, & Heb. 13.4 qu'il est la couche sans macule: mais que Dieu iugera les paillards & les adulteres. Il fut oüy, & sa voix suyvie de tous. Demande maintenant pourquoy cestuy-là seul estoit plus sage que tous les autres, & que nul ne s'aduisa de cela comme luy?

De Sponde dit, qu'il ne veut pas entrer aux disputes particulieres, à sçauoir disputer particulièrement s'il y a vn purgatoire, pour purger les ames dans le feu apres ceste vie, où il est; si l'eau benite esteint ce feu; depuis quand est ce purgatoire; si Dieu en auoit rien dit à Moÿse: si les liures de Moÿse ordonnent des sacrifices & prieres pour les morts, ou s'ils les defendent. Item, si vn *De profundis*, ou vn *Libera me*, deliure de là. Si la Messe en sauue; si elle est ordonnee de Dieu, & où l'Ecriture

saincte le dit : & si elle a ceste vertu de faire que Dieu pardonne les pechez des viuants & des morts. Si la mort & passion de nostre Seigneur ne sauue sans la Messe. Item, si le Prestre fait le corps de nostre Seigneur ; s'il le fait de pain. Si le corps de nostre Seigneur est par tout, s'il est au ciel ou en terre : s'il se mange à belles dents ou en l'ame. Item, si les Saints postulent au ciel, s'ils regardent du ciel icy : s'ils sçauent qui les prie & qui non, & s'ils aiment bien qu'on leur porte des chandelles, des œufs, & autres offrandes ? Il ne veut pas aussi particulièrement disputer s'il faut baptiser les cloches. Item, si on a salut par la mort & passion de nostre Seigneur, ou par les œuvres ; comme les plus meschans mesmes pretendent d'estre sauuez par leurs œuvres. Ce qu'il veut disputer, c'est si le Pape n'est pas chef de l'Eglise pour la viuifier, pour dependre de luy : Et s'il n'a pas toute puissance sur l'Eglise pour la gouverner, comme s'il estoit la bouche de Dieu, & auoit les clefs du royaume des cieux seul en sa ceinture, & le pouuoir d'ordonner de tout ce qui est de nostre salut. S'il a vne fois gagné cela pour le Pape, il n'y a aucun poinct de religion en l'Eglise Romaine, qu'il ne gagne sans disputer. Car si le Pape est par dessus la parole de Dieu, a toute authorité sur tout ce qui est de Dieu, & ne peut errer ; tout ce qu'il dira ne sera-il pas bon ? Il fera du salut comme il voudra : c'est ce que cherche de Sponde.

Et pourtant il dit après, *Il me suffit pour ceste heure de me résoudre où ie trouueray ceste Eglise; hors laquelle ie peux bien trouuer les Sacremens & la parole de Dieu; mais non pas le salut.* Qu'est-ce que dit cest homme? Ne refuse-il pas? car où est la parole de Dieu leuë; ouye, preschee, creuë, & receuë qu'en l'Eglise? & où les Sacremens, que là où est ainsi la parole de Dieu? La Circoncision est appelée seau de la iustice de la foy, il n'en est pas moins de nos Sacremens. Ce sont seaux & tesmoignages des promesses de Dieu, signes & gages visibles de nostre salut, que Dieu nous promet par sa parole. La doctrine est, où est la parole & les Sacremens, & là est le salut. Là Dieu l'offre, le promet, le donne, l'assure, & en met les gages en main, & le salut quant & quant, & en rendons graces à Dieu. Le salut n'est-il pas donné où est la parole de Dieu, & où sont les Sacremens? Ceux qui sont baptizez, ont vestu Christ. Le pain que nous rompons, est la communion au corps de Christ. Et où cela qu'en l'Eglise? Où est donc l'Eglise, que là où est la parole de Dieu, & où sont les Sacremens? Et où est le salut que là mesme? Pense-il (le miserable qu'il est) qu'il y ait Eglise de Dieu, que là où Dieu promet le salut? Et où le promet Dieu, que là où est sa parole, & où il donne ses Sacremens pour seaux d'icelle, & pour gages & tesmoignages de salut? Le salut est où est la foy, & la foy où est la parole de Dieu. Nostre Seigneur a

Rom. 4. 11.



commandé d'enseigner, & apres de baptizer: & a promis le salut à ceux qui croiront. Le salut donc ne se peut trouuer ( contre ce que dit de Sponde ) que là où sont la parole de Dieu & les Sacremens: c'est là aussi qu'est l'Eglise, à sçauoir, où est la parole de Dieu & les Sacremens. Car par l'ouye de la parole de Dieu, on a la foy: & par la foy on apprehende & a-on le salut, & non autrement.

La raison qu'il a pour dire que la parole de Dieu & les Sacremens se peuuent bien trouuer hors l'Eglise, mais non pas le salut: c'est que *Nul (dit-il) ne peut auoir la vie, qui n'a lesus Christ pour chef, qui n'est en son corps, à sçauoir l'Eglise.* Et quoy? Où a-on Iesus Christ pour chef, qu'où est l'alliance de Dieu? Et où est l'alliance de Dieu, qu'où s'annoncent ses bontez, se presche la verité? qu'où est la parole de Dieu ouye, & receüe par foy, & où les Sacremens sont donnez & receus pour gages de salut? Le pain que nous rompons, dit l'Apstre, est la communion au corps de Christ. En la Cene donc nous auons Iesus Christ pour chef, elle nous en est tesmoignage: partant nous tesmoigne que nous sommes en son corps, chair de sa chair, & os de ses os. Cela est en l'Eglise: & en l'Eglise sont la parole & les Sacremens, & non ailleurs. La Circocision n'a pas esté Sacrement aux peuples idolatres, ny ne l'est aux Turcs; ny leur ablutions, baptême: & les sacrifices n'ont pas esté Sacremens aux Payens: Car ils n'auoyent  
pas

pas la parole de Dieu, sans laquelle les Sacre-  
mens ne sont que maquerelages de Satan.

La parole ioincte à l'element, dit saint Au-  
gustin, est fait le Sacrement. Il est ainsi que Traicté 8.  
sur S. Jean.

nostre Seigneur nous donne la vie; parce  
qu'il est nostre chef, & nous ses membres:  
mais de Sponde s'abuse de s'imaginer vne E-  
glise, dont nostre Seigneur soit le chef, l'E-  
glise son corps, & où soit le salut, que là me-  
me où est la parole de Dieu preschee & re-  
ceue, & les Sacremens administrez. Car c'est  
là, & non ailleurs, qu'est l'Eglise vraye & pu-  
re, le salut, ce corps mystique de nostre Sei-  
gneur, & luy le Fils de Dieu, chef pour nous  
viuifier. Mais s'il ne viuifie que son corps,  
quelle vie y a-il pour ceux qui prennent le  
Pape pour chef de l'Eglise, comme fait l'Egli-  
se Romaine? Qui la peut viuifier que Dieu?  
Cōduire & gouverner par tout l'vniuers sous  
le sceptre de sa parole & par son Esprit, que  
nostre Seigneur vray Dieu & vray homme?

De Sponde pretend maintenant de mon-  
strer, que l'Eglise est plus ancienne que l'E-  
scriture sainte, mais sera-ce l'Eglise Romaine?  
Sera-elle plus ancienne que le viciil & nou-  
veau Testament? Au reste il dit cela, pource  
qu'ils veulent que les differens de la religion  
se voident par l'autorité de l'Eglise, & non  
par l'autorité de l'Escriture sainte, qui est  
la parole de Dieu. Quelle raison y a-il en ce-  
la, que l'Eglise se gouverne par elle, & resoul-  
de ses difficultez en ce qui est du seruice de

Dieu, par elle-mesme, par son aduis, & sans la parole de Dieu ? Dieu n'a-il pas ordonné de tout quand il a donné sa parole, & commandé de la suyure ? Quand le Messias sera venu, il nous enseignera toutes choses. Je vous ay enseigné tout le conseil de Dieu. Item, Ils ont Moysé & les Prophetes, qu'ils les oyent. Item, Sondez les Escritures. Item, Vous errez, ne sçachant les Escritures. Itē, N'avez-vous point leu ? Nous sommes donc renuoyez à l'Escriture sainte, pour sçauoir la resolutiō de tous les differens qui peuuent suruenir en l'affaire de la Religion. Dieu n'a pas mis cela au iugement de l'Eglise, ny ne l'a renuoye au Pape : mais l'a retenu à soy, & en iuge par sa parole, qui est l'Escriture sainte. Pourtant l'Apostre dit 2. Timot. 3. v. 17. 18. Toute l'Escriture est diuinement inspiree, & profitable à endoctriner & cōuaincre, à corriger & instruire selon iustice : à fin que l'homme de Dieu soit accompli, & parfaicement instruiēt à toute bonne œuvre. C'est comme S. Paul parle de l'Escriture sainte.

Il faut maintenant voir si nostre aduersaire parle avec raison. *L'Eglise* (dit-il) *est plus ancienne que la sainte Escriture* ; Mais elle n'est pas plus ancienne que la parole de Dieu : car la parole de Dieu estoit auant qu'elle fust escriture. Dieu auoit parlé à Adam, à Noé, à Abrahā ; & Sem auoit la parole de Dieu : les anciens Patriarches aussi auāt que Dieu donna la Loy. Dieu fit escrire Moysé, mais au-

Ican 4. 25.

Act. 20. 27.

Luc 16. 29.

Ican 5. 39.

Mat. 22. 29

Mat. 19. 4.

parauant l'Eglise auoit la parole de Dieu: Dieu la gouuernoit, l'instruisoit, la consoloit; luy promettoit salut par les promesses de sa parole, La semence de la femme brisera la teste du serpent. Item, En ta semence seront benites toutes les lignees de la terre. C'est le salut par son Christ, ce que portent les Prophetes, ce qui a esté accomply; & la doctrine de l'Euangile en fait foy. Dieu a voulu que Moysse, les Prophetes, & les Apostres ayent escrit ceste doctrine, par laquelle l'Eglise estoit gouuernee auant qu'elle fust escrete. Pourquoy ont-ils escrit, sinon à fin que l'Eglise ne fust conduite que par la parole de Dieu? Ce qui est raisonnable, puis que l'Eglise est la maison de Dieu. Pour qui a Dieu fait escrire sa parole, que pour son Eglise? N'a-ce pas esté à fin qu'elle ne fust seduite ny abusée par autre doctrine? Mais n'est-il pas dit, que l'Eglise est fondée sur la doctrine des Prophetes & des Apostres? Comment seroit-elle autrement colomne & appuy de verité? Vous serez assis sur douze sieges, iugeans les douze lignees d'Israël (dit nostre Seigneur.) C'est donc que l'Eglise n'est pas plus ancienne que la parole de Dieu; & que la parole de Dieu a esté auant qu'elle fust escrete par Moysse & les Prophetes: & qu'auant, lors & maintenant, & tousiours l'Eglise n'a esté, n'est, ny ne doit estre gouuernee que par ceste mesme parole de Dieu que nous auons au vieil & nouveau Testamēt; que pour cest effect nous ap-

Esa. 29.  
Mat. 15.

pellons l'Eſcriture ſaincte. Je ne diſputeray point que la parole de Dieu a eſte pluſtoſt q̃ l'Egliſe, comme il faut neceſſairement; veu que c'eſt par elle que l'Egliſe eſt faite Eglise de Dieu, formee, reglee, & compaſſee comme Eglise de Dieu. Et comment ſerons-nous la maiſon de Dieu, que par ſon alliãce, & en l'acceptant? & cela ſe peut-il faire ſans la parole de Dieu? Il faut donc que la parole de Dieu precede, comme la cauſe ſon eſſect; & cõme l'inſtrument l'ouurage. Mais quoy qu'il en ſoit, Dieu a ordonnẽ, que ſon Eglise ſera conduite par ſa parole, & luy ſeruy ſelõ ſes commandemens, qui ſont en la ſaincte Eſcriture, qu'il a donnee pour cẽſt eſſect. Vous me ſeruez, dit-il, pour neant, n'ayans pour doct̃rine que les commandemens des hommes.

Mais ſi l'antiquitẽ le doit emporter, y a-il antiquitẽ qui ſoit plus ancienne que l'eternitẽ? Dieu eſt eternal, ſa parole eſt ſon conſeil, ſon propos, ce qu'il a ordonnẽ du ſalut de toute eternitẽ. Il n'y a rien ſi ancien: Dieu n'a iamais eſtẽ ſans ſon conſeil. L'Evangile eſt appellẽ eternal. Si donc l'authoritẽ demeure deuers l'antiquitẽ, & l'antiquitẽ deuers Dieu, qui eſt appellẽ l'ancien des temps; Il faut de toute neceſſitẽ que l'authoritẽ ſoit deuers la parole de Dieu, qui eſt l'Eſcriture ſaincte, & non du coſtẽ des hommes qui ſont l'Eglise.

Et à fin que nous examinions maintenant ſes raiſons, il dit, *que l'Eglise eſt plus ancienne que l'Eſcriture ſaincte de deux mille ans: & que*

*Moyse est le plus ancien escriuain de tous : & que depuis Adam iusques à Moyse il y a en Eglise, encore qu'il n'y eust pas d'Ecriture sainte.* Je respon, que la parole de Dieu estoit, & celle mesme qui est à present en l'Ecriture sainte. En ce qu'en a escrit Moyse, se voit sommairement tout ce qui lors estoit de l'estat de l'Eglise, & de sa croyance : à sçauoir, de croire & esperer le salut en ceste semence benite & promise, qui deuoit briser la teste du serpent; & en laquelle sont benites toutes les linees de la terre. C'est Iesus Christ nostre Seigneur, l'Agneau occis dès la fondation du monde, qui a esté hier & aujourd'huy, & sera le mesme eternellement, c'est à dire, tousiours Sauueur : Dieu se reconciliant le monde en luy. C'est ce que lors, & auant la loy, l'Eglise pouoit & deuoit croire. Nous auõs plus amplement le tout en Moyse & aux autres Prophetes, & au nouveau Testament, & le tout accompli par nostre Seigneur. Cependant qui luy a dit que Moyse soit le premier qui a escrit de la parole de Dieu, ou le plus ancien? Les anciens Patriarches ont eu l'art de l'Ecriture. Nous ne sçauõs si la Prophetie d'Henoc a esté écrite ou gardee autrement en l'Eglise : mais nous sçauons bien que Iob a esté plus ancien que Moyse. L'art de l'Ecriture estoit de son temps : & on tient qu'il a escrit son liure luy-mesme. N'est-ce pas Ecriture sainte?

Gene. 3. 15

Gene. 12.

3. &amp; 22. 18.

Apo. 13. 8.

Heb. 13. 8.

2. Cor. 5.

19.

Il dit encore, *qu'il y a eu l'Eglise du nouveau*

*Testament, auant que l'Euangile fust escrit par les Euangelistes & par S. Paul, & par S. Jaques, & S. Iean, & S. Inde. Mais pourtant l'Eglise n'estoit pas sans les liures des Prophetes, & sans la doctrine del'Euangile, qui a esté depuis redigee au nouveau Testament; cela n'est-ce pas la parole de Dieu? Nous disons donc, que la parole de Dieu a esté auant qu'estre écrite au vieil & nouveau Testament: & que l'Eglise a esté gouuernee par ceste parole de Dieu non écrite; comme maintenant elle est gouuernee par icelle-mesme écrite. Tout ainsi comme la mesme lumiere qui est maintenant, a esté auant que le soleil fust, & apres a esté mise au soleil, à fin que par icelle le monde soit éclairé.*

Page 71.

*Il dit, que les liures du nouveau Testament n'ont esté escrits, que long temps apres que l'Euangile a esté presché; & encore par occasiō. Le respon, que l'Euangile a esté auant prêché par Iesus Christ, & par les Prophetes & Apostres; puis que l'Euangile gist en ces mots tousiours ouïs en l'Eglise, Le salut est de Dieu, & de l'Agneau. Mais comment dit-il, que les Apostres n'ont escrit que par occasion? Quelle? Il veut dire, que ce n'a pas esté pour necessité. N'est-ce pas vn blaspheme? Si on s'en fust bien passé, quel besoin estoit-il d'en charger l'Eglise? Mais quoy? Dieu aura-il donné l'Euangile & sa parole, que ce ne soit pour là regler la croyance de son Eglise: & que ceste doctrine ne demeure à tousiours? Les Patriarches ont esté*



reiglez par ceste doctrine, car elle estoit; encore qu'elle ne fust pas escrite: & a esté escrite, à fin que vous, & les autres heretiques ne supposiez vne fausse doctrine comme parole de Dieu, au lieu de la doctrine des Prophetes & des Apostres: autrement où en serions-nous? que nous voudriez-vous faire croire? Comment nous defendriõs-nous de vos traditions, miracles, reuelations des morts, apparitiõs d'esprits, & autres resueries, de vous, des Anabaptistes, & autres heretiques? Où prendrions-nous dequoy confuter tout cela, si nous n'auions la parole de Dieu en l'Ecriture sainte?

*L'Eglise (dit-il) a conserué ceste doctrine preschee, dans son cœur, sans aucuns liures nouveaux: & moyennant ceste doctrine, il luy a esté tresfacile de iuger, si ce qu'un chacun escriuoit, estoit conforme à ce qu'ils auoyent receu de bouche en bouche de leurs ancestres.* Je respon, que les Apostres ont presché & expliqué la doctrine de l'Euangile, l'ont conseruee & donnee à l'Eglise; & mise par escrit, & reduite en liures. Je ne doute pas, que l'Eglise n'ait fait iugement, chacun en son particulier, si ce que les Apostres preschoyent & escriuoient, estoit conforme aux écrits des Prophetes; comme nous lisons Actes 17.v.11.& 1. de saint Pierre 1.v.10.& 11. Et pourtant nostre Seigneur & les Apostres n'ont rien mis en auât, qu'ils ne l'ayent prouué par l'ancien Testament. Mais de Sponde veut dire, *qu'on se fust*

Irenee li.  
3. C. 4.

*bien passé de l'Escripture sainte. Et pourtant il adiouste, que quand tous les liures se fussent perdus, encore eussions-nous en quelque religion, qui auroit esté cōseruee par la tradition verbale de nos Docteurs & par nostre retentive, aussi bien que ces premiers Patriarches. Et pour preuue de son dire, il allegue Irenee. Mettons qu'ainsi soit, qui en doute ? Car on ne se peut passer de Religion. Mais est-ce le tout d'auoir quelque Religiō ? Dieu veut qu'elle soit telle qu'il l'a ordonnee. Cela ne se cōserue-il pas mieux par escrit, que de bouche en bouche ; où il se peut corrompre, peruertir, changer, & alterer ? Et de faict, quoy que Dieu ait donné la doctrine de salut par escrit ; encore l'auuez-vous alteree & corrompue, & en abusez en vostre religion ; & nous recourons tousiours à la parole de Dieu comme à l'original : mais vous ne voulez pas ouyr parler de cela. Vous voudriez qu'il n'y eust point d'Escripture sainte : vous estes bridez par icelle, & vos faussetez conuaincues. Vous ne voulez ouyr parler que de traditions verbales, que de vostre parole non escrite ; c'est en fin de tout ce qu'il vous plaira, & au Pape de dire, pour vostre profit & gain deshoneste. Irenee qu'il allegue ne veut pas dire, que nous-nous fussions bien passez de l'Escripturē sainte : mais que quand nous n'en aurions, & que les Prophetes & les Apostres n'auroient point escrit, qu'en tel cas on auroit eu recours aux traditions donnees par les Apostres & à vne autre*

Eglise fidelement instituee ; cōme il le monstre par la croyance, laquelle il explique telle qu'elle doit estre en l'Eglise. Et ainsi Irenee ne parle là de traditions autres que des Apostres, & conformes à l'Ecriture sainte. Mais voicy les mots d'Irenee tournez en nostre langue. *Mais quoy ? si les Apostres n'eussent point laissé les Escritures, ne nous eust-il pas fallu suivre quelque ordre de tradition, telle que les Apostres auoyent donné à ceux à qui ils cōmettoient les Eglises ?* Et de Spōde dit ainsi, Ne faudroit-il pas que nous eussions eu quelque religion, qui nous eust esté conseruee par la tradition verbale de nos Docteurs ? C'est ce qu'ils voudroyent, & non pas l'Ecriture sainte, pour nous faire croire tout ce qu'il leur plairoit ; mais Dieu y a pourueu. Les Prophetes & les Apostres ont escrit, & l'Eglise est fondee sur leur doctrine, & non sur la tradition verbale de quelques Docteurs. Selon Irenee, il ne faut chercher ny tradition, soit des Apostres, soit de l'Eglise, ny parole non escrite, puis que nous auōs l'Ecriture sainte : & elle seule maintenant nous doit suffire. Et quant à ce qu'Irenee parle de plusieurs natiōs barbares, qui n'ont pas l'vsage de l'Ecriture, & si ont la mesme croyance : il l'explique par apres, & monstre quelle estoit leur croyance laquelle nous voyons, comme il l'a represente conforme au Symbole des Apostres, & telle qu'est nostre croyance. En vn mot, Irenee veut dire, que l'Eglise ne peut ny ne doit estre cōduite,

(soit qu'on ait l'Escripture saincte ou non) que par la doctrine des Apostres, qui est contenue en l'Escripture saincte, qui est la parole de Dieu.

Il dit, *qu'il veut cognoistre l'Eglise, plustost que l'Escripture saincte.* Mais peut-il cognoistre ny Dieu, ny l'Eglise, ny les bontez de Dieu enuers l'Eglise, sans la parole de Dieu? Où cognoistra-il l'Eglise, que là où sont les bontez de Dieu, ses promesses & sa verité? Et où cela, que là où est sa parole leuë, ouye, preschee, creuë, receuë & obseruée? Et s'il est en l'Eglise né & baptizé, ne sçait, & ne cognoist-il pas l'Eglise; & ne s'en voit-il pas membre? Il la cognoist donc. Cependant il dit ailleurs, qu'il la cherche, qu'il la veut cognoistre, veut qu'on la luy monstre, & qu'il luy est tres-necessaire de la cognoistre sur toutes choses, mesmes auant les sainctes Escriptures, qui sont la parole de Dieu. Il parle comme s'il estoit Turc: & de fait, les Iésuites traictēt ceste matiere en la personne d'un Turc, disant; Où me rangeray-ie pour estre en l'Eglise, si premierement ie ne cognoy ceste Eglise? Là dessus ils se font la responce, qu'il se faut ranger là où est le Pape: que là est l'Eglise. Et disent, quil n'y a Eglise que l'Eglise Romaine, ny salut que là, ny parole de Dieu que ce qu'elle en dira, & en donnera. C'est pour cela qu'il veut cognoistre l'Eglise, plustost que l'Escripture saincte; pour sçauoir de l'Eglise quelle Escripture est la parole de Dieu.

Mais ne le sçait-il pas encore? ne cognoist-il ny l'Eglise, ny la parole de Dieu? Mais quoy? vn Turc mesme ne cognoistra pas l'Eglise, ny ne s'y rangera, si premierement il n'a quel que cognoissance des mysteres de nostre salut & redemption; & ne sera-ce pas donc par la parole de Dieu? Les articles de nostre foy, sont le sommaire des saintes Escritures, & de nostre salut, avec la priere de nostre Seigneur, & les commandemens de Dieu. Combien y en a-il de l'Eglise, qui ne cognoissent que cela: & qui sans sçauoir lire, en le croyant ont salut? ceux-là ne sont-ils pas en l'Eglise? Ils y sont, encore qu'ils n'ayent veu; ny vieil ny nouveau Testament. Mais cependant c'est tousiours par la foy, croyance, & cognoissance de la parole de Dieu, qui est l'Ecriture sainte, qu'ils ont le salut, sont en l'Eglise, & se cognoissent & croient estre membres de l'Eglise. Et autrement on ne peut.

Mais si vous demandez, pourquoy il veut plustost cognoistre l'Eglise que l'Ecriture sainte: c'est pour ne recognoistre d'Ecriture sainte, qu'autant que l'Eglise Romaine voudra, & pour nous dire qu'il faut dependre d'icelle, plustost que de la parole de Dieu. Et pourtant il dit. *Je ne suis pas digne de regarder les saintes Escritures, si l'Eglise ne m'ouure les liures, & par mesme moyen me dessille les yeux.* Il louë l'Ecriture sainte, comme chose qu'il n'est digne de regarder: mais cela n'est que pour l'auilir plus facilement. Car par mesme moyen

il la deprime, quand il defere plus à l'Eglise Romaine & à son Pape, qu'à la sainte Escriture. Car il n'en veut cognoistre ny entendre ny dependre, qu'autât que l'Eglise Romaine voudra, c'est à sçauoir, comme rien du tout. Il exalte donc l'Escriture sainte, comme faisoit le diable nostre Seigneur: car il le recognoissoit pour estre le saint de Dieu, & ainsi l'appelloit; mais pour faire que nul ne creust en luy. Que sert-il qu'il louë tât l'Escriture sainte, s'il faut plustost dependre du iugement de l'Eglise Romaine & du Pape, que d'icelle? Comme, Que sert-il d'appeller nostre Seigneur Iesus, c'est à dire Sauueur: & luy faire la reuerence, si on cherche salut ailleurs qu'en luy? Si nostre Seigneur est le Sauueur, comment cherchez-vous salut qu'en luy? Si l'Escriture sainte est aussi si digne, que vous estes indigne de la voir, que ne la croyez-vous donc? Il respond, qu'il veut que l'Eglise Romaine (car il ne pretend parler que de ceste-là) luy en donne l'intelligence. Il a esté respondu à cela cy dessus, & monstre que l'Eglise ne peut donner d'exposition ny d'intelligence à l'Escriture sainte, que par l'Escriture sainte mesme: & qu'autrement ce ne seroit pas en donner la moëlle & l'intelligence, mais y contredire & l'aneâtir. Il veut que l'Eglise nous dessille les yeux: c'est à Dieu; c'est luy qui les dessille à l'Eglise & à ses Docteurs par son Esprit. Tout bon don vient d'enhaut du Pere des lumieres. Pourquoi donc de-

manderons-nous à Dieu la grace de son Esprit, pour auoir l'intelligence de sa parole? Les Docteurs lors la donnent à l'Eglise: mais en l'interpretant fidelement par elle-mesmes, & selon l'analogie de la foy; c'est selon le Symbole des Apostres. Mais les Docteurs de l'Eglise Romaine ont-ils fait cela? ainçois le contraire, en ce qu'ils enseignent le salut par autre que par vn seul Iesus. En cela notamment ils errent, & en tout le reste de la Papauté.

Nostre aduersaire veut, *que des Docteurs de l'Eglise Romaine qui sont aujourdhuy, nous montions insques aux Apostres: Et puis que des Apostres nous descendions insques à ceux-cy, & que nous recognoissions ceux-cy legitimes successeurs des premiers: & que tousiours de la premiere source que Dieu a ouuerte aux premiers, Dieu a fait ruisser les fleuves insques aux derniers.* Mais nous ne trouuons pas cela. Premièrement nous ny voyons succession que personnelle: & encore si peu, qu'aucuns, avec beaucoup de raison, la reuoquent en doute: Nous n'y voyons pas continuation ou succession de doctrine; mais vne horrible interruption & corruption de la doctrine de salut. Nous le montrons. Où sont donc *ces fleuves de vie?* Vos Docteurs enseignent-ils en l'Eglise l'Euangile, la doctrine des Apostres, des Prophetes, & le salut par vn seul Christ? Ils corrompent cela y meslent les œuures, vos ceremonies, & vos nouuelles inuentions. Où est



donc la liaison indiuifiblement enchainee de la con-  
 gnoissance de nostre salut? La predication des  
 Apostres, respond-elle aux vostres? ny les  
 vostres, à celle des Apostres? la doctrine est  
 diuerse, nous vous le faisons voir; vous n'y  
 pouuez contredire: & pourtant pour vous  
 couurir, vous alleguez l'Eglise Romaine &  
 vos Docteurs, & nous voulez faire croire,  
 que ce que vos Curez ont dit, & disent, ils  
 l'ont tiré des Apostres. Et les escrits des Pro-  
 phetes, & des Apostres, & leur Symbole, vous  
 dementent. Vous me direz, qu'à la verité on  
 a introduict en l'Eglise quelques choses qui  
 ne sont pas en la parole de Dieu: mais puis  
 que l'Eglise a introduit celà, que cela y doit  
 demeurer. Je respon, que non; mais que Dieu  
 a donné sa parole à son Eglise, qu'il a tout  
 dit, & ne faut que cela. Vous direz, que ce  
 ont esté ses legitimes pasteurs, qui ont intro-  
 duit cela. Je respon, qu'ils n'ont esté ny legi-  
 times, ny fideles en cela: qu'il ne faut pas s'ar-  
 refter à eux en telles choses par eux introdui-  
 tes; qu'ils ne peuuent ny ne doyuent rien in-  
 troduire contre la parole de Dieu. Que cela  
 n'est receuable pour y auoir esté mis par eux,  
 & qu'il en doit estre osté: comme l'autel que  
 le Sacrificateur mit dedans le temple par le  
 commandement d'Achas. Achas estoit Roy,  
 & le Sacrificateur estoit le souuerain Sacrifi-  
 cateur, ayant legitime vocation, & si firent  
 contre Dieu, comme Nadab & Abiu d'of-  
 frir feu estrange. Aussi font mal & contre

Dieu, ceux qui mettent en l'Eglise plus que Dieu n'a commandé, & choses contraires à sa parole. La cognoissance de nostre salut, qui est demeuree en l'Eglise Romaine est vn don de Dieu : car il n'a pas tenu à la plus part de vos Docteurs, que tout n'y ait esté peruertý & corrópu. Mais Dieu n'a pas voulu, pour le salut de ses esleus, que toute la cognoissance du benefice de la mort de nostre Seigneur y ait esté esteinte : & a fait que tousiours on y parle de la mort & passió de nostre Seigneur : & qu'il en y a eu memoire au milieu des plus espesses tenebres, corruption & ignorance de vostre Papauté.

Il ne se souuient pas de ce qu'il a dit cy dessus, à sçauoir, que nous leur voulons faire-faire vn grand fault en arriere, de les ramener à la doctrine des Apostres, comme si depuis l'Eglise n'auoit rien profité : & cependant icy il veut bien que nous remontions iusques là : mais c'est pour faire croire, que ce que tient l'Eglise Romaine aujourd'huy, est cela mesme qu'ont tenu & enseigné les Apostres, & que depuis il n'a esté enteigné que cela. Ce qui est faux, ainsi que nous auõs desia dit : car l'Eglise n'a pas demeuré en la pureté de la doctrine des Apostres ; tesmoins les Eglises de Affrique, celles d'Asie & de Grece, qui se sont toutes perdues, & où est aujourd'huy le Mahumetisme. Et quant à l'Eglise Romaine, nous faisons voir, que la doctrine qu'elle a plus en recommandation, n'est pas selon la

336 CONFVTA. DE SPONDE  
doctrine des Apostres, mais toute contraire  
& à celle des Prophetes.

De Sponde dit que l'Eglise Romaine seule  
a plus consisté que toutes les autres : & par-  
tant que c'est la vraye Eglise. Pource il con-  
fesse *que toutes les autres Eglises ont erré, voire*  
*mesmes celles qu'a fondé saint Pierre, excepté,*  
*dit-il, celle de Rome.* Quoy ? A-elle plus que  
les autres ? Ouy, dit-il, *Elle a son siege en la ville*  
*de Rome; & puis elle a esté honorée du martyre de*  
*saint Pierre.* Mais est-ce vne cause bonne, ou  
non ? Car qu'y fait Rome ? Qu'y fait le marty-  
re de S. Pierre, pour garder l'Eglise Romaine  
d'errer ? Attribue-il à cela la fermeté de ce-  
ste Eglise ? Où se fonde-il ? Il est aussi mal fon-  
dé que ce qu'il dit est faux, à sçauoir, que  
l'Eglise Romaine seule n'a point erré : Nous  
monstrons du contraire, soit en la Messe, iu-  
stification, purgatoire, inuocatiō des saints,  
le cœlibat, les images, & le reste de la Papau-  
té. L'Eglise Romaine s'est remplie de toutes  
folles deuotions, comme iadis Ierusalem de  
Orient, c'est à dire de toutes superstitions. Ie-  
rusalem a esté plus que Rome : nostre Sei-  
gneur y est mort, elle en a esté honorée ( si  
cela est honneur ) autant que Rome du mar-  
tyre de saint Pierre. Cela n'a pas empesché  
Ierusalem d'errer. Rome, dit-il, *a eu Iesus Christ*  
*& saint Pierre pour fondement :* & les autres  
Eglises que saint Pierre a fondees, n'ont el-  
les pas erré ? Iesus Christ n'en estoit-il pas le  
fondement ? Est-ce l'Eglise de Rome qui a  
seule

Es. 2. vers. 6

seule Iesus Christ & S. Pierre pour fondement? Quoy? Où trouuez-vous qu'autre que Iesus Christ soit le fondement de l'Eglise? Baillerez-vous à Iesus Christ S. Pierre pour compagnon, & pour estre avec luy le fondement de L'Eglise? le Dieu viuant n'y peut suffire, s'il n'a l'homme, son seruiteur, pour compagnon? Vous monstrez que vous ne scauez que c'est du fondemēt de l'Eglise, qui luy est fait iustice, sagesse, sanctification & redemption. Nul ne la peut viuifier & sauuer que Dieu. Nul, dit l'Apostre, ne peut mettre autre fondement que celuy qui est mis, Iesus Christ nostre Seigneur. C'est à Dieu de fonder son Eglise. Il luy a donné son Christ pour fondemēt: & vous luy donnez S. Pierre pour fondement aussi? Mais c'est seulement à l'Eglise Romaine, que vous donnez nostre Seigneur & S. Pierre pour fondement. Et de cela cestuy-cy dit, qu'elle seule ne peut errer. Que vous estes mal-sages! Il n'y a sottise comme celle des Docteurs de la Papauté! Si S. Pierre n'eust esté le fondemēt de l'Eglise Romaine avec Iesus Christ, tout estoit donc perdu, & de long temps elle eust erré comme les autres, qui n'auoyent que Iesus Christ pour fondement, & non S. Pierre avec luy? Il dira que ie luy impose ce qu'il ne veut pas dire; voyez ces mots, apres auoir dit que toutes les autres Eglises fondees par les autres Apostres, & notamment par S. Pierre ont erré, il dit, *sauf celle qui a eu son siege en la ville de Rome,*

honoree du martyr de S. Pierre. *Que reste-il autre chose, qu'annoncer librement qu'en ce seul endroit est demeuré sain & entier tout ce bastiment de l'Eglise, qui n'a, apres Iesus Christ, que Pierre pour fondement; comme marque trescertaine de sa durce eternelle?* Et il cote en marge, l'Eglise fondee sur S. Pierre: Ceste Eglise donc a eu plus que les autres, à sçauoir deux fondemēs; signe ou marque qu'elle durera à iamais. Et ce que de Spōde a donné & donne pour cause, il le nomme marque. *Car de là, dit-il, elle a seule ce priuilege de ne pouuoir errer.* Mais qu'a fait S. Pierre là plus qu'ailleurs. Ceste-cy est-elle plus fondee sur luy, que les autres qu'il a plantees? Pour estre fondee sur luy, si tant est qu'elle le fust, est-elle plus ferme & moins sujette à errer que les autres? Mais S. Pierre l'a-il plantee? N'est-ce pas plustost S. Paul? Vous ne sauriez prouuer par la parole de Dieu, que S. Pierre y ait iamais esté. De Sponde voit bien cela: & pourtant il dit, *qu'il n'est point de besoin de luy opposer le martyr de S. Paul.* Mais quoy? le martyr sera donc la cause que Rome n'errera pas? Elle aura ce priuilege pour ce qu'elle a occis ce S. Apostre? Pourquoi n'en a eu Ierusalem autant, pour auoir crucifié nostre Seigneur, comme a esté dit? Mais pourquoi n'en aura autant Rome, à cause du martyr de S. Paul qui auoit planté l'Eglise? *Pource (dit-il) qu'il n'a iamais eu la commission generale de toute l'Eglise, comme a eu S. Pierre de la bouche de Iesus Christ. Et puis il dit de ceste*

*sienne responce, que c'est vne resolution bien fa-* Page 73.  
*chense à ceux qui ne se plaisent qu'à diffamer ce*  
*que le monde a honoré iusques à eux.* Nous veut-  
 il faire rire ? qui ne pensera qu'il se moque en  
 tout cecy de la Papauté ? S. Pierre a-il eu plus  
 de commission qu'un autre Apostre ; ny tant  
 que S. Paul, qui seul a fait plus que tous les  
 autres ? Nostre Seigneur luy dit par trois fois, <sup>1. Cor. 15.</sup>  
 Pais mes agneaux. Mais qui ne voit que c'e-  
 stoit pour le remettre par ces trois fois en sa  
 charge, dont il estoit decheu par trois fois en  
 le renonçant ? Nostre Seigneur ne fit cela qu'à  
 luy, car les autres n'en auoyent pas de besoin.  
 Nostre Seigneur fit cela en la presence des  
 autres : Il estoit de besoin, à fin qu'ils fussent  
 tesmoins que nostre Seigneur l'auoit rein-  
 stalé solennellement en sa charge d'Apostre.  
 L'expose cela de mesme que tous les anciens  
 Docteurs. Au reste, nostre Seigneur a donné à  
 tous ses Apostres vne mesme charge de plan-  
 ter, d'enseigner, de paistre, de lier, de deslier,  
 de pardonner les pechez, de les retenir, de fer-  
 mer & d'ouurer le royaume des cieux. Mais,  
 comme dit S. Cyprien, il a parlé à un Pierre,  
 pour monstrier l'vnité de tous ; & non pas  
 pour le faire chef sur tous, ou le fondement  
 de l'Eglise. S. Pierre n'a rien eu plus qu'un au-  
 tre en sa commission. S. Paul a plus trauaillé,  
 à planter par tout les Eglises, les visiter, les  
 consoler & confermer. Et s'il n'a trauaillé sur  
 l'œuvre d'un autre ; ce n'a pas esté qu'il n'eust  
 peu, mais il n'a pas voulu : de peur qu'on ne

dit, qu'il trauailloit sur l'œuvre des autres. Ce qui eust obscurcy la gloire de son Apostolat, & de sa vocation tant admirable. D'auantage nous ne diffamons pas saint Pierre, pour dire que le siege de Rome est le siege de l'Antechrist. Car S. Pierre n'a eu iamais là de siege, ny Dataires, ny Cardinaux, ny Protho-notaires: ny n'a iamais donné là de bulles, indulgences & pardōs, ny fait ce mesnage qu'y fait le Pape. D'autrepart nous suyuoīs, tenons & croyons en tout & par tout, la doctrine de S. Pierre.

Page 73. Il dit apres, *qu'il a cerché & recherché nos raisons, qui ne sont pas raisons, ains de la glace*, dit il, *qui se fond contre ceste pierre*. C'est comme il rencontre plaisamment sur ce mot de pierre, à cause de S. Pierre. Car il fait l'Eglise fondee sur S. Pierre, plus solide (à cause de son nom) que les autres Eglises qui ne sont fondees que sur Iesus Christ. Mais à cause dequoy sera l'Eglise Romaine plustost fondee sur saint Pierre, que celle de Ierusalem (où il a presché le premier) & que les autres qu'il a planté (& non l'Eglise de Rome.) Et si nous ne voulons croire cela, nous diffamons saint Pierre? Dieu luy a donué des tesmoignage de sa primauté, dit-il. Je respon, que Dieu a defendu la primauté entre ses Apostres, comme a esté dit, & se dira ailleurs. Il est nommé le premier: Et puis il estoit le plus ancien & le plus apparent, & le premier appellé à l'Apostolat: Et de telles choses externes il auoit quelque



apparente : de façon qu'il paroïſſoit volontiers plus qu'un autre. Pour eſtre nommé le premier, auoit-il autorité ſur les autres onze ? Et le Pape dominera-il ſur toutes les Eglifeſ, pource que S. Pierre eſt nommé le premier entre les Apoſtres ? Où eſt la raiſon ?

*Nous ſreſſions à ce mot de primauté* (dit-il) mais pourquoy ne l'abhorrerons-nous ? Quel mal n'a-il apporté au mode ? Oyez ce que dit Gregoire Nazianzene ; à ſçauoir, que depuis qu'on a introduit ceſte primauté entre les Paſteurs de l'Egliſe, qu'elle a ſubuerty l'Egliſe, comme nous verrons ailleurs. Et encore ne parle-il pas de la primauté du Pape de Rome ſur tous les Paſteurs ; mais des Eueſques ſur les Preſtres & autres Paſteurs. Et que dit ſainct Gregoire de ceſte primauté, ſinon que ce ſera l'auancoureur de l'Antechriſt, & l'ambition telle en l'Egliſe, que celle du Diable eſtant au ciel ? Cependant ne penſe pas que ceſte primauté nous face peur. Nous la ſçauons combattre, & auons la ſentence que noſtre Seigneur a donné à l'encontre ; Que qui l'affectera ſera hors du royaume de Dieu. Matt. 18. 3. Toutesfois nous ne condamnons ceſt ordre neceſſaire en nos aſſemblees eccleſiaſtiques ; qu'il y ait quelqu'un qui preſide, recueille les voix, & modere l'action : Mais cela n'eſt pas perpetuel, ains à temps : car l'action acheuee, ceſte charge expire. Au reſte, ce n'eſt pas pour commander & ordonner contre la parole de Dieu, & prendre autorité ſur icelle :

Iean 13.13

Matt. 23.8.

Luc 22.26

Marc 9.35.

mais au contraire, que tout soit fait, dit & ordonné selon icelle. Dauantage nostre Seigneur a defendu entre ses Apostres la primauté, la retenue pour soy, s'est appellé le Seigneur & le maistre. Il est le chef, le premier & le dernier. C'est luy à qui seul appartient de cōmander à tous par sa parole, & de gouverner l'Eglise par son Esprit.

Il faut maintenant voir l'accord des quatre Euangelistes, en ces nobles prerogatiues que nostre Seigneur a donné à S. Pierre, ainsi que dit de Sponde, pour le faire primat & Pape de son Eglise. Et premierement, il veut que nous regardions le changemēt du nom. *Il auoit nom Simon, & nostre Seigneur l'a nommé Pierre.* Et puis, que s'ensuit-il de cela, qu'il soit Pape, & le prince? non: mais bien qu'il a nom Pierre. Au surplus ce nom ne luy a pas esté dōné pour le faire Pape: mais pour monstrier la fermeté de la foy Chrestienne, non seulement en la personne de saint Pierre, mais

1. Pier. 2.5.

de chacun fidele: cōme par cela saint Pierre nous appelle tous pierres viues, estans fondez comme luy, sur ceste pierre fondamentale Iesus Christ nostre Seigneur. A cause dequoy nostre Sauueur dit, qu'estans fondez sur luy, qui seul nous est fait iustice, sagesse, sanctification & redemption, les portes d'enfer ne pourront rien contre nous. C'est de là, à sçauoir de ceste pierre fondamentale qu'il a esté appellé Pierre. Et pourtant S. Augustin dit, que de nostre Seigneur S. Pierre a

esté appelé Pierre ; comme de luy le Christ, nous sommes tous appelez Chrestiens. Ce sont icy les mots de S. Augustin, *non à Petro*, Traité sur S. Jean 124 *petra : sed Petrus à petra ; ut non à Christiano Christus, sed Christianus à Christo. Ideò quippe, ait Dominus, Super hanc petram, quam cōfessus es, edificabo ecclesiam meam.* C'est à dire, que nostre Seigneur n'est pas appelé la pierre de S. Pierre : mais que S. Pierre a esté appelé Pierre à cause de nostre Seigneur ; comme iceluy nostre Seigneur n'est pas appelé Christ du Chrestien, mais le Chrestien est ainsi nommé & dit Chrestien à cause de Christ. Et pour ce nostre Seigneur dit à S. Pierre, sur ceste pierre que tu as confessée, ie bastiray mon Eglise. Ce S. Apostre n'a pas donc esté nommé Pierre pour estre Pape, ou Primat, ou le fondement de l'Eglise : mais pour monstrier combien est ferme & assuré le salut des fideles, la fermeté de leur foy, à cause dequoy ils sont par S. Pierre appelez pierres viues, 1. Pier. 2. 5. estés fondez sur Iesus Christ, & est dit que l'enfer ne peut rien contr'eux.

De Spōde dira, que c'est tousiours vn honneur à S. Pierre, que ce changement de nom se soit fait en sa personne. Mais quel hōneur, d'estre le fondement de l'Eglise ? Cela n'est deu ne donné qu'à nostre Seigneur : Il a dit, Ie bastiray mon Eglise, non sur toy Pierre ; mais sur ceste pierre que tu as confessée, dit S. Augustin. Ainsi s'appelle nostre Seigneur, que S. Pierre auoit confessé estre le Christ, le

Fils du Dieu viuât. Mais quel autre honneur apporteroit ce changement de nom à S. Pierre, de conduire & gouuerner l'Eglise de sa teste, & sans la parole de Dieu ? S. Pierre ne l'a pas fait, ny nostre Seigneur : c'est le Pape qui fait cela. Ce changement a esté à S. Pierre tel auâtage qu'à S. Iean & à S. Iaques, d'estre nommez enfans de tonnerre. Ces noms ont esté donnez à ces deux, mais la chose par la signifiee, a esté commune à tous les autres Apostres & seruiteurs de Dieu, de tonner & foudroyer par la predication de la parole de Dieu, contre la puissance aduersaire de la verité de Dieu : comme ce que signifie le nom de Pierre, est commun à tous fideles.

*Ce qu'à S. Iean & à S. Iaques les noms ont esté changez, cela n'est rien, dit de Sponde: parce que de ce n'est parlé qu'une fois. Quoy ? ce n'est pas assez ? Si Dieu n'a dit vne chose par deux fois, de Sponde ne le croira pas, mais dira que ce n'est rien ? Pourquoy dit-il, que cecy n'a esté dit qu'une fois, veu q nostre Seigneur disoit aux disciples estât de retour de leur voyage, ie voyoy Satan choir du ciel cōme vn esclair: & veu ce que dit S. Iean Apocal. 11. que les messagers de la grace de Dieu abbatēt le feu du ciel ? Si nostre Seigneur a plusieurs fois dit vne mesme chose, cela rend tesmoignage de nostre dureté, mais sans preiudicier à sa verité. Et quant au faiōt de S. Pierre, il fut appelé Pierre, au commencement qu'il fut appelé par nostre Seigneur : Et puis quand il fit*

ceste confession de foy au nom de tous, & tousiours en son droict lieu & à propos, pour tesmoigner en luy infirme, que la grace de Dieu est à iamais toute ferme. Mais bien, que sert cela au Pape? Nostre Seigneur appelle Simon, Pierre; saint Iean & saint Iaques enfans de tonnerre: Il s'ensuit donc que l'Eglise est fondee sur saint Pierre; & que le Pape peut tout autant que s'il estoit Dieu au ciel & en terre: & peut changer en la parole de Dieu & ordonner de nostre salut; & qu'il le faut croire comme s'il estoit Dieu? Il dit que ces trois Apostres ont eu de grandes faueurs. Mais que S. Pierre est tousiours nommé le premier, si ce n'est en vn seul lieu de l'Epistre aux Galates: & qu'encore là saint Hierosme, S. Augustin, saint Ambroise, & saint Chrysostome, mettent saint Pierre le premier: ce qui est faux. Mais quand ainsi seroit que touche cela au Pape? Quel droict? Est-il pour cela Dieu en terre? le fondement de l'Eglise? & luy appartient-il d'ordonner contre la parole de Dieu? S. Pierre, S. Iean, & S. Iaques n'ont rien auancé du leur, & contre la parole de Dieu en l'Eglise; ains ont cōme les autres Apostres, enseigné ce que nostre Seigneur leur auoit cōmandé: ils ont tout dit. Le Pape a-il plus que cela, ou quelque chose de meilleur, ny plus d'autorité que les Apostres?

Page 74.

Saint Pierre a seul marché sur les eaux: que s'ensuit-il de cela? que le Pape a toute puissance sur Dieu & sa parole: & peut ordon-

ner tout ce qu'il voudra : & la raison sera, pource que saint Pierre a seul marché sur les eaux, où il se cuida noyer ? Encore est de Sponde si impudent, qu'il ose dire que saint Pierre a esté nommé de ce nom de Pierre, pour estre le fondement de l'Eglise : & contredit au saint Esprit qui dit, que c'est vn seul Iesus Christ, & à Iesus Christ qui dit, Qu'il edificera son Eglise sur soy-mesme. Car il ne dit pas *super te Petrum*, mais *super hanc Petram*, de laquelle Simon fut appellé Pierre. Car l'Apostre est appellé *Petrus*, & nostre Seigneur *petra*: Sur luy est fondé saint Pierre, & tous les fideles avec luy.

Aug. tract.  
124.

2. Pier. 2.5

Il dit, que nostre Seigneur paya le tribut pour saint Pierre. Mais fust-ce pour le Pape ? que sert cela au Pape ? Cela fait-il le Pape Dieu en terre, & le primat de l'Eglise pour commander au lieu de Dieu ? Saint Pierre n'a pas eu cela. *Il a prié pour la foy de saint Pierre.* Que sert cela au Pape ? Ce n'a pas esté pour la foy que nostre Seigneur a prié ; mais pour celle de saint Pierre, qui entroit au combat, & en la tentation, d'où nostre Seigneur le releua. Est-ce à dire que l'Euesque de Rome sera par dessus Dieu ? *Il a eu charge de confirmer ses freres*, dit de Sponde. Ouy, c'est saint Pierre qui a eu ceste charge, & non le Pape, Il fait le contraire: Car comment se confirment les fideles que par la parole de Dieu ? il l'oste ; & en son lieu donne ses Decretales, Decrets, & Extrauagantes.

De Sponde met encore plusieurs autres Page 75.  
 prerogatiues, qu'il dit, que saint Pierre a eu  
 par dessus les autres Apostres; comme, Qu'a-  
 pres la resurrection nostre Seigneur luy ap-  
 parut premier qu'aux autres; luy a lau   les  
 pieds le premier: luy a dit, Pais mes brebis;  
 qu'il a annonc   le premier l'Evangile, pres-  
 ch   le premier aux Gentils: qu'il fit le pre-  
 mier miracle; monstra sur Ananias & Saphira  
 son autorit  . Mais que fait cela pour le Pa-  
 pe? Nostre Seigneur n'a pas fait cela pour l'E-  
 uesque de Rome & pour l'esleuer sur sa paro-  
 le, pour y tailler, rongner, & coudre    sa vo-  
 lont  ; & ne l'a pas fait pour cela, ny Pape ny  
 Primat, non pas saint Pierre m  mes. Cela  
 n'a est   dit n'y fait qu'   saint Pierre. Que si  
 l'antiquit   a lou   saint Pierre & son siege, ce  
 n'a pas est   pour y poser vne telle chimere  
 que le Pape. Lors il n'estoit pas question de  
 cela; qui s'y fust donc oppos  ? *Mais donc*  
*pourquoy a nostre Seigneur fait tout cela    saint*  
*Pierre, plustost qu'   un autre Apostre?*

Le respon, qu'on ne s  auroit monst  rer que  
 c'ait est   pour le faire Pape, & establi  r vne pri-  
 maut   en l'Eglise. Car nostre Seigneur a de-  
 fendu cela, comme nous voyons, en ce qu'il  
 leur laua les pieds, & en ce qu'il leur com-  
 manda de s'humilier    son exemple les vns  
 enuers les autres, iusques    se laver les pieds  
 l  s vns des autres,    l'imitation de luy, leur  
 Seigneur & leur maistre. Au reste, il apparut  
 premierement    Pierre apres sa resurrection,



pour le consoler, & luy donner esperance de pardon. Ce que nostre Seigneur luy laua les pieds le premier, c'estoit pour l'humilier le premier, & à tous donner à voir en sa personne (de luy, dy-ie, qu'on dit auoir esté Pape, & sur qui on fonde la Papauté) qu'il ne veut ny maistre ny premier, ny seigneur que luy en sa maison, & qu'en cela il n'y auoit rien pour saint Pierre, & aussi peu pour ses successeurs. C'est pourquoy il laua les pieds à saint Pierre le premier. Nous auons ia dit, pourquoy il luy dit par trois fois de paistre ses brebis. Saint Pierre a premier presché l'Euangileaux Gentils: c'est l'Euangile donc qu'il a presché, ce que le Pape ne fait pas. Prescher l'Euangile, & estre Pape, sont deux. Nostre Seigneur n'a pas ainsi fait saint Pierre Pape, & encore moins l'Euesque de Rome, ny pour cela, ny pour auoir fait miracle le premier, ny pour auoir fait mourir Ananias & Saphira; Mais que le Pape en face autant pour preuue de son autorité (comme faudroit s'il l'auoit telle qu'il dit) mais non par faux semblant de faire miracles: comme faisoit Hildebrand, qui faisoit ietter le feu des voutes du tēple, & de là tuoit ceux à qui il en vouloit par moyens secrets; & puis disoit que c'estoit la vengeance diuine. Ce miracle de saint Pierre ne prouue pas, que saint Pierre fut plus qu'Apostre, ne qu'il y ait de Papauté en l'Eglise.

*Il dit, que nous sommes ennemis du siege de S.*

*Pierre: & que nous le mettons tant plus bas que nostre Seigneur l'a esleué. Mais quoy ? appelle-il le siege du Pape, le siege de saint Pierre ? c'est bien cestuy-là du Pape & non de saint Pierre. Car S. Pierre a-il eu de tel siege ? A qui pensez-vous le faire croire ? Le vous prie, quel a esté son siege, & où ? quel estat, quels Cardinaux, quelle Cour, quelle mitre, quelles bulles, quelle puissance sur les Empereurs & sur les Rois ? Mais auoit-il vn siege pour defendre ce que Dieu permet, & commander ce que Dieu defend ?*

*Nous troublons saint Pierre, dit-il, en sa possession de tant de siecles: & cela trouble tout le monde. Quoy ? depossédons-nous saint Pierre, ou le Pape, que nous cōbatons en son siege ? S. Pierre a-il iamais esté tenu le chef, & le fondement de l'Eglise ? Le Pape vsurpe cela, & faussement. Vn seul nostre Seigneur est ce fondement, dit saint Pierre, Actes 4. verset 11. & 1. Pierre 2. vers. 4. 5. & 6. Et nous tous comme pierres viues sommes fondez sur Iesus Christ nostre Seigneur, ce fondement de l'Eglise. L'Eglise est edifiée sur le fondement des Apostres & Prophetes. Ce fondement Ephef. 2. c'est vn seul Christ. Quant à la primauté. c'est nostre Seigneur qui est le chef de l'Eglise ? Vous ne vous appellerez aucun pere en Matth. 23. 8 terre, car vous auez tous vn Pere au ciel qui 9. 10. est Dieu: & nostre Seigneur se vendique cela 1. Corin. 7. 23. comme sien. Il a racheté l'Eglise ; elle est à luy, & il en est le Seigneur & le chef.*

Marc 9. 33.

34. 35. 36.

De Sponde demande, qu'on luy monstre quelqu'un qui se soit opposé à la primauté du Pape? Nous le voulons; & premierement nostre Seigneur, Luc 22. Jean 13. Marc 9. Matth. 23. & 1. Pierre 5. Apres, lis vn gros liure qu'a fait de cela Matthias Flaccus Illiricus, intitulé *Catalogus testium veritatis*. Là il monstre que Roys, Empereurs, Seigneurs, Cours de Parlement, Vniuersitez, Docteurs, Euesques, Cardinaux, Prestres, Moynes, & toutes sortes de gens, ont crié contre le Pape. La Sorbonne mesmes a dit, qu'on se passeroit bien de Pape. Les Canons des Papes aussi s'opposent à sa tyrannie, & le Concile de Tours sous Louys 12. & celui de Pise, & celui de Constance.

Tout ce que de Sponde a allegué de saint Pierre, ne sert de rien pour prouuer la primauté du Pape. Car saint Pierre pour estre conté le premier entre les Apostres, n'a pas eu pourtant de primauté, ne puissance, ou principauté sur les autres Apostres; comme les Papistes l'appellent le prince des Apostres, ou le Pape. S'il m'allegue que saint Hierosme l'a appellé prince des Apostres; Je respon, que saint Hierosme dit cela, non l'Evangile. Ce mot prince, se prend aussi quelquefois entre les Latins, pour illustre, premier, & grand. Mais cela emporte-il d'auoir domination sur l'Eglise de Dieu? saint Pierre n'a pas eu cela sur les autres Apostres. Et quand saint Pierre auroit eu cela (ce que non, comme nous

dirons ailleurs) à quel titre sera l'Euesque de Rome son successeur ? Sera-ce par donation, succession, ou substitution, ou testament ? S'il y a quelque titre de cela, qu'il le nous face voir. *C'est*, dit-il, *que toute l'antiquité n'est que sur les louanges de ce chef ministerial de l'Eglise.* Mais de quel chef parle-il, ou de saint Pierre, ou du Pape ? On a loué l'Apostolat de saint Pierre, mais l'antiquité ne l'a pas appelé le chef de l'Eglise; ce sont les adulateurs du Pape qui luy ont baillé ces tiltres. Mais pourquoy l'appellent-ils chef ministerial, veu qu'ils le font chef viuifiant, leur Seigneur, & leur Dieu, de qui ils attendent salut ? Quoy ? sans Pape, à les ouïr parler, tout est damné. Au reste, il n'y a point de chef, ny ministerial, ny viuifiant, entre les pasteurs de l'Eglise, tous Matth. 23.  
8.9.10.11. sont freres, tous disciples de nostre Seigneur, tous egaux, tous ont vn Pere & vn Maistre & Docteur au ciel. Nostre Seigneur n'a pas voulu qu'il y eut de chef entre les Apostres, & si estoient tous ministres.

• Il dit apres, *que le pouuoir de ce chef, par le commun aduis de l'antiquité, qui est* (ainsi qu'il dit) *conforme à la verité, demeure confirmé en ceux qu'il a laissé en sa place.* Mais equipare-il l'aduis de l'antiquité à la parole de Dieu: & en ce fait icy, qui est cõtre la parole de Dieu ? Premièrement, l'aduis de l'antiquité n'a pas esté tel ; nous le ferons voir & cognoistre en son lieu, quoy que les Anciens ayent beaucoup deféré à l'Eglise de Rome. Secõdement, quãd

tel auroit esté l'aduis de l'antiquité, que l'Euesque de Rome seroit sur tous les Euesques & Eglises du monde. Cest aduis seroit contre la parole de Dieu : car nostre Seigneur n'a pas voulu ny ordonné cela, ny en la personne de saint Pierre, ny en la personne d'un autre; ains la defendu, & toute primauté & principauté en son Eglise. C'est sa maison; il en est le Dieu, le Seigneur, & seul le maistre, le chef & le Prince.

Matth. 23.

Mais la raison la plus forte de l'autorité de ce siege, dit de Sponde, *C'est que S. Pierre a establi son siege où il a laissé sa vie, à sçauoir, à Rome. Faites-vous bouclier de cela? Il mourut, dites-vous, chez luy, en son siege, en sa ville, en son Eglise, possesseur du lieu, declara sa dernière volonté, fit la son testament, & institua S. Clement son successeur; comme pour marque indubitable de sa volonté.* Vous le dites ainsi : Mais où sont vos preuues que saint Pierre laissa, ou porta sa vie à Rome, & y voulut mourir, pour marque ou tesmoignage indubitable que son successeur auroit son siege à Rome? Quoy? C'estoit donc à sa volonté de mettre un successeur en sa place, & à luy de disposer de ce siege? Dieu le luy auoit donné, dites-vous, en propriété, pour en disposer à sa volonté (car à vostre conte, il faut dire cela.) Si ainsi estoit; pourquoy ne se creeroient encore les Papes de mesmes, & les Euesques, à sçauoir, le successeur par la nomination & testament du predecesseur? mais des Euesques de Rome

notam-

notaniment qui ne se font iamais sans le S. Esprit, ainsi que vous dites ? Comment voulez-vous que S. Clement ait esté esleu par S. Pierre seul, & qu'il ait disposé de son siege, cōme de son patrimoine, ou de ses meubles ? Timothee fut esleu, mais par l'imposition des mains des Anciens : & ne s'est iamais fait autrement en l'Eglise; si ce n'est en ce que nostre Seigneur en a fait en l'election des douze, & de S. Paul, qui ont esté esleus immediatemēt par nostre Seigneur.

Il dit, que nous voudrions qu'il fust escrit en Page 75.  
*l'Ecriture sainte, & encore en grosse lettre, que S. Pierre fit saint Clement son successeur pour le croire: & qu'encore ne le croirions-nous pas; ains que volontiers nous aurions recours aux figures.* Mais à quel propos cecy ? Nous ne recourōs aux figures, qu'ou il y a figure. Elle est en ces mots; Cecy est mon corps. c'est vne metonymie. S. Augustin nous a ainsi appris, quand il dit, *Cum daret signum corporis sui, non dubitauit dicere, hoc est corpus meum.* Vostre glose ancienne dit, *i. figura corporis mei*, c. la figure de mon corps. Faites vous difficulté de receuoir là de figure ou trope ? Ne la receuez-vous pas bien en l'autre partie, où il est dit, Ceste coupe est la nouvelle alliance en mon sang ? Mais quant à l'election de saint Clement par S. Pierre, nous scauons bien que cela ne peut estre en l'Ecriture sainte. Je vous feray voir cela, & que ce qu'escrit vostre saint Clement est tout faux, & puis respondray aux histoires que

In I. I. C. V.  
ad Corint.

de Sponde prend de Belarmini. Vous-vous trompez en vos contes ; les petis enfans s'en moquent : & voicy comment.

Vous tenez ; que saint Pierre mourut à Rome l'an dernier de Neron , qui est l'an 70. de nostre Seigneur , & qu'il tint le siege en l'Eglise de Rome 25. ans. Or pour monstrier que vous-vous trompez , mettons que saint Paul fut conuerti vn an ou enuiron apres la mort de nostre Seigneur : sa conuersion reuiendra à l'an 35. de nostre Seigneur , prenant sa mort sur l'an 34. de son aage. S. Paul fut voir saint Pierre en Ierusalem trois ans apres sa conuersion , qui reuiet à l'an 38. de nostre Seigneur. Quatorze ans apres S. Pierre estoit en Ierusalem , qui reuiet à l'an de nostre Seigneur 52. de l'an 52. à l'an 70. de nostre Seigneur , qui est l'an dernier de Nerō , ne reste que 18. ans. S. Pierre ne scauroit donc auoir tenu ce siege que dixhuiet ans , ie dy à vostre conte ; où sont donc vos 25. ans ? Vous direz , qu'il alloit & venoit comme Apostre : c'est là où ie vous attendoy , & par là ie vous prouue , que S. Pierre n'a tenu , ny peu , ny deu tenir ce siege ny 25. ny dixhuiet ans , ny auoir vne Eglise particuliere & affectee à luy , non plus qu'un autre Apostre . Car les Apostres estoient pour planter cà & là les Eglises ; & non pour faire leur siege & residence en vn lieu , comme vous dites que S. Pierre a fait à Rome 25. ans. N'estes-vous pas suffisammēt conuaincus de vostre erreur , quand d'un A-



postre vous faites vn Euesque? Les Apostres n'auoyét point de lieu arresté, & les Euesques & Pasteurs ont chacun son Eglise pour le lieu de leur residence. Faites-vous S. Pierre Euesque non resident en son Eglise? Pouuez-vous le faire Euesque, veu qu'il estoit Apostre?

Mais ie vous demande, comment osez-vous dire, que l'Eglise Romaine a esté 25. ans le siege & residence de saint Pierre, veu que le S. Esprit & les Apostres luy auoyent commis la Circoncision: c'est à dire, la charge de prescher l'Euangile aux Iuifs, comme à S. Paul, de prescher aux Gentils? Saint Pierre (que vo<sup>us</sup> voulez faire le prince des Apostres pour donner charge aux autres Apostres) a prins charge d'eux, Act. 8. Ce que S. Paul a dit, que les esprits des Prophetes sont subiets aux Prophetes, a eu lieu aussi entre les Apostres. 1. Cor. 14.

Or selon cela que dit S. Paul, que la Circoncision fust commise à saint Pierre, Clement Alexandrin escrit, que saint Pierre a exercé son Apostolat en Egypte, nous voyôs aussi qu'il l'a exercé en l'Assyrie. Et Origene Orig. in Genesin. dit, qu'il l'a exercé en ces pays d'Asie, côme la Chaldee, Bitinie, Capadoce, & autres pays, où il y auoit force Iuifs & Israëlités, auxquels il a adressé aussi ses premieres lettres. 1. Pier. 1. c.  
1. vers. 1.

Mais Clement Alexandrin dit, que saint Pierre maria ses filles en Alexandrie, que sa femme y souffrit martyre: & que comme on la menoit au supplice, saint Pierre trouua

moyen de se faire voir à elle, à fin de luy donner courage. Et est croyable que la premiere epistre de S. Pierre, a esté escrete du grād Calre, qu'on appelloit anciennement Babylon: Je dy selon Iosephe, & selon Ptolomee.

Ioseph Antiqui. li. 2.  
cap. 5.

Que si vous dites, que saint Pierre s'en alla à Rome l'an 44. de nostre Seigneur, pour prendre ce siege l'an 2. de Claude, comme faut necessairement: & mesmes qu'il n'en ait bougé iusques à l'an 70. de nostre Seigneur, pour tenir ce siege les 23. ans que vous dites. Je vous respon, que si faut-il que vous faciez vostre cōte, que S. Pierre fust fait prisonnier sur la 44. ou 45. de nostre Seigneur, lors que Iaques frere de Iéan fust occis de glaiue par Herode. Commēt donc enuoyez-vous saint Pierre à Rome, en cest an 44. de nostre Sauueur & le 2. de Claude, pour le faire prescher le premier l'Euangile à Rome, y planter & dresser l'Eglise, prendre son siege, retourner au mesme an en Ierusalem, & y estre fait prisonnier?

Maintenant ie vous demande, qui vous faites le premier Euesque de Rome, ou saint Pierre, ou Lin? Vous auez le liure des Conciles, compilé en deux gros volumes, imprimé à Cologne, qui dit, que Lin mourut à Rome l'an 13. de Neron, & vn an auant la mort de S. Pierre: selon cela il faut dire, que saint Pierre n'a pas esté le premier qui a tenu ce siege Romain. Que si saint Pierre est le premier, & qu'il ait tenu ce siege depuis l'an 2.

de Claude, iusques au dernier de Nerō, à sçauoir 25. ans (c'est de l'an 44. iusques à l'an 70. de nostre Sauueur) Lin & Clete n'ont pas donc tenu ce siege auant saint Clement; & aussi Eusebe en sa Chronique les met apres S. Clemēt. Quoy que soit, si Lin & Clete ont tenu ce siege auant saint Pierre, & si saint Pierre a institué S. Clement le 4. Euesque de Rome; saint Pierre ne sera pas le premier Euesque de Rome, ains le troisieme, & n'y aura pas presché le premier l'Euangile. Aussi Eusebe met le siege de saint Clemēt, en l'an 94. & non en l'an 70. de nostre Seigneur, & met Lin & Clete, qu'il nōme Anaclete, apres saint Clement: & ne leur donne que 23. ans pour tenir ce siege. Si ainsi est, ce que dit vostre saint Clement sera faux, à sçauoir, que saint Pierre l'ait institué son successeur: car saint Pierre estoit mort 23. ans auparauant, s'il mourut l'an que vous dites, à sçauoir, l'an 70. de nostre Sauueur. En toutes ces difficultez, vous ne vous accordez pas, ny ne sçanez (comme on dit) sur quel pied danser, ny tous vōs Chroniqueurs.

Car ce que vous dites, que saint Pierre prescha le premier à Rome, qu'il y ordonna Clement pour son successeur, en luy disant; Je veux que tu me succedes en ceste charge, & que S. Clement s'en démit à Lin, & que Lin laissa son siege à Clete, & qu'ils firent l'office de S. Pierre iusques enuiron l'an dernier de Nerōn, cela est tout sans raison ny apparence

de verité. Sainct Pierre seul, auroit-il ordonné Clement? Mais Clement auroit-il esté deserteur, resisté au S. Esprit, & fuy à la vocation de Dieu? Lin se fust-il auancé, n'ayant autre vocation que de l'humilité de Clement? Cela eust-il esté humilité en Clement? Qui croira tout cela, non plus qu'en cela Lin & Clete fissent l'office de saint Pierre? Que faisoient-ils qu'office d'Euesque? Je dy si tout cela est vray. Or saint Pierre n'estoit pas Euesque, ains Apostre: comment donc eussent Lin & Clete fait son office?

Mais ce que vous dites après, n'est pas plus vray-semblable, à sçauoir, que saint Pierre eust peur des menaces de Neron, s'enfuit de Rome, rencontra nostre Seigneur en son chemin, luy demanda, *Quo vadis Domine?* cest à dire, Où vas-tu Seigneur? & que nostre Seigneur luy répondit, le m'en vay à Rome pour estre derechef crucifié: & que saint Pierre fust honteux, & s'en retourna à Rome, & soudainement establit saint Clemēt pour son successeur. Quoy? ne voila pas saint Clement establi successeur de saint Pierre, deux fois pour vne? Je dy si tout cela n'estoit faux, comme nous monstrerons par l'Epistre de saint Clement, où supposee à saint Clement.

Mais auparauant, ie vous veux faire voir, que quoy que plusieurs des Anciens ayent dit: qu'il semble bien que saint Pierre n'a point esté à Rome, du moins comme &

lors que vous dites. Car il n'y a point d'apparence qu'il y fut lors que saint Paul y fut mené. Il laisse ce qui a esté dit, qu'il exerçoit son Apostolat en Ægypte, & en l'Asie, & entre les Iuifs : mais l'an 35. de nostre Seigneur, il fust enuoyé en Samarie ; l'an 38. S. Paul le fust voir en Ierusalem, comme a esté dit, où il estoit aussi au Concile des Apostres l'an 52. de nostre Seigneur. Que si vous l'enuoyez à Rome apres le Concile, cela ne scauroit estre plustost qu'en l'an 10. de Claude, l'an de nostre Seigneur 53. & saint Paul y fut mené l'an 68. & n'y fust que deux ans, selon que vous dites, qu'il mourut l'an dernier de Neron, & l'an 70. de nostre Seigneur. Or S. Luc parle assez amplement, de ceux qui visiterent saint Paul, mais il n'est nullement parlé de saint Pierre: ny mesme que lors il y eust à Rome d'Eglise dressée de Chrestiens. Mais si lors que saint Paul faisoit sa confession de foy deuant le Pretoire, & qu'il escriuit sa dernière à Timothee, où il se plaint d'auoir esté delassé de tous : à scauoir, si saint Pierre l'eust laissé s'il eust esté à Rome, & si saint Paul ne luy eust pas rendu quelque bon tesmoignage, pour en rendre graces à Dieu, & edifier l'Eglise?

S. Hierosme  
sur le 23. &  
24. de S.  
Matth. dit,  
que S. Pierre  
fut crucifié en Ierusalem.

Vous repliquerez encore, que cela ne conclut pas, que saint Pierre n'ait point du tout esté à Rome. Mais qu'il y ait esté, & qu'il y soit mort, comme aucuns des Anciens ont dit, que vous sert cela? qu'il y a laissé vn suc,

ceſſeur ( dira quelqu'un. ) Je reſpon que non, non plus que noſtre Seigneur en a laiſſé en Ieruſalem pour y eſtre mort, comme a eſté dit. Mais quel ſuccéſſeur & quelle ſucceſſion perſonnelle? Ce ne pouuoit donc eſtre qu'un ſuccéſſeur, tel que luy & ſemblable à luy. Ce ne pouuoit donc eſtre vne ſucceſſion de Papes, pour auoir toute auctorité ſur la parole de Dieu, ſur la Religion, & ſur la maiſon de Dieu, & pour y ordonner de tout ce qui concerne le ſeruiſſe de Dieu, & en diſpoſer contre ce que Dieu a dit, & les Prophetes & les Apoſtres ont eſcrit en l'Eſcriture ſaincte. Je vous demande, qui des Anciens a dit cela, & où eſt-il porté en l'Eſcriture ſaincte? Voulez-vous donc que ſainct Pierre ait laiſſé & ordonné à Rome vn ſuccéſſeur comme luy, pour faire de meſme, & auoir la meſme auctorité? Mais voulez-vous que le Pape ſoit ce ſuccéſſeur? qu'il face donc comme ſainct Pierre, qu'il n'entreprenne pas dauantage, qu'il n'ordōne rien contre la parole de Dieu, contre les oracles des Prophetes, & l'Euaſgile de noſtre Seigneur. C'eſt la doctrine que S. Pierre a tenu & enſeigné. Le Pape fera-il ſon ſuccéſſeur, veu qu'il y contredit en ce qu'il enſeigne & ordonne du ſalut, autrement que par vn ſeul Ieſus Chriſt? Je laiſſe qu'il faudroit que le Pape fut Apoſtre, pour eſtre ſuccéſſeur de ſainct Pierre. Or l'Apoſtolat eſt mort avec les Apoſtres. Je laiſſe auſſi qu'il n'y a point de raiſon, que S. Pierre ait laiſſé vn

tel successeur que l'Euesque de Rome, plu-  
 tost que les autres Apostres. Car ils estoient  
 tous égaux en pouuoir, en charge, & en au-  
 thorité. Pensez-vous que saint Pierre ait eu  
 plus de pouuoir, pource qu'il est nommé le  
 premier? Pour cela estoit-il le plus grand, &  
 par dessus les autres? Je laisse tout cela, pour  
 vous monstrier que ce que vous dites que S.  
 Pierre institua S. Clement son successeur,  
 est faux. Tout vostre fondement, c'est ceste e-  
 pistre de saint Clement, escrete à saint Ia-  
 ques frere du Seigneur. Or ceste Epistre est  
 fausse: vostre fondement est donc faux, & vo-  
 stre Papauté à bas. Que ceste epistre soit faus-  
 se, il conste; parce que ce saint Clement qui  
 l'escriit, parle de la mort de saint Pierre, & de  
 l'institution de saint Clement pour succes-  
 seur de S. Pierre, & escriit cela à Iaques (non  
 le frere de Iean, mais le frere du Seigneur)  
 lequel estoit mort sept ans auant saint Pier-  
 re: à scauoir l'an 63. de nostre Seigneur; &  
 vous dites, que saint Pierre mourut l'an 70.  
 du Seigneur. Dautrepart, ce saint Clement,  
 (qui que ce soit) parle à saint Iaques cōme  
 s'il le deuoit instituer. A cela, & à plusieurs au-  
 tres choses qui sont en ceste epistre; on peut  
 cognoistre qu'elle n'est point de saint Cle-  
 ment; ains bastie depuis saint Clement, par  
 quelque supposit de la Papauté. Mais en vn  
 mot, comment pouuoit S. Clement escrire à  
 saint Iaques la mort de saint Pierre, veu  
 que saint Iaques estoit mort sept ans auant

Hist. Eccl.  
 liu. 2. chap.  
 23.



que saint Pierre mourut?

Page 76. Cela donc que dit de Sponde, qu'il oit toute l'histoire chanter, que saint Pierre a esté à Rome, & qu'il y fonda sa dernière & immuable demeure, à cause qu'il y mourut, ne fait rien pour fonder leur primauté. Car S. Pierre n'en auoit point; nostre Seigneur l'auoit defendue en son Eglise, & bannie d'icelle. Ce qu'il dit aussi de sa nomination d'un successeur, est tout faux: veu que l'Ecriture sainte n'en dit rien, & que tout leur fondement n'est qu'une epistre supposée de saint Clement & auerée fausse. Vous dites, qu'il n'y a point de salut, que pour ceux qui croient le Pape de Rome de tout ce qu'il dit, qui le tiennent pour chef: & ce qu'il dit & enseigne, comme s'il estoit sorty de la bouche de Dieu, ou de la bouche de S. Pierre, & qu'il a tous droicts diuins & humains au cabinet de sa poitrine. Qu'est-ce que tout: & plus, ou autant que la parole de Dieu mesme? vraiment si cela estoit, il conseroit bien par l'Ecriture sainte, quelque chose certaine de l'establissement de ce siege de Rome, comme a esté dit.

Distin. 96.  
Can. Satis.

Car vn article de foy comme cela, ne se prouue que par la parole de Dieu. Il n'y a article de foy que vous iugiez plus necessaire. Mesme vous faites cecy le fondement de la foy; & sans cela, il n'y a aucun salut (dites-vous) voire comme si sans ce siege de Rome, il n'y pouuoit auoir de Dieu ny de Sauueur, &

Mediateur, ny salut au ciel, ny Eglise en la terre. Car (comme a esté dit) vous voulez que ce siege preside sur la foy, qu'il ne soit loisible de rien croire en faict de Religion, que ce que l'Euesque de Rome en dira, & qu'il ne peut errer. Si cela est vray, n'est-ce pas merueille ? les Apostres n'auront-ils rien dit de cela ?

Pour venir maintenât aux Anciens qu'il allegue. Nous ne reuoquons pas en doute, que les Anciens n'ayent fort extollé l'Eglise Romaine. Ils ont appellé ce siege, Apostolique: mais comme on faisoit les autres sieges, au moins Archiepiscopaux, comme nous voyõs en Gregoire de Tours, là où le siege de Bordeaux est appellé Apostolique, & l'Euesque de Tours Pape. Rome auoit plus d'autorité, pource que c'estoit le premier lieu du monde: mais estoit-ce de droict diuin, ou du commandement de Dieu ? Il y a eu aussi vne chose, qui a tout vn long temps acquis authorité à ceste Eglise, à sçauoir, qu'avec ce que c'estoit le siege de l'Empire, il y auoit encor du temps des Empereurs anciens de bons Euesques, & la doctrine y estoit conscruee plus purement qu'ailleurs: si que la pieté & l'erudition de ces Euesques, les a fait rechercher en plusieurs difficultez, & affaires fascheuses & obscures: non point à cause de leur autorité, ou pour decider, comme primats de tout l'vniuers; mais comme plus doctes & mieux versez & plus purs en la doctri-

Greg. Tur.  
lib. 3. cap.  
26.

ne. Ceste Eglise estoit donc à cause du lieu, la plus celebre & renommee, & en doctrine la plus pure, & qui plus viuement résistoit lors aux heresies. A cause de cela les autres Eglises & pasteurs alleguoyent, pour defence contre les heretiques, la croyance de l'Eglise Romaine: & lors qu'elle n'auoit ny ouï, ny creu, ny reçu aucune heresie. On n'a ainsi allegué l'Eglise Romaine, que pour exemple (& tousiours l'Ecriture sainte pour fondement) & pour soustenir la pureté de la doctrine, & non pas pour la peruertir, comme vous faites: Car vous voulez que l'Eglise Romaine soit creüe & suyue en tout & par tout, combien qu'elle peruertisse & falsifie la doctrine de salut. Que vous sert donc, que les Anciens ayent fait estat, & extollé, & imité l'Eglise Romaine, veu que c'a esté lors qu'elle n'erroit point, & en ce qu'elle suyuoit la parole de Dieu, à laquelle maintenant elle resiste? Or vous voulez qu'o l'imite en ce qu'elle erre & fait contre Dieu, & en faites en cela bouclier. Mais faites qu'elle soit aussi pure que iadis; & lors nous en ferons cas aussi: non pas pour estre le chef de toutes les Eglises, mais pource qu'elle cheminera d'un droict pié avec nous, en la pureté de la doctrine.

Je vien maintenant à la loy *Cunctos populos*, qu'il allegue du premier liure du Code de Iustinian *titul. 1. de summa Trinitate*. Theodose veut qu'on suyue la mesme religion que saint Pierre prescha à Rome & y planta. Je

respon, que c'est ce que nous voulons: & que pour cest effect on suyue la doctrine de S. Pierre & des autres Apostres, & leur Symbole, où sont les articles de nostre foy. Car si saint Pierre y a esté, il n'y a pas presché de doctrine contraire, à celle que luy & les autres Apostres (& les Prophetes auparauant) ont escrit. Mais Theodose ne commande pas de prendre l'Euesque de Rome, comme s'il estoit Dieu en terre, ny d'ouïr autre doctrine que celle de saint Pierre, qui est celle de l'Euangile. Que si vous pensez que la Religion qui est maintenant à Rome, soit celle qui y estoit du téps de Theodose; vous-vous trompez. Encore plus, si vous pensez que ce soit celle que saint Pierre a preschée, soit à Rome ou ailleurs, & que nous voyons tant en ses Epistres qu'aux Actes des Apostres, qu'il a tenue & enseignée.

Quant à Eusebe, qu'il allegue pour preuue que saint Pierre fonda à Rome sa dernière & immuable demeure, & qu'il y a nommé vn successeur; Eusebe ne dit rien de cela. Mais quant à sa demeure immuable; dites-vous cela pource qu'il y est mort? vous auez raison, car il ne pouuoit plus faire autre logis. Mais ne sçauiez-vous pas qu'il ne pouuoit faire à Rome de demeure arrestée? Où est vostre esprit? Il estoit Apostre pour aller par tout, pour planter les Eglises, sans s'arrester, comme a esté dit en vn certain lieu. Qu'il n'y soit allé & mort, ie n'y contredy pas; pource

Liu. 2. hist.  
cap. 14. &  
15.

que cela peut bien estre, ou qu'il y fust mené de Syrie, ou d'Egypte, ou d'ailleurs: mais qu'il y ait nommé ny fondé de successeur, j'ay montré cy dessus que non. Au reste, Eusebe dit, que Neron fit trancher la teste à saint Paul, & puis qu'il fit mettre saint Pierre en la croix. Ainsi Eusebe parlant de ces deux Apostres, met & nomme S. Paul premier que S. Pierre. Il allegue bien d'un certain Caius que Zephirin Euesque de Rome, disputant contre un Proclus Cataphrygien, disoit que l'Eglise de Rome auoit les trophées de saint Pierre & de saint Paul; Qui (disoit-il) plantez deçà & delà en la voye qui va au Vatican, estoient à l'Eglise de Rome comme vne munition ou vne garnison, à sçauoir, contre les heretiques. Je ne sçay pas comment, si ce n'est en ce qu'ils tesmoignoient, que l'Eglise Romaine auoit esté plantee par eux. Aussi allegue-il d'un Denis Euesque de Corinthe, que S. Pierre & saint Paul auoyent planté l'Eglise de Corinthe, comme celle de Rome: & qu'ils auoyent esté compagnons à Corinthe (croyez-le si vous voulez) & en Italie, & à Rome souffert mort ensemble. Mais il ne dit point que saint Pierre y ait laissé ne nommé de successeur. Au 3. liure de son histoire ch. 2. il dit bien, que S. Pierre sur la fin de ses iours demoura à Rome: mais il ne parle non plus de succession, ny de primauté Apostolique. Et au 4. chap. où il traicte des successions des Apostres, il dit que ceux qui estoient trou-

uez constans en la foy, & zelateurs de la parole de Dieu, prenoient la charge des Eglises que les Apostres auoyent dressé, & premierement institué. Mais il dit, qu'o ne les scauroit nommer. De tous, il en nomme quelques vns qui ont succédé à saint Paul, & Inet Linus & Clement auoir esté cōmis en l'Eglise de Rome par saint Paul, & dit qu'ils luy auoyent esté compagnōs & coadiuteurs : tout le contraire de ce que vous dites de saint Pierre; car il ne parle que de saint Paul. Où en estes-vous donc?

Et quant à Egesipe, il ne parle que de la venue de saint Pierre à Rome & de sa mort: & non qu'il y ait ordonné ou Line ou Clement successeurs : ni ne fait aucune mention de testament, codicille, donation, legat, ou succession pour cela. Quant à Chrysostome, il n'en parle non plus au lieu que vous alleguez; bien dit-il, que saint Paul & saint Pierre ont résidé à Rome: & que c'est ce qu'il estime le plus de Rome. Tertullien dit de l'Eglise Romaine, *ô felix ecclesia ubi Petrus passioni Dominica adequatur*! O l'Eglise heureuse, où saint Pierre est mort à la semblance de la passion de nostre Seigneur! Mais il ne parle point de successeur établi à Rome par saint Pierre. Il ne dit pas, ceste Eglise heureuse, pource que saint Pierre y auoit eu son siege: mais pource qu'il y auoit souffert martyre, qui estoit edification à l'Eglise. Laëtance dit bien, que saint Pierre & saint Paul ont esté à Rome:

Egesip. 1.  
de excid.

Homel. 32.  
sur l'Epist.  
aux Rom.

Tertul. de  
prescript.  
hæretic.

Lib. 4. Inst.  
21.

August. de  
controvers.  
Euang. lib.  
1. cap. 10.

mais il nedit pas que saint Pierre y ait institué vn successeur ; & saint Augustin n'en dit rien, sinon qu'il parle des images de S. Paul & de saint Pierre, lesquelles peintures & images, soit qu'elles fussent en la maison, ou en la rue, ou es temples, S. Augustin les reprouue. Si Eusebe, Arnobe, Theodoret, & tous les autres tiennent, que saint Pierre est le premier qui y a planté le Christianisme, nous dirons donc que ç'a esté par la premiere predication en Ierusalem, où estoient plusieurs de Rome Iuifs, ou Grecs ou autres. Car que S. Pierre ait le premier presché à Rome, nous auons monstté que non ; & que s'il y est venu, & y est mort, qu'il n'y a gueres vescu. Quant à Athanase & Orose, on ne lit pas en leurs liures, que saint Pierre ait ordonné vn successeur à Rome tel que le Pape, ne qu'il y ait esté Pape, & fait le Pape, ne qu'il y ait eu vn siege sur lequel il ait posé vn successeur pour y auoir authorité d'Apostre, ou y commander comme Dieu, ou comme S. Pierre ; & mesmes par dessus la parole de Dieu. On ne lit pas cela en S. Hierosime non plus. Et de dire que S. Pierre ait planté à Rome le Christianisme, tel qu'il y est à present ; à sçauoir la Messe, le purgatoire, les images, & l'inuocatiō des saints ; nous sçauons le contraire, & que cela a esté ordonné depuis la mort de saint Pierre, & par les Euesques de Rome, & le montrons bien es histoires Ecclesiastiques.

Quant à ce qu'il dit, *que l'antiquité a desferé*  
aux



aux *Euesques de Rome*, nous auons dit cy dessus pourquoy, comment & iusques où, à sçauoir, autant que se peut & se doit selon la parole de Dieu. Que si quelques vns ont passé outre, & neâtmoins sont appelez saincts, cela ne conclud pas que nous deuions les ensuyure en cela. Car en ce faiët, ils n'ont pas fait sainctement. Et l'Eglise ne se fonde pas, sur la doctrine de tous ceux qui sont nommez saincts, mais seulement sur la doctrine des Prophetes & Apostres. Et quant à ce que saint Hierosime escrit à Damase Euesque de Rome, il ne dit pas qu'il tenoit Damase comme vous tenez le Pape; à sçauoir, pour Dieu en terre: mais bien que la doctrine de Damase & de l'Eglise Romaine estoit pour lors pure, en ce dont estoit question. I'en diray autant à vn docteur de nos Eglises; à sçauoir, que qui n'amasse avec luy il espard, à sçauoir, en ce qu'il enseigne selon l'Euangile: car en cela celuy qui n'est de Christ il est de l'Antechrist. Quoy? pensez-vous que saint Hierosime eust voulu approuuer Damase, s'il eust dit quelque chose contre la parole de Dieu? Il a escrit au contraire; à sçauoir, sur Aggee chap. i. v. 11. Le glaue de Dieu frappe tout ce qui n'est de l'Ecriture sainte. Item, contre Heluidius, comme nous ne nions pas les choses qui sont escrites; aussi nous nions celles qui ne sont escrites, à sçauoir en la parole de Dieu. Et sur saint Matthieu chap. 23. Ce qui n'a fondement en la parole de Dieu, est aussi

facilement mesprisé, comme prouué. Sainct Hierosime n'a pas donc voulu dire, qu'il faille amasser avec l'Euesque de Rome, s'il seme contre la parole de Dieu; ny le croire contre icelle: & c'est de cela qu'il est question.

Page 77.

Pour prouuer que nous deuons croire que S. Pierre a ordonné l'Euesque de Rome pour son successeur, & que le Pape a toute puissance au ciel & en terre: encore que ce ne soit pas porté par la parole de Dieu; il dit, *que nous croyons bien autres choses en poinct de foy, qui ne sont pas expressément portees par la parole de Dieu:* & pour exemple; il demande, *Où est escrit que le Pere n'est engendré d'aucun: & où est escrit que la Vierge est perpétuellement vierge & où est escrit le baptisme des petis enfans?* Nous respondons quant au premier, que la parole de Dieu nous enseigne; que le Fils est engendré du Pere deuant les siècles: mais elle ne nous dit pas du Pere, qu'il ait esté engendré. Pourquoi le le croirions-nous dōc? En cela nous croyons selon que porte l'Escripture sainte. Aussi elle ne nous dit pas que la Vierge ait eu d'autres enfans que nostre Seigneur, pourquoi le croirions-nous donc? Quant au baptisme des petis enfans, les Apostres ont baptizé les familles toutes entieres, pourquoi n'y pouuoit-il auoir des enfans? Le huitiesme iour les enfans d'Israël estoient circoncis: n'est-il pas dōc fondé en l'Escripture de baptizer nos enfans, sans attendre l'aage de discretion, veu que le Baptisme est comme la Circoncision?

Et puis nostre Seigneur a mis les mains sur les enfans, & les a recommandez à Dieu son Pere; Ils sont nez & engendrez à Dieu, luy appartiennent, sont en son alliance; Dieu est nostre Dieu & de nostre lignee: Pourquoy donc ne leur donnera-on le baptisme, qui est le signe & la marque de ceste alliance? Le salut leur appartient; leur en doit-on refuser le gage? Nous tenons tous cela fermement, & tout ce qui a fondemēt en la parole de Dieu; encore que les mots n'y soyent pas expressement couchez. Mais monstrez que ce que vous dites du testament de saint Pierre, & ce que vous dites qu'il a ordonné l'Euesque de Rome pour son successeur, ou qu'il le deuoit faire, & que nostre Seigneur le luy auoit commandé, a autant de fondement en la parole de Dieu, ou y en ait tant peu que ce soit? Je vous demande, si en saint Luc, qui a escrit les Actes des Apostres, vous trouuez rien de cela? A-il escrit que saint Pierre ait esté à Rome? A-il escrit qu'il a fondé à Rome vn siege & succession d'Eglise? y a-il aucune ancienne histoire qui face mention de ceste succession? Encore faudroit-il qu'il nous apparust par quelque passage de l'Ecriture sainte, que telle est la volonté de Dieu, qu'il y ait à Rome vn tel siege que celuy du Pape: & qu'il faille ouyr & croire le Pape cōme s'il estoit Dieu, ou saint Pierre: & que c'est à luy d'ordonner du seruice de Dieu, & de vider tous les differens de la Religion.

De Sponde dit apres, *que S. Paul fit vn voyage, que saint Luc n'a pas remarqué; à sçavoir, quand il fust vers S. Pierre pour conferer avec luy de son Euangile.* Mais fust-ce vers saint Pierre seulement, & pour conferer avec luy seul? S. Paul mesme recite ce voyage, & dit qu'il fust vers les Apostres qui estoient en Ierusalem. Mais de Sponde veut donner tout à saint Pierre; le fera-il plus grand pour cela? Saint Paul auoit presché auparauant sans conferer avec eux, & bien assuré de sa doctrine; il les voulut neantmoins voir, & conferer avec eux: non pour apprendre, car nostre Seigneur l'auoit instruit au ciel, où il auoit esté rauy auant ceste conference. Mais il voulut conferer avec eux pour l'edification de l'Eglise, & qu'on cognust qu'ils cheminoyent d'un mesme pied, & tous de bon accord ensemble; & qu'on ne l'eust estimé auoir couru en vain: comme les faux Apostres le calomnioient, & taschoient d'aneantir son ministere, de ce qu'il n'auoit esté comme les autres Apostres à l'eschole de nostre Seigneur. Mais apprint-il rien de saint Pierre, ny des autres? Ils luy baillerent la main d'association, & luy recommanderent les pources. Et depuis saint Paul reprint S. Pierre en Antioche, & luy résista en face. Direz-vous maintenant que S. Pierre a esté le prince des Apostres? C'est ce que vous voulez dire; & que S. Paul le vint voir pour le cognoistre pour Pape & chef de l'Eglise, & luy faire hommage. Mais quand

luy, & S. Jean, & saint Iaqués sont nommez, S. Pierre n'est pas nommé le premier. Et puis, comme a esté souuent dit, nostre Seigneur a defendu ceste primauté, ou principauté entre ses Apostres, & partant en son Eglise. D'auantage, quād saint Pierre auroit esté le premier & le prince, le Pape seroit-il son heritier? D'estre le chef & le fondement de l'Eglise, saint Pierre ne l'a pas esté: que s'il l'a esté, pouuoit-il faire en cela quelque vn son heritier, & notamment le Pape de Rome? Par quel droit? Mais mōstrez qu'il l'ait fait. Nous disons de vray; que ce poinct est d'importance. Vous dites que si sont aussi les autres; comme du Baptême des petits enfans, de la virginité de la vierge Marie tousiours vierge, que le Pere n'est point engédré. Nous vous respondons, qu'ouy: mais par des preuues bonnes & de l'Ecriture sainte. En monstrez-vous autāt de vostre succession Romaine? vous ne sçauriez, & vos histoires, où vous vous fondez, n'ont aucun fondement en l'Ecriture sainte; ains y sont contraires, comme nous auons suffisamment monstté. Et quant à ce poinct de l'institution d'un successeur à Rome par S. Pierre, dont vous faites plus d'estat que d'aucun article de foy; Nous disons que si ainsi estoit, il en seroit parlé en l'Euangile.

*De Sponde nous mene maintenant au champ page 68.  
de l'histoire, & y appelle tout le monde. Que pense-il faire? Il traicte vne chose qui est, à leur*

aduis, autant ou plus qu'un article de foy; à sçauoir, que ceste succession de S. Pierre est fondée en droit diuin. Car c'est du droit diuin qu'il s'agit icy. Il faut donc prouuer ce droit par la parole de Dieu. Il ne peut: Où veut-il donc aller se faire battre? Car que gagnent ny luy, ny les Iesuites de se traualler tant apres les histoires & Conciles & Docteurs, quand la parole de Dieu leur défaut, & que mesmes les Docteurs, Conciles & histoires leur sont contraires? Qui a écrit que ce siege de Rome soit egal à celuy de Dieu? qu'il faut croire le Pape, comme Dieu mesme? & qu'en Religion il ne faut croire que ce que le Pape dira, & qu'il ne peut errer; que luy & son Clergé ont tousiours le saint Esprit?

Toutesfois allons en ce beau chāp, *autant* (dit-il) *que le temps nous en a laissé d'entier & de reste.* Il veut dire hōnestement, que l'histoire manque en cecy: & qu'il ne sçauoit prouuer par l'histoire tout ce qu'il veut de ceste succession; à sçauoir, que le Pape est successeur de saint Pierre, qu'il puisse en terre tout ce qu'il voudra, & autant que Dieu au ciel, & faire taire Dieu chez soy, pour parler luy seul comme maistre en la maison de Dieu. Ne pouuant prouuer cela par l'histoire, il fuit du champ de bataille, où il nous auoit appelé, & a son recours aux Docteurs, & allegue saint Augustin le premier: mais il ne sçait dire où; au moins il ne cote pas le lieu. Toutesfois en sa 2. édition il cote D. *August. contra par-*

tem Donat. tomo 7. S. Augustin, dit-il, ne crain  
 point d'appeller saint Pierre la pierre sur laquelle  
 est fondée l'Eglise. Je respon, que S. Augustin  
 n'a pas dit cela, que Pierre ou son siege soit  
 le fondement de l'Eglise: ou s'il l'a dit, il s'est  
 contredit. Car il a dit que l'Eglise est fondée  
 sur ceste pierre que saint Pierre a confessé,  
 qui est Christ. *Edificabo* (dit-il) *Ecclesiam meam*  
*super petram, quam confessus es.* P'edifieray mon  
 Eglise sur ceste pierre que tu as confessé. Et  
 puis saint Augustin allègue le 3. de la pre-  
 miere aux Corinthiës; à sçauoir, Nul ne peut  
 poser autre fondemēt, que celui qui est mis,  
 à sçauoir nostre Seigneur Iesus Christ. S. Pier-  
 re mesme, dit saint Augustin, a esté edifié sur  
 ce fondement. Comment donc seroit l'Egli-  
 se edifiée sur luy, ou sur son seabeau? Mais  
 vous entendez, que le siege du Pape soit le  
 siege de saint Pierre. Je vous demande, qui  
 l'a dit? saint Pierre en a-il parlé, ny Dieu, ny  
 les Prophetes, ny les Apostres? S. Pierre n'a  
 eu tel siege que cela. Et quand ce seroit le sie-  
 ge de saint Pierre, l'Eglise est toujours fon-  
 dée sur Iesus Christ. S. Augustin dit, que S.  
 Pierre, l'Eglise, & to<sup>e</sup> fideles, ont Iesus Christ  
 pour la pierre fondamentale. Et sur le P'sal.  
 103. il dit, qu'il est l'appuy de l'Eglise, & le  
 fondement d'icelle. Il parle là de celui dont  
 saint Paul a dit, Nul ne peut mettre autre  
 fondement, que celui qui est posé, Iesus  
 Christ nostre Seigneur. Non, direz-vous, qui  
 soit chef viuifiant au ciel; mais bien qui soit

Traicté  
 123. sur S.  
 Ican.

Traicté  
 224.



ministerial en terre. Je respon, que l'Apostre dit, Que nul ne peut mettre aucun autre fondement, que celuy qui est desia mis: à sçauoir, nostre Seigneur. C'est sans faire de distinction de chef, ny de fondement ministerial ou viuifiant, au ciel pour la vie, ou pour le ministère icy. Mōstrez qu'il y ait autre chef ou fondemēt pour l'Eglise que Iesus Christ nostre Seigneur. L'Eglise ne parle que d'un fondement, sur lequel a esté fondé saint Pierre, comme S. Augustin introduit le Seigneur parlāt, & disant à saint Pierre; *Fundabo te super me*, Je te fonderay sur moy.

Ad. 4. 11.  
1. Pier. 25.  
6.

Page 78.

Il est vray qu'au premier liure de ses Rétractations, cha. 21. il dit, Qu'en quelque lieu il a escrit de l'Apostre saint Pierre, Que sur luy, comme sur la pierre, l'Eglise est fondée: mais il se retracte de cela, & dit qu'il a exposé ses mots; Tu es Pierre, & sur ceste pierre j'edifieray mon Eglise, de la pierre que S. Pierre auoit confessé, en disant; Tu es le Christ, le Fils du Dieu viuant. Quant à ce que S. Augustin dit, en l'epistre contre le fondement cha. 4. Que la succession des Prestres ou Anciens, l'auoit retenu iusques à ce iour-là en l'Eglise; depuis le siege mesmes de S. Pierre, auquel nostre Seigneur auoit dōné la charge de paistre ses brebis iusques à l'Euesque d'aujourd'huy. S. Augustin pour cela ne constitue pas le siege de saint Pierre pour le fondement de l'Eglise: & ne le nomme tel, non plus que le consentement des peuples & des nations;

par lequel aussi il se disoit auoir esté retenu en l'Eglise.

Quant à S. Cyprien en l'epistre qu'il escrit à Corneille, que vous alleguez, il ne parle point de l'Eglise Romaine, ny ne l'appelle la matrice, & la racine de l'Eglise Catholique. La matrice d'icelle sera plustost le saint Esprit, qui la forme par la parole de Dieu. Sa racine, sa fource, source & ressource, c'est Iesus Christ, la racine de Iesse. C'est luy qui est la racine qui nous porte, & nous sommes entez en luy. Nous ne nions pas que les Anciens n'ayent beaucoup deféré (comme a esté desia par plusieurs fois dit) à l'Eglise Romaine, à cause du lieu, à cause qu'elle auoit le renom d'auoir esté plantee par les Apostres: & pour ce qu'elle s'estoit maintenue des plus pures. Mais vous vous abusez d'en faire la matrice des Eglises, à cause que les Anciens luy ont ainsi deféré. Car au premier Synode de Constantinople, l'Eglise de Ierusalem est appelée la mere de toutes les Eglises, par le consentement de tous les Euesques. Dauantage Tertullien, & saint Augustin tiennent, que la Religion est venue en l'Afrique par la Grece, & non par Rome. Et peut estre n'en est-il pas moins des Gaules. Quoy qu'il en soit, les actes des Martyrs s'escriurent aux Eglises d'Asie. Et les premiers Docteurs des Gaules estoient Grecs, & non Latins. Mais il est tresvray-semblable, qu'une Eglise de Ierusalem, a engendré les autres; & ainsi Sion a

Euseb. hist.  
Eccles. lii.  
s. cap. i.

Esaie 2.

esté selon les Prophetes, esleuee sur toute la terre. Au reste, S. Cyprien ne parle que de l'amour & de la concorde en la doctrine, laquelle estoit en l'Eglise viuante par le saint Esprit. Ce que vous ne pouuez trouuer en l'Eglise Romaine; elle estant si corrompue, qu'elle ne peut presque plus demeurer Eglise. Cependant de ce siege de l'Antechrist, vous nous voulez faire sortir toutes les Eglises de tout l'vniuers, & les former là dedans, comme vn enfant dans la matrice; & non en la parole de Dieu, & en l'vniion que fait le S. Esprit, dont parle saint Cyprien.

Quant à saint Ambroise, il dit que son frere fit venir vers soy vn Euesque, & qu'il luy demâda s'il consentoit avec les Euesques Catholiques. (Ainsi appelloit-il ceux qui auoyent succédé en pieté & doctrine aux Apostres) à cause du schisme que faisoient les Luciferiens alors, en se separât de l'vniité de l'Eglise. Mais il parle de l'Eglise Romaine, direz-vous. Je respon, que c'est pource que la doctrine Apostolique, qui s'estoit corrompue en plusieurs lieux ailleurs, s'estoit encore conseruee là plus purement: Et qu'en cela, & non en autorité Papale, l'Eglise Romaine estoit comme vne lumiere aux autres. La cause (comme a esté dit souuent) que les autres Eglises, & mesmes celles d'Occident luy deferoient beaucoup: & souuent se reigloyent par elle, comme font nos Eglises, par vne autre Eglise mieux reiglee & policee, & qui leur

semblera plus pure, & auront son aduis (ie dy de ses Docteurs) en quelque poinct de controuerſe ; mais toujours ſelon la parole de Dieu, & pourueu qu'on monſtre qu'on parle par icelle, & que ce ſoit elle qui reigle tout. Car la ſeule parole de Dieu, eſt la reigle infaillible de verité. Je dy donc, que ſainct Ambroïſe appelle tous les Eueſques, qui ſe tenoyent vnīs en vnitē de foy, de doctrine, & de l'Egliſe, comme faiſoit l'Eueſque de Rome pour lors, Catholiquēs ; à l'opposite des Luciferiens, qui eſtoient ſchiſmatiquēs, & ſeparez de ceſte vnitē.

Quant à ce que dit ſainct Ambroïſe de Damāſe, qu'il eſtoit le conducteur de la maiſon de Dieu, cela ne ſe peut-il pas dire de tout Eueſque & Paſteurs ? Sainct Ambroïſe eſtoit lors conducteur de la maiſon de Dieu à Milan, Damāſe à Rome, S. Auguſtin à Hippone (ou Bonne; on l'appelle ainſi aujōurd'huy) Chacun paſteur l'eſt ainſi en ſon troupeau, s'il le regiſt par la parole de Dieu : car autrement ce ſeroit deſtruire, & non regir. Au reſte, ſainct Ambroïſe ne dit pas que Damāſe regiſſe toute l'Egliſe Catholique, ou toutes les Eglīſes del'vniuers. Si vous me dites, qu'il parle de la maiſon de Dieu, qui eſt l'Egliſe Catholique: Je reſpon, que le miniſtre qui ſera en vne Eglīſe particulière, & la gouvernera, conduira la maiſon de Dieu ; à ſçauoir en ce lieu-là. S. Paul en a autant dit à Timothee, <sup>1. Timothi.</sup> qui ne gouvernoit que l'Egliſe d'Ephēſe, & 3.<sup>15.</sup>

appelle ceste Eglise, la maison de Dieu. Car toute Eglise bien conduite, est tousiours la maison où Dieu demeure. Cela donc que dit saint Ambroise, ne fait pas Damase pasteur de toutes les Eglises de l'uniuers; non plus que ce que saint Paul escriuoit à Timothee, le faisoit tel, ou Euesque vniuersel & de tout le monde.

Au surplus, ces Docteurs disent-ils que l'Eglise Romaine, ou l'Euesque d'icelle, soit le fondemēt de l'Eglise? Si lors elle estoit pure, & les Docteurs ont dit qu'il l'a falloir ensuyure, cōme Eglise Catholique & Apostolique; c'estoit, qu'elle s'estoit fidelemēt maintenue en la communion des Saints avec les autres Eglises, & son Euesque comme les autres bons Euesques, sans faire schisme, & en la doctrine des Apostres, & sans heresie. Cela est-il maintenant? nous vous montrons que non: & vous faisons voir qu'elle erre, & est vne matrice d'erreur. Voulez-vous que nous l'ensuyuions? Elle enseigne le salut par autre moyen, que par la mort de nostre Seigneur, & autrement que n'est porté par la parole de Dieu. Nous fonderons-nous sur icelle? Non: Mais nous-nous fonderons plustost sur la parole de Dieu, qui est la doctrine des Apostres, leur Symbole, & articles de nostre foy. Mais quels blasphemies de dire, que l'autorité du Pape, & de l'Eglise Romaine soit plus grande que celle de l'Escripture sainte, de la Parole de Dieu, & de Dieu mesmes! Les

anciens Docteurs ont-ils dit, voulu, ny escrit qu'on suyuiſt l'Eglise de Rome, ou ſon Eueſque; ſinon entant que ceſte Eglise & ſon Eueſque ſuyuoient la parole de Dieu? Dieu a-il dit ny commandé qu'on laiſſe ſa loy, les Prophetes, l'Euangile, pour croire ſeulement à ce que dira le Pape? A-il dit, qu'il iugera & ordonnera de la Religion? Non: Mais Dieu a ordonné en ſa parole, comme il veut qu'on croye, & qu'on face à iamais.

Mais prenons qu'ainſi ſoit, que ſainct Cyprien ait dit, que l'Eglise Romaine eſt la matrice de l'Eglise Catholique: Et que ſainct Ambroiſe ait dit que l'Eglise Romaine ſoit le fondement de toutes les Eglises; & qu'il ait dit auſſi que Damàſe en ſoit le chef (ce que toutesfois ils n'ont iamais dit) eſt-ce parler par la parole de Dieu? Où a Dieu dit cela? faut-il ſ'arreſter au dire des Anciens, s'ils ne parlent par la parole de Dieu, & s'ils parlent contre icelle? Liſez ſainct Auguſtin contre Creſcon. liu. 2. chap. 31. où il dit en termes exprez, qu'il ne fait aucun tort à ſainct Cyprien, de ne mettre ſes eſcrits au rang de l'Eſcriture ſaincte. Et puis il dit, que par les liures Canoniques de l'Eſcriture ſaincte, on iuge des autres liures, ſoit d'infideles, ou de fideles. Et au liure de *moribus eccleſia lib. 1. cap. 7.* il mōſtre, qu'il ne faut ſuyure aduis que de la parole de Dieu, & à icelle nous ſouſmettre. Sainct Hieroſime en dit autant, comme nous auons veu cy deuant, & ſainct Cyprien liure

2. epistre 3. dit le mesme.

Il pretend nous conuaincre de schisme, en ce que nous-nous sommes separez de l'Eglise Romaine. Mais il s'abuse: Car il prend l'Eglise Romaine, pour l'Eglise vniuerselle. Ce qui n'est pas: car c'est l'Eglise de Rome, & non tout le monde. Nous sommes en la communion de l'Eglise Apostolique: nous le faisons apparoir, en ce que de tout en tout, nous suivons la doctrine des Apostres. L'Eglise Romaine a eu autresfois ce tiltre, c'est quand elle suyuoit la doctrine des Apostres: elle ne la fuit plus, elle la hait en vne bõne partie. L'Eglise Romaine nous persecute pour cela: elle n'est pas donc Eglise Apostolique en tout cela. Et si nous la laissons en ce faict, c'est auéc raison: mais nous ne nous retirons pas de l'Eglise Romaine, en ce qu'elle tient de la doctrine des Apostres; ains en ce qu'elle idolatre: Et partant nous ne sommes pas schismatiques.

Il dit, *que nous-nous sommes formellement bandez contre le moyen d'vnité, que Iesus Christ a si ardemment demandé à Dieu son Pere. Quel moyen d'vnité pense-il que nostre Seigneur a demandé à Dieu son Pere? d'estre vnis a S. Pierre comme à nostre chef; & apres la mort de sainct Pierre au Pape de Rome? Est-il si fol que de penser cela? Le lien de l'vnité, c'est d'estre vnis ensemble en foy & esprit; C'est par le S. Esprit tenans vne mesme croyance & doctrine de foy; à sçauoir, la doctrine des*



Apostres, & estans vn corps & vn esprit en Iesus Christ; estre tous vn en luy, comme luy & le Pere sont vn. Le Pape ne fait icy rien, ny Iean 17.  
11.21. saint Pierre, ny son siege: ains le saint Esprit en l'vnité de doctrine, non de celle du Pape, qui nous diuise & desmembre de Iesus Christ, mais en celle de l'Euangile, par laquelle nous sommes recueillis à Iesus Christ, comme les membres au chef. Que si le moyen de ceste vnion, c'est que saint Pierre soit le chef de ceste Eglise (ce qui est faux) ce ne sera pas donc le Pape. Quoy? est-il S. Pierre? Mais le Seigneur n'aura rien dit à ses Apostres que pour le Pape? Ce chef d'vnité c'est nostre Seigneur. Et ce que nostre Seigneur a demandé à Dieu, ce n'a pas esté vn Pape, ou saint Pierre pour chef; ains que tous ceux qui croiroient en luy, fussent vn avec luy, & sans parler du Pape.

C'est dit de Sponde, *le moyen d'vnité qu'a remarqué saint Hierosme*. Et voicy que c'est: S. Hierosme prefere la virginité au mariage; Et pourtant il dit, que nostre Seigneur a plus aimé saint Iean que pas vn des Apostres, pour ce qu'il estoit vierge. Et quant & quant il va au deuant de ceste obiection qu'on luy pouoit faire; à sçauoir, Si nostre Seigneur n'auoit pas plus aimé saint Pierre, puis que l'Eglise estoit fondée sur luy? Et apres il se respond luy-mesme, qu'en vn autre lieu il est dit, que l'Eglise est fondée sur tous les Apostres. C'est donc que vous, avec saint Hierosme,

Hierosme  
contre Io-  
uinian.

ne faites que perdre vostre temps, de fonder l'Eglise sur vn seul S. Pierre & sur le Pape: Car saint Hierosme ne la fonde pas plus sur saint Pierre, que sur vn autre Apostre. Mais dira quelqu'un, combien que saint Hierosme ait dit, que tous ont receu les clefs du Royaume des cieux, à fin que sur eux tous également la fermeté de l'Eglise soit rendue plus solide: si est-ce qu'il dit aussi, qu'entre les douze, l'un est esleu; à fin que constitué pour chef, il ne restat occasion de faire schisme en l'Eglise. Je respon, qu'à la verité les Anciens pensoient faire beaucoup pour obuier aux schismes, de tenir l'Eglise en vnité: & pour refuter les heretiques, d'alleguer que S. Pierre auoit esté chef, qu'il auoit eu son siege à Rome, que ceste Eglise auoit esté plantee par luy, qu'il falloit demeurer vni avec elle: & qu'elle estoit le phare ou le flambeau esclairant toutes les autres; à sçauoir, pour estre conduites selon la doctrine des Apostres & des Prophetes. Mais il y a icy deux choses à considerer; l'une, que lors l'Eglise Romaine n'estoit pas corrompue comme maintenant: ains sa doctrine estoit pure, & resistoit lors vaillamment aux heresies, & fermoit la bouche aux heretiques, monstrant sa doctrine pure encore alors, comme elle l'auoit receue de Apostres. Cela n'a plus de lieu maintenant, que la doctrine est faussee & impure, & qu'elle combat contre la verité de Dieu. Dauantage les Anciens s'abusoyent, quand ils disoyent que

que nostre Seigneur auoit fait S. Pierre le chef & fondement de l'Eglise. Ils pensoyent bien faire, & Dieu a maudit leur conseil, & en est aduenü tout le rebours de ce qu'ils pensoyent. Car ils mettoyent ceste Eglise en estime, plus que de raison, combien que lors elle fust pure; l'esleuoient comme le chef de toutes les Eglises, pour luy atquerir plus d'autorité, & que toutes dependissent d'elle, pour mieux maintenir la pureté de la doctrine en tout le monde. Mais quand ceste Eglise a eu gagné ceste autorité, elle s'est corrompue en doctrine, & apres a vsé de son autorité qu'on luy auoit donné, pour tirer & amener les autres Eglises à receuoir & tenir sa fausse doctrine, ses traditions, & fausse religion. Cela luy a esté facile, veü son crédit & autorité. Elle a dit en fin qu'elle ne pouuoit errer, & a eu la force de cōtraindre les autres Eglises, & s'est en ceste sorte rendue ceste grāde paillardie, qui fait boire, Rois, peuples, & nations en la coupe de ses abominations. Mais quoy? tout ce qu'ont dit les Anciens de ce siege de Rome, ou de saint Pierre, ç'a esté tousiours n'en sortant rien, ny ne s'y ordonnant rien en religion, qui ne fut conforme à la parole de Dieu; & n'en ont fait estat qu'en ce cas, & pour cela. Et quand ce siege a dit, ou fait contre la parole de Dieu, ils l'ont repris aussi bien que S. Paul reprit S. Pierre. Mais vous voulez que ce siege de Rome ordonne de tout, outre, par dessus, voire contre l'Escri-

tute sainte ; le permettez, le voulez, le souffrez, & dites qu'elle le peut faire, & defendre le bien, & permettre ce que Dieu defend : le fait en vostre presençe, & vous l'approuuez. Les anciens Docteurs ont-ils dit cela, & tenu que l'Euesque de Rome pouuoit faire du maistre si auât? Non: mais ils ont tous tenu & maintenu, qu'au faict de la religiõ, ny l'Euesque de Rome, ny le Concile, ny autre, ne doit rien decider & resoudre, que par la parole de Dieu. Au demeurant, S. Hierosme n'ameine aucune preuue, pour dire que S. Pierre, ou le Pape soyent chef de l'Eglise, & le moyen de nous vnir avec Dieu.

Outreplus, ores que S. Pierre ait esté le premier entre les Apostres ; si n'a-il pas esté le chef ny le prince sur les autres, comme nous auons souuent dit. Dieu n'a point estably ceste principauté entre les ministres de l'Eglise du nouueau Testament ; ains la defendue, & establi ync egalité, à fin qu'il y ait vnitè. Et l'Eglise d'Antioche n'a point eu du tēps des Apostres de superiorité sur les autres, ny n'en a esté le chef, ny celle de Rome aussi ; non pas celle de Ierusalem, la mere de toutes les autres Eglises du monde.

Page 79.

De Spõde dit, que ne recognoistre point l'ordre que nostre Seigneur a estably, c'est. ne vouloir viure qu'en diuision: & par ceste diuision se separer de Iesus Christ mesme, avec lequel nous ne pouuons estre, si nous sōmes esloignez de son corps mystique qui est l'Eglise. Tout cela est vray, mais nous

disons, que nostre Seigneur n'a point ordonné cest ordre de Papauté, ou vn Pape & Euesque à Rome, qui ait le maniement de nostre salut entre mains, pour disposer du seruice de Dieu contre sa parole, & introduire en l'Eglise faux seruices, idolatries, & des superstitions semblables à celles des Payens. Ce siege de Rome fait cela, & ordonne du salut autrement que ne porte l'Euangile, & la doctrine des Apostres; & vous appelez cela vn siege Apostolique? c'est plustost vn siege d'Apostasie. Pour nous separer de là, nous ne faisons aucune diuision d'avec Iesus Christ nostre Seigneur. Nous-nous separons de vray de la Papauté & de l'Antechrist, pour demeurer en l'vnion de Christ seul; le Sauueur du monde, seul nostre paix, nostre réconciliation avec Dieu, & seul la satisfaction pour nos pechez; Avec lequel nous ne pouuons estre, ny auoir salut de luy, si (comme que ce soit) nous cerchons salut ailleurs qu'en luy, ou par quelque autre chose avec luy. Car l'Apostre dit, Si vous estes circoncis, Christ ne vous profite Galat. 5. 2.

de rien. Si nous cerchons vie & salut ailleurs qu'en luy, sommes-nous menés & viuons-nous de son Esprit? sommes-nous vrais membres de son corps mystique, qui est son Eglise? sommes-nous chair de sa chair, & os de ses os, & de sa cōmunion bien-heureuse? Nous-nous separons de vous, & de vostre Papauté, à fin que nous ne nous separions point de Iesus Christ, & à fin d'estre vnis à luy: car

vous cherchez salut ailleurs qu'en luy. Ce que si nous faisons, nous ne serions inenez non plus que vous, ny ne viurions de son Esprit: & ne serions en cela non plus que vous vrais membres de nostre Seigneur Iesus Christ. Et partant pour nous separer de vostre Papauté, nous n'en sommes que plus veritablement conioincts à nostre Seigneur.

*C'est trop, dit-il apres, de nous vouloir creuer les yeux en vne si pleine lumiere.* Mais qui sont ces mauuais garçons qui veulent faire cela? quand mesmes tous vos cierges sont allumés, y voyez-vous bien? Avoir autre Mediateur & Aduocat enuers Dieu que Iesus Christ, autre lauement que son sang, autre satisfaction pour nos pechez que sa mort, est-ce voir clair? prendre l'eau benite pour salut & vie, adorer vne image comme si c'estoit Dieu, appeller vne croix l'vnique esperance de nostre salut; appelez-vous cela vne pleine lumiere? Non, dira-il: Nous ne parlons pas de cela. Dequoy donc? que Dieu a estably S. Pierre le chef de l'Eglise, & l'Euesque de Rome son successeur, & d'aage en aage, pour gouverner l'Eglise de Dieu autant que ce monde durera; & qu'il faut obeir au Pape, comme à Dieu mesmes? C'est en cela que vous estes aux plus profondes tenebres: voire en celles de l'enfer mesmes. Comment donc vous creurions-nous les yeux?

*Il ne peut croire que les Anciens se soyent tous trompez en la primauté de S. Pierre & de ses suc-*

*cesseurs*; ny nous-aussi, & ne le disons pas : car combien en y a-il eu, & des plus anciens, qui n'ont pas deféré à l'Eglise de Rome tât, qu'ils n'en ayent autant deféré aux autres Eglises ? Mais quâd on auroit accordé ceste primauté à l'Eglise de Rome & à son Prelat, comme successeur de S. Pierre ; le Concile de Nicee luy borna sa iurisdiction : à sçauoir, dans la ville de Rome & lieux suburbains. Il est vray que vous direz, que c'est tout le monde, dont Rome est la ville, & le reste du mōde les faux-bourgs, au lieu de dire lieux adiacents. Les anciens Docteurs de ce temps-là ont erré en d'autres poincts ; & s'ils ont deféré à l'Eglise de Rome, ça esté pource que i'ay dit cy dessus, & non de droict diuin. Ils ont deféré à l'Eglise Romaine pour le bien des Eglises, & ne leur a pas bien succédé : car ça esté en fin la cause de la ruine des Eglises, comme a esté dit. Cependant il y a tousiours eu qui a resisté à l'Euesque de Rome, quâd il a voulu faire trop du maistre. Et auant nous s'est trouué, qui a empesché bien souuēt en beaucoup de lieux ce naufrage. On s'y est opposé autât heureusement que Dieu a voulu, & que ses iugemens ont deu auoir cours. Mais de quoy s'esmerueille-il ? Car les Eglises d'Asie & d'Afrique que sont-elles deuenues, & plusieurs de la Grece aussi ? N'ont-elles point souffert naufrage ? En quel gouffre sont-elles abyssinees, veu qu'elles n'ont laissé aucune trace ne marque d'elles ? L'Eglise Romaine est



menacee aussi d'estre retranchee. Mais qu'est deuenue l'Eglise en Ierusalem du temps d'Achas? Il est dit, que le Sacrificateur mesme, introduisit par le commandement du Roy, vne idolatrie de deuination: & en dressa vn autel dedans le temple, & qu'apres Ezechias ouurit le temple. C'est pour tesmoigner que ce peuple auoit esté ietté en vn abyssine d'ignorance: car la porte du temple estoit fermee aux vrais adorateurs; l'idolatrie y estoit establie, le vray seruice de Dieu cessoit. Au reste, comme lors en Israël & Iuda il y auoit des Prophetes, & quelque residu qui se tenoyent en la loy de Moyses; aussi souz les tenebres de la Papauté, Dieu a eu ses marquez, comme est dit Apocal. 7. Et tout n'a pas esté perdu, combien qu'il n'ait pas tenu à l'Antechrist. Dieu a donné resipiscence aux siens, cognoissance de leur erreur, repentance d'iceluy, & de demander pardon, mesme à l'article de la mort. Les histoires nous testifient, que plusieurs ont veu les abus, crié à l'encontre, & s'en sont retirez. Le Pape en a fait mourir plusieurs pour cela: & de tēps en temps Dieu a allumé de nouueaux phares, pour esclairer en ceste nuit obscure de vostre Papauté.

Il appelle par mespris nostre croyance, des subtilitez où nous-nous promettons tant de seurētē. Mais nostre croyance c'est le Symbole des Apostres, la doctrine des Prophetes, l'Euangile de nostre Seigneur, les promesses de salut. Qu'y a-il si seur, que ce que Dieu a pro-

mis? Ce n'est pas de cela qu'il parle (dira-il) mais de ce que nous contredisons à la primauté du Pape. Nous disons, que nostre Seigneur l'a defendue, elle ancantist le conseil de Dieu, fait chercher salut ailleurs qu'où Dieu l'a ordonné.

Il nous demande, *qui a debatü la primauté du Pape, d'usurpation, ou de nullité?* Nous luy respondons, que nostre Seigneur l'a reprouuee & cōdamnee entre ses Apostres: & n'a pas voulu qu'il y eust de primauté, ny qu'un commandast aux autres, ou fut le premier & le maistre, comme a esté desia dit. Il est, & veut seul estre le maistre & le Seignent; & que nous soyons gouvernez par luy, à sçau. par sa parole. Prēdre donc ceste primauté, c'est usurper; voire ce qui n'appartient qu'à nostre Seigneur. Sa primauté n'est donc qu'une nullité.

*Mais, dit-il, qui la debatue cy deuant de nullité, si ce n'est Jean Hus & M. Luther?* Le respon, que quand on ne s'y seroit pas opposé, encore n'en seroit-il pas legitime possesseur. Car il n'y a aucune prescription contre la verité de Dieu: il n'en a point de tiltre; car la parole de Dieu n'en dit rien. En tel cas (comme a esté dit) volontiers que l'Eseriture sainte (où tout est contenu) ne diroit pas que l'Eglise Romaine presidera sur toutes les autres Eglises, & que son Euesque sera sur tous les Euesques? Et si le salut estoit en cela, que Dieu ne l'auroit pas dit. Mais nostre Seigneur n'a rien promis particulièrement à St. Pierre,

& moins particulièrement à l'Eglise Romaine ou à son Euesque. Ce que nostre Seigneur a donné a S. Pierre de lier & deslier, & d'auoir les clefs du royaume des cieux, a esté commun aux autres Apostres comme à luy ; c'est de retenir & pardonner les pechez : & est donné à tous fideles messagers de la grace de Dieu, autant au petit qu'au grand, comme il se verra ailleurs. En tout cela nous disons, que là primauté de la Papauté est assez debatuë, & conuaincue de nullité. Que veut-il plus ? Du temps d'Irenee, d'Epiphanius, & de S. Augustin, qui eust debatue ceste primauté contre l'Eglise Romaine, veu qu'elle ne l'auoit pas ? Quel besoing de la conuaincre lors de nullité : Car l'Euesque de Rome n'estoit pas lors Dieu en terre. Mais Irenee a reprobé l'insolence de Victor Euesque de Rome, qui vouloit faire le maistre, & excommunier les Euesques d'Asie ; & n'a recognu en luy aucune primauté. Polycarpe non plus, ny ne fit difficulté de cōtredire à l'Euesque de Rome, pour la celebration de la Pasque. Qu'on lise les histoires, & on trouuera qu'Empereurs, Rois, Princes, Parlements, Euesques, Vniuersitez & Docteurs, se sont plaincts de la superbe domination du Pape, & l'ont appellee tyrannie. Le Roy Philippe le Bel (& par l'aduis de son cōseil) a escript à Boniface 8. & l'appelle vn fat, avec toute sa primauté. Les Euesques de ce Royaume dirent au Roy Louys le Debonnaire, que si le Pape le vouloit ex-

Euseb. li. 5.  
cap. 24.

Euseb. li. 5.  
cap. 24.

communier, qu'il le falloit excōmunier luy-mesme, & qu'il n'auoit aucun pouuoir sur les Eglises de ce Royaume. La Sorbonne a eu quelquefois le mesme aduis. Mais quand chacun auroit applaudi au Pape, & que nul ne luy auroit contredit; peut-il pourtant pretendre avec droict, ce que Dieu a defendu: & introduire en l'Eglise, ce que Dieu en a banni, à sçauoir la primauté?

Aimonius  
de gestis  
Franc. 14.

Cependant de Sponde appelle la primauté du Pape, l'image perpetuelle de ceste primauté, que le Fils de Dieu a reglee tandis qu'il a esté au monde. Mais nostre Seigneur a ceste mesme primauté: & luy, la regle encore, soit icy, soit au ciel: & icy l'a reglee, & la regle selon sa parole. Et d'en auoir icy vne image telle que le Pape, quel besoin auons-nous de ceste idole? Nostre Seigneur nous est present, & gouuerne son Eglise. Mais s'il veut dire, que la primauté ou autorité effrenée du Pape, soit l'image de primauté & seigneurie de nostre Seigneur: plustost sera la cruauté du loup, la vraye image de la fidelité & diligence du vray Pasteur. Le Pape ne fait ce qu'à fait nostre Seigneur, ou nostre Seigneur n'a fait ce que le Pape fait. Il fait de l'Eglise vn bordeau: il vit du salaire de la paillardie: il donne l'abandon au mal, & le pardon du peché, auant que le peché soit fait.

Toutes les gardes (dit de Sponde apres) qui estoient dans ce sacré Capitole de l'Eglise de Dieu, estoient-elles si profondement endormies, que l'An-

*techrist les y ait surprises & estouffees si longuement ? Met-il le Capitole de l'Eglise, dans le Capitole de Rome ? Il est certain qu'on n'y a pas tousiours fait bonne garde. Vos Euesques en fin, mauuais surueillans, se sont endormis, ont esté des chiens muets : le luxe les a gastez, & vostre Euesque de Rome s'est le premier ietté apres la grandeur ; n'a eu rien que cela au cœur, s'est mis à debatre de cela cōtre Rois & Empereurs, leur a mis le pié sur la gorge, s'est chargé de courōnes, & s'est fait espouuentable aux Princes, aux Rois, & aux Empereurs : voire il a ietté de sa gueule le feu, la mort, & les tenebres par tout. Ainsi ce Capitole (q a esté autrefois le siege de Satā, & de son Iupiter) a esté fait le siege de l'Antechrist. Car l'Euesque de Rome a assubiecti tous les autres Euesques à luy, & les a surprins endormis : eux, les gardes de la vigne du Seigneur, l'ont gastee, l'ont laissée perdre : & mesmes ont battu & traicté rudemēt & mal-mené l'amie de l'Espoux, maistre de la vigne, comme elle se plainct en ses Cantiques. L'Antechrist, comme auoit predict S. Paul, peu à peu s'est couué, & a esté escloz en l'Eglise ; s'y est assis, & y a dominé en la personne des Papes, comme Dieu, & iusques à s'esleuer comme Dieu, voire par dessus Dieu. Ce mystere d'iniquité se commençoit du temps de sainct Paul : lors satan y trauailloit. Voire mesmes nostre Seigneur estant en ce monde ; Satan vouloit ietter les fondemēs de ceste primauté en la per-*

sonne de quelqu'un des Apostres : car ne disputoyent-ils pas entr'eux qui seroit le plus grand ? Et vous trouuez estrange, voire impossible, que l'Eglise ait esté surprise ? Mais cela a-il esté mal aisé, quand ses gardes n'ont plus esté que des oisons bridez (s'il faut que ie parle ainsi ?) Au moins, n'ont pas fait si bonne sentinelle contre l'antechrist pour garder ce Capitole, que firent iadis les oyes contre Brennus ; ils n'ont sceu abbayer. Où est encore toute leur diligence, qu'à empescher de toute leur puissance le cours de l'Euangile ? Iedy vne partie d'eux. Et quant aux autres, ils n'osent contredire à l'Antechrist.

Après cela, *il plainct l'Eglise d'auoir esté delaissee de son espoux: mais (dit-il) non plus Eglise, puis qu'elle n'auoit plus son espoux.* Nous respondons, que l'Eglise est l'Espouse de nostre Seigneur ; & que nostre Seigneur ne l'a pas delaissee, encore qu'elle l'ait delaissee. L'Eglise Romaine l'a delaissee, & a paillardé avec le Pape ; il en est l'adultere : & nostre Seigneur ne luy a pas encore baillé la lettre de diorce ; elle est encore en l'alliance de Dieu, & y a salut pour elle à ceux qui se repentiront, recognoistront leur pechez, & demanderont pardon. La parole de Dieu y est, la mort de nostre Seigneur y est creüe pour nostre salut & redemption, les articles de la foy aussi ; & ne doutons point qu'il n'y ait beaucoup de sauuez, après auoir abiuré vostre idolatrie. Israël estoit aussi Eglise de Dieu, combien

que non si pure que Iuda.

Mais veut-il mesurer l'amour de Dieu enuers ses enfans & enuers son Eglise, à l'amour d'un pere ou d'un mary enuers son espouse? L'amour de Dieu, dira-il, surpasse tout cela. Je respon, qu'il est vray : Mais il y a bien de la difference entre l'un & l'autre : car autre est l'amour de Dieu, autre celuy de l'homme. L'amour de Dieu est pour sauuer & garder en la vie bien-heureuse & par un moyen infini & incomprehensible : Et cependant il fait tousiours voye à ses iugemens, & parmy ses iugemens à sa misericorde. Les iugemens de Dieu sont abysses: Si Dieu laisse tomber son Eglise en erreur, ce n'est pas sans cause. Il nous fait voir ainsi nostre corruptiō, & que la gloire de nostre salut luy appartient. Et ademeurant Dieu a son nombre qu'il a ordonné de sauuer. Il cognoist les siens, les a veus, cognus, & recognus pour iamais ne les oublier. Il ne perd pas un de ceux qui sont escripts au liure de vie; ains les appelle en temps & lieu.

*Il a honte, dit-il, de rien dire apres tant de grāds personnages qui ont confondu toutes nos nouveutez. S'ils ont mieux fait que luy, il a raisō d'auoir honte de s'en estre meslé: Mais il deuroit auoir plus de honte qu'il ne suyue mieux les memoires que les Iesuites luy ont minuté : & qu'il n'ait mieux regardé si les passages qu'ils luy ont mis en main, sont fidelement citez & à propos, & il eust veu qu'ils l'abusent. Comme en ce qu'il allegue pour prouuer son*



moyen d'vnité, c'est que le Pape soit recognu de tous pour le chef de l'Eglise: & qu'ainsi a esté recognu pour tel Innocent I. Euesque de Rome, par Polycarpe disciple de saint Iean; ce qui est notoirement faux. Car il eust donc fallu que Polycarpe eust vescu pour le moins 300. ans & plus. Innocent estoit du temps de Honorius, de saint Augustin, & de saint Ambroise, & saint Iean estoit en la centiesme annee de nostre Seigneur. Si donc Polycarpe a esté son disciple, & par luy, comme on tient, institué pasteur de l'Eglise de Smyrne, & qu'il ait vescu iusques à Innocent premier; il a pour le moins vescu 200. ans apres Polycarpe. Mais qui luy a dit que Polycarpe vint deuers l'Euesque de Rome, pour auoir son aduis, quād il faudroit celebrer la Pasque? Eusebe dit-il cela? Il n'en dit rien, & cependant il l'allegue: Eusebe dit bien de Polycarpe qu'il tenoit cela, qu'il ne falloit rien faire en l'Eglise, que comme auoyent fait & ordonné les Apostres: & quand il voyoit qu'on en faisoit autrement, qu'il s'escrioit à sa façon ordinaire; Bon Dieu, en quel temps sommes-nous venus! Mais Socrates recite bien, que Polycarpe vint vers Anicet, non pas pour sçauoir quand il faudroit faire Pasques (il auoit assez veu & appris cela de saint Iean) mais pour reprendre Anicet, & luy remontrer qu'il entreprenoit trop; & eurent de grandes contestations: toutesfois ils participerent à la Cene ensemble; & Anicet dese-

ra à Polycarpe. Mais ne voilà pas vn beau sujet pour faire venir Polycarpe d'Asie à Rome, à sçauoir pour auoir decret du Pape quel iour on feroit Pasques ? Et de là ( qui est vne chose fausse ) ils disent, que les Eglises d'Asie ont recognu l'Euesque de Rome pour chef de toutes les Eglises : partant que le Pape est le moyen d'vnité, tel que Dieu a ordonné pour tenir l'Eglise en vne vnion ferme & indissoluble. Voulez-vous prouuer par là, que le Pape est la bouche de Dieu ? vostre preuue est fausse & ridicule. Polycarpe ne venoit pas à Rome pour cela, les Eglises de Grece auoyent leur resolution en cela, & l'ont debatue contre Victor. Nous n'auons plus de Pasques comme les Iuifs. Il est vray que nous y celebrons la ressouuenance de la resurrection de nostre Seigneur, & non de la celebration de la Pasque ; Nous ne sommes pas Iuifs.

Il allegue aussi l'exemple de Marcion. Cestuy-cy faisoit vœu de virginité, comme fait le Clergé du Pape : & de mesmes estoit vn stuprateur, ou corrompueur de filles & de femmes : il fut conuaincu de tout cela, depose de sa charge par son propre pere. Il s'enfuit de honte à Rome, & cherchoit d'estre remis en sa charge, non en Ponte, mais à Rome. L'Euesque de Rome en fut diuertie par son Senat, qui ne voulut consentir qu'il eut charge en l'Eglise Romaine. Appella-il donc au Pape ? Or ie demande, si l'Euesque de Rome alors, faisoit

tout ce qu'il vouloit comme maistre ? Mar-  
 cion ne pouuant auoir ce qu'il pretendoit, se  
 fit Secretaire ou scribe de Cerdon. Ne voilà  
 pas l'acte d'un homme de bien, pour prendre  
 son faict en tesmoignage de l'autorité abso-  
 lue du Pape ? Il deuoit bien alleguer cecy, &  
 comme il dit, le nous apprendre. *Je vous ap-  
 prendray (dit-il) que Marcion n'eut autre re-  
 cours qu'à l'Eglise Romaine pour estre absouds.*  
 Nous auons leu cela en Epiphanius, qui ne  
 dit pas, qu'il fut à Rome pour estre absouds  
 du Pape: ny pour remarquer en cela (comme  
 dit faussement de Sponde) que les Anciens  
 ont reconnu la primauté de l'Euesque de Ro-  
 me. Mais Marcion fut déposé par son pere,  
 sans attendre le iugement du Pape, & le Pape  
 ne le peut remettre, ny en Ponte ny à Rome.  
 Que si le Pape ne le voulut absoudre, com-  
 ment sont absouds les Prestres & les moynes  
 qui commettent aujourd'huy les mesmes cri-  
 mes; non pas à cachettes comme Marcion,  
 mais au veu & au sceu de tout le monde ? Et  
 pource qu'il parle brauement en disant, *peut  
 estre vous ne scauez pas qu'en l'an 153. Mar-  
 cion eut recours à Rome pour estre absouds.* Nous  
 luy apprenons par Epiphanius, que Hygi-  
 nus, qui auoit esté disciple des Apostres, e-  
 stoit mort: & que les heretiques commen-  
 çoyent d'auoir plus libre accez en l'Eglise  
 Romaine, que lors qu'il viuoit, ce que (selon  
 Epiphanius) fut cause, que cest heretique  
 Marcion, s'y retira plus hardiment.

Euseb. li. 5.  
cap. 24.

Quant au Pape Victor, il fut repris aigrement, & condamné ouuertement par Irenee Euesque de Lyon, & son excommunication tenue pour nulle : & fut excommunié & condamné par les Euesques d'Asie, qui suyuirent leur ancienne façon, sans craindre l'excommunication du Pape Victor. Et luy firent entendre, & Irenee aussi, que la iurisdiction ne s'estendoit pas si auant, & qu'ils demeuroyent en la façon de faire Pasques qu'ils tenoyent de leurs ancestres. Mais ils estoient bien à de loisir & les vns & les autres, de se debatre pour cela ; & tandis qu'ils s'y amusoient, l'Antechrist posoit son siege à Rome.

Ce qu'il dit de Fortunatus & de Fœlix ; deposez en Affrique par S. Cyprien l'an 552. Il se trompe, saint Cyprien n'a pas tant vesçu, ce fut enuiron l'an 252. Et qu'ils en appellèrent à Rome, ne fait non plus pour prouuer, que le Pape est le lien d'vnité en l'Eglise, & le chef d'icelle. Car saint Cyprien les deposa sans le iugement du Pape. Ils eurent recours à Rome, & s'en plainquirent à Corneille (lors Euesque de Rome) ou pour l'employer enuers saint Cyprien, ou autrement faire retracter ceste sentence ; & pour cest effect furent à Rome. Mais que gaignerent-ils ? que leur fit Corneille que les debouter de la communion ? Que dit saint Cyprien, que Corneille iuge du different ? Non : mais que s'ils pensent leur estre fait tort, qu'ils retournent en Affrique pour reuoir le tout deuant son Clergé,

Liu. 1.  
epist. 3.

Clergé, où il dit, que ces deux n'oseroient comparer. Et S. Cyprien condamne ceux, qui condamnez en Affrique s'en alloient à Rome, pour calônier les Euesques & fideles pasteurs d'Affrique, broüiller les Eglises, & les mettre en diuision : & prie Corneille de faire lire ses lettres, selon sa coustume, deuant tout son Clergé & tout le peuple, pour voir comme il se falloit gouuerner quâd on auoit à faire à tels frippons, que Fortunatus & Fœlix. Appelle-il Corneille que son trescher frere ? Où est ce tiltre superbe de chef de l'Eglise, Euesque souuerain ou vniuersel ? S. Cyprien dit, luy en appartenir autant en son Eglise, & à ses compagnons en leurs Eglises, qu'à l'Euesque de Rome en la sienne. Ses mots le signifient, quand il dit, que la cause de Fortunatus & de Fœlix deuoit estre iugee côme auoit esté en Affrique deuant luy & son Clergé, & où le faiët & les auteurs estoient & en leurs Eglises, & non à Rome. Il condamne mesme ceux qui vouloyent qu'on iugeast de leur faiët deuant autres que leurs Euesques ; disant que chacun Euesque est iuge pour Iesus Christ en son Eglise. Il ne defere ainsi le iugement de tout, à vn seul Euesque de tout le monde : ouy bien à chacun Euesque, de tout ce qui est en son Eglise. Ceste epistre de S. Cyprien est donc contraire à ce que dit de Sponde, que le Pape est seul le chef & le iuge de toute l'Eglise vniuerselle.

Quant à Basilides, il fut déposé en Espa-

Cyp.liu.1.  
Epist.4.

gne pour idolatrie. Sabinus fut mis & ordonné en sa place par les Euesques d'Espagne, sans l'authorité du Pape de Rome. Basilides courut à Rome (l'asile des miserables) pour trouuer là quelque faueur, ou se cacher là comme les autres heretiques. S. Cyprien viuoit lors; Il trouue cela mauuais: dit que l'Euesque de Rome, qu'il appelle son cōpagnon ou collegue, ne pouuoit rescinder l'ordinatiō de Sabin, ny absoudre Basilides, & le condamne d'auoir esté à Rome. Ouy (dira quelqu'un) il le condamne d'auoir menti & vſé d'impostures, mais il ne condamne pas la primauté. le respon, que s'y fait, quād il reprouue tout cela: & dit, qu'il ne pouuoit rescinder ce qu'auoyent fait les Euesques d'Espagne, ny remettre Basilides.

Page 81.

Theodor.  
hist. lib. 2.  
c. 8. & 11.

Quant à Athanase, S. Hierosme, ny Platine, ny Ruffin, ne disent pas que le Pape Iules l'ait remis: mais bien que l'Empereur Constans le fit remettre & rappeler en son Eglise par son frere l'Empereur Constantius qui tenoit l'Orient. Il escriuit à Athanase, aux Euesques d'Egypte, au peuple d'Alexādie; & par le concile de Ierusalem il fut remis, du Pape de Rome il n'est rien dit. Et quād le Pape Iules l'eust voulu remettre, il n'eust peu: veu le different qui estoit entre ledict Iules & les Euesques d'Orient: lequel Platine recite, à sçauoir que Iules auoit excōmunié les Orientaux: pource qu'ils auoyēt assemblé vn Concile en Antioche, sans le sceu ou aduis de Iu-

les, lequel disoit que l'Eglise Romaine est par dessus les autres Eglises. A quoy, dit Platine, les Euesques d'Orient respondoyent, que l'Eglise Occidentale auoit sa source de l'Eglise Orientale, & que les Eglises d'Orient estoient permanentes comme la source : & partant qu'elles estoient à preferer à l'Eglise Romaine ; & dit, que Iules laissa ceste dispute, & s'occupa à bastir des temples.

Que ledict Iule n'ait voulu remettre Athanase, & ne l'ait entrepris, il appert par ce que dit Sozomene : & mesmes dit, qu'il restitua à Athanase fuitif à Rome, & à Marcel, & à Asclepias leurs Eueschez ; mais ce ne fut q̄ de parole, car de faict ils n'y furent pas remis pour cela. Au contraire, les Euesques d'Orient trouuerent cela trop arrogant. Car encore qu'ils ne contredissent pas que l'Eglise Romaine ne fut des premieres ; neantmoins si ne luy accordoyent-ils pas de primauté sur les autres Eglises. Mais qu'eust gagné Athanase d'appeller à l'Euesque de Rome contre Constantius, les Arriens, & les Euesques Orientaux, qui ne recognoissoient en rien l'Euesque de Rome ? Iules souffrit de grands combats pour Athanase, dit de Sponde, il s'ensuit donc qu'on ne luy deferoit ny preeminence, ne primauté. Ce qu'il en faisoit, estoit d'amitie & charité, & non de superiorité ; comme il se peut voir par vne epistre congratulatoire, qui est au liu. I. chap. 23. de l'histoire de Socrates, pour la restitution d'Athanase. Aussi tout ce que



Sozomene  
liu.3. cap.9

peust Iules pour luy, ce fut de prier Cōstans, de faire que Constantius son frere le rappelaſt : ce qu'il ne fit pas ſeul ; les plus grandes Dames de Rome en firent autant enuers le-di& Cōſtans. Mais les lettres Synodales du Concile de Sardes teſtifiēt, que les Eueſques d'Asie, ne recognoiſſoyēt point ce Iules pour primat, ne pour chef de l'Egliſe. Car en ces lettres qu'ils luy eſcriuent, ils l'appellent leur amy & leur cōpagnon. Selon Theodoret liu. 2. de ſon hiſtoire c.8. & le Concile de Calcedoine egala l'Egliſe de Conſtātinople à celle de Rome. Sozomene ny autre ne dit pas, que Iules ait de fai& remis. Athanaſe en ſon Eueſché : tant s'en faut qu'il ſe liſe que Iules l'ait remis comme chef de l'Egliſe, & que l'Eueſque de Rome ſoit le moyé d'vnité en l'Egliſe.

Nous venons maintenant au reſtabliſſement de Paul Eueſque de Conſtātinople (le quel tu dis que le meſmes Iules reſtablit) & de Marcellus Eueſque d'Ancire. Tu allegues pour preuue, vne epiſtre de Gelāſe aux Eueſques de Dardanie: mais il n'y eſt parlé, ny de Paul, ny de Marcellus, ny de leur reſtabliſſement ; le dy du liure des Conciles imprimé à Paris l'an 1555. Bien que le ſiege de Rome auoit cōdamné vn Pierre Eueſque d'Alexandrie, & vn Acacius Eueſque de Conſtātinople, pour ce qu'ils eſtoyēt Eutichiens. Si vous dites que cela fait foy, que l'Egliſe Romaine auoit ſuperiorité ſur celles d'Oriēt: le reſpon, que le ſiege de Rome peut auoir fait cela par

Gelaſe ſur  
les a&tes du  
Concile de  
Chalced.  
fol. 164. à  
la fin des  
Conciles.

vsurpation, & sans qu'il y eust droict: ou bien que la doctrine de ceux-cy se feroit à Rome, ou pres, ou en Italie, & qu'il falloit les condamner & declarer heretiques, à fin qu'on se donnast garde d'eux; cela se faisoit par toutes les Eglises, & estoit necessaire. Et quant à la restitution de Paul & de Marcelle, elle se fit par l'Empereur, & non par le Pape. Sozomene lib. 3. c. 9.

Mais pourquoy n'allegue icy de Sponde le decret de Gelase, qui porte qu'on appellera à l'Eglise Romaine, & non de l'Eglise Romaine à vne autre? l'Eglise Romaine a pretendu cela: les Eglises de la Grece le luy ont desnié, comme appert par le mesme decret de Gelase. Le Concile de Calcedoine a desnié cela à l'Eglise de Rome, & à son Euesque: & aussi le Concile tenu à Antioche du temps de ce Iules, comme appert par les 4. 9. & 14. articles: car au 4. il est dit, que l'Euesque ou Prestre, depose par le Synode de sa prouince, ne soit remis que par son propre Synode. Au 9. que le Metropolitain a toute puissance en son Euesché, sans appeller à autre. Et au 14. que le iugement de chacun Synode sera ferme, & ne laisse rien à l'Euesque de Rome pour y infirmer. Que s'il y a discord entre les Euesques d'une prouince, sur le iugement de quelque affaire, ils pourront appeller le prochain Metropolitain, & quelques Euesques avec luy, pour en decider. Mais l'affaire n'est pas renuoyee à l'Euesque de Rome, ny n'est

parlé de luy, non plus que s'il n'y auoit point d'Euesque à Rome. Cōment dites-vous dōc, *que de tousiours il a esté reconnu le chef de l'Eglise, & le moyen d'unité tous respondans à luy comme les membres au chef?*

Chrysoft.  
Epif ad In-  
nocēcium.

Quant au faict de S. Iean Chrysofostome, il en escriuit à Innocent premier, implorāt son aide ; non pas comme chef ou iuge du different : mais comme amy, frere & collegue, & qui y pourroit beaucoup. Nō point pour son autorité d'Euesque vniuersel ; ses lettres ne parlent rien de cela, mais par ses remonstrances & douces exhortations : & le prie d'apporter ce qu'il pourroit, pour appaiser ceste sedition & trouble. Mais il ne l'appelle pas là iuge, & n'en appelle à luy cōme au superieur. Et quand de Sponde le dit, il s'abuse ; il n'y a pas vn mot de cela. Tout au contraire, au lieu de dire que cest affaire se deuoit traiter à Rome, il dit que les affaires de la Thrace se doiuent traicter en Thrace ; celles d'Egypte, en l'Egypte. On dira, qu'il appelle Innocent son seigneur : aussi appelle-il ses seigneurs, les Euesques par lesquels il luy escriuoit, & baille à ces Euesques autant d'honneur qu'à l'Euesque de Rome : & si en cest affaire il n'a moins desiré & imploré le secours des autres Euesques, que de l'Euesque de Rome. Ce qu'il a desiré de luy, c'est l'œuvre du Seigneur, qu'il escriuit comme frere & compagnon, & non comme iuge : car Chrysofostome estoit deuant le iugement du Roy. Au reste, en Sozomene

nous auons l'epistre d'Innocent au Clergé de Constantinople, où il n'yse d'aucun titre de primauté. Il appelle Chrysostome son collègue, & ne met autorité en auant que celle du Concile de Nicee, & si n'escrit que pour recommander l'innocence de Chrysostome. Je dy d'oc, que S. Iean Chrysostome n'a point appellé au Pape, ny ne l'a prins pour iuge, ny reconnu pour chef & primate de l'Eglise. Mais la prié cōme amy, de soustenir son innocence par ses lettres, contre l'insolēce de Theophile.

De Sponde dit apres, que *Flauien Euesque de Constantinople, appella au Pape Leon*. Comment le prouue-il ? par vn abregé de Liberat. Mais il ne scauroit faire croire à aucun cela; car les Euesques de Constantinople n'auoyent rien en horreur, que de donner le premier lieu à l'Euesque de Rome. Ils ont mesme donné autant d'autorité à Constantinople qu'à Rome, & à Alexandrie autant, & à Ierusalem de mesme. Mais quand ainsi seroit, pourroit-on de cela conclurre, que l'Euesque de Rome sera le chef de toutes les Eglises ? Il faudroit premierement que Dieu l'eust commandé. *Viniunt legibus, & non exemplis.*

Il dit suyuaument, que Theodoret appella aussi au mesme Leon; ainsi que luy-mesme escrit. Ce qui est autant vray, que ce qu'il allegue, que cela est expressément porté en l'actiō premiere du Concile de Calcedoine, où il n'en y a pas vn mot. Mais en la 8. actiō de ce Concile, de Calcedoine il est dit, que

tous les Euesques assemblez, iusques au nombre de 350. requierent, que ce Theodoret, qui auoit esté depose de son Euesché, pour estre soubçonné de fauoriser à l'heresie de Nestor, anathematist Nestor & sa doctrine: A quoy Theodoret respondit, qu'il auoit parlé à l'Empereur, luy auoit présenté sa requeste, & son escrit aux Euesques qui estoient au Concile, tenans le lieu de l'Archeuesque Leon: & que on fist lire, deuant la compagnie ce qu'il en auoit donné par escrit, pour voir ce qu'il sentoient de Nestor. A quoy les Euesques respondirent, qu'on n'auoit affaire qu'on leust cela: mais qu'il abiurast Nestor & sa doctrine. Le demâde, Si donc ce fut Leon qui remit Theodoret en sa charge, ou le Concile? Le demande encore, si Leon s'en mesla, ou le Concile s'en remit à luy? Rien de tout cela. Dont Theodoret dit apres; Je suis orthodoxe, nourri par vn orthodoxe, ma doctrine est orthodoxe: ie n'ay presché autrement, & ay condamné Eutiches & Nestor; & reprouue toute fausse doctrine & heresie. Les Euesques ne s'arrestèrent pas encore à cela; ains luy dirent, qu'il dit tout haut & clairement, anatheme à Nestor & à sa doctrine. Ce qu'ayant fait, il fut remis en la compagnie des Euesques, & en son Euesché: non point par l'autorité de Leon (il n'y estoit pas) ny par l'autorité de ses enuoyez, ny par l'autorité de l'Empereur: combien qu'ils eussent manié & auancé cest affaire auparauant; mais par l'autorité

des Euesques, qui iugerent aussi eux-mêmes de la doctrine, quoy que l'Euesque de Rome en eust veu & iugé auparauant.

Mais il est dit en ce mesme Concile, que les differens qui suruiendront entre les Ecclesiastiques, se videront deuant les Euesques, ou par arbitres, ou deuant le Metropolitain. Et si c'est contre son Euesque, ou vn autre, que ce soit deuant le Synode. Si cōtre le Metropolitain, que ce soit au primat du Diocesse, ou au siege de Constantinople, & que tout se vuide là. Et n'est point dit, que la cause se vuide deuant l'Euesque de Rome.

Pour prouuer encore que l'Euesque de Rome est le chef de toutes les Eglises, & y a toute autorité, il allegue que Gregoire premier excommunia Iean Euesque de la premiere Iustiniane. Ne voylà pas vne bonne preuue de la primauté & puissance du Pape, telle qu'il l'vsurpe par dessus la parole de Dieu, & sur toutes les Eglises, qu'une excommunication inepte ? Ils n'estoyent pas communiquans à vne mesme table, & en vn mesme corps d'Eglise, ains l'un à Rome, & l'autre en Dardanie. Cestuy-cy pouuoit aussi bien excommunier Gregoire, que Gregoire luy. Ne faut-il qu'excommunier pour estre chef de toute l'Eglise de Dieu ? Si tous ceux qui excommunient sont chefs de l'Eglise vniuerselle, elle n'est pas sans teste. Mais pourquoy l'excommunia Gregoire, que pource qu'il auoit iugé Adrien Euesque Thebain, de ce

qu'il auoit interietté son appel au siege de Rome ? Il s'ensuit donc, que Iean ne tenoit pas l'Euesque de Rome pour chef de l'Eglise: veu qu'il ne vouloit pas qu'on appelat à Rome; non plus que les Pasteurs d'Affrique ne le vouloyent aussi. Par là conste, qu'on ne tenoit pas par tout le Pape de Rome pour estre le chef de l'Eglise. Mais, dira-on, Adrien auoit appellé à l'Euesque de Rome. Ouy : C'estoit le refuge des mal-contens & misérables, & contre l'autorité des Conciles: & pourtant, Iean auoit iustement excommunié Adrien, & Gregoire Iean iniquement, & contre l'autorité des Conciles.

Je vien à ce qu'il allegue d'Athanase, que Denis Patriarche d'Alexandrie fut accusé enuers Denis Euesque de Rome : & que Denis le Patriarche ne declina de rien du iugement de ce Denis Euesque de Rome. Tout cela est faux, & de Sponde & les Iesuites se plaisent à mentir. Bien est vray qu'Athanase dit, que ce Denis d'Alexandrie auoit escrit contre l'heresie de Sabellius: & que les passages du nouveau Testament qu'il, alleguoit pour môstrer qu'autre est la psonne du Pere, & autre la psonne du Fils; les Arriens les prenoyēt à leur aduātage. Athanase môstre, que les Arriens se trôpyoient en cela, & ceux qui pensoyent que ces passages leur fauorissassent, lesquels en auoyēt fait courir le bruit iusques à Rome. Et pource Athanase soustient & iustifie ledict Denis, produict son escrit, par lequel il s'ex-



plique. Et iceluy Denis ne fut jamais cōdamné par ce Denis Euesque de Rome, ny par autre. Et Denis Euesque de Rome n'en donna pas de iugemēt; ce fut plustost Athanase. Mais quand Denis Euesque de Rome auroit approuué la doctrine de ce Denis; & en auroit rendu tesmoignage apres Athanase, seroit-ce à dire, que l'Euesque de Rome seroit le chef de l'Eglise, & auroit puissance de iuger par dessus la parole de Dieu? *L'Alexandrien* (dit-il) *ne declina pas du iugement de l'Euesque de Rome.* Mais il ne s'en remit jamais à luy; ce fut Athanase qui escriuit: Et sans remettre ceste decision au iugement du Pape, il prouua tout par la parole de Dieu, tant pour l'instruction du Pape & des autres, que pour fermer la bouche aux heretiques; & non pour prier le Pape d'en iuger, & qu'il ensuiuoit son aduis. Les Iesuites ont bien de la peine, à chercher ce qu'il ne peuuent trouuer; à sçauoir, que le Pape a seul pardeuers soy, le iugement de tout ce qui est de la Religion, comme chef de l'Eglise: & que tous ce qu'il dira, c'est comme si Dieu parloit, & qu'il ne faut pas croire (à peine de n'estre plus Catholique) que ce qu'il plaira à sa saincteté.

Il dit apres, que Maximus Euesque d'Antioche, fut cōfirmé en son Euesché par le Pape Leon. Cela est faux aussi. Il dit que cela est escrit en la 7. action du Concile de Calcedoine: & voicy ce qu'il y a tourné en nostre langue: *L'accord desia fait entre Maximus &*

*Juuenal*, touchant quelques parroisses, dont ils auoyent esté en different, fut approuué par le Synode pour estre ferme & permanent. à tousiours. Ce qui fut fait comme ils auoyent demandé, & n'y fut rien fait que cela. Le Pape Leon ne confirma pas cest accord, car il n'y estoit pas: ains ce fut le Synode, comment donc eust-il confirmé Maximus en son Euesché? Et mesmes, ç'eust esté contre ce qui fut arresté en ce Synode article 28. & action 16. presens les deputez de l'Eglise Romaine, & y contredisans de toute leur puissance: Et ce Maximus leur resistant plus que pas vn, avec Anatolius Euesque de Constantinople. Que si Maximus eust receu cela de Leon, comment luy eust-il cōtredit? Qui ne voit donc l'impudence & fausseté des Iesuites?

Il en faut autant dire d'Anatolius: Car de Sponde dit, que Leon le confirma en l'Archeuesché de Constantinople. Quelle impudence est cecy? le Diable mentiroit-il plus impudemment? Anatolius contredisoit à l'autorité de l'Euesque de Rome, & ne vouloit qu'il se meslast que de ses affaires seulement; & que ce n'estoit à luy de se soucier de l'Eglise de Constantinople: n'estoit-ce pas assez pour luy dire, qu'on n'auoit affaire de sa confirmation? Quant à l'Epistre de Leon 54. qu'il confirmast l'election d'Anatolius (dit de Sponde) Je respon, que cela n'y fait rien: car l'election fut faite sans qu'il y fut veu, ny appelé. Et ce qui se fit au Synode, ne fut qu'un

accord de leur differēt. Que si Leon voulut e-  
 scrire de cela, ce fut plus pour entrer en ceste  
 preeinēce & primauté, que pour autre cho-  
 se. Car quād il n'eust point esté, ny Rome aus-  
 si, cela se fut fait. Qu'auoit-on affaire de sa  
 cōfirmation? Elle estoit cōtre l'article 28. Il se  
 conuioit donc, où on ne le demādoit pas. Da-  
 uantage il apparoiſt par ceste lettre, qu'il n'e-  
 stoit pas content d'Anatolius ( lequel neant-  
 moins il appelle son frere ) ny de l'Empereur  
 Martian : & monstre que ceste election faite  
 sans luy, ne luy plaisoit pas; & dit qu'il la pou-  
 uoit reuoquer, mais qu'il luy auoit esté hu-  
 main, & qu'il s'estudioit à la paix. Qui ne voit  
 qu'il se donnoit finemēt la primauté, laquelle  
 on luy refusoit ? car autrement il n'y pouuoit  
 venir. Cependant il n'est point parlé par ceste  
 Epistre, que Leon ait confermé ledict Anato-  
 lius en son Euesché ; ains seulement qu'il luy  
 auoit fauorisé, consentant à son election.

Leon Epist.

54.

Quant à Donatus, Leon escrit aux Eues-  
 ques d'Affrique, qu'il permettoit que Dona-  
 tus reuint en sa charge, pourueu qu'il en-  
 uoyast audict Leon sa confession de foy par  
 escrit. De Sponde allegue aussi cela, pour  
 prouuer que l'Euesque de Rome est le chef  
 de toutes les Eglises. Mais cecy ne conclud  
 pas. Si Leon vouloit voir sa confession aupá-  
 rauant qu'il fust réinstallé, ce n'est pas à dire  
 que tout cest affaire depēdist de luy. Au par-  
 sus, il est bien aisé à voir, que Leon estoit am-  
 bitieux. C'estoit chose qui appartenoit aux

Page 82.

Euesques d'Affrique, qui volontiers y auoyēt donné ordre, & fait ce qu'il falloit, sans Leon & son congé. Mais qui le luy auoit demandé? Il s'entremesloit d'affaires où il n'estoit ny requis, ny appelé, & faisoit du maistre entre les autres Euesques: & iceux ne le tenoyent que pour leur collegue & compagnon, à sçauoir pour vn Euesque cōme eux, qui n'auoit autorité qu'en son Diocese. Platine dit que ce Leon, fut le premier qui dit, que l'Eglise Romaine auoit autorité sur toutes les Eglises du monde: partant, selon que dit Platine, il n'en estoit pas parlé auant Leon, & le taxe en cela d'ambition.

Gregor. 4.  
epist. 34.

Ce qu'il dit apres, que saint Gregoire se plainct, que l'Euesque de Salone auoit esté fait Euesque à son deceu & de son legat, ne fait rien pour le Pape: car cela resmoigne de l'ambition de Gregoire, & non de droit qu'il y eust: puis qu'on crea cest Euesque sans luy. Il dit, que cela n'auoit iamais esté fait auparauant, mais nous voyons le contraire: que pour eslire les Euesques, ny en Affrique, ny es Gaules, ny en Espagne, ny en Grece, on n'alloit point demander à l'Euesque de Rome son aduis: Qu'en Italie il n'y donnast sa voix cōme vn autre Euesque prochain, nous ne le nions pas: mais ç'a bien esté là, qu'il a commencé de s'eslargir, & faire du maistre. Cela se voit tant par les Conciles generaux, que par les Conciles prouinciaux, que les Euesques par tout l'yniuers eslisoyēt les Eues-

ques avec leurs Eglises, sans y appeller ny l'Euesque de Rome, ny son legat. Que les Euesques de Rome n'ayēt tousiours trauaillé à gagner ce poinct, il cnoſte par toutes les hiſtoires, & finalement le Pape l'a obtenu, avec les Annates : c'eſt la iouiſſance du benefice pour vn an, & pour ſe faire voye & en fin en arriuer là. Quād l'Euesque de Rome ſçauoit que quelqu'vn eſtoit eſleu Euesque, ou en l'Europe, ou en l'Asie, ou en l'Afrique, il luy eſcriuoit, luy congratuloit, luy enuoyoit ſes lettres de confirmation, de luy-meſme, & ſans qu'on l'en requiſt. Il n'eſtoit point chiche de cela, pour entrer en ſa poſſeſſion, & ſ'acquérir peu à peu ceſte domination: & enuoyoit ainſi des manteaux aux Archeueſques, à fin qu'eux en les prenant, teſmoignaffent qu'ils tenoyēt de l'Euesque de Rome; meſmes il les y forçoit, comme ſe voit par les Canons diſt. 100. C'eſt comme finement avec le temps, l'Euesque de Rome a obtenu ſa primauté; non par droit diuin ou humain, mais par aſtuce, finneſſe & corruption. C'eſt comme Satā a baſti le ſiege de l'Antechriſt. Mais qui luy faiſoit enuoyer ſes manteaux: l'exemple de S. Pierre, ou la parole de Dieu? Voyons maintenant la force de l'argumēt de Sponde. Le Pape a authorité ſur la parole de Dieu; il eſt le moyen d'vnité, ou de nous vnir à Dieu, & entre nous le moyen de noſtre ſalut, & le chef de l'Egliſe, pour la viuifier, regir & eſclairer: car il donnoit des manteaux papaux aux Archeueſques

Greg. 3.  
epiſt. & 4.  
epiſt. 54.

des Gaules, des Espagnes, & d'ailleurs. N'argumente-il pas bien, depuis qu'il a esté à l'escolle des Iesuites?

Cyp. liu. 3.  
epist. 13.

Quant à ce qu'il allegue de S. Cyprien, qu'il escriuit à Corneille d'escrire à Arles, pour y establis vn Euesque au lieu de Martian : ce n'est pas pour conclurre, que l'Euesque de Rome soit le chef de l'Eglise. Au contraire : car S. Cyprian ne luy mande pas d'en nommer vn, ny de leur commander, ny qu'il leur enuoye sa confirmation, ou le mande Papal : mais seulement qu'il leur escriue, & les aduertisse de cela ; non comme chef de l'Eglise vniuerselle, mais comme prochain voisin : au moins plus que n'estoit saint Cyprien, qui l'eust aussi tost fait qu'en prier Estienne. Et en prie ledict Estienne plustost qu'un autre, car il estoit plus priué de luy que d'un autre, veu qu'ils s'escriuoient familièrement l'un a l'autre. Et en tout cas c'est saint Cyprien qui fait plustost deuoir de chef, qu'Estienne Euesque de Rome. Car il le manie & le fait mouuoir. Mais les ministres de la parole de Dieu se sollicitent ainsi l'un l'autre, sans que pour cela on puisse dire que l'un a autorité sur l'autre.

Touchant ce que de Sponde dit, qu'Agapet deposa en la presence de Iustinien Anthemius, Euesque de Constantinople. Je respon, que vo<sup>r</sup> autres Iesuites estes des imposteurs, vous ne craignez pas de mentir. Platine dit que ce fut Iustinien qui le deposa en la presence

sence d'Agapet, & mit luy-mesme Mennas en sa place.

Il dit apres, que *Damasus deposa Flauien Euesque d'Antioche*. Ce qui est aussi tout faux. Il allegue Theodoret; S'il la leu, il ne l'a pas entendu. Et voicy que c'est: Flauien fut esleu Euesque d'Antioche, vn Paulinus l'en veut debouter. La compagnie des prestres s'y oppose, & demâde Flauianus, cômme celuy qui auoit beaucoup souffert pour l'Eglise: les Romains, & les Egyptiens, luy furent fort contraires: Ce fut vne longue querelle, car Paulinus mourut, mais non la haine des autres. Vn certain Euagrius brigua le gouuernement de ceste Eglise, & Paulinus l'y auoit promu contre les Canons. Car les Canons (dit Theodoret) ne permettent pas à l'Euesque mourant, de nommer vn successeur (comme vous dites que S. Pierre nomma S. Clement) mais faut que tout le Clergé s'assemble pour y pouruoir; & defendent de le creer, qu'il n'y ait trois Euesques presens. Or les fauteurs d'Euagrius, ne voulurent ouyr parler de ces Canons; ains aigriffoient l'Empereur contre Flauianus. L'Empereur luy fait commandement de se rendre à Constantinople, & de là à Rome. Flauianus demande terme iusqu'au Printemps. Damasus, Siricius, & Anastasus pressent qu'il vienne. Flauien dit à l'Empereur, qu'il estoit prest de rendre raison de sa foy pardeuât qui l'Empereur voudroit; & s'il estoit à reprendre, ou en sa vie, ou en sa do-

Theod. 5.  
Hill. 23.



étrine, qu'il vouloit ses accusateurs pour iuges. L'Empereur se contenta de cela; & le remit & laissa en sa charge, nonobstant l'opposition des Euesques d'Egypte & de l'Occident, (& notamment de l'Euesque de Rome) où estoient ses plus aspres accusateurs. Et c'est pour cela que l'Empereur vouloit qu'il se representast là. Ceux-cy voyant que l'Empereur l'auoit establi Euesque d'Antioche, present encore plus impudemment. L'Empereur print le party de Flaiien contr'eux, qui n'osèrent plus contredire; non pas mesme le Pape. Les Euesques de Thrace, d'Asie, de Pont, d'Illyrie & de l'Orient soustindrent Flaiien. Ce que voyans les Euesques de l'Occident, ils aquiescerent. En tout cela, qu'estoit l'Euesque de Rome, que broüillon, accusateur, & partie? Estoit-il, ne iuge, ne chef? Auoit-il quelque authorité? L'Empereur fit-il rié pour luy? Non. Et si l'Euesque de Rome apres ne fit rien, sinon de mander à Flaiien, que sil enuoyoit son Ambassade à Rome qu'il l'orroit. Il pretendoit luy faire prendre de luy sa confirmation, ou de le broüiller dauantage. Mais cela fait-il foy, que pour lors on tint l'Euesque de Rome pour estre le chef de toute l'Eglise de Dieu: & pour estre le gouuernement d'icelle, le moyen d'vnité avec Dieu, & de salut? Ceste histoire fait bien foy, que le Pape vouloit & pretendoit auoir authorité sur toutes les Eglises, qu'il broüilloit de tous costez pour gagner cela: Voire que quand

on ne vouloit point de ses bulles, ny de luy, pour estre le chef de l'Eglise, il se conuioit à cela luy-mesme; & offroit ses coquilles pour néant. Qu'on en prinst ou non, tousiours il en a voulu donner; & a impudemment pretendu ceste autorité: & les Euesques de Rome en cela ont esté tous si obstinez, qu'en fin ils l'ont gagné; mais par vsurpation & tyrannie. C'est le droict sur lequel est fondee leur primauté.

○ Pour vne autre preuue que l'Euesque de Rome est le chef de toutes les Eglises, & ce moyen d'unité que nostre Seigneur a si ardemment demandé à Dieu, il dit que Sixte 3. enuoya Leon pour deposseder Polychronius Euesque de Ierusalem: comme cela (dit-il) est récité aux actes de Sixte 3. Cela est tout faux: les actes de Sixte, au liure des Conciles imprimez à Paris l'an 1555. n'en disent rien. Si cela est au liure de vos Conciles, c'est en celuy que vos Iesuites ont de n'aguères façonné & accoustré à leur mode, & imprimé à Rome, ou en quelque autre qui ne vaut pas micux. Mais quant à ce faict, Polychronius, comme nous lisons en vne epistre de Nicolas premier, soustenoit, que le siege de Ierusalem estoit plus que celuy de Rome. Sixte Euesque de Rome voulut maintenir son autorité, & fut trouué contre Polychronius, qu'il auoit proueu & ordonné en l'Eglise quelques vns pour de l'argent. Quoy que c'en soit, les agents de l'Euesque de Rome se monstrerent en cela si

actifs & vehemens, que Polychronius fut par eux, c'est à dire, par leur moyen démis hors de son Eglise, & de la ville : Mais par apres réinstallé, comme il sera dit maintenant. Et quant à Euphemius, qui auoit accusé Polychronius, le Synode le deposa : si qu'il faut dire que son accusation cõtre Polychronius pour la simonie fut fausse. L'Euesque de Rome mesmes fut d'aduis, de la deposition d'Euphemius : & quoy qu'il confessast son peché le genoüil en terre, il ne fut pas remis : & Polychronius le fut, sans en demander à l'Euesque de Rome son aduis & consentement. Ce qui fait presumer, qu'il estoit fait tort à Polychronius : & qu'il ne fut pas déposé pour n'auoir voulu recognoistre l'Euesque de Rome pour supérieur : mais pource qu'il auoit esté accusé de simonie. Ce qui fut trouué faux.

Aussi l'Empereur Valentiniẽ (q fut ioyeux de la deposition d'Euphemius) en rend quelque tesmoignage. Or comme Euphemius fut déposé par le Synode, autant en faut-il dire de Polychronius; quoy que Nicolas rapporte tout cela à l'autorité du siege de Rome. Nicolas nous doit estre là suspect; car luy & les autres Euesques de Rome, n'ont eu rien tant en recommandation, que d'extoller leur siege: & ont tout escrit à leur aduantage; sans faire conscience de mentir & de falsifier, puis qu'autrement ne pouuoient venir à leur but. Mais que Sixte ait déposé Polychronius, & depossédé, ou pour mieux dire fait deposse-

der (car c'est tout vn, puis qu'assez fait qui fait faire.) Deposseder ainsi vn Euesque, est-ce ou tesmoignage de primauté, ou de passio, & de menées? Est-ce tesmoignage de droict de primauté sur toutes les Eglises du monde, & d'auoir autorité sur la parole de Dieu, & de pouuoir ordonner de la Religion? Pour preuue de cela, ne faut-il que deposseder vn Euesque? Mais si Sixte le deposseda, qui le remit? fut-ce ny Sixte, ny Leon? Ne fut-ce pas l'Eglise mesme de Ierusalē, qui ne peut souffrir en exil vn si bon Euesque, qui auoit vendu tout son bien propre, pour le donner aux pources vne annee de famine? Or si c'estoit à Sixte de le deposer, c'estoit à luy aussi de le remettre. Ce qu'il ne fit, ny autre pour luy. Abus donc comme de nullité, de ce que dit de Sponde.

Je vien à ce qu'il dit de S. Hierosme, qui se recognoissoit (dit-il) simple brebis de Damase. Il estoit question du mot de personne, ou subsistance & hipostase. Les Latins receuoient le mot de personne, & les Grecs non; ains le mot d'hipostase. S. Hierosme redoutoit ce mot de personne, & si ne s'osoit retirer de la croyance des Eglises d'Occident. Il en escriit au Pape Damase; & cōme il craignoit ce mot de personne, veut estre éclaircy des raisons des Euesques d'Occidēt. Il s'adresse à Damasus. L'Eglise de Rome estoit la plus celebre, il s'estime brebis. Il estoit prestre de Rome, & l'autre Euesque de Rome.

Hieron. e-  
pist. ad Da-  
masum.

Mais pour s'estre humilié à Damasc par deuoir d'honnesteté (comme nous deuons nous preuenir les vns les autres par honneur) est-ce à dire que l'Euesque de Rome soit le chef de toutes les Eglises, l'oracle de Dieu, & sa bouche ? & qu'en religion il ne faille croire que ce que le Pape dira, ou ce qu'il voudra, ou qu'il plaira aux Iesuites qui sont sa bouche ? Qui de nous n'en diroit autant ou à Th. de Beze, ou à vn Calvin s'il viuoit, que saint Hierosme à Damasc ? Et pour cela le ferions-nous Pape ? Mais nous ne croyons, qui que ce soit, s'il ne parle par la parole de Dieu. Nous ne croirions pas vn Ange mesme, s'il ne parloit par la parole de Dieu, ny saint Hierosme n'eust pas autrement creu à Damasc.

De Sponde a amené autat de tesmoignages qu'il a peu, pour prouuer l'autorité & primauté du Pape sur toute l'Eglise de Dieu, & sur la religion. Mais ses tesmoignages sont faux, ou non à propos, ou des Papes qui ne peuuent estre tesmoins, non plus que parties & iuges en leur affaire. Ioint qu'il cōste, que toute leur estude & leur zele, a tousiours esté d'empieter ceste primauté. Et quant à ceux qui ont eu recours au Pape ; ç'ont esté pour la pluspart ou heretiques, ou broüillons, ou criminels, ou gens execrables, qui se rendoyent au Pape, comme à vn asyle d'impunité. Partant cela ne fait pas foy d'une iuste & legitime autorité. Aussi que ceste autorité sur toutes les Eglises luy a esté desniee de par

tout: mesmes en Italie de l'Eglise de Rauenne, iusques à Iustinien second, qui l'an 680. commada, qu'elle fust subiette à l'Eglise Romaine. C'est aussi de l'indulgence des Empe- reurs & des Rois, que l'Eglise Romaine a ceste autorité (non d'un legitime consente- ment des Eglises, & moins de la parole de Dieu) de iuger de toutes difficultez de la Re- ligion, d'ordonner d'icelle, & changeant en la parole de Dieu. Ce que nostre Seigneur n'a pas iamais fait, ny ses Apostres, ny n'est loisi- ble aux Anges mesme.

Tous ces tesmoignages ne leur suffisent pas. Et pourtant de Sponde se fonde en rai- Page 83.  
*sons. C'est qu'il faut que le Pape ait (dit-il) ceste autorité: on il faut dire que l'Eglise s'est toute fondue. Quoy? s'il n'y a point de Pape, il n'y aura point d'Eglise en terre, de salut au monde, ny de Dieu au ciel? Mais (dit-il) ceux qui ont reconnu le Pape sont tous perdus.* Je respon, que ne sont pas ceux qui ont reconnu Mahomet, s'ils en ont eu repentance, & demandent pardon à Dieu, cognoissant nostre Seigneur pour leur Sauueur: moins ceux qui sont naiz en l'Eglise, ont le Baptisme pour tesmoigna- ge de salut, & lesquels Dieu appelle à salut & à repentance par la predication de sa parole, s'ils recognoissent leur erreur & s'en retirent. Qui doute que Dieu n'ait fait ceste grace à milliers de milliers, à l'article de la mort mes- mes? Et puis tous n'ont pas reconnu le Pape & notamment les Eglises de Grece, d'Asie,

d'Affrique, & de l'Occident la plus part; si ce n'est depuis quelques centaines d'ans: Et tels luy ont fait hommage, qui apres luy ont contredit, & l'ont tenu pour l'Antechrist: Et la pluspart de ceux qui font mine d'y croire, ny croient non plus que nous; non pas vous-mesmes qui estes Iesuistes. Qui fait en apparence plus d'estat du Pape, que l'inquisition d'Espagne? Mais qui refuse plus hardiment ses bulles, que ceux-là mesme de l'inquisition, s'il leur monte en la fantasie? Ce qu'ils seruēt le Pape, c'est par ce qu'ils s'en seruent, aussi bien que les Roys, comme entre autre le Roy d'Espagne. Au demeurant, l'Eglise a eu tousiours la parole de Dieu pour sa conduite. Si la parole de Dieu a esté cachée à l'Eglise, c'est la malice & fausse conduite du Pape. Dieu n'a pas donné à son Eglise de Pape pour la conduire. Il n'en est rien dit. Le Pape a vsuré son autorité. Mais auant le Pape ont esté les Prophetes, nostre Seigneur, ses Apostres, leurs successeurs, Docteurs, Ministres & Pasteurs, ou Euesques & Prestres. Ceux-cy estoient auant qu'il y eust Pape à Rome. Le Pape est venu de là; mais par corruption: car l'Euesque de Rome a degeneré en Pape.

Ephes. 4.

Il dit, *que si ceste autorité Papale* (qu'il appelle legitime) *est vne tyrannique violence, que l'Eglise a donc esté sans gouvernement 1500. ans.* Je respon, qu'il s'abuse, s'il pense que depuis l'an de la naissance de nostre Seigneur ny au parauāt, l'Eglise ait esté sans gouvernement.



Depuis la naissance de nostre Seigneur, nous tenons 1596. ans : & depuis quel temps y a-il Pape, sinon depuis neuf cens ans, ou enuiron? Ce fut l'an 607. que le parricide Phocas fit Boniface Pape, & l'establit chef sur toutes les Eglises; & encore si ne fut-il chef de long tēps qu'en l'Italiē, iamais en la Grece, ny en l'Asie, ny en l'Affrique; fort tard és Gaules & en l'Allemagne & pardeça : sinon que depuis Charlemagne, encore apres Charlemagne differerent les Euesques des Gaules & des Espagnes de le recognoistre pour chef, & luy obeyr: voire mesmes iusques à l'an onze cens de nostre Seigneur & plus, que Paschal 3. vint à Troye en Champagne, pour par son autorité Papale desmarier les Euesques & les Prestres, qui auoyēt honnoré le mariage iusqu'à lors, nonobstant les fulminations papales. C'est cōme le Pape a gouverné l'Eglise, d'en chasser la chasteté, & y introduire la saleté. Mais iusques à Phocas, & du temps des Apostres, qu'il n'y auoit pas de Pape, l'Eglise estoit-elle sans gouvernement? S'il n'y a vn Pape l'Eglise sera sans gouvernement, sans Dieu, & sans salut?

De Sponde parle des Martyrs. Les martyrs ont souffert és Gaules, auant qu'il y eust Pape à Rome: & n'ont pas reconnu l'Euesque de Rome, pour tel qu'il se dit aujourd'huy. Quoy? veut-il nous faire croire que ces Martyrs sont morts, pour soustenir que l'Euesque de Rome est la bouche de Dieu, qu'il est

le Sauueur du monde, qu'il ne faut croire que ce qu'il dira, qu'il ne peut errer, & qu'il est le chef & le fondement de l'Eglise: que saint Pierre l'a esté, que le Pape l'est maintenant, comme son successeur: qu'il a les clefs du royaume des cieux, de la mort & de l'enfer, & que nul n'est sauué que par luy? Les Martyrs ne sont morts pour cela: mais bien pour seeller par leur sâg, que le salut n'est que de Dieu & de l'Agneau. La sentence que nous prononçons n'est pas contre l'Eglise, mais elle est contre l'Antechrist, qui a tyrannisé l'Eglise. Nous tenons le peuple où est l'alliance de Dieu, pour Eglise, & pour temple de Dieu, où l'Antechrist a mis son siege.

Si nous condamnons le Pape, il veut que nous condamnions aussi les quatre Conciles. Mais où est-ce que les quatre Conciles, ny vn seul d'eux a recognu l'Euesque de Rome, pour estre le chef de toutes les Eglises, & luy a donné autorité sur icelles? Et au contraire par le 6. & 7. articles du premier Concile de Nicee, il est donné à l'Euesque d'Alexandrie & de Ierusalem, autant d'autorité qu'à celuy de Rome; mais à chacun en son Euesché, autant qu'à l'Euesque de Rome à Rome.

Quant à ce qu'il dit, qu'Osus Euesque de Cardouie, & Vitus & Vincentius prestres de Rome y presiderent au nom & au lieu de l'Euesque de Rome. Et bien: Ces deux prestres pouuoÿet auoir voix deliberatiue, agteer & signer pour l'Euesque de Rome & son Eglise:

mais Osius estoit Euesque de Cordouue, qui pouuoit là autant de loy, que l'Euesque de Rome, s'il eust esté present. Au reste, qu'est-ce que presider, sinon recueillir les voix, moderer l'action? Celuy qui fait cela, a-il tout pouuoir sur la loy, pour en disposer comme il voudra, & ordonner contre & par dessus? Si Osius a fait cela, il a esté Pape. Mais l'a-il fait, ou iugé avec les autres par la parole de Dieu? ont-ils rien estably contre icelle? Faites-nous vn tel Concile, nous y aquiescerons; & non pas pour l'autorité des hommes; mais pour l'autorité de la parole de Dieu. Et si ne croirons pas que le Pape soit si grand maistre que vous le faites, & qu'il soit le chef de toutes les Eglises, ny le moyen qu'a demandé nostre Seigneur si ardamment pour nous vnir à Dieu. Au demeurant, vn Euesque ne preside pas au lieu d'vn autre; car l'vn a mesme droit de presider que l'autre. Et lors l'Eglise ne croyoit pas qu'il appartint quelque primauté à l'Euesque de Rome, ny de droit diuin ny de droit humain. Il est vray que les prestres de l'Euesque de Rome Siluestre 2. sont nommez des premiers; c'est à cause de la célébrité du lieu, & non pour la sainteté. Mais se faut-il arrester à celuy qui a fait ce beau proësmes sur le Concile? Il en dit bien d'autres; comme; pourquoy c'est que l'Eglise Romaine est nommée la premiere en ce Concile; à sçauoir, parce qu'elle est la premiere en l'Euangile: puis celle d'Alexandrie la secon-

de, celle d'Antioche : la troisieme, & celle de Ierusalem la quatrieme. Et au Concile de Calcedoine, celle de Constantinople partage avec celle de Rome. Estes-vous sages d'amer cela pour preuues devostre primauté? Où est-il dit en l'Euangile, que l'Eglise Romaine soit la premiere Eglise, & celle d'Alexandrie la seconde? Et des autres deux, où en est-il parlé, pour faire Antioche la troisieme; & Ierusalem, qui est la mere de toutes, la quatrieme?

Au surplus, en l'epistre de Constantin il est dit, que ce fut Eustatius Euesque d'Antioche, qui s'assit le premier. Puis l'epistre de Constantin s'adresse à tout le Concile entier, & non à vn seul. Il se plainct du desordre qui estoit audiect Concile, & declare qu'il y veut remedier seul: & ne commet cela ny au Pape, ny à ses Ambassadeurs. L'epistre du Concile au Pape Syluestre (ie dy si elle est du Cōcile) ny celle de Syluestre au Concile, ne font rien pour la primauté du Pape, & pour son autorité sur toutes les Eglises. Au contraire, celles de Syluestre testifient, de son vnion & consentement avec tout le Synode, sans qu'il y apporte ny autorité ny comandement: Comme aussi il n'estoit requis que de donner son consentement, par les lettres du Synode signees d'Osus, & de Macharius Euesque de Constantinople, & desdicts prestres Romains. Encore en ce temps-là Syluestre tint à Rome vn Concile, où il ordonne que

nul Euesque ne pourroit ordonner aucun à quelque degré d'ordres que ce fust, sinon en la présence de toute l'Eglise: Et, disoit-il à tout le Concile, si vous le trouuez bon.

Je vien maintenant au Concile de Constantinople, qui est le second general. De Sponde dit, qu'il fut assemblé en vertu des lettres de Damasus. Où a-il trouué cela? Le Concile estoit assemblé auant que Damasus escriuist: & le Synode assemblé, requit de luy sa confession de foy, & ce qu'il croyoit de l'heresie de Timothee disciple d'Apollinaris, & qu'il le condamnaust aussi. On ne luy demanda pas ce qu'il sentoit de ceste heresie, pour se gouverner par luy & suyure son aduis: comme si luy seul eust esté le chef, le gouvernement & conduite de l'Eglise, & que le saint Esprit n'eust esté qu'en luy; mais à fin de voir s'il ne cheminoit pas aussi de mesme pied avec eux. Ce que cognoissant Damasus, il fut estonné & esbahy, pourquoy on luy demandoit son aduis en cela; veu qu'il auoit desia condamné Timothee par l'autorité du siege Apostolique (ainsi s'appelloient tous sieges episcopaux) & dit qu'il le condamnoit derechef, disant qu'au dernier iour il porteroit sa condamnation; ce sont les mots de Damasus. *Cur itaque à me rursus queritis damnationem Timothei?* Tant s'en faut donc qu'on recherchast l'aduis de Damasus, comme du chef de l'Eglise, qu'on le recherchoit comme d'un autre Euesque qui se disoit Catholique & Apo-

stolique, & pour s'asseurer s'il estoit luy-mesme pur en sa doctrine. Et puis tout le Synode qui escrit à Theodose, le remercie; & luy rapporte, & à sa pieté, ce qui s'estoit fait au Synode. Premièrement, que s'estans assemblez à Constantinople, *conuocati tuis literis* (disent-ils) qu'entr'eux ils auoyent renouuellé mutuelle concorde. Ce ne fut pas donc Damascus, qui conuocqua & ordonna le Synode.

Il dit, qu'ils s'excuserent d'aller à Rome: Cela est faux; le mal estoit en la Grece: là il y falloit remedier, & condamner ceste heresie. A quoy estoit de besoin que l'Euesque de Rome souscriuist aussi, car c'estoit le siege le plus celebre & le premier de l'Occident: & falloit ainsi couper chemin en Occident à ceste heresie, comme l'arracher de l'Orient.

Et quant à l'excuse que font les Euesques Grecs, c'est de n'estre allez à Rome à vn autre Synode qu'y auoit assemble ledict Damascus, & tenu: Car voicy les mots, *quia tamen*

En l'Epist. du concile à Damascus. *fraternam circa nos charitatem ministrantes, Synodum in Romana vrbe fecistis Dei voluntate: & nos illuc tanquam membra propria literis admirabilis principis à Deo dati euocastis.* C'est à dire: Et pource toutesfois qu'administrant vostre charité fraternelle enuers nous, vous auez par la volonté de Dieu, fait vn Synode en la ville de Rome, où comme vos membres propres, vous nous auez appelez, par lettres du prince, que Dieu nous a donné en graces admirable. Vn Synode donc auoit esté tenu à

Rome, Damasus les y auoit appelez par charité fraternelle (non Papale & paternelle) ains comme ses membres; & par lettres du Prince, non de son autorité. Outreplus, les articles 2. & 5. de ce second concile general, sont contre l'autorité que le Pape pretend sur toutes les Eglises. Car au 5. article, le second degré est donné à l'Eglise de Constantinople, pource que c'est la nouuelle Rome: Rome n'a donc le premier lieu, sinon pource que c'est l'ancienne Rome. Quel droict a donc le Pape, qu'il puisse appeller droict diuin, en vertu duquel il puisse pretendre la primauté, autorité de puissance de commander à toutes les Eglises du monde, comme s'il estoit Dieu en terre, ou le chef de toute l'Eglise vniuerselle?

Il est temps de venir au Concile d'Ephese qui est le troisieme general. De Sponde dit, que Cyrille y presida au nom du Pape Celestin. Où prend-il cela? En vn titre qu'il y a au commencement de ce Concile, où il y a ainsi *Cōcilium Ephesinum ſerium œcumenicum ſub Cœleſtino Papa cuius vires gerebat Cyrillus Alexandrinus*. Mais qui a fait ce titre? N'est-ce pas vn Romain, adulateur du Pape, lōg temps apres? Celestin n'y estoit pas. C'estoit vne dispute principalement entre les Grecs & les Romains. Et ceux qui ont tourné ces Conciles Grecs en Latin, leur ont donné tels titres, qu'il leur a pleu, & à l'auantage de l'Eglise Romaine. Comme si lors l'Euesque de Rome



eust tout gouverné; où il n'estoit pas, & comme si tout y eust esté fait sous son autorité? Mais quand même Cyrille y auroit présidé, au nom de Celestin Euesque de Rome, seroit-ce à dire, que l'Euesque de Rome auroit toute autorité sur la Religion, & qu'il pourroit ordonner & resoudre de tout, sans qu'on peult disputer au contraire? Si ainsi estoit, que ne mandoit ce Celestin son aduis & iugement de ceste matiere, dont on disputa si long temps? Cela eust esté terminé en peu de heures; là où on fut plusieurs mois en longues disputes & facheuses. Mais comment le Synode ne requit-il la resolution du Pape, si c'est à luy de déterminer de tous les points de la Religion, & s'il s'en faut tenir à ce qu'il dira, comme s'il estoit sorty de la bouche de saint Pierre, ainsi que vous dites? Cyrille y estoit comme Euesque d'Alexandrie, & y defendoit sa propre cause. Car les Euesques de Grece ne luy estoient pas affectionnez; ains luy mettoient sus que pour fuyr l'heresie de Nestor, il entroit en celle d'Apollinaris. Celestin eust-il bien donné Cyrille pour president? Je dy si c'estoit à Celestin lors Pape (dites-vous & Euesque de Rome) de donner vn president en sa place au Concile? Mais Liberatus, Archediacre de l'Eglise de Carthage (ainsi qu'il est rapporté dans les actes du Concile) dit, que c'estoit à Cyrille Euesque d'Alexandrie de traicter cela au Synode: & voicy les mots, comme on nous les a mis en Latin,

*quod*

*quod cum audisset Cyrillus Episcopus, cui dabatur primatus de talibus agendi.* Et voulez-vous sçauoir qui luy donna ceste primauté, à fin que vous ne pensiez pas que ce fut l'Euesque de Rome. Liberatus dit, que de Constantinople on vint à Cyrille, pour luy faire entendre ce que Nestor & Anastase enseignoyent en l'Eglise de Constantinople: & qu'il escriuit audiect Nestor & à son Prestre, pour les retirer de leur erreur. Où estoit lors Celestin Pape? Pourquoy ne luy escriuoit-on plustost qu'à Cyrille, & pouët auoir son aduis sur cela? Mais, dira quelqu'un, peut-estre que Celestin auoit donné ceste charge à Cyrille. Vous dites pourtant, que c'est le Pape qui a en garde le S. Esprit; qu'il est seul l'oracle du ciel, que seul il ne peut mentir ny errer, & que c'est à luy non à autre de resoudre toutes difficultez de Religion. Pensez-vous que Celestin eust lors aduertiy Cyrille, de l'heresie qui estoit en Constantinople? Cyrille en estoit plus pres, & fut aduertiy d'y mettre la main. Et qui plus est, Cyrille ne prenoit point charge de Celestin: mais ce furent ceux de Constantinople mesmes qui aduertirent Cyrille, & n'eurent recours qu'à luy, qui en l'Orient faisoit teste aux heretiques (comme ce luy de Rome en l'Occident.) Cyrille auoit traité ceste mesme matiere en assemblee Synodale: & auoit limité temps audiect Nestor de se rauiser, ou d'estre excommunié, c'est à dire, déclaré heretique, & de là retranché de

la communion des fideles. A quoy les Euesques de Grece soufcriuirét tous d'un accord pour la Grece, comme on auoit fait à Rome pour l'Occident; pour extirper ceste heresie & de l'Orient & de l'Occident. Si vous me dites encore, que par là l'Euesque de Rome estoit recognu le premier des Euesques. Je respon, qu'il ne s'ensuit pas; Car vne Eglise ou plusieurs, & leurs pasteurs, trouuerôt l'aduís d'un autre Pasteur bon, & le suyuront, & si ne luy donneront pas titre de primauté, ny d'autorité sur toutes les autres Eglises, & moins sur la parole de Dieu.

Quant au Concile de Calcedoine, cela est faux; que Vincentius, Paschasius, & Sabinus y ayent presidé, & tenu la place de Leon Pape de Rome. Ils ont eu leur voix, & à leur rang, comme les autres: & ont fait place, ou sont sortis, & se sont tenus deuant la compagnie pour estre iugez, au cas qu'il y eust faute de leur costé, en ce qu'ils proposoyent contre Dioscorus. Il est vray que ces trois, à sçauoir Vincentius, Paschasius & Boniface, faisoient au nom de Leon, qui se faisoit principale partie contre Dioscorus. Car Leon l'auoit repris, confuté sa doctrine, & par ses escrits reprouué & condané les actes d'iceluy: dont, quoy qu'il fut absent, on luy donna titres de grand loüange; mais titres particuliers à sa personne, non hereditaires à ses successeurs. Le Concile fut assemblé par l'autorité de l'Empereur Martian, non par l'Euesque de

Rome, non plus que les autres Conciles généraux, & les Cōciles des Gaules, d'Affrique & d'Espagne ne s'assembleront non plus, ny ne se sont assemblez par l'autorité de l'Eueque de Rome. L'Empereur Martian & le Senat estoient à ce Concile pour y presider, & faire que tout s'y fist d'ordre.

Outre ce que dessus, ie respon encor aux titres qui sont donnez à Leon en ce Concile. Premièrement il fut dit tout haut, *post Deum indicat Leo*; c'est à dire, Leon iuge, ou parle apres Dieu, à sçauoir en cest affaire, dont lors estoit question. Car on ne vouloit pas dire qu'il ne pouuoit errer en rien; mais qu'il n'erroit pas en cest affaire. Cela est donc dit pour la chose dont estoit question, & non indifferemment pour tout, ou en tout & par tout: tesmoing que le Synode ordonna bien autrement que n'eust voulu Leon au 28. & dernier article. Au reste, si on donna ceste louange à Leon, il auoit aussi escrit & traicté de ceste matiere tres-excellemment, comme son epistre en fait foy: on l'auoit en main, elle seruit & aida beaucoup à la compagnie, elle fut leuë, approuuee & suiuite en ceste matiere. C'est là qu'il faut rapporter ses louanges, & non pas pour faire du Pape vn Dieu en terre qui ne peut errer; & moins pour en dire autant de tous ses successeurs, comme si ceste grace estoit attachee à la chaire de Leon. Car cela n'a esté dit qu'à Leon, & pour ce seul poinct de doctrine. Et quant à ce qu'on di-

Epist. 110.

soit; *Leoni multos annos*, c'est à dire, viue Leon, ou que Leon viue longuement. On disoit le mesme aux autres Patriarches, & l'Eglise de Hippone disoit le mesme à saint Augustin. Leon est appelé, dira-on, Archeuesque catholique, & Patriarche de la grand' Rome: mais pourquoy, que pour le preserer à celuy de Constantinople? non que Dieu l'eust ordonné, mais à cause de Rome, tenu le premier lieu du monde. Et quant à ce titre d'Archeuesque vniuersel, qui luy donne ce titre? Est-ce le Concile? il luy desnie cela: ains c'est vn Diacre qui met ce titre en vn liure qu'il presente audict Leon & au Concile. De ce liure & de son titré, nous ne sommes tenus de croire, que ce que nous voudrons. Au Synode, dira-on, il fut crié, viue Leon Archeuesque vniuersel. Je respon, que le Concile reprouua ceste voix par l'article 28. & en ce qu'il ordonna le mesme à l'Archeuesque ou Patriarche de Constantinople sur l'Oriét, qu'à celuy de Rome sur l'Occident; & non de droit diuin; mais à cause que c'estoyent les deux villes de l'Empire, & Rome la premiere. Et puis ce mot Catholique se prenoit, pour dire, qui suit la foy catholique & sans heresie, à l'opposite des heretiques & schismatiques. Vne ou deux voix ouyes parmy vne multitude confuse, que fait cela? Peut estre cela estoit fait à dessein, & par quelques vns attitrez'expres: car les Euesques de Rome ont affecté ceste primauté; mais Leon plus que tous ceux qui

ont esté deuant luy, & luy donne-on d'auoir plus fait en cela que pas vn d'eux. Et pour tesmoigner comment l'Eglise Romaine affectoit ceste primauté, ce Concile icy a esté falsifié par l'Eglise Romaine: & par des actes de ce Concile falsifiez par eux, ils ont voulu se preualoir pour leur primauté sur toutes les Eglises: mais on eut recours à l'original, qui estoit gardé en l'Eglise de Calcedoine, & furent conuaincus de leur fausseté.

Il y a aussi en ce Concile, qu'apres que lecture eust esté faite de l'epistre de Leon, cent Euesques s'escrierent, disans; S. Pierre a parlé par la bouche de Leon: mais c'est pour dire, que ce que disoit Leon en cela, estoit doctrine Apostolique. On en dira autât de tout homme qui parlera apres S. Pierre, ou apres vn autre Apostre: & faut cōjoindre ces mots aux precedens & aux subsequens. Ces Peres s'escrierent, c'est la foy des Peres, à sçauoir, du Concile de Nicee, c'est la foy des Apostres; & puis nous croyōs tous ainsi. Et apres, *Petrus per Leonem loquutus est*; & pour la fin, *Apostoli ita docuerunt*: c'est à dire, les Apostres ont ainsi enseigné. Cela se refere, non à faire Leon Dieu en terre, mais que sa doctrine estoit pure. Ce n'estoit pas pour dire qu'il ne pouuoit errer, mais qu'il n'erroit pas en cela. Ce n'estoit pas aussi pour dire, que iamais le Pape n'errera: mais que ce que Leon auoit escrit, deuoit estre suiuy touchant ce poinct icy, & contre l'heresie d'Eutiches, & contre

Lib. 3. c. 26

Nestor. Quant au titre de Pape que luy dōne Ætius, ce n'est rien; c'est vn seul : ela n'est pas couché aux articles : mais les Archeuesques estoient appelez Papes en Italie, & en France, comme nous lisons en Gregoire de Tours, qu'Heraclius prestre de Bordeaux vint saluër le Roy Charibert : & comme il eut dit au Roy que le siege Apostolique, à sçauoir de Bordeaux le salüoit ; le Roy ne sçachant quel siege c'estoit, luy demande s'il ne venoit pas de Tours, *vt inde* (dit-il) *Pape illius salutem nobis deferas* : c'est à dire, s'il le salüoit au nom de l'Euesque de Tours, lequel le Roy mesmes appella Pape. L'Euesque de Rome donc pour auoir esté appellé Pape, quand mesme c'auroit esté par tout le Concile, cela ne conclud pas que le gouuernement de l'Eglise soit en sa main, qu'il ne puisse errer comme s'il estoit Dieu, ny qu'il faille croire tout ce qu'il dira, & se gouuerner par luy en la Religion.

Les Euesques du Concile, dira-on, encore demanderent que Leon confermast leurs decret. Mais pourquoy non? il estoit absent. Il falloit qu'il tesmoignast ainsi, qu'il cheminoit d'un mesme pié avec les autres. Ce n'estoit pas d'autorité qu'il eust sur le Synode, mais que le Synode auoit autorité sur luy. Et la fin c'estoit, pour se maintenir en l'vniō de la doctrine, contre les heretiques & schismatiques.

Leon pourtant, dira-on, ne voulut pas recevoir le dernier & 28.<sup>e</sup> article. Je respon,



pource qu'il est cōtraire à la primauté & autorité Papale ; il ne voulut l'accorder : mais pour luy, il n'en fut ne plus ne moins ; & l'Eglise de Constantinople a eu son rāg ordonné par le Synode : car le Pape ne vouloit pas que le patriarche de Constantinople eust autorité sur ceux d'Antioche & d'Alexandrie, comme luy la pretendoit sur l'Occident ; ains vouloit tout pour luy, & s'efforçoit de mettre vn pié en l'Occidēt & l'autre en l'Orient. C'estoit ce que Leon a le premier plus ouuertement cherché & pretendu. Le Concile luy refusa cela ; comme appert par ce 28. article & par le 9. Vous avez retranché le 28. car il vous est contraire ; qui fait soupçonner que beaucoup de choses qui y sont à la louange des Papes, peuuent estre de vos additions. Quoy qu'il en soit, les articles du Concile vous sont contraires, & le reste ne fait rien pour vous. C'est comme nous croyons plus à cent tesmoins ; à sçauoir, à tous ces saints Euesques, que non pas au tesmoignage d'un Pape : car il rend tesmoignage de soy-mesme, & faux : & n'y a eu que luy qui ait tesmoigné de son autorité Papale ; que luy, dy-ie, qui là tousiours briguee. Mais est-il dit par ce Concile, ny par autre, qu'il doye iuger par dessus la parole de Dieu, & contre icelle ? & qu'il ne doye estre iugé par icelle, ny ce qu'il dira, fera, & ordonnera ? Le Concile de Constance, il n'y a pas deux cens ans, en iugea autrement. Il fit son procez au Pape, le iugea,

Platine.

le condamna, & le depofa; quoy qu'il criast qu'il auoit le S. Efprit, & qu'il ne pouuoit errer. Et quand le Concile auroit donné autorité à l'Euefque de Rome par deffus la parole de Dieu, le faudroit-il croire, ny le Pape, contre la parole de Dieu?

Page 85.

Pour venir maintenant à S. Gregoire, nous tenons qu'il a efcrit contre la primauté, & la condamnée en mots & termes exprez. Sponde dit que non; fi ce n'eft en la perfonne de Jean Patriarche de Constantinople, en ce qu'il vouloit eftre feul Euefque de tout l'univers, fans qu'il y euft autres Euefques au monde que luy.

Il faut voir fi ce que dit de Sponde eft fonde en quelque raifon. Et premieremēt voyōs le fait. Le premier lieu entre les Patriarches a efté donné à l'Euefque de Rome, le fecond à celui de Cōftantinople, & parce que Constantinople eft la feconde Rome. Or comme Rome eftoit tenue le premier lieu du monde, & le premier fiege de l'Empire: quand les Empereurs commencerēt de faire leur principale refidence en Constantinople; & que Rome demeueroit vn peu en arriere, le Patriarche de Constantinople voulut feul auoir toute la preeminence & la primauté; & non feulement de Rome & de Constantinople; mais auffi de tout l'Orient & de tout l'Occident. Brief il voulut auoir cela mefme, que fes fuccelfeurs ont tousiours pretendu, & pretendent encore; cela mefme que le Pape pre-

tend auoir: à sçauoir, la Papauté, priuauté & superintendance sur toute l'Eglise de Dieu, qui est en tout le monde. Lors Maurice, qui tenoit l'Empire, estoit assez indulgent, & aussi Augusta sa femme audiēt Iean; tellement que peu s'en fallut qu'il ne se fist Pape. Mais saint Gregoire escriuit audiēt Maurice, & à Constance Auguste l'imperatrice, & par plusieurs raisons condamne le fait dudiēt Iean; & prie l'Empereur de réprimer l'audacē effronce de ce Iean, Patriarche de Constantinople.

Il faut voir maintenant ce que dit saint Gregoire contre Iean, qui vouloit estre ce que se dit le Pape; à sçauoir, Euesque vniuersel. Premièrement il dit, que Pelage auoit reiecté ce titre d'Euesque vniuersel, & l'auoit refusé auec bonnes raisons, & s'y estoit opposé contre Iean Grec. Apres cela en l'epistre 76. & 78. il dit, que Iean vsurpoit le nom d'uniuersel contre la sentence de l'Euangile, contre saint Pierre, & contre toutes les Eglises, & contre tous les decretz des Conciles. Et en l'epistre 30. liu. 5. *Ego autem fidenter dico, quod quisquis se vniuersalem sacerdotem vocat, vel vocari desiderat, in elatione sua Antichristum præcurrit: quia superbiendo, se cæteris præponit, nec dispari superbia ad errorem ducitur. Quia sicut peruersus ille Deus videri vult super cæteros homines: ita quisquis iste est, qui solus sacerdos appellari appetit, super cæteros sacerdotes se extollit:* Or ie dy hardiment, que quiconque s'appel-

le prestre vniuersel, ou desirer d'estre ainsi nômé, qu'en son orgueil il est le precurseur de l'Antechrist: Car par son orgueil il se prefere aux autres, & par vne mesme ambition que celle de l'Antechrist, il est mené en erreur: car comme ce peruers (à sçauoir l'Antechrist) veut estre veu Dieu par dessus les hommes: ainsi celuy qui seul veut estre le prestre, s'esleue sus les autres prestres.

Et en l'epistre 38. du liu. 4. *Tu quid Christo, vniuersalis scilicet capiti Ecclesia, in extremi iudicii examine es dicturus, qui cuncta eius membratibimet conaris vniuersalis appellatione submittere?* c'est à dire, à sçauoir-mon que tu diras à Iesus Christ, qui est le chef de l'Eglise vniuerselle, en l'examen du dernier iugement: ie dy toy, qui t'efforces de t'assuiettir tous les membres d'iceluy, par ce titre d'Euesque vniuersel? Et là mesme, *Quibus dum cupiste metipsum elationis vocabulo praponere, eorumque nomen tui comparatione calcare, quid aliud dicis, nisi in cælum conscendam, super astra cæli solium meum exaltabo?* c'est à dire, Quād par ce mot orgueilleux (à sçauoir Euesque vniuersel) tu te veux preferer aux autres, & fouler leur nom en comparaison du tien, que fais-tu autre chose que de dire; Je monteray au ciel, i'esleueray mon throne sur les astres?

Item là mesme; *Quid ergo, frater charissime, in illo terribili examine venientis iudicii dicturus es, qui non solum pater, sed etiam generalis pater in mundo vocari appetis?* c'est à dire, Que diras-tu

donc ; mon trescher frere , en ce terrible examen du iugement aduenir, toy qui ne veux pas seulement estre appellé pere , mais pere general de tout le monde ? Et là mesme, *Nemo se unquam vniuersalem nominari voluit* ; c'est à dire, Aucun n'a iamais voulu estre nommé l'vniuersel, c'est à dire, le pere de tous, ou le pasteur vniuersel, ou l'Euesque vniuersel. Il conste donc que saint Gregoire a reprouué ceste autorité & preeminence, que vous donnez au Pape , & laquelle il pretend sur toutes les Eglises ; telle la pretendoit ce Iean Patriarche de Constantinople. Car encore lors il ne estoit pas question d'esleuer ceste primauté iusques-là, que cest Euesque des Euesques, ou ce primate, auroit autorité sur la parole de Dieu, & seroit comme Dieu en terre : que de ce qu'il diroit en faict de la Religion, qu'on s'en arresteroit à son dire, comme s'il estoit sorti de la bouche de Dieu. Ce que demandoit ce Iean Patriarche, c'estoit seulement qu'il seroit le premier des Euesques, & Euesque ou Prestre vniuersel, & sur tous les autres prestres & Euesques : & c'est ce que Gregoire reprouue, en l'Euesque & Patriarche de Constantinople.

De Sponde respond à cela, premierement que Iean ne pretendoit que sur l'Orient ; ce qui est faux, comme se verra apres. Secondement, qu'il vouloit y estre seul Euesque, ou singulier, c'est à dire, sans qu'il y eust pluralité d'Euesques, ce qui est faux aussi. Item, que

sainct Gregoire se portoit luy-mesme pour le primat, & pour le recteur de toute l'Eglise Catholique: & allegue pour preuue ces mots de sainct Gregoire, *Quum ego indignus ad regimen Ecclesie adductus sum*: c'est à dire, Quand moy indigne, fu appellé au gouuernement de l'Eglise. Car il prend cela, cōme si sainct Gregoire se portoit pour gouuerneur de toutes les Eglises du monde, ou de l'Eglise vniuerselle, là où sainct Gregoire ne parle qu'en regard de l'Eglise Romaine. Quoy qu'il en soit, il n'y a pasteur qui n'en puisse autant dire: car ayant prins la charge de son Eglise, il peut dire, qu'il a esté appellé au gouuernement de l'Eglise. Et sainct Gregoire ne l'apas entendu autrement.

Or quant à ce qu'il dit, que l'Euesque de Constantinople ne pretendoit la superiorité que sur l'Orient: Cela apparoit faux, en ce que sainct Gregoire dit, n'estre pas raisonnable que l'Eglise de Rome, qu'il appelle l'Eglise de sainct Pierre, soit suiuite à celle de Constantinople. Et comment y eust-elle esté suiuite, si lean n'eust eu domination sur toutes les Eglises de l'Occident, aussi bien que sur celles de l'Orient? De Sponde pense auoir bien satisfait à cela, en disant que Gregoire craignoit qu'ayant mis vn pié en l'Orient, il ne mist l'autre en l'Occident. A quoy ie respon, que sainct Gregoire ne parle pas comme d'une crainte, mais comme d'une chose asscuree. Dauantage le mot vniuersel, ou sin-

gulier Euesque, ne se rapporte pas au seul pays d'Orient, comme l'Orient n'est pas seul l'vniuers, ny seul pays où il y auoit Euesques: ains se rapporte à tout le monde, & sur autant d'Euesques & Eglises qu'il y en pouuoit auoir, sur lesquels cestuy-là vouloit estre chef president, ou superintendant: & vouloit que Constantinople fust le siege de l'Eglise, comme de l'Empire; c'est que de mesme il commanda aux Eglises, que l'Empereur aux peuples, pays, & royaumes. Et c'est notamment vne telle Monarchie & autorité sur les Eglises, & sur les Euesques d'icelles, que S. Gregoire reprouue en qui que ce soit. Et pourtant il dit, que Leon refuse cela au Concile de Calcedoine, & que Pelage son predecesseur l'auoit aussi refusé auât luy: encore qu'ils y peussent pretendre plus de droict, à cause que Rome estoit le siege de saint Pierre.

Page 86.

De Sponde fait icy vne fausseté: Car il dit, que Iean Euesque de Constantinople vouloit seul estre l'Euesque de tout le monde, & oster aux autres Euesques leurs Eueschez. Où a-il trouué cela? sur ce mot de singulier (dit-il) mais ce mot se dira d'un Euesque entre plusieurs, pour Euesque singulier, ou par excellence, ou sur les autres, & qui est seul en cela. Là où lors il y auoit plusieurs primats, à sçauoir de Rome, de Constantinople, d'Alexandrie, de Ierusalem & d'Antioche, & tous Euesques. Mais celuy de Constantinople vouloit estre singulier Euesque, & que tous les au-



tres, demeurans neantmoins en leurs Eueschez, luy fussent suiets. Et autrement, pourquoy eust dit l'Empereur Maurice, que Gregoire se trauailloit l'esprit de peu de cas, & pour vn titre vain? Maurice eust-il dit cela, si Iean eust voulu qu'il n'y eust Euesque que luy au monde? saint Gregoire a-il dit, que Iean vouloit leur oster leurs Eueschez? s'est-il plainct de cela? Mais n'est-ce pas ce dont il se plaignoit, que son aduersaire vouloit estre le superlatif, le premier, & l'Euesque vniuersel de tous les Euesques; & en cela seul Euesque ou seul prestre sur les autres? Chose qui sembloit à Maurice peu de cas.

Et c'est pour respondre à vne question qu'il nous fait, à sçauoir, dequoy saint Gregoire se fut tant empressé, & plus qu'un autre, si Iean ne les eust voulu priuer de leurs Eueschez? Je respon, que ce que l'Empereur disoit, que ce n'estoit qu'un titre vain presuppposé, qu'il n'attentoit pas à leurs Eueschez, ains seulement au titre. Et de faict, il sembloit à l'Empereur, que Gregoire ne deuoit tant s'empresser pour cela. Ce que craignoit Gregoire, & pourquoy il s'empeschoit tant, c'est que cela luy desplaisoit: & que luy qui se disoit successeur de saint Pierre, ne vouloit estre suiet & tenir son Euesché de celuy de Constantinople. Je pourroy' bien dire, & volontiers avec bonne raison, que Gregoire aimoit mieux cela pour luy, que pour Iean. Et de faict, les propos en monstrent quelque

chose. Pourquoy aussi enuoyoit-il les man-  
teaux aux Archeuesques des Gaules, & d'ail-  
leurs? Ioint qu'il auoit desia cela, qu'il e-  
stoit l'Euesque du premier siege: & ce siege  
auoit voulu s'asubiettir celuy de Constanti-  
nople & les autres, & mesmes sous Leon pre-  
mier. Au reste, on ne doute pas que Gregoire  
ne fust aussi par l'aduis des autres Euesques,  
qui ne vouloyent non plus estre subiets à Iean  
Euesque de Constantinople, qu'à Gregoi-  
re Euesque de Rome. Car, comme aduoué  
de Sponde, ils estoient compagnons. Qui est  
celuy qui veut faire de son compagnon son  
maistre?

Quant aux menaces de Gregoire contre  
Iean, cela n'est pas à dire que Gregoire fut  
superieur, & Iean inferieur: Car ils faisoient  
cela de compagnon à compagnon. Comme  
Vitalianus excommunia Maurice Archeues-  
que de Rauenne, & Maurice excommunia  
Vitalian Pape de Rome; Reparatus en fit au-  
tant. Les Euesques de Frâce escriuirēt à Ana-  
stase & aux Euesques d'Italie, qu'ils auoyent  
dequoy leur faire sentir leur seuerité, de mes-  
me que luy de les prouoquer sans cause. Voicy  
les mots; *Si caeterum suum aduersus nos moue-  
re disponunt, Gallicam in se seueritatem sentient,  
quam sine causa prouocant.* Louïs le Debonnai-  
re menacé d'estre excōmunié par Gregoire  
4. les Euesques de France dirēt de son Legat,  
que s'il estoit venu pour excōmunier le Roy,  
qu'il falloit qu'il s'en retournast excōmunié.

Signon. de  
regn. Ital.  
liu. 2. l'an  
657.

Les Euesques d'Orient faisoient ainsi enuers celui de Rome; & celui de Rome enuers eux. Cela donc que Gregoire menaçoit d'excommunier Iean, ne conclust pas qu'il fust supérieur de Iean; ny qu'il se portast pour Euesque souverain; encore que, peut estre, il y aspirast: Mais ce n'estoit pas son plus court, de dire que cela luy appartenoit; car il n'auoit droit qu'à cause de Rome, le premier lieu du monde. Et Rome auoit perdu cela; & Constantinople le tenoit; car c'estoit le siege de l'Empire pour lors.

Page 87.

Il veut que nous pesions ce que dit saint Gregoire. *Quum ego indignus ad regimen Ecclesie sum adductus*: c'est à dire, Quand moy indigne, ay esté amené au gouuernement de l'Eglise. Nous pesons aussi cela, & y auons respondu; à sçauoir, que saint Gregoire n'a pas dit cela, pour se dire Euesque vniuersel: Car il eust peché contre ce qu'il a escrit, & qu'il reprenoit en son aduersaire, & se fut dit le persecuteur de l'Antechrist. Mais il fut appelé au gouuernement de l'Eglise, quand il fut appelé au gouuernement de l'Eglise Romaine; comme a esté dit cy dessus de Damase. Et de Sponde prend ce mot d'Eglise, pour l'Eglise vniuerselle. Pelage (dit de Spode) estoit autre qu'un Euesque particulier: Car autrement il n'eust pas entrepris de renuerser le Synode de Iean Grec, de sa propre autorité; volontiers le fit-il par aduis d'autres Euesques. Mais, cōme a esté dit, cela estoit vñté. Ce qui s'arrestoit

restoit en Oriët, estoit cassé par les Euesques d'Occident, s'il ne leur plaisoit, & par le premier Archeuesque ou Euesque en son Diocese. L'Euesque de Rome pouuoit cela, & chacun Euesque aussi en son Euesché pour lors, que le Pape n'auoit point encore asservi les Euesques sous sa domination. Le Côte d'Artois fit brusler publiquemēt en la cour du Palais la bulle du Pape. Le parlemēt l'a fait. Les Euesques de France s'opposèrent à Boniface, & annichillerēt ses faiëts, & n'ont point douté d'excomunier les Papes. La Sorbōne mesme n'en a pas autresfois fait grād estat. Pelage a dōc peu & deu faire cela cōtre Ieā Grec: & n'y a Euesque en Frāce qui n'en puisse autant faire contre le Pape, & à bon droict.

De Sponde nous demande aussi, que veut dire S. Gregoire, quand il dit, que Iean vsurpoit le nom d'vniuersel, contre la sentence de l'Euangile, contre S. Pierre, contre toutes les Eglises, & contre tous les decrets des Conciles? Nous respondons, que S. Gregoire, reprouuoit l'autorité papale, telle que pretendoit Iean, & telle que le Pape a vsurpé: & qu'il veut dire que telle autorité est cōtre la sentence de l'Euangile; Vous ne vous appellerez Matt. 23. aucun pere en la terre, ou maistre: Car vous auez tous vn Pere au ciel qui est Dieu: & vn Seigneur qui est Christ; & vous estes tous freres. Item, Les Rois dominant sur les na- Luc 22. tions, mais il n'en sera pas ainsi de vous. Item, Le plus grād soit comme le moindre. Or cela

1. Pier. 5. v.  
1. 2. 3. 4.

n'est pas de nom, mais de faiçt. S. Gregoire vouloit dire cela, & que la doctrine de S. Pierre le porte ainfi; quand il dit: Vous ne dominerez point sur l'heritage du Seigneur, ains le paistrez cōme le troupeau de Christ. C'est ce que Gregoire a voulu dire selon l'Euangile, & selon les Decrets. Car Gregoire soustenoit, qu'il ne faut pas qu'il y ait de Pape, ou Euesque vniuersel au monde.

Mais, dit-il, que me dites-vous à ces mots de S. Gregoire, où il prie Constance l'Imperatrice, de ne le despriser pas? Car encore (dit sainct Gregoire) que les pechez de Gregoire soyent si grands, qu'il doyue endurer ces indignitez, toutesfois il n'y a point aucun peché de S. Pierre, qui merite qu'il les endure de son temps. Je respon encore, que s'il prend ccla pour dire que S. Gregoire pretendoit la primauté luy appartenir: si est-ce, quoy qu'il en soit, que S. Gregoire a condamné ce titre d'Euesque vniuersel, & par l'autorité de ses predecesseurs qui l'ont refusé. Mais S. Gregoire disoit tout ce qu'il pouuoit, pour n'estre subiect à Iean. Et combien qu'il eust raison de n'accorder à Iean ce qu'il demandoit, neâtmoins il vse de beaucoup de raisons ridicules; comme, que l'Imperatrice doit rechercher la faueur de S. Pierre, que son honneur ne soit amoindry enuers elle (encore qu'il le serue indignement) & afin que S. Pierre la puisse aider en toutes choses, & luy pardonner ses pechez. De Sponde demâde si ces

mots ne nous piquent pas, ou bien si nous sommes insensibles? Mais se moque-il pas de la cause du Pape, de mettre cecy en auât? Certes les Iesuites diront, qu'il veut nous faire rire. Quel estat faisons-nous du dire de Gregoire, quand il parle sans la parole de Dieu; & quoy quand il parle contre icelle? Faut-il rechercher la faueur des morts, ou de Dieu? Seruons-nous aux morts, ou à Dieu? Où est le commandement de tout cela? A vous ouyr parler, il s'emble que Dieu ait quitté tout son droict de l'Eglise à S. Pierre, que Dieu n'y ait plus rien, qu'il ne face rien, & que S. Pierre face tout: que mesmes il pardonne les pechez, tienne la porte du ciel ouuerte ou fermee comme il voudra. Estes-vous sages?

Ce titre d'vniuersel, dit de Spöde, a despleu à S. Gregoire, pour ce qu'il sent le prophane: comme l'Empereur Antonin s'appelloit Seigneur du monde & de la mer, qui estoit autant qu'Oecumenique & vniuersel. Je demande, n'en dites-vous pas autant du Pape, & plus? Car vous esleuez son throne sur le ciel & sur toute la terre, & accordez qu'il peut en disposer, donner, & oster. Vous parez le Pape de ces titres. Or s'il a esté trouué mauuais en vn Empereur (ce que la police permet) commét donnerez-vous à vn pasteur, ce que la pieté defend? Car vn seul Iesus Christ nostre Seigneur est nostre Pasteur souuerain, comme dit S. Pierre 1. cha. 5. v. 4. Dauantage dit de Sponde, ce titre d'vniuersel deplaisoit à Gre-

goire, par ce qu'il sentoit le fast & l'arrogance diabolique. Je demande donc, comment en vse le Pape, qui s'appelle la sainteté? Comment le luy dōnez-vous? *C'estoit*, dit-il apres, *au preiudice des autres Patriarches & Euesques, & notamment de celuy de Rome que Iean prenoit ce titre.* Cela n'est-il plus à craindre? Non, dit de Spōde, veu que c'est à l'Euesque de Rome à qui appartient proprement le legitime sens de ce nom: cest à dire, ceste domination, & qu'il n'y reçoit plus aucun preiudice, mais en a l'honneur. On luy nie cela. On luy monstre que ceste primauté n'est deuë qu'à nostre Seigneur. Pelage predecesseur de Gregoire, n'a esté de cest aduis, nō plus que Gregoire: ains disoit, qu'on ne luy pouuoit donner cest hounour, d'estre plus grand que les autres Euesques, sans leur faire tort. Si ce titre appartient à l'Euesque de Rome, pourquoy l'ont refusé Leon, Pelage, & Gregoire, ainsi que vous dites? Mais ie demande, par quel droit, cest honneur appartient proprement au siege de Rome? ferez-vous en l'Eglise de Dieu le siege de l'Euesque de Rome, par dessus le siege du Fils de Dieu? Cela se peut-il faire? Car l'Euesque de Rome change en la Religion, & enseigne comme s'il donnoit le salut autrement que ne portel'Euan-gile du Fils de Dieu, & ouure le ciel par d'autres clefs que celles que nostre Seigneur a donnees à S. Pierre; à sçauoir, par autre doctrine que celle de S. Pierre & des Apostres.



Il dit apres, que Leon, Pelage, & Gregoire, ont refusé le titre d'vniuersel par humilité d'esprit. Dira-il cela de Leon, le plus ambitieux de tous, cōme a esté touché ? Mais s'ils l'ont refusé par humilité d'esprit, les autres l'ont receu par orgueil. Non, dit-il, mais autant iustemēt, que les autres l'ont refusé modestement. Si Vitellius par modestie a refusé d'estre Cæsar, & Antonin & Auguste d'estre appelez Seigneurs, comme dit de Sponde; le Pape combien plus doit-il par modestie & crainte de Dieu, refuser d'estre appelé le S. Pere, le Seigneur du ciel & de la terre, & des enfers, qui deslie & lie tout dedans les cieux mesmes ? Ceste arrogance n'est-elle pas diabolique ? Il s'esleue par dessus tout ce qui est de Dieu, & ce n'est pas l'Antechrist ?

Mais il est bon quand il dit, *qu'ainsi nostre Seigneur ne vouloit pas que ses disciples s'appellassent Rabbi, à sçauoir, par modestie & douceur.* Veut-il dire que de droit & iustement ils le pouuoient faire ? Quoy ? dira-il, que ce que Dieu a defendu se peut faire, & encore iustement ? Il dispence donc, de ce que Dieu defend. *Nostre Seigneur ne defend cela (dit-il) que quand il y a vne ambition extraordinaire & illegitime.* Que direz-vous de ceste homme, qui presuppōse vne ambitio legitime, & vne permise: mais y en a-il de plus effrenée que celle du Pape ? Outreplus, il ne nous est pas defendu d'appeller nos peres & nos maistres par ces noms-là, & de les recognoistre pour tels:

Matt. 23.  
8.9.

mais en faiët de Religion, & de ce qui est de nostre salut, & pour nostre instruction, nous auons vn seul Christ; duquel on disoit auant sa venue: Quand le Messias sera venu, il nous enseignera toutes choses; Escoutez-le, dit le Pere. Aurons-nous donc autre doctrine que la sienne, pour nostre instruction? Les mots sont exprez. Aussi au Cõcile de Reims, les Euesques des Gaules prindrent ainsi ces mots, pour reprouuer la superiorité du Pape, comme nous faisons: & luy demanderent, pourquoy ils deuoyent preferer l'Episcopat du Pape à tous les autres; veu qu'aux Chrestiens la sentence de nostre Seigneur doit suffire, Que nous auons tous vn seul maistre, & que tous sommes freres.

*Mais cela, dit de Sponde, n'empesche pas que nous n'ayons nos peres & nos maistres. Cela est vray, & les honorons de ce nom. Et Ioseph mesmes a esté appellé pere de nostre Seigneur. Mais icy il est question d'une autre paternité, à sçauoir, de ce qui est de nostre salut, où nous auons vn seul Dieu pour Pere, & vn seul Christ pour Maistre, pour Docteur. Nous auons des Docteurs, & des Pasteurs; mais iceux parlent apres nostre Seigneur, il nous enseigne par leur bouche: & ainsi nostre Seigneur au faiët de nostre salut, est seul nostre Maistre.*

Hebr. 2.  
Matth. 17.  
Ican 4.

Page 89.

De Sponde soustient, que ce titre d'vniuersel appartenoit à S. Gregoire, & qu'il l'a ainsi entendu, quand il dit; que combien que ce

titre appartenist à S. Pierre, neantmoins par modestie il n'en a pas usé. Le respō, que quelle qu'ait esté l'intention de S. Gregoire, si a-il reprouué ce titre, aussi bien que son predecesseur. Et quant à S. Pierre, il a esté Apostre pour prescher par tout l'univers: mais pourtant ce titre de grand Pasteur de toute la bergerie du Seigneur ne luy appartenoit, mais au seul Seigneur. Ce qu'il dit du Concile de Calcedoine, est faux: nous voyons le Concile aussi bien que S. Gregoire. Leon n'a pas refusé cela, car on ne luy a pas offert: le dernier article dont Leon se mit en colere, fait foy du contraire. Ce qu'il dit aussi, que l'Euesque de Rome a esté tousiours, & de tout temps reconnu Euesque uniuersel est faux, par le dire de S. Gregoire, de Pelage, & des Conciles, comme cy deuant nous auons fait paroir, & le ferons encor.

Il dit, *que l'Eglise est vne uniuersalité, qu'elle a plusieurs membres distincts, chacun a sa fonction:* Page 90.  
*mais que si elle n'auoit vn chef commun à tous, qu'autremēt ce corps mystique de nostre Seigneur seroit vn horrible & miserable monstre.* Mais puis que c'est le corps mystique de nostre Seigneur, qui en est le chef que Iesus Christ? vn autre que luy sera-il le chef de son corps? Dieu a-il donné plus d'un chef à son Eglise? C'est vn chef ministerial (disent-ils.) Mais, dit l'Apostre, Dieu a dōné nostre Seigneur pour chef à son Eglise en toutes choses, en salut, en Colos. 1. 18  
 vic, en doctrine, & seul nous est fait sagesse.

Il est la lumiere des Gentils, le messager de salut, l'Ange du grand conseil, l'Apostre de nostre confession, le grand Prophete, & le Christ, le grand Pasteur: & nous ne parlons, n'enseignons, & ne paissions le troupeau que par luy.

Ce qu'il dit, que S. Pierre a esté reconnu pour le prince des Apostres, est faux; quoy que S. Gregoire & autres l'ayent voulu dire: car il n'a esté que comme vn autre Apostre, S. Paul luy a résisté, l'a reprins. S. Pierre ne luy a rien appris. Les autres Apostres luy ont fait rendre raison de son faiët: Et il ne leur a iamais commandé, ny ne les a enuoyez, mais bien eux luy. Et S. Iean & S. Jaques estoient estimez colōmnes comme luy.

*S'il n'y a vn Pape (dit-il) tous voudront estre compaignons, & chacun vouldra faire du maistre.*

Matt. 23.  
8. 9. Il y a bon remede. Dieu veut que nous soyōs entre les ministres tous freres. Nostre Seigneur l'a dit, & que luy seul soit nostre Maistre. Il ne faut pas donc que rien soit resolu en l'Eglise pour nostre salut, que par sa parole. Mais, dira-on, comment se pourra faire cela? Ou comment sçaurez-vous qu'il n'y a rien resolu que par sa parole; s'il n'y a quelqu'un qui ait le sainct Esprit, & soit par dessus tous, pour faire ceste resolutiō & en asseurer? Je respon, que plusieurs pasteurs la feront suyuant la parole de Dieu, & l'asseureront aussi bien & mieux qu'un seul; y verront, iugeront, cognoistront & discernent par la

parole de Dieu : & n'auront moins la grace du S. Esprit qu'un seul ; & ne verront moins, ains mieux les difficultez qu'un seul. Lors chacun consultera la bouche de Dieu en sa parole. Nostre Seigneur n'a pas donné d'autre reigle en tel cas, & n'a pas esté autrement pratiqué par les Apostres en l'Eglise primitive.

Il veut disputer de la Monarchie, & la preferer à tous autres gouuernemēs. Nous n'entrons pas en ceste dispute : car i'accorde franchemēt que la Monarchie avec raison, a tousiours esté tenuē pour le premier & plus noble gouuernement : mais nous njons fort & ferme, qu'au faict de nostre salut, il y ait autre Monarque que nostre Seigneur. Je dy que luy seul preside en son Eglise par sa parole, & rien n'y doit estre conclu que selon qu'il est sorty de sa bouche, & comme nous l'auons en sa parole. Celuy est seul le Monarque de l'Eglise que Dieu y a constitué prince, fait Seigneur, & par la parole duquel l'Eglise doit estre regie. Or Dieu a cōstitué nostre Seigneur seul prince sur tout son Israël, l'en a fait Seigneur, le Christ, Roy, Prophete, & Sacrificateur : l'a fait soir à sa dextre, luy a donné toute domination & puissance au ciel & en la terre, l'a fait le prince & le pere de ce siecle, luy a assuietti le monde, à luy vray Dieu & vray homme : Et l'Eglise doit estre gouuernee par l'Euangile de nostre Seigneur, pource appelée la parole du Royaume, comme pour cela aussi

Aa. 3.

Psea. 110.

Heb. 1.

Esa. 9.5.

Matth. 13.

Matth. 17. le Pere a dit, Escoutez-le. Nostre Seigneur est donc seul le monarque de son Eglise, comme aussi pour cest effect nous l'appellons nostre Seigneur: qui nous sera present par son Esprit iusques à la fin du monde, sans qu'il nous faille autre lieutenant. Il nous sera present (di-ie) comme chef, Seigneur, Roy, & Dieu avec le Pere, & le saint Esprit, vn seul Dieu, si nous-  
 Matth. 28.  
 Ican 4. 23.  
 & 15. 10.  
 nous reglons à sa parole. Que de Sponde sache donc, que nous voulons qu'un seul Christ soit ouy en l'Eglise de Dieu, où Dieu l'a constitué Prince: & qu'il sçache aussi, que nous ne voulons pas introduire d'Aristocratie au Royaume; non plus que de Prince estranger comme font les Iesuites, & non plus que de principauté en l'Eglise. Nostre Seigneur n'a pas voulu, que ny saint Pierre, ny pas vn de ses Apostres, fussent comme Rois, ou Princes,  
 Luc 22. 24.  
 25. 26. ou Empereurs; ny comme le Pape, qui est plus que tout cela.

Si saint Gregoire & saint Hierosme ont appelé saint Pierre le Prince des Apostres, est-ce l'antiquité? Nous sçauons que les Apostres ne l'ont pas ainsi appelé, ny tenu pour tel. S'il est nommé le premier, S. Hierosme dit la raison contre Iouinian; c'est qu'il estoit le plus ancien: Et n'a pas esté nommé le premier, à ce qu'il fust leur prince, pour auoir & laisser au Pape vne autorité de commander à toute l'Eglise, outre & par dessus la parole de Dieu. Nostre Seigneur auoit defendu cela, Que nul ne se diroit le premier, ou le

plus grand, ou le prince entr'eux. L'Euangile dit cela, qui est plus ancien que sainct Hierosime, ny sainct Gregoire, & plus ancien que les Conciles. Nous disons donc, que l'Eglise se gouuerne par Monarchie, quand Dieu y preside par sa parolè, comme a esté dit. Les Ministres y sont tous seruiteurs, & ambassadeurs pour Christ, & l'un autant que l'autre. Il dit, *que ce sont les schismatiques, qui ne veulent recevoir vn Euesque de tous les Euesques & vniuersel*. L'antiquité pourtant n'en a pas voulu: Et quatre cens ans apres nostre Seigneur, ne ont tenu l'Euesque de Rome que comme vn des primats. ou Archeuesques: & ne luy ont donné le premier lieu qu'à cause de Rome; & non qu'il fust primat & pasteur de toutes les Eglises. S. Gregoire dit, que *sic scinditur ecclesia*; c'est à dire, ainsi se fait le schisme en l'Eglise, à sçauoir, quand il y a vn chef vniuersel. Vous pensez qu'auoir vn Pape, soit le lien d'vnité: vous vous abusez, & sainct Gregoire vous dit, que c'est ce qui fait le schisme, Voulez-vous disputer cela contre S. Gregoire? Ce qu'il a dit en cela est vray; & depuis la Papauté, on n'a veu que troubles, diuision, & schismes en l'Eglise; ie dy par tout le monde. Or vous auez vn Pape, & vn chef vniuersel & le soustenez, vous estes donc schismatiques: (ie dy au dire de sainct Gregoire) & nourrissez le schisme, que faussement vous nous imposez.

De Sponde nous cōpare à Coré, Dathan, &



*Abiron*: mais nous ne tenōs rien d'eux. Nous nous submettons à Dieu & à sa parole. Nous ne nous esleuons ny contre Dieu, ny contre son Christ, comme fait ce Coré de Rome. C'est luy qui fait comme Dathan & Abiron. Il prend l'encensoir de la main de nostre Seigneur, & veut estre le grand Prestre, & icy, & au ciel. Au lieu que nous auōs nostre Seigneur, nostre chef, seant & intercedant pour nous à la dextre de Dieu, & gōuernant icy son Eglise par sa parole: c'est le Pape qui s'esleue contre Moÿse, au moins contre sa doctrine, & iette sa chaire à bas: Et pour y poser la sienne, & seul iuger l'Eglise, il iette bas celles des Apostres: qui assis sur douze sieges, iugent les douze lignees d'Israël; c'est à dire, toute l'Eglise par leur doctrine, quand elle est conduite par icelle. Le Pape met hors de l'Eglise la doctrine de nostre Seigneur, pour y faire receuoir la sienne toute contraire, en ce qu'elle annonce salut autrement que l'Euan-gile, par mille & mille faux, ridicules, & detestables moyens; & non par vn seul Iesus Christ, seul l'Agneau de Dieu, qui oste les pechez du monde. Quelqu'vn dira, que Moÿse a esté Pape; cela est faux: Moÿse n'a iamais rien fait de ce que le Pape fait. Il a tousiours interrogué la bouche du Seigneur, n'a rien commandé ny ordonné, que Dieu ne luy eust dit. Le Pape a la parole de Dieu en l'Ecriture sainte, & si ordonne & commande contre icelle, & sans icelle.

Nostre aduersaire nous impose aussi, *que nous sommes Aériens*. Il luy a esté respondu cy dessus: mais icy il veut dire, que nous ne voulons pas de superieur en la Religion. Nous respondons que non, de ceux qui ordonnent contre la Religion & la parole de Dieu. Il dit que nous ne mettons pas de difference entre les ministres de l'Eglise. Aussi saint Hierosme dit, qu'anciennement n'y en auoit pas: Et que l'Euesque d'Egube pouuoit autant à Egube, que celuy de Rome à Rome. Et Gregoire Nazianzene deplore le mal qu'a apporté en l'Eglise de mettre Euesques sur Prestres, & Archeuesques par dessus les Euesques. Qu'eust-il dit, s'il eust veu vn Pape sur tout cela, & se faire adorer comme Dieu? En cela donc nous suyons l'antiquité: Et ne nous chaut que ç'ait esté l'opinion des Aériens. Pleust à Dieu qu'en eux n'y eust à reprendre que cela! En ce qu'ils ont erré, nous ne les suyons pas. Nous ne sommes pas Aériens, graces à Dieu; ny ne refusons la communion aux mariez: ny n'enioignons le vœu de virginité, ny de s'abstenir des viandes pour estre sauuez. Mais vous purgez-vous de cela? vous ne pouuez. Vous demeurez donc Aériens, & suyuez en cela leurs maximes.

Sur l'epist.  
à Titc.

*Vous nous alleguez volontiers (dit de Sponde Page 91. de) le Canon du Concile d'Affrique. Pourquoi non? Il coûte par ce Canon, que les Euesques d'Affrique ont reietté la Papauté. Car voicy les mots, comme les met de Sponde mesme.*

*Primæ sedis Episcopus non appelletur Princeps sacerdotum, aut summus sacerdos, aut aliquid huiusmodi* : C'est à dire, que l'Euesque du premier siege ne s'appelle point Prince des Prestres, ou souuerain Prestre, ou de quelque terme semblable : mais seulement Euesque du premier siege ; cela est clair en quelque siege que ce soit. Il dit, qu'il ne sçait à quoy nous pensons, si nous ne prenons garde au titre sous lequel ce Canon est colloqué ; à sçauoir, sous le titre des primats. Je respõ, que c'est là où nous le voulõs. Mais soit ou pourra : Où auoyent l'esprit ceux qui l'ont là mis, veu qu'il vous est tout cõtraire ? Mais Dieu auoulu, que vous ayez là posé vn bastõ pour vous battre : Car l'Euesque de Rome, n'est-il pas de ces primats ? Ce titre donc ne luy est-il pas interdit ? De Spõde loge les primats où estoyẽt les sieges des officiers des Empereurs ; comme Rome, Constantinople, Alexandrie, & ailleurs. Et, dit-il, selon l'epistre d'Anaclet, & de saint Clement à S. Iaques : comme si de ce temps-là les primautez s'establissoyent, veu que l'Eglise n'osoit encores paroistre, ny à Rome, ny ailleurs, ny cent ans apres. Nous auons monstré la fausseté de ceste epistre de saint Clement cy dessus : mais puis qu'ils estoyent entr'eux en esgale dignité, il n'y auoit pas done de superiorité. Il dit apres, qu'il y auoit plusieurs primats en Affrique ; il faudroit prouuer cela. A ce qu'il dit, que ce Canon a esté, de peur que les primats ne se debordassent con-

tre les Archeuesques: Ie dy, quelle insolence. y a-il plus grande, que celle du primat de Rome, non pas sur & contre quelques Archeuesques seulemēt, mais sur ceux de tout le monde? Il nie cependant, que ce Canon soit contre le Pape, & puis le concede. Mais au sens qu'il a dit cy deuant; à sçauoir, qu'Euesque ou prestre vniuersel, c'est qu'il n'y ait ny prestre, ny Euesque qu'un en tout le monde, & que tous les autres soyent desmis de leurs Eueschez; comme si le Concile auoit voulu dire cela: ce qui est faux & ridicule. C'est ce que de Sponde veut dire. Et puis quant & quant s'en desdit, disant; qu'au moins Pelage l'a ainsi entendu, & S. Gregoire aussi, quand ils ont reietté ce mot d'vniuersel. Ce qui est totalement faux. Car quand ils ont reietté ce titre vniuersel, ils ont reietté ce que defend ce Canon, qui est ce que le Pape tient & vsurpe; c'est vne domination sur toutes les autres Eglises. Pour preuue il dit, que Pelage s'est Page 91. porté pour Euesque vniuersel, & saint Gregoire aussi. Ie dy qu'encore vn autre coup, il monstre icy son impudence: car Pelage ne vouloit pas qu'on luy deferaist ce titre d'vniuersel, & l'abominoit, qui estoit estre ce qu'est le Pape maintenant, & non pas oster aux autres Euesques leurs Eueschez, ou qu'il n'y eust que luy Euesque. Saint Gregoire de mesme, comme il se voit en l'epistre 30. du liu. 5. Car l'Empereur se complaignoit (comme il dit) & disoit, *pro appellatione friuoli no-*

*minis inter nos scādalum generari non debet:* c'est à dire, pour vn nom friuole, faut-il qu'il y ait si grand scandale entre nous? L'Empereur Maurice sçauoit bien donc; qu'il n'estoit pas question d'oster aux Euesques leurs Eueschez: mais seulement de nommer Iean Euesque vniuersel, ou Euesque sur tous les autres Euesques, comme est le Pape. Maurice appelloit cela vn nom friuole: Car Iean ne monstroït pas les cornes si grandes, que depuis sous ce nom le Pape les a prises, quand de ce nom qu'on estimoit friuole, il se fait Dieu en terre. Mais s'il eust esté question d'oster aux autres Euesques leurs Eueschez, eust l'Empereur dit que c'estoit vn nom friuole? qui l'eust enduré? Que veut donc dire de Sponde?

Sainct Gregoire l'interprete ainsi, disant; *quibus dum cupis temetipsum elatione vocabuli praponere, eorumque nomen tui elatione calcare: quid aliud dicis, nisi in cælum conscendam?* c'est à dire, Quand par vn mot si enflé, tu te preferes aux autres, & veux fouler leur nom en comparaison du tien, que fais-tu que dire, le monteray au ciel? Par là sainct Gregoire ne parle pas que de cōparaison, comme de nous pour faire l'vn plus grand que l'autre, & n'est pas question de despoüiller aucun de son Euesché. Mais que vouloit ce Iean, qu'estre preferé à tous en nom? comme dit le mesme Gregoire en ces mots, *qui non solum pater, sed etiam generalis pater in mundo vocari appetit:* c'est à dire, qui ne veut pas seulement estre appelé

appelé pere, mais le pere general au monde.

De Sponde amené apres vn Canon de Pelage; par lequel il monstre, que Pelage reconnoissoit son siege pour le premier en rang & en autorité par dessus tous. Le Canon c'est, que Pelage ordonne, que dans trois mois le Metropolitain vienne prendre le manteau de la main de l'Euesque de Rome, & apporté sa confession de foy, & autrement soit priué de son Euesché, & à iceluy proueu par les autres Euesques, & selon l'aduis de l'Euesque de Rome. Tout cela monstre, que l'Euesque de Rome estoit l'Euesque du premier siege: mais cela n'estoit que pour l'Occident: cela se pouuoit faire, & se faisoit sans que l'Euesque de Rome eust ceste autorité papale dót il se vante maintenant; tesmoin que le Metropolitain rebelle, estoit priué par les Euesques, & vn autre esleu en sa place par eux-mesmes, & avec l'aduis de l'Euesque de Rome: Car il auoit aussi son droit en ceste election du Metropolitain. Celuy qui estoit esleu, deuoit apporter sa confession de foy; c'estoit pour n'en receuoir qui ne fut orthodoxe, & fermer la porte aux heresies. Il la deuoit apporter à l'Euesque de Rome, car c'estoit l'Euesque du premier siege en l'Occident: & auoit le premier ceste charge d'examiner ceste confession de foy. Si celuy qui estoit esleu ne faisoit cela, il estoit priué de son Euesché, comme suspect en la foy; non par l'Euesque de Rome, mais par les autres

Euesques, qui aussi en eslisoyēt vn autre, avec l'aduis de l'Euesque de Rome. Quāt au manteau que donnoit l'Euesque de Rome au Metropolitan, c'estoit pour tesmoignage de son premier siege, & le siege de Rome s'est bien sceu seruir de cela, pour monter à la papauté. Car Satan a par ce moyen couué, esclos, & assis l'Antechrist sur le siege de Rome.

Page 93.

Quant à ce que S. Gregoire se plainct sur le Pse. 5. que ce Iean Patriarche vouloit aussi s'assubiettir l'Eglise de Rome, qu'il appelle le chef de toutes les Eglises, & l'Eglise de saint Pierre: & dit que nostre Seigneur la luy auoit donnee specialement, en disant; *Ego dabo tibi ecclesiam meam*. Nous respōdons, qu'il conste assez, que Gregoire ne vouloit pas estre suiect à Iean Patriarche ou Euesque de Constantinople: Au contraire, que plustost il luy sembloit que ceste primauté estoit deuē il ne dit pas à luy, mais à l'Eglise de Rome laquelle pour cela il appelle le chef de toutes les Eglises. Mais où trouuoit il cela? car l'Escripture sainte ne donne pas aux Eglises autre chef, que nostre Seigneur. Et les Anciens ne ont donné aux Eglises autre source, ou mere, ou matrice, que l'Eglise de Ierusalem. Au surplus, saint Gregoire l'appelle l'Eglise de S. Pierre, & dit que nostre Seigneur la luy a donnee en disant; *Ego dabo tibi ecclesiam meam*. Cela ne se list point, saint Gregoire en aduance trop.

De Sponde dit, que ce seul passage monstre que



*S. Gregoire n'a pas voulu aneantir la primauté de l'Eglise Romaine.* Cela est vray, telle qu'elle l'auoit lors, à sçauoir d'estre le premier siege; dont S. Gregoire prenoit beaucoup d'auantage, cōme chacun peut voir: & semble qu'il vueille dire, que ce que briguoit le Patriarche de Constantinople, appartenoit à l'Eglise de Rome, & à son Euesque: Toutesfois il a condamné cela. Au demeurant, s'il a iugé cela luy appartenir; il ne sera pas iuge en sa cause: son iugement n'est rien, s'il n'y a passage exprez en la parole de Dieu.

De Sponde dit, *que si S. Gregoire viuoit, & qu'il veit nos fureurs, qu'il perdrait patience, aussi bien que S. Paul.* Quoy? ce miserable trouue-il que S. Paul ait perdu patience, ou qu'elle luy soit eschappée? Ouy, dit-il, *Pource qu'on reuoquoit en doute son pouuoir; & il s'estoit fait seruiteur de tous, cōbien qu'il ne fut obligé à personne.* Veut-il dire, que le Pape se fait ainsi seruiteur de tous? qui ne voit que c'est vn Maistre valet? De Sponde ne parle que de pouuoir, & dit qu'on reuoquoit en doute le pouuoir de S. Paul. Il s'imagine en l'Apostre vn pouuoir fier, esclattant & superbe, à la mesure de la grandeur du monde, & comme celuy du Pape: & non vn ministration foible en apparence, mais plein d'efficace en puissance, par la vertu du S. Esprit au salut des esleus, & en condamnation aux rebelles.

*Nous deuons (dit-il) craindre le courroux des successeurs de Gregoire, & non abuser de son humi-*

*liée.* Quelle? Qu'il deuoit & pouuoit se porter pour superieur de tous les Euesques comme fait le Pape, & ne le faisoit pas? Comment? S. Gregoire disoit, que celuy qui feroit cela, seroit semblable au Diable; comment donc eust-il peu & deu faire cela? Il veut que nous craignons la malediction du Pape. Nous n'auons-pas peur de cela, & toutesfois ne craignons que trop le courroux des Papes à cause des troubles & confusions dont ils sont les auteurs en plusieurs Royaumes, & les voudrions bien appaiser sans offenser Dieu: Dieu amolisse leurs cœurs, leur vueille donner repentance pour leur faire misericorde. Au reste, S. Gregoire n'a parlé que du Concile de Calcedoine, qui ne fait pas l'autorité du Pape sur toutes les Eglises, non plus que les autres trois premiers Conciles, comme nous auons veu.

Page 94.

Pour prouuer derechef l'autorité de l'Euesque de Rome, sur tout ce qui est de la religion, il dit, *que les Conciles assemblez sans son autorité estoient nuls.* Cela est faux & impudent: Les quatre premiers Conciles ne furent pas assemblez par son autorité. Il s'est assemblé en Asie, en Affrique, en Espagne, en France plusieurs Conciles, & presque tous, sans son sceu & autorité: & s'y en est assemblé contre luy à Lyon, à Pise, & à Constance, là où le Pape fut depose, voire deux, & vn esleu. Que veut donc dire de Sponde?

Afin de prouuer cela mesme, il va derechef

à Athanase. *Quel tesmoing* (dit-il) *voulez-vous plus irreprochable de l'authorité de l'Eglise Romaine, que ce grand Athanase en ses lettres tant au Pape Marc, qu'au Pape Libere; là où il appelle l'Eglise Romaine la mere & le chef de toutes les Eglises, & de la vraye foy?* Je confesse qu'il y a en ses epistres beaucoup de titres, des louanges, assez de demandes ineptes, mais vn style dissemblable à celuy d'Athanase. Au reste, il appelle l'Euesque de Rome *uniuersa Ecclesia Papa*. C'est cōtre ce que S. Gregoire a escrit, & long tēps apres. Marc auoit fait confession de sa foy à Athanase; il demande à Athanase la sienne, pour estre fortifié de plus en plus en sa foy: & nō pour autorité qu'il eust sur les Eglises d'Epypte: car il y auoit en Epypte, le Primat d'Alexandrie. Mais ne comuniquons-nous pas ainsi entre nous de nos escrits en nos Eglises reformees, sans prendre d'autorité l'vn sur l'autre? Quant à l'epistre qu'il dit d'Athanase, chacun la peut voir; mais ce n'est pas texte d'Euangile.

Cependant c'est sur cela que de Sponde se persuade, que du temps des Apostres mesmes l'Euesque de Rome a esté en autorité, toute telle qu'est aujourd'huy le Pape. Je vous demande si de Sponde est sage? ce que dit Gregoire fait foy du contraire. De Sponde se plainct aussi fort & s'escrie contre nous, de ce que nous disons, que *Phocas* (*meschant hōme*) a esté le premier qui a estably ceste primauté ecclésiastique à Rome en faueur de Boniface. Mais

cela n'est-il pas vray ? S'il le veut nier, qu'il face donc brusler toutes les histoires de ce tēps-là. Phocas voulut estre aidé par Boniface pour auoir l'Empire: il luy rendit la pareille, en le faisant Euesque vniuersel ; c'est à dire, le constituant Euesque sur tous les Euesques. Auant luy, nul ne s'estoit osé dire Euesque vniuersel : & notamment Pelage & Gregoire, ses deux predecesseurs, auoyent refusé cetitre. De Sponde ( pour se monstrier bien fin ) dit, *que Phocas appaisa le different; auquel* (dit-il) *Maurice s'estoit monstré lasche.* Je demande, en quoy lasche ? A establir Gregoire Euesque de Rome. Quoy ? contre sa volonté ? le faire Diable par force ? Gregoire n'en requeroit pas Maurice, il abhorroit cela. Comment donc fut Maurice lasche, de ne le faire pas Pape ? C'est l'ignorance & l'impudence de Sponde. Et cependant nous sommes malicieux, ignorans, & grossiers, si nous ne confessons que Maurice denioit d'establir pour chef vniuersel de l'Eglise Gregoire, qui abhorroit cela comme d'estre Diable, ainsi qu'il dit luy-mesme. Maurice luy a-il desnié ce qu'il n'a jamais demandé, & qu'il a abominé ?

Il s'esforce de prouuer par la nouuelle constitution du Canon de Iustinien, que ceste primauté d'Euesque vniuersel, appartient à l'Euesque de Rome. Et le Canon comme il l'allegue, ne porte rien de cela, sinon que l'Euesque de Rome seroit l'Euesque du premier siege, & celuy de Constantinople apres. Estoit-

ce pour cōstituer l'Euesque de Rome par dessus tous les Euesques, & luy non suieēt à eux? Les Conciles y contredisent, & notamment celuy de Constance. L'Euesque de Rome estoit le premier, se feoit le premier. Ce rāg luy estoit concedé à cause de Rome, le premier lieu du monde : mais non pour commander aux autres, entreprendre rien de son autorité, ou contre la parole de Dieu, & contre les Conciles & les aduis des autres Euesques. Cependāt apres qu'on a eu donné ce premier lieu à l'Euesq de Rome, il a peu à peu gaigné l'authorité sur toutes les Eglises, au moins de l'Europe. Et Phocas qui a estably cela, ne l'a pas fait selon le Canon de Iustinien. De Sponde met ce Canon en Grec, mais il ne luy Page 95. sert pas plus qu'en Latin : car l'Empereur ne vouloit pas que l'Euesque de Rome eust de domination sur les Eglises d'Orient, comme il se voit par ce Canō. Je dy donc que ce Canon, est contraire à ceste autorité vniuerselle du Pape sur toutes les Eglises : & ne porte nul pouuoir de changer ny ordonner en la Religion, sans pouuoir errer. Le Canon ne dit rien de cela : & quand il le diroit, ce seroit horreur, voire si les Anges mesmes le disoyēt. Il dit *que Iustinien n'ordonna rien en cela contre les anciens Canons.* Toutefois, dit-il, *n'entendez pas que ces Canons soyent ceux du Concile de Nicee.* Il ne veut pas de ceux-là; Pourquoi? Car (dit-il) *le 6. Canon, qui distingue les Patriarchats selon la coustume de l'Euesque de Rome, parle en-*

core des *coustumes anciennes*. Je respon, que tant mieux, & que c'est ce que nous voulons que l'antiquité, voire la plus ancienne. Cela luy est cōtraire, de distinguer les Patriarchats & en donner aux autres autāt qu'à l'Euesque de Rome, ou les faire cōme celuy de Rome, comme dit le Canon, *Sicuti in Ecclesia Romana par mos est*: c'est à dire, comme pareille est la coustume en l'Eglise Romaine. C'est donc que l'Euesque de Rome auoit cōmencé ceste primauté à Rome; & vers ces quartiers: les autres voulurent tenir leur rang aussi, & en faire autant. Mais de Sponde nous demande, d'où est venue ceste coustume de l'Eglise Romaine? *Cerchez* (dit-il) *monstrez-nous-en l'original; cotez les auteurs; & nous esclarcissez les ténèbres de ceste antiquité*. Il veut dire, que nous ne sçaurions: & partant qu'il faut dire, que cela estoit du temps de saint Pierre; & allegue saint Augustin, qui dit, qu'il faut rapporter aux Apostres ce qui se fait en l'Eglise de telle ancienneté, qu'on n'en sçait pas le commencement, & qui n'a point d'approbation. Saint Augustin a-il dit cela des choses, qui repugnent à la parole de Dieu? Non: mais de celles qui y conuiennent; encore qu'elles n'y soyent point couchées en termes exprez. Car de celles qui ne conuiennent à la parole de Dieu, S. Augustin contre Faustus lib. 23. ch. 9. contredit, qu'il les faille rapporter aux Apostres; encore qu'elles ayent esté introduites en l'Eglise. Nous ne receuons

donc rien en l'Eglise, que ce qui est selon l'E-  
 scriture sainte; comme nous enseigne S. Au-  
 gustin au lieu allegué. Et S. Hierosme, ce qui  
 n'a autorité des Escritures, est aussi facile-  
 ment reietté que prouvé.

Après cela, de Sponde n'ayant rien gagné  
 pour toutes ses belles raisons, essaye de l'em-  
 porter par blandices. *C'est que les ames les plus  
 blanches leur accordent, que l'Euesque de Rome a  
 esté appelé l'Euesque du premier siege.* Je respon-  
 qu'il faut d'oc maintenant en venir à ce point,  
 & se contenter de cela, qu'autresfois l'Eues-  
 que de Rome a esté tenu l'Euesque du pre-  
 mier siege. Que sert donc d'auoir tant deba-  
 tu de sa primauté & autorité vniuerselle,  
 pour maintenant le quitter si honteusement,  
 & se contenter de si peu? Mais il veut que  
 nous luy accordiôs, que de tousiours, l'Eues-  
 que de Rome a esté tenu l'Euesque du pre-  
 mier siege: & nous disons, que ce n'a esté que  
 depuis Iustinien qui en fit la constitution.  
 Quoy qu'il en soit, il ne nous en conste rien  
 de plus ancien: car au cōcile de Nicee fut ad-  
 uisé, que les autres primats seroyent en leurs  
 Eglises, & seroyent comme l'Euesque de Ro-  
 me estoit à Rome. Et là son pouuoir luy est  
 limité; à sçauoir dans les limites de Rome, &  
 lieux adjacets, & non par tout; nō pas mesmes  
 en toute l'Italie. Et voilà la glose qu'il attend,  
*soit pour l'ordre, soit pour le pouuoir.* Car du tēps  
 des Apostres, on ne parloit point, ny long  
 temps apres, d'Euesque du premier siege: Et



n'en a esté parlé iusques au premier Concile de Constantinople, comme a esté dit. Et l'Eglise de Ierusalem estoit tenue pour la mere des Eglises. Et apres les Euesques, se debattans de la preface, pour l'ordre, l'Euesque de Rome fut tenu pour l'Euesque du premier siege, à cause de Rome le premier lieu du monde, comme a esté dit plusieurs fois. Cest ordre estoit, qui iroit le premier, opineroit le premier, & auroit entr'eux le premier honneur. Car Satan les menoit à debatre de cela; & pour couuer & en fin esclorre l'Antechrist, & le poser par ceste primauté en quelqu'un de ses sieges, comme il a fait à Rome. Saint Pierre pour estre nommé le premier, n'a pas eu plus qu'un autre Apostre : ny aussi l'Euesque de Rome plus qu'un autre Euesque, pour estre nommé l'Euesque du premier siege : car ils auoyent charge & autorité esgale, quand ils estoient ensemble. L'un n'auoit ou n'eust eu lors plus de voix que l'autre. Et au demeurant, chacun estoit premier en son climat, combien que l'Euesque de Rome fust le premier entre tous eux, à cause de Rome le premier lieu, & non de droit diuin.

Page 96.

Le deuoir  
du vray  
Pasteur.

*Le mot (dit-il) de paistre les brebis du Seigneur, ne signifie entre nous de la Religion reformee autre chose, que prescher & bailler les Sacremens.* Je respon, qu'aussi le reste qui s'en ensuit; comme la censure des mœurs, la uisitation des malades, les exhortations, reprehensions, & consolations particulieres, soit par escrit, soit de

viue voix, soit au Consistoire, soit aux mai-  
sons qui se font à cest effect par les Ministres  
& Surueillans. Bref, c'est mener les brebis du  
Seigneur paistre és pasturages de la vie eter-  
nelle, les mener aux viues fontaines des eaux,  
ramener les brebis desuoyees, guerir les ma-  
lades, porter & supporter celle qui ne peut  
suiure, separer la galeuse, chasser le loup de  
la bergerie, y auoir l'œil, & tousiours regar-  
der si on a son conte.

*Mais, dit-il, que deuiendront donc les glaives  
spirituels des excommunications, & tout le reste du  
pouuoir ecclesiastique, en l'agencement du temple  
de Dieu? Cela est aussi en ce que i'ay dit. Mais  
ils ne parlent que de glaive & de pouuoir;  
pour frapper, excommunier, tonner & fou-  
droyer, pour dire, faire & ordonner tout ce  
qu'il leur plaira: & ne se pensent armez d'un  
seul glaive, mais de deux, l'un spirituel, l'autre  
temporel: & disent, que nostre Seigneur les a  
donnez au Pape, & comme pour les porter  
tous deux en vne guaine, & les tirer contre  
tous ceux qui luy contredisent, soyent Rois  
ou autres, iacoit qu'ils soyent appuyez de la  
raison, & de la parole de Dieu. Où trouuēt-ils  
que nostre Seigneur leur ait baillé ces deux  
glaives? Est-ce en ces mots de nostre Sei-  
gneur; Qui n'a point de glaive, vende sa robe  
& s'achetté vn glaive: & que lors l'un des assis  
dit, Seigneur voicy deux glaives, & que no-  
stre Seigneur dit, c'est assez? C'est là leur  
fondement. Mais nostre Seigneur parloit par*

LUC 32.36.  
38.

similitude, laquelle pour lors les Apostres n'entendoyent pas: nostre Seigneur vouloit qu'ils se preparassent à vn combat d'afflictio, & leur en parle comme s'il falloit aller à la guerre: car lors on vend iusques au manteau pour s'acheter des armes. Et quād quelqu'un eut dit, voicy deux glaiues, nostre Seigneur dit, c'est assez: non pas pour dire qu'il y auoit des armes prou, mais pour dire qu'il estoit temps de se leuer de table, & d'aller où Dieu l'appelloit; à sçauoir, se donner à la mort pour nous. Y a-il en cela où fonder leur pouuoir, leur iustice ecclesiastique, temporelle, leurs Baronnies, Comtez, Duchéz, Estats, Principautez & Royaumes: voire de pouuoir mesmes mettre le pied sur la gorge des Empereurs, de les despoüiller de leurs estats, & de mettre les Rois en blanc: & le reste du pouuoir que le Pape se donne, comme de fulminer, de citer en cour de Rome, & prēdre puissance sur les corps & sur les ames? C'est comme Gregoire septiesme en faisoit à l'Empereur Henry 4. C'est ce que de Sponde appelle l'agencement du temple de Dieu. S. Pierre ne faisoit-il pas cela? Mais la beauté de l'Eglise de Dieu, & ce pouuoir Ecclesiastique est en guerroyant contre Satan, contre le peché, ostant le mal, liurant l'impenitent à Satan, humiliant le pecheur, en l'amenant à repentance & à salut, luy assurant la remission de ses pechez par la predication de l'Euangile.

Il dit apres, *si Phocas n'a rien ordonné, sinon*

que le Pape tiendrait le premier rang, le taxer-  
vous de cela, & le Pape de l'auoir pris? Mais qui  
dit que Phocas n'ait ordonné que cela, ny  
Boniface rien fait que cela? Cela estoit auant  
Boniface: nous disons, que Boniface a esté e-  
stably Pape, & non qu'il seroit le premier en-  
tre les preláts, ou entre les Patriarches. Ro-  
me auoit cela d'estre le premier siege de l'Oc-  
cident, & Phocas en fit le siege de toute la  
Chrestienté, pour commander à toutes les  
Eglises. Et quand tous ces primats estoient  
ensemble auparauant Phocas, celuy de Ro-  
me ne tenoit que le premier rang; mais il ne  
commandoit pas aux autres: & ainsi il n'e-  
stoit pas seulement question entre Iean & S.  
Gregoire, d'aller l'un deuant l'autre, mais  
Iean vouloit commander à Gregoire: & Pho-  
cas fit que Boniface successeur de Gregoire,  
commanderoit à Iean, & l'Eglise de Rome à  
celle de Constantinople. Nous disons donc,  
que la tyrannie de la Papauté, prend son ori-  
gine de Phocas, & ne disons pas que Phocas  
ait rien establi pour la preface seulement:  
cela estoit auparauant, & auparauant la con-  
stitution de Iustinien, le siege de Rome estoit  
tenu le premier siege; mais sans commander  
aux autres. Nous ne disons pas aussi, que cest  
estœuf de Papauté fut balloté (comme dit de  
Sponde) entre Gregoire & Iean seulement  
pour la preface: car c'estoit pour la domi-  
nation de l'un par dessus l'autre, & pour estre  
sur toutes les Eglises de l'vniuers. De Sponde

trouue estrange, que d'autres n'ayent voulu pretendre cela comme Iean & Gregoire: Ils n'estoyent pas aux lieux celebres, ausquels on iugoit cela appartenir: car ils n'ont eu primauté qu'à cause des lieux. Mais pourquoy dit de Sponde cela? car veut-il contredire que ces deux n'ayent debatue de cela, au moins que Iean ne l'ait pretendu, & Gregoire reprouué; quoy que sur le Psea. 5. il semble se le vendiquer?

De Sponde dit apres, que *Phocas n'auroit pas prononcé Boniface pour chef de l'Eglise, s'il eut pensé que ce chef ne deuit auoir les fonctions, qui luy sont propres en l'Eglise.* Quoy? estoit-ce à Phocas d'ordonner vn chef sur toutes les Eglises? Dieu en a ordonné vn. Nostre Seigneur n'a pas voulu qu'il y eut autre que luy, Seigneur & maistre sur sa maison. Et puis que Phocas en a ainsi ordonné, de Sponde veut dire que cela est bon, & qu'il faut que ce chef ait les fonctions sur le peuple de Dieu & y dominer. Mais nostre Seigneur a defendu cela, & saint Pierre escrit à l'encontre, nous fonderons nous sur le faict de Boniface & de Phocas? De Sponde l'a appellé meschant; & conste qu'il ne fit Boniface Pape, que pour estre iustificié du massacre qu'il auoit commis sur les personnes de l'Empereur, de l'Imperatrice, & de leurs enfans. La Papauté est fondee sur le sang, & sur vn parricide (auparauant il n'y auoit ny Pape, ny Papauté comme depuis.) Que peut donc la Papauté estre que malheu-

Matth. 23.

11. 21.

Luc 22. 26

1. Pier. 5. 3.

reuse, veu mesme qu'elle est contre l'Euañgile? & de Sponde nous veut faire croire, que Phocas n'eut pas ordonné le Pape pour chef sur les Eglises, s'il n'y deuoit commander. Je dy qu'il se moque de la cause du Pape.

*Mais* (dit de Sponde apres) *veu qu'on ne* Page 96.  
*veut recognoistre le Pape, ny pour l'Euesque du premier siege, ny pour Euesque, & qu'on le tient pour l'Antechrist: que sert-il de disputer qu'il a esté iadis l'Euesque du premier siege?* Je demande, pourquoy donc en dispute de Sponde, s'il ne veut faire paroître que celuy qui est au iourd'huy l'Antechrist, a esté iadis l'Euesque du premier siege, pour faire voir l'œuf dont l'Antechrist s'est esclos?

Nous tenons de vray, le Pape de Rome pour l'Antechrist: non pas pource que Martin Luther & Iean Calvin l'ont dit; mais parce que nous voyons aussi qu'il est Antechrist. Car le Pape fait, ce que la parole de Dieu dit que feroit l'Antechrist. La parole de Dieu ne dit pas que l'Euesque de Rome sera l'Antechrist: mais elle dit, que l'Antechrist s'esleuera sur tout ce qui est dit de Dieu, & se soira au temple de Dieu, comme Dieu. Le Pape fait cela, n'est-ce pas l'Antechrist? l'Eglise est le temple de Dieu, il y est assis, & y preside: ie dy en l'Eglise Romaine, & de là veut commander par tout. Le Pape commande & ordonne comme s'il estoit Dieu, veut que ce qu'il dira soit receu pour parole de Dieu, & comme s'il estoit fort de la bouche de Dieu.

2. Theff. 2.  
3. 4.

Vous dites, qu'il ne peut errer: est-il pas donc Dieu ? Il change en la parole de Dieu, ordonne par dessus icelle, dispense de ce que Dieu a defendu, permet le mal que Dieu defend, & defend le bien que Dieu commãde: & fait cela en l'autorité de Dieu, & comme s'il estoit Dieu. C'est en l'Eglise de Dieu mesme qu'il fait cela. Le voilà assis au temple de Dieu, pour y presider comme Dieu, où nul ne doit presider que Dieu. Le voilà assis en la place de Dieu; & ce n'est pas l'Antechrist ? Il est assis & prend domination sur l'Eglise vniuerselle; dit que c'est à luy d'y commander en autorité de Dieu, & comme Dieu: n'est-il pas donc Antechrist ? Martin Luther & Caluin nous ont monstré cest Antechrist, & plusieurs autres avec eux. Nous auons les vns pensé, qu'ils nous trompoyét; ne le pouuions croire non plus que vous: mais maintenant nous ne voyons pas mieux que la nuit est nuit, que nous voyons que le Pape est vn Antechrist.

De Sponde s'escrie, *ô siecles auenglez, qui nous auetz deuancé l'ou nous auetz-vous precipiez par faute de ces bons guides ?* Il fait du plaisant en son exclamation ironique. Mais quoy qu'il die, par le moyen de Martin Luther & de Caluin, Dieu a esclairé à beaucoup, voire à plusieurs royaumes. Ils ont esté de vray (avec bon nôbre d'autres) de bons & vrais guides, pour tirer milliers de millions d'ames des tenebres & de l'ignorance de la Papauté: & ont fait



fait cognoistre le salut, par le benefice de la mort de nostre Seigneur. Vous-mesmes en estes esclairez; car les Docteurs qui vous preschent, apprennent d'eux, vous en donnent ce que vous avez de bon, & ce qu'esperez de vostre salut; & si vos Docteurs en medisent, si seroyent-ils sans eux muets comme poissons, ou ne donneroyēt qu'inepties & bayes. Sans ces lumieres de verité, vos tenebres seroyent cēt fois plus horribles quelles ne sont. Mais les histoires nous font foy, qu'il y a eu tousiours quelquevn es siecles passez, qui a descouvert les abus du Pape, & monstré qu'il est l'Antechrist; plusieurs Euesques, Prestres, Abbez, Moines, Docteurs, & autres, ont fait cela.

Il veut que nous luy môstrions par l'Escripture sainte, que le Pape est Antechrist; nous l'avons fait. Il ne veut pas que nous y employons l'Apocalypse. Pourquoi; puis que c'est vn liure Canonique? Il est trop difficile à son aduis. Calvin; dit-il, n'y a pas osé toucher: Je respon, qu'il ne luy a pas esté donné, Dieu l'a employé ailleurs. Ce sont Propheties, dit-il; Je respon, que nous les exposons selon les propheties, & par les autres propheties, lesquelles nous adressent en celles-cy, & nous seruiēt en beaucoup de difficultez pour l'exposition. Mais (dit-il en se moquant) auez-vous l'Esprit de prophetie? Pourquoi non, s'il plaist à Dieu? qu'on voye, & qu'on en iuge. Nous exposons la parole de Dieu par la

Page 97.

2. Pier. 3.  
16.

parole de Dieu; & partât par l'Esprit de Dieu, & selon l'analogie de la foy. Nous est-il defendu ? Il ne veut pas aussi que nous vîons des escrits de S. Paul. Pourquoi ? S. Pierre (dit-il) dit qu'il y a dans toutes les epistres de S. Paul quelques choses difficiles à estre entendues, lesquelles les indoctes & inconstans corrompent comme les autres Escritures à leur propre perdition. Il s'abuse, S. Pierre ne parle pas du total des Epistres de S. Paul mais de quelques choses difficiles. Or ce qui est de l'Antechrist n'est pas difficile, comme il en parle 2. Thess. 2. & nous l'auons cy deuant fait paroïr. Au reste, graces à Dieu, nos Docteurs ne sont ny indoctes ny inconstans ; vous les voyez, & ne corrompent pas l'Ecriture sainte : mais l'exposent fidellement & par elle-mesme, & selon l'analogie de la foy, & à l'edification de l'Eglise, à sa ressiouïssance, salut & consolation ; & non à la perdition d'eux, ne d'autrui.

*Il se doute que S. Pierre entend cela de difficile qui est en S. Paul, de ce qu'il dit de l'Antechrist. Mais doute n'est pas preuue. Sa raison c'est, que saint Pierre parle là de nouveaux cieux & de nouvelle terre que nous attendons. Ce qui doit estre (dit-il) procedé de la venue & tyrannie execrable de l'Antechrist. A quoy ie respon, que l'Antechrist estoit du temps de S. Paul sur le poinct d'arriuer, & que ce mystere d'iniquité commençoit de se couuer. Satan estoit sur cela; il est venu, chacun l'a veu, il est descouuert, & tantost descōfit par le glaiue de la bouche*

de nostre Seigneur, par l'Esprit de ses leures: c'est par la parole de Dieu, & par la puissance du saint Esprit.

Il dit apres, *que s'il est vray que l'Ante-* Page 98.  
*christ soit desia venu, & des le temps de saint Gre-*  
*goire, que nous luy donnons vn long temps pour*  
*exercer sa tyrannie.* le respon, que nous par-  
 lons par la parole de Dieu, & que comme a e-  
 sté dit, ce mystere d'iniquité se couuoit du  
 temps de S. Paul mesme. Satan y trauailloit;  
 voire mesmes du temps de nostre Seigneur:  
 & lors mesinement que les Apostres dispute- Marc 9. 34  
 rent entr'eux, qui seroit le plus grand ou le  
 premier entre eux. S. Paul voyoit bien par es-  
 prit de prophetie, que Satan machinoit cela  
 de son temps en quelque lieu, & le tenoit cer-  
 tain, comme si desia il eust veu la besongne  
 aduancee. Du temps de saint Iean il y auoit  
 plusieurs Antechrists.

On repliquera, que S. Iean dit que celuy  
 est l'Antechrist, qui nie Iesus Christ estre ve-  
 nu en chair; que le Pape ne nie pas cela, par-  
 tant qu'il n'est pas l'Antechrist. Je respon,  
 que si le Pape n'est Antechrist en cela, qu'il  
 l'est en autre chose; à sçauoir, en ce qui a esté  
 cy dessus dit. Mais quoy? le Pape ne nie-il pas  
 assez la venue de nostre Seigneur en chair,  
 quand il nie la fin de ceste venue; à sçauoir  
 pour estre seul le Sauueur & Redempteur du  
 môde? Ne dit-il pas qu'il y a vn autre moyen  
 de salut? Là où nostre Seigneur est venu pour  
 estre seul le salut, le Pape dit qu'il y a salut

par la Messe, que l'eau benite sauue, qu'on est sauué par les bōnes œuures, que les ames font leur penitence & sont purgees és peines de Purgatoire, que la Vierge & les Saincts nous reconcilient à Dieu, nous donnent entree au ciel, sont nos Aduocats, que le Pape pardonne tous pechez; là où nostre Seigneur est venu pour faire tout cela. C'est donc autant que nier la venue de nostre Seigneur en chair, & la faire inutile, où qu'il est venu pour neant.

Quant à ce qu'il dit; *que nous luy donnons vn temps bien long pour exercer sa tyrannie; à sçauoir depuis le temps de S. Paul iusques à la ruine de cest Antechrist.* Je respon, qu'aussi y a-il bien du temps en ces 42. mois, ou mille deux cens soixante iours qui sont specifiez en l'Apocalypse, pour le temps de la tyrannie de l'Antechrist. C'est vn temps definy pour vn temps indefini; & voire pour vn long temps: & toutesfoi limitē, qui a certains iours, & mois, & ans; pour dire qu'il prendra fin. Et depuis le 9. cha. où est representee la naissance de l'Antechrist, par la cheuté de l'estoile, iusques au 20. chap. où est representee la ruine de l'Antechrist, sont representees tāt de choses, qu'on peut dire que son temps est long, & non petit, comme vous dites de trois ans & demy.

Pour respōse au 24. de S. Matthieu, il n'est pas là parlé de l'abregemēt du temps de l'Antechrist; mais des iours de la calamité de Ierusalem, dont est parlé au mesme lieu aussi,

comme du iour du iugement. Cest abrege-  
ment se rapporte à la calamité de Ierusalem;  
nous monstons qu'il est exprez pour cela:  
car nostre Seigneur dit, Priez que vostre  
fuite ne soit au iour du Sabbat. Car ce iour-là  
les Iuifs faisoient conscience de faire beau-  
coup de chemin, mesme en fuyant. Puis donc  
que cela se rapporte à la calamité de Ierusa-  
lem, la question qu'il nous fait, *où estoit nostre  
Eglise*, & qu'elle n'ait abregé ce temps, ne me-  
rite aucune response. Car ce qu'il dit qu'à  
cause des esleus, ses iours seront abregés, ce  
n'est pas des iours de l'Antechrist, mais de la  
ruine & siege de Ierusalem. Il demande en-  
core, *où nous estions, pour sauuer ces esleus dont  
nostre Seigneur a tant de soin*? Et quoy? pense-  
il qu'aucun des esleus de Dieu perisse? ou s'il  
pense que nous les sauions, ou s'il vent que  
nous ayons esté mille ans deuant que Dieu  
nous ait fait naistre?

Il nous demande encore, *où estoient ces pa-* Page 98.  
*stours à qui nous auons succédé*? Si ce n'estoit pour  
l'honneur du pays de sa naissance, ie diroy'  
qu'il est natif du pays des Andabates: car il  
combat à tort & à trauers; aussi il n'en peut  
plus. Ils estoient en l'Eglise Romaine, & faux  
pasteurs; si ce n'estoit en tout & par tout pour  
la forme de leur vocation, c'estoit pour  
leur doctrine. Car ils estoient ignorans, mal  
instituez & corrompus en vie, en mœurs, &  
le pis en Religion; & toutesfois ils auoyent  
quelque forme de vocation. A ceux-là, gens

inutiles & sans doctrine pour la pluspart: nos pasteurs ont succédé, douëz de tous dons & graces de Dieu, & propres pour endoctriner leurs Eglises: qui les ont appelez & mis en leurs charges, par bons & legitimes moyens; encore que le Pape n'y ait esté ny appellé, ny ouy. Qu'auons-nous affaire de luy?

Or ce n'est point de honte à nos Pasteurs d'estre sortis, ou bien comme vous dites, auoir tiré commission des vostres & de ceste race illegitime de l'Antechrist; non plus qu'à des enfans genereux d'estre issus de parens corrompus, ou à des enfans craignans Dieu & religieux, d'estre issus de parens idolatres. Car que tiennent au reste nos pasteurs de vostre Pape? C'est tout autant cōme si vn docteur medecin succedoit à des Empyriques, ou ignares medecins, & en prenoit les degrez: ou comme vn docteur Theologien succede a des prestres ignorans, & vn bon Iuriconsulte à des Iuges iniques, & vn bō Prince à vn tyran. Au reste, nos propos ne portent pas (comme il nous impose) *que le Christianisme ait esté du tout aboly*. Il faudroit qu'il ne fut donc demeuré ny loy, ny foy, ny parole de Dieu, ny baptême, ny memoire de la mort & passion de nostre Seigneur, ny Eglise de Dieu en terre. *Il seroit bien* (dit-il apres) *encore plus contre nous, mais d'autres y ont prou travaillé*. Qui ne sera donc d'auis qu'il se repose? Cependāt il nous mōstreroit biē que nous ne faisons parade que de baillons: & nous impose que nous auons mis

*par pieces la robe de nostre Seigneur, l'aüons toute déchiree, & si ne la vismes iamais. Mais ce poure homme est à excuser ; car il ne sçait pas qu'ils la gardent en reliquaie. C'est vne allegorie qu'il fait icy (dira quelqu'un.) Ie respõ, qu'il refuse donc. Car l'Eglise, l'Ecriture sainte, & la robe de nostre Seigneur sont plus de deux choses, puis que ce sont trois ; & nous ne deschirons pas vne de toutes celles-là. Deuinez donc qu'il veut dire.*

*Il nous renuoye à nostre Daniel, à S. Paul, & à l'Apocatypse, pour y regarder de pres ; & que nous n'y trouuerons pas que le Pape soit l'Antechrist. A quoy nous respõdons, que nous l'aüons veu & reueu, & sçauons bien ( soit par quelques vns de ces auteurs-là, ou par d'autres ) que le Pape est l'Antechrist. Ie l'ay desia fait voir cy dessus. Quoy qu'il en soit ( dit-il apres ) ie ne trouue rien de si ferme & d'immobile que ceste Rome. Argumentons donc ainsi ; de Sponde ne trouue rien si ferme, si constant, & immobile que ceste Rome ; il s'ensuit donc que Rome n'est pas le siege de l'Antechrist. N'est-ce pas bien argué ? Pourquoy ne prendrons-nous son aduis pour vn oracle du ciel ? Mais où trouue-il ceste fermeté ? Il dit que S. Pierre la appellee Babylon ; quelle fermeté y a-il donc ? Car Babylon perira. Elle estoit Babylon, dit-il, du temps de Neron, mais maintenant c'est le sanctuaire de Dieu ; c'est ce qu'il veut dire. Nous arrestons-nous à son iugement ? S. Pierre escriuit de Babylon en*



Egypte pres d'Alexâdrie, où sa femme mourut martyre, & où il maria ses deux filles, dit Clement Alexandrin. Et il nous veut faire accroire que S. Pierre a escrit de Rome, & qu'il n'y a rien si constant que Rome.

Rome a changé plus de dixsept fois de face; Rome n'est plus la Rome qui a esté, elle a changé son lieu, & sa gloire s'en est allee. Ce n'est plus qu'un bordeau, vne tasniere de prestres, & de putains, un siege d'impieté. Et où est sa fermeté? Son throne est aujourd'huy renuersé en tous les royaumes de l'Europe, osté en deux ou trois. Elle branle, & s'en va en ruine, comme un vieil mur tout panchant. *Et le ciel* (dit de Sponde) *n'est pas plus ferme*, au moins il luy semble qu'il ne voit rien si assésuré. Il dit apres, *qu'auant que les Empereurs en deslogeassent, c'estoyent les lys de Salomon entre les espines.* Quoy? Les Empereurs estoient les espines, & l'Eglise Romaine les lys de Salomon? Il allegue S. Hierosme; mais S. Hierosme appelle Rome, ceste Babylō dont est parlé Apocalyp. 18. & ainsi S. Hierosme fait Rome le siege de l'Antechrist. Il dit que S. Pierre a appellé Rome Babylon: Je luy respon donc, que ça esté par esprit de prophetie, & preuoyant que Rome seroit ceste Babylon, le siege & domicile de l'Antechrist. Mais i'ay montré cy dessus, que S. Pierre a escrit de la ville du Caire en Egypte, qui lors s'appelloit Babylon selon Iosephe Strabo & Ptolomce. *Constantin*, dit-il, *a arraché cela.* Il veut dire que

Constantin luy a fait donation. Ce qui est faux, comme monstre Laurent-Valle. Mais quand les Empereurs s'en sont retirez, le Pape s'est mis au large, a estendu ses coudees: & lors Rome a esté faite, dit-il, la maison de Dieu. Hé misérable! c'est tout le contraire; car alors elle a esté faite vne maison de peché, & de toute saleté, quand elle a eu secoüé le ioug de l'Empire: & n'y a eu iniquité, trahison, empoisonnement, que ces lieutenans de Dieu en terre, n'ayent commis l'un contre l'autre; ny incestes, ou autres vilainies execrables qu'ils n'ayent perpetré, iusques à vendre l'Empereur, & la cause des Chrestiens au Sarasin, & trahir l'Eglise Chrestienne. Et il dit encore de Rome, que c'est la maison de Dieu?

*L'Eglise Romaine*, dit-il, *a terrassé plus de deux cens heresies*. Quand? veut-il parler du vieux temps? vn saint Augustin, vn saint Cyprien, vn S. Irenee, estoient-ils Romains? Epiphanius estoit-il Romain? Theodoret estoit-il Romain non plus? Qui des Romains a escrit contre les heresies? *Leon premier du nom a escrit contre Nestor & contre Eutiches*. A la verité l'Eglise de Rome, & celles de l'Occident, n'ont pas esté tant trauaillées d'heresies que les autres. Et ie ne veux pas dire, que la diligence des bons Euesques ny ait beaucoup fait: mais nostre aduersaire donne à l'Eglise de Rome l'honneur de tout; & c'est elle qui a le moins fait. Quoy? Athanase, Cyrille, Irenee Euesque de Lyon, saint Hilaire, & au-

tres des Gaules, & tant de bons Euesques Grecs, n'ont rien fait ? Et de nostre tēps qu'à fait le siege de Rome contre les heretiques, Arriens, & autres, que de dire, le vous excommunie ? Si quelques vns ont escrit, c'est apres que nos Docteurs leur ont rompu la glace, comme a esté dit.

Page 100. Il se plainct apres, *que nous reprochons à l'Eglise Romaine les chappes, les chandelles, les images, les Saincts, les Croix, les processions, les autels, & le sacrifice.* Cela est vray : Et disons, que tout cela n'est que bagage, & avec vne autre infinité de fatras qu'elle a inuenté, & dont elle vse, & y constitue son salut, contre la parole de Dieu, & à l'aneantissement de la mort de nostre Seigneur. N'est-il pas vray que vous dites, que la Messe ouïe, ou dite, donne le mesme salut que nous pretendons de la mort du fils de Dieu ? Cependant si elle estoit dite sans vne chappe, elle ne vaudroit rien (dites-vous.) Vous donnez ainsi toute la vertu de la Messe à vne chappe deschiree, ou non. Vous portez des chandelles aux images, en voyent-elles mieux ? vous priez les images & les Saincts, qui ne vous voyent pas, ny ne vous oyent. Vous adorez & priez la croix, & l'appellez la seule esperance de vostre salut, luy en chantez des chansons. Que faites-vous en vos processions, que babiller, mesdire, & exercer en fin maquerellages, danſes, paillardises, & souuent des mäsacres, comme les choribantes de Bacchus ?

Si vous y chantez, c'est sans sçauoir quoy ; & souuent tout n'est qu'hymnes & chansons idolatres. Et toutesfois nous n'auõs plus d'autel, ny de sacrifice, ny de Sacrificateur qu'au ciel ; qui vous a donc commandé tout cela ? Dieu, qui a aboly les ceremonies du vieil Testament, a-il ordonné celles-cy ? Il ne nous en appert point : & s'il les falloit auoir, il nous en eust informé. Ne pensez pas que de Sponde approuue toutes ces choses. *Mais* (dit-il) *on parle en telle sorte ; que si ce qu'on dit est vray, l'Eglise Romaine n'est plus que le receptacle de toutes ordures & abominations.* Ce que nous confettons. Ce n'est donc plus Eglise, dira-il ? car c'est ce qu'il veut que nous luy concedions. Mais nous luy respondons tousiours, que c'est Eglise idolatre, fausse, corrompue, desloyale, paillarde & adultere, comme disoyent les Prophetes d'Israël, qui estoient le peuple de Dieu. C'est ce que nous en prononçons, apres auoir bien veu & reueu leur dire, & toutes leurs raisons.

Toutesfois il pense auoir bonne raison, pour soustenir tous ces fatras de l'Eglise Romaine, en disant *qu'en la sacrificature d'Aaron, il y auoit beaucoup de choses qu'on iureroit aujourdhuy une bastelerie ; & neantmoins que sans doute on y estoit bien sauué.* Quoy ? estoit-on sauué par ces choses ? Au contraire, quand on pretendoit salut par là, Dieu abhorroit tout cela. Qui vous a commandé cela, dit-Esaie 1. soit Dieu, en regardant à la fin pour laquel-

le ils les faisoient. Inuoque moy, disoit Dieu, en la necessité. Laisse tes sacrifices; Qu'en ay-ie à faire, ny de vos encensemens? Glorifie moy, dit Dieu. C'estoyent donc Sacremens, qui les menoyent à esperer salut au sang de l'Agneau qui oste les pechez du monde, & pour les faire approcher de Dieu par luy, se croire reconciliez par luy (le Messias promis) au Pere celeste: & pour prier Dieu, demander pardon, attendre salut, s'en asseurer, en rendre graces, & glorifier Dieu par œuvres & par paroles, & non pour y chercher & constituer salut. Cela deuoit durer iusques à la venue de nostre Seigneur, qui a tout accomply; cela le figuroit. Il est la verité, il a tout aboly: & de cela il ne faut parler qu'en reuerence, cōme de choses saintes, où nostre Seigneur estoit représenté, & sa mort & passion à venir; c'estoyent ainsi gages vrais du salut eternal. Et de Sponde y procede en homme profane, en parlant si irreueremment de cela, que de l'accomparer à des basteleries.

Après cela de Sponde adiousté; *que Dieu a voulu* (dit-il) *qu'on vist du lustre & de l'esclat en la Religion.* C'est bien parlé! Ains plustost Dieu a iadis ordonné ces belles & saintes choses, pour autre fin que vous ne dites. Et ses saints Sacremens n'ont esté comme vn fard, ou parement pour attrayer les simples; au moins Dieu auoit ordonné cela. Mais a-il ordonné ce que vous faites? Il escheoit la mort à Moysé, s'il y eust rien mis & ordonné

que Dieu n'eust dit, & s'il eust rien fait autrement; comme à Nadab & Abiu. *Je ne puis croire* (dit de Sponde) *que Dieu vueille que la Religion soit si simple, si desnuet, & si peu embellie que nous la voulons faire, contre le perpetuel usage de l'Eglise.* Je dy, que si Dieu eust voulu l'Eglise du nouveau Testament plus embellie de ceremonies, il l'eust ordonné; & n'eust remis cela aux hōmes. Il n'en reinit rien à Moysse; Dieu sçait ce qu'il faut, il veut estre seruy selon sa volonté. Mais veut-il farder sa verité? Non. Le mystere de nostre redemption est de soy assez admirable, sans y apporter autre lustre, n'y autre esclat, pour le faire recevoir & admirer. Il est à nud & à clair; chacun le voit: la grace de Dieu paroist, la vertu de l'esprit de Dieu s'y voit. Le secret de pieté est grand sans contredit; Dieu manifesté en chair, iustifié en esprit, veu des Anges, presché aux Gentils, creu au monde, & esleué en gloire. Que faut-il pour decorer cela? Nostre Seigneur fit sa Cene simplement, & sans chappe, ny autre ornement; & il dit, *Faites cecy.* Cela donc nous suffit; & en le faisant, nous ne sçaurions faillir. L'Eglise est déchargée des ceremonies anciennes: à qui appartient-il de luy en ordonner d'autres, qu'à Dieu? Au moins de Sponde confesse, que vos ceremonies ne sont pas de l'ordonnance de Dieu. *Mais*, dit-il, *on les interprete bien.* Et qu'en sçait-il, luy qui n'ouyt iamais quatre Messes? Nous auons esté si curieux des ceremonies de l'Eglise Ro-

maine qu'il ſçauroit eſtre, & ſi n'en ouïſmes  
 iamaïſ interpreter vne ſeule, d'ont l'interpre-  
 tation ſoit valable. Qu'ils diſent pourquoy ils  
 font leurs proceſſions; pourquoy le Preſtre  
 prend vn couurechef ſur la teſte, & ſ'en affu-  
 ble? pourquoy il prend & porte vne chemi-  
 ſe contre la façon des autres, à ſçauoir ſur ſa  
 robe? Pourquoy il ſe veſt de verd, tantost de  
 rouge, & puis de iaune deſſus cela? Il eſt vray  
 qu'un Titelman eſcrit, que le couurechef ſi-  
 gnifie la couronne d'eſpines; la corde, le fouët  
 ou le cordage dont on lia Ieſus Chriſt; la  
 chappe, la robe de pourpre; la croix proſilee  
 d'or, de ſoye ou d'argent, la croix que porta  
 noſtre Seigneur; l'eſleuation, côme il fut leué  
 en la croix. Quoy? faut-il ainſi faire vn baſte-  
 lage de la mort de noſtre Seigneur? la faut-  
 il iouer? Non, ains la preſcher ainſi qu'il ap-  
 partient. Mais ie demande, ſi de Sponde  
 eſtoit preſcheur, ſ'il expoſeroit leurs cere-  
 monies comme ils en eſcriuent? Il n'oſeroit  
 non plus que les Ieſuites: ils ne ſont pas ſi  
 eſtourdis; car cela eſt trop ridicule. La plus  
 part de vos ceremonies ſont ſorties des ſuper-  
 ſtitions des Gentils, & de la religion de Nu-  
 ma Pompilius: & il penſe que cela qui a eſté  
 inuenté par le Diable, ait de belles ſignifi-  
 cations.

A ce que nous diſons, que ces deuotions  
 de la Papauté ne ſont pas commandeés en la  
 parole de Dieu: de Sponde reſpond, *qu'auſ-  
 ſi n'eſt-il pas neceſſaire.* Et pourtant il dit, que



*comme l'Ecriture sainte n'est point absolument & par soy necessaire à nostre salut; qu'aussi n'est-elle pas necessaire qu'elle contienne tout ce qui est necessaire & requis pour nous sauuer. Mais auant que* respondre à cela, il faut voir comment par vne parenthese il definist l'Ecriture sainte: *C'est (dit-il) ceste forme visible & lisible, que les mains des hommes donnent à la parole de Dieu, vray obiet de nostre ouïe (& encore met) comme dit saint Paul. Je respon, que ces hommes qui ont mis par escrit les premiers la parole de Dieu, sont Prophetes & Apostres, qu'ils ont parlé & escrit par le saint Esprit. Car la parole de Dieu n'est point de particuliere interpretation ou reuelation, mais de diuine inspiration. Au demeurant, la foy est par l'ouïe, voire l'ouye de la parole de Dieu. Mais l'Ecriture sainte, n'est-ce pas la parole de Dieu? En veut-il d'autre? En y a-il de plus sage, parfaite, & profonde? C'est donc celle que nostre Seigneur nomme, les profondeurs de Satan. Mais c'est la parole de Dieu qui est l'Ecriture sainte, & c'est l'Ecriture sainte qui est la parole de Dieu. Or qu'elle soit necessaire à salut, il conste, en ce que la foy est par l'ouye d'icelle: & que sans l'ouye d'icelle, nous ne pouuons auoir la foy, ny sans foy estre sauuez; car qui ne croira sera dampné. Comment croirons-nous, si nous n'auons les promesses de Dieu? Et où les prédrons-nous qu'en sa parole? Et où prendrons-nous sa parole qu'en l'Ecriture sainte? Et pourtant*

2. Pierre 1.

21.

Apoc. 2. 24.

2. Timot. 3.  
16. 17.

l'Apostre dit, que l'Escripture sainte est diuinement inspiree, à fin que nous soyons accomplis à toute bõne œuvre. C'est là où Dieu parle à nous; Que si elle n'eust esté necessaire à salut, & absoluëment necessaire, Dieu l'auroit-il fait mettre par escrit, & inspiré les hommes saints pour cest effect? Les mots de l'Apostre 2. Timoth. 3. verset 15. 16. & 17. portent, que la cognoissance des saintes lettres, peuuent nous rendre sages à salut, par la foy en Iesus Christ. Item, que toute l'Escripture (or il parle de l'Escripture sainte) est diuinement inspiree, & profitable à endoctriner, à cõuaincre, à corriger, & à instruire selon iustice: à fin que l'homme de Dieu soit accompli, & parfaictement instruit à toute bonne œuvre. Il s'ensuit de cela, que l'Escripture sainte est absoluëment & de foy necessaire à salut, & qu'elle contient tout ce qui est de nostre salut. Puis que Dieu y a parlé, il a dit en icelle tout ce qui est du salut.

Nostre aduersaire pour se desueloper de ceste difficulté, dit; *Qu'en la matiere de nostre salut, il y a des choses qui y sont si proprement affectees, qu'on ne s'en peut passer: & d'autres qu'il faut tenir en ce rang; non pas (dit-il) qu'elles soyent telles de leur nature, mais par police. Dont s'entend (dit-il) ce que dit saint Paul, à sçauoir, que toutes choses se facent par ordre en l'Eglise, & decemment. Et là de Sponde nous donne pour exemple, que la femme ait le chef couuert en l'Eglise, l'homme descouuert, qu'on y ploye le genouil, qu'on*

*tourne,*

tourne, en priant, la face vers l'Orient. Si on mes-  
 prisoit cela (dit-il) ce ne seroit sans coulpe. Il dit  
 qu'il en est de mesme de toutes les ceremonies ex-  
 ternes, dont l'Eglise Romaine use, & qui y ont esté  
 introduites de toute ancienneté, & qui n'ont autre  
 fondement exprez que le general de la bien-seance  
 qu'en donne S. Paul, & la pratique continuelle  
 depuis le temps des Apostres pour la meilleure  
 part: & pour l'autre, la religieuse & deuotiense in-  
 stitution de ceux qui ont en ce pouuoir & ceste au-  
 thorité en l'Eglise de les instituer. C'est à cela  
 qu'il nous faut respondre. Il dit, qu'il y des  
 choses si necessaires en la matiere de nostre sa-  
 lut, qu'on ne s'en peut passer. Cela est vray:  
 mais il les deueroit nommer, au moins quel-  
 que chose pour exemple: Nous supplerons  
 à cela. Nostre Seigneur est la matiere de no-  
 stre salut (si de Sponde & les Iesuites le sca-  
 uoyent, ou le scachans le vouloyent dire.) En  
 luy nous considerons son incarnation, sa na-  
 tiuité, son obeissance, sa satisfaction pour nos  
 pechez, sa mort & passion, sa resurrection, son  
 ascension au ciel, sa seance à la dextre de Dieu  
 le Pere, son regne glorieux, la foy & croyance  
 de toutes ces choses, la repentance de nos pe-  
 chez, la remission d'iceux, l'imputation de la  
 iustice de nostre Seigneur, la grace de rege-  
 neration ou nouveauté de vie, l'esperance de  
 la vie eternelle, & la confession de foy. Ces  
 choses sont si necessaires à salut, qu'on ne  
 s'en peut passer; car autrement il n'y a point  
 de salut. Mais en dirons-nous autant des Sa-

cremens, ou douir la parole de Dieu, comme si la grace de Dieu y estoit tellemēt attachee, que Dieu ne sauuaſt autrement? Ce ſont moyens deſquels Dieu ſe fert, & leſquels on ne peut meſpriſer ſans coulpe. Dieu les a ordonnez; cependant Dieu n'y eſt pas attaché, qu'il ne puiſſe ſauuer ſans iceux. Ce ſont moyens ordonnez de Dieu, pour nous appliquer noſtre ſalut, le nous monſtrer, le nous donner, le nous faire demander, croire, eſperer, nous y rendre inuincibles, nous faire luy rendre graces, & le glorifier par œuures, par parole, & par ſaincte conuerſation: Et ſans ces moyens, Dieu ne nous peut-il pas ſauuer ſ'il veut? Mais ne ſauue-il pas bien nos petits enfans, auant le baptême, & auant qu'ouir la parole de Dieu? N'a-il pas auſſi ſauué Iſraël en Egypte? Et ne ſauue-il pas nos ſourds, & nos muets auſſi, ſans ces moyens-là? Ne leur donne-il pas la foy, ſans l'ouie de la parole de Dieu? & à combien d'autres encore, ſans pouuoir participer aux Sacremēts? Les Sacremens ſcellent ce ſalut, & ſont ſeaux de la iuſtice de la foy: le ſalut precede donc le Sacrement, & eſt donné au parauant le Sacrement aux enfans de Dieu.

Nous diſons donc, que la predication de la parole de Dieu, & l'adminiſtration des Sacremens, qui ſont commandees de Dieu, ne ſont pas cauſes ſi proprement affectees en la matiere de noſtre ſalut, & ſi neceſſaire à cela; que ſi on en eſt priué, qu'on ne puiſſe eſtre

sauué sans icelles, pourueu qu'on ne les ait en mespris. Car le S. Esprit qui agit en nous, & y forme la foy par ces moyens, y peut agir à salut sans iceux, & former la foy en nous par foy-mesme, cōme vray Dieu. Or puis qu'on peut estre sauué sans cela que Dieu a ordonné (à sçauoir, la predication & les Sacremens) ne sera-on pas bien sauué sans vos deuotions que Dieu n'a pas ordonné? Ce qui n'est de la parole de Dieu n'est point de la foy, & ce qui n'est de la foy, est péché. Or vos deuotions que nous reprouuons, ne sont point de la parole de Dieu, ains y contreuiennent; elles ne sont point donc de la foy: ne sont-elles pas donc péché? Je demande, si on ne sera pas bien sauué sans cela? C'est ce que nous disons de vos ceremonies & deuotions, comme d'auoir des images pour s'agenouïller deuât, & auoir des autels, le sacrifice de la Messe, des chandelles, reuestiaires, eau benite, offrandes, baiser les reliques, gagner les pardons, se confesser à vn prestre pour estre absouz de ses pechez, & choses semblables.

*Ces choses, dit-il, ne sont pas telles de leur nature, ne si proprement affectées à nostre salut, qu'on ne s'en puisse passer. Helas! si on s'en peut passer, faut-il que nous soyons bruslez, bannis, massacrez, desheritez, pillez, rançonnez, desenterrez, pour ne les vouloir receuoir? De Sponde dit plus, c'est qu'encor qu'on s'en puisse passer, qu'il les faut tenir en mesme rang que celles qui sont de la nature de nostre salut, & dont on ne*

*se peut passer pour estre sauuez. Quoy? on tiendra l'inuocation des Saints, les images, l'eau benite, la Messe, la croix, en mesme rang que la mort de nostre Seigneur, que sa resurrection, son ascension au ciel, & le reste de nostre salut? Ouy, dit-il, mais par police. Quelle police va chercher cest homme, en la matiere de nostre salut? Il nous veut sauuer, à son dire, par police. Ce profane accompare la police, qui ne fera que pour les lieux, le temps, & les personnes, & qui se peut changer à ce qui est de la nature de nostre salut, qui est à iamais immuable. Mais ose-il bien mettre ces choses impies, que maintenant nous auons nommees, & que Dieu n'a commandeas, ains defendues; & qui, comme on en vse, contreuiennēt au benefice de la mort de nostre Seigneur, & à nostre salut? Les veut-il, di-ie, mettre au mesme rang que la mort & passion de nostre Seigneur? Je demãde encore, si ce sont choses qui soyent de la police de l'Eglise, ordōnee par les Apostres? S. Paul dit, que tout se face decentement, & par ordre, en l'Eglise. Il parle là de la prophetie qui se faisoit en l'Eglise de Corinthe, & vouloit que l'un parlast apres l'autre. Si on dit que cela se doit reserer à tout ce qui se fait en l'Eglise; soit: mais mettra-on ce qui est contre la foy, contre la parole de Dieu, & le benefice de la mort de nostre Seigneur, entre les choses qui se doyuent faire en l'Eglise?*

*Des exemples amenez par luy, le quatrief-*

me est faux. Car les trois premiers sont expressément portez par la parole de Dieu ; à sçauoir, que la femme prie le chef couuert, l'homme descouvert, & qu'on ploye le genouïl en priant. Mais de prier en se tournant la face deuers le soleil leuant, a esté expressément condamné, & tenu pour grand péché, Ezec. 8. Et Dieu auoit ordonné exprez, que la porte du tabernacle seroit deuers l'Orient, & non l'oratoire, ains du costé du soleil couchant. C'a esté, dira-on, à fin qu'on n'adorast le soleil leuant, il est vray : mais pourquoy nous tourneriôs-nous plustost, en priant, deuers le soleil leuant ; est-ce que Dieu n'est pas du costé du soleil couchant ? Dieu n'est-il pas par tout ? Je confesse que maintenant il ne nous est pas defendu de prier la face tournée vers Orient ; mais aussi ne nous est-il pas commandé de nous tourner pour prier plustost de ce costé, que de quelque autre.

De Sponde dit, *que ces ceremonies parēt l'E-* Page 102.  
*glise.* Quoy ? ces impietez ? mais plustost la deguisent. Il dit, *qu'elles ont esté introduites de toute ancienneté* ; cela est faux. Les Prophetes, les Apostres, la Vierge, nostre Seigneur, n'en ont iamais vsé. La parole de Dieu n'ordonne pas cela. Il dit, *qu'aussi elles doyuent estre gardées, à cause de la religieuse deuotion de ceux qui les ont instituees ayans ce pouuoir.* Je respon, que la deuotion n'est pas religieuse, si elle n'a fondement en la parole de Dieu. Item, que nul que Dieu n'a pouuoir d'ordonner en l'Eglise



de Dieu, aucunes loix & deuotions pour nostre salut. Qui ordonnera en la maison de Dieu, que Dieu mesme ? Il dit, *que ces choses sont honorables.* Je les dy toutes autres ; puis qu'elles contreuiennent, comme on en vse, & comme on les a ordonnees, au benefice de la mort de nostre Seigneur. Il dit, *qu'il faut dépendre du iugement de. l'Eglise qui a ordonné cela.* Je dy qu'il faut dépendre de Dieu. L'Eglise à vostre aduis se comportera, comme s'il n'y auoit point de Dieu, & cōme si Dieu n'auoit pas parlé ; & se fera ses loix telles qu'elle voudra ? C'est à elle seulemēt d'ouïr ce que Dieu dit. Mes brebis, dit nostre Seigneur, oyent ma voix. Ce n'est pas à l'Eglise de iuger, mais d'estre iugee par la parole de Dieu : & en ce qu'elle parle par la parole de Dieu, nous l'oyons, & non si elle parle au contraire.

Mais ils repliquent cōtre cela, que quand l'Eglise parle, c'est le S. Esprit qui parle, & ainsi que c'est la voix de Dieu ; & partant que l'Eglise n'erre point : dont il s'ensuit (disent-ils) qu'il faut croire tout ce que l'Eglise dit. Que scra-ce si elle se contredit ? ce qu'elle fait, comme apparoiſt, soit en l'article des images, de la Transsubstantiation, de la defense du mariage aux pasteurs de l'Eglise, & en d'autres poincts. Mais nous mōstrons, qu'en tout ce que nous reprouuons de l'Eglise Romaine, ils parlent & enseignent cōtre l'Ecriture sainte, en laquelle parle le S. Esprit. Ils ne parlent donc pas par le S. Esprit. Le saint

Esprit ne se desdiét point, ny ne change point d'aduis, & ne se contredit iamais. Mais encore diroit-il quelque chose de meilleur par le Pape & par les Iesuites, que par les Prophetes, par nostre Seigneur & ses Apostres, par qui il a parlé & escrit en l'Ecriture sainte? De Sponde craint ceste absurdité, & ne veut pas qu'on entre en ceste recherche. Et pourtant il dit, *s'il est permis à chacun de contreroller ainsi l'Eglise* (Romaine veut-il dire; car il ne parle pas que de celle-là) *qui se pourra sauuer?* Il luy confesse qu'il n'y a aucun moyen; que ny Pape, ny Euesque, ny Curez se puissent sauuer, qu'on ne voye qu'ils errent, si leur doctrine est controllee par l'Ecriture sainte comme se doit. Sponde confesse assez, qu'il y a à reprendre & contreroller en l'Eglise Romaine; voire que si on en vient là, qu'on ne la peut sauuer, que sa turpitude ne se voye. Mais si on ne la controle point, si on se fait accroire qu'elle parle par le saint Esprit, & qu'elle n'erre point, en serons-nous mieux? Pour ne voir ses erreurs, on n'en errera pas moins, & elle n'en sera pas plus pure. Vous n'aimez que l'ignorance, vous haysez la lumiere, & ne cherchez que les tenebres. Et puis que vous fuyez le iugement de la parole de Dieu, & d'estre remōstrez par icelle, vous n'estes pas de Dieu en cela. Il dira, qu'il n'est pas permis à chacun de la contreroller. Et quoy? quand ce sont graduez, Prestres, Docteurs, Curez, Euesques & Cardinaux? Quand ce

sont Princes, Rois, Empereurs, Estats, Parlemēts & Magistrats qui se plaignent, qui criēt, & qui remonstrent ? Quoy donc, quand tant d'escholes, de peuples, de Rois, de Royaumes, & de nations parlent, & en l'autorité de l'Escripture sainte, n'est-ce pas la voix de Dieu ? Tout cela d'une voix crie contre l'Eglise Romaine, & non vne personne particulièrement. Mais quand il n'y auroit qu'un seul particulier, ou lay, ou autre, s'il parle par la parole de Dieu ; n'est-il pas plus croyable que le Pape mesme s'il parle contre Dieu ?

Quand nous alleguons ce que dit saint Pierre, qu'il faut plustost obeir à Dieu que aux hommes, Actes 3. verset 29. Les Iesuites repliquent, que là saint Pierre n'entend pas par les hommes, l'Eglise. Qui donc, que tous ceux qui parlent contre l'Escripture sainte, soyent de l'Eglise, ou non ? A qui parloit S. Pierre, sinon aux Sacrificateurs & Prestres, que nostre Seigneur auoit appelez les edifiants, & les Scribes & Pharisiens assis sur la chaire de Moyse ; & dont il auoit dit, Faites ce qu'ils vous diront ; (à sçauoir, selon la doctrine de Moyse ?). Vous direz encor, qu'ils estoient la Synagogue, & non l'Eglise. Mais ils auoyent vocation, succession, & doctrine, & ceremonies de Moyse. Et ce peuple estoit encore Eglise de Dieu, & eux les premiers membres. Si ce peuple & ses Pasteurs n'eussent esté Eglise de Dieu, il n'y eust pas eu de salut pour eux. Or il leur estoit offert, & la

parole de Dieu s'adressoit à eux. Et ceux à qui saint Pierre parloit, gardoyent & gouvernoyent la vigne du Seigneur, & estoient edificians (comme a esté dit.) Si ont-ils erré & reietté nostre Seigneur, voire liuré à la mort. L'Euesque de Rome, & son Clergé, ne sont pas mieux l'Eglise que ceux-là. Car ils n'ont ny vocation, ny doctrine, ny succession fondée en l'Ecriture sainte, cōme ceux-là. Que direz-vous, qu'ils ont reietté Iesus Christ? & vous aussi: en ce que vous reiettez sa iustice, pour establir la vostre. Vous ne le recevez que de nom. Ce n'est pas en sa iustice que vous cherchez d'estre sauvez; mais en la vostre. Vous pretendez salut en vos bonnes œuvres, & en faites la cause de vostre salut, & non le tesmoignage & l'effect. N'est-ce pas errer? Le salut est-il de nostre merite, ou de celuy de nostre Seigneur? En nostre salut il n'entre rien du nostre: veu qu'il consiste en la remission des pechez, & en l'imputation de la iustice de nostre Seigneur, qui a esté fait peché, à fin que nous soyons faits iustice de Dieu par luy; c'est à dire, que sa iustice nous soit imputée, comme nos pechez luy ont esté imputez: & que par ceste imputation de sa iustice, nous soyons faits iustes, reconciliez à Dieu, & ayons la vie; cōme pour l'imputation de nos pechez il a souffert la mort, porté l'ire de Dieu, la peine éternelle de nos pechez; l'a vaincue, & y a satisfait pour nous sauuer. Veu donc que vous voulez estre sauvez au-

trement que par la remission des pechez (où  
 Daud, & saint Paul constituent la beatitu-  
 de) & que par l'imputation de la iustice de  
 nostre Seigneur, où gist nostre iustification?  
 n'errez-vous pas, quelque Eglise que vous  
 soyez? Vous ne parlez, ne croyez, ny ne fai-  
 ctes rien en cela par le saint Esprit: ains vo-  
 stre doctrine est en ce poinct contre ce que  
 dit saint Iean, que le sang de Christ nettoye  
 de toute iniquité. Et que si nous confessons  
 nos pechez; Dieu est fidele pour les nous  
 pardonner. Que si nous auons peché, nous  
 auons vn Aduocat enuers Dieu, Iesus Christ  
 le iuste; & qu'iceluy est l'appoinctement  
 pour nos pechez. Vostre doctrine aussi est en  
 cela contre ce que dit S. Paul: que l'homme  
 est iustificié par foy, sans les œuvres de la Loy.  
 Qu'Abraham a esté iustificié par foy en croyant  
 en Dieu, qui iustifie le meschant, à sçauoir, en  
 imputant au pecheur la iustice de son Fils, &  
 en luy pardonnant ses pechez: comme nous  
 en auons l'exemple au larron, qui demanda  
 pardon à nostre Seigneur en la croix. Eut-il  
 salut ou par grâce, ou par les œuvres? C'est  
 donc sans contredit, qu'en cela, comme en  
 vn grand nombre d'autres poincts de doctri-  
 ne, l'Eglise Romaine erre, parle contre. l'Es-  
 criture sainte, & partant ne parle pas le S.E-  
 sprit; au contraire, elle luy contredit. Ainsi  
 ce n'est pas Dieu qui parle en cela par ceste  
 Eglise, ains les hommes. Or est-il que saint  
 Pierre dit, qu'il faut plustost obeir à Dieu

qu'aux hommes. Il faut donc plustost suyure la doctrine de l'Escripture sainte, que la doctrine de l'Eglise Romaine, en ce qu'elle est contraire à la parole de Dieu, & aux articles de nostre foy.

Il s'ensuit apres *ceste maxime* (à sçauoir) *que l'Eglise ne peut errer, est rude* (dit-il) *à ceux qui voudroyent que l'Eglise bronchast à toute beure.* Qui sont ceux-là, que ceux qui la veulent gouverner non par la parole de Dieu, mais par les constitutions des hommes, qui ne sont que vanité? Si (dit-il) *ceste maxime n'est vraye, à sçauoir que l'Eglise ne peut errer, ie ne sçay quel appuy ils veulent que j'aye en ce qu'ils diront.* Il veut dire, qu'il en croira autant de nous; à sçauoir, que nous errons, ou pouuons errer. Qui doute que nous ne puissions errer? Nous errons de faict, si nous-nous fouruoyons de la parole de Dieu; & en cela nous ne voulons pas que vous nous croyez. Mais monstrez-nous nos erreurs, & quand nous parlons par la parole de Dieu, croyez; non pas pource nous le disons, mais parce que Dieu le dit, & que c'est sa parole que nous vous alleguons.

Pour preuue que l'Eglise ne peut errer, il amene que la parole de Dieu *escrite & non escrite, ne dit iamais que l'Eglise puisse errer.* Mais que fait donc l'Escripture sainte, qui est la parole de Dieu escrite, quād elle le mōstre apparemment? n'est-ce pas le dire tout ouuertement? L'Eglise a erré en Adam & en Eue, que Dieu auoit creez à son image, & où il n'y auoit

point de peché. Les Anges ont erré au ciel, où il n'y auoit point aussi de peché. Qui n'erre point, si ce n'est Dieu? L'homme est vanité; le monde est en peché. L'Eglise erra du temps de nostre premier pere; luy viuant, elle erra en ses enfans. Elle erra du temps de Noé, elle erra en Egypte (dit Amos) au desert avec Aaron son souuerain Sacrificateur ( & toutesfois elle auoit ouy de Dieu la defense de ce qu'elle fit là.) En Canaan elle a erré, en Ierusalem de mesme, du temps de nostre Seigneur. Les edificans n'ont-ils pas reietté Iesus Christ pour fondement de l'Eglise? Elle a erré du temps des Apostres, 1. Corinth. 11. Galat. 1. Apoc. 2. & 3. & il est predit qu'elle errera, 1. Timot. 4. & 2. Pier. 2. La parole de Dieu monstre donc en cela, comme en vn tableau, que l'Eglise peut errer, & qu'elle a erré. Les exhortations, les menaces, les reprehensions, qui sont en l'Escripture sainte, seroyent autrement vaines, & faites pour neant.

Mais vous voulez que l'Eglise Romaine ait plus de priuilege que les autres; & dites, que ceste-là ne peut errer. En auez-vous lettres? sur quoy vous fondez-vous? C'est volontiers sur ce que dit saint Paul, Rom. 11. verset 20. là où il l'exhorte de craindre, & se donner garde, que ce qui est arriué aux Iuifs la gent sainte, ne luy arriue aussi; à sçauoir, qu'elle ne soit retranchée de l'alliance de Dieu, comme elle le merite, ayant fait de mesme que l'autre; quand elle a reietté la iustice de Dieu



pour establir la sienne. C'est quand ils veulent (comme a desia esté dit) estre iustifiez & sauuez par leurs œuvres, & non par la iustice imputée de Iesus Christ nostre Seigneur. Mais Dieu la supporte encores, & rend là admirable sa patience. Nostre aduersaire fait icy de deux sortes de parole de Dieu, l'une écrite, & l'autre non écrite; & dit, que ny l'une ny l'autre ne dit pas, que l'Eglise puisse faillir. (Il veut dire errer;) à quoy nous auons respōdu. Mais où est ceste parole non écrite? qui la garde? quel moyen d'y lire? où la prendrons-nous? que sçauons-nous que c'est? C'est, disent-ils, *ce que l'Eglise Romaine enseigne, outre l'Ecriture sainte*. Est-ce la parole de Dieu? on le leur nie; comment le prouueront-ils? Nous ne sommes pas tenus de croire outre & contre & par dessus la sainte Escriture; non pas mesme quand ce seroit vn Ange qui parlât. Ils mettent ceste parole non écrite, en la teste de l'Euesque de Rome & du Clergé. Qui verroit là dedans, qu'y trouueroit-il que vanité & tenebres?

Dieu a donné sa parole & toute sa volonté en l'Ecriture sainte; & en y aura quelque autre encore qui ne sera pas écrite: & ce sera ce qu'il vous plaira de dire, & faire croire au peuple? N'est-ce pas pour autoriser vos ceremonies, deuotions, idolatries, & traditions que vous ne pouuez prouuer par l'Ecriture sainte? Qui ne vous aura pour suspects en cela, au lieu de vous en croire? Mais quand

vostre parole non écrite contredist à l'Escriture sainte, que vous cōfessez estre la parole de Dieu écrite, qui croira donc que la vostre non écrite soit parole de Dieu? Dieu se contrediroit-il? cela ne se peut faire. Vous direz encore, que les Apostres n'ont pas tout écrit, & qu'ils ont donné quelques traditions à l'Eglise, qui ne sont pas en l'Escriture sainte. Je vous nie que ce soyent les vostres, comment le prouueriez-vous? (comme disoit S. Augustin à quelques heretiques qui en disoient autāt.) Les Apostres n'ont point donné à l'Eglise des traditiōs contraires à l'Euangile, ny ceremonies & deuotions pour y chercher salut, & le meriter; cōme est vostre Messe & le reste de vos traditiōs. Si vous les voulez monstrier, & prouuer par l'antiquité estre des Apostres, vous le perdrez. Car nous vous montrons, quand & cōment, & par qui cela a esté fait & introduit aux Eglises. Les Espagnes auoyēt retenu leur ancien seruice, selon qu'Isidore le leur auoit dressé iusques à l'an 186. que l'Euesque de Rome leur fit prendre le Gregorien. Et estant en debat sur cela, s'accorderēt de jetter les deux liures, à sçauoir le Gregorien & l'Isidorien dans le feu, & de recevoir pour le meilleur, celui qui subsisteroit dans le feu sans brusler. Ce que fit l'Isidorien (qu'on appelle aussi le musa rabique) & l'autre sauta hors du feu: mais l'autorité du Pape l'emporta. Iusques à Pepin & Charlemagne, les Eglises des Gaules demeurèrent en

En l'histoire  
de d'Espa-  
gne l'an  
186.

leur ancien seruiſſe: mais lors elles receurent les ceremonies de l'Eglise Romaine, & son ſeruiſſe fait en ceremonies, à la maniere de ce-  
 luy des Payens, & en la langue Latine, laquelle les Romains auoyent garde, receu, & authorizé entr'eux pour l'eſtat de leurs affaires, & en leurs ceremonies & religion: tant pour la beauté de la langue, que pour captiuier la beneuolence des Latins, & ſe les rendre plus fideles & affectionnez ſubieſts; & de là elle a eſté touſiours en vſage ſouz tout l'Empire Romain.

*Ce qui l'empesche auſſi de nous croire, dit-il, c'eſt que nous n'auons ny face ny authorité d'Eglise.* C'eſt ce qu'il auoit dit vne autre fois en ſon premier liuret, en ces mots: *Faites moy voir ceſte maieſté d'Eglise, & ces liens & deſliaiſons qui lient & deſlient dans les cieux.* Quoy? nous n'auōs pas vn Pape, des Cardinaux & des Pōtifes, nous n'auons ny Abbez, ny Moines, ny Nonnains, ny Ieſuites ny inquiſitiō: Nous ne faiſons pas citer en cour d'Eglise comme eux; Nous n'auons pas donc ny face, ny authorité d'Eglise? Je dy que ſi ainſi eſt, il n'y a eu iamais d'Eglise auant noſtre Seigneur, de ſon temps, ny du temps des Apoſtres, ny long temps apres. Car de long temps apres, il ny a eu ny Pape, ny Cardinal, ny le reſte de ceſte cour de Rome. Si nous n'auons vne telle maieſté que le Pape, & quelqu'un qui face ainſi le ſuperbe tyran, qui mette le pied ſur la gorge des Empereurs, en face ſes pallefre-

niers, nous n'aurons ny maieſté, ny face, ny autorité d'Egliſe? Appelle-il cela face & autorité d'Egliſe?

Au ſurplus, nous auons face & autorité d'Egliſe de Dieu, en ce qu'en nos aſſembles s'annôcent ſes bontez, ſe chantent ſes loüanges, s'adreſſent cris & prieres à Dieu; vn ſeul Dieu y eſt inuoqué, vn ſeul Chriſt reclamé pour Mediateur, Aduocat, & Interceſſeur enuers Dieu. Là les cœurs ſont touchez, les ames amenees à Dieu, les pecheurs à repentance, le ſalut aſſuré, les gages du ſalut donnez en la main, les ames arrachees de l'enfer. Par la predication de l'Euangile le ciel eſt ouuert entre nous, & d'autre coſté le contempteur de Dieu eſpouuanté, l'obſtiné eſtonné, l'atheïſte foudroyé. Là ſe publient les iugemens de Dieu, là on retranche, on excommunie, on liure à Satan au nom & en l'autorité de noſtre Seigneur Ieſus Chriſt: on y lie, on y deſlie, on y retient, & on y pardonne les pechez. C'eſt là où eſt le meſſage de ſalut, où Dieu ſe reconcilie le pecheur, le laue, & le iuſtifie en ſon Chriſt. C'eſt là où eſt l'autorité, la face, & la maieſté de l'Egliſe, où ainſi on tend à vn ſeul Dieu les mains ioinctes.

Pour monſtrer encore que l'Egliſe ne peut errer, il allegue qu'elle eſt colonne & eſtabliſſement de verité: mais cala ne ſe voit pas en l'Egliſe Romaine, ny n'eſt dit d'elle ſeule. Cela eſt dit de l'Egliſe, contre toute idolatrie & fauſſe religion; car touſiours Dieu y ſuſcite quel-

quelques bōs & fideles tesmoins pour maintenir la verité, & iamaïs n'y peut estre du tout esteinte. Mais Dieu y conserue la lumiere de salut, en telle mesure que bon luy semble, en vn temps & en vn lieu plus, & en vn autre temps & en vn autre lieu moins.

De Sponde ne veut pas que nous alleguions *que l'Eglise est colonne & appuy de verité, par ce qu'elle garde les Escritures.* Soit; nous ne voulons pas que pour cela simplement elle soit colonne & appuy de verité. Vn Libraire les gardera, vn garde de Bibliotheque, & vous aussi, & si n'estes pas colonne & appuy de verité, quoy que ce soit qu'en peu de poincts: car en plusieurs, vous combattez la verité: & si pourtant ne laissez d'estre en l'Eglise, & de l'Eglise. Vous aurez l'Euangile en vos liures dorez, & couuerts de velours, luy faites encensemēt, & le gardez en vos armoires, & si luy resistez; tant s'en faut que vous soyiez colonne & appuy de verité. Mais où prenez-vous ceste verité, dont vous voulez estre l'appuy & l'establissement qu'en vous-mesmes? Que voulez-vous establir sinon vostre fausse doctrine, & vos inuentions? Et c'est là le mensonge. Il n'est pas dit que l'Eglise & ce quelle ordonnera, soit la verité; cela est dit de Dieu & de sa parole: mais il est dit que l'Eglise en est colonne & appuy, c'est qu'elle appuye & establit la verité; ie dy la verité que Dieu a dit & ordonné, & non l'Eglise dit ny ordonné. Dieu a fait ceste verité; ce n'est l'E-

glise qui l'a faite, comme vous voulez que le Pape la face. Tout homme est menteur, & Dieu seul veritable. Dieu est l'auteur de ceste verité, & l'Eglise colonne & establisement d'icelle. Les saints hommes ont parlé inspirez par le S. Esprit. C'est ceste verité que nous auons en l'Ecriture sainte dont l'Eglise est colonne : car elle la presche, la maintient, l'appuye, & l'establist.

Page 103.

"Au reste, trouue-il que ce soit nouueauté, que l'Eglise garde la verité? Si est-ce que S. Paul Rom. 3. v. 2. dit, qu'à l'Eglise des Iuifs les oracles de Dieu ont esté commis. Et il exhorte Timothee, de garder le depost qui luy auoit esté commis. L'Eglise est donc depostaire, & a en garde la verité de Dieu. Qui donc? De Sponde adiousté apres cecy, *que S. Paul ne parle pas des Escritures*. Je respon, qu'il parle de la verité, qui n'est, & ne se trouue qu'en l'Ecriture sainte. Nous ne nions pas, que ce ne soit plus, que l'Eglise soit colonne & appuy de verité, qu'estre gardienne des Escritures; mais l'un est avec l'autre: car l'Eglise garde la verité, quand elle l'appuye & l'establist, quand elle maintient, enseigne, & interprete les Escritures saintes, qui sont ceste verité de Dieu. Les Escritures saintes s'interpretent en l'Eglise de Dieu : là s'en donne le vray sens, là s'esclaircit, s'assure & se fortifie ceste verité. C'est en l'Eglise que l'heresie est combatue, l'idolatrie abbatue, le faux reprouué, l'aduersaire rembarré; que la

verité fleurist, le cours de l'Euangile prospere, & le regne du Fils de Dieu est aduancé, là foy maintenue, l'ignorance chassée: que le salut s'asseure, que les fideles sont coniolez, resiouys, fortifiez, & persistent immobiles, edifiez & fondez sur Iesus Christ, le but de la loy, des Prophetes, & de l'Euangile, perseuerans constamment en ceste verité de Dieu iusques à la fin. Cela font les fideles Docteurs, Pasteurs, & Ministres de l'Eglise. Et ainsi l'Eglise est appelée colonne & appuy de verité; voire si les Pasteurs enseignent & suyuent la parole de Dieu, autrement non. Aussi l'Eglise est là appelée la maison du Dieu viuant; il faut donc qu'il y soit le maistre. Et comment, s'il n'y commande? Et comment y commandera-il s'il n'y parle? Mais comment y parlera-il, que par la doctrine des Prophetes & Apostres; par qui il a parlé & donné sa parole? C'est là qu'est ceste verité, c'est de là qu'il la faut prendre. C'est là dessus qu'il se faut fonder; & non sur l'autorité de l'Eglise, pour prendre de l'Eglise autre doctrine que celle que Dieu a donnée par ses Prophetes & Apostres, & y fonder salut.

De Sponde nous donne vne autre interpretation de ce passage; à sçauoir, que l'Apostre veut dire, que pour nostre regard la verité de nostre foy s'appuye sur l'autorité de l'Eglise; c'est à dire, sur l'autorité du siege de Rome: c'est ce qu'il appelle l'Eglise; & que ce que ceste Eglise approuue est tout vray, &



ce qu'elle reprouue aussi tout faux: que la verité consiste en ce qu'elle dit & ordōne, comme si Dieu y auoit parl  : Que nous deuons approuuer ce qu'elle approuue, & reprouuer ce qu'elle reprouue. Son interpretation se trouue fausse, mais Dieu nous a donn  , non pas vn Pape de Rome, ou son siege, ou l'Eglise Romaine, mais sa parole pour regle de nostre foy? c'est l   o   se fonde la verite de nostre foy. Nostre Seigneur l'a dit, & n'a pas voulu qu'on fondast la foy sur ce qu'il disoit luy-mesme (en cas de contrariete) sinon qu'il parlast par la parole de Dieu escripte es Prophetes: ses Apostres n   plus, & l'ont tousiours alleguee    l'ex  ple de nostre Seigneur, & l'ont prise pour appuyer la foy de l'Eglise, mesmes l'Eglise des Prophetes & Apostres, n'a est  , ny n'est col  ne & appuy de verite, q   par la parole de Dieu. Sondez les Escriptions, vous pensez par icelles auoir la vie eternelle; elles rendent tesmoignage de moy, dit nostre Seigneur. Que voulez-vous de plus clair? Il dit, ils ont Moyse & les Prophetes, qu'ils les oyent. Dieu veut donc que sa parole ait l'autorite en l'Eglise, & non l'Eglise; sinon en parlant par la bouche de Dieu, c'est    dire selon que Dieu a parl   par Moyse, par les Prophetes, par nostre Seigneur, & par ses Apostres. Bien-heureux, dit nostre Seigneur, sont ceux qui oyent la parole de Dieu & qui la gardent. C'est donc l   que nous sommes reuoyez pour appuyer nostre foy & non    l'au-

Ican 5. 39.

Luc 16.

thorité, soit de l'Eglise Romaine ou autre, si non en ce, qu'elle parle par ceste parole de Dieu. S. Paul preschoit, & on croyoit à sa parole; parce qu'on trouuoit que ce qu'il disoit estoit escrit es prophetes, dit S. Luc chap. 17. C'est dōc sur l'Escripture sainte que s'appuye nostre foy, & non sur l'Eglise. Les Pasteurs de l'Eglise n'ont autorité, que ce que leur en donne l'Escripture sainte; c'est à dire, qu'en ce qu'ils parlent par icelle. S'ils parlent au contraire, on les doit reietter, & fissent-ils miracles, Deute. 13. & fussent-ils Anges, Galat. 1. Les Pharisiés estoient les edifiants, nostre Seigneur les appelloit ainsi. Ils reprouuerent Iesus Christ, & la doctrine de l'Euangile: Estoit-elle donc fausse, la faloit-il reietter pour leur dire? Ils vouloyent que la foy des fideles s'appuyast sur leur autorité, qu'on reprouuast ce qu'ils reprouuoient cōme faux, qu'on approuuast ce qu'ils approuuoient comme vray. Le faloit-il faire? Mais nostre Seigneur auoit dit, Donnez-vous garde du leuain des Pharisiés. Si on replique, que nostre Seigneur auoit dit, Faites ce qu'ils vous dirōt: Le respō, qu'il auoit premierement mis, eux assis sur la chaire de Moyse; c'est à dire, ayant la doctrine de Moyse, & suyuant icelle. Car Dieu n'a iamais voulu qu'ils fussent ouïs autrement. Et si ainsi estoit, veu qu'ils ont reietté l'Euangile, les Apostres & l'Eglise d'alors, auroit-elle bien fait de se separer des Pharisiens? C'est donc la parole de Dieu qui iuge, & non l'E-

A. 17. 11.

Iean 5.

Matth. 19.  
28.

glise. Moysé vous accusera disoit nostre Seigneur aux Pasteurs de l'Eglise : & disoit à ses Apostres, Vous serez assis sur douze chaires, iugeans les douze lignees d'Israël. Les Apostres iugent par leur doctrine les vrais Israélites: car l'Eglise tenāt, suyuant, gardant, enseignant & interpretant fidelement la doctrine des Apostres, estaye & appuye, ou establi la verité de Dieu, qui est en ceste parole de Dieu où s'appuye nostre foy ; non sur les hommes qui sont subiets à errer. Les Apostres ont parlé & escrit par le saint Esprit, ou le saint Esprit par eux : & ainsi ils gouuernent l'Eglise par leur doctrine, en iugeant de tout different de Religion.

De Sponde veut que nous-nous ressouuenions de ce qu'il dit cy deuant ; à sçauoir, *que l'Eglise a esté colonne & appuy de verité auant les Escritures saintes* : pour dire, qu'elle peut bien encore l'estre, & qu'elle l'est sans icelles. Il nous souuient de cela, & d'y auoir respondu, à sçauoir que l'Eglise lors a esté colonne & appuy de verité par la mesme parole de Dieu que maintenant; iacoit qu'elle ne fut escrite comme à present & en la mesme forme. Ce n'estoit alors que la promesse, & ores nous auons & la promesse & l'accomplissement en bonne forme & bien authentique, de peur que les broüillons heretiques & fausfaires ne falsifient la parole de Dieu, en y changeant, adioustant, ou diminuant, comme le Pape s'est vāté d'auoir ceste puissance;

voire mesme a ordonné par dessus la parole de Dieu, & contre icelle. Au reste, veulent-ils dire, qu'auant que la parole de Dieu fut couchée par escrit par Moyse, que l'Eglise a esté colonne de verité, en enseignant le purgatoire, l'inuocation des Saints, la Messe, le mérite des œuvres, & le reste de la Papauté? Cela n'estoit pas encore, ny les Papes, ou les Conciles qui ont ordonné cela. Que si sans cela l'Eglise a esté Eglise de Dieu, colonne & appuy de verité, pourquoy ne le sera-elle maintenant, qu'elle a la mesme parole de Dieu par escrit, & l'enseigne fidellemēt? Mais sera-elle colonne & appuy de verité, si elle enseigne les abuz & impietez de la Papauté?

De Sponde veut, que nous luy permettiōs de croire, *que tout n'est pas compris en l'Ecriture sainte*. Je demande que s'en faut-il? qu'il le nous monstre. *Cela se iustifie*, dit-il, *clair comme le iour*. En quoy? *En ce*, dit-il, *que ceste Eglise (il entend la Romaine) a plusieurs regles & obseruances qui dependent d'une ancienne & generale tradition des Apostres*. Mais quelles regles & obseruāces? qu'il les nous monstre. C'est, dira-il, le cœlibat, le vœu de virginité, le salut par l'eau benite & par la Messe, que le Pape est Dieu en terre, & le reste de vostre religion qui n'est cōtenu en l'Ecriture sainte. Nous vous respondons par S. Hierosme, qui dit contre Heluidius, comme nous ne nions pas les choses qui sont escrites; aussi nous nions celles qui ne sont point escrites. Et sur

le 23. de S. Matthieu; Ce qui n'a point d'autorité des Escritures, aussi facilement est mesprisé comme approuué. *Il veut que nous luy permettions de croire, que tout n'est pas compris en l'Escriture sainte*; c'est donc à dire qu'il faut croire que nostre Seigneur n'a pas tout enseigné, contre ce que dit saint Iean 4. vers. 25. Que ce n'est luy qu'il faut ouïr en tout ce qui est de nostre salut, qu'il n'est pas l'Apostre de nostre confession, que ses Apostres ont esté faussaires ou malicieux, & que ayant le S. Esprit pour tout enseigner, ils ne l'ont pas fait; ains ont esté desloyaux à Dieu & à l'Eglise, & caché le conseil de Dieu, contre ce qui est aux Actes 20. vers. 27. C'est ce qu'il nous demande congé de croire. Or si tout n'est en l'Escriture sainte, elle ne sera pas parfaicte, & pour nous rendre parfaicts & accomplis à toute bonne œuvre. Quoy? la parole de Dieu ne sera pas entiere? Dieu nous aura-il voulu enseigner, & n'aura pas tout dit, ains n'aura parlé qu'à demy? Si est-ce qu'il a defendu d'aller à d'extre ou à senestre de ce qu'il a dit: & a cōmandé de suiure & faire ce qu'il a ordonné. Dieu ne veut pas qu'autre voix que la sienne s'oye, ou s'entende en sa maison, ny qu'il s'y presche autre Euangile, fut-ce par vn Ange, non plus qu'il y soit serui par autres commandemens que les siens, & reprouue cela. Qui a requis cela de vos mains (dit-il) vous me seruez pour neant, n'ayant pour doctrine que les com-

Gal. 1. 8.  
Esaie 29.  
Matth. 25.

mandemens des hommes.

De Sponde nous demande preuue, ou vn passage clair, euident & exprez, que tout est compris en l'Escripture saincte. Mais en veut-il plus que cela que nous auons allegué n'agueres de saint Iean 4. 25 ? qu'il lise le Psa. 19. & le Pseau. 119. La loy de Dieu est pour nous, & pour nos enfans, Deut. 29. Dieu a parlé, pourquoy sinon pour nous enseigner nostre salut : & a donné pour cest effect le S. Esprit à ses Prophetes & aux Apostres plus solennellemēt : & iceux tous ont parlé & écrit par le saint Esprit qui n'a rien oublié, comme a dit cy dessus de Sponde en sa premiere partie, autrement il n'auroit suggeré toute la verité de Dieu. S'il n'estoit loisible de rien adiouster au vieil Testament, moins au nouueau & au vieil maintenant. Tout y est donc compris : Et autrement nostre Seigneur ne seroit l'Amen, & le fidele tesmoing. L'Eglise est edifice sur le fondement des Prophetes & des Apostres, & non sur ses traditions. L'Eglise est colonne & appuy de verité ; mais ensuyuant & enseignant la parole de Dieu, qui est la verité seule, & tout homme menteur.

Act. 20.  
Heb. 3. 1.  
Mat. 17. 30

Apoc. 3. 14  
Eph. 2. 20

De Sponde dit, *que si nous ne prouuons que tout y soit compris, il prouuera que tout n'y est pas.* Mais sera-ce de ce qui est necessaire à salut, ou qui est de la substance, essence, cause, matiere, forme, fin, & moyen d'iceluy ? Il allegue pour preuue, *que manger l'Eucharistie à ieun n'y est pas :* & toutesfois que nous la man-

geons à ieun. Je luy respon, que l'Apostre dit que tout se doit faire decêtement en l'Eglise: & que cela à present où l'Eglise est libre, est plus decent. La raison mesmes porte de le faire ainsi, si faire se peut. Les Apostres l'ont faite de nuict, Actes 20. vers. 7. qui n'estoit pas l'heure qu'ils n'eussent mangé auparauant. NostreSeigneur la fit apres auoir mangé l'Agneau Paschal, & y receut ses Apostres. En l'Eglise de Corinthe la Cene se faisoit avec & apres les Agapes. c. conuiues de charité. Cela est libre. En temps de persecution, nous ne faisons difficulté de la celebrer sur le soir, ou de nuict. Et si aucun a necessité de manger il le peut faire; moyennant que sobre il se presente à ceste sainte action. Il dit aussi, *qu'il n'appert point en escriture quelconque de rebaptizer ceux qui sont baptizez par les heretiques*. Je respon, qu'aussi ne faut-il. Car ce seroit rebaptizer ceux qui auroyent esté baptizez en l'Eglise. Il suffit que l'Ecriture face foy, que cest assez d'auoir esté baptizé, cōme circoncis vne fois: car c'est nostre entree en l'Eglise, ou le tesmoignage & sacremēt d'icelle entree. Qui vne fois y est entré, c'est pour n'en sortir: le Baptisme est Sacrement qu'on y est à iamais. Il ne faut pas dōc reïterer le baptisme, qui a esté dōné & receu vne fois en l'Eglise. Au demeurāt, les heretiques sont en l'Eglise: ceux-là sont dōc baptizez en l'Eglise, qui y ont esté baptizez par les heretiques. L'Ecriture sainte, dira-il, mōstre-elle, ou porte-elle



cela? Elle porte q̄ telle est la fin du baptesme; à sçauoir de tesmoigner q̄ nous sommes naiz en l'Eglise, veu que nous y sommes baptizez. Elle monstre dōc qu'il ne faut pas rebaptizer ceux qui y ont esté vne fois baptizez, quand mesme le pasteur qui auroit baptizé, & toute l'Eglise seroyent heretiques, sinon q̄ l'heresie fut telle, q̄ ces heretiques fussent hors l'Eglise, & leur Baptesme non baptesme. Pour exemple, cōme celle des Arriens, qui estoit si monstrueuse, que les Arriens n'estoyēt pas en l'Eglise: Et partāt ceux qui estoyēt baptizez par eux, n'estoyent baptizez en l'Eglise; & falloit, s'ils vouloyent estre receus en l'Eglise, qu'ils fussent baptizez, car le baptesme des Arriens n'estoit pas vray & legitime baptesme; veu, dy-ie, qu'il n'auoit esté dōné en l'Eglise. Il dira encore, où c'est que la parole de Dieu enseigne cela? Le respon, q̄ la parole de Dieu le dit assez, quād la raison y est, & prinse de la parole de Dieu; à sçauoir d'estre baptizez au nom du Pere, & du Fils, & du S. Esprit, au nom de Christ vray Dieu & vray homme. Car là où n'est ceste croyāce, ce n'est point Eglise: & le baptesme receu sans ceste foy, n'est tesmoin de bonne conscience, ny de salut, ny seau de la iustice de la foy (comme dit saint Paul Rom. 13. 4.) de la Circoncision.

De Sponde allegue aussi l'abolition du Sabbat, & dit, *qu'elle n'est portee par la parole de Dieu.* Elle a esté faite par les Apostres, partant par le saint Esprit. Le premier iour de

la sepmaine on s'assembloit, & se faisoit la collecte pour les pources en l'Eglise, comme entre nous, & entre vous. Ce iour se faisoit la Cene, Act. 20. Et ce iour fut appellé du temps des Apostres, le iour du Seigneur, Apocal. 1. verset 10. Le Sabbat fut aboly, comme le reste des ceremonies de Moysé, Actes 15. Et les Apostres ont escrit, de n'observer rien de toutes les ceremonies que Moysé auoit ordonnées. Et aussi ce seroit encore iudaïser. Et pourtant l'Apostre dit, Que nul ne vous condamne en l'observation des iours; l'Ecriture sainte porte donc l'abolition du Sabbat.

Col. 2. 16.

Sur le poinct de l'adoration du saint Esprit, dont il dit, *que l'Ecriture sainte n'en parle pas*. le respon, que c'est malice & ignorance en de Sponde, & en ceux qui l'enseignent. Car adorons-nous le saint Esprit, croyons-nous en luy, l'inuoquons-nous vn seul Dieu avec le Pere & le Fils, que nous ne croyons suyuant toute la parole de Dieu; qu'il n'y a qu'un Dieu, que le Seigneur nostre Dieu est vn? Il nous est dit, Tu adoreras le Seigneur ton Dieu, & à luy seul tu seruiras. Là donc ne nous est-il pas commandé d'adorer le saint Esprit? Car il est vn seul & vray Dieu avec le Pere & le Fils. Nous sommes baptizez au nom du saint Esprit, comme du Pere & du Fils. C'est donc qu'il est vray Dieu & l'Eternel, que nous adorons. Les Iesuites ne doyuent ainsi reuoker cela en doute, & dire (pour trouuer place à leur Messe) que si elle n'est en

l'Eſcriture ſaincte, qu'aussi ny trouuons-nous le commandement qu'il faille adorer le S. Eſprit. Ils ſe monſtrent en ce lieu & ailleurs inſupportables, & horribles blaſphemateurs. Il faut adorer le Dieu des armées, les Anges l'adorent, Eſa. 6. Sainct Paul dit, qu'iceluy eſt le ſainct Eſprit. Il eſt là porté que le S. Eſprit Act. 18. 25. n'eſt point creature, ains vray Dieu, & Createur avec le Pere, & le Fils vn ſeul Dieu.

De Sponde dit aussi, pour monſtrer ſon impertinence, *que le ſymbole des Apoſtres n'eſt pas en l'Eſcriture ſaincte.* Il a ouy dire cela à quelque pource preſtre & docteur ignorant. Et ſ'il a quelquefois leu l'Eſcriture ſaincte, il n'y a iamais rien entendu, ou il ne ſçait pas ſa croyance : car y a-il aucun article au ſymbole des Apoſtres, qui ne ſoit couché cent & cent fois, par maniere de dire, en l'Eſcriture ſaincte. *Il ne ſe trouue pas aussi en l'Eſcriture ſaincte (dit-il) que les Apoſtres ayent eſté baptizez,* & neantmoins nous le croyons. Il y peut donc bien auoir autres choſes que nous deuons croire, encore qu'elles ne ſoyent pas eſcrites. Mais quelles? Si vous dites que ce ſoit voſtre monarchie Papale, q̄ le Pape ſoit Dieu en terre, ou comme Dieu, & le reſte de voſtre religion que nous condamnons par la parole de Dieu, où en ſerez-vous? faut-il croire cela, qui eſt contre l'Eſcriture ſaincte? Mais quelle raiſon y a-il de dire, que l'Eſcriture ſaincte ne dit pas que les Apoſtres ayent eſté baptizez? Car elle dit que pluſieurs d'eux eſtoient di-

Page 104.

sciples de Jean, & puis qu'ils baptizoyent. Auroyent-ils bien mesprisé le baptisme, que nostre Seigneur a voulu receuoir? Auroyent-ils refusé le gage de leur salut, eux qui l'administroyent aux autres? Incrédule est celuy qui reuoque cela en doute, pour en requerir vn tesmoignage plus ample en l'Escripture sainte. Mais prouuez-nous qu'il y ait telle verisimilitude de vostre Papauté à l'Escripture sainte, que du baptisme des Apostres. Veu que le baptisme est commandé par icelle, vous ne sçauriez. L'Escripture sainte condainne & reprouue ouuertement vos erreurs.

De Sponde repliche apres, *que si l'Escripture sainte luy auoit dit, qu'il ne faut rien tenir que ce qui est contenu en icelle, qu'il n'y auroit plus à repliquer.* Qu'il se taise donc, & les Iesuites aussi: car puis que l'Escripture sainte est la parole de Dieu (ce qu'on ne peut nier qu'auec vne impudence diabolique) & puis que Dieu, parle en l'Escripture sainte, & pour nous instruire de tout nostre salut; en cela ne nous est-il pas assez dit, qu'il nous faut tenir à icelle seule; & qu'il ne faut rien tenir que ce que elle contient, ou qui se peut prouuer par bonne raison fondée en l'Escripture sainte? Car si Dieu a parlé pour nous instruire, il n'a rien laissé à dire. L'Escripture sainte est parole de Dieu parfaite en soy, & parfaictement parfaite, tenant de la nature de Dieu duquel elle procede, & pour nous faire entierement parfaicts & accomplis à toute bonne œuvre. Et

si outre ce qui est en l'Escripture sainte il de-  
 failloit quelque chose à l'Eglise, quel moyen  
 de le trouuer? Car l'un dira, c'est cecy qui de-  
 faut; l'autre dira, c'est encore cecy: chacun ce  
 qui luy plaira, & ce ne seroit iamais fait. Le  
 Pape dit qu'il defect ce qu'il veut adiouster;  
 les autres de mesme. Dieu nous en a-il laissez  
 là? Ce n'est iamais fait en l'Eglise Romaine,  
 il y a tousiours ou nouveaux pardons, ou  
 nouveaux pelerinages, ou nouvelles deuo-  
 tions. Que si on ne trouue tout ce qu'il faut  
 en l'Escripture sainte, où le trouuera-on? Si  
 Dieu ne dit tout ce qui est de son seruice & de  
 nostre salut, qui le dira? Si Dieu seul le sçait,  
 qui le declarera? l'homme n'y entend rien.  
 Si le dire de Sponde auoit lieu, ce seroit le  
 temps des heretiques, qui ne se veulent gou-  
 uerner par la seule parole de Dieu, non plus  
 que les Catholiques Romains. Mais quel ad-  
 uantage nous seroit-ce d'auoir l'Escripture  
 sainte pour parole de Dieu, s'il estoit loisible  
 à chacun d'apporter ses songes, & ses inuen-  
 tions pour la parole de Dieu? S'il n'estoit loi-  
 sible auant la venue de nostre Seigneur, de  
 rien croire à salut que comme portoit le vieil  
 Testament, aussi maintenant n'est-il permis,  
 que comme il est porté par le vieil & nou-  
 uveau Testament. Mais s'il veut vn passage ex-  
 prez pour ne repliquer plus, qu'il oye ce que  
 nostre Seigneur dit & escrit à l'Eglise de  
 Thyatire & à nous tous. Mais ie dy à vous, &  
 aux autres qui sont en Thyatire, à tous ceux

Apoc. 2. 24

qui n'ont point ceste doctrine, & n'ont point cognu les profondeurs de Satan ( comme ils parlent. ) Je ne mettray point sur vous autre charge, mais retenez ce que vous avez iusques à ce que ie vienne. C'est nostre Seigneur qui parle là de la dextre de Dieu son Pere : & parle à nous tous, en escriuant à l'Eglise de Thyatire, où il y auoit des heretiques : & notamment vne autre Iesabel, qui se disoit auoir vne autre doctrine & parole de Dieu, que l'Euangile & la doctrine des Prophetes : & appelloient leur doctrine plus profonde que l'Euangile, & que les oracles des Prophetes. Or nostre Seigneur appelle cela les profondeurs de Satã. Là mesme nostre Seigneur dit, qu'il ne mettra point sur nous autre charge, & que nous tenions ce que nous auons, à sçauoir sa parole, iusques à ce qu'il vienne : c'est à dire, iusques au dernier iour du monde, qu'il viendra en sa gloire pour iuger les viuans & les morts. Veut-il encore autre preuue, qu'il ne faut rien tenir que ce qui est en l'Escripture sainte ? Il est dit en saint Iean chap. 4. Nous sçauons que le Messias viendra, & qu'il nous annoncera toutes choses. Et là nostre Seigneur se dit estre le Messias venu pour cela. Il a enseigné, & donné le saint Esprit à ses Apostres, pour nous enseigner ce qu'il auoit commandé : & ont tout enseigné, ou ils n'ont pas esté fideles en leur charge, ou le saint Esprit ne les a pas conduits en toute verité. Je vous ay annoncé tout le conseil de Dieu

Act. 20.

Dieu dit l'Apostre. Nostre Seigneur est appelé l'Amen, le tefmoin fidele, & l'ambassadeur de nostre confession; il a donc tout enseigné. Les Apostres qui ont escrit, n'ont escrit, que comme eux & les autres Apostres ont presché; & s'ils ont tout presché, ils ont aussi tout escrit: & en croyant selon qu'ils ont escrit, nous auons la vie eternelle. Je dy donc, qu'ainsi il est monsté en l'Ecriture sainte, qu'elle seule suffit pour tout ce qui est de nostre foy & salut. Dieu parle là, que tout se faise. Que Dieu parle, & les cieux & la terre escouteront; & l'Eglise non? A qui parle Dieu, n'est-ce pas à l'Eglise? C'est donc à elle d'escouter, non d'en ordonner par dessus la parole de Dieu. Sera-elle plus sage que Dieu, & se fera elle ses loix & ses deuotions elle-mesme, comme a esté dit?

Pour prouuer que tout le vray seruice de Dieu, n'est ny contenu ny déclaré en l'Ecriture sainte, il allegue que *l'Eglise se seroit entiere-ment liee les mains, si elle auoit receu l'Ecriture sainte pour la seule parole de Dieu.* O ciel! O terre! Qu'est-cecy? Est-ce à l'Eglise de capituler avec Dieu, & de ne receuoir la parole de Dieu, pour la reigle de son seruice; si ce n'est à cōdition qu'elle y ordōnera & adiouftera du sien? C'est pour cela qu'il dit, que l'Eglise se seroit liee les mains entiere-ment, si elle auoit receu l'Ecriture sainte pour seule parole de Dieu. Mais quel danger qu'elle ait les mains liees pour ne rien ordonner, & desliées pour



faire ce que Dieu a commandé ? Dieu le veut ainsi. Qu'elle escoute donc, qu'elle face, & qu'elle obeïsse. Dieu luy en a assez ordonné, & ne veut pas qu'elle ordōne autre chose. La femme sage obeït aux bons & saints commandemens de son espoux, & n'y chāge rien. Dieu n'a rien laissé à nostre discretion, il a ordonné de tout ; tenons cela iusques à ce qu'il vienne. Quel besoin est-il que l'Eglise parle, que ce que luy est commādé de dire ? Ce n'est à elle de parler, ny d'ordonner apres Dieu, ne d'y apporter son aduis, ne d'en prédre & d'en laisser à sa volonté, ne d'en dire sa sentēce par dessus ce que Dieu a vne fois dit & estably. Si vous voulez que l'Eglise se prescriue ses loix elle-mesme, qu'elle face de là maistresse, que deuiendra l'autorité de Dieu en sa maison ? N'est-ce pas le mettre dehors, & faire comme s'il n'y auoit point de Dieu ? Et si cela ne vous est permis, voicy de Sponde qui s'escric, qu'on vous serre la bride de trop court. Mais c'est Dieu qui ne veut pas, que vous ordonniez en sa maison autre chose que ce qu'il y a ordonné, il veut que vous obeïssiez. Il a taillé aux pasteurs leur besongne, leur a donné le pain qu'ils doyuēt couper en sa maison : c'est sa parole, le pain de vie, le salut par son seul Christ. Il veut qu'on obeïsse aux Pasteurs, direz-vous. Il est vray : mais c'est quād ils annoncent ceste doctrine & selō icelle ; autrement, nō. Car vn aueugle meneroit vn autre aueugle, & tous deux tōberoyent en la fosse.

Mais de Spode dit, *que nous serrons les mains à l'Eglise de trop court, plustost par preiugé, que par raison.* C'est ce que Dieu en a ordonné, est-ce vn preiugé? Mais c'est vn arrest ferme & irreuocable à iamais. Car c'est bien la raison que quand Dieu parle, que tout se taise; qu'il soit seul ouy, que seul il parle, commande seul, soit le maistre & le plus grand chez soy. Qui donc, le Pape? Mais seruirez-vous Dieu autrement qu'il n'a commandé? il vous dira, Qui a requis cela de vos mains? Ité, c'est pour neant que vous me seruez; Dieu est seul sage, l'homme vanité. Dieu seul sçait ce qu'il veut, & ce qu'il nous faut, & l'a ordonné.

Après il donne vn moyen qu'il se dit prendre de S. Augustin, *pour sçauoir ce que l'Eglise enseigne hors la parole de Dieu. C'est que quand quelque chose est obseruee de tousiours, par tout, & de tous, c'est la vraye marque des traditions verbales des Apostres, ausquels notamment il fut dit, l'Esprit de verité vous enseignera toute verité.* Il deuoit coter où S. Augustin a dit cela. Mais posons le cas qu'ainsi soit, cela n'aide rien à sa cause: Car la Messe n'a esté obseruee de tousiours par tout, & de tous, ny le reste de la Papauté. Le Pape de Rome n'a esté adoré de tousiours de tous, & par tout, ny tenu pour Dieu en terre. Ce n'est donc vne tradition verbale des Apostres. Ils n'ont mesme sceu, ny escrit rien de toute vostre idolatrie. Et nous sçauons & vous disons, qui a fait & ordonné la Messe, & commet l'Euesque de Ro-

me s'est emparé de la tyrannie qu'il vsurpe: les Apostres ont escrit contre cela, comment l'auroyent-ils ordonné? auroyent-ils ordonné le contraire de ce qu'ils ont escrit?

Ad Pom-  
pcium con-  
tra literas  
Stephani.

Au reste, ce n'est pas le tout qu'une chose soit ancienne; mais il faut avec cela qu'elle soit veritable, & fondee en la parole de Dieu. Coustume sans verité, dit saint Cyprien, est vieillesse d'erreur, ou ancien erreur. Et Tertullien aussi dit; Ny les espaces des temps, ny les defenses des personnes, ne peuvent mettre perscription à la verité, ny les privileges des pays. Mais, cōme il a esté dit, s'il veut dire que le Purgatoire, baïser les reliques, adorer les images; & le reste de vostre idolatrie ait esté de tousiours, & par tout reconnu de tous: nous le nierōs avec plus de raisō, qu'il n'aura de le prouver; aussi ne le sçauoit-il prouver. C'est assez que la parole de Dieu, qui est de tousiours reconnue de to<sup>s</sup> les vrais fideles, & par tout, n'en dit rien. C'est là qu'on peut reconnostre & voir, si ce qui s'enseigne en l'Eglise, est selon la parole de Dieu. Car c'est à la parole de Dieu que nous-nous reglōs, & non à l'antiquité, ny à la multitude, ny à la continuité, de ce qui n'est en la parole de Dieu, ou y contreuient? Quoy? Dieu cederait-il à cela? & où sera dōc son autorité, & de quoy seruira sa parole? Pourquoi l'a-il donnee, si ce n'est pour y regler nostre foy, nos mœurs, nos deuotiōs, son seruice, & toute nostre vie?

De Sponde ne voudroit point d'Escriture

saincte : elle ne luy plaist pas, quelque bonne mine qu'il face. Et pour preuue de mon dire, ie n'ameneray que ce qu'il dit icy ; à sçauoir *qu'il a bien esté commandé aux Apostres d'enseigner ceste verité, & de la prescher à tout le monde ; mais non pas de l'escrire.* Sus, Iesuites, mettez la main sur vos consciences, & parlez en verité. Ne voudriez-vous pas q̄ les Apostres n'eussent point escrit ? mais ne dis-tu pas, *qu'ils ont fait plus qu'il ne leur estoit commandé ?* Ne dis-tu pas *qu'on se fut bien passé de l'Euangile, comme tu dis fausement qu'on s'estoit passé des liures des Prophetes, iusques à Esdras ?* C'est bien tacitement condamner l'Escripture saincte : en quoy vous-vous mōstrez pires que les diables, qui recognoissent son autorité & verité. Quoy ? auāt Esdras n'auoit-on ny Moyse, ny les Prophetes ? D'où les a eu donc Esdras, s'ils n'estoyent entre les mains des fideles ? Iosias ne fit-il pas lire le liure de la Loy deuant soy ? Nous ne disons pas, *que Dieu ne sauue que ceux qui sçauent lire.* Mais nous disons, que Dieu a donné sa parole par escrit pour nostre instruction, & que nous la deuons puiser de là : & que de là on doit enseigner l'Eglise ; & non des traditiōs que vous appelez parole non écrite. Nostre Seigneur a allegué les Prophetes ; Ils ont Moyse & les Prophetes, qu'ils les oyent. Moyse, c'est celuy qui vous accusera. Item, sondez les Escriptures. Item, vous errez, ne sçachans les Escriptures. Item, N'avez-vous pas leu ? On croyoit ce que S. Paul di-

Luc 16.

Iean 5.

Matt. 21.

Matth. 19.

Act. 17. 11.

soit, car on voyoit qu'il estoit escrit és Prophetes. Nostre Seigneur a escrit du ciel, ou dicté à S. Iean pour escrire aux Eglises. Les Docteurs anciens se sont reiglez au vieil & nouveau Testamēt: & n'ont voulu croire que selon qu'il est là porté, & par là ont combatu les heresies. Et cependant de Sponde dit, que les Apostres ont escrit sans en auoir commission; pour dire, qu'on s'en fut bien passé, que ce n'est pas chose tant necessaire en l'Eglise qu'elle soit necessaire à salut. Il veut dire cela. La lettre y est grosse, pour le voir assez clair.

Cependant de Sponde se iustifie fort, *qu'il ne veut pas estouffer l'authorité des Escritures.* Mais pourquoy a-il donc cy deuant dit, que l'Eglise est auant l'Escriture sainte, qu'il y a eu Eglise sans Escriture sainte, qu'on a esté sauué sans icelle, qu'auant qu'Esdras la mist en euidence, que l'Eglise s'en est passée plusieurs siecles, qu'il y a parole de Dieu écrite, & parole de Dieu non écrite? Pourquoy tient-il que la non écrite est plus seure, & qu'elle ne peut errer, & qu'il s'y faut tenir? Pourquoy luy & les Iesuites tiennēt-ils que l'Escriture sainte, vieil & nouveau Testament, n'a d'authorité qu'autant qu'il plaira au Pape luy en donner, & luy en rendre témoignage? Au Pape, dy-ie, & à l'Eglise Romaine, où il constitue & met sa parole non écrite? Si les Iesuites ne veulēt estouffer l'authorité de l'Escriture sainte, pourquoy par-

lēt-ils en ceste sorte? Et pourquoy a-il dit icy, que les Apostres ont escrit sans aucū cōmandement de ce faire; bien (dit-il) de prescher? Mais nostre Seigneur leur auoit commandé d'enseigner. Ce qui se fait, non seulement par predication; mais aussi par escrit, & avec plus de fruit: Car la doctrine en demeure à la posterité à iamais. Pourquoy (dira-il) n'ont-ils pas tous escrit? Les escrits de ceux qui ont escrit, fussent: Dieu l'a ainsi voulu. Nous auons là tout, & vne chose dite plusieurs fois. Nous y auons tout ce qui est de nostre salut; encore que rien de vostre Papauté n'y soit. Mais si les Apostres n'eussent escrit, où en serions-nous? nous ne sçaurions pas ce que les Apostres auroient presché. Vos Curez l'ont oublié: encore mesme qu'il soit escrit, ils n'en sçauent rien. Mais au nouueau Testament nous voyons ce qu'ils ont presché; comme au vieil, ce que les Prophetes ont enseigné, & nous arrestons à ses saints escrits. Car l'Eglise est fondée sur la doctrine des Prophetes & des Apostres, & non pas sur vos traditions que vous appelez Apostoliques, pour les faire receuoir, ny sur vostre parole de Dieu non écrite. Vos traditions, & vostre parole non écrite, nous les confrontons à la parole de Dieu écrite, elles ne s'y rapportent pas, ains y contreuient; vous le voyez. Nous les reiettons par l'autorité de l'Ecriture sainte, & vous voulez estouffer ceste autorité, à fin de les faire receuoir, & que le Pape soit au

haut bout, & Dieu au bas: que v'ous foyez les maistres, & faciez ce que voudrez en la maison de Dieu. Et pour cela il dit apres, *qu'il recoit l'Escripture sainte pour parole de Dieu; sous le solennel tesmoignage que l'Eglise luy en donne.* (Il n'entend que l'Eglise Romaine, car il ne pense pas qu'il y ait autre Eglise au monde) c'est à dire, qu'il recoit l'Escripture sainte, entant que le Pape luy'dit que c'est la parole de Dieu, autrement non. C'est donc en luy donnant autorité sur la parole de Dieu, pour ravailler tousiours l'autorité d'icelle, & faire receuoir les additions, interpretations, diminutions, & modifications que le Pape en fait; comme feroit & veut faire vne cour de Parlement des Edicts du Roy. Et c'est ainsi qu'ils donnent lieu aux traditions des Papes, qu'ils appellent les traditions des Apostres, & les traditions de l'Eglise, & parole non escrite. Ils sont plus ialoux de cela, que de l'Escripture sainte.

Page 105. Mais dit de Sponde, *ie nie fort & ferme que tout l'estat de l'Eglise soit tellement reglé en l'Escripture sainte, qu'il n'en faille recognoistre quelque chose hors des Escriptures.* Je respon, qu'à la verité ce qu'ils cherchent en l'Escripture sainte, ny est pas; à sçauoir cest estat superbe & magnifique de la cour Romaine; vn Pape qui se face adorer ne s'y trouue pas, mais bien vn S. Pierre qui ne veut pas estre adoré. Vous n'y trouuez ny Cardinaux, ny Euesques mitrez, ny Abbez, ny Moines, ny leurs frocs, ny



Messes, ny processions, ny autres de vos deuotions: mais vous y voyez l'estat de l'Eglise des Apostres. Ceste simplicité nous plaist, & nous la suyuons, & vous voulez chercher quelque autre chose hors l'Ecriture sainte, comme plus lucrative pour vous; quelques autres deuotions, comme si Dieu n'en auoit sçeu assez enseigner. *Mais toutesfois* (dit de Sponde) *iamais rien contraire aux Escritures*. Qu'est-ce donc de tout ce que vous faites, que nous reprouuons par l'Ecriture sainte? Qu'est-ce de vos images, de vostre Purgatoire, de l'inuocation des Saints, du salut par les œuvres, des bulles du Pape, du salut par la Messe, de la defense du mariage, du vœu de virginité, & de l'autorité du Pape?

Pour dire qu'ils n'ont rien qui contreuienne à l'Ecriture sainte, en toutes leurs ceremonies & traditions ou reiglemens, il dit, *que l'esprit qui a presidé à l'escrit & à la tradition, ne est point contraire à soy-mesme*. Je respon, que nous sçauons bien que le saint Esprit a presidé à l'Ecriture sainte, & sçauons bien qu'elle n'est pas de reuelation humaine, ains que les saints Prophetes & Apostres ont écrit inspirez de Dieu. Mais que ce mesme esprit de Dieu ait presidé en vos traditions, nous disons que non, & nous fondons sur la mesme raison que de Spode met en auant, à sçauoir, que le saint Esprit n'est point contraire à soy-mesme: ce que seroit si vostre parole non écrite, vos traditions que vous appelez A-

postoliques, vostre Messe, & le reste de vostre faux seruice & Papauté estoit procedé du S. Esprit : car vous mettez vostre salut en ces choses, & le saint Esprit par toute l'Escripture sainte n'enseigne point le salut qu'en vn seul Iesus Christ. Le S. Esprit n'a pas donc ordonné la Messe, ny vostre Papauté, & vos traditions, & vostre parole non escrite ne procedent pas de luy. Puis que tout cela est cōtraire à l'Escripture sainte, où parle le S. Esprit, ou bien il faut dire que le saint Esprit se contredit comme a esté dit cy dessus.

Or pour faire voir comment de Sponde veut estouffer l'autorité de l'Escripture sainte, examinons vne obiection qu'il fait par apres, à sçauoir; *Quoy, dira quelqu'un, si l'Eglise me disoit quelque chose fausse, faut-il que ie la croye ?* Il respond, *le te dis que cela n'aduendra iamais.* Il veut donc qu'on croye tout ce que l'Eglise Romaine dira, & qu'on croye qu'elle n'erre ny n'errera iamais, & qu'o se repose là. Conioignez cecy à ce qu'il a dit cy deuant, *que l'Eglise s'est bien passée de l'Escripture sainte; qu'elle a esté escrite sans commandement, qu'on a bien esté sauué sans elle.* Qu'en pouuez-vous inferer, sinon qu'il se faut arrester à l'Eglise plus qu'à l'Escripture sainte?

Il dit, *que iamais il n'aduendra que l'Eglise erre.* Quoy? nous ne voyons que cela, & qu'elle a erré de siecle en siecle, & que l'Eglise Romaine erre. Je ne sçay que veut donc dire cestuy-cy. Il dit icy, *qu'il n'est iamais aduenu :* &

ET  
ia cy deu  
glises qui le  
que saint  
Romaine.  
les autres  
ville de sa  
ses os, où  
Pipe son  
ions, po  
peut err  
l'Eglise  
qu'à vne  
floit la p  
péchera  
quoy luy  
gne qu'il  
raël ? L  
Samarie  
re, celles  
le faison  
elle céro  
autre ch  
saluter  
chap. 2  
se d'vse  
en pren  
doctrin  
musier  
science  
la tierce  
Po  
peut

il a cy deuant dit luy-mesme, *que toutes les Eglises que les Apostres ont planté, ont erré; celles que saint Pierre a planté aussi, horsmis l'Eglise Romaine.* Quel priuilege a ceste-cy plus que les autres, & où en sont ses lettres? C'est la ville de saint Pierre, où il est mort, où sont ses os, où il a fait son testament, & estably le Pape son heritier: ne voilà pas de belles raisons, pour croire que l'Eglise Romaine ne peut errer? Mais les Anciens n'ont conseré à l'Eglise Romaine d'honneur & prestance plus qu'à vne autre, sinon à cause de Rome qui estoit la premiere ville de l'Empire. Cela empeschera-il l'Eglise Romaine d'errer? Pourquoy luy a donc escrit l'Apostre, qu'elle craigne qu'il ne luy arriue comme à l'Eglise d'Israël? L'Eglise de Iuda a erré, Ierusalem erré, Samarie erré, Israël erré, les Eglises d'Asie erré, celles de la Grece & la Romaine erré. Nous le faisons voir clair comme le iour, en ce que elle cherche salut ailleurs qu'en Christ, & par autre chose avec luy; là où il est dit, qu'il n'y a salut en autre qu'en luy. Mais en la 1. à Timo. chap. 4. la defense du mariage, & la defense d'vsfer des viandes que Dieu a creees pour en prendre avec action de graces, est appelée doctrine des diables, defaillir de la foy, & s'amuser aux esprits d'erreur, & auoir la conscience cauterisée. L'Eglise Romaine fait cela n'erre-elle pas donc?

Pour dire encore que l'Eglise Romaine ne peut errer, il se fonde sur ce que nostre Sei-

gneur a dit, Donnez-vous garde des faux Prophetes : Mais de l'Eglise qu'il a dit ; Qui vous escoute , il m'escoute : qui vous reiette, il me reiette. Item , faites tout ce qu'ils vous diront. Item, s'il ne daigne escouter l'Eglise, qu'il te soit comme Payen & Peager. Il pense que tout cela soit dit pour l'Eglise Romaine. Tout ce qu'il y a de beau au ciel, de puissance en Dieu , de grace en ses misericordes, est tout pour le Pape , toute la gloire de tous les Royaumes de la terre luy appartient , & à son Eglise Romaine. Comme si l'Ecriture sainte ne disoit rien que pour luy: c'est comme vous en vsez; mais nous-nous y opposons. Pensez-vous que quand nostre Seigneur a dit, Qui vous escoute, m'escoute : qu'il ait dit cela pour l'Eglise Romaine, & pour son Euesque? Surquoy vous fondez-vous? que nostre Seigneur a dit cela à saint Pierre, & que le Pape est son successeur & l'Eglise Romaine son Eglise? Je vous respon, que saint Pierre a bien eu d'autres Eglises, & d'autres Docteurs que le Pape pour successeurs, & que vostre dire n'a lieu ny preuue, ny raison. Et en tout cas, il eut donc fallu que nostre Seigneur n'eust dit cela qu'à saint Pierre, là où il disoit cela à tous les Apostres : & encore qu'il eust dit, Qui t'escouterà Pierre, & l'Euesque de Rome ton successeur, il m'escouterà. Mais Dieu veut-il qu'on escoute le Docteur & le pasteur en l'Eglise, s'il ne parle par la parole de Dieu? Sera-il autremét la bouche

de Dieu? Quel droit a donc le Pape en cecy ny son Clergé? Car s'ils crient qu'ils parlent au nom de Dieu, ne voyons-nous pas qu'ils ne parlent pas par la parole de Dieu, mais contre icelle?

Au surplus, quand nostre Seigneur'a dit, Qui vous escoute, il m'escoute; il a dit cela non au Pape, mais à ses Apostres & disciples, & à leurs vrais successeurs qu'il enuoye, & qui portent sa parole, & parlent en son Nom, parlent par sa bouche & non autrement. Cela ne cômpe ny au Pape, ny à ses Clercs; quâd ils parlent sans la parole de Dieu, contre icelle, & mesmes lors qu'ils ne parlent que du Pape, en son nom, & pour luy, & pour establir son throsne, & debouter nostre Seigneur du sien. Ce qu'ils font, quand ils reglent l'Eglise à la doctrine du Pape, & non à l'Euangile de nostre Seigneur, qui est la parole du royaume. Ils ne parlent pas (en ce qu'ils pretendent touchant l'autorité de l'Eglise Romaine) par la bouche du Seigneur. S'ils alleguent quelques mots de l'Euangile, comme cecy, ils l'vsurpent faussement: Car nostre Seigneur ne l'a pas dit à ceste fin, de faire le Pape Dieu en terre, & qu'il ne puisse errer: & que quand il parlera, ce sera Dieu qui parlera; & que qui l'escoute, escoute Dieu. Nostre Seigneur n'a pas dit cela à ceste fin; ains pour autoriser le message de salut en son Eglise, & se declarer le garant de ses seruiteurs, & le iuge des contempteurs de l'Euangile.

Psea. 110. 2

Esa. 27.

Matth. 23.

19.

L'autre passage qu'il allegue, c'est que nostre Seigneur dit des Pharisiens, *Faites tout ce qu'ils vous diront.* Cela ne compete pas au Pape, ains aux Pharisiens, qui auoyent vocation en l'Eglise; le Pape non. On dira, que le Pape est assis sur la chaire de saint Pierre, comme eux sur celle de Moyse, & qu'il le faut ouïr, & faire tout ce qu'il dira. Je respon, que le Pape ne suit pas la doctrine de saint Pierre; il y contreuient, comme a esté monstré: car il enseigne le salut autrement que par Iesus Christ. C'est contre la doctrine de saint Pierre: Il n'est pas donc assis sur sa chaire; c'est à dire, il n'a pas sa doctrine ny vocation en l'Eglise. Les Pharisiens enseignoyent la doctrine de Moyse, ils auoyent vocation en cela, & en leur succession. Il les falloit escouter, & faire ce qu'ils disoyent, conuenant à la doctrine de Moyse; autrement non: Car s'ils enseignoyent autrement, nostre Seigneur disoit, *Donnez-vous garde du leuain des Pharisiés.* Si ceux-là, ayant Moyse & la Loy deuant eux, & vocation en l'Eglise, ont erré; le Pape qui n'a aucune vocation en l'Eglise, ne peut-il pas errer? Dieu a-il ordonné de Pape, & tel monarque en son Eglise? Dieu l'a defendu. Il v-surpe cela; & en cela n'erre-il pas donc? Ne peut-il pas errer au reste? Nous voyons les erreurs, le croirons-nous donc?

En l'autre passage qu'il allegue, pour prouuer qu'il faut ouïr l'Eglise Romaine, il n'est point parlé de l'Eglise Romaine. Cela ne

zōpete ny à elle, ny au Pape, pour en faire ce  
 que pretend cestuy-cy. Car il est là question  
 de reprendre le pecheur. C'est que celuy qui  
 sçait que son frere peche, il le reprendra en-  
 tr'eux deux : s'il n'escoute, qu'il prenne avec  
 luy deux ou trois tesmoins ; s'il ne se corrige  
 pour cela, qu'il soit deferé à l'Eglise; à sçavoir  
 pour estre reprins & admonesté au nom de  
 toute l'Eglise, comme s'il estoit admonesté  
 par elle. Que s'il n'oit l'Eglise; c'est à dire s'il  
 ne se corrige; lors qu'il soit tenu pour Payen  
 & Peager, c'est à dire retranché de la com-  
 munion de l'Eglise: qu'on luy desnie la fami-  
 liareté accoustumee, comme faisoient les  
 Iuifs aux Payens & Peagers. Et de Sponde  
 veut dire, que nous devons estre excommu-  
 niez, si nous n'escoutons le Pape & l'Eglise  
 Romaine, en tout ce qu'ils diront, & qu'il ne  
 faut pas craindre que ceste Eglise Romaine  
 erre, ny son Pape; que cela n'est iamais adue-  
 nu. Quoy ? le Pape qui mit le pied sur la gor-  
 ge de l'Empereur, qui dit que les Rois & Em-  
 pereurs sont ses escuyers, qu'il est par dessus  
 les Rois, comme le soleil par dessus la lune,  
 que luy & Dieu n'ont qu'un conseil, que quād  
 il meneroit les ames par bādes en enfer, qu'il  
 ne le faut reprendre. Le Pape qui despoüilla  
 le Roy de Nauarre de son Royaume, qui a  
 exposé ce Royaume en proye. Boniface 8. qui  
 se disoit auoir toute puissance sur ce Royau-  
 me, tous ceux-là n'ont pas erré ? Si est-ce que  
 Boniface se retracta, & son successeur en fit la

Dist. 40.  
 Can. Si Pa-  
 pa.



Clementine, & fut d'autre aduis. Mais quoy? N'y a-il pas eu entr'eux des forciers inuocateurs de Diabes, Athees & Epicuriens? ceux-là n'ont-ils pas erré? l'Eglise Romaine ne se plaist qu'en erreur, idolatrie, superstition & heresie; comme nous auons fait voir mille & mille fois cy deuant.

De Spõde adiousté, *qu'il peut bien glisser de l'ignorance en l'Eglise, mais non pas des erreurs & sur tout en la foy.* Quelle est l'ignorance de leur Clergé? on ne fait contes que de cela, il ne la peut nier. Mais ce n'est pas erreur en la foy, dira-il. Helas! mon amy, la plus part d'eux ne sçauent que c'est de la foy, non plus que les Turcs; ce n'est pas dequoy il se soucient. Je ne m'arreste pas à ce qu'il dit, qu'en la foy, en l'esperance, & en la charité, consiste le seruice de Dieu. Car l'exercice de la vraye religion, sera-il excluz du seruice de Dieu, comme la priere, ouïr la parole de Dieu, la lire, chanter les loüanges de Dieu, & participer aux Sacremens, cela ne sera pas du seruice de Dieu? Mais ie vien à ce qu'il dit, *que ce doit estre nostre resolution, ou qui nous doit seruir pour la resolution de toutes les disputes particulieres qui peuvent estre, pour le faiët de la religion, à sçauoir que l'Eglise ne peut errer.* Et de faiët cela resolu, la dispute cesse. Mais Dieu perd son droiët, car ainsi il faudra dire, que le Pape & l'Eglise Romaine n'ont iamais erré (encore que l'ignorance y ait esté espaisse comme les tenebres en Egypte) & faudra receuoir toutes les abominations

abominations de l'Eglise Romaine pour seruice de Dieu. Cela fait, le Pape ne criera plus: mais les consciences seront aux effrois de l'enfer. Il nous veut monstrier par apres, que de fait l'Eglise Romaine n'a point erré, & voycy comment: *Chacun sçait* (dit-il) *ce que l'Eglise Romaine a enseigné; nul n'en peut douter legitime-ment.* De vray nous sçauons ce qu'elle a enseigné, & voyons qu'elle a erré, & vous le faisons voir plus clairement que le iour. Mais vous voulez estre aveugles. *Qui* (dit-il) *enseigne au contraire de cè qu'enseigne l'Eglise Romaine, rend ses doutes suspects, & tout ce qu'il peut alleguer là dessus.* Je respon, que nous enseignons au contraire de l'Eglise Romaine en plusieurs poincts, & si sommes asseurez de la verité de nostre doctrine. Nous n'auons pas de doutes en cela; Il se trompe, s'il le pense. Qu'il ne se face pas accroire cela, ny à d'autres non plus: nous auons la parole de Dieu pour nous, en ce que nous parlons contre le Pape. Nous ne suyons point ny nostre sens particulier, ny celuy de l'Eglise Romaine, ny d'aucun homme. Nous abhorrons là le sens de la chair. Nous sçauons que la parole de Dieu doit estre interpretée par elle-mesme, & par le S. Esprit qui parle en icelle, qui s'interprete par elle-mesme: Et, comme il dit, *la raison naturelle le veut*; car c'est la parole de Dieu. Il faut donc que Dieu l'interprete. Elle est de diuine inspiration, il faut que son interpretation soit de diuine inspiration. Mais vous prenez ceste

inspiration en l'interpretation de vous-mesmes, de vos Moines, & Curez, & en l'intelligence & au sens tel que luy donne l'Eglise Romaine; quoy que contreuienne à l'Escripture sainte. Et faites le S. Esprit (entât qu'en vous est) se contredire en vn lieu, à ce qu'il aura dit en l'autre. Ceste inspiration n'est pas diuine, elle est diabolique; nous l'abhorrons: & nous prenons ceste inspiratiō, par laquelle l'Escripture sainte doit estre interpretee, en l'Escripture sainte mesme, où les saints hommes inspirez de Dieu ont parlé. Mais puis que de Sponde confesse, que comme l'Escripture sainte est diuinement inspiree & procedee du S. Esprit, qu'aussi elle doit estre interpretee par le saint Esprit. Cōment la veut-il interpreter par l'Esprit du Pape; & des hommes? n'a-il pas le S. Esprit qui parle en toute l'Escripture sainte? Qu'il puise là l'interpretation, là le saint Esprit la luy donnera; & s'il l'y cherche, l'inspirera pour l'y voir & la trouuer. Mais il la pense plus seurée en ceux qui n'en parlent, ny ne l'exposent que comme vient à leur aduantage selon leur l'affection, c'est par la volonte de la chair, pour faire seruir l'Escripture sainte à leur gain deshōneste, & à leur ambition. Leur passion les meine, non le zele de la gloire de Dieu, & du salut du peuple Chrestien.

De Sponde met apres que nul ne se peut vanter d'auoir ceste diuine inspiration en son particulier; à tout le moins plus que l'Eglise à qui le saint

*Esprit a esté promis principalement.* Nous ne disons pas, qu'aucun se doye vanter d'auoir ceste diuine inspiration, ou que particulièrement il s'en puisse vanter : mais nous disons, que par ceste sainte inspiration, les Prophetes & Apostres ont escrit; que le S. Esprit s'interprete là, & ses escrits par ses escrits, & nous en ouure & donne l'intelligence. A ceux qui y cherchèt avec reuerence la seule volonté de Dieu, & leur salut, le saint Esprit reuele cela & inspire : non tous en general, ou toute l'Eglise visible, ou plustost les plus grâds & plus apparens en lustre que les autres ; mais ceux qu'il luy plaist, & plustost particulièrement que generalmente. Car les dons de Dieu ne sont pas departis à tous egaleement ( tous ne sont pas Prophetes ) ains sont departis aux Iean 3. vns plus, aux autres moins, selon qu'il semble bõ à Dieu, qui est libre de ses graces, sans qu'il doye rien à personne, ny plus au grãd qu'au petit. Sa grace n'est point attachée à l'apparence des personnes, comme veut dire de Sponde. Le S. Esprit a esté principalement promis à l'Eglise ; cela est vray : à qui donc? aux Turcs. Mais il luy a esté donné (comme a esté dit) en la personne des Prophetes & des Apostres : & luy est donné en la personne de chacun croyant, & en la personne de chacun Pasteur faisant fidellement sa charge. Mais ce n'est pas ce que veut dire de Sponde ; ains il entend par l'Eglise, les gens d'Eglise, les prestres, le Clergé du Pape, des moines & Car-

dinaux, & sur tout l'Euesque de Rome; & dit que le S. Esprit leur a esté principalement promis. Je demande, où ? Mais où est l'accomplissement de ceste promesse? Car ils parlent contre l'Escripture sainte, veulent establir vne doctrine contraire à icelle, en leurs images, Purgatoire, inuocation des Saints, en leur Messe, & en leur idole de Pape, & au reste de la Papauté. Mais puis qu'ils parlent contre l'Escripture sainte, parlent-ils par le saint Esprit? l'Esprit de Dieu se contrediroit si ainsi estoit. Ont-ils dōc en cela le S. Esprit? Il semble que de Sponde veut dire, que le Pape & son Clergé ne parlent que par le saint Esprit, ne crachent ny ne touffissent que par iceluy, que tout ce qu'ils disent en leur doctrine quoy que ce soit, que c'est du S. Esprit; il est la lié, leur a esté promis, ils ne peuuent errer. Tout ce qu'ils font, c'est du S. Esprit; ouy, si vous le voulez croire. Quand ils preschēt, ils ne disent ny n'aduācent rien que par le S. Esprit. Brief, à les ouyr parler, vous diriez que le S. Esprit n'est qu'en l'Eglise Romaine: & nous voyons bien qu'il n'y est plus, comme disoit le Cardinal Hostiensis, disant que le corbeau a tué la colōbe, laquelle souloit apporter le S. Esprit au Concile. Voilà pourquoy volontiers vn gros chathuant se presenta deuant Iean 24. en vn Concile, ainsi que dit Nicolas des Clemāges: ce que voyās les Cardinaux, se regardāt l'un l'autre se prirent à rire, & dirēt entr'eux, *In specie bubonis*

*spiritus adest* ; c'est à dire , le S. Esprit est icy en la forme d'un hibou . Là où ce docteur de Clemanges dit cela, il soustient que ceux qui tiennent le Concile, ne doyuét pas s'appuyer sur ceste raison, *Generale concilium sumus, fidenter agamus, errare nō possumus* ; c'est à dire, nous sommes vn concile vniuersel, faisons hardiment, asseurez que nous ne pouuons errer.

De Sponde s'asseure, que *sans doute il trouuera là plus de seureté, qu'en tout ce qu'une personne priuée pourra dire à sa fantasie*. Mais ie te dy, autāt en l'un qu'en l'autre. Qui parle à sa fantasie, nous qui suyons la parole de Dieu, ou le Pape qui y cōtredit ? voulez-vous dire que Dieu luy donne le S. Esprit pour parler contre sa parole ? Qui vous a enorcelez ? Et puis de Sponde nous appelle particuliers, pour ce que nous ne sommes pas du costé du Pape (où il constitue l'Eglise) & dit que nous parlons à nostre fantasie. Nous vous monstons la parole de Dieu ; trouuez-vous plus de seureté en ce que le Pape avec le Concile, dit contre l'Ecriture sainte ? Car en ce qu'il s'accorde à icelle, nous ne sommes pas en different.

Ainsi dit de Sponde, *Quand il sera question d'un passage de l'Ecriture sainte, qui sera obscur pour moy, j'auray recours à l'Eglise*. Ie respon, & nous à Dieu, à la Loy, au telmoignage, à l'Ecriture sainte, où Dieu parle & s'explique. Au reste à qui s'adressera-il pour aller à l'Eglise ? aux anciens Docteurs ? Ils ne s'accor-

dét pas:& puis ils ne sont pas le Pape, que vo<sup>s</sup> appelez la bouche de Dieu, ou Dieu en terre. S'adressera-il aux Scolaſtiques? Ce sont confusions en la plus part. Ira-il aux Modernes, ou Moynes, ou Iesuites? à qui que ce soit d'entr'eux, il ne fera pas l'Eglise, ny le Pape non plus: c'est pourtant au iugement de cestuy-cy, que de Sponde pretend de s'asseurer, & se veut arrester. Mais qui que ce soit qui parlera, s'il parle contre l'Eſcriture ſaincte, & que le Pape l'approuue, le faut-il croire? Trouuez-vous là vostre ſeureté? De Sponde dit qu'ouy. Et la raison *c'est que nostre Seigneur a dit à l'Eglise en la personne des Apostres, Vous estes la lumiere du monde.* Nostre Seigneur a dit cela aux Apostres, par qui il a esclairé à tout le monde, & y esclaire encore auourd'huy par leur doctrine. Vous serez assis sur douze ſieges, iugeans les douze lignees d'Israël. Cela ne se peut dire du Pape, ny de son Clergé, qui n'a que tenebres & ignorance, & qui estouffe tant qu'il peut la lumiere des Apostres, l'Eſcriture ſaincte. Faut-il que cest ennemy de Dieu s'vsurpe, luy qui contredit à la doctrine des Apostres, ce qui ne conuient qu'aux Apostres? Le Pape & son Clergé sont-ils Apostres, pour aller prescher l'Euangile à toute creature, & planter les Eglises par tout le monde, à fin d'estre ceste lumiere du monde comme ont esté les Apostres? Comment ont esté les Apostres la lumiere du monde, qu'en annonçant par le S. Esprit la parole de



Dieu ? Et le Clergé du Pape veut estre la lumiere du monde, en allant contre la parole de Dieu : c'est estouffer la lumiere de salut ; & non esclaire au monde. Au surplus, en l'exposition que nous donnons des passages de l'Escripture sainte, nous ne reiettons pas les expositions des Docteurs de l'Eglise, soit de l'Eglise Grecque, ou Latine ; ou Gallicane, ou autres : ains comme a esté dit, regardons soigneusement à leur dire, & les suyons ; si leur exposition est analogue, & suyât le symbole des Apostres, & suivant l'Escripture sainte, & conuenable au lieu qu'on expose ; ainsi que nous auons monstre cy dessus.

De Sponde dit apres, *qu'il fera bien d'auantage que de s'arrester en toutes doubts au iugement de l'Eglise Romaine.* C'est que mesmes il ne s'enquerra pas si auant *de la plus profonde raison à cause de la difficulté. c'est qu'il s'en rapportera à l'Eglise,* c'est à dire, à la foy du Curé, & croira tout ce qu'on voudra, & tout ce que ses gens d'Eglise (à sçauoir Prestres & Moines) croiront, encore qu'il ne sçache pas q' c'est. Et que sera-ce s'ils ne croyent rien ? Ils viuent la plus part cōme gens qui ne croyent pas qu'il y ait vn Dieu au ciel. Mais pourquoy dit cela de Spōde ? Veut-il se dōner à nous pour exēple ? il fera tel marché de son ame qu'il voudra, mais nous ne croirons pas en incertitude ; ce ne seroit pas foy. Nous sçauons ce que nous croyōs, & ce qu'on croit en l'Eglise Romaine, & que nostre croyāce est selon Dieu, la

vostre non. Nous sommies enseignez de croire en certitude, & non en incertitude. Car nous disons, le croy en Dieu: & là est rapportee la foy que chacun a particulièrement en foy; ce qu'il faut qu'il croye en s<sup>on</sup> ame, sans se rapporter à la foy ny du Curé, ny de l'Eglise, Abac. 2. ny d'autre: Car le iuste viura de sa foy. Chacun sera sauué en sa foy. L'exemple qu'il allegue n'est pas à propos: car il dit, *qu'au concile d'Ephese, on demanda à Nestor, s'il ne croyoit pas comme les Euesques d'Orient & d'Occident.* Il respon, que Nestor sçauoit que c'estoit, à sçauoir, tout le cōtraire de ce qu'il tenoit. Il tergiuersoit, ne vouloit pas venir au poinct pour recognoistre nostre Seigneur vray Dieu & vray homme en vne seule personne, comme il sçauoit que tenoyēt les Euesques d'Orient & d'Occidēt. Et à fin de le tirer de ses cachettes & ambages, & qu'il ne tergiuersast plus, on luy dit qu'il souscriuit à la confession de foy & croyāce de tous les autres, en ce poinct dont estoit question. Nestor sçauoit donc que c'estoit qu'ō vouloit qu'il dist tout haut, s'il le croyoit. Mais de Sponde veut que nous croyons sans sçauoir que c'est. Au demeurant ce qu'on vouloit que Nestor creust, estoit vn article de foy, & selon la parole de Dieu & pour nostre salut: & ce que l'Eglise Romaine veut que nous croyons, est contre les articles de nostre foy, le Symbole des Apostres, la parole de Dieu, & nostre salut. Et puis on vouloit que Nestor creust selon tous

les Euesques d'Orient & d'Occidēt, selon l'Eglise catholique. Et les Iesuites veulent que nous ne croyons que selon l'Eglise Romaine, contre & la doctrine & confession de foy de l'Eglise vniuerselle, à sçauoir que le salut est de Dieu & de l'Agneau, Apocal.7.

De Sponde retourne à la duree de l'Eglise Romaine. Il trouue qu'elle a le plus duré, & partant que c'est la vraye Eglise. *Car ie trouue* (dit-il) *que l'Eglise qui a le plus duré, est la vraye Eglise.* Où trouue-il cela; en Belarmini & en Panigarole? La duree est-ce marque de verité? Il dit que c'est suyuant la promesse de Iesus Christ, à sçauoir, que les portes d'enfer ne seront pas les plus fortes à l'encontre de l'Eglise, comme est tourné en la version vulgaire. Nostre Seigneur a fait ceste promesse; est-ce à l'Eglise Romaine seulement? l'Eglise Grecque n'a-elle pas autant duré que l'Eglise Romaine? Nous confessons encore, que nostre Seigneur a fait selon ceste promesse à l'Eglise Romaine mesme. Car elle a esté accablée d'erreur, de tenebres, d'ignorâce, & d'heresies: tout cela n'a pas encore peu la ruiner; car elle est encore en l'alliance de Dieu. Nostre Seigneur n'a pas voulu dire, que les puissances d'enfer ne pourront rien contre l'Eglise, mais bien que ne seront pas les plus fortes, à sçauoir pour la ruiner du tout: Côme nous voyons (par la grace de Dieu) que Satan n'a peu du tout esteindre la lumiere du salut en l'Eglise Romaine, ny en oster la memoire de

mort & passion de nostre Seigneur, faire du tout perdre la veuë du benefice d'icelle, & en bannir l'Escripture sainte. Il y a quelque predication d'icelle, & des disputes & traictez touchant le salut eternal. Car Dieu y a suscité de siecle en siecle de ses tesmoins fideles, qui ont puissamment combatu l'ignorance, confuté les heresies, contredit au Pape mesmes, & monstre qu'il estoit l'Antechrist. Mais la bonté de Dieu a fait cela de nostre tēps, plus puissamment & apparemment que iamais: & maintenant nous fait voir les Royaumes en plusieurs nations de l'Europe, reduits à Dieu & à son Christ. Dieu a fait cela, & la verité a esté victorieuse en l'Eglise Romaine mesmes, & contre icelle. Pource que l'Eglise Romaine a plus duré; *c'est*, dit de Sponde, *la vraye Eglise*. Le respon, qu'elle a erré, qu'elle est idolatre, & a duré en beaucoup d'erreurs: & qu'elle est Eglise qui a besoin de la reformation qui est és Royaumes qui se sont retirez de ses abominations. Et quant à ce qu'il dit, *qu'il luy prestera l'oreille pour la foy, & l'ame pour la charité, & encore le cœur & la bouche, le cœur pour y croire, & la bouche pour en faire confession à salut*. Nous respondons, que nous ne ferons pas cela, & que nous ne voulōs suyure son exemple: car il monstre en parlant ainsi, qu'il n'aduise pas quelle eau il boit. De nous, nos oreilles sont à Dieu & aux pasteurs de l'Eglise, s'ils parlent par la bouche de Dieu; c'est selon l'Escripture sainte, autrement non. Mes brebis,

dit nostre Seigneur, oyent ma voix. Il veut prester à l'Eglise Romaine son oreille pour la foy : mais la foy est-elle que pas l'ouïe de la parole de Dieu? Nous oyons les pasteurs de l'Eglise, & leur prestons l'oreille, voire pour la foy : mais s'ils parlent à nous contre la parole de Dieu, ils sont redarguez, voire deposez. Or les pasteurs de l'Eglise Romaine, en ce dont est question, & où il leur veut prester l'oreille, parlét contre l'Escripture sainte. S'il leur veut prester l'oreille, ce sera donc contre la foy, & non pour la foy.

Quand il dit, *qu'il prestera son ame à l'Eglise Romaine pour la charité, qu'il se garde de la vendre.* Il n'y a point de charité, où on ne se lie pas en Dieu, où le saint Esprit ne lie & n'vnist point. Il veut dire, qu'il n'y a pas de charité en ceux qui se sont separez de l'Eglise Romaine, & qu'ils ont troublé toute la feste. La charité est en Dieu, a son fondement en sa crainte, & non à s'vnir avec ceux qui parlent, sentent, & disputent contre Dieu pour aneantir sa verité, comme font les docteurs de l'Eglise Romaine. Si nous ne sômes liguez avec eux en cela, nous sommes vnis avec Dieu. Au reste, selon la doctrine de l'Eglise Romaine laquelle est controuerse entr'eux & nous, il ne scauroit croire de cœur à iustice, ny faire confession de foy à salut. Car ils reiettent la iustice de Dieu pour establir la leur. Ils reprouuent l'imputation de la iustice de nostre Seigneur, qui nous est imputee, pour en estre

faits iustes; parce qu'ils veulent estre faits iustes par leurs propres œuures. Mais est-ce faire confession de foy à salut, de confesser, de croire, que le salut est d'ailleurs que de Dieu, & de Iesus Christ nostre Seigneur; & qu'on est sauué par la Messe, & par les superstitions & idolatries de l'Eglise Romaine, où il n'y a que damnation, sans la misericorde infinie de Dieu? Nous ne nions pas, que de ces deux parties-là, à sçauoir, de croire de cœur à iustice, & faire confession de bouche à salut, soit composé le deuoir du vray Chrestien, au moins pour sa croyance: mais que cela se puisse faire en faisant profession de la fausse doctrine de l'Eglise Romaine, nous le nions. Comment seroit cela, veu qu'ils cherchent leur salut, autrement que ne porte l'Euangile, & laissent la parole de Dieu, pour suyure leurs inuentions?

De Sponde veut aussi, *que cela luy serue pour prouuer que l'Eglise n'est point inuisible.* Qui luy dit cela? Nous disons que l'Eglise est visible, qu'elle se voit, soit corrompue & impure, ou reformee & pure: Mais de recognoistre parmi ce corps general de peuple (où nous prenons l'Eglise de Dieu) qui sont ceux qui sont escripts au liure de vie, & sont la vraye Eglise, ainsi que dit saint Bernard, & qui sont le grain parmi la paille, nous disons qu'au vray vn seul Dieu les cognoit. C'est en quoy nous disons que l'Eglise est inuisible, & non autrement, comme a esté dit cy dessus, car elle est

visible en son corps, en ce qu'elle est d'hommes: mais non pas en ce qui concerne l'election à salut, où on constitue la vraye Eglise. Beaucoup d'appellez, & peu d'esleuz, dit nostre Seigneur. Dieu cognoist ceux qui sont siens. Au champ du Seigneur il y a de l'yuroye & du froment, & son filet tire des poissons, des bons & de mauuais; Dieu seul voit cognoist & discerne tout cela. C'est-ce que nous en monstre l'Ecriture sainte. Au reste, là où nous voyons la predication de la parole de Dieu, les Sacremens administrez, là nous voyons l'Eglise de Dieu. Cela a esté disputé cy dessus.

Après cela de Sponde adiousté, *Toutes ces choses ainsi presuppосées & confessees*, c'est à dire, (presuppосé & cōfessé que l'Eglise Romaine est seule la vraye Eglise) car il p'suppосe cela; & qu'elle ne peut errer, qu'il l'a faut suiure & ouir en tout & par tout, qu'il se faut tenir à elle, & ne croire q̄ ce qu'elle croit: *Quelle dispute y pourra-il auoir, qui ne soit tout aussi tost resoluë?* Mais on luy nie tout cela qu'il veut qu'on luy accorde, & qu'il presuppосe qu'on luy doit accorder. Et puis qui resoudra la question, l'Eglise Romaine? Elle est partie, sera-elle iuge? C'est elle qui erre, nous le montrons. C'est à l'Eglise de resoudre par la parole de Dieu, & non par son sens, comme fait l'Eglise Romaine. C'est Dieu qui resoud par sa parole, il iuge là du different, il parle à nous par ses Prophetes & Apostres. C'est donc la



doctrine de l'Euangile, qui doit iuger, non l'Eglise Romaine avec sa parole non escrite, contraire à la doctrine de l'Euangile. Il dit, *que si nous prononçons nos opinions contre l'Eglise, que nous reiettons Dieu mesme.* c'est de l'Eglise Romaine qu'il parle. Nous prononçons nostre opinion contr'elle, quand elle erre: ce n'est pas nostre opinion, mais la sentence de Dieu; car nous parlons apres Dieu, & comme par sa bouche. Nous ne mettons en auant que sa parole; nous ne parlons pas donc contre Dieu. Il allegue ces mots de nostre Seigneur, *Qui vous mesprise, il me mesprise.* Nostre Seigneur a dit cela non au Pape, ny à l'Eglise Romaine qui parle contre la parole de Dieu; mais à ses Apostres qui annonçoient sa parole. Qui mesprise celui qui parle par la parole de Dieu; en ce qu'il amene de la parole de Dieu, il mesprise Dieu. Mais qui mesprise le faux Prophete, en ce qu'il annonce fausse doctrine, il fait selon Dieu. Ainsi en est-il de nous, en ce que nous contredisons à l'Euesque de Rome.

Ce qu'il allegue apres, *que nous voulons que on face cas de nous, que nous n'en faisons pas de l'autrui; que nous pensons qu'il n'y a de sages ny d'entendus que nous, & ce qu'il dit que la parole de Dieu n'est pas procedee de nous, que nous ne voulons apprendre que de nous;* tout cela, dy-ie, n'est que du babil indigne de responce. Et nous auons dit, & monstrés, que nous reuerons les anciens Docteurs, apprenons d'eux, les suy-

uons en ce qu'ils accordent avec l'Eſcriture ſaincte & que nous tenons l'Eſcriture ſaincte des Prophetes & Apoſtres, & de l'Egliſe de Ieruſalem, pluſtoſt que de l'Egliſe Romaine.

Ce n'eſt auſſi que babil, quand il ſ'eſcrie, *qui nous ſommes? & quand il veut ſçauoir, à qui il appartient de parler de l'Eſcriture & de l'expoſer. Il ſ'en meſle auſſi. Mais il veut qu'on ſe reſtraigne à quelqu'un d'entre nous, ou à Luther, ou à Zuingle, ou à Calvin: Et veut qu'on luy monſtre* Page 108.  
celuy qui enſeigne. Or pour vn Pape qu'il nous monſtrera, nous luy monſtrerons plus de vingt mille bons ſeruiteurs de Dieu, qui enſeignent purement l'Egliſe en l'Europe, & ſelon noſtre reformation, & tous (de quelque Royaume & nation que ce ſoit) d'un bon accord, en cecy qui eſt le principal, & fait le tout; à ſçauoir, que le ſalut eſt de Dieu & de l'Agneau: mais il ne veut ouïr parler que d'un qui ſoit chef; nous auons noſtre Seigneur pour chef, il nous eſt commandé de l'ouïr. Il nous a enſigné toutes choſes: c'eſt l'Apoſtre de noſtre confeſſion, le grand Paſteur. Les milliers de nos paſteurs prennent de luy, parlent par luy, & en ſon Nom. Nous auons ſa parole & le S.Eſprit qui parle en icelle à nos Eglifeſ.

Mais de Sponde a bonne grace de dire, *que vn Saxe fera de Martin Luther vn Pape, le Suysſe de Zuingle, & que Calvin fera celui de Geneue.* Ces bons Docteurs ont enſigné l'Egliſe, & l'enſeignent encore par leurs eſcrits, mais

nous n'appellons pas vn d'eux maistre ny Pape; vn seul Christ nous est pour maistre. *Quāt aux contrarietez qu'il se fait accroire, qu'il y a en leurs escrits, il ne luy faut point de filet pour l'en tirer*: car il n'y a point de l'abrynthe. Ils menent droict à Iesus Christ, & ne laissent point de pierre en leur chemin; & d'un bon accord monstrent, qu'il n'y a salut qu'en luy, & vous font voir que vous estes abusez, de le chercher en vos ceremonies & merites; il n'y a point en eux de fausseté. Ils suyuent la verité, l'Ecriture sainte y parle, & non le sens de la chair. Il trouue des passages exposez d'une nouvelle façon; c'est tout vn, pourueu qu'ils soyent fidelement exposez selon l'Ecriture sainte, l'analogie de la foy, & selon que porte le lieu où ils sont. C'est vne nouvelle grace de Dieu; & cela desplait à de Sponde, & toutesfois nous trouuons encore nos expositions és anciens Docteurs pour la plus part.

Page 109.

De Sponde fait encore son effort, pour monstrier qu'il n'y a pas de moyen que la Chrestienté se puisse passer de Pape. Et pourtant il parle maintenāt à ceux qui disent hardiment *qu'ils ne suivent ny Luther, ny Zuingle, ny Calvin, ains l'Ecriture sainte*. Il dit, *que c'est bien fait, & que c'est la parole du Dieu viuant*. Quoy? vous pensez volontiers qu'il se vueille desdire, de ce qu'il a dit cy dessus. Non: c'est Dieu qui en arrache la verité maugré luy, & cependant il vise à son but: & c'est icy qu'il

qu'il dit qu'on a beſoing du Pape. Car (dit-il, parlant à ceux qui ne ſuyuent que l'Eſcriture ſaincte) ſi les meſmes difficultez qui ont trauerſé les eſprits de ces Docteurs vous trauaillent, qui vous eſclaircira; l'Eſprit de Dieu? Non, dit-il, Chacun qui l'allegue ne l'a pas. Tel le demande; à qui Dieu ne l'accorde pas; il n'eſt pas expedient. Je reſpon, que ſi eſt-ce que Dieu a promis de ne le refuſer pas, à ceux qui le demanderont; & ne liſons pas que Dieu l'ait refuſé à perſonne. Si vous (dit noſtre Seigneur) qui eſtes mauuais, ſçauiez donner les choſes bonnes à vos enfans, combien plus voſtre Pere celeſte donnera-il le S. Eſprit à ceux qui luy demanderont? Demandez, il vous ſera donné; heurtez, il vous ſera ouuert: cherchez, & vous trouuerez; qui demande, reçoit. Il dit, *qu'il n'eſt pas expedient que Dieu donne le S. Eſprit à tous ceux qui le demandent*: mais ie dy, qu'il eſt tref-expedient; & autrement nul ne ſeroit ſauué. Nous croyons, nous prions, nous crions à Dieu, nous-nous retirōs du mal, nous cognoiſſons le bien, & la volonté de Dieu en ſa parole, & y ſommes fortifiez par le S. Eſprit. Il inspire les lettrez & non lettrez, les ſçauans & ceux que vous iugez ignorans. De Sponde dit, *qu'il n'eſt pas expedient que Dieu le donne à tous*. Il veut dire, qu'il n'eſt expedient de le donner qu'au Pape, & que luy gouuérnera tout: & pourtant ils l'appellent le grand vicaire de Ieſus Chriſt; mais c'eſt le S. Eſprit qui fait cela. C'eſt luy qui gouuerne & inspire les cœurs

des fidelles, & les enseigne par sa parole; il gouuerne au nom de Iesus Christ & par tout. Il prendra du mien (dit nostre Seigneur.) Il touche au fonds des cœurs de tous, comme de ses creatures, & y est, & en tout l'vniuers comme vray Dieu. Que de Sponde nous responde si le Pape feroit bien cela? Cependant ils ne veulent que le Pape pour interprete, & son rescrit ou son aduis pour saint Esprit.

Et pourtant de Sponde dit icy, *qu'aux difficultez, l'Escripture sainte ne nous resoudra pas, ny le S. Esprit.* Sa raison, *qu'il n'est pas donné à tous ceux qui le demādent, & qu'il n'est pas expedient.* Il veut dire, qu'il faut venir ailleurs, à sçauoir à l'Eglise Romaine, & à son Euesque, pour tout oracle, & pour estre resolu par le saint Esprit. Et ainsi il fait le Pape iuge de tout: & semble bien qu'il voudroit que ces trois Docteurs, Luther, Zuingle & Calvin, l'eussent fait iuge. *Quand leurs esprits furēt (dit-il) embarrassez de ces difficultez.* Il respon, qu'ils ne se sont point trouuez empeschez, l'Escripture sainte les a resolus, l'esprit de Dieu fortifié & inspiré, & donné des yeux pour voir; ils n'ont eu que faire du iugement du Pape. Ils ont veu ses abus, symonie, idolatries & tyrannie; l'en falloit-il faire iuge? L'Eglise Romaine en seroit plus à son aise, l'idolatrie en vogue, l'ignorance en regne, & plus d'ames en enfer. Dieu a fait cest œuvre, & a fait merueilles deuant nos yeux, quand il a reduit à soy & à son Christ plusieurs Royaumes de la terre, &

a ramené en plusieurs nations son Eglise des tenebres à la lumiere; & les portes d'enfer ne l'ont pas surmontee.

Après cela, de Sponde veut dementir ceux qui disent, *qu'ils ne suyuent ny Luther, ny Zuingle, ny Calvin, ains l'Escripture sainte*; & au lieu de les desmentir, il ment luy-mesme: car il dit, que nous n'oserions amener vne exposition, qui ne fut de l'un de ces trois-là. Qui luy a dit cela? il en parle comme mal informé. Il est vray que le plus souuent nous trouuons leurs expositions bonnes, & saintes, & propres à la parole de Dieu, conuenables aux lieux qu'ils traittēt: Et en peu de lieu se trouue que nous ne suyuions ou l'un ou l'autre, & celuy qui aura à nostre iugement mieux touché au poinct: mais si Dieu nous dōne mieux, nous le mettons en auant. Theodore de Beze l'a fait Calvin l'oyant, & luy a contredit. Je sçay homme qui censura vn autre en la presence, de Calvin de chose qui estoit familiere & commune à Calvin: & avec raison fit ceste censure, & fut bien prinse; tout est-il donné à tous? Dauantage, nous ne mettons pas de nouueautez en auant: nous auons tous vne mesme confession de foy en substāce, & sommes libres pour nous accorder avec Melancthon, avec Brence, avec Theodore de Beze, avec Tremelius, avec Zanchius, & avec qui que ce soit; comme avec Luther, Zuingle ou Calvin. Mais que ne sçait dire de Spōde, pour nous rendre odieux?

Il s'ensuit, *nous ne sommes point en debat de l'Ecriture. Je la confesse toute depuis un bout iusques à l'autre, pour les raisons que j'ay desia allegues. Nous ne sommes en peine que pour le sens, soit en la lettre, soit en la figure.* De Sponde veut dire, qu'il recevra l'Ecriture sainte pour parole de Dieu, & que telle il l'a croit; pourveu que le Pape luy en donne le sens & pour la lettre, & pour la figure. *Nous ne sommes* (dit il) *en peine que de cela.* Il dit vray; car ils accordent que l'Ecriture sainte est parole de Dieu: mais ils ne veulent pas qu'on l'interprete autrement que fait l'Eglise Romaine, à fin de luy faire dire ce qu'ils voudront. Et de vray, c'est sur l'interpretation que nous-nous debatôs: car en la lettre, si nostre Seigneur parle à S. Pierre, ils veulent que ce soit au Pape. Quand nostre Seigneur dit, Pais mes agneaux; il veulent que ce soit autant que s'il eut dit, Sois pour Dieu en terre. Quand nostre Seigneur dit à S. Pierre, Je te donne les clefs du royaume des cieux, ils veulent que ce ne soit qu'à S. Pierre, & au Pape: & qu'il ne soit sauué ny Roy, ny autre, si le Pape ne le veut. Quand il dit, Ce que tu lieras en terre, sera deslié au ciel: ils veulēt que si le Pape oste à vn Roy son Royaume, & le donne à vn autre, que faire le peut, & que Dieu l'a reuestu de ceste puissance. Et quand nostre Seigneur a dit du pain en la Cene, Ceci est mon corps; ils veulēt qu'on se tienne à la lettre, & n'y veulent admettre aucune figure comme nous, & comme saint



Augustin, & les anciens Docteurs. Et ainsi nous sommes en peine pour le sens, soit en la lettre, soit en la figure. Et d'autant qu'ils ne peuuent prouuer par l'Escripture sainte ce qu'ils veulent, & que la lettre, le sens, & les figures leur sont contraires: ils veulent qu'il leur soit permis de luy donner tel sens qu'il leur plaira; à fin qu'ils gagnent par leur interpretation, ce qu'ils ne peuuent par le texte de l'Escripture. Je dōneray encore cest exemple: Dieu mit deux grands luminaires au ciel; le plus grand c'est le soleil, c'est à dire, dit le Pape, l'Eglise: le moindre c'est la lune, c'est à dire la iustice. Item, voicy deux glaiues. Il faut donc, dit le Pape, que l'Eglise ait glaiue spirituel & glaiue temporel. Ils sçauent bien que l'Escripture sainte est la parole de Dieu, que tous la reçoient: que leur reste-il que de faire croire, que ce qu'ils veulēt y est? C'est en cela qu'ils se pensent faire prou fors: Et pour cest effect, ils veulent seulement en auoir l'interpretation, la forcent, & l'interpretent contre son vray sens, & à leur aduantage. Tout cela est-ce reuerer l'Escripture sainte, la confesser, & l'approuuer depuis vn bout iusques à l'autre? Au cōtraire, c'est la falsifier, la rompre & reprouuer son vray sens, & sa droite intelligēce. C'est le sens de l'Eglise, dirail, ouy de l'Eglise Romaine, non de l'Escripture sainte. C'est leur passion, & non ce que Dieu a voulu dire.

Aussi quand il approuue & cōfesse l'Escri-  
 Nn iij

ture sainte; c'est (dit-il) pour les raisons qu'il a cy dessus alleguees. Quelles? nous n'en auôs pas veu, sinon qu'il dit, qu'il reçoit l'Escripture sainte sous le solennel tesmoignage que l'Eglise, à scauoir la Romaine luy donne: c'est a dire, qu'il la reçoit pour ce que l'Eglise Romaine la tient pour Escripture sainte, & qu'autrement il ne la receuroit pas. Est-ce la recognoistre, ou le Pape par dessus icelle? Et quoy? si le Pape la cōtredisoit, de Sponde la cōtrediroit aussi. Si est-ce que Dieu y parle, & en toute icelle, & faut que Dieu ait son autorité, quād tout le monde y cōtrediroit. S'il n'a autre raison que cela, pour confesser l'Escripture sainte estre parole de Dieu, n'est-il pas bien fondé? Qui ne croira qu'il se moque?

Ce qu'il dit apres aussi, en rend quelque tesmoignage: car il dit, que les Arriens ne faisoient bouclier que de l'Escripture sainte; & que de tousiours, presque tous les heretiques en ont fait autant. Et qu'au concile de Nicee, les Peres anciens ne fussent iamais venus à bout des heretiques par l'alleguation des seules Escriptures: car l'Arrien l'alleguoit aussi, mais il l'entēdoit tout au rebours. Il tient donc, que l'Escripture sainte est le bouclier des heretiques, qu'ils ne peuvent estre cōfutez par icelle, qu'ils l'ont aussi pour eux. Mais comment se defendoient les Peres, que par les Escriptures? Nous auons leurs traittez & leurs disputes, touchant la deité de nostre Seigneur: ils n'ont eu recours à l'Euesque de Rome, ny n'ont sommé les

Arriens de se soumettre à son aduis, & à l'interpretation qu'il leur donneroit des passages que les Arriens entendoient mal. Ces Peres ont interpreté l'Ecriture sainte, sans que l'Euesque de Rome y fut ny appellé ny ouy : & ont par icelle confuté les Arriens, & bien & doctement par plusieurs passages, combien qu'ils en ayent allegué quelques vns peu à propos. Cependant cestuy-cy dit, que ces bons Peres n'en fussent iamais venus à bout, par la seule Escripture sainte. Mais si l'Arrien a esté obstiné, si a-il esté confuté par l'Escripture sainte, & suffisamment cōuaincu & auéré heretique deuant toutes les Eglises, ne plus ne moins que vous, qui n'avez que la seule opiniaftreté pour refuge.

Pour exemple, que les Euesques du Concile de Nicée, n'ont peu confuter les Arriens par l'Escripture sainte, il nous amene deux passages de deux cens. Le premier, de la premiere Epistre de S. Jean chap. 5. Il en y a trois qui rendent tesmoignage au ciel, le Pere & la Parole, & le S. Esprit, & ces trois sont vn. Le second, du 10. de saint Jean; Moy & le Pere sommes vn. Pourquoy allegue-il ces deux passages seuls, que pour faire trouuer Calvin Arrien? & luy est aduis qu'il a beaucoup fait. Mais cecy n'est pas de son inuention; car il y a trente ans, qu'on a reproché cela mesme à Calvin, qui n'en a fait estat, que comme l'aigle d'un moucheron. Il dit que les Peres entendoient cela de l'essence, & l'Arrien du

consentement comme Calvin. Mais entre les Docteurs de nostre temps, qui a le premier & plus vigoureusement soustenu, prouué & maintenu la deité de nostre Seigneur, contre Seruet & les autres Arriés, que Calvin? Quelle impudence donc est-ce aux Iesuites d'alleguer cela; comme si Calvin eust nié la deité de nostre Seigneur, la distinction des trois personnes en vne seule & simple essence? S'il a dit sur ces deux passages libremēt son aduis, il a rendu raison de son dire. Les Docteurs de nostre temps l'ont tous, horsmis nos aduersaires, laissé libre en son aduis. Car ils l'ont veu traicter excellemment ceste matiere, par autres passages de l'Escripture, & en bon nombre, où il n'a pas iugé ces deux lieux si propres. Et vous luy imposez qu'il estoit Arrien, & qu'il a vendu nostre cause aux Arriens, & leur a liuré ces deux lieux, où vous mal-aduisez constituez toute vostre defense: là où nul n'a combatu plus doctement que luy & Zanchius, contre les Arriens.

Mais voyons comment les Peres au concile de Nicee combattirent les Arriens: *Non pas (dit-il) par l'Escripture. O homme impudent! Mais par la tradition successive de ceste intelligence depuis les Apostres.* Quelle intelligence de ces deux passages? Il n'est icy question que de ceste là. Cest homme inuenteur malicieux, ne sçauoit dire où il a trouué qu'ils apportassent vne successive tradition, que les Apostres les auoyent ainsi entendu, eux qui

estoyent tous decedez, quand saint Iean escriuit cecy. Il allegue pourtant Athanase, S. Ambroise, & Theodoret; nous le renuoyons à son Calepin: qu'il nous cote le lieu. Mais il leur en preste biē d'autres. Outreplus, nous ne nions pas, que les Euesques n'ayent mis en auant, que depuis le temps des Apostres iusques à Arrius, les Eglises auoyēt persisté fermes en la croyance de la Deité de nostre Seigneur. Il dit, *que si on n'eust amené vne tradition necessaire de ceste intelligence, qu'il n'eust iamais esté iour, parmy tant de tenebres, ny de resolution parmy tant de presumption; & ainsi il retombe sur son asne: c'est que la tradition est à preferer à l'Escripture sainte; & prend pour tradition apostolique la Messe, & le reste de leur idolatrie. Si est-ce que le saint Esprit appelle la parole de Dieu, flambeau. Les Apostres sont appelez la lumiere du monde; la doctrine des Prophetes, la belle chandelle: là Dieu parle, là il met la resolution de toutes difficultez. C'est presumption de les vouloir vuidier autrement que par l'Escripture sainte, où Dieu qui parle en icelle, ne veut iuge que sa parole, pour vuidier & determiner ce qui est de nostre salut. Vous serez assis sur douze*

Matth. 19.  
28.

trones, iugeans les douze lignees d'Israël. Dieu iuge & parle par leur doctrine. Apres qu'il a presupposé vne chose fausse; à sçauoir que la Deité de nostre Seigneur fut aueree au concile de Nicee par la tradition Apostolique, & non par l'Escripture sainte; il

se renforce de ceste fausseté, pour encor plus fort estouffer l'autorité de l'Escripture sainte. Et pourtant il dit, *qu'il reste de iuger ouvertement, que nous n'entendons iamais l'Escripture, que dans l'Eglise.* Nous n'en parlons pas autrement, nous sommes en l'Eglise. Mais il entend l'Eglise Romaine, & nous l'Eglise vniuerselle. Il veut dire, qu'il n'y a qu'eux, & les docteurs de l'Eglise Romaine, qui entendent l'Escripture sainte: & nous leur montrons, qu'ils sont les plus mal-habiles en cela.

Il dit, *qu'en l'Eglise il n'y a qu'un esprit, & par consequent vne seule & simple intelligence.* Veut-il dire cela de l'Eglise Romaine? Qu'il voye les expositions de leurs Docteurs, puis qu'il a prins leur party. Qu'il ne prenne qu'un seul lieu, à sçauoir le 3. de la premiere aux Corinthiens, où on fonde le Purgatoire. L'un l'expose en vne sorte, l'autre en l'autre: Et de tous les Docteurs anciens presque, chacun a son sens, son esprit, & son intelligence: Mesmes vostre saint Gregoire y fait plusieurs diuerses expositions. Mais comment osez-vous dire, qu'il n'y a qu'un esprit, un sens, & vne intelligence en vostre Eglise? Vos Docteurs disputent les vns contre les autres, debatem, discordent, & ont à peu pres chacun son opinion.

Après il dit, *que ceste intelligence se recognoit de tant mieux estre de Dieu, que par tant de siècles en tant de lieux, où les vns n'auoyent pas bien souvent nouvelles des autres, tant de grands Docteurs*

se sont tellement rencontrez en un mesme sens, des plus grands & plus douteux passages qui concernent nostre foy, lors qu'il n'y auoit point d'Imprimerie pour rendre les liures communicables, que c'est un evident tesmoignage de la verité. Mais de quelle intelligence veut-il parler; de ce qui est de la Papauté, & de l'accord de leurs Docteurs en leur doctrine impure? Helas! mes amis, vous fiez-vous en cela? Prenez-vous cela pour vn miracle? Dites donc que c'estoit vn miracle, que les Arriens dispersez par tous les endroicts du monde, sans communiquer les vns aux autres, & auant qu'il y eust Imprimerie, pour rendre les liures communicables eussent vn mesme sens & intelligēce. Et vous prenez cela pour vn tesmoignage de verité; car il y a autant de raison que de vostre Papauté. Ils estoient heretiques (direz-vous,) aussi estes-vous; encore que ce ne soit formellement comme eux, & en mesme poinct de doctrine. Car encore que vous recognoissiez nostre Seigneur pour vray Dieu, si n'auez-vous pas le sens, ny l'esprit, ny l'intelligēce de vous sernir de ceste foy & croyance, à salut & consolation: & pretendez d'auoir entree à Dieu par autre que par nostre Seigneur; comme si autre que Dieu nous pouoit donner entree à Dieu. Mais dites-en autant des Donatistes, Manichees, & autres heretiques, qui se sōt, & trop, trouuez d'accord, quoy qu'esloignez les vns des autres. Et que direz-vous de l'accord en la doctrine de Ma-



homet, en vne grande part du monde: & d'un Iupiter, qui a esté adoré pour vray Dieu par tout le monde sans contredit, fors qu'en vn petit anglet de la Palestine? Et d'une paillardie de Venus adoree en tout le monde? Ce n'estoit qu'un cœur, vne voix, mesmes hymnes, mesmes chansons, mesmes vœux, mesmes sacrifices, & mesmes deuotions. Que si vous y trouuez de la diuersité des Grecs aux Latins, ainsi y a-il de la diuersité aussi entre vous, soit en vos deuotions, temples, idoles, seruices, Messes, heures, Messels, & Breuières; chacun Euesché a son vsage: l'accord se trouue assez, & plustost au mal qu'au bien. Les Herodiens, Scribes, Pharisiens, & Saduciens s'accordoyent tous contre nostre Seigneur. Encores donc que vos Docteurs ~~ne~~ s'accordent tous à maintenir la Papauté, ce n'est pas pourtant à dire, que ce soit là la verité, & ne faut pas prendre cela pour vn miracle. Il se faut regler à la parole de Dieu.

De Sponde appelle *le Clergé & le Pape, les belles lumieres de l'Eglise*: & dit, *qu'il se tiendra à eux tant qu'il les verra de bon accord. Et que s'il a quelque perplexité, à sçauoir en ces differens de la Religion, qu'il leur en demandera la resolution. Car (dit-il) tous ces Docteurs du nouveau Testament, sont-ils plus delaissez de Dieu, que ceux de l'ancien Testament?* Le luy respon, que tout vn: & que comme ceux d'Israël ont erré, ont esté souuent gens ignares, ventres paresseux, n'ont eu pour Dieu que leur ventre;

aussi les pilliers de l'Eglise Romaine. Appelle-il ceux-là les Docteurs de l'Eglise du nouveau Testament ? N'en y a-il pas eu d'autres, & avant que l'Euesque de Rome eust estably sa primauté ? Lequel de tous les anciens Docteurs a dit, qu'il se faut plustost arrester au iugement du Pape, qu'à l'Escripture sainte ? Ont-ils combatu, comme a esté dit, les heresies, autrement que par la parole de Dieu ?

Mais voyons si la condition de l'Eglise du nouveau Testament, est autre en cela que celle de l'ancien. Celle de l'ancien ne deuoit estre conduite que par la Loy de Moysé : les Sacrificateurs, Docteurs, Leuites, Rois, Princes, ne deuoient iuger que par elle, notamment en faict de Religion. Quand ils s'en sont destournez, ils ont erré, & Dieu les a maudits. Dauantage, ils ont souuent erré, & fait errer l'Eglise. Nous auons monstré, qu'il en est tout ne plus ne moins de l'Eglise du nouveau Testament, & qu'il a esté ainsi prophetisé par saint Pierre 2. Pierre 2. verset 1. & 2.

Les lieux par luy alleguez, ne sont pas à propos de ce qu'il veut, ains contraires : Car tous trois se rapportent là, qu'on n'aura en l'Eglise que la loy, & parole de Dieu pour regle, en ce qui est de la Religion, & seruice de Dieu. Et premierement quant à Moysé, il dit que ceux qui presideront, au lieu que le Seigneur aura esleu, enseigneront selon la Loy. Quelle Loy, que celle que Dieu auoit donné à Israël ? C'est donc ce que Dieu auoit

Deut. 17.

ordonné par la bouche de Moyse ; à sçauoir, qu'on ne iugeroit en Israël que par la loy de Dieu, qui estoit la parole de Dieu escrite ; & vous voulez iuger par vne parole non escrite. Dieu auoit dit à Israël tout ce qu'il luy falloit, & auoit donné au Sacrificateur loy de tout, iusques à discerner entre lepre & lepre : & n'estoit loisible au Sacrificateur d'en iuger que par la parole de Dieu escrite. Dieu nous a-il moins déclaré sa volonté, & de tout, au nouveau Testament ? Nostre condition seroit pire que celle de l'Eglise Iudaïque. Comme donc lors le Sacrificateur ne pouuoit iuger ny enseigner que par la parole de Dieu, ny aussi maintenant.

Agce 2.

Quant au Prophete Agce, il dit de vray ; Demande touchant la Loy au Sacrificateur. Mais quelle Loy, que celle que Dieu auoit donnée par Moyse ? Estoit-il loisible au Sacrificateur d'en donner vne autre, ne d'y rien changer ? non à peine de sa vie. Moyse mesmes n'a rien voulu dire ny enseigner, que Dieu ne luy eust commandé. Le Sacrificateur deuoit estre garde & depositaire de la Loy & parole de Dieu, & n'enseigner qu'icelle à l'Eglise, à fin que l'Eglise fust colonne & appui de verité. Et ainsi Agce dit, qu'il faut s'enquerir de la Loy par la bouche du Sacrificateur, qui ne deuoit respondre que par la loy de Moyse.

Page 112.

Je vien au passage de Malachie ; Il dit que les leures du Sacrificateur gardent la science,

& qu'on demandera la Loy de sa bouche ; car c'est l'Ange du Seigneur des armées. Le Sacrificateur estoit gardien & depositaire de la Loy de Dieu, & de la science de salut: c'estoit à luy d'instruire & d'instituer, mais selon la parole de Dieu. Et pourtant le Prophete dit, qu'on demandera de sa bouche la Loy. Mais laquelle Loy ? telle qu'il plairoit au Prestre de faire, ou celle que Dieu auoit faite ? Dieu n'a iamais voulu, qu'autre Loy que la sienne fust ouye en son Eglise, ou qui ne fust en tout & par tout conforme à icelle. Le Sacrificateur est appelé l'Ange du Seigneur des armées, pour dire, qu'il ne deuoit parler que par la bouche de Dieu; ne plus ne moins que les Anges, qui ne s'estudient qu'à la seule volonté de Dieu. Si quelqu'un eust annoncé autre doctrine que de la Loy de Dieu, Dieu l'auoit destiné à la mort, sans exception mesme du souverain Sacrificateur; voire & quand vn tel eust fait miracles pour preuue de sa doctrine. Nadab & Abiu furent tuez, par ce qu'ils auoyent offert à Dieu du feu estrange: Dieu ne veut pas qu'en son seruice nous luy offrions, & employons rien que du sien. Sera-il dōc permis à ceux de l'Eglise Romaine, d'annoncer autre doctrine, que celle que Dieu a fait mettre en l'Escrature sainte, par ses Prophetes & Apostres?

Malac. 2. 7.

Deut. 13.

Quelqu'un dira, que de Sponde veut dire; que comme les Docteurs de l'ancien Testament n'ont pas esté delaissez de Dieu; ny

aussi les Docteurs du nouveau Testament. Je respon, que ceux de l'ancien Testament, ostez les Prophetes, ont esté delaissez de Dieu, sinon tous, au moins partie. Cela ne se peut nier, & se voit Esaye 29. où est monstree l'ignorance des Sacrificateurs; & qu'en vain on sert à Dieu, n'ayant pour doctrine que les commandemens des hommes. Et S. Pierre dit en sa seconde chap. 2. Que comme en l'Eglise de l'ancien Testament il y a eu de faux docteurs, qu'aussi en y auroit-il en l'Eglise du nouveau Testament. De Sponde se trouue icy prins; car il ne peut nier, que les anciens Sacrificateurs n'ayent erré, qu'ils ne ayent esté reprins par les Prophetes. *Mais* (dit-il) *les Prophetes les ont reprins en general.* C'est donc que le mal estoit general & grãd; dira-il qu'en cela ils n'ayent esté delaissez de Dieu? *Non pas tous* (dit-il.) Je respon, que non ny tousiours, ny en tout. Autrement si tous, & Sacrificateurs, Docteurs, & tout le peuple eussent en tout failli, il n'y eust eu plus d'Eglise. Il dit, *que leurs vices n'empeschoyent pas qu'ils ne fissent leur charge.* Je respon, que les Prophetes ont crié contre cela, & le iugement de Dieu en a esté sur tout ce peuple. De Sponde se trompe donc de dire, que leurs vices n'empeschoyent pas qu'ils ne fissent bien leur charge.

De Sponde dit, *que du temps de nostre Seigneur, qui estoit le temps le plus corrompu, ils estoient encore assis sur la chaire de verité, & qu'il*  
*falloit*

*fallait faire ce qu'ils enseignoyent.* Je respon, que ouy selon la verité & la doctrine de Moysé, comme nostre Seigneur auoit dit. Et leur doctrine estant autre & contraire à Moysé, nostre Seigneur disoit; Donnez-vous garde du leuain des Pharisiens. Ils croyent donc. Et quât à Caïphe qu'il allegue, veut-il dire qu'il n'erra pas? Il prophétisa que la mort de nostre Seigneur seroit leur salut. Il fut en cela plus heureux que sage. Il disoit vray: & s'il l'affermoit, il ne mentoit pas. Cependant n'erroit-il pas, en disant que nostre Seigneur blasphemoit, de dire qu'il estoit le Christ, & que de cela il méritoit la mort? N'erroit-il pas de luy procurer la mort, ne le recognoissant pour le Christ? Il eut ce don de prophétie dit de Sponde pour marque, que l'Esprit de prophétie n'abandonne iamais du tout son Eglise. Cela est vray, & pourtant S. Jeân dit, qu'il estoit souverain Sacrificateur ceste année-là. Aussi ne disons-nous pas, que l'Esprit de Dieu ait du tout & en tout poinct de doctrine abandonné l'Eglise Romaine, ny même son Pontife. Car aussi il tient que la mort de nostre Seigneur est nostre salut, & le dira, voire n'oseroit dire le contraire; & si en parlera s'il veut, bien mieux que Caïphe. Mais si ne cherche-il pas son salut, au moins tout, en la mort de nostre Seigneur. Et y a bien plus, qu'il parle de la mort de nostre Seigneur, pour la faire valoir à vn gain deshoneste; & cômme Caïphe pour mieux assurer son estat

& son reuenu de souuerain Sacrificateur. Car  
 si les Sacrificateurs pretendoyent s'establi-  
 par la mort de nostre Seigneur, ceux-cy n'en  
 ont pas moins fait : tesmoing le Pape Paul 4.  
 qui disoit, que la fable de Iesus leur auoit ap-  
 porté vn grand profit. Nous voyons quelle  
 estoit la corruption de l'Eglise du temps de  
 nostre Seigneur; comment il reprenoit les  
 Docteurs de la loy, les Scribes, & Pharisiens  
 en leur doctrine, & aduertisoit qu'on se don-  
 nast garde de leur leuain. Vne partie d'entre  
 eux estoient Saduceens, qui nioient la resur-  
 rection, mesmes aucuns des Sacrificateurs.  
 Nostre Seigneur leur disoit, Vous errez, ne  
 sçachans les Escritures. Nous voyons com-  
 ment eux qui estoient les edifiens reiettoient  
 le Christ, la pierre angulaire, & le fondement  
 de l'Eglise. Aussi lisons-nous qu'ils vouloyent  
 ruer l'heritier de la vigne, à fin que la vigne  
 leur demeurast. C'estoit le conseil de Caïphe.  
 Et cependant de Sponde dit, *que l'Eglise n'er-  
 roit pas. Combien qu'en ces derniers deportemens  
 (dit-il) Dieu minust son departi d'entr'eux, pour  
 ce que leur sacrificature estoit à bout de son terme,  
 à la venue de celuy qui estoit descendu du ciel pour  
 accomplir la loy : Nonobstant cela (dit-il) encore  
 pour lors l'Eglise n'erroit point. Est-il vray ? Il  
 conste du contraire. Il ne le peut nier; il faut  
 qu'il le confesse : & pourtant il adioust, Que  
 ce que Dieu se departoit d'entr'eux, & que leur  
 Sacrificature estoit à bout de son terme, sera pour  
 respondre (dit-il) à ce qu'on me pourroit opposer de*



ces mesmes exemples. Car puis que l'Eglise Indai-  
que a si lourdement failly au poinct principal de son  
salut, par faute d'entendre les Escritures, que mes-  
mes ils ont fait mourir leur Redempteur; il s'en-  
suit ce semble, qu'il n'est pas inconuenient que l'E-  
glise presente, que nous alleguons, ne tombe en pa-  
reilles fautes; voire en la foy mesmes, dont nous la  
faisons vne si ferme colomne. Il cōfesse dōc que  
l'Eglise de Ierusalem a erré, en reiettant Iesus  
Christ. Mais (dit-il en cotte) leur faute ne suffit  
pas, pour dire que l'Eglise peut faillir. Il reco-  
gnoist donc de l'erreur & de la faute en ceste  
Eglise-là, lors la seule Eglise de Dieu. Com-  
ment donc a-il dit qu'elle n'a point erré; voi-  
re combien (dit-il) que leur Sacrificature fut  
au bout de son terme? Qui voit qu'il ne sçait  
où il en est? Car pourquoy dit-il, que Dieu  
s'en alloit quitter ceste Eglise, sinon pour se  
couvrir, quand on luy mōstre qu'elle a erré?  
Et ainsi il confesse ce qu'il a nié.

Et pourtant il adioulte, que si l'Eglise d'Is- Page 113.  
raël & de Iuda a erré, on ne peut dire cela de l'E-  
glise Romaine. Voicy ces mots; Mais outre ce  
qu'il faudroit iustifier q̄ la mesme chose, à sçauoir  
errer en la foy, soit aduenue à ceste-cy, à sçauoir  
à l'Eglise Romaine, comme il ne l'est point du  
tout, dit-il. Mais ne tient-il qu'à iustifier cela?  
Nous auons cy dessus cent & cent fois iu-  
stifié, & monstre qu'en plusieurs poincts l'E-  
glise Romaine erre en la foy, que mesmes el-  
le ne reçoit nostre Seigneur que nomine tenus,  
de nom seulement, qu'elle ne le prend pour le

seul fondement de son salut, le cherche ailleurs qu'en luy : Et que l'Eglise Romaine reiette la iustice de Dieu pour establir la sienne, comme ont fait les Iuifs. Ne faut-il donc iustifier que cela? nous le tenōs pour iustificié. Outre cela (dit de Sponde) *il est aisé de satisfaire à tout cecy, en disant que l'Eglise de Dieu prinse en general a ceste vertu propre, de ne quitter iamais Dieu, cōme Dieu ne la quitte iamais. Car ce sont effects reciproques (dit-il) de Dieu & de son Eglise. Qui luy niera tout cela, où sont ses preuues? il se trompe tout du long. L'Eglise de Dieu (dit-il) prinse en general, a ceste propre vertu de iamais ne quitter Dieu, comme Dieu ne la quitte iamais. Comment prēd-il l'Eglise en general en cest affaire icy, où il est question particulierement de l'Eglise des Iuifs, & de l'Eglise Romaine aussi particulierement? Il se iustifie que l'une & l'autre ont erré; où est donc ceste vertu propre de iamais ne quitter Dieu, cōme Dieu ne la quitte iamais? l'Eglise est-elle comme Dieu? A-elle ceste propre vertu comme Dieu? Ce sont effects reciproques de Dieu & de son Eglise, dit de Sponde. Cela est faux; Nous delaisserons Dieu, & Dieu ne nous delaissera pas encore, & sera ferme en sa bonté, & nous infirmes, & il nous rameine. Si nous sommes incredules, nostre incredulité ne peut aneātir la foy de Dieu. Si nous sommes desloyaux, il demeure fidele, & ne se peut renier foy-mesme. Ce ne sont pas donc mesmes effects, que de Dieu & de son Eglise. Il en est comme il*

Rom. 3. v. 3.  
& 9.

2. Timot. 2.  
v. 13.

plaist à la bonté de Dieu. S'il veut nous faire misericorde, encore que nous le delaissons, il ne nous delaisse pas, mais nous rameine. S'il veut faire voye à ses iugemens, & les exercer; comme nous luy faisons, il nous fait. Nos effectz ne sont pas comme les siens, mais comme il veut. Nos effectz sont humains, infirmes, & pources: mais les effectz de Dieu sont diuins, fermes, & la fermeté mesmes. Si l'Eglise a ceste propre vertu de iamais ne laisser Dieu, comme Dieu de ne la laisser, comment s'est fait le depart de l'Eglise de Ierusalem d'auec Dieu? Comment le Royaume de Dieu leur a-il esté osté, à eux la gent saincte, & donné à la gent pechereuse des Gētils? Qui a fait cela que Dieu? Ne pouuoit-il pas tenir la race d'Abraham en son alliance, aussi bien que d'y amener les Gentils? Qui le meritoit mieux? Ny auoit-il pas place pour les deux? Mais pourquoy Dieu a-il fait cela, que pour monstrier qu'il ne doit rien à personne? que tout nostre salut est de sa pure grace, que nous ne nous tiédrons à luy, qu'autant qu'il luy plaira nous y maintenir? Où est dōc ceste propre vertu qu'à l'Eglise, de iamais ne quitter Dieu? Vous despoüillez donc Dieu de sa gloire, pour en reuestir la creature, & attribuez comme propre à l'Eglise, ce qu'elle n'a que de la grace de Dieu, & pour autant de temps que bon luy semble. Il conste en cela que l'Eglise n'a pas ceste propre vertu que vous dites, de iamais ne laisser Dieu. Et Dieu

s'y tient selon qu'il luy plaist, & en chacune Eglise fait sa demeure, autant & comme il a ordonné en son conseil eternal. S'il en est autrement, comment est-ce que l'Eglise Romaine a erré? iusqu'a en venir là, que d'estre proche du retranchement? Il dira que l'Eglise n'a pas toute erré, ny en tout. Nous respondons, que l'Eglise Romaine qui tiét les abuz de la Papauté, a en cela toute erré. Mais qu'elle ait erré en tous les poincts de la doctrine Chrestienne, nous ne le disons pas. Et que l'Eglise soit prinse en general comme il veut, nous disons qu'elle n'erre pas toute; c'est à dire, toutes les Eglises, dont est composée l'Eglise vniuerselle, n'errent pas: Car il y a plusieurs Eglises reformees selon la parole de Dieu, & qui se sont retirees de vos erreurs: & auant la reformatiō il y auoit au mōde nombre infini de vrais fideles, vrais membres de l'Eglise vniuerselle. Et à Rome mesme, non vn seul Laurent-Valle: mais plusieurs autres, qui ont reprouué vōstre Papauté: en ceux-là se voit que l'Eglise vniuerselle n'a pas toute erré, en vos plus grandes tenebres mesmes. En cela donc nous confessons, que l'Eglise prinse en general, n'erre pas toute: mais que l'Eglise Romaine, prinse particulierement ou à part, & separee des Eglises reformees, face de mesme nous le niōs, & disons qu'elle erre en plusieurs poincts de la religiō Chrestienne. Si de Sponde veut nier cela, qu'il nie donc qu'il soit iour à midy, & qu'il prouue que les

tenebres sont lumiere ; ou bien qu'il reiette l'Eſcriture ſaincte, & ne recognoiſſe pour parole de Dieu, que leur parole non eſcrite.

Et quand à ce qu'il dit, *qu'au meſme momēt que les Iuiſs failloyent ſi lourdement, que ce n'eſtoit plus Eglife*. Ie luy demande, ſi leur faute n'a eſté que d'un moment, pourquoy noſtre Seigneur leur a dit, qu'ils edifioyent les ſepulchres des Prophetes, que leurs peres auoyent occis? que le ſang eſpādu depuis Abel iuſques à Zacharie fils de Barachie, leur ſeroit redemandé ; qu'ils combloyēt la meſure de leurs peres ? Quoy ? penſe-il qu'ils n'ayent erré qu'au iour de la mort de noſtre Seigneur, qu'il appelle cela vn momēt ? Ie demande encore, ſi lors l'Eglife de Ieruſalein n'eſtoit plus Eglife, où eſtoit donc l'Eglife ? Dieu eſtoit-il ſans Eglife lors ? Non : Mais qu'il confeſſe pluſtoſt que tant de miracles qui s'y firent, tant de graces de Dieu qui y reſplendirent, rendoyent ſuffiſant teſmoignage, que ceſte Eglife eſtoit Eglife de Dieu. Le Temple eſt appellé ſainct, la Cité, ſaincte. Noſtre Seigneur prie pour eux, y celebre la Paſque, & y inſtitue ſa Cene. Que dira-il ? Nous fera-il icy vn procez en philoſophie ? Il le ſemble, quand il dit qu'il ſe faiſoit vn manifeſte changement : comme ſ'il vouloit dire que l'Eglife fut *in fieri & non in eſſe* ; c'eſt à dire, en priuation, à ſçauoir, la matiere chāgeant & ſe tournant en autre forme. Cela ne ſe peut dire ; car ceux qui ſe rangeoyent en l'Eglife du

Actes 19.

nouveau Testament, ne s'estrangeoyét point si tost de celle de l'ancien Testament; ains y adheroyent encore; & des deux, Dieu n'en faisoit qu'une Eglise. Et aussi encore que l'Eglise des Apostres eust corps à part, les Apostres alloyent au temple, & y adoroyent. Et ce fut en Ephese que premierement les disciples, par l'exhortation de S. Paul, ou à sa parole, se separerent des Iuifs, pour ce qu'ils blasphemoyent contre nostre Seigneur. Quand donc les Prestres de Ierusalem erroyent, les Apostres n'erroyent pas; & puis qu'il conste que l'Eglise Romaine erre, tout ce qu'il dit est de neant. Au reste Iesus Christ n'estoit point la fin de l'Eglise des Iuifs, ains elle se renouuelloit en luy. Il est la gloire d'Israël, & a esté le fondement de l'Eglise du vieil Testament, comme de celle du nouveau. Et l'Eglise se deuoit considerer en Iesus Christ comme en son chef: & (comme dit de Sponde) Iesus Christ mōstroit que la vraye Eglise estoit celle; qui avant sa venue auoit tousiours esperé en luy, & celle qui le voyant, croyoit ouuertemēt en luy, ne faisans tous qu'une Eglise de Dieu. Mais cela n'empescha pas que les edificans en l'Eglise du vieil Testament n'ayent erré, ny les Eglises plantées par les Apostres de faillir, ny n'empesche l'Eglise Romaine d'errer, comme a esté monstre.

De Sponde veut dire que non, & que l'Eglise Iudaïque n'a iamais esté appelée l'Eglise vniuerselle. Je demande, si l'Eglise Romaine

ne est appellee l'Eglise vniuerselle, & ou ? Et si l'Eglise Iudaïque, seule Eglise de Dieu au monde, du temps de nostre Seigneur, n'estoit pas plus en titre d'Eglise, que l'Eglise Romaine ? Il appelle par mespris l'Eglise de Ierusalem, la Synagogue ; il l'a appellee Eglise cy deuant, se veut-il desdire, & contredire à Moïse, qui l'a ainsi appellee ? Car congregation & Eglise (comme aussi le mot de Synagogue) signifie vne mesme chose. Et quand l'Eglise des Iuifs eust esté appellee l'Eglise vniuerselle, eust-elle moins erré ? L'Eglise Romaine erre-elle moins, pource que vous l'appellez, ou qu'elle s'appelle vniuerselle ? mais en cela mesmement elle erre. Et l'Eglise vniuerselle erre aussi aux Eglises particulieres, dont elle est composee, alors que ces Eglises errent.

Il dit que l'Eglise Iudaïque, n'estoit pas l'Eglise vniuerselle, & toutesfois il la fait luy-mesmes Eglise vniuerselle : car il dit, qu'on ne laissoit pas d'estre fidele, encore qu'on n'y fust pas. Puis donc que de tout l'vniuers on estoit incorporé en icelle, il semble qu'elle estoit Eglise vniuerselle avec tous ses membres. Il n'y auoit aussi foy que la sienne ; c'estoit la premiere foy du monde : & ne pouuoit-on estre fidele sans tenir la foy de ceste Eglise, & par foy & esprit estre incorporé en icelle. Ce que ne sont pas les autres Eglises en l'Eglise Romaine, car elles ne croient en tout selon que l'Eglise Romaine croit : ny ne



doquent ; car sa croyance n'est pas pure, elle erre.

Il nous donne par apres vne plaisante rencontre ; *C'est qu'encore que l'Eglise sembloit faillir* ( c'est à dire errer, car il le prend ainsi ) *qu'elle ne defailloit pas pourtant.* Et qui doute que faillir ( prins pour errer, ) & defaillir prins pour se perdre du tout, ne sont deux ? L'Eglise Iudaïque failloit ou erroit, & ne defailloit pas pourtant : car encore estoit-elle Eglise, mais non pure & sans erreur ; autant est-il de l'Eglise Romaine, elle faut & erre en plusieurs poincts, & si demeure nonobstant encore Eglise, mais impurè & corrompuë. Il dit ( qui est plus enorme ) *que quand l'Eglise Iudaïque failloit, elle changeoit son estat en meilleur.* Voicy ses mots : *voire à parler proprement, l'Eglise encore qu'elle sembloit faillir ne defailloit pas pourtant, mais changeoit son estat en meilleur.* Veut-il prendre le mot de faillir pour perir ou cesser d'estre ? C'est encore pire qu'errer ; & de fait l'Eglise a cessé d'estre en la nation Iudaïque par son erreur. S'il prend le mot faillir pour errer, comme que ce soit que ceste Eglise Iudaïque ait erré, ou cessé de estre Eglise : comment a-elle changé son estat en meilleur ? Cōment ? errer & reietter nostre Seigneur, est-ce chāger en vn meilleur estat ? L'Eglise des Iuifs a reietté la iustice de Dieu, pour establir la sienne. A-elle ainsi changé son estat en meilleur ; quand d'Eglise de Dieu qu'elle estoit, elle a esté faite, non plus Eglise

de Dieu, ains synagogue de Satan? S'il dit Apoc. 2.9.  
 qu'il parle de l'Eglise en general prinse des  
 Iuifs, & des Gentils, & qu'elle n'a pas peri, en-  
 cores que la Iudaïque ait erré, ains que Dieu  
 l'a lors renouvellee, & espādue par tout le mō-  
 de, l'a faite plus belle qu'elle n'estoit aupar-  
 auant, nous le confessons. Nous ne disons pas  
 aussi, que iacoit que l'Eglise Romaine ait er-  
 ré, que l'Eglise vniuerselle se soit perdue; ains  
 qu'elle s'est renouvellee par toute l'Europe:  
 Non pas que cela soit venu de l'erreur de l'E-  
 glise Romaine, ains de la bonté de Dieu, qui  
 l'a remise & repurgee en beaucoup de lieux.  
 Mais c'est sortir du propos: car il est question  
 de dire, si l'Eglise Romaine a erré ou non, & si  
 l'Eglise Iudaïque a erré ou non: & nō de par-  
 ler de toute l'Eglise en general (comme a esté  
 dit) Car pour dire que l'Eglise Iudaïque a er-  
 ré, nous ne disōs pas que les vrais fideles qui  
 stoyent en icelle, comme Lazare, Marie, Mar-  
 the, & les autres, ayent erré, ny l'Eglise des  
 Apostres suyui leur erreur.

De Sponde a affirmé vne fois, que l'Eglise Page 114.  
 Iudaïque n'auoit pas erré; non pas mesmes  
 quand elle reietta Iesus Christ, combien que  
 elle fust à bout de sa sacrificature. Mais il s'est  
 desdit de cela, non vne fois, mais plusieurs, &  
 s'en desdit encore maintenant, en disant; que  
*les Prestres de l'ancienne Loy, n'eurent iamais ce*  
*pruilege ny ceste promesse de n'errer iamais.* Je  
 respon, qu'ils l'ont eu plus que l'Eglise Ro- Esa. 59.21.  
 maine, & toutesfois ont erré. Où trouue-il Malac. 2.7.

Deut. 18. 12. que les Prestres de la nouuelle Loy, qu'il ap-  
 Agee 2. 10. pelle les Prestres de l'Eglise Romaine, ayent  
 ceste promesse & ce priuilege de n'errer ja-  
 mais? C'est volontiers aux Rom. chap. 11. où  
 saint Paul dit, que ce qui est aduenü à l'Egli-  
 se d'Israël, à sçauoir, d'estre retranchée, doit  
 faire que l'Eglise Romaine pense à soy, qu'au-  
 tant ne luy en aduienne. Tant y a que nous  
 montrons qu'elle a erré; & erre. Si elle veut  
 dire du contraire, il faut donc qu'elle face que  
 l'Escripture sainte, par laquelle nous la con-  
 uainquons d'erreur, ne soit plus parole de  
 Dieu. C'est aussi où les Iesuites & de Sponde  
 bandent tous les nerfs de leurs esprits; mais  
 en vain.

De Sponde adiousté, *encore que les Prestres  
 de l'ancienne loy n'ayent eu la promesse de n'errer  
 iamais, pourtant on ne s'est pas separé d'eux qu'a-  
 uec malediction, iusques au temps ordonné de Dieu  
 & accompli.* Que se fit-il donc, quand le Sa-  
 crificateur Vrie eust mis l'autel profane dans  
 le temple du Seigneur, que les sacrifices ces-  
 serent; mesmes que le temple fut fermé (car  
 il est dit qu'Ezechias l'ouurit.) Et au de-  
 sert, quand on se separa d'Aaron & de sa com-  
 pagnie, comme firent les Leuites, ausquels  
 Moÿse commanda d'exterminer les chefs de  
 ceste Apostasie? Ne dira-il pas, qu'en cela ces  
 Sacrificateurs erroient, & qu'il estoit loisi-  
 ble de s'en separer? Le Pape & ses prestres  
 n'errent pas moins, mais plus; en cela donc,  
 qu'il nous soit loisible de nous en separer. Car

2. Rois 16.

11. 12. 13.

14. 15. 16.

17.

ce dont nous-nous separons, n'est non plus commandé de Dieu. Cercher le salut ailleurs qu'en Dieu, & autrement que par son Christ, c'est l'impiété des impietez.

Où est donc cest exemple si particulier, & plein de mystere, ainsi qu'il dit ; *qu'il ne tire à nulle consequence pour le moindre escernele qui se voudroit faire bande à part, & se retrancher de l'Eglise?* C'est pour dire, que comme il n'estoit pas loisible de se separer de l'assemblee des fideles, & de mespriser le seruice de Dieu qui se faisoit au temple, ny de faire bande à part, qu'aussi il n'est maintenant loisible se separer de l'Eglise. Nous respondons, que cela est vray ; & que nous ne nous sommes pas separez de l'Eglise, pour nous estre separez de vos faux seruices que Dieu n'a pas commadé, non plus que les Leuites, quand ils se separerent du grand prestre de la Loy, & du corps general de l'Eglise qui adoroit le veau d'or au desert. Nous n'auons pas laissé le seruice de Dieu, pour auoir laissé l'idolatrie de la Messe & de vos temples: Au contraire, nous auons restauré le vray seruice de Dieu entre nous, sans nous attendre au Pape : Et si demeurons avec l'Eglise Romaine, en ce qu'elle croit selon l'Ecriture sainte, & le Symbole des Apostres. Nous ne sommes pas donc retranchez de l'Eglise; au contraire nous y sommes mieux, que si nous estions en l'Eglise Romaine. Et quoy? si nous ne nous separons de vous en ce qui est de l'idolatrie, & adorons vos

Exode 32.

images, il y a malediction de Dieu pronõcee contre nous. Pour estre donc vraye Eglise & obeïssante à Dieu, il nous a fallu separer de vous : pour auoir fait cela, sommes-nous esceruellez ? Les Leuites au desert, les fideles en Ierusalem & en Israel, estoient des esceruellez : car ils se sont retirez des Sacrificateurs idolatres, quelque vocation qu'ils eussent. Pour dire qu'il ne se faut pas retrancher de l'Eglise Romaine il dit, *que le regne du fils de Dieu n'aura point de fin.* Nous le croyons : mais nous nions que la Papauté soit le regne du fils de Dieu ; c'est celuy de l'Antechrist : c'est celuy du Pape, & non le Royaume des cieux. La parole du Royaume en est bannie.

Matth. 13.  
19.

*Nostre Seigneur est appelé nostre Emanuel,* dit-il, Cela est vray : car il est Dieu avec nous, ayant prins du nostre, à sçauoir, nostre humanité, & estant fait chair de nostre chair, ayant esté conçu par le saint Esprit : & par le mesme Esprit nous donnant du sien, en nous faisant chair de sa chair : & nous est present par la grace de son Esprit, & en luy sommes faits participans de la nature diuine. Mais ce-cela n'empesche pas qu'il n'y ait en nous de l'ignorance, de l'erreur, de l'infirmité, & du peché : car nous ne sommes pas icy parfaits. Dieu est present & assiste à son Eglise, & est avec elle, mesmes en la releuant, la ramenant, la remettant, la nettoyant, & luy pardonnant. Et le fait maintenant en l'Eglise Romaine mesme, en la personne de beaucoup qu'il sau-

2. Pierre 1.  
4.

ue de là. Dieu en a tousiours auparauãt, & dès le cōmencemēt du mōde fait ainsi à son Eglise. Mais où est-ce qu'il l'a tousiours gardee, sans iamais errer ? Non pas en Ierusalem, où ailleurs, ny du temps des Apostres mesmes.

Il dit, *que nostre Seigneur est du tout & tousiours avec son espouse, par vne perpetuelle assistance de sa vertu, avec laquelle il est du tout avec son espouse.* Je respon, que l'Eglise Romaine n'est pas donc son espouse : car elle a erré, & erre de present, & se souille avec les adulteres, s'acointant avec autre que Iesus Christ, à sçauoir avec le Pape, & cherchant salut ailleurs qu'en vn seul Dieu son seul espoux, & par autre moyen que celuy du benefice de la mort & passion de nostre Seigneur. Mais s'il veut dire, que le mariage d'entre Dieu & son Eglise, soit en tout & par tout semblable à celuy d'entre le mary & la femme, il s'abuse. Ce mariage de nostre Seigneur & de son Eglise est spirituel; il n'y a rien de charnel, ou selon nos passions, & qui se doye mesurer à nostre aulne. Quoy qu'il en soit, il faut icy renoncer à nostre sens: car ce qui est de Dieu le surpasse, & nostre sens humain ne le peut comprendre. L'Eglise d'Israël estoit Eglise de Dieu & son espouse, Ezech. 16. Et toutesfois Dieu luy reproche ses adulteres, & neantmoins il l'appelle son espouse, iusques à dire où, & comment il l'espousa. Où estoit cest espoux, qui la laissa paillarder ? Vous perdez icy l'entendement, & ne pouuez croire que Dieu ait vne

Eglise, & qu'il la laisse idolatrer. Et que l'Eglise Romaine ait peu errer; & nous vous monstrôs qu'elle erre, en quoy, & comment.

De Sponde dit, *qu'elle est si sainte, qu'elle ne se souille iamais dans les adulteres.* Nous disons, que ceste sainteté n'est pas naturelle à l'Eglise, qu'elle vient de Dieu, & autant qu'il luy plaist: que l'Eglise de sa nature est corrompue, nee en peché, conceuë en iniquité, nous sommes tous enclins à mal, inutiles à bien, vendus souz peché, ne pouuans que nous destourner de Dieu. Et nostre sainteté c'est, (comme sera dit cy après) que nos pechez nous soyent pardonnez, la iustice de Christ impute. La sanctification & nouueauté de vie, & mortification du peché est quant & quant: mais elle ne sera iamais parfaite que nous ne soyons au ciel avec Iesus Christ nostre espoux; ains aurons icy tousiours besoin de demander pardon de l'idolatrie ou d'autre peché. Il ne faut pas donc dire, que l'Eglise soit si sainte, qu'elle ne se souille iamais dans les adulteres, s'alliant avec autre qu'avec son espoux. Nous vous montrons le contraire par le 32. du Deuteron. par le 16. d'Ezechiel, par tout Osee, & par les autres Prophetes. Si vous dites, que cela n'est pas dit de l'Eglise du nouueau Testament, nous vous montrons que si, par le 10. de la 1. aux Corint. & le 6. de la 2. & par le 5. de la 1. de saint Iean. Nous vous montrons que l'Eglise Romaine, que vous appelez la sainteté, s'est polluee dans les

Rom. 7.



les plus infâmes adulteres qui iamais ayent esté en idolatrie, dont Dieu l'a rappelle, & la veut nettoier & sanctifier si elle vouloit.

Vous me demanderez, pourquoy Dieu laisse ainsi errer son Eglise, soit en celle des Iuifs, ou en l'Eglise Romaine, ou en celles de l'Asie, ou autres. Je respon, que ce sont ses iustes iugemens sur les Eglises. Car si vne Eglise est fiere; se meconnoist, veut parler deuant l'espoux, se faire les loix elle-mesme, y assubietir son espoux, luy faire trouuer bon ce que son Prelat voudra, & ce qui plaira à elle; que merite-elle que d'estre delaissee? Et si Dieu la laisse errer, c'est pour faire les autres plus sages, comme dit S. Paul d'Israël. Rom. 11.  
20.  
1. Corinch.  
10. Mais vous imaginez; que puis que nostre Seigneur est l'espoux de l'Eglise, qu'il l'a à son costé, la met entre ses bras la mignarde. *Quoy, dites-vous, souffriroit-il bien cela, qu'entre ses bras & à ses propres yeux elle paillardast? Il ne l'aimeroit pas; direz-vous: & ne vous pouuez persuader que l'Eglise soit Eglise de Dieu, & qu'elle puisse errer.* Je respon, que ce qui est de Dieu, surpasse infiniment nostre sens. Il ne faut pas mesurer en tout & par tout, cômme a esté dit, l'amour de Dieu enuers son Eglise, à l'amour d'un mary enuers sa femme. Dieu l'ayme bien quand il luy pardonne, mais il ne se mesure pas à nostre aulne. Nous auons nos douleurs, nos passions, nos ialousies, nos affections & la chair; mais cela ne tombe pas en Dieu. Il est appelé ialoux, il s'ensuit donc

que l'Eglise son espouse, paillarde ; comme il monstre en Ezechiel 16. & en Osee 1. & 2. Mais ceste ialousie ne tōbe pas en Dieu, comme elle est en l'homme ; ains il y a en Dieu ( sans passion cependant, sans changement & perturbation d'esprit ) quelque chose que nous ne sçaurions dire que c'est, sinon qu'il hait l'idolatrie, en punit griefuement son Eglise, lors qu'elle cherche salut ailleurs qu'en luy. Qui est le père qui voudroit voir, que on iettast son enfant au feu ou en l'eau, qu'on l'escorchast, & qu'on le iettast aux chiens ? & Dieu a veu faire cela de ses enfans, & espandre leur sang comme eau ietee à l'auenture, Psal. 79. Dieu luy-mesme, quoy qu'il soit nostre Père, nous reduit là, & pourtant nous ne nous degoustons pas de luy. Le mary veut-il voir sa femme pleurer, & estre battue en sa presence ? Nostre Seigneur voit cela de son Eglise, & la reduit à ceste extremité ; direz-vous pourtant qu'il ne l'aime pas ? Ne iugez pas dōc de cest amour de Dieu enuers son Eglise, comme si c'estoit ainsi que ~~de~~ de l'amour d'un mary enuers sa femme : mais laissons à Dieu ce qui nous est incomprehensible. Qui est le mary, dit Dieu, qui vueille reprendre sa femme quand elle a paillardé ? Tu as paillardé, dit Dieu à Israël ; reuiens à moy, & ie te reprendray. En cela il plaist à Dieu de monstrier ses bōtez, & qu'elles sont abyssmes sur abyssmes. Pourquoy, dit-il dōc, *que Dieu ne permet pas que son Eglise se soüille dans les adulteres ?*

Jerem. 3.

De Sponde nous viët apres discourir comment l'Eglise est sainte, & en tels termes, qu'il se desdit de cela qu'il a dernièrement dit: Car il veut dire & le dit, *que l'Eglise est le corps de Christ, saint en son tout, & non pas seulement en ses parties; qu'il est saint, nō pas que tous ceux qui en sont les mēbres visibles soyent saints.* Mais accordez tout cela, que l'Eglise soit sainte en son tout & en toutes ses parties; & cependant non pas en tous les membres: ces membres, ne sont-ce pas ses parties? Il veut dire, qu'il en y a qui errent, idolatrent, sont pecheurs, & se rēdent profanes; & c'est cela mēme que nous disons. Nous disons qu'il n'y a Eglise qui ne puisse errer, que toute l'Eglise vniuerselle erre, ou peut errer en toutes ses Eglises particulieres. Car que sont les Eglises particulieres, que les mēbres de ce corps mystique de nostre Seigneur? Ce sont les membres qui la constituēt, desquels nous disons aussi qu'il y en a (& dans Rome mēme) qui ne recognoissent pas le Pape, & abhorrēt ses idoles: ou s'ils le recognoissēt maintenāt, l'abhorreront cy apres. Ceux-là sont vrais membres de l'Eglise, & en la communion des saints: en ceux-la l'Eglise n'erre pas, ou s'ils errent, Dieu les ramene par son Esprit & sentiers de sa parole leur donne repentance, cognoissance de leurs fautes, & leur fait pardō.

Après cela de Sponde sort de son propos, & veut nous dire quelque chose de la sainteté de l'Eglise, & si ne sçait pas quoy. Mais

c'est comme l'Eglise est sainte, à sçauoir à son aduis: par ce que tout ce dont elle est composée est saint, comme le baptesme, la profession chrestienne, de la foy, des mœurs, & de la doctrine Chrestienne, l'union des membres entr'eux & avec leur chef, au moins (dit-il) exterieure, & en ce qui concerne la Religion: que ceste union est sainte, que les saints qui y sont donnent à bon droit le nom de saint à ce corps d'Eglise, à fin qu'il soit honoré de ses parties les plus honorables; outre que c'est le propre de l'Eglise, & non d'autre compagnie, d'auoir les saints avec foy: mais d'y auoir les meschans, ce n'est point le propre de l'Eglise. En fin est-ce pas proprement l'Eglise qui est sainte, puis qu'elle est du tout voñee & consacree à Dieu, & que son chef Iesus Christ est le saint des saints? A quel propos tout cela? l'Eglise est sainte, qui le croit, si nous ne le croyons? mais est-elle sans pechez? Nous croyons l'Eglise & la remission des pechez, en ceux que nous appellons saints. S. Paul disoit de foy;

Rom. 7. Je ne fay pas le bien que ie veux, & fay le mal que ie ne veux pas faire. S. Ieã dit, si nous confessons nos pechez, Dieu est fidele pour nous

1. Corin. 10

2. Cor. 6.

les pardonner. Saint Paul appelloit les fideles de Corinthe saints; & si les reprend d'idolatrie, & les exhorte de s'en garder impolus. Et S. Iean aduertit toute l'Eglise de Dieu, de se garder des idoles. Je demande, si les Apostres auoyent dit cela, si l'Eglise ne pouoit errer, paillarder par idolatrie, & s'allier à autre qu'à Dieu; aussi bien qu'Iraël à Baal-

1. Iean 5.

Psal. 106.

phéor? Les Apostres se feroient-ils ainsi abuser, d'exhorter l'Eglise de fuir l'idolatrie, si elle ne pouuoit errer, ny estre surprise en cela, comme veulent faire croire les Iesuites, & de Sponde apres eux?

C'est pour cela que nostre aduersaire dit, que tout ce corps de Iesus Christ, à scauoir l'Eglise, est saint; pour dire qu'il n'idolatre point, & que nostre Seigneur ne laisseroit pas paillarder son corps qui est l'Eglise. Il faut icy discerner le corps naturel de nostre Seigneur (qui est tout glorieux au ciel) d'auec son corps mystique, qui est l'Eglise, laquelle bataille cõtre le peché en terre: nostre Seigneur est le chef de l'Eglise, & l'Eglise est son corps & ses mēbres, car il vit en nous par son Esprit, comme le chef auec ses membres: & sommes vnis à luy, & viuons en luy, comme les membres auec le chef, ou mieux: Car ceste vnion & vie se fait par le S. Esprit qui est Dieu, & surpasse toute vnion naturelle ou humaine, & corporelle & terrestre. Mais nostre Seigneur viuifie son Eglise en la mort, la retire de l'enfer, la laue du peché, la nettoye de la souillure, la ramene de l'idolatrie, la releue de sa cheute, la guerit de son infirmité, la sanctifie, la laue, la iustifie tous les iours pour la sauuer. C'est comme il sauue son Eglise. Ce corps de nostre Seigneur, qui est son Eglise, idolatre souuent & paillarde: vous trouuez cela estrange; que sçauiez-vous que c'est? S. Hierosme ne l'a pas trouué estrange, quand il a

dit que l'Eglise paillardoit lors, qu'elle engendra les Luciferiens. L'Eglise a paillardé quand elle a engendré le Pape & la Papauté. Et aujourdhuy nostre Seigneur la guerit de ceste infirmité, la nettoye de ceste immondicité, & la sanctifie en la separant de ceste impieté & idolatrie, en la personne de ceux qui sont vrais membres de son corps. D'où est-ce que Dieu retire son Eglise, que du peché? Qu'est-elle de sa nature que peché? Mais Dieu se la sanctifie, & y a tousiours la main, tousiours sa grace, tousiours son Esprit; autrement elle retourneroit à pecher, & neantmoins elle y tōbe, & y a tousiours du peché, & nostre Seigneur l'en nettoye; non vne fois, mais tousiours, non d'un seul peché, mais de tous, & d'un peché plusieurs fois, & la bonté de Dieu y demeure eternellemēt. Autrement qui seroit sauué? Voulez-vous dire, vous autres Iesuites, que la regeneration soit parfaite du premier iour: & que l'Eglise apres auoir esté faite Eglise, & incorporee en Iesus Christ, ou faite son corps, ne peche plus? S. Iean dit au contraire; Que si nous confessons nos pechez, Dieu est fidele pour les nous pardonner. Item, Si nous auōs peché, nous auons vn Ad-uocat. Item, Enfans, gardez-vous des idoles. Tout cela presuppōse, q̃ l'Eglise (le corps de Christ) peut pecher, voire en idolatrie, qui est paillardise spirituelle. C'est de cela aussi & de tout peché que nostre Seigneur la laue, la purifie, & par remissiō des pechez, & par l'esprit

de regeneration, comme S. Paul dit; Ne vous abusez point, ny les paillards, ny les idolatres, &c. n'heriteront point le royaume des cieux. Et telles choses estiez-vous quelques vns; mais vous en auez esté lauez, vous en auez esté sanctifiez, mais vous en auez esté iustifiez au nom du Seigneur Iesus, & par l'Esprit de nostre Dieu. Or S. Paul exhorte ceux-là mesmes qui auoyent esté lauez, sanctifiez, & iustifiez, & qu'il appelle le corps de Christ ou ses membres, de se garder de la paillardise & de l'idolatrie. Ne dites plus donc, que l'Eglise ne peut tōber en paillardise d'idolatrie, car vous voyez le contraire: & encore qu'elle soit le corps de Christ qui est saint.

*Mais, dit de Sponde, ce corps s'entend en son tout, & non pas seulement en ses parties l'une à part de l'autre. Que veut-il dire, que quelques membres de ce corps pecheront, & non tout le corps? C'est ce que nous disons, que l'Eglise n'erre jamais en tous ses membres, nō plus en tous les poincts de la religion Chrestienne. Mais cependant en ceux-là qui errent, & en ces Eglises lesquelles errent, & en ces poincts de doctrine où on erre, l'Eglise n'erre-elle pas? Si quelques vns, où quelques Eglises idolatrēt, ne paillarde-elle pas? Tout le corps (dit-il) est saint, mais non pas pour ce que tous ceux qui en sont les membres visibles soyent saints. Que sçait-il qu'il dit? Car tous ceux qui en sont membres sont saints; & non seulement eux, mais le mary infidele est sanctifié*



en la femme fidele : & la femme infidele est  
 1. Cor. 7. 14 sanctifiée au mary fidele ; autrement vos en-  
 fans seroyent pollus, mais maintenāt ils sont  
 saincts, dit S. Paul. Tous ceux donc qui sont  
 les membres de ce corps sont saincts ; c'est à  
 dire, recensez pour peuple sainct, & eux & les  
 leurs, comme a esté dit. Il est vray qu'il y a  
 vne autre sanctification plus speciale, & qui  
 n'est qu'à ceux qui sont en Iesus Christ, chair  
 de sa chair, & os de ses os. De Spōde ne dit pas  
 l'Eglise sainte, ny pour l'une ny pour l'au-  
 tre ; c'est à dire, ny pource que c'est le peuple  
 de Dieu qui a l'alliance, ny pour la grace de  
 regeneration, qui est l'œuvre interieure du  
 saint Esprit en nos ames, & qui par apres se  
 demonstre en tout nostre corps, pour faire  
 nos membres, membres de iustice : mais il  
 veut que ce corps de Christ soit saint, pour  
 ce que tout ce dont il est composé est saint.  
 Et si on luy demande dequoy ce corps est  
 composé, il dit que c'est du baptisme, & ce  
 qu'il a dit cy dessus.

De Spōde veut dire, que la sainteté de  
 l'Eglise consiste au baptisme, à faire pro-  
 fession d'estre Chrestien à la mode de l'E-  
 glise Romaine, auoir leurs mœurs, leur do-  
 ctrine, estre vni avec eux, & à leur chef qui  
 est le Pape, qu'il a appelé le lien d'vnité. Car  
 d'estre autrement vni à Iesus Christ, il ne le  
 pense pas. Mais soit ou le Pape, ou bien Iesus  
 Christ qu'il prend icy pour chef (Car à l'Egli-  
 se qui n'est qu'un corps, ils dōnēt deux chefs)

il veut que du moins, ceste vnion ou profession soit exterieure. Du cœur il vous en permet autant qu'à luy, à sçauoir de croire ce que vous voudrez; pourueu que vous faciez bonne mine d'estre de la religion du Pape, & dit que cela est sans doute vne vnion sainte. Dauantage, que ce corps de nostre Seigneur est saint, à cause des Saints qui y sont, & luy donnent ce titre de Saint: & dit pour la fin, que c'est le propre de l'Eglise, & non d'autre compagnie de quelque religion que ce soit, d'auoir les Saints avec soy. Mais la sainteté nous vient d'auoir vestu Christ, d'estre de sa communion, & entez en luy, d'estre ses membres, chair de sa chair & os de ses os. Luy seul nous est fait iustice, sagesse, sanctification & redemption. Nous sommes, comme dit l'Apostre, sanctifiez en Iesus Christ par l'Esprit de nostre Dieu. Le Baptisme est bien tesmoignage de ceste sanctification, & la confession de foy, & demeurer en l'vnion de l'Eglise, & de nostre Seigneur (non du Pape) & en faire confession d'ame & de corps. Mais cela simplement ne nous fait pas saints, encore que nous soyons ainsi sanctifiez dauantage, & auerez saints & declarez tels; moins les Saints (soient ou morts ou viuans) ny aussi que les saints soient en l'Eglise, & non ailleurs. Cela, dy-ie, ne fait pas l'Eglise sainte: mais elle l'est, parce qu'elle est le corps de nostre Seigneur, où il vit par son Esprit comme le chef en ses membres, & se la san-

I. Cor. 6.

II.

ctifie. Mais, dira-on, si nous ne nous sanctifions nous-mesmes, pourquoy dit Dieu soyez saints, car ie suis Saint? Le respon, que Dieu nous sanctifie par son Esprit; & que nous nous sanctifions, quand par son Esprit luy-mesme nous inspire d'acquiescer aux bons mouuemens, au bien; & nous donna la volonté & la vertu de le faire, & y appliquer tous nos efforts: Car lors il y a du nostre, ce que Dieu nous donne d'y mettre. En l'œuvre de nostre sanctification, nous ne sommes pas stupides, mais y apportôs tout le nostre, comme Dieu nous donne. Pourtant nostre Seigneur dit, Qui est saint se sanctifie encore. Et à ce propos, Sans moy vous ne pouuez rien faire.

Iean 15.5.

Page 15.

Quant à ce qu'il dit, *que ce n'est pas le propre de l'Eglise, d'y auoir des meschans*: Ie luy demande, s'il n'en y a point de tels en l'Eglise? Il l'a dit cy dessus, s'en veut-il desdire maintenant? Nostre Seigneur dit, Que le Royaume des cieux (c'est l'Eglise) est comme vn filé qui tire des bons & mauuais poissons. Mais à quel propos dit-il tout cecy, sinon que l'Eglise ne peut errer; qu'elle est sainte en tout & par tout & en tous ses membres? Cependant les Patriarches qui vendirent Ioseph, les Beniamites, Dauid, Iudas, Aaron, Vrie, Caïphe, estoient en l'Eglise; ils ont peché, fait de meschans actes. Dieu iustifie le meschant, dit saint Paul; & où qu'en l'Eglise? Qu'elle n'idolatre point, nous auons plusieurs fois

Rom. 4.5.

monstré le cōtraire. Là se separe la paille d'avec le grain. Là nostre Seigneur dit, *Partez-vous de moy, ouuriers d'iniquité.* C'est à l'Eglise que saint Paul dit, *Le Seigneur cognoit ceux qui sont liés.* Quicōque inuoque le nom de Christ, qu'il se retire d'iniquité. 2. Timoth.  
ch. 2. v. 15.

De Sponde adiousté en fin, *Est-ce pas proprement l'Eglise qui est sainte, puis qu'elle est du tout voïee & consacrée à Dieu, & que son chef Iesus Christ est le saint des Saints?* Nous confessons que l'Eglise est sainte, pource que Dieu l'a separee du reste du monde, que Dieu se l'est mise à part, pour estre recensee son peuple, & auoir salut; & pource que Dieu luy pardonne ses pechez, luy impute la iustice de son Christ, la regenere par son Christ, & se la sanctifie, la viuifie en son chef Iesus Christ nostre Seigneur, à qui elle est appropriée, en qui elle vit, & à qui elle est vnée par le saint Esprit, mieux que les membres ne sont vnés au chef. Mais est-ce à dire qu'elle ne puisse errer, comme le veut de là inferer de Sponde? Qu'il attende qu'elle soit au ciel, pleinement cohioincte en tout & par tout, sans infirmité aucune, à son chef Iesus Christ nostre Seigneur. Car ce qu'icy elle est sainte, est plus d'imputation de la iustice de nostre Seigneur, après auoir obtenu pardon, que d'action, c'est à dire, que de bonnes œuvres qu'elle ait fait. Qu'est-elle de sa nature? Que peut-elle faire de foy? le S. Esprit l'inspire, la redresse, la ramene, la remet, la nettoye, la mene en la

crainte de Dieu, & la releue quand elle est  
 cheute (cōme a esté dit) la guerit en son mal,  
 la viuifie en la mort, luy donne repentance,  
 cognoissance de ses erreurs, & de plus en plus  
 elle se sanctifie par ceste grace de Dieu. San-  
 ctifiez-vous, dit Dieu, car ie suis Sainct. Item  
 qui est saint se sanctifie encore. Pense-il que  
 l'Eglise soit sainte d'une sainteté infuse tout  
 d'un coup? qu'il n'y ait plus besoin d'additiō,  
 & qu'elle ne puisse plus errer? Quand Dieu  
 dit, Qui est saint se sanctifie encore; Qui est  
 iuste se iustifie encore: il parle de ceste sain-  
 cteté & iustice actiue, sans laquelle nul ne  
 peut voir Dieu, laquelle n'est pas en nous  
 toute du premier iour, ains s'acquiert peu à  
 peu, & non sans beaucoup de cheutes, d'er-  
 reurs, de fautes & de pechez par chacun iour.  
 Quoy dōc que l'Eglise soit appelee sainte, si  
 est-elle pechereffe; aussi elle croit la remission  
 de ses pechez: qui presuppose qu'elle y tom-  
 be iournellement, soit en vne sorte ou en l'au-  
 tre, & en l'idolatrie; mesmes les Eglises refor-  
 mées, & ne fust-ce que par l'auarice, & erre en  
 la doctrine souuēt. Il appelle l'Eglise propre-  
 ment sainte, sa sainteté n'est pas proprement  
 d'elle, mais vient de Dieu, qui est proprement  
 saint, & la sainteté (non l'Eglise Romaine,  
 ou son Euesque, que vous appelez la sainte-  
 té.) Nous formerons donc son argument;  
 Ceux qui sont voüez à Dieu, & qui sont le  
 corps de Christ le S. des Saints, sont saints.  
 Or l'Eglise est voüee à Dieu, c'est le corps de

Apo. 2. 2. 11

Christ; l'Eglise est donc sainte. Nous l'accordons, & le croyons. Mais apres il veut former vn autre argument en ceste sorte: Ceux qui sont saints, ne pechent point, n'idolâtrant, & n'errent point; l'Eglise est sainte, l'Eglise donc n'erre point, ne peche point, & n'idolâtre pas. Nous nions la conclusion; car, comme nous auons dit, l'Eglise quoy que sainte, croit la remission des pechez, demande tous les iours pardon, chante que la misericorde de Dieu demeure eternellement. Et nous voyons au vieil Testament, que Dieu a ramené de l'idolatrie le peuple saint, à qui il auoit dit, & disoit; Soyez saints, car ie suis saint. Et les exhortations, menaces, consolations qui sont au nouueau Testament montrent que l'Eglise peut errer, ou par idolatrie ou autrement, & qu'elle n'est pas icy parfaite. Si vous voulez soustenir le contraire, comme fait de Sponde apres Belarmin, allez donc avec les Anabaptistes vos cousins. Au surplus, à quoy faire s'est vouëe l'Eglise Romaine à Dieu? Est-ce pas pour manger le crucifix, iouir des benefices, se donner du bon temps, & faire du monde vn bordeau. Et puis cestuy-cy nous voudra faire croire, qu'elle s'est dediee à Dieu. En vn mot, à qui est-ce que Dieu pardonne les pechez, les erreurs, les ignorances, qu'à son Eglise qui est son corps? elle erre donc, si elle ne suit la parole de Dieu. Ceux aussi ausquels Dieu pardonne les pechez, pechent: Or Dieu les pardonne à l'E-

glise; l'Eglise peche donc.

Après qu'il a mis en auant la sainteté de l'Eglise, & presupposé ( mais faussement ) qu'elle ne peut errer, il dit, *qu'il cherchera en icelle la sainteté de la doctrine.* Nous respondons, qu'à la verité la sainteté de la doctrine est l'Ecriture sainte, qui est la parole de Dieu laquelle est en l'Eglise; & qu'ainsi il faut chercher la sainteté de la doctrine en l'Ecriture sainte, & en l'Eglise, entât qu'elle suit l'Ecriture sainte, & non autrement. Or quant à luy, il ne veut pas prendre la sainteté de la doctrine des Prophetes, de nostre Seigneur, & des Apostres, mais de l'Eglise Romaine; & encore telle qu'elle est prononcée de la bouche de ceux qui l'enseignent. C'est qu'il ne veut croire que ce que les Docteurs de l'Eglise Romaine enseigneront ( car il se persuade, selon les arguties de Belarmin, que puis que l'Eglise Romaine est sainte, & seule l'Eglise, qu'elle ne peut errer. ) Et il oppose ceste doctrine prononcée par les Docteurs de l'Eglise Romaine à la parole de Dieu. Il reiette donc l'Ecriture sainte, & ne veut doctrine que celle que les Docteurs de l'Eglise Romaine prononceront. Quoy ? cela est-il plus seur que l'Ecriture sainte ? Dieu nous a-il donné ces Docteurs pour dependre d'eux, & apprendre de leur bouche, non des Prophetes & des Apostres ? Compare-il les Docteurs de l'Eglise Romaine à l'Ecriture sainte ? Il fait plus, car il les prefere à icelle, disant; que puis que l'E-



glise Romaine est sainte, que la sainteté de la doctrine y est, & qu'il la veut prendre non en l'Ecriture sainte, mais en la bouche des Docteurs qui enseignent en l'Eglise Romaine. Il reiette donc les Prophetes, les Apostres, les docteurs anciens mesmes, & ne veut doctrine q̄ de la bouche de ceux qui parlēt aujour-d'huy par la bouche du Pape. N'est-ce pas faire le Pape l'Antechrist, l'opposer à Dieu, sa parole à la parole de Dieu, & l'esleuer par dessus Dieu, & le faire Dieu en terre ? & encore il nous menace de faire vn liure, pour prouuer que le Pape n'est pas l'Antechrist. Nous fera-il desmordre de cela, luy qui le fait par ses propos l'Antechrist, & l'assied au tēple de Dieu, pour y commander comme Dieu ? Au reste, nous auons suffisammēt respondū à tout cela, quād nous auōs mōstré que l'Eglise (quoy q̄ sainte) peut errer, & que l'Eglise Romaine erre, & qu'elle contredit à l'Ecriture sainte.

Mais faut-il prendre l'Eglise, ou les Docteurs d'icelle pour Docteurs & Maistres; ou Dieu qui parle à son Eglise, & aux Docteurs d'icelle en sa parole ? Vous n'appellerez aucun en la terre vostre pere, car vous auez tous vn seul Pere qui est és cieux ; ny aucun vostre maistre, car vous auez vn seul Maistre qui est Christ, & estes tous freres. Il est l'Apostre de nostre confession ; c'est l'Ange du grand conseil, le Christ, le Prophete, le Messias, qui deuoit enseigner toutes choses, il nous est commandé de l'ouyr. Les Apostres

Matth. 23.

Heb. 2.

Mal. 1. 6.

Ican 4.

Matth. 17.

Act. 20.

Galat. 1. ont enseigné tout le conseil de Dieu. Et n'est loisible d'annôcer autre doctrine en l'Eglise, non pas à vn Ange; non plus n'estoit-il loisible aux Apostres. Sera-il donc permis au Pape & aux Iesuites, & autres qui parlent par sa bouche, d'annoncer en l'Eglise doctrine contraire à celle de l'Euangile comme est la leur? Quel fondement a-il donc de dire, qu'il ne veut recevoir la doctrine de salut, que de la bouche de ceux-là? & qu'il ne croira que ce que les Docteurs de l'Eglise Romaine en prononceront, sans excepter si d'auenture ils ne contredisent à l'Escripture sainte?

Il dit, *que pour tout cela il ne cherche pas l'Eglise aux Docteurs, mais, plustost les Docteurs en l'Eglise.* Il veut dire, qu'il ne veut pour tous Docteurs que l'Eglise Romaine (quelle autre Eglise entéd-il que la Romaine?) & à ce conte il ne tient pas pour Docteurs en l'Eglise, ny nostre Seigneur, ny les Prophetes, ny les Apostres, ny saint Augustin ou autre, s'il enseigne autrement que l'Eglise Romaine. C'est pour cela qu'il dit, qu'il cherche les Docteurs en l'Eglise; c'est à dire, qu'il veut l'Eglise Romaine pour Docteurs.

Il allegue Lirinenſe, Bazile, & Gregoire Nazianzene; mais ce n'est pas de meſme: ceux-cy cerchoyent les Docteurs en l'Eglise, & nō l'Eglise aux Docteurs, car ils vouloyēt que les heretiques ne ſuyuiſſēt pas leurs Docteurs; ains ſuyuiſſent la doctrine de l'Eglise des Apostres, & telle qu'ils l'auoyent annon-  
cee &

cee & écrite au nouueau Testament ; & non telle que l'annōce l'Eglise Romaine, qui parle contre l'Escripture sainte. Lors de ces Docteurs, l'Eglise estoit plus pure en doctrine, qu'à present n'est l'Eglise Romaine. Ainsi ces 3. Docteurs anciens & aussi Irenee, & les autres auoyent raison, quand ils reiettoient les Docteurs qui enseignoyent autre doctrine, que celle que l'Eglise auoit tenue depuis les Apostres iusques alors ; & cerchoyēt les Docteurs en l'Eglise, voire en ceste Eglise pure des Apostres, & la prenoient pour tous Docteurs ; & ne cerchoient pas l'Eglise aux Docteurs impurs & heretiques, qui enseignoyēt doctrine cōtraire à la doctrine des Apostres. Ce que disoyent Lirinenſe, Nazienſe, & Baſile, c'est bien ce que nous disons, & voulons ; mais vous ne le voulez pas. Car nous ne voulons que l'Eglise des Apostres, leur doctrine, la doctrine de leur Eglise, qui est la doctrine des Prophetes & des Apostres pour Docteurs ; & vous non : mais vous voulez l'Eglise Romaine qui y contredit. Lirinenſe & Gregoire vouloyēt donc, que les heretiques ne se fondassent pas sur leurs Docteurs, mais qu'ils cerchassent les Docteurs en l'Eglise des Apostres, & les prissent avec nostre Seigneur pour Docteurs, & qu'ainsi l'Eglise des Apostres leur fut pour Docteur. Telle estoit lors la doctrine de l'Eglise. Si l'Eglise Romaine auoit ceste doctrine, & si les Docteurs d'icelle l'enseignoyēt, de Sponde auroit quel-

que raison, de chercher les Docteurs en l'Eglise, & de recevoir leur doctrine, & l'Eglise Romaine pour Docteur. Mais veu qu'il conste que la doctrine de l'Eglise Romaine est impure, & que ses Docteurs enseignent contre l'Escriture sainte, nous ne cerchons pas les Docteurs en l'Eglise Romaine, ny elle pour Docteur.

La raison qu'il a de chercher les Docteurs en l'Eglise, & de ne croire les Docteurs, mais l'Eglise : *C'est* (dit-il) *que là où est l'Eglise, là est l'Esprit de Dieu; & là où est l'Esprit de Dieu, là est l'Eglise, & toute grace. Or* (dit-dit) *l'esprit de Dieu c'est la verité, tesmoin Irenee.* Je respon, qu'il faut donc argumenter ainsi; Là où est l'Esprit de Dieu, là est l'Eglise de Dieu: or l'Esprit de Dieu est en l'Eglise Romaine, l'Eglise Romaine est donc Eglise de Dieu. On leur nie, que l'Esprit de Dieu soit en l'Eglise Romaine, en ce qu'elle contredit à Dieu & à sa parole. Que l'Eglise Romaine soit Eglise de Dieu impure, nous le confessons: qu'il la faille croire en son impureté, nous monstons que non (elle, ny autre, ne domine point sur nostre foy.) Nous monstons aussi, qu'il faut croire l'Esprit de Dieu, qui parle en l'Escriture sainte, & n'y contredit iamais comme fait l'Eglise Romaine. *Là où est l'Esprit de Dieu,* dit-il, *y a toute grace; l'Esprit est la verité.* Presuppose-il que l'Esprit de Dieu soit en l'Eglise Romaine? On luy a monsté que non, en ce qu'elle erre. Mais formons son argument;

Là où est l'Esprit de Dieu, là est toute grace & toute verité, & là on ne peut errer : or l'Esprit de Dieu est en l'Eglise Romaine, il y a donc en l'Eglise Romaine toute grace & verité, & partant elle ne peut errer. Nous nions que l'Esprit de Dieu soit en l'Eglise Romaine, en ce qu'elle contredit à l'Ecriture sainte. En cela donc elle erre, & n'a pas toute grace, ny ne suit la verité. Il faudra maintenant disputer, si l'Esprit de Dieu qui habite en nous tous, soit aux Pasteurs, soit aux troupeaux, y met tout d'un coup, en tous & tousiours, toute grace & verité. Daud, S. Pierre, les Prophetes, Moysé, & les Apostres, nous monstrent que non. Et le S. Esprit sera en nous, & si y aura du peché ; car la regeneration n'est pas l'œuvre d'un iour. Les Apostres auoyent receu le saint Esprit, & si ignorerent un temps le mystere de la vocation des Gentils.

De Sponde dit apres, *que tous ceux qui sont hors de l'Eglise de Dieu, ne sont armés d'aucune autorité, pour se défendre contre tous ceux, qui leur reprocheront leur attentat & presumption de s'en estre séparés.* Cela est vray. Mais s'il veut dire, que nous-nous soyons séparés de l'Eglise, nous le nions ; & montrons par nostre confession de foy, que nous sommes en l'Eglise, & que nous sommes Eglise de Dieu. Nous n'auons croyance que selon l'Ecriture sainte, selon le Symbole des Apostres. C'est nostre confessiō de foy, que le salut est de Dieu & de l'Agneau ; Que la semence de la femme

brisera la teste du serpent. Et comme a esté dit, nous ne nous separôs pas de l'Eglise Romaine mesmes, qu'en ce qu'elle erre. Formôs son argument; Ceux qui ne sont point enuoyez, dit S. Paul, ne peuuent prescher: or vous n'estes point enuoyez, vous ne pouuez pas donc prescher. Je respon, Nous sommes enuoyez de Dieu. C'est l'enuoy dont parle là S. Paul. Nous auons graces & dons de Dieu pour nostre ministere; vous le pouuez voir: Car nostre Seigneur dit, Vous les cognoistrez à leurs fruiçts. Par là on peut voir, que nous seruons à Dieu, vous ne le pouuez ignorer. Nous auons donc enuoy, voire de Dieu, pour prescher; autrement nous ne sçaurions. Dieu s'est seruy de nos ministres pour renouueller, par maniere de dire, la face de la terre, repurger son Eglise, la ramener de l'erreur, du peché de l'ignorâce, & de l'enfer; & par leur ministere a reformé la plus grand' part de l'Europe. Il dira, que nous ne sommes pas enuoyez du Pape. Aussi S. Paul ne dit pas, qu'il faille auoir enuoy de luy, ou de l'Euesque de Rome. Nous sommes cependant enuoyez, de ceux à qui il appartient de nous enuoyer, qui nous ont employé: & comme il se doit faire, apres bonne cognoissance & de la vie & de la doctrine. Nous auons donc enuoy, & de Dieu & des hommes.

Tous ceux ausquels Dieu a donné graces pour seruir au ministere, & qui y sont legitimement appelez par l'Eglise qui les em-

ploye, ont legitime vocation. Or nos ministres ont dons de Dieu, & graces pour seruir au ministere, & sont appelez au ministere par les Eglises qui les employent, apres bons tesmoignages de leur vie & de leur doctrine. Nos Ministres ont donc bõne & legitime vocation; Quoy qu'on vueille dire que nous ne puissions pas prescher, si le Pape ne nous donne nos licences. On preschoit auant qu'il y eust de Pape à Rome, ny que Rome fut.

Il argumente encorè ainsi, *Il n'appartient point aux personnes priuees, de s'esleuer contre vn estat ecclesiastique, receu & maintenu de long tēps.* Veut-il dire que nous soyõs en nostre reformation personnes priuees? que l'estat du Pape soit vn estat ecclesiastic & de tousiours? on luy nie tout cela; car ceux qui ont fait la reformation en tant de Royaumes, communantez, estats, & principautez estoient Rois, Princes, Parlemens, Conseillers, Magistrats, Docteurs, Euesques, Curez, & autres personnes publiques. Quant à l'estat du Pape, il est tyrânique, brutal, cruel, & non ecclesiastique. Il n'a d'Eglise que la mine, encore pas. Il n'est pas si vieil que Dieu l'ait ordõné. Il n'est pas du temps des Apostres. Il n'est que depuis Phocas en l'an 607. de nostre Seigneur. Et quand il seroit plus ancien, & receu de plus long temps, il n'y a pas de prescription contre le droit de Dieu, & cõtre sa parole. Nous formons donc nostre argument en ceste sorte; Les Rois, les Princes, les Magistrats, les



Docteurs, Conseillers & Prelats ne sont pas personnes priuees, & peuuent reformer les Eglises, & ont ce droit: Or ceux-là ont fait la reformation de l'Eglise; ils auoyent donc authorité & droict de ce faire. Ce ne sont pas donc personnes priuees, qui ont fait la reformation de nostre temps.

Il dit apres, *que la paix & la tranquillité ne doit auoir moins de place en la maison de Dieu, qu'ailleurs.* Cela est vray, & y doit auoir plus de lieu; Mais ce n'est ny paix ny tranquillité où Dieu est offensé: or Dieu est offensé en l'idolatrie, il n'y a point donc en cela de paix, ny d'alliance à garder la paix avec les idolâtres, mais s'en faut separer, 2. Corinth. 6. La paix est maudite, où on s'vnit contre Dieu. La tranquillité est vn enfer, où on cherche repos en offensant Dieu. Et puis appelle-il la cour du Pape la maison de Dieu? C'est la maison de Bacchus, on y fait tous les iours carefme-prenant, sainte mere Eglise se pourmene par Rome en masque; Venus y va en carosse, on y paillarde comme on veut. Auoir la guerre contre cela, est-ce rompre la paix en la maison de Dieu? Mais le pire est, que par leur fausse doctrine, ils font plus de mal que par leur meschante vie.

Page 116. Il dit, *que si nous n'auons pouuoir que de nous-mesmes, que sans doute nous deuons estre tenus pour iniustes usurpateurs du droict d'autrui.* Mais nous auons pouuoir de Dieu, de la loy, & de la principauté. Qu'auons-nous fait ny contre

Dieu, ny contre le droict ? Et qui a fait la reformation, que ceux qui pouuoient & deuoyent la faire ? Et dauantage, qu'auons-nous vsurpé ? A qui auons-nous rien prins ? *Nous auons depossédé ceux qui possedoyent.* Je respon, que le Pape ne possedoit pas de bonne foy ; il auoit vsurpé. Il a tenu long temps sans droict ; il n'y a pas de prescription contre la verité. Les Rois luy ont osté ce qu'ils luy auoyent Apoc. 17. donné, Dieu l'a ainsi voulu ; a mis cela en leurs cœurs. Dont de mesmes ont esté depossédez ces ignares, & ventres paresseux, & d'autres mis en leur place. *Cela se deuoit faire par iustice*, dit-il. Aussi a-il esté fait par iustice & à bon droit. *On les en a tirez par force*, adiouste-il. C'est qu'ils ne vouloyent volontiers pas sortir selon le commandemēt du Magistrat leur superieur, ou bien ne pouuoient, ny ne scauoient mieux faire : on les a ostez de là, mis de bons Pasteurs en leur place, pour le salut des ames. Est-ce mal fait ? C'est tout ce qui vous fait ennuy.

De Spōde nous impose apres d'auoir tout troublé. Je respon, comme fit Helie à Achab, que ce sont ceux qui ont fait le mal, qui ont laissé le Seigneur ; qui ont estably l'idolatrie, & qui resistent à Dieu ; qui ont tout troublé. Je confesse que la predication de l'Euan-gile vous a troublé (selon qu'en parle nostre Seigneur) car parauant vous faisiez feste. Mat. 10. 34  
Luc 12. 51. Il vous le semble, mais vous dormiez en la mort. Il vous falloit resueiller, combien que,

Apoc. 17.  
& 18.

comme vous dites, tout fut en lieſſe. *Ceſt orage a eſclatté*, dit de Sponde. Je reſpon qu'ouy: & ſur Babylon, cōme auoit eſté predit. *Mais*, dit-il, *le droict naturel n'eſt point iniuſte*. Il veut, *que le detenteur ſoit preſeré au demandeur, juſqu'à l'eſclairciſſement du droict des vns & des autres*. Auſſi a ce droict eſté bien eſclaircy, & auant que de depoiſſeder perſonne. Les demandeurs n'y ſont pas receus, mais ceux qu'on iuge dignes de la charge du miniſtere y ſont appellez. Demander ceſte place, c'eſt s'ingerer: entre nous cela eſt repouué & honteux. La requeſte en rebute. *Ils ont bien veu*, dit-il, *les parties, mais non les iuges*. Quoy? que voudroit-il, que le Pape en euſt iugé? il eſtoit partie. Il ſuffit que Rois, Princes, Eſtats, Docteurs, Parlemens en ayent iugé. Le Pape n'y a aucun droict, cela eſt à ceux à qui la iuſtice appartient. C'eſt à ceux-là d'en iuger chacun ſur ſes lieux. Mais il dit, *que nous, pour toute reſponſe diſons, que Dieu y a procedé extraordinairement*. Cela eſt faux: Car nous ne diſons pas cela, ains le contraire, qu'on y a procedé par la voye ordinaire, & ſelon la parole de Dieu, lequel a mis au cœur de ſes ſeruiteurs d'y proceder ainſi; & c'a eſté bien & legitimelement: car c'a eſté ſelon la loy diuine & ciuile.

Ce donc qu'il dit apres, *que quand vn mal aduient, ce n'eſt pas à dire que Dieu l'approuue*, eſt vray. Mais quel mal a-on fait en la reformation? On a depoiſſédé le Pape. De quel

droict? de mener les ames en enfer, comme il dit, *qu'encore qu'il le face, que nul ne l'en peut ny doit reprendre.* Quel droict a-il sur les Eglises, si ce n'est sur celle de Rome, & non encore que pour la conduire selon la parole de Dieu? Au reste, s'il est aduenü du mal, ce n'est point par nostre faüte. Nous n'auons que bien fait en la reformation de l'Eglise. Et s'il en est aduenü du trouble, nous n'en deuons pas donc respondre; ouy bien ceux qui se sont opposez, & s'opposent à la reformation. Mais les Iesuites, comment se deschargeront-ils deuant le iugement de Dieu, d'auoir troublé la Chrestienté, & les derniers bouts du monde, & d'auoir incité ce Royaume à la guerre, & l'auoir mis au feu, au sang, & à la faim, & de l'auoir voulu liurer à l'Espagnol? diront-ils que Dieu l'a ainsi voulu? cela peut-il seruir d'excuse?

Dist. 40.  
Can. Si Pa-  
pa.

Il dit, *que l'Eglise n'a pas moins de priuilege qu'un Royaume.* L'Eglise de vray est le Royaume des cieux. Mais que veut-il dire, que nous l'auons spoliee & troublee? Nous n'auons pas prins ses richesses, ne nous sommes pas emparez de ses estats, mesmement en ce Royaume. Vous auez encore tout, & partant vous criez contre nous à tort. Aux autres Royaumes, les Rois & Seigneurs ont fait comme ils ont veu bon; demandez-leur-en raison, & non à nous.

De Sponde adiousté après, *que quand nous nous sommes premierement presentez, que l'Eglise* Page 117.

Romaine estoit en pied, auoit face & autorité d'Eglise, que nous n'estions pas sinon en ses entrailles, & que nous l'auons deschiree pour en sortir. Que veut-il dire, que l'Eglise Romaine est l'Eglise de Dieu, & nous schismatiques? Formons donc son argument; L'Eglise qui est en pié, a face & autorité d'Eglise, & est de long temps en possession, & où on vit en paix, est l'Eglise de Dieu: Or telle estoit l'Eglise Romaine, quand vous en estes sortis, l'Eglise Romaine est donc l'Eglise de Dieu, & vous hors d'icelle, & perturbateurs d'icelle, & schismatiques. Mais on luy nie qu'estre en pié, auoir face & autorité d'Eglise, & estre de long temps en possession de cela, face l'Eglise. Tout cela sera aussi tost vn masque & faux visage d'Eglise, qu'Eglise. Ce qui fait l'Eglise, c'est auoir la parole de Dieu, qu'elle soit leuë, ouïe, interpretee, receuë, & creuë: que les saincts Sacremens y soyent administrez, qu'un seul Dieu y soit inuoqué, & Dieu seruy selon ses commandemens. Quelqu'un dira, que puis que ces choses ne sont pas en l'Eglise Romaine, que donc elle n'est plus Eglise. Je respon, que par ce qu'elles n'y sont pas purement, qu'elle est Eglise impure & corrompue: mais qu'encore l'alliance de Dieu y est, comme elle estoit en Israël idolatre. L'Eglise Romaine estant telle, nous en sommes sortis, pour nous garder de ses idoles, & pour seruir Dieu selon ses commandemens. Si quelque Eglise, dit saint Ambroise, n'a la doctrine

des Apostres, il la faut laisser & s'en retirer. Sainct Ambroise (dira-on) ne dit pas cela, l'entendant de l'Eglise Romaine. Je respon, que nō pas lors, car elle estoit plus pure qu'à present; elle s'est corrompue depuis. Mais S. Ambroise prétend parler de toute Eglise qui n'a la doctrine des Apostres, quelque Eglise que ce soit, ou Romaine, ou Gallicane. Quoy? obeir à Dieu, se retirer de l'idolatrie pour inuoquer vn seul Dieu, est-ce estre schismatique & sortir de l'Eglise? Mais nous demeurons avec l'Eglise Romaine mesme, en ce qu'elle croit selon l'Escripture sainte. Cela a esté traité cy deuant, & le sera encore; car de Sponde nous y mene souuent.

Maintenant nous examinerons ce qu'il dit, *Quand vous vous estes presentez, ceste Eglise que vous cōbatez, estoit en pied avec face & avec contenance & autorité d'Eglise.* Il ne scauroit rien dire de meilleur pour no<sup>r</sup>, & cōtre son party. L'Eglise Romaine estoit en pied (dit-il) mais Toute plante q̄ Dieu n'a point plâtee sera arrachée, cōme la Papauté. Nous cōbatons l'Eglise Romaine, nō en ce q̄'elle est Eglise, mais en ce qu'elle est idolatre & obstinee en son idolatrie & erreur. Il dit, qu'elle auoit face & contenance & autorité d'Eglise. Nous respondons qu'ouy, qu'elle faisoit bōne mine; mais que ce n'estoit q̄ fast, piaffe, & vn faux visage: car qu'elle eust vne vraye face d'Eglise, faites-le nous voir? qu'auoit-elle que ce qu'elle a? Est-ce vraye face d'Eglise? en quoy? q̄lle in-

struction? quelle consolation? quelle exhortation? quelle esperāce de salut? quelle crainte de Dieu? chacun dormoit en son ignorance; ce n'estoit lors qu'ignorance. Les liures des Docteurs de ce temps-là nous en font foy. Ce n'estoit que moyneries & hermitages, fondations, anniuersaires, iusnes, frocs, & monasteres, pour assoupir les effrois de la conscience, mais en vain. Les exhortations, c'estoyent legendes & vies des Saincts, & se recommander à eux, & leur porter chandelles, chacun se deffioit de son salut. On l'achetoit à pris d'argent, en achetāt du Pape quelque bulle. Mais c'estoit, comme dit le Prophete, Employer son argent en ce qui ne nourrit point. Je demande, si de Spondene doit pas dire, que c'estoit vne belle contenance d'Eglise? Quant à son autorité, elle a esté grande; mettre le pied sur la gorge à l'Empereur, se faire tenir l'estrieu par luy, appeller l'Empereur mastin, le faire demeurer iours & nuicts à la porte de la Comtesse Maltide en hyuer, en froid extreme, luy, l'imperatrice, leurs enfans, pieds nuds & iambes nues. Je sçay bien que les Iesuites appellent cela autorité & maiesté d'Eglise, & nous appellons cela le siege de la beste, siege cruel, inhumain, brutal, plein d'ignorance, & sans mercy. Il dit pourtant, qu'on y viuoit lors, qu'on y a vescu par centaines d'aages, & que mesmes on y vit encore. Ouy, si mourir est viure, si l'enfer est le ciel. Quelle esperance y a-il en la Papauté?

Isaie 55.

Hildebrād,  
ou Greg. 7

Henry 4.  
1057.



c'est le desespoir mesmes. C'est là qu'on se fouëtte, qu'on s'escorche, comme les Prestres de Baal. C'est là qu'on donne tout aux Iesuites pour auoir salut. C'est là qu'on pense acheter paradis, & on se voit en enfer: qu'on prend Iesus Christ pour vn iuge sans mercy: qu'on se cache és creux des rochers & hermitages: qu'on crie, Rochers & môtagnes tombez sur nous, & nous couurez de lire de l'Agneau. C'est là qu'on desire de mourir, & on ne peut, & qu'on voudroit n'auoir iamais esté. Est-ce viure? vous-vous trompez, si vous le pensez. Appelez-vous viure, chercher la vie hors Iesus Christ, qui est seul la voye, la vérité, & la vie? Est-ce la vie, vouloir estre sauué contre le conseil, la volonté, & l'ordonnance de Dieu, en idolatries, en fatras, en la Messe, aux pelerinages, & non en la mort & passion de nostre Seigneur, qui est l'vnique satisfaction pour nos pechez?

Apoc. 6.

Ican 14.6.

*L'Eglise Romaine, dit de Sponde, estoit, & nous n'estions point: ou si nous estions, c'estoit en elle, & dans ses entrailles, que nous auons deschiée pour en sortir.* Est-ce l'antiquité dont il nous pense combattre? Nous luy respondons par Tertullien, les espaces des temps, la defense des personnes, ny les priuileges des pays, ne peuuent mettre prescription à la verité. Et n'y a antiquité comme celle de l'Euangile, qui est la premiere predication faite au monde apres le peché; à sçauoir, La semence de la femme brisera la teste du serpent. C'est no-

Tertul. de  
velan. virg.

stre salut en vn seul & par vn seul IesusChrist; la premiere chose preschee au monde & la plus ancienne. C'est là l'antiquité qui le doit emporter, & non la Papauté contraire à ceste antiquité. Nous estions plustost que la Papauté : nostre doctrine estoit auant celle de de la Papauté, & auant la Papauté, és liures des Prophetes, au nouveau Testament, & au Symbole de la foy. Il dit que nous n'estions point; ou que si nous estions, c'estoit en l'Eglise Romaine, & d'as ses entrailles, que nous auons deschiree pour en sortir. Nous estions en icelle presque comme Abraham en Vr des Chaldeës, comme Israëel en Egypte, comme les Iuifs en Babylon; nous en sommes sortis de mesme. Nous estions en la gueule du puits, en la mort, en la perdition, en l'enfer mesmes, estant en l'idolatrie; Dieu nous a tirez de là. Nous auons laissé les biens, la peau, & plusieurs la vie, pour en sortir. Ils se sont ruez sur nous, fait du pis qu'il ont peu. Ils ont veu la bonté de Dieu sur nous, nostre bonne volonté enuers eux : ils en sont deuenus tous etiques, ont grincé les dents de colere, de rage & de despit, & en ont seché sur leurs pieds. Est-ce cōme vous dites, que nous auons deschiré vos entrailles pour en sortir? Mais nous estions presque comme Noé dans les eaux du deluge, comme Ionas en la mer, comme Sydrac & ses compagnons en la fournaise, comme Daniel en la fosse des Lions, voire pirement : Car nous perissions en vos

entraillles, vous nous avez depuis fait du pis que vous avez peu. Loué soit Dieu, qui nous a sauuez de vous, de vostre Papauté, de vos idoles, & de l'enfer. Brief, nous sommes le tison recoux du feu.<sup>1</sup>

De Sponde poursuit encore son argumēt, de l'antiquité qu'il pretend de son costé. Car (dit-il) *l'Eglise Romaine estoit, & nous non: elle a donc, dit-il, l'auantage du temps sur nous.* Nous respondons, que nous ne combatons que la fausse doctrine de l'Eglise Romaine, & que l'Euangile est plustost que cela: que l'Euāgile est nostre croyance & nostre doctrine; qu'en Religion, nous l'emportons par l'antiquité, sur la Papauté. Quant à la prescription, la cour Romaine n'en peut pretendre contre nous; veu qu'il n'y a point de prescription contre Dieu & sa verité (comme a esté dit.) Et qu'elle est auant qu'il y eust ny Pape, ny Cardinal à Rome, & auant que Rome fut au monde. Nous ne parlons pas des personnes, mais des religions; la nostre precede la Papauté. Si pour quelque temps la Religion Chrestienne que nous soustenons, a esté comme soulee & cachée, son droict, son excellence, & sa noblesse ne se perdent pas pour cela; ceste prescription donc est nulle. Mais veut-il sçauoir quel droict nous auons d'interrompre leur prescription? Celuy de Dieu, celuy que porte sa parole, l'Escripture sainte; c'est de fuyr l'idolatrie, & de nous en retirer.

Il dit, *que nous auons depossédé nostre mere de*

auoit prinſe pour eſpouſer, & qu'elle engen-  
droit des enfans à Dieu : car ils eſtoient en  
ſon alliance ; & comme les enfans de la fem-  
me adultere , qui naiſſent ſous le lien de ma-  
riage , & heritent : pourtant Dieu menaçoit,  
diſant ; le deſtruiray & la mere & les enfans. *Oſec 4. 5. 6*  
Mais de l'Egliſe Romaine nous ne tenõs rien,  
& moins tenons-nous la Papauté ſa baſtarde  
pour noſtre mere. Nous ſommez naiz en l'E-  
gliſe Catholique, qui eſt eſpandue en France  
& par tout l'vniuers, & non ſeulement à Ro-  
me ; autrement elle ne ſeroit vniuerſelle. Et ſi  
nous ſommes quelques vns naiz de parens i-  
dolâtres, loué ſoit Dieu qui nous a fait miſe-  
ricorde; nous renonçons à l'idolâtrie.

De Sponde nous fait parler comme il veut.  
Il ſe forge des monſtres, & puis les combat;  
car il prend plaifir à combattre ſon ombre.  
Nous diſons de vray, que Dieu eſt noſtre pe-  
re. Mais nous ne nions pas qu'il n'ait traité  
ſon alliance avec ſon Egliſe : que l'Egliſe ne  
ſoit l'eſpouſe de Ieſus Chriſt noſtre Seigneur;  
comme dit ſainct Iean Baptiſte, Celuy qui a  
l'eſpouſe, eſt le marié. Nous ne nions pas,  
que nous ne ſoyons naiz de ceſte eſpouſe,  
ſous ceſte alliance, & de ce ſacré mariage, &  
en ce cas-là ceux qui naiſſent & ſont fidelle-  
ment inſtituez en l'Egliſe, ont l'Egliſe pour  
mere. Au demeurant, ſi faut-il qu'il ſçache,  
que ceux-là meſmes qui ſont appelez l'Egli-  
ſe, ſont les enfans, ſont la vierge chaſte; tous,  
le peuple ſainct ; tous, ce corps myſtique de

Esa. 8. 18.

Hebr. 2. 13.

Esa. 9. 5.

Iesus Christ nostre Seigneur : tous, ses membres & chair de sa chair : tous, la communion des saincts & l'Israël de Dieu. De sorte, que ceux-là mesmes que nous appellons l'espouse de nostre Seigneur, nostre Seigneur les appelle ses enfans, en disant ; Me voicy, & les enfans que tu m'as donnez. Et pourtant le Prophete a dit de luy, On l'appellera le Pere du siecle a venir. Et vous, pour vous maintenir en vostre dire, que vous estes sainte mere Eglise à laquelle nous devons obeïr, & qui nous a engendrez : vous dites, que vous prenez ceste sainte mere Eglise és mēbres plus honorables d'icelle, comme le Pape, ses Prelats, & son Clergé ; & dites, que c'est là la mere ; & sainte mere Eglise. Et qui (dites-vous) ne l'a pour mere, n'a pas Dieu pour Pere. Vous-vous trompez, si vous pēsez que saint Augustin & S. Cyprien ayent dit cela de l'Eglise Romaine : car ils n'ont iamais parlé de ceste-là plus que d'une autre ; ains tous deux l'entendoyent de l'Eglise de Dieu, qui estoit lors en l'univers, soit en Italie, és Gaules, en l'Affrique (dont ils parloyēt specialement) ou en Espagne, ou ailleurs. Car ils ne tenoyent Rome, ny son Euesque, que comme l'Eglise de Carthage, & son Euesque. Et on vous monstre vostre menterie, en ce que vous dites, que S. Cyprien appelle l'Eglise Romaine la racine, & la mere des autres Eglises ; & que cela a esté plustost donné à l'Eglise de Ierusalem, de laquelle est nee iadis ceste premiere

belle & florissante Eglise de Rome. S. Cyprie n'a iamais tenu l'Euesque de Rome que pour son compagnon: & de ceste cour de Rome, il n'y en auoit point pour lors.

Mais de Sponde veut rire quãd il dit apres, *Que si les assemblees separees que nous auons faites, sont ceste Eglise, qui n'auoit iamais esté, ou pour le moins depuis long temps, que Iesus Christ doit bien auoir gemy sur son veufage.* De Sponde appelle nos assemblees separees; & l'Eglise Romaine s'assemble-elle tout en vn corps? veut-il dire donc, qu'il n'y a Eglise, que celle qui s'assemble à S. Pierre de Rome? Et nous disons, que toutes les Eglises de tout l'vniuers, font l'Eglise vniuerselle, & la communion des saints; & n'en y eut volontiers iamais tant de si pures qu'à present. Nostre Seigneur n'a point donc gemy, ny ne gemist sur son veufage: car il a tousiours son espouse, icelle cõposée, comme i'ay dit, de toutes les Eglises de l'vniuers, où s'annoncent les bontez de Dieu, se chantent ses louanges, où chacun crie à Dieu, reclame sa seule puissance, & n'y chante-on que de sa grace, où son seul Nom est inuocé, & Christ seul tenu pour Sauueur, pour Aduocat & d'intercession & de redemption; seul Redempteur, seul l'appoinctement pour nos pechez. Tousiours y a eu de telles Eglises, mais nõ pas toutes tousiours pures: maintenant il y en a plus que iamais; maintenant, di-ie, que les Royaumes de la terre sont reduits à Dieu & à son Christ, & ont secoué

le ioug de l'Antechrist.

De Sponde dit apres, *que Iesus Christ nous doit une bonne recompense, de luy auoir trouué & rendu son espouse, laquelle il ayme tant, & ne la toutesfois sceu conseruer. C'est (dit-il) reprocher à Dieu son impuissance, & luy faire parade de nos infirmités.* Iesus Christ ne nous doit pas de recompense, aussi n'en demandons-nous pas, comme vous: c'est à vous qu'il la doit; ie dy à vous, qui faites plus qu'il ne vous commande, & ne vous demande, ainsi que disent vos docteurs. Aussi il a luy-mesme trouué son Eglise, & ne l'a cerchee loin de luy: il est Dieu, il l'a tousiours veuë, & Dieu en a fait ce qu'il a voulu. Il ne la sceu conseruer (dites-vous) & si l'aime tant. C'est pour rire que de Sponde dit cela, & pour dire la verité, les propos sentent vn peu son atheiste, & en approchent fort. Car vous dites que c'est chose absurde, que Dieu ait laissé paillarder s<sup>on</sup> espouse (c'est à dire, idolatrer) & ne pouuez digerer cela. Or est-il qu'elle a idolatré & idolatre entre vous. Si vous ne le confessez, si en estes-vous conuaincus en vostre consciëce, & ne le pouuez taire entre vous, & le nous confessez si nous familiarisons avec vous. Vous scauez bien que ceste idolatrie, est vne paillardise spirituelle. Voyant cela, & ne pouuant digerer comment Dieu le permet, vous concluez ou qu'il n'y a point de Dieu, ou que s'il en y a, qu'il ne se soucie pas de ce monde, & comme que ce soit qu'on le serue. Mais trouuez-vous



estranger, que l'Eglise idolatre ( que Dieu appelle paillarder spirituellement ) lisez Ezechiel 16. & les Prophetes par tout . Pourquoy est Dieu appellé jaloux, sinon que l'idolatrie est comme l'adultere au mariage? Mais pourquoy s'appelle Dieu ainsi, si l'Eglise ne tombe iamais en la paillardise de l'idolatrie, & s'il l'en empesche comme vous dites? Dieu veut que tout nostre amour soit à luy, que ne demândions salut que de luy, ny ioye, ny contentement qu'en luy. Pourtant il a dit, Tu n'auras pas d'autres dieux deuant moy. S'adresser pour son salut à vn autre qu'à Dieu, c'est faire comme l'adultere, qui laisse le mary pour le ruffien.

Mais dit de Sponde, *Nostre Seigneur aime tant son Eglise.* Je respon, qu'il l'ayme vraiment, & tant que cela ne se peut dire. Car il est mort pour elle; voire en sa mort a souffert les peines de la damnation eternelle, qu'elle auoit meritee. *Quoy donc,* dit-il, *ne la-il sceu conseruer qu'elle n'idolatrast pas?* Je respon, qu'il la sauue de l'idole, de la mort, du peché, & de l'enfer: & le monstre en ce qu'il l'a ramenee de l'idolatrie, & la sauue du milieu des idoles, les luy faisant en fin abhorrer, & parlant à elle selon son cœur, Ozee. 2. & luy donnant ses premieres amours par sa parole, & par son Esprit tout ensemble, & la diuertissant de l'erreur. Tout cela se fait en la personne de ceux lesquels il sauue, qui font la vraye Eglise. Mais pourquoy permet-il qu'elle idolatre,

(qui est paillardier) veu que c'est son espouse? Le respon, qu'il fait voir en cela nostre corruption, ce que nous pouuons, ce que nous meritons, pour voir l'amour & la bonté de Dieu enuers nous. Dieu fait en cecy tout ce qu'il veut : & s'il veut mettre en euidence nostre infirmité & sa bonté, est-ce à nous de corriger ses iugemēs? Tout ce qui est dit de Dieu, à la maniere & façon de faire des hommes prens-le, & l'entens spirituellement, & non charnellemēt : & à la façon de faire des hommes, prens-le & l'entens comme est conuenable à la Maiesté glorieuse de Dieu. Et quād Dieu s'abbaisse pour s'approcher de nous, & se faire mieux entendre, n'abbaissons pas sa Maiesté, pour l'approcher & faire semblable à nostre nature pleine d'infirmité.

Nous ne reprochons point d'impuissance à Dieu, ny ne luy faisons parade de nos infirmitéz. Nous croyōs que Dieu est tout-puissant, & qu'il n'y a en nous que peché. Quelle parade faisons-nous de nous, qui recognoissons n'auoir que peché? Mais nous disōs, que sa sagesse surpasse nostre capacité, & que ce n'est pas à nous de luy demander, pourquoy son Israël de iadis est aujourd'huy reietté, veu que c'estoit son espouse, & qu'il l'a pouuoit bien conseruer : Et pourquoy il permet que la nation des Iuifs soit si opiniastre; veu que c'estoit son espouse, qu'il est d'eux selon la chair, qu'il est leur gloire, & premierement venu pour eux, & qu'il les doit vn iour rap-

peller en l'alliance. Il nous doit suffire qu'ils ont merit  cela, que Dieu ne doit rien   personne : & que l , comme en vn tableau, nous voyons, que nul n'est sau  que de grace. Ro. 11. 33.

Nostre aduersaire veut retourner   son propos, c me s'il en estoit sorti, & si ne chante qu'une mesme chanson,   s avoir de l'Eglise. Il dem de *si l'Eglise si long temps ensevelie, ne fait que d'estre ressuscitee par ceste voye extraordinaire, que Dieu a choisi entre nous.* Nous respondons, qu'il y a eu tousiours Eglise. Nous ne l'auons pas ressuscitee, Mais le peu- Esai. 9. 1.  
ple qui gisoit en tenebres & en l'ombre de mort, a veu la lumiere. Seulement nous disons, que Dieu l'a nettoyye de beaucoup de corruptions, o  elle s'estoit, souillee. Il dit, *que nous y auons proced  par voye extraordinaire.* Nous auons mon tr  que non. C'est donc Page 118.  
en vain qu'il dispute que nous faisons Dieu auteur de nostre reuolte; veu que nous ne nous sommes pas reuoltez de l'Eglise, ains l'auons reformee, & n'auons rien fait contre Dieu; mais selon que Dieu a command  en sa parole. Il n'y a rien de nostre faict semblable au meurtre de Ca n, mais bien en vostre faict: ny ri  de semblable au faict de Moys , quand il tua l'Egyptien. Car il nous con ste du commandement de Dieu fait aux Rois, aux Princes, & aux Magistrats, de pa stre l'Eglise & de la con seruer. Ce qui se fait par la reformation principalement, & les anciens Rois l'ont fait. Mais il ne con stait pas ainsi

pas cela; nous auons monstté du contraire, & que nostre besongne (qu'il appelle) est faite selon la parole de Dieu. Il dit aussi, que souz ombre que nous auons esbrälé tout le monde, & remply tout de confusions, nous disons que nostre reformation est approuuee. Ses mots sonnent cela. Que veut-il dire qu'auoir reduict tant de monde, de peuples & nations à Dieu, soit esbranler tout le monde? soit: Ce sont voix, cris, esclairs, tonnerres, & tremble-  
 miens de terre, voire remueiment; comme si vn Apoc. 16,  
17. 18.

Royaume sautoit d'un lieu en un autre: Comme si la Iudee iadis sainte, & la montagne de Sion eut sauté en France, & ailleurs. Il auoit esté predict par les Prophetes. Le monde s'en estonne: Ierusalem & Herodes s'estonnerent à la naissance de nostre Seigneur, & se troublerent. Mais pourquoy? Quel mal? L'Euangile presché en un Royaume y met le feu. Je suis venu mettre le feu en la terre, dit nostre Seigneur; il est desia allumé. Mais ce que le monde se trouble c'est sa malice: il ne veut pas que Dieu regne, il s'y oppose. Les confusions & troubles ne viennent pas de l'Euangile. En cela Dieu met en euidence nostre corruption & peruersité naturelle. Et la predication de l'Euangile est tousiours agreable à Dieu; encore que les grands du monde y contredisent, comme du temps des Apostres.

Je respon donc à sa nouuelle obiection, Page 119.  
 qu'il apparoit de la volonté de Dieu, en ce que nous auons fait de reformation (qu'il ap-

pele nos deportemens) parce qu'en tout cela nous-nous sommes comportez selon la parole de Dieu. Mais apres il dit, *Je vous demande, & pour Dieu respondez-moy, si quelqu'un se souleuoit parmy vous qui changeast vostre ordre, & contredist à vostre doctrine, luy demanderiez-vous point son pouuoir ? Et sans entrer plus auant en cognoissance, opposeriez-vous point vostre authorité recene à son outrecuidance nouuelle ?* Je respon, qu'en tout cas ce n'est pas de mesme. Nostre ordre est bon, nostre doctrine est bõne ; nous le sçauons : & de vous, il n'est pas ainsi, vous errez & horriblement ; nous vous le faisons voir. Il faut changer cela selon la parole de Dieu, mais vous ne voulez pas. Dauantage, à vn tel que dit de Sponde, nous ne demanderions point son pouuoir : mais nous luy remonstrerions tout doucement sa faute, comme bien assurez : ce que vous ne sçauriez, ny ne pourriez faire, car vous errez. De vous ce n'est que fureur, quand on vous remonstre vostre erreur. Nous le reduirions si nous pouuions. Nous l'entendrions avec patience, le traicterions en frere, ne mettrions pas en auant nostre authorité, mais la parole de Dieu ; & s'il le falloit condamner, ce seroit par icelle : S'il nous alleguoit la vocation extraordinaire, nous luy ferions voir qu'il ne seroit pas sage, & qu'il n'y a aucune vocation ny ordinaire ny extraordinaire contre la parole de Dieu. Que nous ayons voulu que vostre ordre fust chagé, c'estoit la raison ; il n'est

pas bon, ny ce que vous faites, n'est selō Dieu & sa parole : cela est idolatrie, honte & scandale; nous le faisons paroïr.

De Sponde dit, *que nous ſçauons bien garder noſtre droit, mais non celui de l'autrui.* Quoy? ſi nous auons voulu que l'Egliſe Romaine fuſt reformee, rauiſſons-nous au Pape ſon droit? A qui faiſons-nous tort? Si nous deboutions le Pape, pour en faire vn autre, peut eſtre auroit-il quelque raiſon. Mais nous ne voulons ny de luy, ny de ſa mitre, ny de ſon eſtat pour nous.

Mais dit-il apres, *Si vous entriez en conſerence des Eſcritures avec vn tel, ſ'il entendoit vn paſſage tout diuerſement de vous, & qu'il ne ſe peuſt conuaincre par vn autre paſſage manifeſte; de quel bouclier voudriez-vous defendre voſtre interpretation, que de l'usage qui eſt receu en voſtre Egliſe?* Mais, mon amy, que feroit-ce, ſi le ciel tomboit? c'eſt tout de meſmes. Il met en auant ce qui n'eſt non plus à craindre; l'Eſcriture ſaincte eſt ample & ſpacieuſe, il y a que reſpondre à tout: & ſ'il y a vn paſſage obſcur, il en y a cent pour l'eſclarcir. Nous garentiſſons nos interpretations par l'Eſcriture ſaincte, & par le ſymbole des Apoſtres. C'eſt noſtre uſage, & ne nous gouuernons pas en cela à la mode & uſage de l'Egliſe Romaine, qui ſe rapporte de tout, du tout au Pape.

Il confeſſe maintenant, *que les maximes de l'Eſcriture ſaincte ſont certaines; mais que les reſolutions des difficultez qui ſortent de ſon ambigui-*

*ré, ne sont pas si certaines par la mesme Escriture.*  
 Cest homme est miserable. Il dit que l'Escriture sainte est croyable, ses maximes certaines; & cependant qu'elle est ambiguë. S'il dit bien de l'Escriture sainte, au mesme instant il en mesdit: Que scauroit-il dire de pire? la parole de Dieu est-elle ambiguë? Dieu est-il ambigu? Dieu va-il par ambages? La parole de Dieu est claire; c'est la claire lumiere, la pure clarté, la belle chandelle, dit saint Pierre 2. Epist. 1. Tout y est, rien à redire. Si nous n'y entendons, l'obscurité est en nos entendemens, & non en la parole de Dieu. Elle s'interprète clairement. Mais où est son esprit? N'est-il pas frappé d'aveuglement? Car si l'Escriture sainte est croyable, & ses maximes; les maximes les plus certaines, les resolutions qui se feront par l'Escriture sainte de quelque lieu difficile d'icelle, ne seront-elles pas aussi certaines? Vn passage dit saint Augustin, explique l'autre, comme nous auons dit cy dessus.

Si ainsi est, dit-il apres, *pourquoy est-ce que tout le monde s'y trompe?* Le respon, que tout le monde ne s'y trompe point. Nous scauons bien, que nous ne nous y trompons pas, & en rendons graces à Dieu. Mais pourquoy est-ce que tous ne voyent le soleil, de mesme, & à mesure, les vns que les autres? Ceux-là voyent, & ne se trompent point, à qui Dieu a donné des yeux pour voir, oreilles pour ouïr, & cœur pour comprendre. Dieu a donné aux



vns de voir les secrets du Royaume des cieux, Matth. 13.  
 aux autres non. Dieu cache aux vns, & reuele Matth. 13.  
 aux autres. L'esprit souffle où il veut. Au re- Ican 3.  
 ste, nous ne faisons pas grand estat, de ceux  
 qui n'ont recours qu'à leur ceruelle, & veu-  
 lent remuer quelque mesnage entre nous.  
 On les tient pour des insensez; s'ils amènent  
 quelques raisons, on leur satisfaiët.

Il demande derechef, *A quoy il pourra co-  
 gnoistre qu'en nostre reformation, nous sommes  
 poussez de Dieu?* Il est importun; il veut venir  
 aux miracles, comme il se verra bien tost.  
 Nous auons respondu, que nostre œuvre est  
 selon Dieu, puis que nous n'auons rien fait  
 que selon la parole de Dieu, & que là il le  
 pourra cognoistre, ie dy s'il veut croire l'Es-  
 criture sainte. Tous ceux qui font la refor-  
 mation de l'Eglise, selon que porte la parole  
 de Dieu, sont poussez de Dieu: or nous a-  
 uons entre nous fait la reformation de l'Egli-  
 se selon la parole de Dieu, en cela donc nous  
 auons esté poussez de Dieu. Il veut sçauoir, si  
 ceux qui ont fait ceste reformation, auoyent  
 ceste charge. Nous auons monstré qu'ouy.  
 Mais quoy? *il a peur que Dieu les desaduonë.*  
 Qu'il ne craigne pas cela, nous l'en garenti-  
 rons: nous qui auons fait cela, n'en auons  
 pas de peur, & sommes bien asseurez de no-  
 stre pouuoir, & de n'auoir rien fait contre  
 Dieu. Les Rois, Princes, Estats, Clergé, & au-  
 tres qui ont fait cela, l'ont deu faire. Quel  
 mal ont-ils fait de repurger la maison de

Dieu de l'idolatrie, de chasser l'heresie, l'ignorance, les tenebres, & faire voir la lumiere en l'ombre de mort? Ils deuoyent appeler le Pape, dira-il : Je respon, qu'ils l'ont bien appelé, mais qu'il tardoit trop à venir. L'Empereur, & les Rois, ne se sont-ils pas assemblez en concile sans le Pape, & contre le Pape mesme? Il dit, *qu'il ne se doit rien manier en l'Eglise, que par ceux qui y ont charge.* Si nous ne sommes en different que de cela, nous serons tost d'accord. Les Rois, & autres Magistrats y ont charge, & de faire cheminer droict les Pasteurs mesmes, s'ils s'oublient : & les Emperours Chrestiens ont fait cela aux Papes, iusques à ce qu'ils ont esté si forts, qu'on ne les a plus peu ployer. Mais quoy? quand c'estoit le Clergé qu'il falloit reformer, & qu'il n'a pas voulu venir, ains s'est opposé à la reformation, n'en falloit-il pas faire pourtant? C'est ce que veut dire de Sponde; Il merite quelque bon benefice, & si en a besoing.

Au surplus, que voudroit-il? que nous remissions les choses comme elles estoient il y a 100. ans, & que le Pape nous feroit vne bonne reformatiō? Ils disent, que le Pape ne peut errer; quelle reformation donc attendrions-nous de luy, que la poison, le feu, le glaive, & la mort? On a bien veu cela: Et pourtant, les Seigneurs, à qui principalement ceste œuvre appartient, l'ont fait, comme les Rois en Iuda. Et là où les Rois ont refusé, ils ont peu estre requis & suppliez, & interpelliez de ce faire.

par les Magistrats subalternes, & le peuple: & là où cela n'a seruy de rien, les fideles ont deu & peu se separer, des idolatries & blasphemies de la Papauté, à l'exemple des autres Eglises reformees, & auoir leurs assemblees separees. Les Apostres, & l'Eglise de leur temps, & long temps apres, en ont fait ainsi; & mesmes sans que les Chrestiens en ayent demandé congé aux Sacrificateurs, ny aux Empereurs Payens & persecuteurs, & n'ont pas attendu leur reformation. Mais quelle charge a le Pape en l'Eglise, pour attendre sa reformation? Dieu n'a point ordonné de Pape, ainçois l'a defendu, comme a esté dit cy deuant. S. Paul dit Ephes. 4. quelles charges Dieu a establies en son Eglise pour l'instituer & ne parle pas de Pape. Et où a Dieu dit, qu'il donneroit à son Eglise vn siege Romain pour fondement? Si l'Eglise deuoit dependre de ce siege, & en prendre toute sa doctrine & gouuernement, Dieu l'auroit dit. Mais pourquoy nous auroit-il donné sa parole en l'Eseriture sainte, si nous deuions cercher & doctrine, & Docteurs au Pape, & en ce que luy & son Clergé (qui ne parle que par l'Esprit de cest Euesque de Rome, & selon qu'il veut) nous diront, quoy qu'il soit contre la parole de Dieu? Il n'a pas donc de charge legitime en l'Eglise, qui porte que ce soit à luy d'y faire la reformation, ains on la peut faire sans luy.

Quelqu'un dira, qu'en ce Royaume nos Eglises n'ont eu aucune autorité de faire ce

que nous faisons, c'est d'auoir nos assemblees à part. Je dy que si : Car nostre confession de foy a esté presentee au Roy, & à son conseil, & plusieurs fois, avec requestes, supplications & remonstrances. Nostre doctrine a esté ouïe & preschee deuant Rois, Princes, & plus proches du sang, qui ont présenté la cōfession de foy, laquelle n'a peu estre contredite. Et par le Roy, son Conseil, ses Princes, Seigneurs, Parlemens, & Estats, le libre exercice de nostre Religion nous a esté accordé en tout le Royaume par Edict public. Que si depuis par violence il a esté rompu, perdrons-nous nostre droict? Mais encore nous a-il esté rendu, & iuré irreuocable plusieurs fois. C'est assez pour faire apparoir, qu'en nostre reformation, nous n'auons rien fait par voye ou vocation extraordinaire.

De Sponde adiousté apres, *que puis qu'il y va de nostre salut, duquel Dieu a acoustumé d'estre si ialoux, que c'est merueille qu'il se soit (dit-il) contenté de vous en reueler, comme vous pretendez interieurement sa volonté, & qu'il ait voulu qu'elle nous fust cachée en un temps qu'elle nous estoit si necessaire, pour respondre à ceux qui la voudroyent debattre. Je respon, que Dieu est ialoux de sa gloire, & aussi du salut de ses enfans, entant qu'il est conioinct à sa gloire; mais qu'estre enfant de Dieu, n'est pas donné à tous. Dieu se reuele aux siens, ou tost ou tard : & encore se reuele à d'autres, & les rend conuaincus de sa verité, mais ils n'en font pas leur profit; il*

ne leur est pas donné. Ce qu'il trouue en cela merueilleux, l'est aussi à nous. Mais ce sont les merueilles de sa bonté enuers nous. Nous luy en rendons graces avec ioye d'esprit. Et ainsi est-il dit, que nostre Seigneur se resiouit Luc 10. 21. en esprit, disant; Je te rends graces, ô Pere, Seigneur du ciel & de la terre, que tu as caché ces choses aux sages & entendus, & les as reuelees aux petits. Il est ainsi, Pere; pourtant Math. 11. 25. que tel a esté ton bon plaisir.

De Sponde se fasche-il de cela? il a eu luy-mesme ceste cognoissance, ou en a fait semblant. Mais, vous Iesuites, demandez-vous pourquoy Dieu s'est plustost reuelé à nous, qu'à vous? Helas! vous n'avez pas voulu ouïr, vous avez estoupé vos oreilles. De Sponde a ouuert les yeux, & puis les a fermez. Vous ne haïssez rien tant que la cognoissance de la verité. On vous parle des choses saintes; vous ruez sur nous, & nous voulez mordre comme chiens. On vous porte les paroles de vie, & vous, encore plus vous veautre en vostre ordure, & vous reuierez contre nous, pour nous deschirer. A qui tient-il donc qu'à vous, que vous ne cognoissiez cōme nous? Au par-sus, si vous voulez entrer au conseil de Dieu, nous ne pouuons vous dire, que ce que dit nostre Seigneur Matth. 11. Il a ainsi pleu à Dieu; c'est assez pour nous arrester. Mais demandez pourquoy Dieua plustost manifesté par les Anges aux pasteurs, qu'aux Sacrificateurs, la naissance de nostre Seigneur?

pourquoy aux sages d'Oriēt, plustost qu'aux Scribes & Pharisiens ; plustost à Simeon, qu'aux Sacrificateurs ? mais pourquoy plustost à Nicodeme qu'à Caiphe ? pourquoy a-il laissē les Iuifs, & a plustost reuelé son Christ aux Gētils, qui estoient sans cōparaïson plus pecheurs que les Iuifs ? Pourquoy se reuele-il auïourd'huy à des natiōs grossieres & simples, plustost qu'aux plus sages & prudens du monde ? pourquoy est-ce qu'en la Chine où il y a nōbre de Royaumes, & vn peuple si sage, si bien policé, si prudent, & circonspect : & au demeurāt où rien de beau & de riche ne manque en quelque chose que ce soit, & mesmes en la iustice : on n'a encore la cognoissance de Dieu comme nous ? Vouloir sçauoir cela, ce seroit entrer au conseil de Dieu : si tel est le plaisir de Dieu, quel mal ? le diable disputerait cōtre Dieu, de ce que luy & ses anges n'ont esté affermis de Dieu comme les Anges bienheureux, pour demeurer en leur premiere origine ? Dieu fait selon son bon & saint plaisir, de luy, par luy, & pour luy sont toutes choses, dit l'Apostre. A luy honneur & gloire à iamais ; Dieu ne doit rien à personne. Il a mis les Iuifs en aueuglement, & a ouuert les yeux aux Gentils. Il n'a point fait de tort à ceux-là, non plus qu'aux anges qui sont cheuz du ciel ; ils le meritoient : & Dieu a fait grace à ceux qui ne sont pas cheuz, & a fait misericorde aux Gentils.

Ro. 11. 36.

De Sponde nous baille vn petit brocard en

passant, quand il dit ; *que nous pretendons que Dieu nous a declaré sa volonté interieurement, pour dire que nous auons eu quelque vocation particuliere en nostre reformation.* Je respon, que Dieu nous a declaré & fait cognoistre sa volonté, & à l'œil, & à l'oreille, & au cœur, & à l'esprit: & ne cognoissons pas mieux que nous sommes creatures humaines, que nous cognoissons la volonté de Dieu en cela. Car Dieu la nous declare en sa parole, pour tout ce qui est de nostre salut. Dieu no<sup>r</sup> fait croire en nos esprits, & nos ames toutes ioyeuses s'en assurent, & en respōdons à ceux qui le veulent debatre cōme de Sponde. Il a ainsi pleu à Dieu, & au contraire, que de Sponde fut ennemy.

Il se plainct apres, disant ; *Il faut que nous vous croyons, sans autre tesmoignage. Car de miracle vous-vous moquez si l'on vous en demande.* Je respon, qu'aussi ne nous faut-il autre tesmoignage, que ce que nous auons dit, pour preuue que nous auons deu faire: & auōs fait bien & par moyens legitimes, ce que nous auons fait en nostre reformation. Dauātage, le faiēt en soy preuue, que nous auons bien fait, veu le bien qui en est sorty: & que cela est vne ferme & irreprochable preuue, que nostre vocation est legitime. Car comme nous auons esté legitimelement appelez, ainsi qu'a esté dit; aussi constē-il qu'en nos Eglises reformees nos ministres seruent vrayement à Dieu, tesmoins tant de peuples reduits à Dieu. & à son Christ, & tesmoia qu'on vit, qu'on naist,



qu'on meurt à Dieu en nos Eglises, les pecheurs sont amenez à repentance, les peuples à l'obeissance de Dieu, vn seul Dieu y est inuqué, l'ignorance ostee, l'heresie conuaincue, la lanipe de salut allumee, les peuples assurez de leur salut au benefice de la mort de nostre Seigneur. Chacun en rend graces à Dieu, & meurt ioyeux, voyant la porte du ciel luy estre ouuerte; ce sont tésmoignages que nous seruõs à Dieu. Vous les cognoistrez, dit nostre Seigneur (parlant des vrais pasteurs) à leurs fructs. Cueille-on des grappes des chardons, & des figues des buissons? Quele fruiet donc de nostre ministere, avec ce que nous auons dit cy dessus, soit tesmoignage que nostre vocation est bonne, & nostre reformation selon Dieu.

Page 121.

Il voudroit que nous fissions des miracles, & dit; *que quand on nous en demande, que nous nous en moquons.* Nous ne nous moquons pas des miracles, que les Prophetes, nostre Seigneur, & les Apostres ont fait. Mais nous disons, que vous n'avez pas droict de nous en demander. Car pourquoy ne regardez-vous, si ce que nous disõs est en l'Escripture sainte, ou non? s'il y est, croyez; c'est la parole de Dieu. En doutez-vous? Elle est aueree & iustifiée telle, par les miracles des Prophetes, de nostre Seigneur, & des Apostres. Et veu que nous n'auõs, & ne preschons que l'Escripture sainte pour doctrine, & qu'elle est si bien prouuee par tant de miracles estre la pa-

role de Dieu, comment voulez-vous que nous en facions encore ? Ne seroit-ce pas se iouer & moquer de la puissance de Dieu, vouloir prouuer encore par miracles, que la parole de Dieu est parole de Dieu ? Non, dira-il, mais si vostre doctrine est de Dieu, faites-le nous voir par miracles. Le respon, que vous le pouuez voir sans employer la puissance de Dieu, & remuer le ciel & la terre par miracles. Regardez (comme a esté dit) si nous parlons par l'Escripture sainte, ou non : si ce que nous disons est en la parole de Dieu, pourquoy ne croirez-vous que nostre doctrine est selon Dieu ? Au reste, pourquoy demandez-vous des miracles ? Car quand nous en ferions, nous croirions & volustost diriez-vous que nous serions des sorciers : & que le diable feroit cela par nous, ou nous par luy, & nous courriez sus ; aussi bien que vous faites, & plus furieusement. Quoy ? pensez-vous que les miracles facent croire ? C'est Dieu ; Dieu donne de croire. Nostre Seigneur faisoit des miracles assez, & si on ne le croyoit pas. On disoit, qu'il faisoit cela par Beelzebub. Que seruoient donc les miracles ? C'est de confermer aux fideles la verité des promesses de Dieu, & que nostre Seigneur estoit le Christ. Les incrédules estoient bien esténez de cela, mais pourtant tousiours obstinez : & les fideles, & ceux qui deuoyent croire, cōfermez & amenez à la foy. Et à cela lors les miracles ont esté nécessaires, pour croire que Dieu parloit

par les Prophetes, par nostre Seigneur, & par les Apôstres. Nous croyons que Dieu a parlé par eux, nous auons leur doctrine en l'Escripture sainte. Nous croyons donc que c'est la parole de Dieu, sans qu'il soit plus de besoin de faire miracles. Quelle autre preuue nous en faut-il, & quel besoing ?

*C'est, dit-il, que les miracles sont les preuues des actions extraordinaires de Dieu. l'ay respondu, qu'il n'y a rien d'extraordinaire en nostre fait. C'est qu'il ne s'y est rien fait contre la voye ordinaire de Dieu, & de sa parole, & du droict par tout receu & approuué. l'ay monstté cela cy dessus. Mais, dit-il, C'est sur tout que les miracles sont necessaires, quand il est question de renuerser la doctrine qu'on croyoit auoir esté establie par tant de miracles de Iesu Christ, de ses Apôstres, & d'une infinité de ses successeurs. Je respon, que si vous croyez que vostre doctrine ait esté establie par les miracles de Iesus Christ & des Apôstres, que vous-vous abusez. Vostre croyance est faulse. Mōstrerez-vous que ce que vous croyez du Purgatoire, de la Messe, de l'inuocation des Saints, des images, & de les adorer, soit en l'Escripture sainte ; pour laquelle autoriser nostre Seigneur & les Apôstres ont fait tant de miracles ? vous ne pouuez. Puis donc que tout cela, & le reste de vostre religion (ie dy ce que nous ne reprouuons par la parole de Dieu) ne se trouue en l'Escripture sainte, ce n'est pas parole de Dieu : & pourtāt cela n'est*

pas autorisé par les miracles des Prophètes, ny de nostre Seigneur ny des Apostres. Et aussi le prouuez-vous par d'autres miracles que ceux de l'Escripture sainte, à sçauoir par faux miracles, visions, & apparitions. Ce sont les preuues que vous auez de vostre Purgatoire, & des images, inuocatiō des Saints, & de vostre Messe. Vostre doctrine, que nous reprouuons, n'est pas en l'Escripture sainte; au contraire elle y est defendue, comme nous le faisons paroître. Et si vous eussiez esté iadis en Israël annōcans telle doctrine, nonobstant vos miracles, vous estiez condānez à la mort par le 13. du Deuteronomie.

*Toute l'histoire (cōme il dit) du vieil & nouveau Testament, est pleine de miracles, pour autoriser les mysteres de nostre redēption.* Ouy : mais non pas pour autoriser ce qui est contraire au mystere de nostre redemptiō, comme vos superstitions, que Dieu n'a iamais commandees : & ces miracles, n'ont iamais esté donnez, pour autoriser vostre fausse croyance. Et voicy comme nous argumentons. Tous les miracles du vieil & nouveau Testament, n'ont esté faits que pour autoriser la doctrine qui est au vieil & nouveau Testament. Or vostre doctrine de la Papauté, du Purgatoire, de l'inuocation des Saints, du sacrifice de la Messe, & du reste contraire à l'Escripture sainte, n'est pas du vieil & nouveau Testament. Les miracles donc de l'anciē & nouveau Testament, n'autorisent pas vostre doctrine.

Il dit apres, *Iusques à ce dernier temps nous auions occasion de croire, que nous ne nous estions point esgarez de l'Eglise, en laquelle ces preuues nous auoyent esté donnees, ausquelles nous auons ancré nostre foy.* Nous ne disons pas, qu'ils soyent sortis ou esgarez de l'Eglise, mais bien qu'ils se sont esgarez en l'Eglise: Car ils y idolatrent, offensent Dieu, & le seruent autrement qu'il n'a ordonné. Qui plus est, ces miracles ne leur ont pas esté donnez, pour preuue de leurs superstitions & abus. Car Dieu qui a fait les miracles par ses seruiteurs, n'a pas commandé leurs idolatries. Comment donc auroit-il fait les miracles, & les auroit donnez pour preuue de cela? Mais faut-il ancrer sa foy, ou aux miracles, ou en la parole de Dieu? Les miracles estoient pour authentifier la parole de Dieu, & non pour faire croire quelque chose contre icelle. Si quelqu'un en Israël, cōme a esté dit, eust apporté doctrine contraire à la parole de Dieu, il estoit condamné à la mort; voire quand encore il eust fait miracles, pour preuue de sa doctrine. Car c'est à la parole de Dieu escrete qu'il faut croire, & non aux miracles.

Il veut encore, *que pour luy faire croire vne autre doctrine que la leur, si ancienne (dit-il) que nous facions quelques miracles pour preuue; ven mesme que S. Paul fait grand estat des miracles qu'il a faits en sa vocation, combien qu'il ne preschast point autre doctrine que les autres Apostres.* Je respon, que pour leur faire croire vne autre

doctrine que la leur, & qui soit selon Dieu, qu'il faut venir à l'Escripture sainte, & nō aux miracles: qu'ils trouueront que nostre doctrine a fondemēt en l'Escripture sainte, & non la leur; & que l'Escripture sainte (regle infallible de verité) en est la preuue manifeste, & la seule preuue. Il dit, *que nous le deuōs faire à l'exemple de S. Paul.* Le respon, q̄ nous ne sommes pas Apostres. Mais pour prouuer, dit-il, vostre vocation, cōme luy pour prouuer la siēne. Nous auons donné les preuues de nostre vocation, bonnes & receuables deuāt toutes personnes de bon iugement, sans qu'il soit besoin de miracles pour cela. Mais n'est-il pas bon, qu'il nous amene que S. Paul a bien fait miracles pour preuue de sa doctrine & vocation, encore qu'il ne preschast pas autre doctrine que les autres Apostres. Tous les Apostres en ont fait, il falloit q̄ S. Paul en fist aussi, pour preuue de sa doctrine où il estoit, cōme les autres où ils estoient, estans distans les vns des autres en diuers Royaumes & natiōs. Il veut dire, que puis que saint Paul l'a fait ainsi, que nous le deuons faire semblablement; encore que nous ne preschions que comme S. Paul & les autres Apostres. Mais Iesus Christ n'estoit pas encore auéré, ny receu pour Christ par tout. Dieu par les Apostres faisoit miracles çà & là, & par saint Paul, en diuers endroits du monde, où on ne sçauoit pas ce que faisoient & preschoient les autres Apostres, ne volontiers qu'il y en eust. Ne falloit-

il pas donc que là où saint Paul estoit, sa doctrine fust aussi confirmée par miracles comme des autres Apostres ? Nous ne nions pas, que saint Paul n'ait fait estat des miracles, pour la fin qui a esté dite. Mais si est-cé qu'il n'en a pas tousiours fait, & où mesmement il a veu q̄ sa doctrine estoit receüe pour doctrine de Dieu. Là il n'estoit pas besoin de miracles pour y cōfermer les fideles; ils croyoyēt que sa doctrine estoit de Dieu. Il n'a pas guery Epaphras par miracle, ny Timothee. A cestuy-cy il a conseillé d'vser des remedes naturels : & pour l'autre, il a vſé de la seule priete, attendant la volonté de Dieu.

Nostre aduersaire nous demande des miracles, & a peur que nous luy en fournissions deux. Il les met en auant & dit, *que ce ne sont pas miracles : le premier, d'auoir tantost conuerti presque toute l'Europe à nostre Religion; l'autre, que nous ayons peu tant subsister contre tant de malheurs.* Il voit bien en cela quelque chose de merueilleux : *Mais, dit-il, nous ne devons pas prendre cela pour miracle.* Nous respondons que si on regarde bien au temps, aux difficultez & resistance qu'on nous a fait, & par qui ceste resistance a esté faite, & que nostre doctrine est selon la parole de Dieu; il faudra croire que cela que nous auons fait, & ce que nous subsistōs, est œuvre de la main de Dieu, qui a ainsi maintenu sa verité, laquelle nous preschons. Tant de peuples reduits, tant de superstitions abolies, & contre tant d'efforts:



voir l'Euangile victorieux, ceux qui sont morts viure, & resusciter en leur doctrine, le siege de la beste de iour en iour s'obscurcir, & estre fait tenebreux, par de petis moyens & ridicules en apparence, cela n'est pas œuvre de Dieu? Mais si vous ne voulez en cela rien recognoistre des merueilles de Dieu, nous cependant y recognoissons la main de Dieu, & voyons qu'il a exaucé nos prieres. Il nous allegue icy les Arriens, les Manicheens, les Donatistes, & plusieurs autres; & dit qu'ils en ont fait autant, & plus sans comparaison. Cela est faux: tous ensemble n'ont iamais gagné tant de Royaumes, ny vn seul entier. Au reste, leur doctrine estoit contre l'Escripture sainte, la nostre non. Et puis, ont-ils esté persecutez comme nous? mais les fideles les persecutoyent-ils? Au contraire, ces infideles persecutoyent les fideles, comme vous nous persecutez. Je dy, vous, qui les auez en cela pour parens. Quelles sont les cruauitez dōt vous auez vsé contre nous? Voulez-vous que nous en facions des liures? Mais cela est fait, vous n'auiez eu esgard ny à sexe, ny à aage. Vous auez prins vostre plaisir à faire auorter les femmes enceintes par vos cruauitez: vous auez assommé les meres & les enfans dans les eaux: vous auez teinct les plus beaux fleuves du Royaume de nostre sang: vous auez obscurcy l'air de nos cendres, vous auez massacré les forts du Royaume, & occis: & voulu occire Rois; voire seulement

pour ne vouloir estre cruels comme vous. Nous subsistons encore parmi tous ces malheurs. Loué soit Dieu. C'est œuvre de sa bonté, & merueille, comme alors qu'Israël subsista en Egypte, ainsi que la paille dans le feu sans bruller.

Il dit, *que les Arriens mirent la Chrestienté tant à l'estroict, que toute la foy Chrestienne ne paroïssoit qu'en Athanase, Hilaire, Eusebe Euesque de Verselles & Libere Pape.* Cela est faux: Et quand ainsi seroit, où auroit lors esté l'Eglise, du moins elle eust esté ou inuisible, ou en quatre seules testes, contre ce qu'il a tant disputé cy dessus, & encore de ces quatre, ne s'en trouuera-il que trois? Car il faut rabattre Libere. Il ne le veut pas confesser: Si est-il vray, non pas simplement qu'il fut surprins, mais en fin fut Arrien, & mourut tel; voire apres s'estre bien porté en son exil. Et puis dites que l'Euesque de Rome ne peut errer.

Apres il dit, *que nous deuions faire miracles auant que prescher, ny faire nostre reformation.* Nous respondons, outre ce qui a esté dit, que c'est sans raison de demander des miracles: Que ceux qui en ont fait, n'ont pas commencé par les miracles, mais par la doctrine. Son exemple *des lettres & des seaux* est mal prins. Car la lettre du Roy precede les seaux, & les seaux y sont apposez apres. Aussi la doctrine precedoit les miracles, qui venoyent apres, pour sceller & confermer la doctrine. Nous n'en sommes plus là: Car nous croyons que

L'Eſcriture ſaincte eſt la parole de Dieu.

*Il voudroit que nous reſſuſcitaffions des morts, gueriffions des maladies deſeſpérées, & que nous fiſſions autres miracles par leſquels Dieu (dit-il) a volontiers accouſtume, (dans les pouuoirs qu'il donne ſur les corps) faire voir ceux qu'il donne ſur les ames.* De Sponde ne chante ny ne ſonne que pour le Pape, Nous ne pretendons pas de pouuoir ſur les ames, nous diſons qu'un ſeul Dieu y domine par ſa parole. Mais ſi nous demandions à l'Eueſque de Rome (qui pretend ceſte domination ſur les corps & ſur les ames) qu'il nous reſſuſcite quelque mort pour preuue de ſon pouuoir, & qu'il eſt heritier de ſainct Pierre, & a autant de pouuoir (ou bien qu'il nous monſtre le teſtament de S. Pierre, mieux garenti que ce qui eſt de l'Epiſtre ſuppoſee à ſainct Clement) que diriez-vous à cela? Car ſi vous voulez que nous qui ne pretendons aucun pouuoir, ny ſur les corps ny ſur les ames, ny ſur les biens, eſtats, thrones, & Royaumes, facions preuue de noſtre pouuoir en reſſuſcitant les morts: Pourquoy le Pape n'en fera-il autant pour prouuer ſon pouuoir tel qu'il pretend, ſoit au ciel ſoit en la terre, ſoit aux enfers: Car il ne ſçauroit prouuer par l'Eſcriture ſaincte, que Dieu luy ait donné ceſte autorité & puisſance?

De Sponde dit, *que nous ſommes venus par execrations contre le Pape.* Je reſpon, que c'eſt pluſtoſt par remonſtrances, prieres & ſup-

plications : & que nos petis commencemens ont esté les fers aux pieds , les chaines au corps, & au fonds des prisons , deuant les Inquisiteurs, ou autres autant cruels, & dans les flammes & aux supplices. *Il nous prie de l'excuser s'il dit la verité.* Il deuroit plustost s'excuser de ce qu'il ment, quand il dit; *que nous auons seduiet le mōde, comme fit le serpent.* Le serpēt parloit comme le Pape, contre la parole de Dieu, & nous par la parole de Dieu. Le serpent promettoit de deifier nos premiers parens, cōme le Pape de canoniser. Ce serpent, ou le diable qui parloit par luy, sçauoit tout le conseil de Dieu à l'ouïr parler, & parloit d'assurance, & trompoit, comme le Pape : Le serpent faisoit offenser Dieu , & persuadoit contre la verité, comme fait le Pape. Faisons-nous cela? Nous parlōs par la parole de Dieu: si nous seduisōs, c'est dōc Dieu qui seduit. Le diable promettoit de faire nos premiers parens sçauans , & les fit ignorans. Qu'y a-il, soit au ciel (au conseil de Dieu mesmes ) soit ailleurs, dont vous ne parliez, que vous ne sachiez ? A vous ouïr parler, que faut-il faire que vous ne vous vantiez de l'auoir en vostre parole non escrite: & cepēdant quelle est vostre doctrine, & qu'enseigniez-vous qu'abuz ? Qu'est vostre Eglise, où vous enseignez, qu'une eschole d'ignorance ? Nous trouuez-vous en cela coupables ? Graces à Dieu nos enfans à 7. ans rēdent plus pertinente raison de leur foy, que vos Docteurs à 70. Mais nos enfans n'entendent pas

(dit ailleurs de Sponde) ce qu'ils disent. Je respon, qu'ils l'entendent pour leur aage. Et au reste, c'est la doctrine de nos Eglises; y a-il d'ignorance? Mais les Docteurs de l'Eglise Romaine, ne trouuent rien de bon pour se faire valoir, que ce qu'ils ont appris de nos escholes. Aussi constituent-ils (comme Michas) toute leur richesse & felicité, à corrompre & desbaucher quelqu'un de nos Leuites, pour le faire escrire contre nous, comme de Sponde. Mais en sont-ils plus forts? non: Car en tout leur faict, ils ne descourrét que plus fort leur turpitude; comme fait ce nouueau venu, qui n'a rien escrit qu'à leur plus grande confusion.

Il fait sa conclusion, *ou que nous n'auons pas* Page 113.  
*de pouuoir pour prescher & reformer l'Eglise; ou que nous n'en faisons pas paroir. Que veut-il, des miracles? C'est par ce qu'il sçait bien que nous n'en faisons pas. Ce que Dieu a beny nostre ministere & nostre vocation, que nous montrons estre legitime, ne luy est rien, non plus que l'autorité & le pouuoir des Rois, Princes, Parlemens, & Estats des Royaumes qui sont aujourd'huy reformez, & les Edits faits pour cela. Mais si cest affaire se vuide par miracles, que nous & eux deuions faire: si nous l'auons perdu, eux aussi. S'ils viennent à l'antiquité, pour dire que nous les depossedons, nous sommes plus anciens qu'eux, & ce sont eux qui nous auoyent depossédez. Nous montrons nos titres bons & vallables,*

à ſçauoir la parole de Dieu toute pour nous. Que veut-il donc, des miracles ? C'eſt ce que diſoit ce Iacopin, qu'on appelle ſainct Dominique, quand il diſputoit cõtre les Albigeois: Eſcriuez-leur, diſoit-il, vos raiſons, & jettez-les dans le feu ; ſi le feu ne les bruſle pas, nous vous croitons. Mais nous auons meilleures preuues de noſtre croyance que cela, ny que tous les miracles que vous ſçauriez demander : car nous auons l'Eſcriture ſaincte, où Dieu parle: Et par là vous conſte (au moins ſi vous voulez voir) que noſtre doctrine & la reformation de nos Eglifeſ ſont ſelon Dieu.

Encore il retourne à noſtre vocatiõ, & dit; *Ce que vous preſchez la parole de Dieu, ce n'eſt pas aſſez, il faut auoir charge de la preſcher: autrement il ſeroit loiſible à chacun de monter en chaire.* Nous auons monſtré cy deſſus, que nos miniſtres ont bonne charge de preſcher la parole de Dieu. Leur vocation eſt legitime ſelon la parole de Dieu, ſelon les anciens Canons: & meſme ne repugne en rien aux ordonnances du Royaume, en l'election des Eueſques. Car nul n'eſt eſleu, ny appellé au miniſtere, que capable, de bonnes mœurs, & agreable tant à la Nobleſſe, Magiſtrats, & plus apparens de l'Eglife, qu'aux Paſteurs, Diacres & Anciens, qui tiennent lieu de Clergé entre nous, qu'à tout le peuple qui acceptent tous le Paſteur qui leur eſt preſenté, apres l'auoir ſuffiſamment ouy. Que ſ'il n'eſt agreable à toute l'Eglife, il ne luy eſt pas donné. Si quel-ques

ques vns cōtredisent, ils sont ouïs: & le Consistoire avec les plus apparés de l'Eglise, porte respect & estat au dire des contredisans, autant que de raison. Et n'est pas permis entre nous (cōme entre vous) à chacun de monter en chaire. *Nous entendons bien, que tous ceux qui entendent les loix, ne peuuent pas decider les difficultez des parties, s'ils ne sont Magistrats & n'ont l'autorité legitime de leur Souuerain.* Mais que veut-il dire pour cela? Que nous n'auōs point d'autorité legitime, puis que nous ne l'auons pas du Pape? Il le deuroit donc dire, mais il n'ose; la honte le retient quelque fois. Or ie respon, que nous ne tenons pas le Pape pour nostre Souuerain, que nous n'auōs que faire de ses licences, non plus que les anciens Euesques de ce Royaume: qui au 2. Concile de Reims, tenu l'an 992. escriuirēt au Pape Iean 16. en ces mots; *Cur inter ceteros Apostolatus vestrum preferre debeamus; sed sufficiat nobis Christianis, vna Christi sententia. Vnus est magister vester, vos autem omnes fratres estis:* c'est à dire, qu'y a-il, pourquoy nous deuions preferer vostre Apostolat entre tous les autres? mais à nous Chrestiens ceste seule sentence de Christ nous suffise; vn seul est vostre Maistre, & vous estes tous freres. Quelqu'un dira, que le Pape n'a pas approuué ce Synode & qu'il n'est pas avec les autres. Ie respon que non, parce qu'il est tout contraire au Pape: mais il me suffit que cela ait esté, & de mōstrer que les anciens Prelats de ce Royaume

Abbas Vespergen.



ont contredit au Pape, aussi bien que nous, & fait peu d'estat de son siege Romain. Pour preuue de cela, ie diray encore, qu'en ce Concile fut deposé Arnulphe Euesque de Reims, pour auoir fait factions contre Hugues Capet, pour les Carlouingiens (car il estoit de leur sang & Neveu de Charles Duc de Lorraine) sans l'authorité du Pape. Là estoit Arnulphe Euesque d'Orleans, qui dit tout haut, qu'il faisoit estat du Pape, comme d'une statue de marbre. En l'an 842. Charles le Chauue commença à regner: il voulut faire soir en vn Concile le Legat du Pape le premier; les Prelats debouterent ce Legat (nommé Ansegise) de cela. Le Pape Innocent 2. enuoya vn certain Pierre, pour estre Archeuesque de Bourges, le Roy Louys le Gros le renuoya. On ne prenoit iadis congé de l'Euesque de Rome pour prescher, si ce n'estoit en son diocese, qui n'est pas tout le monde; mais, comme dit le Concile de Nicee, estoit à Rome, & lieux adiacents. Pour n'auoir pas donc prins autorité de luy, nous ne nous sommes pas ingerez, ny nostre ministere n'est vain, ny les ames que nous amenons à Dieu moins sauuees. Quoy? ne seruira Dieu, ne preschera l'Euangile, ny ne reduira les pecheurs à Dieu, ny n'annoncera la grace de nostre Seigneur, le benefice de sa mort, la misericorde, & les bontez de Dieu, que celuy que le Pape voudra? Il osterà les clefs du royaume des cieux à ceux qui l'ouureront, & les donnera à ceux qui

Aymon li.  
3. c. 33.

Sigibert  
l'an 1130.

le ferment, & s'en fera le maistre? luy qui ouure l'enfer, & qui se vante, que quand il y meneroit les ames par bandes, que nul ne l'en doit reprendre? Que fait-il luy & son Clergé, que fermer le ciel, quand ils empeschent tant qu'ils peuuent, qu'on ne presche l'Euangile, & le salut par vn seul Iesus Christ? Que font-ils qu'ouurir l'enfer, quand ils enseignent le salut par leurs superstitions, ceremonies, & fausses deuotions, & autrement que par vn seul Iesus Christ? Où est-ce que Dieu a dit, que nul ne preschera sa parole, que par le congé de l'Euesque de Rome, & de ses Prelats? Où est la loy qui le dit? Où est le Concile qui l'a ordonné, si ce n'est vos derniers Conciles? Où est l'ancien Docteur qui en a parlé? Que voulez-vous donc?

De Sponde se chatoüille icy pour se faire rire, & se persuade que nous n'auons pas de quoy respondre à cela: que nous ne pouuons prescher la parole de Dieu, & que tout nostre ministere est nul, si nous n'auons l'approbatiō du Pape. *Il vous fâche*, dit-il, *& ie le sçay fort biē, quād on vous presse de ce costé.* N'a-il pas raison? ne sommes-nous pas bien empeschez? *Mais*, dit-il apres, *si se faut-il defendre: car ce n'est pas le tout de nous l'auoir ainsi persuadé, & s'estre si souplement ioué de nostre credulité. Il faut conuaincre les incredules, & cela ne se peut sans alleguer quelque raison.* Je respon, que nous ne parlons que par raisons, prinſes de la parole de Dieu, prinſes du droict diuin & humain.

Nous auons loix, nous auons conciles, nous auons vos anciens Canons; mesmes nous auons les anciens Docteurs. Tout cela n'a iamais donné l'autorité, souueraine de la monarchie, sur toute l'Eglise de Dieu, à l'Euesque de Rome; mais tout cela y contredit: La raison y est. Dieu veut que luy seul soit maitre en sa maison, que son Eglise soit conduite par sa parole, par ses pasteurs chacun en son Eglise, & non qu'un seul commande à tous, les face tous parler, & que tous ne parlent que par sa bouche. Cela n'est-il pas deu à un seul Dieu? Dieu y a prouueu aussi, & a donné sa parole pour la conduite de toutes les Eglises, qui sont toutes ceste Eglise vniuerselle, la maison où Dieu habite. En un mot, nous parlons par raison; & ceux sont sans raison, qui ne nous peuuent entendre: & comme il dit, sont bien incredules & gés malicieux, qui ne peuuent estre conuaincus comme luy, qui dit apres; *Prouuez-nous que Dieu vous ait choisis pour cest effect, au preindice de ceux qui l'estoyent deuant vous.* Je luy respon, que puis que nous sommes appelez legitiment, & que nous faisons l'œuvre de Dieu, que c'est assez prouué que Dieu nous a appelez à cest effect; à sçauoir pour prescher sa parole, annoncer l'Euangile, traicter la doctrine de repentance, la remission des pechez, amener les ames à Dieu, les asseurer de leur salut, leur en donner les gages, dispenser les mysteres de Dieu, fermer l'enfer, & ouurer les cieux. Nous le

faisons; nostre œuvre se voit. Nos Eglises toutes ioyeuses en chantent loüanges à Dieu, en chantent halleluja, c'est à dire, louëz l'Eternel. Ainsi s'en incitent les vnes les autres, bien assurees de la grace de Dieu, & de leur salut: vous ne voyez pas cela: De Sponde a esté parmi nous, & ne l'a pas veu. Qu'y ferions-nous? C'est vn nom, que nul ne cognoist que celuy à qui il est donné; c'est vne chose que nul ne voit que ceux qui l'ont. Quand Dieu vous fera misericorde, vous verrez cela, & lors vous receurez nos preuues. Mais en quoy sommes-nous au preiudice de ceux qui estoient deuant nous, si Dieu se sert de nostre ministere pour le salut de son Eglise? Quel interest, & quel preiudice y reçoit le Pape & son clergé? N'est-ce pas ce qu'ils doyent désirer? Nous les auons ostez de leur place, dira-il. C'est qu'ils ne faisoient pas bien; ils abusoient, on l'a veu, & tout à clair. Ceux qui ont deu & peu (à sçauoir les Rois, Princees, Potentats, & chacun chez soy) y ont pourueu. Mais si n'ont-ils pas osté ceux qui estoient dignes de la charge du ministere. Helas! ce n'est pas le tout, ne le pis qu'on leur a fait; c'est qu'on leur a osté les benefices, c'est le preiudice: c'est ce qui leur fait mal, mais nous n'auons pas fait cela en ce Royaume, aussi nous n'y pretendons pas.

Il proteste apres *qu'il ne se departira iamais* Page 124.  
*de ceste instance, que nous ne luy ayons satisfait;*  
 c'est à dire, monsté nostre pouuoir. Quel

pouuoir veut-il meilleur, que celuy qu'ont eu de Dieu les Rois, & les autres, de prouuoir chacun à son salut, & de sa posterité, & d'oster à la paillarde la puissance qu'ils luy auoyent donnee, de la despoüiller, de manger sa chair, & la brusler? Que veut-il? quelques lettres du ciel pour cela, qui monstrét que Dieu l'a dit, le leur a commandé, & mis au cœur de le faire, & que c'est sa volonté? En voila les lettres & la prophetie dictées à S. Jean Apoc. 17. en ces mots; Que les dix cornes sont dix Rois, qui donneront leur puissance à la beste, & qui apres haïront la paillarde, la rendront desolée & nue, mangeront sa chair & la brusleront au feu. Car, dit l'Ange de Dieu à S. Jean, Dieu a mis en leurs cœurs, qu'ils facent ce qui luy plaist, & qu'ils arrestent vn mesme propos, & qu'ils donnent le Royaume à la beste, jusques à ce que les paroles de Dieu soyent accomplies. Il conste par là, que les Rois n'ont que bien fait de despoüiller la paillarde, & qu'ils en ont eu bon pouuoir. Voudroit-il vn miracle sur cela? C'est aussi vn miracle que cela se soit fait; veu le pouuoir de la paillarde, & veu comme elle les auoit enforcellez, & qu'ils ont tous paillardé avec elle. Mais elle a eu le salaire de la paillarde; c'est qu'elle a esté haïe: Aussi les auoit-elle enforcelez, en les faisant boire en la coupe de ses abominations; & elle aussi s'est enyaree du sang des saints. Aurons-nous maintenant satisfait à de Sponde? Si cela est la porte pour entrer au palais de

verité, elle est ouuerte, nous sommes dedans; ie dy dans le palais de la verité de la parole de Dieu, qui est l'Escripture sainte.

De Sponde a crié fort & ferme, *que nous ne luy alleguions point les exemples des Prophetes entre les Juifs: & que ces exēples-là n'ont la force de raison, ny ne sont la mesme chose.* Pourquoi non, en vn semblable faict, & où il est question de la Religion? Nous viuons de vray par les loix; mais quoy? quand nous parlons par les loix, & par les exemples, & les appelons pour preuue en mesme cas. Mais pourquoi alleguez-vous donc ces exemples? Car ne dites-vous pas notāment, quand vous voulez nous exterminer, que nous sommes Chananeens? *Les exemples, dit-il, des Prophetes, ne seruent de rien aux pretendus Reformez.* Nous n'en voulons que ce qui est de raison. Mais tout vous seruira cōtre toute raison: Et par ce que vous estes en grand nombre, vous dites que vous auez tout pour vous, au moins le Pontife Romain. Suyuant cela, apres qu'il nous a interdit les exemples du vieil Testament, il s'en empare. Car, il dit, *que l'estat de l'Eglise Judaique consistoit en la sacrificature de Leni, en adoration faite en vn seul temple de Dieu, aux sacrifices, en l'observation de la loy de Moysé,* cela est vray. Or quand les Prophetes (dit-il apres) ont esté extraordinairement suscitez de Dieu entre le peuple, ont-ils iamais fait quelque schisme en l'Eglise? Ont-ils basti autel contre autel, ont-ils degradé les Sacrificateurs ordinaires? Se sont-ils fourrez en

*leur place ? Où se trouue iamais chose semblable en l'histoire sainte ?* Je respon, que chose semblable en tout & par tout, ne se trouue pas au vieil Testament. Aussi lors il n'y auoit pas de Pape, qui se vantaist d'auoir seul Dieu en sa manche, d'auoir le ciel à son commâdement, les enfers sous sa puissance, les Royaumes de la terre en sa dispositiō; comme l'Euesque de Rome se vante de tout cela. Dauantage, quelle occasion iuste de se separer, veu qu'il n'y auoit point d'idolatrie au temple, ny rien que Dieu n'eust ordonné ? Il n'est pas ainsi de vous; vous estes idolatres, nous le prouuons: nous ne pouuons adorer avec vous, sans idolatrer: Ferons-nous cela, veu que Dieu le defend ? Les Sacrificateurs n'ont pas esté dégradés, ils estoient meilleurs que les vostres: en leurs seruices ils n'auoyent rien que Dieu n'eust commandé; Dieu les auoit ordonnez, & tout leur estat aussi. Mais de l'estat de vostre Eglise, où trouuez-vous que Dieu l'ait ordonné ? On ne s'est pas fourré en la place des Sacrificateurs, ny ne leur a-on pas osté leurs chaires: Car la Sacrificature leur appartenoit, leurs chaires estoient pour eux. Mais les Prophetes n'ot-ils pas enseigné hors leurs chaires dans le temple, ou hors du temple, en leurs maisons & ailleurs, & eu leurs disciples à part ? Toutesfois tous assistoyent au temple; car (comme a esté dit) il n'y auoit point d'idolatrie. Au parsus, si fut le temple fermé, qui presuppose que pour l'idolatrie qu'A-



chasy auoit introduite par le Souuerain Sacrificateur mesme, que nul n'y vouloit plus adorer.

Après il dit, *que s'il falloit ensuyure ces exemples du vieil Testamēt, qu'encore il faudroit laisser le choix de ces Prophetes à la seule main de Dieu, qui les nous bailleuroit à son plaisir, sans conuertir nostre vocation extraordinaire en vne ordinaire succession.* Que veut-il dire? Dieu nous donne tous les Prophetes du vieil Testament, pour Prophetes & pour docteurs, y a-il là de choix? Mais volontiers veut-il dire, que si Caluin & Martin Luther ont esté Prophetes, que pour cela ne falloit pas rien changer en l'estat de l'Eglise: & qu'au contraire, nous conuertissons nostre vocation extraordinaire en vne succession ordinaire. Je respon, que Martin Luther & les autres, nous ont esté pour lumieres, en ce temps tenebreux; Leur doctrine estant selon la parole de Dieu, elle deuoit estre suyue. Et en nostre reformation, nous n'auons pas employé leur autorité, ains la parole de Dieu. Quant à ce qu'il dit de la vocation extraordinaire, nous auons monsté que nostre vocation est selon Dieu, la loy, & le droict. Quant à ce qu'il dit de la succession ordinaire, il semble à ce pauvre homme, que les ministres en nos Eglises, succedent les vns aux autres par resignation, comme on impetere les benefices en cour de Rome. Cela n'est point. Mais chacun Ministre à sa vocation, comme a esté dit. Au demeurant, saint Au-

gustin escriuant contre les Donatistes, a bien à propos remarqué, que les Prophetes ne se sont pas separez du temple, des ceremonies, & seruice diuin : car ils n'ont pas esté enuoyez pour abolir ce que Dieu auoit commandé, & qui estoit au temple sans idolatrie. Mais vos autels, vostre seruice & sacrificature, ne sont pas de l'ordonnance de Dieu, & ne sont qu'idolatrie : & partant nous-nous en separons, comme a esté souuent dit.

Page 125. Pour impugner nostre vocation il dit, *que c'est en vain que nous la pretendons de l'autorité de l'Eglise Romaine mesme.* Nous ne nous fondons pas là ; & toutesfois quand ainsi seroit, vous ne pourriez reprouuer nostre vocation, que vous ne reprouuiez la vostre. Et voicy comment; Martin Luther & d'autres, auoyent selon l'ordre de l'Eglise Romaine, vocation de prescher la verité & l'Euangile. Sur cela ils ont veu les abus de l'Eglise Romaine, les ont remonstrez ; n'ont-ils pas fait leur charge? Ils ont veu qu'en vostre seruice il n'y auoit qu'horreur, superstition & idolatrie; & qu'on n'y pouuoit assister en bonne conscience ; ils s'en sont separez. Les Princes & çà & là ont là dessus aduisé de reestabli le vray seruice de Dieu, chacun en ses païs. Là Martin Luther & les autres ont esté appelez, comme Docteurs ou Pasteurs, pour prescher selon la parole de Dieu. N'auoyent-ils pas vocation? *Non*, dit-il, *pour prescher contre l'Eglise.* Aussi n'ont-ils presché que contre les abus de l'E-

: contre les Donatistes, a bien  
 que, que les Prophetes ne  
 z du temple, des ceremonies  
 : car ils n'ot pas esté emoyez  
 que Dieu auoit commandé, le  
 mple sans idolatrie. Mais ro  
 eruice & sacristie, ne font  
 rance de Dieu, & ne font qu'  
 tante nous-nous en serpens,  
 uent dit.

et nostre vocation il dit, qu'  
 on la prendoit de l'autorité  
 e mesme. Nous ne nous for  
 utes fois quand ainfi seroit  
 reprouuer nostre vocation  
 ouiez la vostre. Et voy  
 Luther & d'autres, auoyent  
 Eglise Romaine, vocation  
 ité & l'Euangile. Sur cela ils  
 de l'Eglise Romaine, les ont  
 nt-ils pas fait leur charge  
 a vostre seruice il n'y auoit  
 stitution & idolatrie; & qu'on  
 er en bonne conscience; j'ai  
 Les Princes & ça & là ont  
 restablir le vray seruice de  
 es pais. Là Martin Luther  
 esté appelez, comme Do-  
 pour prescher selon la pa-  
 uoyent-ils pas vocation?  
 scher contre l'Eglise. Aussi  
 ne contre les abus de l'E-

glise Romaine. Ils ont excédé, dit-il, leur charge  
 ne portoit pas cela : & depuis qu'ils ont exce dé ils  
 n'ont plus eu d'autorité. Je respon, que leur  
 charge portoit simplement de prescher la ver-  
 rité & purement l'Euangile, & qu'on ne leur  
 fit iamais iurer de maintenir le Pape contre  
 l'Escripture sainte. Et quand ils l'auroyent iu-  
 ré, ils n'y estoient pas obligez, cognoissans la  
 verité. Il dit que le Pape les a desauoüez, & qu'ils  
 n'ont eu plus d'autorité. Je respon, que quoy  
 qu'il les ait desauoüez, cest tout vn; leur au-  
 thorité n'estoit pas toute de luy. Dieu estoit  
 là appelé, & elle estoit au nom de Dieu, qui  
 a toute autorité en son Eglise. Le Pape n'y a  
 eu aucune legitime autorité : son autorité  
 Papale n'est pas que par vsurpation, & tyran-  
 nie; sa longue possession est sans titre, & n'a  
 aucun droict contre Dieu, sa verité, & le salut  
 de l'Eglise, il n'est pas le souverain; c'est Dieu.  
 Martin Luther, & ceux qui l'ont suiuy, ont eu,  
 apres s'estre retirez de la Papauté, meilleure  
 vocation en l'Eglise, leur ministere estant ap-  
 prouué & receu par tant d'Eglises, de Princes,  
 Rois, Magistrats, & autres. Et ainfi Martin  
 Luther n'a perdu sa vocation; mais elle a esté  
 meilleure, & plus ferme qu'auparauât, estant  
 mieux approuuee, & sa doctrine mieux reco-  
 gnue. Aussi ne dis-ous pas que nostre vo-  
 cation prenne sa force de celle de Martin Lu-  
 ther; de luy nous ne faisons pas vn Pape. No-  
 stre vocation est bonne d'ailleurs, encore  
 qu'elle ait commecé par là en nos Eglises. Et

partât ce qu'il dit apres, ne merite pas de response, à sçauoir, *que Martin Luther n'estoit que Prestre, & qu'il ne pouuoit conferer les ordres*; car aussi il ne les a pas conferez (quoy que soit) à la maniere de vos Euesques, où vn seul cōfere ces ordres. Vn seul en nos Eglises n'admet pas au ministere, ains plusieurs: & Martin Luther y a procedé en ceste sorte, à sçauoir, par l'aduis de toute son Eglise, & des Pasteurs prochains.

Page 126.

A ce que dit de Spōde, *que selon le Canon des Apostres, il n'appartient qu'aux Euesques d'imposer les mains*: le respon, que Martin Luther, Calvin, & tous nos Pasteurs ont esté, & sont vrais Euesques. Et selon saint Hierosme, Euesque & Prestre estoit iadis tout vn. Aussi selon que dit saint Paul à Timothee, les Anciens imposoyent les mains: mais cy apres nous verrons que ceux qui sont appelez prestres, sont appelez Anciens. Ne mets point à nonchaloir le don, que tu as receu par l'imposition des mains des Anciens, dit S. Paul.

De Sponde dit apres, *si vous n'avez donques pouuoir de Dieu, ne de ceux dont vous-vous estes separez, dites-moy quelque tiers au monde de qui vous l'avez peu prendre? Si c'est de vous-mesmes, il ne faut que vostre confession pour vous acheuer de condamner. Mais vous me direz, que c'est du peuple; auquel pour vne signalee marque de confusion, vous donnez la charge d'eslire ses Pasteurs.* le respon, qu'il conste que nous auōs pouuoir & enuoy de Dieu; ie l'ay monstré. Nous n'en

voulons pas, ny du Pape, ny des'siens : aussi ne nous en donneroyent-ils pas, ny n'en ont le pouuoir, leur enuoy ne seroit pas legitime. Nos Ministres ne s'ingerent pas; vous le scauez bien, ils ont bon enuoy. Et selon le Decret du Cōcile de Laodicee, le peuple y a son droict voirement : Car on ne luy donne pas de Pasteur, qu'il ne l'ait ouy, & bien suffisamment, & qu'il ne luy agree. Nous auons nos Consistoires, Colloques, Synodes, où se fait l'election, vocation, & l'imposition par nos Euesques & Pasteurs. Le peuple n'impose pas les mains : mais il accepte, & agree & consent : ou refuse & dissent, & est ouy en ses raisons, sans que luy soit fait tort : car c'est le peuple de Dieu. L'imposition des mains est ancienne, & ne se trouue pas pourtant, que Dieu l'ait ordonnee en cecy. Nostre Seigneur mesme a vŕe d'une autre ceremonie. Il est vray que les Apostres ont vŕe de l'imposition des mains, & les Anciens apres eux, comme S. Paul dit à Timothee ; N'impose point hastiement les mains sur aucun. Ceste ceremonie estoit pour monstrier, que celuy à qui on imposoit les mains, estoit dedié à Dieu, & retenu au seruice de l'Eglise : & ainsi toute l'Eglise prioit Dieu luy departir toutes les graces necessaires, car cela se faisoit en la presence de toute l'Eglise. Mais l'election, & la vocation, & la priere, se peuuent bien faire sans ceste imposition. Et la plus part de nos ministres n'en ont point, car au lieu de cela

Ican 20.

1. Timot. 5.  
22.

Gal. 2.9.

on a donné la main pour tesmoignage d'association. Nous laissons l'imposition libre à qui en veut user, sans autrement y astraindre aucun; veu qu'il n'y a pas de commandement expréz. Ce donc qu'il dit, *qu'auant nos premiers pasteurs, à nostre dire, il n'en y auoit point de legitimes pour nous imposer les mains: & partant que nous n'auons pas de vocation; n'est rien.* Car la vocation ne dépend pas de l'imposition, qui n'est qu'une ceremonie qui ne fait pas la vocation; ains c'est l'election du Consistoire, l'approbation des principaux, & le consentement du peuple, comme dit Leon: ayant ouy, cognu, & agréé le pasteur, cōme digne de sa charge.

Leon epist.  
54.

Il dit apres, *que de tout ce qu'il a deduiet cy dessus, se tire ceste conclusion claire, que nous n'auons nulle Eglise, puis que nous n'auons point de Pasteurs, au moins, dit-il, legitimes; nō plus qu'Israël quand il se fut diuisé de Iuda, & que n'ayant ny pasteur ny Eglise, nous n'auons point de salut.* Mais nous auons mōstré cy dessus, que nous auons Eglise, que nous auons Pasteur; voire Eglise reformede & Pasteurs legitimes, que la voix d'un seul Dieu s'entend en nos Eglises, vn seul Dieu y est inuoqué, l'idolatrie bānie, l'heresie exilee par la grace de Dieu, la pure doctrine annoncee, les saints Sacremēs administrez purement. Les promesses de salut s'y annoncent, s'y acceptent par foy, tous demandent pardon à Dieu par vn seul Christ, & en son nom Dieu y promet le salut; il y a dōc Eglise au milieu de nous. Nos Pasteurs ont

legitime vocation, si ce que Leon en a escrit Epist. 54.  
 est le vray moyen de legitimer la charge &  
 vocation des Pasteurs: car nous-nous y com-  
 portons selon qu'il en a escrit, & qu'il se pra-  
 tiquoit anciennement; & mesmes selon le  
 Concile de Laodicee: Mais que veut-il dire,  
 que nous n'auons pas de legitimes Pasteurs,  
 non plus qu'Israël quand il se fut diuisé de  
 Iuda? Quoy? Rome sera Ierusalem, le Pape  
 le souuerain Sacrificateur, son Clergé les Le-  
 uites, le peuple qui suit le Pape Iuda, & nous  
 l'Israël Apostat? Si est-ce que Dieu qui auoit  
 ordonné Ierusalem pour son siege, le temple  
 pour sa maison, les Sacrificateurs & les Leui-  
 tes pour Pasteurs, n'a pas ainsi nommé ny or-  
 donné Rome, ny le temple de saint Pierre,  
 ny le conclaue de Cardinaux, ny le Clergé &  
 les Iesuites pour Leuites. Au reste, il n'y auoit  
 pas d'idoles au tēple, ne rien que Dieu n'eust  
 ordonné. Mais vos temples sont pleins d'ido-  
 les; & n'y a rien (ie dy rien du tout) de ce que  
 Dieu a ordonné, au moins comme Dieu l'a or-  
 donné. C'est donc vous, qui tenez de l'Apo-  
 stasie d'Israël, & non nous; & estes sans salut,  
 encore que vous soyez comme Israël en l'al-  
 liance; si vous ne cognoissez & recognoissez  
 avec repentance vos erreurs, & si n'en deman-  
 dez pardon.

De Sponde dit, *que nous ne sommes pas la mai-  
 son ou se mange l'Agneau, ny l'Arche ou on se sau-  
 ue.* Mais à la verité c'est vous, qui n'estes pas  
 ceste maison. C'est Iesus Christ qui est nostre



Pasque, l'Agneau de Dieu qui oste les pechez du monde. Vous ne vivez pas de luy; car vous ne cherchez pas le salut en luy; ie dy en luy seul. Vous le cherchez ailleurs qu'en luy, & en d'autres choses avec luy. Iesus Christ ainsi ne vous profite de riē, car il vous sauuera seul, ou il ne vous sauuera pas. Notez. ce q̄ dit S. Paul, Si vous estes circoncis, Christ ne vous profite de rien. La Circoncision estoit ordonnée de Dieu, on vouloit l'observer, & croire en Iesus Christ tout ensēble pour auoir salut, & la Circoncision gastoit tout: combien plus vostre Messe & le reste que Dieu n'a point ordonné, & que vous observez pour auoir salut, & par Iesus Christ ensēble? Pensez-vous estre ceste Arche, dans laquelle on se sauue des eaux du deluge? vous-vous trompez. Dieu auoit ordonné & mesuré l'Arche de Noé, & Noé la fit ainsi; & s'y gouuerna en tout comme Dieu auoit dit, Noé n'outrepassa de rien sa volōté. Mais qui a basti vostre Papauté? Ce n'est pas Dieu. En cela vostre croyance n'est pas selon la parole de Dieu; ains y contreuieēt, en ce que vous cherchez salut ailleurs qu'en luy, & autrement que par son seul Christ. Il y a plus, c'est que vous n'estes ny ceste Arche de salut, ny en icelle; sinon que comme Cham estoit en l'Arche de Noé. Et n'y a nul salut pour vous, si vous ne vous rangez aux pail-  
lons de Sem; c'est à dire, ne cherchez salut en vn seul Christ, ainsi que tous vrais fideles font, & sont instruits en nos Eglises, qui  
sont

sont les pauillons où Dieu habite.

Mais puis que vous parlez ainsi, de l'élection & vocation de nos pasteurs; parlons de vostre vocation & election, & voyons quelle elle est, & si elle est legitime: car là nous verrons quelle Eglise vous estes, & si vous estes ceste maison où on mange l'Agneau, & l'Arche où on se sauue des ondes de l'enfer. Qu'à vostre doctrine, nous vous faisons voir à tous coups, qu'elle est fausse, erronee, & heretique; où la parole de Dieu ne contiendrait pas verité. Et puis que vostre doctrine est fausse en plusieurs de ses poincts; auez-vous enuoy de Dieu? Sans la doctrine, quel enuoy a vostre Clergé? car la doctrine est le principal, & sans icelle l'enuoy est nul. Mais quel enuoy a le Pape? Dieu a-il ordonné de Pape? Quel enuoy ont vos Euesques? qui n'en ont que de celuy qui n'en a pas? quel enuoy ont les prestres, qui n'ont pouuoir ny enuoy que de ceux qui n'en ont point? Quelle voix ont la Noblesse, le Clergé, & le peuple, en l'élection du Pape, des Euesques & des prestres? La noblesse, la iustice, le peuple, ny sont ny appelez ny ouïs. Et tout cela se fait par brigues, faueurs, & menees, & mesmement du Pape, & des Euesques. Appelez-vous cela election & vocation legitime? vous n'en auez point en vostre Eglise Romaine. Quelle Eglise estes-vous donc? Cependant nous vous recognoissons en l'Eglise, entant que vous estes encore en l'alliance. Que s'il y a Eglise entre vous,

ou la corruption est espouuantable comme l'enfer ; Pourquoi n'en y aura-il entre nous, où tout est dressé selon la parole de Dieu, où vn seul Dieu est inuocé par son seul Christ, où on croit le salut estre de Dieu & de l'Agneau : c'est de la seule misericorde de Dieu, & par le benedicte de la mort & passion de nostre Seigneur.

De Sponde demande, *si nostre autorité le retiendra en nostre Eglise* : Eglise, dit-il, *iadis inuisible, & maintenant visible*. Je respon, que nostre Eglise est maintenât visible, faisant vn corps à part de la vostre : & qu'elle estoit visible en la vostre, lors que nous & vous ne faisons qu'un corps d'Eglise. Quant à nostre autorité, elle est de Dieu, puis qu'elle est selon sa parole. Pour le Pape la reprouuer, il n'en est ne plus ne moins ; il n'a point d'autorité contre, ny par dessus Dieu ; Nous parlons par la parole de Dieu.

De Sponde dit aussi, *que nostre doctrine ne le retiendra pas, & que nous n'en auons point, parce que nous n'auons pas d'autorité*, dit-il. Quoy ? nous n'auons doctrine que de la parole de Dieu ; ceste doctrine n'a-elle point d'autorité ? En cela où Dieu nous autorise, nous n'auons pas d'autorité, & n'en auons point si le Pape ne le dit ? le Pape prédra donc autorité sur Dieu, & vous la luy donnerez ? c'est comme vous le faites Dieu en terre, voire par dessus Dieu.

Aussi, dit-il, *que nostre bonne vie ne le retien-*

*drapas*. Je respon, qu'il faut qu'il regarde à nostre doctrine; elle est de Dieu, elle le doit retenir. Quant à la vie, qu'on viue mieux que nous, c'est ce que nous desirons. Il dit, *que les Encratites & Nouatiens reluisoyent tous de sainteté extérieure*. Iuge-il ainsi de nous? ce n'est pas en charité. Il nous suffit que nous sachions que Dieu fait son œuvre en nous. S'il a peur d'estre trompé, il ne le peut estre, s'il regarde à la doctrine: par icelle, & non par nostre vie, il cognoistra que nous sommes Eglise de Dieu & sa maison. La maison d'Adam estoit Eglise, & y a eu parricides, & autres maux. En la maison de Noé, y a eu des pechez aussi. La maison d'Abraham n'a esté sans ses pechez, ny celle d'Isaac & de Iacob: l'inceste de Ruben, le peché des Patriarches qui vendirent Ioseph, monstre que l'Eglise n'estoit lors sans peché; autant d'Israël & de Iuda. En la maison de Dauid, quel forfaits? en la maison de nostre Seigneur, il y a eu vn Iudas: les Apostres n'ont esté sans leurs infirmités, nostre Seigneur les a reprins. Du temps de S. Iean, l'Eglise auoit des Nicolaites, & estoit infectée d'une si horrible saleté; mais les fideles ne laissoient pas de s'y ranger. La doctrine c'est où il faut regarder, & non s'arrester ny aux mœurs, ny à la vie, qui pourra estre mauuaise, là où la doctrine sçeta pure. Tertullien voyant les dissolutions de l'Eglise Romaine fit ceste faute, car il enclina à l'heresie des Nouatiens. Nous ne tenons rien de ces Noua-

tiens, & ne fuyōs pas l'Eglise Romaine pour les dissolutions que nous y voyons, comme fit Tertullien; mais pour sa fausse doctrine.

Il demāde apres, *si ce sera l'autorité du Magistrat qui le retiendra en nos Eglises; & puis demande où est ce Magistrat.* Veut-il dire qu'il n'y a point de Magistrat en nos Eglises? Et qu'est-ce donc de tant de Royaumes reformez? Et en ce Royaume mesme, n'y a-il point de Magistrats subalternes? Mais faut-il dependre de là, ou de Dieu? Quel Magistrat y auoit-il en l'Eglise à Rome, ny ailleurs, du temps des Apostres? Dōc il n'y aura pas d'Eglise, & nous ne serons pas Eglise de Dieu, si tous les Rois ne sont de nostre Religion? Le demande si ce conseiller est sage?

Il dit, qu'il ne recognoist pas le Magistrat pour maistre-souuerain de sa foy, mais le Pape. C'est ce qu'il veut dire, disant *que nostre Seigneur a baillé la conduite de son troupeau aux Pasteurs, & non au Magistrat simplement.* Nous respondons, que nous ne recognoissons ny le Magistrat, ny le Pape, ny les Pasteurs, pour maistres-souuerains de nostre foy; ains vn seul

Matth. 23.

Seigneur Iesus, qui a dit; Vous ne vous appellerez aucun en terre vostre maistre, car vous auez tous vn Maistre qui est Christ. Ce n'est pas à l'homme de dominer sur nostre foy; c'est à vn seul Dieu. Nostre Seigneur est l'Apostre de nostre confession. Ce qu'il allegue d'Asa, n'est rien à propos. Le Magistrat & la Sacrificature estoient estats distincts, & cha-

cun figure de Christ en attendant sa venue. Ozias cōfondoit cela, & Dieu le frapa. Il vsurpoit ce qui n'appartenoit qu'à Iesus Christ, d'estre Roy & Sacrificateur tout ensemble. Le Pape fait cela, & dispose des Royaumes de la terre & du ciel, que merite cela ? Il se donne toute puissance au ciel & en l'enfer, qui n'appartient qu'à nostre Seigneur ; Dieu le frappera. Aussi veut-il sçauoir, si nous voulons qu'il soit de nostre costé, pource que nous sommes le plus grād nombre, ou pource que nous sommes le petit nombre. Nous respondons, que ce sont des inepties, & qu'il n'a que faire de se iouer à nous haranguer là dessus. Car nous ne voulons pas qu'il demeure avec nous, en consideration du grand nombre, ni en consideration du petit nombre : car lors que tout le monde adoroit Iupiter, Dieu n'estoit cognu qu'en vn petit anglet de païs, à sçauoir en la Iudce ; que fait le nombre à cela ? La verité est en la parole de Dieu, & la faut suyure, & non la multitude, non plus que l'opinion du Pape, ou de la Cour de Rome, & de ses prestres.

Mais quel homme est cecy ? Il debat ces deux poincts, comme si nous disions que nous sommes l'Eglise, par ce que nous sommes le grand nombre : & comme si nous disions aussi, que nous sommes l'Eglise, parce que nous sommes le petit nombre. Nous ne disons ny l'un ny l'autre ; c'est donc vn homme sans iugement. Il est vray que quand ils

nous reprochent, que nous sommes vn petit nombre : nous leur disons, qu'il y a plus de Royaumes & de peuples reformez, que de royaumes Papistes ; & que de deux ou trois ou quatre Royaumes Papistes qu'il y a, vne partie des subiects gemit sous la cruauté de l'Inquisition, & sous les persecutions, & abhorre vostre Messe & vos idoles. Que s'il y a d'autres Royaumes qui ne soyent du tout reformez, nostre Cōfession de foy y est receüe. Mais disons-nous, que le grand nombre ou le petit, nous face Eglise de Dieu, ou empesche que nous ne le soyons ? Ils nous mesurent à eux : car ils se disent l'Eglise, parce qu'ils se font accroire, qu'ils sont le plus grand nombre. Et si nous leur disons, que nous sommes autant & plus qu'eux, ils pensent que nous concluons, que nous sommes l'Eglise. Et pourtant cestuy-cy dit, *que nous ne montons pas une poignée au regard de l'Europe, de l'Asie, & de l'Afrique.* Quoy ? toute l'Europe est tantost à nous ; & vous, qu'avez-vous eu l'Asie & en l'Afrique plus que nous ? vous-vous trôpez donc, si par le grand nôbre, vous pensez estre l'Eglise de Dieu vniuerselle. Car vous n'estes pas le plus grand nombre, au regard des autres nations : & vostre Religion n'est pas par tout, ny receüe de tous ; mais cela, ny le grãd nombre n'y font rien.

Ils nous demandent aussi, *où nous estions & nostre Religion auant Martin Luther ?* Le luy ay respondu, que nous estions en l'Eglise Ro-



maine, en ceste Babylon, faisans corps visible d'Eglise avec elle, & d'où (à cause de ses idoles & faux seruices) nous-nous sommes retirez, pour faire vne Eglise reformee, comme nous sommes par la grace de Dieu. De là il s' imagine nostre Eglise petite; Nous respondons, qu'elle a esté plus petite en l'Arche de Noé, en la famille de Sem, d'Abraham, & en Israël, & à la venue de nostre Seigneur. Nous disons, que l'Eglise est grande & populeuse quand Dieu veut, & petite & de peu de personnes, quand il luy plaist. Mais vous & nous estés ensemble, estiós tous Eglise; & séparez, le sommes encore, mais vous Eglise impure.

De Sponde dit, *que nostre petit nombre n'est pas pour respondre à ce titre de Catholique, ou Vniuersel, que le S. Esprit donne à l'Eglise.* Mais leur nombre est-il si grand, qu'il y puisse respondre? l'Eglise Romaine peut-elle estre l'Eglise vniuerselle? elle est particuliere & nō vniuerselle, comme dit le Canon, combien qu'elle soit de l'vniuersalité: mais où dōne le S. Esprit ce mot de Catholique à l'Eglise? Je demande, en quel lieu c'est de l'Ecriture sainte? Mais depuis quand a esté ce titre donné à l'Eglise, & pourquoy? si ce n'est pour discerner par iceluy, les vrais fideles des chismatiques, qui se departoyent de l'Eglise, où estoit la vraye foy, laquelle deuoit estre receuë en tout l'vniuers? l'Eglise n'est plus enclose dans les limites de la Iudee; elle est par tout l'vniuers, & tiree de tous peuples & nations;

Cano. nul-  
lus. distin.  
99.

& non vn seul peuple des Iuifs, Et sa foy (à sçauoir, Que le salut est de Dieu & de l'Agneau, où est comprins tout ce qui est de nostre salut) est la foy catholique qui doit auoir lieu en tout l'vniuers : & ne fust-elle tenuë que de trois personnes, car c'est la foy Catholique. Mais pense-il que tous peuples & natiõs tiennent ceste foy ? l'Eglise Romaine mesmes ne la tient pas vrayement. Car elle cherche salut ailleurs, & autrement que de Dieu & de l'Agneau; à sçauoir, comme a esté monstré plusieurs fois, en mille superstitions, idolatries, & folles deuotions : en quoy au lieu de trouuer salut, ils ne peuuent trouuer que la mort & l'enfer.

De Sponde dit, *que nous ne deuons pas prier que nos Eglises grossissent : & que si nous estions grand nōbre, nous ne serions pas Eglise.* Je demande, s'il n'est pas vray qu'il ne sçait que dire, & qu'il veut rire, & se moquer en vne chose serieuse. Mais pourquoy, dit-il, encore que les Anabaptistes les Triteites, Schenfeldiës & Dauidistes seroyent plustost Eglise que nous, puis qu'ils sont moins en nōbre ? pour son plaisir il nous impose & dit, que nous disons ce que nous n'auons pas pensé. Il escrime ainsi contre son ombre & son imagination; car disons-nous que nous soyons l'Eglise de Dieu, à cause que nous sommes moins en nombre ?

Il nous en donne d'un autre, c'est que nous dirons que nos commencemēs sont petis, mais qu'ils s'enfleront. Iugez-en, il veut dire que si c'est r-

ne raison bien solide, que d'eux il en est de  
 mesme, & en mesme affaire : ce qui ne peut es-  
 tre, pource que la verité est de nostre costé.  
 Il dit donc, *Ceux qui ont eu cest auantage deuant  
 vous, n'ont-ils rien gagné ? Et tout le travail qui a  
 esté employé en la subuersion du paganisme & du  
 Indaisme pour l'establissement de la Chrestienté,  
 ne doit-il de rien seruir ?* Le Pape a-il fait cela,  
 ny la Cour de Rome ? Est-ce là l'œuure des  
 Moynes mendiens, qui sont depuis trois cens  
 ans, ou des Iesuites qui n'ont pas cent ans ?  
 Mais qui a fait cela que les Apostres, & leurs  
 vrais successeurs ? Ce sont volontiers les Car-  
 dinaux, Abbez & Euesques, qui viuent à leur  
 aise, assis sur les sepulchres & sur les cendres  
 des martyrs ? Il demande, si cela fut iamais ex-  
 ploicté souz nostre doctrine, de laquelle, dit-  
 il, on n'auoit iamais ouy parler. Je respon, que  
 cela a esté exploicté souz nostre doctrine voi-  
 rement : car cela a esté exploicté sous la do-  
 ctrine des Apostres, laquelle est nostre do-  
 ctrinen ; nous n'en auons ; ny n'en voulons  
 d'autre. N'est-ce pas ce qui vous fasche, que  
 nous ne la voulons pas changer pour celle du  
 Pape ? & vous faisons paroistre, que nous n'a-  
 uons aucun poinct de doctrine, qui ne soit  
 fondé en la doctrine des Apostres, qui est l'E-  
 uangile. Il dit, *qu'on n'auoit pas encore ouy par-  
 ler de nostre doctrine.* Je respon, qu'on n'auoit  
 pas donc ouy parler de celle des Prophetes,  
 de nostre Seigneur, de celle des Apostres ; car  
 nous n'auons rien qu'ils n'ayent eu, ne disons

rien qu'ils n'ayent dit, & le vous montrons par l'Écriture sainte; mais le Pape y contredit: il est vostre Dieu, car il n'y a rien de bon pour vous que ce qu'il dit; c'est ce que vous croyez. Pensez-vous que la doctrine du Pontificat, du merite des œuvres, du chapeau de Cardinal, & du Purgatoire, de l'inuocatio & adoration des creatures, des images, & du franc arbitre, le coelibat, le vœu de virginité, & telle autre doctrine, ait subuerty le Paganisme? c'est le Paganisme mesme. Mais pensez-vous que la doctrine de la defense des viandes, la doctrine d'auoir des autels, des temples, des encensemens, & d'un sacrifice ordinaire ait aboly le Iudaïsme? cela est du Iudaïsme. Nous vous montrons, que nostre doctrine estoit du tēps des Apostres; nostre doctrine est leur doctrine. Vous le voyez, & il n'y a rien qui vous desplaise tant. C'est donc nostre doctrine, & celle mesme des Apostres, qui a subuerty le Paganisme & le Iudaïsme: car c'est vne mesme doctrine que la nostre, & celle des Apostres.

Aptès il dit, *que ce ne seront pas nos preiugez qui le retiendront avec nous: & dit, que par nos preiugez nous auons condamné tout le monde sans l'ouir.* Nous n'auons rien fait que selon la parole de Dieu; si en cela, & en nos confessions de foy, Catechisines, Commentaires, & traictiez nous les auons condamnés, c'est par la parole de Dieu. Nous n'auons rien dit, qui ne soit fondé en icelle: c'est donc Dieu qui les

condamne par sa parole, qu'ils passent condamnation. Il dit, *que nous les auons condamnés sans les ouïr*. Quoy ? où Dieu parle, y a-il de replique ? Apres qu'il aura donné sa sentence, attendrons-nous ce que quelqu'un voudra dire à l'encontre ? Dieu en a iugé par sa parole, qu'il a donnée pour la reigle de verité. Qui en iugera apres luy ? Mais nous auons appellé, & qui a voulu s'y est trouué. Le tout a esté bien discuté par gens doctes, & de tous estats; chacun ouy. Nous auons voulu estre ouïs. Le Pape & son Clergé, quelle replique ont-ils apportée que l'opiniastreté, & leur autorité par dessus la parole de Dieu ? y a-il en cela de raison qu'on doye ouïr ?

Apres il dit, *que nous-nous sommes introduits* Page 130.  
*de telle sorte, que nous les auons faits trembler, que nous leur auons dit que ce n'estoit qu'abus, de ce qu'ils sont hors de nous, qu'à ce mot ils en ont apprehendé l'effect, mais le tout sans raison, autant à nous de le dire qu'à eux de le croire; & qu'apres auoir ouy les parties, ils croyent bien tout autrement.* Mais, comme a esté dit, quelles parties y a-il icy à ouïr, ny quelle replique à faire ? Qui sera partie contre Dieu ? Qu'on oye & qu'on voye si ce que nous disons, est fondé en la parole de Dieu ; vous ne le pouuez nier, vous le voyez. N'est-ce pas la cause que vous refusez la parole de Dieu ; & ne voulez point Dieu pour iuge, mais plustost vous faire parties contre luy ? Qu'ils recusent l'Escripture sainte, il a esté vëu cy dessus, & nostre aduer-

faire le redit encore icy. Et dit, *que c'est vn tref-faux fondement que nous auons prins, de dire que nous ne sommes tenus de rien croire, que ce qui est expressement porté par Escriture sainte, laquelle seule, dit-il, nous recognoissons pour seule parole de Dieu, comme il est vray.*

C'est de faict, en nous retirant de vostre Papauté; & autrement, pourquoy nous en serriôs-nous retirez? Le Pape nous aimoit, nous laissoit faire tout ce que nous voulions, nous en bailloit assez volontiers l'absolution, tousiours on en estoit quitte pour de l'argent, & pour moins; car il n'y auoit peché qu'il ne pardonnast. On auoit assez bon conte de bulles, & d'indulgences competemment. Eust-on bien changé cela (s'il y eust eu salut) en la rigueur d'un Consistoire, qui veille & doit veiller exactement sur les vices? Cent mille personnes sont mortes en ce Royaume, sur ceste resolution & fondement, qui ont mieux aymé la mort, que viure en tels abus. Nous nous offrons à subir toute sorte de maux, apres auoir abandonné maisons, estats, familles, & honneurs, & nous offrons à estre vostre risec, plustost que de ne nous departir de vostre croyâce, en ce qu'elle est fausse & contre Dieu. Quitterions-nous les delices de Rome, pour encourir tant de pauuretez, si nous n'estions bien asseurez d'auoir bon fondement de nostre faict en la parole de Dieu? Trouuez-vous que ceux qui font cela; soyent impertinens aux autres affaires de ce monde? ne

pensez pas que ce soit folie, qui nous face faire cela.

C'est donc nostre fondement, qu'il ny a parole de Dieu que l'Escripture sainte: que par là se doyuent vider toutes les difficultez de la Religion, & toutes les matieres de nostre foy, & de l'estat de l'Eglise de Dieu; qui ne doit auoir rien qui soit contraire à l'Euan-gile du Fils de Dieu. Et le fondemēt de Sponde, c'est que l'Eglise Romaine (car il parle de ceste-là) peut resoudre toutes nōs difficultez: & qu'il n'aduiēdra iamais qu'elle mette en auant choses fausses; q̄ la parole de Dieu ne dit iamais que l'Eglise peut faillir, qui est vne impudencē infernale: car c'est dementir les Prophetes, & nostre Seigneur, & les Apostres, & Dieu mesme, comme a esté dit cy dessus. C'est la parole de Dieu qui est nostre fondement, il n'est point faux; au contraire, il n'y a rien si vray, car Dieu l'a posé. De là l'Eglise est colonne & appuy de verité, quand elle ne croit que ce que Dieu a dit & ordonné, & n'ordonne rien par dessus. C'est là où nous restrainons toutes les matieres de nostre foy, de nostre salut, & de l'estat de l'Eglise.

Quant à nostre discipline ecclesiastique, il dit, qu'elle n'est point en l'Escripture sainte. Je respon, qu'elle y est assez, veu qu'elle ne repugne point en rien à ce fondement, qui est la parole de Dieu, contenue en l'Escripture sainte, ains y conuient entierement; ce que vous ne pouuez dire de vos deuotions & ce-



remonies, esquelles vous constituez vostre salut. En nostre discipline, il n'y a pas vn seul article, qui ne puisse estre prouué par la parole de Dieu, necessaire, bon & honnesté, d'edification, & propre pour la conduite & gouvernement de l'Eglise, & conseruation de la doctrine de salut en nos Eglises. Mais pourquoy appelle-il nostre discipline ou police ecclesiastique, *tradition secrette*; veu que la peut voir qui veut? Pense-il que ce soit comme les mysteres d'Eleusine, ou les rituelles de Numa, ou bien les cauteles de la Messe, qu'on cache autant qu'on peut, & comme les conformitez de saint François? Toutesfois il ne nie pas que nostre police ne soit en l'Ecriture sainte, mais non expresse, dit-il. Je respon, que c'est assez qu'elle y conuienne, & qu'elle ny contreuienne en rien. Mais nous en scauroient-ils dire autant de leurs deuotions & fausses ceremonies? Elles y contreuiennent, soit en la fin, soit en la forme & substance.

Après cela il se plainct. Helas, qu'il a de choses à dire! *que nous les auons tirez de ceste Ierusalem celeste*, c'est à dire de Rome, & les auons menez en Samarie. Je respon, que Ierusalem ne respond pas à Rome, ouy bien Samarie l'idolatre. Ierusalem auoit la loy de Dieu pour reigle, quand Samarie fut destruite. Nous vous auons laissé en vostre Samarie adorer vos reliques, & faire vos abominables sacrifices, & adorer le bois, & la pierre, la paste, l'argenr, l'eau, le feu, en y cherchant salut. En nous

retirant de vos temples, nous sommes sortis d'une autre Samarie; nous ne reclamons qu'un seul Dieu, & ne chantons que de ses bontez en l'affaire de nostre salut, comme a esté dit cy dessus.

Il dit, *que nous-nous deuions porter tout autrement.* Quoy donc, que deuions-nous faire? idolatrer avec eux? Dieu l'a defendu, nous auons ouy la voix de Dieu. Adorez celuy qui a fait le ciel & la terre, & les fontaines des eaux. Item, Sortez d'icelle mon peuple, à fin que ne soyiez participans de ses pechez, & que ne receuiez de ses playes. Mais que deuions-nous donc faire? *Guerir ce corps malade, & non pas le desmembrer.* Le respon, que la Papauté ne se guerist pas, qu'il la faut retrancher, & s'en esloigner, comme de la peste; si on ne la peut ietter au loing, l'anneantir & l'enuoyer en enfer, d'où elle est sortie. Car toute doctrine qui n'a point de fondement en la parole de Dieu, est sortie de l'enfer. Or la doctrine de vostre Papauté & idolatrie Papale, n'a pas de fondemēt en la parole de Dieu; cela est donc de l'enfer. Quant à ce qu'il dit de leur corps d'Eglise malade, nous le disons; & est vray. Nous l'auons veu bien malade, & tant que nous en auons eu pitié: & ne nous en sommes pas retirez par faute de compassion enuers vous. Mais le moyen de vous guerir n'estoit pas de demeurer avec vous, de faire comme vous, & de nous perdre avec vous. Vous nous vouliez donner vostre mal. C'est un mal que

Apoc. 14.

nous auons eu, nous-nous en sentons gueris, graces à Dieu; & après l'auoir cognu, nous le fuyons plus que la mort, & comme l'enfer. Qui ne craint la contagion? l'haleine du pestiferé est-elle bonne? mais l'accointance d'un qui enrage de donner son mal, & veut tuer celui qui ne le veut prendre? Tels estes-vous, & ne nous voulez retenir avec vous, que pour nous faire tels, ou pires que vous. Que vous importe-il, que nous aillions à la Messe ou non? pour y aller, en serions-nous meilleurs? nous ne serions que tels que vous. Quant à vous guerir, a-il tenu à nous? Nous vous auons présenté de bons remedes, pour vous faire vraiment viure; & vous nous voulez offenser, si nous ne voulions perir comme vous. Vous estes le frenetique, qui se rue contre son medecin.

Il dit, *que nous auons desmembré ce corps qu'il falloit guerir, & l'auons rendu plus malade.* En quoy, en nous separant d'avec vous? Nous vous auons laissé en vos idolatries, ne vous en pouuant retirer, & auons gardé un membre en le gardant de vostre gangrene, quand nous-nous sommes retirez; non de vostre ciuille conuersation, mais de vos superstitions, Y a-il gangrene pire que chercher salut hors Iesus Christ? c'est l'enfer; telle est vostre superstition. Si nous beuuons avec vous en la coupe de vos abominations, & vous & nous mourrons. Le Pasteur fera-il mal de separer les brebis saines, d'avec les galeuses, & en fai-

re vn troupeau à part? Qui trouuera mauuais que la femme pudique, fuye le paillard; & l'haleine de la maquerele, & le bordeau? Ainsi vous fuyons-nous, & nous sommes retirez de vous: non en ce qui est de l'amitié naturelle, des deuoirs de charité & de la police (comme font vos moines) ny de l'honnesteté que nous vous deuons; mais des temples de de vos idoles.

*Ce desinembrement (dit-il) estoit vne espee de mort, plus tost qu'un remede à ce membre, que vous auez arraché de ce corps.* Je respon, qu'au contraire, c'est vie d'entre les morts; c'est arracher l'ame de l'enfer: quād dy-ie, on se retire de vos idoles. Demeurer avec vous, c'estoit nous perdre & vous aussi, & vous faire mourir en vos pechez, & nō pas vous guerir. Mais si nous-nous retirons de vos idoles, vous y pensez. Pensez-vous que nous-nous fussions retirez de vous, si nous n'eussions veu Dieu offensé, & l'enfer ouuert au milieu de vous? quel plaisir estimez-vous que nous puissions prendre, à perdre la vie, & les biens avec, & quitter les delices dont vous iouïssiez: sinon que nous voyons que ce sont les delices de peché, & vos deuotions, les superstitions qui meinent à l'enfer? Mais quel corps est vn corps idolatre, où il n'y a salut qu'à ceux qui se repentent de leurs idolatries, qui s'en retirent, & demandent à Dieu pardō? C'est donc salut & santé aux membres qui se sont retirez de ce corps infect, & qui maintenant font vn

corps de peuple sainct à Dieu, où vn seul Dieu est inuoqué, sa parole purement annoncée, les gages de salut donnez en la main du croyant, & où le salut n'est tenu que de Dieu & de l'Agneau.

*A vn arbre rongé de vers*, dit-il apres, *il ne faut pas couper les branches, mais faire mourir les vers, comme la cause de sa ruine.* Auons-nous fait autrement? Car pour nous, nous auons fait mourir ce ver de Papauté, qui fait mourir les belles plantes de la maison de Dieu: & ce ver ne vit plus en nous; il ne nous ronge plus. Nous viuons entez en cest arbre de vie, qui est au milieu du paradis de Dieu, viuons en luy & en mangeons. Nous en auons autant voulu faire pour vous, & faire mourir vostre Papauté; mais non vós personnes, ny vostre corps de peuple: mais l'amas de vos superstitions, heresies & abominations, & vous nous auez voulu faire mourir. Nostre Seigneur a dit, Si on vous persecute en vn lieu, fuyez en l'autre. Nous-nous sommes gardez de vous, & auons renoncé à vos idoles, & n'auons coupé aucune branche de l'oliuier de Dieu; mais y en auons enté plusieurs, & y en entons tous les iours: au moins Dieu fait cela par nostre ministere; combien que plusieurs s'en retranchent, comme de Sponde.

Les Iuifs en ont bien esté retranchez. Vous n'estes point l'oliuier de Dieu; peu s'en faut que ie ne vous die que vous estes à peu pres comme estoient les Gentils, quand par la

predication de l'Euangile, ils furent entez en Iesus Christ. Vous estes à peu pres sauuageōs comme les Turcs, ou comme quelque arbre pourry, qui ne porte plus de fruit. Il vous faut estre entez en Iesus Christ, & n'auoir, ny pretendre vie, salut, & fruit qu'en luy, ou vous perissez.

*Ce n'est pas, dit-il, nettoyer la source, que de luy retrancher ses ruisseaux. Car (dit-il) c'est autant de ruisseaux perdus par nostre indiscretion. Cela est bien dit, mais non à propos contre nous: car si nous auōs voulu nettoyer l'Eglise Romaine, ou monstrier les moyens de cē faire, & d'en oster tant de bourbe; quels ruisseaux auons-nous retranchez, au lieu de vous en fermer vn, ou le retrācher? nous vous en auons ouuert vn million. Qu'estoit-ce de vos Docteurs, quel sçauoir, quelle erudition, quels presches auiez-vous autrefois? Si on les faisoit maintenant tels entre vous, qu'on faisoit quand M. Luther commença à prescher, qui y prendroit ny goust ny plaisir? Et vous dites qu'il a tout gasté. Nous auons des sermons tels que les faisoient les plus doctes prescheurs de lors, & nous & nos aduersaires ne les lisons que pour rire. Si vos prescheurs ont quelque chose de bon, d'où l'ont-ils que des liures des nostres? Quelle methode ont-ils que la nostre? quel langage qui vous plaise, que quand ils parlent comme nous? Nous ne vous auons point donc fait de tort, ny retranché aucuns ruisseaux de doctrine en vos Egli-*

ses; au cōtraire vous nous deuez ce que vous auez de bon. De demeurer avec vous, comme a esté dit, nous ne pouuons sans offenser Dieu. Il ne le vous semble pas, mais c'est le remors de nos consciences; nous sommes assurez de cela, & le sçauons bien. Que s'il ne sort plus si grosses foules de peuple de vos tēples, vous plaignez-vous de cela ? ostez-en vos idoles & superstitions, establissez-y de fideles prescheurs, qui n'annoncent que le salut par vn seul Christ selon l'Euangile, & y seruons Dieu tous ensemble; vous ne l'auiez pas voulu, ny ne le voulez. Il a fallu vous laisser, pour puiser en ioye des fontaines du Sauueur, l'Agneau, qui nous repaist, & nous meine aux viues fontaines des eaux, & fait ruisseler les ruisseaux de vie gratuitement au milieu de nous, & en toute abondance.

Isa. 12.

Page 131.

Après cela il nous demande; *Comment, si nous n'estions que de simples membres de ce corps, duquel nous-nous sommes separez, que nous luy disions au nom de Dieu, quel corps nous auons peu faire de nous-mesmes.* Il veut dire, que nous auons laissé le Pape, & qu'il est le chef; Que nous separans du Pape, nous ne sommes plus que simples membres: partant que nous ne sommes pas vn vray corps, veu que nous n'auons pas de chef, & par consequent que nous ne sommes pas corps, faisant corps d'Eglise. Il presuppose que nous ayons tenu le Pape pour chef, & lors mesmes que nous-nous en sommes departis; le poure homme s'abuse.



Mais bien ; nous auons laissé le Pape , nous n'auons pas donc de chef ? n'auons-nous pas Iesus Christ pour chef ? Nous auons laissé le Pape, pour auoir vn vray chef , à sçauoir le chef de vie , le Dieu viuant, celuy qui viuifie; Iesus Christ nostre Seigneur, vray Dieu & vray homme: luy seul viuifie nos ames, nous paist, & nous mene aux viues fontaines des eaux ; le Pape non. Ce corps donc que nous faisons, c'est le corps mystique de nostre Seigneur: ce corps qu'il lie & vnist à soy, & viuifie par son Esprit, mieulx que nos membres ne sont vnis à nostre chef naturel, & qu'ils ne sont viuifiez de luy. Nous sommes ce corps auquel il vit & regne par son Esprit, car nous sommes ainsi chair de sa chair, & os de ses os: & pour estre ce corps sacré de nostre Seigneur, nous-nous sommes retirez de vostre Papauté & idolatries.

Il dit apres, *que ce corps est composé de tous ses membres.* Cela est vray; Il dit, *que nous ne sommes pas tous les membres de ce corps.* Cela est vray aussi; car Dieu en a ailleurs qu'en France, en a eu d'autres cy deuant au monde, & en aura tousiours autant qu'il luy plaira d'en appeller, de loing, & de pres, de tout le monde. Mais que veut-il dire, que nous auons laissé en la Papauté vne partie de ses membres, & partant que nostre corps n'est pas parfait, & ainsi que nous ne sommes pas Eglise? Ne voila pas de belles arguties? ce sont celles de Belarmin. Je dy que ce corps est parfait, que

Dieu le parfaict, qu'il sera tout totalement parfaict au ciel. Que si nous auõs laissé quelques mēbres de ce corps en la Papauté, Dieu les ramenera aussi, & les vnira à ce chef de vie, & parfera ce corps; nul de ses membres ne perira. Mais ce corps est à present & tousiours en telle perfection que Dieu le veut,

1. Cor. 15. attendāt que Dieu soit toutes choses en tous, & que nostre Seigneur ait rédu le royaume à Dieu son Pere, où sera lors toute la parfaicte perfection de tout ce corps. Mais si nous fusions demeurez en la Papauté, serions-nous vn corps d'Eglise plus parfaict au Seigneur? mais plustost vn corps indigne de luy, vn corps ladre & infect, indigne de ce chef, qui ne vit qu'ē ceux qui sōt menez de son Esprit, croient, viuent, & seruent à Dieu selon sa parole: ce qu'on ne fait pas en l'Eglise Romaine, comme nous auons amplement monsté.

*Nous sommes (dit-il apres) sans charité, en ce qu'en nous retirant d'avec eux, nous sommes cause de la mort de ceux que nous y auons laissé. Si tant est, dit-il, que vous ayez emporté l'ame, & la vie, & les membres de ce corps; de quelle charité auez-vous esté poussez, d'estre cause de la mort de ce que vous y auez laissé? Pour nous retirer de vos erreurs & idoles, sōmes-nous cause de vostre mort? Quelles arguties sont cecy? Au contraire, nous vous auons monsté le chemin de vie, & le moyen de vous sauuer de la mort. Nous vous auons laissé tels que vous estiez; encore vous auons-nous fait vn peu plus en-*

tendus ; mais vous tournez tout cela en malice. Au reste , nous n'auons rien emporté de vostre Papauté , ny n'en voulons . L'ame , la vie que nous auons , & ce que nous sommes membres de nostre Seigneur, nous ne l'auons pas de l'Eglise Romaine , ains de l'Esprit de Dieu. Si quand nous estions avec vous , vous estiez Eglise , vous l'estes encore ; mais corrompue comme alors , & plus rebelle aussi. A la verité nostre depart d'avec vous, vous condamne , & nous monstons que vous estes en la mort. Mais quand nous serions demeurez avec vous, en viuriez-vous mieux ? ains vous & nous peririons ensemble. Voulez-vous viure ? faites donc comme nous.

Il dit , *que nous eussions mieux fait de ranimer de nostre feu leur froideur que nous y recognoissions , & fomentier le corps de leur Eglise de nostre union, luy donner courage de participer à nostre bien, plustost que le laisser languir si miserablement.* De Sponde pense se moquer ; c'est tout ce que nous auons voulu , & y auons fait tout ce que nous auons peu : mais nous auons trouué que ce qu'il appelle froideur, estoit vne glace plus forte que le diamant. Nous ne l'auons peu eschauffer ; c'estoit vn serpent , & vn venin trop près de nous. En ce corps nous n'auons veu q̄ fureur & frenaisie : ce corps enrageoit contre nous , que nous ne prenions son mal ; & nous faisoit-on mourir ou damner comme luy en cela. L'eussions-nous fomenté de nostre union ? fait-il bon eschauffer vn pestiferé ou

guerir vn phrenetique, s'il n'est attaché? Tels estes vous. Nous vous auõs appellé pour participer à nostre bien; vous nous avez courus comme tigres. Vous nous avez assommé dans les eaux, quand nous auons inuoqué vn seul Dieu; vous nous avez ietté dans les feux. Et puis cestuy-cy dit, que nous vous auons laissé languir miserablemēt: languissez-vous pour nostre departement d'auec vous? recchez-nous, vous viurez. Mais que deuions-nous faire, que nous departir d'auec vous? *subir plustost la mort (disent ils) & estre couronné du triomphe du martyre?* Nous l'auons fait, car plusieurs d'entre nous ont passé par là, & par leur sang ont testifié de la verité de nostre croyance: & nous qui suruiuons, vous en testifions par l'Escripture sainte. Si nous auons fuy à vostre cruauté, trouuez-vous cela mauuais? Nostre Seigneur a dit, Si on vous persecute en vn lieu, fuyez en l'autre. Je voy bien, vous nous quittez le ciel, pourueu que vous ayez ce plaisir de voir nostre sang par terre: vous en estes insatiables, & ne voulez que le sang, que le feu, & que la mort enregne. Maudite Papauté! ta gueule, c'est l'enfer.

Il va apres au deuant d'une obiection laquelle il se forme, & à sa coustume y respond comme il veut. *On nous a chassé, dites-vous, mais si ceux que vous-mesmes avez chassé, vous oyoyent, vous ne seriez pas sans respoñse.* Je respon cōme dessus, qu'on nous a fait du pire qu'on

a peu, qu'on ne nous a pas chassé que cōme on chasse les pigeons de la fuye, quand on en veut prendre. *Q*'au contraire, on nous a appellez par de beaux edits iurez, irreuocables à iamais : mais pour nous faire venir & s'en saisir, & auoir le plaisir de nostre mort, ou de nostre reuolte, & de nous voir à la Messe comme eux ; ce que nous auons estimé pire que la mort.

*Nous auons*, dit-il, *chassé les autres*. Il se trompe, ou bien c'a donc esté pour leurs ligues & conspiratiōs, contre l'estat & la paix du païs. De dire qu'on nous ait chassé par raison, on ne peut : nous sommes nets d'auoir attenté à la vie, à l'estat, & à la personne du Prince, & nets quant à la doctrine. Nous vous montrons qu'elle est de Dieu ; contredisez si vous pouuez par raison, & laissez l'espec. Nous-mesmes nous sommes retirez, vous ne nous auez pas chassé. Vous nous conuiez pour venir à vous, & les plus execrables que nous chassons, & retranchons de nos Eglises, sont vos delices ; nō pas pour faire leur salut, mais pour estre vos compagnōs de la gehenne. Ie dy si vous tous ne vous repentez. Encore se plainct-il de nous, comme de gens sans charité en nostre reformation ; & pourtant il dit, *Qui est celuy qui ne voit que vos premiers mouuemens, n'ont esté que de tresmauuais outils de la charité* ? En quoy ? si c'est en ce que nous-nous sommes retirez de la Papauté, qu'auons-nous fait en cela contre la charité ?

leur doctrine porte , que la premiere charité commence à soy-mesme : ce que nous auons fait c'a esté pour nostre salut, & pour le leur mesme. Il dit , *que ce n'estoit pas assez de gratifier les vns, qu'il en falloit autant faire aux autres.* Que veut-il dire ( car il faut icy deuiner ) si ce n'est qu'il ne falloit pas faire de reformation, pour gratifier plus aux vns , à sçauoir à ceux de la religion , qu'aux autres ? Quoy donc ? *laisser tout en un corps & attendre qu'il se fit vne reformation par le Pape & son Clergé, & non se departir de l'Euesque de Rome ?* Le respon, qu'on ne deuoit pas plus attendre , que l'affaire requeroit celerité , & qu'on ne differast pas dauantage : car il en alloit du salut de l'Eglise, & de restaurer le vray seruice de Dieu. Mais qui eut-on attendu, le Pape ? on l'y attendroit encore : vne bonne reformation n'est pas ce que le Pape veut ( comme il l'a bien fait voir depuis. ) On n'a rien fait en nostre reformation, qu'on puisse reprouuer. Quel preiudice leur a-on fait, pour reformer l'Eglise ? Se plaignent-ils que nous ayons fait cela sans eux ? c'est leur faute , que ne se sont-ils ioincts à nous ? on les a appelez ; mais que n'en font-ils autant entr'eux ? Que s'il se plaint qu'on leur a osté les benefices, & qu'on les a donnez aux Euangeliques : le respon, que le iugement en a esté fait selon le droict, par ceux à qui appartenoit, sans attendre le Pape : qu'il n'y auoit que voir, & qu'on a trouué leurs prestres incapables. Rien ne leur a fait tort que leur

fausse doctrine, leur ignorance, leur malice, leur perfidie, leur inimitié contre nous, & le despit qu'ils auoyent de voir la reformation. Les eut-on baillé pour pasteurs aux Eglises? on leur a donné ceux qu'on a iugé capables & dignes de ceste charge, sans regarder s'ils estoyent prestres, ou autres. Il faudroit improuuer la reformation, on ne peut; si elle est de Dieu, elle est bonne. Or elle est de Dieu, & selon sa parole, elle est donc bonne; & partant il l'a falloir faire. Il veut dire que non, & qu'il falloir laisser les choses comme elles estoyent.

*Mais*, dit-il apres, *Vous sçauiez bien qu'un si grand mal n'eust pas esté souffert, à sçauoir de nous laisser avec eux.* Mais quel mal, que nous vous eussions gagné? nous ouurions le moyen de salut & pour nous & pour vous, & vous-vous estes reuirez contre nous; vous serez plus sages quand Dieu voudra. *Mais*, dit-il, *que c'eust esté un grand mal que nous fussions demeurez avec eux!* Pourquoy dit-il donc, que nous ne deuions pas nous en departir, & nous accuse de peu de charité, pour nous en estre retirez?

Il s'esbahist, *comment des personnes priuees que nous sommes* (au moins à ce qu'il dit) *nous ayons fait un scandale si public?* & dit-il, *de nostre teste, & que tout le monde ait beu de nostre calice.* Je vous demande, s'il est sage de demander cela; & s'il n'a pas perdu l'entendement, apres auoir beu en la coupe des abominations de la Circé de Rome, de ceste paillarde infame, que nous appellons la Papauté? Quel scanda-



le auons-nous fait ? la reformation ? Il faut voir premierement si elle est selon Dieu, comme il a esté dit. Quel homme est cecy ? Appelle-il ainsi ce que nous auons fait ? & (dit-il) *de nostre teste* ? Plusieurs Rois, Princes, Potétats, Euesques, Docteurs, Iuriconsultes & Magistrats ont fait cela ; & n'est pas l'œuvre de quelques testes priuees. Appelle-il les Rois, Princes, Ducs, & autres Magistrats testes priuees ? *Tout le monde*, dit-il, *a beu de nostre calice*. Ainsi fust. Nostre calice, est celuy de louanges & de salut, de louanges que nous donnons à vn seul Dieu, & vous beuuez en la coupe des abominations de la grande paillarde, vous vivez selon vos deuotions, contraires à la parole de Dieu.

Page 132.

Mais il veut dire, que nous ne pouuions faire ceste reformatiō de nostre teste. Et quoy ? Si le Pape y eust esté, elle eust esté bonne ? Mais s'il y eust esté, il s'y fust opposé, eust crié. Pour le Pape ne plus ne moins ; la parole de Dieu ne depend pas de luy : que si elle eust esté bonne faite par le Pape, elle est bonne faite sans luy, puis qu'elle est comme Dieu a ordonné par sa parole. Dieu n'a pas dit, que l'Eglise ne sera iamais reformee que par l'Euesque de Rome, & ainsi qu'il dira.

Outreplus, quel scandale pretend-il que nous ayons fait, & en quoy ? S'il y a du mal au monde, qui en est la cause ? ou nous qui voulons le bien, ou le monde qui le rebute, le fuit, & abhorre son propre salut ? Le suis venu met-

tre le feu en terre, disoit nostre Seigneur. A la naissance Herodes fut troublé, & Ierusalem avec luy. Helie auoit troublé Israël, au dire d'Achab. Nous auons remply le monde de maux, pour auoir reietté le Pape; & autrement il n'y auroit que ioye & paix; c'est leur dire. Ainsi disoit-on des premiers Chrestiens, qui auoyent reietté le Paganisme, C'est qu'ils estoient la cause de tous les maux d'alors. Et saint Augustin au liure de la cité de Dieu mōstre, que le monde auoit eu encore plus de maux auparauant, qu'il n'auoit eu depuis la predication de l'Euangile. Nous vous monstons aussi, qu'auant nostre reformation, il y a eu plus de maux qu'à present. On nous impute la ruïne du Royaume, & il y a trente ans que nous auōs gardé le Roy, le Royaume, & l'Estat, au dire des plus sages d'entr'eux. Le mal qui est au Royaume, ne procede pas de la Religio, mais de ceux qui s'y opposent. Qu'ainsi ne soit, qu'est-ce des Royaumes tous reformez, que toute paix & ioye? Mais les Royaumes où on resiste à la reformation, c'est l'enfer. De Sponde dit, *que la separation de l'Eglise: est faite de charité*, nous l'accordons. Mais nous ne nous sommes separez que de l'idolatrie de l'Eglise Romaine, comme a esté dit cy dessus: & n'auons en cela en rien forfait cōtre la charité. Au cōtraire, en ce faict, nous auōs fait suyuar la charité enuers nous, enuers vous, & enuers l'Eglise; & selon l'amour que nous deuons à la gloire de Dieu.

Après cela, il se contente d'auoir fait diuorce d'avec nous, encore que cela luy acquiere quelque mauuais bruit: & dit, que Dieu luy rendra selon son merite; & le met en cotte. Item, qu'il n'a iamais esté bien conioinct avec nous: ce que nous croyons, & croyons qu'il est fort d'entre nous, pource qu'il n'estoit pas des nostres. Au bout, s'il veut que nous ne trouuions pas estrange qu'il ait abiuré nostre Religion: aussi ne faisons-nous, au moins pas tant que ce qu'il dit, que Dieu luy rendra selon son merite. Ne se cognoist-il pas? quel merite pretend-il?

Il a encore vn poinct à dire, à sçauoir, qu'il en y a beaucoup entre nous, qui ne se défendent que de leurs prescheurs: & neantmoins sont contenances d'estre bien resolués en leur foy, de laquelle ils ne sçauroyent auoir rendu raison, que sous la foy d'autrui. A quel propos tout cela, sinon pour obuiuer que nous ne leur reprochions leur ignorance? & pourtant est cotté. C'est la responce qu'on fait volontiers (mais en vain) pource qu'on ne la pas voulu souffrir aux Catholiques. Et puis apres il dit, que c'est l'ignorance qu'on leur reproche, mais à tort: veu qu'elle est honorablement couuerte de la science de leurs Docteurs, & laquelle (dit-il) on peut iustement reprocher à ceux qui en font vn bouclier contre les autres: c'est à dire, que les nostres ne seront pas receuz, en disant qu'ils croient ce que le ministre croit; puis que nous-mêmes moquons d'eux, qui disent qu'ils croient ce que croit le Curé. Soit que ceste responce ne soit pas re-

Et  
ceux: de  
plus de ra  
ven respo  
n'y a que  
nostres n  
en qu'elle  
de ses  
pas si ho  
de nos L  
niers de  
nos enf  
rendent  
& Inqu  
soit ouy  
glises, si  
guera. E  
toit faul  
reprins,  
glises. N  
est la ve  
exprime  
Vous ne  
par men  
salut est  
nostre c  
costé du  
l'euous n  
prendre  
C'est  
piété de  
nant. O  
soit, les

ceue: de Sponde n'a encore rien dit qui ait plus de raison. Mais ie luy demande, qui a-il veu respondre ainsi? Nous confessons qu'il n'y a que trop d'ignorance aux nostres: & aux vostres non? *On la leur reproche à tort*, dit-il, *veu qu'elle est honorablement couuerte de la science de ses Docteurs.* Et celle des nostres, n'est pas si honorablement couuerte de la science de nos Docteurs? nous n'en auons pas volontiers de tels que vous? Osez-vous parler? nos enfans & les femmelettes de nos Eglises rendent confus vos Docteurs, & vos Prestres, & Inquisiteurs. Qu'un Docteur des vostres soit ouy par vn homme sans lettres de nos Eglises, si iugera-il de sa doctrine, & la redarguera. Et quand vn ministre mesme prescheroit fausse doctrine en nos Eglises, si sera-il repris, & reprouué par le peuple de nos Eglises. Nostre peuple sçait bien de quel costé est la verité, encore que tous ne se puissent exprimer, & respondre à tous vos sophismes. Vous ne sçauriez leur oster leur croyance que par menaces & infirmité: & sont resolu, q le salut est de Dieu & de l'Agneau: qu'il est de nostre costé & non du vostre, non plus que du costé du Turc, à cause de vostre idolatrie. Iedy si vous ne vous repentez de vos erreurs, pour prendre vn seul Iesus Christ pour Sauueur.

C'est maintenant qu'il nous faut voir l'impieté des Iesuites, & de Sponde leur patrocinant. *On a* (dit-il) *voulu auoir la Bible en François, les Pseaumes en rithme chanter à plain gosier,*

prier Dieu en François: Mais ie n'ay point remarqué, dit-il, que le peuple en soit deuenu plus sçauant si ce n'est comme on apprend vne espeece de iargon à force de coustume. Est-il vray de Sponde? L'Escripture saincte leuë & ouïe avec reuerence en langage entendu, est-ce vn iargon? Elle ne t'a iamais esmeu. Tu as eu le cœur trop dur. Se cōsoler en oyāt la parole de Dieu, s'y instruire, y mediter les bōtez de Dieu, y baigner son ame comme dans les fleuues de paradis (par maniere de dire) y boire comme dans les fontaines viues des eaux, s'y viuifier; & à sa lecture treimper sa face en larmes de ioye, est-ce vne espeece de iargon? Cela se fait ainsi en nos Eglises deuant les milliers de personnes, où telle fois on lira vn ou deux Prophetes, ou tout vn Euangeliste. De Sponde l'a veu ainsi; mais volontiers que lors il batissoit des chasteaux en Espagne.

Au reste, trouue-il mauuais qu'on ait mis la Bible en François? On a bien mis l'ancien Testament en Grec, le Grec en Latin: la Bible, n'est-ce pas la parole de Dieu, le Testament du Pere? N'appartient-elle pas à tous les enfans de Dieu? Que veut-il, qu'elle ne soit leuë qu'en Latin? pourquoy donc ont escrit les Prophetes en Hebreu, & les Apostres en Grec? Il veut que les Prestres seuls en ayent la cognoissance, qu'elle nous soit cachee, & ils nous en diront ce qu'ils voudront, & s'ils veulent nous ereueront les yeux en pleine lumiere; nous feront accroire ce qu'il leur plaira.

L'Escripture

L'Eſcriture ſaincte leur fait mal en François; parce qu'on voit à deſcouuert les abuz de l'Egliſe Romaine. Ils ſont ennemis du ſalut du genre humain. Dieu veut qu'on parle en ſon Eglise langage intelligible 1. Corinth. 14. Si vous eſtes Eglise de Dieu, commēt faites-vous autrement? qu'entend-on en voſtre Meſſe? Comment dira le peuple Amen à ta benediſtion, ſ'il ne l'a entēdue, dit l'Apoſtre? Dieu veut que ſa parole ſoit ouie, & entendue en ſon Eglise avec edification: & de Sponde ſe moque de cela; il eſt donc vn moqueur de Dieu. *On a voulu*, dit il, *auoir les Pſeaumes en rithme, chanter à plein goſier, & prier Dieu en François.* Eſt-ce mal fait de chanter les Pſeaumes? ils ſont faits pour cela; l'Eglise Hebraïque les a chantez en Hebreu. Liſez ce qu'en dit S. Hieroſime; que ſert-il de les chanter, ſi on ne les entend? quelle conſolation, quel fruit, & quelle edification? C'eſt bien vn iargon cela: c'eſt comme vous en faites, & vous moquez de Dieu & du peuple. Vous demandez, ſi nous penſons que Dieu n'entende pas le Latin? Nous ſçauons bien qu'ouy: mais nous diſons, que le peuple, ne les preſtres, pour la plus part, ne l'entend pas. On l'interprete au peuple, dites-vous; cela eſt faux: on n'y interprete ny Meſſe ny Matines; les Veſpres encore moins. Mais en tout parlez François, & vous n'aurez que faire d'interpreter, & aurez pluſtoſt fait, & le peuple ſera plus edifié. Nous prions Dieu en François; Nous

ſçauons bien que Dieu l'entend, & ne l'aime moins que le Latin, & nous l'entendons mieux. Toute langue confeſſe le Seigneur.

Il dit, *que nous n'en ſommes ny plus ſçauans, ny plus gens de bien.* Cela eſt faux : mais que vous ont fait les Pſeumes, que vous les haïſſez tant ? Il y a commandement de Dieu à tous, de les chanter.

Ephel. 5.

Page 133.

*De Sponde n'a pas encore remarqué (dit-il) que le peuple ſoit venu plus ſçauant, pour auoir l'Eſcriture ſaincte en François. C'eſt mêtir à plaiſir. Le peuple eſt venu plus ſçauant, & plus que vous ne voudriez. Quand il eſt queſtion, dit-il, de approfondir une diſpute, nous n'auons que du ſilence. Quelle impudèce ! Où a-il diſputé cõtre nous depuis ſa reuolte, qu'il ne ſe ſoit rendu ridicule, ſoit à la maiſon de Madame, où il a eſté contrainct de confeſſer, qu'il n'entendoit pas le poinct dont on diſputoit, ſoit en broiage, ſoit ailleurs ? Il ſe pourra bien adreſſer à tel, avec tels ſophiſmes, ſi on ne les ramene à vn certain poinct de l'Eſcriture ſaincte, qu'il pourroit bien troubler l'eſprit de quelqu'vn. Les diſciples de noſtre Seigneur, ne pouoyent pas reſpondre de tout, aux Scribes & Pharifiens.*

Ce qu'il dit de S. Hieroſime eſt vray, que les ſainctes Eſcritures ne conſiſtent pas à les lire, ains à les entendre : mais comment les entendrons-nous, ſi nous ne les auons chacun en ſa langue naturelle ? Il veut qu'on s'en rapporte à ſaincte mere Eglife. Et qui eſt-elle, le

E  
Page: 2  
ne nous  
mpeu  
Clerg  
tre la v  
rappon  
nous c  
nous s  
que n  
Nous  
ſainc  
le à co  
ſçauo  
ne s'en  
cun la  
langu  
vn aut  
ſoſſe :  
rance.  
tures  
coutes  
Il c  
tieux,  
ſois. le  
Latin  
qu'il in  
troire  
inten  
qui a c  
re d c  
parce  
ſon in



Pape ? mais il ne parle pas à nous. L'Euesque ne nous dit rien, le Curé ny entend rien ; c'est vn peuple d'ignorance , que la plus part du Clergé. Si quelques vns preschent, c'est contre la verité , nous le voyons. Nous-nous en rapportons donc à l'Escripture sainte , que nous croyons. Que voulez-vous donc que nous fassions ? que nous ne croyons rien , ou que nous croyons à credit , comme bestes ? Nous disons donc que puis que l'Escripture sainte est la parole de Dieu, que là Dieu parle à tous , que tous la doyuent entendre, pour sçauoir chacū ce qui est de son salut ; que nul ne s'en doit fier en vn autre : partant que chacun la doit auoir , lire , ou ouïr en sa propre langue : qu'autrement , Si vn aueugle meime vn autre aueugle , tous deux tombent en la fosse : Et que l'ignorant perira en son ignorance. Partant nous concluons, que les Escriptures saintes , doyuent estre traduites en toutes langues.

Il dit aussi, *que nous ne sommes pas plus deuotieux pour auoir les saintes Escriptures en François.* le respō, que plus qu'à ne les auoir qu'en Latin , ou la pluspart n'entendent rien. Mais qu'il iuge de cela en luy-mesme , & nous le croirons : il y a plusieurs milliers d'ames qui sentent le cōtraire. Veut-il desmentir S. Paul, qui a dit qu'on sera sans deuotion , si on n'entend ce qu'on dit ? comme, *Que nul ne se preparera à la bataille , si la trompette baille vn son incertain.* 1. Cor. 14.

Il demande apres, *quel profit il y a donc de ce remuement, puis que nous n'en sommes ny plus sçauans, ny plus deuotieux, ny plus gens de bien?* Il se trompe, comme a esté dit, autrement Dieu auroit ordonné le ministère & predication de sa parole en vain. Ce profit reuient de nostre reformation, que là où estoient les bordaux, ils y sont interdits; là où le peché reugnoit, il est reprimé; là où il n'y auoit pas de crainte de Dieu, on sçait ses commâdemens; là où estoit l'ignorance, Dieu est cognu pour Pere; où Iesus Christ n'estoit cognu ny appréhendé que pour iuge sans mercy, il est reconnu pour Redempteur & pour Aduocat; où estoit la superstition, là est la vraye Religion; où il n'y auoit que frayeur, desespoir, & defiance, on voit Iesus Christ pour la propitiation & satisfaction de nos pechez au iugement de Dieu, & par luy la porte du ciel ouuerte.

Cependant il dit, *que nous ne disons pas que nous soyons plus sauuez que les autres. Car* (dit-il) *ie n'ay encore peu faire confesser à aucun d'eux, que tous ceux qui sont hors leur Eglise soyent damnez.* Il respon, que nous sommes certains de nostre salut, & du vostre incertains. Comment, dit-il, *que nous ne nous tenons pas plus sauuez qu'eux*: veu que nous-nous separons d'eux, de peur de la damnatiō, dont Dieu menace les idolatres? Nous ne disons pas voirement que vous soyez tous damnez; car que sçauons-nous si Dieu donnera repentance

à quel  
dions  
repent  
à la M  
a poin  
Dieu  
le Roy  
Ces  
qui es  
sauue  
ceux  
seul l  
qui fu  
Turcs  
l'Eglis  
De  
de salu  
tions m  
pource  
dit-il,  
uelle,  
Mais  
ce qu  
somm  
vniō  
C'est  
deuan  
n'est p  
hors d  
seroit  
sçait  
celle

à quelques vns? mais nous l'esperons. Nous disons bien assurément, que si vous ne vous repentez de l'idolatrie, que vous commettez à la Messe & en vos folles deuotions, qu'il n'y a point de salut pour vous. C'est la parole de Dieu 1. Cor. 6. Les idolatres n'heriteront pas le Royaume des cieux.

*C'est vn poinct resolu, dit-il, de la foy, que tout ce qui est hors de l'Eglise catholique, ne peut estre sauue. Cela est vray, mais il y a salut pour tous ceux qui par foy & repentance acceptent vn seul Iesus Christ pour Sauueur. Tous ceux qui font cela, & fussent-ils en Turquie, & Turcs de nation, sont receus par ceste foy en l'Eglise catholique, & sont sauuez.*

De Sponde veut debattre, qu'il n'y a point de salut pour nous, pas mesmes quand nous baille-  
rions nos corps pour estre bruslez. Pourquoy?  
pource que nous sommes sans charité, de laquelle,  
dit-il, S. Paul fait si grand estat, qu'il dit que sans  
icelle, la foy & l'esperance ne sont rien du tout.  
Mais en quoy sommes-nous sans charité? En  
ce que nous sommes schismatiques, que nous  
sommes separez de l'Eglise, auons rompu son  
vnion, & auons desmembré ce corps (dira-il)  
C'est ce qu'il veut dire: & pourtant il a dit cy  
deuant, que tout ce qui est en l'Eglise catholique,  
n'est pas precisement sauue, mais au moins que  
hors d'icelle nul ne le peut estre. Cest hōme nous  
feroit peur, si nous ne sçauions bien qu'il ne  
sçait qu'il dit. Il dit que tout ce qui est dans  
ceste Eglise catholique, n'est pas sauue. Nous

Serm. 78.

ne disons pas aussi, que les hypocrites & reprouuez (qui sont meslez parmi le corps de l'Eglise) soyent sauuez. Mais nous disons, que tous ceux qui sont ceste sainte Eglise vniuerselle, & la communion des saints, que S. Bernard appelle les esleuz, sont précisément sauuez : car ce sont ceux qui sont ordonnez à salut, & escripts au liure de vie. C'est la vraye Eglise de Dieu, le corps mystique de nostre Seigneur, où il vit & habite par son Esprit: ceux qu'il sanctifie, laue de toute iniquité, & iustifie de tout peché, en le leur pardonnant, & leur imputant la iustice de son Christ. Il criera, q̄ ie fay l'Eglise inuisible. Ie dy qu'elle est composee d'hommes qui sont visibles; mais qu'au vray, ie dy au vray, vn seul Dieu cognoist ceux qui sont siens; partât, Quiconque inuoque Dieu, se recule arriere de toute iniquité, dit saint Paul. Tous ceux qui me diront Seigneur, Seigneur, n'entreront pas au Royaume des cieus, dit nostre Seigneur.

*Nous sommes, dit-il, sans charité, pour ce que nous-nous sommes retirez de l'Eglise Romaine; & estans sans charité, nous sommes sans salut.* Il constitue la charité à baiser des marmousets, à courir apres le bois & la pierre, à reuerer le Pape & sa pantoufle, à nourrir son Clergé, à constituer nostre salut en la Messe d'un prestre. Nous ne trouuons point en cela de charité, c'est inimitié de Dieu, prouoquer son ire; le salut n'est pas là : au contraire, c'est la mort, l'enfer, & la damnation. Nous ne som-

mes pas  
nous ell  
comple  
nous en  
charité  
Dieu,  
chain.

Qu  
parle  
hardir  
nous  
sont r  
que la  
iamais  
le : la f  
rité vo  
foy de  
gues, d  
pheties  
l'Eglise  
la scien  
fie, S.  
elle a  
speran  
tant S  
pour l  
de la  
nostre  
me pe  
voir q  
que fi  
qu'ell

mes pas donc sans charité, ny sans salut pour nous estre separez du mal, de l'erreur, & du complot cōtre Dieu. Mais en cela que nous nous en sommes separez, nous auons la vraye charité & le salut : car nous auons fait selon Dieu, & pour nostre salut, & de nostre prochain.

Quant au passage de S. Paul, l'Apostre ne parle pas comme de Sponde, & ne dit pas si hardiment que luy, que la foy iustificante dont nous parlons, & l'esperance sans la charité ne sont rien. Ce seroit parler improprement; veu que la foy iustificante, & l'esperance ne sont iamais sans la charité en l'ame du vray fidele : la foy iustificante, & l'esperance & la charité vont ensemble. Sainct Paul parle de la foy de faire les miracles, des dons des langues, de cognoissance, & de reuelation & propheties, qui estoient lors dons temporels en l'Eglise. Aucuns s'en glorifioient (comme la science enfle) mais comme la charité edifie, S. Paul prefere la charité à tout cela. Car elle a avec foy la foy iustificante, & la vraye esperance; & y a salut où est la charité. Pourtant S. Iean dit, Que la charité nous assure pour le dernier iour. C'est vn tesmoignage de la remission de nos pechez, comme dit nostre Seigneur Luc 7. Qu'à ce que la femme pecheresse aimoit beaucoup, se pouuoit voir que beaucoup luy estoit pardonné. Et que si elle auoit esté grandement pecheresse, qu'elle auoit trouué vn grand & vn vray par-

don. Et au 25. de S. Matthieu nostre Seigneur monstre, à quoy icy nous pouuons cognoistre, que nous serons sauuez au dernier iour, à sçauoir si nous auons charité. La charité est vn embrasement du S. Esprit en nos cœurs. Le S. Esprit n'est donné qu'aux enfans de Dieu; c'est l'Esprit d'adoption, le seau de nostre adoption, & l'arre de nostre heritage. A la charité nous voyons que l'Esprit de Dieu habite en nous. A la charité donc nous cognoissons, que nous sommes enfans de Dieu, & qu'il y a salut pour nous. Pourtant S. Paul prefere la charité aux dons tēporels, qui lors estoient en l'Eglise: mais là il ne l'oppose pas à la foy iustificante, ny à la vraye esperance; car l'vne n'est iamais sans l'autre. S. Paul dit bien, que la charité est plus grande que la foy & que l'esperance: non pas que la charité iustifie; ains c'est la foy, entant qu'elle apprehende le salut. Car nostre Seigneur nous est offert, & le salut en luy, à condition que nous le receuions par foy en croyant en luy; à sçauoir en croyant que comme nos pechez luy ont esté imputez, & il en a enduré la mort, & les peines & angouilles de l'enfer: qu'ainsi sa iustice nous est imputee, & que nous en auôs la vie, le salut, & la gloire eternelle. Et pourtant il est dit; Qui ne croira, sera condamné. Item, Qui croit en moy, est desia passé de la mort à la vie. La charité n'est pas la cause de nostre salut, mais l'effect d'iceluy, comme a esté dit. Et ce que la charité est plus grande

que la foy  
demeure  
for que  
avons c  
que fait  
né den  
espera  
charité  
lent qu  
noncer  
contre  
pour g  
ure en  
parlé es  
à la Me  
sçauon  
vous g  
ce char  
tre Die  
re la vi  
salut &  
perfe  
paix d  
l'Ante  
muero  
l'accor  
charité  
trec e  
Dieu, e  
charité  
ancan  
ait pre

que la foy & l'esperance, c'est parce qu'elle demeure à iamais; & la foy & l'esperance ne sont que pour ceste vie. Car apres que nous aurons obtenu la vie eternelle, nous n'aurons que faire de foy, ny d'esperance; mais la charité demeurera, & parce aussi que la foy & l'esperance, ont leur accomplissement en la charité. Mais ie demande, si les Iesuites pensent que l'Apostre ait voulu dire, qu'il faut renoncer la vraye Religion, supprimer la foy, & contredire à la verité: adherer à l'idolatrie pour gratifier aux ennemis de la verité, & vivre en paix avec eux, est-ce la charité dont parlé est en ce lieu-là? Si donc nous assistions à la Messe, & à vos autres deuotiōs (que nous sçauons & croyons estre contre Dieu) pour vous gratifier, & auoir paix avec vous, seroit-ce charité? y a-il de charité en ce qui est contre Dieu, contre sa loy, contre sa gloire, contre la vraye confession de foy, contre nostre salut & du prochain? Seroit-ce là le lien de perfection (comme l'appelle de Sponde) & la paix de Christ? ce seroit bien la paix avec l'Antechrist. Il seroit content, les siens ne remuneroyent plus; tout cela seroit à son aise, & l'accord seroit fait. C'est la paix, l'amour & la charité que de Sponde veut que nous ayons avec eux. Mais ce seroit auoir la guerre à Dieu, encourir son ire, & seroit cōtre la vraye charité. Ce seroit vn cōplot contre Dieu pour aneantir sa verité. Qui croira que saint Paul ait preferé la charité à la foy, pour dire que



nous deuons plus aimer nos ennemis, auoir paix avec eux, que non pas nous retirer de leur faulſſe religion, de peur de les irriter? Mais l'Apoſtre a preferé la charité, à la foy des miracles, & autres dons temporels: parce qu'aucuns s'en glorifioyēt par deſſus leur freres, & contre la charité; qui eſt le but & l'accompliſſement de toute la Loy. Car la Loy eſt toute charité, & la charité eſt le lien de perfection, Coloſſiens 3. 14.

Page 134. Apres de Sponde fait vne conſclusion, à ſçauoir, *que nul n'a la charité qui n'eſt vny en l'Egliſe; que nul n'eſt vny en l'Egliſe, qui ne l'eſt viſiblement quand il peut, & d'eſprit pour le moins, quand la diſtance des lieux luy en empeſche la venue. Item, que nul ne peut eſtre viſiblement vny à l'Egliſe, qui ne la cognoiſt; que nul ne la cognoiſt que par ſes vrayes marques.* Mais à quel propos tout cecy? Nous luy accorderons tout cela, que fera-il apres? Conclura-il de là, que l'Egliſe Romaine eſt ſeule l'Egliſe de Dieu? qu'il n'y a Egliſe que ceſte-là? que pour eſtre ſauué; il ſ'y faut adiondre? Comment donc, les Egliſes d'Asie n'ont-elles reconnu l'Egliſe Romaine? Et comment, ſi cela eſtoit ſi neceſſaire, que ſans cela il n'y a point de ſalut, noſtre Seigneur n'en a-il rien eſcrit aux Egliſes d'Asie? Apocal. 2. & 3.

*Nul, dit-il, ne peut eſtre viſiblement vny à l'Egliſe, qui ne la cognoiſt. Cela eſt vray: Or nul ne la cognoiſt que par ſes vrayes marques; Cela eſt auſſi vray. Ces marques, dit-il, ſont l'antiqui-*

*ie: & c'est, dit-il, la plus signalee; & apres, la succession, & le consentement vniuersel.* Je respon, que nous n'excluons pas ces marques, mais ie dy qu'il en y a d'autres; à sçauoir, celles de la doctrine & des Sacremens, qui sont les vrayes marques, par lesquelles l'Eglise est cognue de ceux qui s'y adioignent. L'antiquité, la succession, & le consentement, n'est rien sans la doctrine. C'est la doctrine qui fait l'Eglise, & la fait recognoistre, rechercher, desirer, & s'y adioindre. L'antiquité, la succession, & le consentement, se trouueront en l'idolatrie d'un Iupiter & de ses prestres. Ne trouuez-vous pas là l'antiquité, succession, & consentement du monde, & de tousiours, pour le moins qui a trois fois plus duré que vostre Papauté, & en trois fois plus de pais; voire en tout le mode? Mais ces trois marques sont en l'idolatrie de la Chine, & d'ailleurs.

Ce sont les mots de saint Augustin, dira quelqu'un, qui baille l'antiquité, la succession, & le consentement vniuersel & cōtinuel pour marques de l'Eglise. Je respon, que lors cela estoit bon à dire: car lors l'Eglise regardoit au temps des Apostres, comme à l'antiquité; & aussi la doctrine auoit esté conseruee par leurs successeurs, & toutes les Eglises y consentoyent; ce qui n'est pas à present de mesmes en l'Eglise Romaine. Dauantage ie dy aussi, que saint Augustin ne se fie pas en ces marques-là, & qu'il en donne bien de plus seures apres, à sçauoir la verité, & la doctrine

Aug. contra  
Eplā  
fundament.

Chap. 3.  
contrel'e-  
pist. du fô-  
dement.

de l'Escripture sainte, avec laquelle les autres marques sont valables, autrement non. Mais la verité (tesmoin saint Augustin) est valable sans icelles. Monstrez-nous, disoit-il aux Manicheens, que l'antiquité soit de vostre costé, quelle succession auez-vous? Où est ce consentement vniuersel? vous n'avez pas cela. Et bien, monstrez-nous la verité, & que la parole de Dieu est de vostre costé. C'est le sens des mots de saint Augustin, vous n'y pouuez contredire; & en cela S. Augustin monstre, que la verité est plus seure marque de l'Eglise, que ny l'antiquité, ny la succession, ny le consentement vniuersel. Mais quand on vous auroit accordé, que l'antiquité, & la succession, sont les marques de l'Eglise, avec le consentement vniuersel, que vous seruiroit cela? Car de tout cela vous n'avez rien pour vous, & nous l'auons tout pour nous. Pour l'antiquité elle est de nostre costé, car nous auons l'Euangile eternal. Ceste parole, La semence de la femme brisera la teste du serpent; est nostre fondement, & nostre confession de foy; c'est que le salut est de Dieu & de l'Agneau. Iesus Christ est l'Apostre de nostre confession, & le Pape de la vostre; qui est le plus ancien? Vostre doctrine n'est pas celle de l'Euangile, elle est venue depuis; vous n'avez pas donc l'antiquité.

Quant à la succession, elle gist en la doctrine, non aux personnes. Et vous n'avez que des personnes, ou des masques sans la doctrine

17  
de la paro  
mons la  
l'Ecritur  
l'est na  
ait este  
ait diffi  
role de  
es don  
ousiour  
Apostre  
chant t  
Iesus C  
enteme  
ours el  
vostre c  
tion, ny  
en auo  
e, & n  
Dieu.  
est vne  
lire co  
lut, yn  
Je c  
fonder  
iquité  
n'est p  
vostre  
demen  
antiqu  
par de  
To  
Dieu.

de la parole de Dieu. Vous la refusez, & nous auons la doctrine, en tout & par tout selon l'Escripture saincte. Et quant au cōsentement, il n'est pas deuers vous : car le consentement doit estre en la parole de Dieu, autrement c'est dissentir. Or vous ne consentez pas à la parole de Dieu, ains y dissentez : vous n'avez pas donc le consentement vniuersel ny de tousiours ; car vous dissentez de la foy des Apostres & des anciens Docteurs, en cherchant salut par autre moyen que par vn seul Iesus Christ : vous n'avez pas donc le consentement de tous les fideles, & lequel a tousiours esté en l'Eglise. Cela n'est pas donc de vostre costé, & n'avez ny antiquité, ny succession, ny consentement vniuersel, ny ne pouuez en auoir ; veu que vostre doctrine est nouuelle, & n'a aucun fondement en la parole de Dieu. Vostre succession, sans ceste doctrine, est vne imposture & vn vray masque : & vostre consentement contre la doctrine de salut, vn complot contre Dieu.

Je dy donc, que tout ce qui n'a point de fondement en la parole de Dieu, qui est l'antiquité, & la parole de l'ancien des temps ; n'est pas l'antiquité, ny n'est de l'antiquité. Or vostre doctrine de la Papauté n'a pas de fondement en la parole de Dieu, qui est la vraye antiquité : vostre doctrine de la Papauté n'est par donc l'antiquité, ny de l'antiquité.

Tout ce qui a fondement en la parole de Dieu, l'ancien des temps, est la vraye antiquité.

té & l'ancienneté. Or nostre doctrine a fondement en la parole de Dieu, l'ancien des temps: nostre doctrine est donc l'ancienneté.

3. Pour la succession, ceux qui se disent succeder aux Apostres, sans auoir leur doctrine, & ont vne doctrine contraire à la leur, ne sont pas vrais, ains faux successeurs des Apostres. Or vous vous dites succeder aux Apostres, & n'avez pas leur doctrine, mais vne contraire à la leur, & à l'Euangile; vous estes donc faux successeurs des Apostres, & abuseurs.

4. Ceux qui annoncent en l'Eglise avec legitime vocation la doctrine des Apostres, sont leurs vrais successeurs. Nous faisons cela; nous sommes donc leurs vrais successeurs.

5. Pour le consentement, ceux qui consentent à la parole de Dieu, & aux articles de la foy, ont consentement avec tous les fideles de tout l'vniuers, & ont le consentement qui a esté de tousiours entre les vrais fideles. Or nous consentons à la parole de Dieu, & aux articles de la foy: nous auons donc le consentement vniuersel, & qui a tousiours esté entre les vrais fideles.

6. Ceux qui dissident de la parole de Dieu, n'ont pas le consentement vniuersel de tous les fideles, & de tousiours. Or vous en l'Eglise Romaine, dissentez de la parole de Dieu; vous n'avez pas d'oc en l'Eglise Romaine le cōsentement cōtinuel & vniuersel de tous les fideles. Vous direz, que de tout temps on a creu, ce que vous croyez en l'Eglise Romaine.

Il conſte du contraire, & du temps que cela a eſté introduict, & par qui, en l'Egliſe Romaine; l'enten touſiours en ce que vous errez.

De Sponde adiouſte apres, *qu'en ces trois marques, conſiſte viſiblemēt la promeſſe que Dieu a fait a l'Egliſe, de ne l'abandonner iamais.* Je reſpon, que i'ay monſtré le contraire; à ſçauoir que l'Egliſe Romaine n'a ny l'antiquité ny la ſucceſſion, ny le conſentement vniuerſel : Et partant conſte, que Dieu n'a iamais promis à l'Egliſe Romaine particulièrement, de ne l'abandonner point en cela. Car elle y a eſté abandonnee (encore que ce ne ſoit de tout en tout; veu qu'elle eſt encorē en l'alliance de ſalut, & peut eſtre ſauuee ſi elle ſe repent, & quitte ſes idoles.) Et dy d'auantage, que l'Egliſe Romaine n'eſt point diſtinguee des autres par ces marques-là, qu'elles luy manquent, & que Dieu ne veut pas que nous viuions là, ſinon qu'il vueille que nous ſoyons idolatres. Ce que non.


*Fin de la ſeconde partie.*



CC

D  
de  
tie

T



feffio  
Dieu  
point  
role c  
leyn

Au  
strine  
lenov  
du se  
nous





LA

## CONFVTATION

DES DECLARATIONS

de M. Iean de Sponde, & des Argu-  
ties de Robert Belarmini Iesuite.

## TROISIESME PARTIE.



Ostre confession de foy Page 136.  
137. 138.  
nous iustifie assez, de l'he-  
resie qu'on nous impose:

veu qu'il n'y a eu aucune  
heresie que nous ne con-  
damnions, & ny en peut  
auoir que nous ne reiet-  
tions par nostredicte con-  
fession. Ceux qui croient selon la parole de  
Dieu, & ne croient que suyuant icelle, ne sont  
point heretiques. Or nous croyõs selon la pa-  
role de Dieu, & ne croyons que suyuant icel-  
le; nous ne sommes point donc heretiques.

Aussi la difference qu'il y a de nostre do-  
ctrine à celle de l'Eglise Romaine, de laquel-  
le nous-nous sommes departis, nous iustifie  
du schisme qu'on nous met sus. Car nous ne  
nous en sommes pas retirez pour leurm au-

uaise vie , mais pour leur fausse doctrine, croyance & idolatries. Pour se separer des abuz & idolatries d'une Eglise, on n'est point schismatique, ny separé de l'Eglise Catholique. Or nous ne nous sommes separez que des abuz & idoles de l'Eglise Romaine : nous ne sommes point donc schismatiques, ne separez de l'Eglise Catholique.

Quant à l'vnité, dont parle icy de Sponde, nous disons qu'elle est de nostre costé, & non du costé de l'Eglise Romaine. Nous sommes tous vnis en vn seul Dieu, en vn seul Christ, & par vn seul Esprit, en vne foy & doctrine; veu que nous croyõs tous d'un accord selon la parole de Dieu, Que le salut est de Dieu & de l'Agneau. Ceux-là ne sont point schismatiques, qui ne se separent point de la foy, & vnité de l'Eglise Catholique. Or nous ne nous separons point de la foy, ny de l'vnité de l'Eglise Catholique; nous ne sommes point donc schismatiques.

C'est au contraire de l'Eglise Romaine: car on y croit le salut, la reconciliation avec Dieu, & la satisfaction pour nos pechez, autrement que par vn seul Iesus Christ; à sçauoir par œuures, ceremonies, deuotions, & idolatries, ce qui est cõtre la parole de Dieu : vous n'avez point donc vn mesme sentiment & consentemēt, & n'estes point vnis en vn mesme esprit. Il n'y a point ny d'vnité de foy, ny d'vnité d'esprit, en ceux qui ne croient le salut selon la parole de Dieu, & par vn seul Me-

diateur.  
pas le fa  
leul Me  
foy, n  
Cela lo  
nit de S  
re part  
Pou  
declar  
comm  
doit fa  
seuré  
qu'il se  
pas (car  
dra po  
foible  
n'est p  
qu'il n  
pense c  
que ce  
glise R  
idola  
fausse  
ceste  
belle &  
impur  
n l'Eg  
me, la  
vne fee  
Papau  
me la  
dric

diateur. Or en l'Eglise Romaine, on ne croit pas le salut selon la parole de Dieu, & par vn seul Mediateur; il n'y a point donc d'vnité de foy, ny d'vnité d'esprit en l'Eglise Romaine. Cela soit dit pour responce à la Preface que fait de Sponde, auant qu'entrer en ceste tierce partie de ses declarations.

Pour mieux commencer son inuectiue & Page 137.  
 declamation, de Sponde s'inscrit du beau commencement en faux contre Calvin, & doit faire rage d'arguer contre luy; se fait assure d'emporter la victoire: non pource qu'il scait bien que Calvin ne luy repliquera pas(car il n'ignore pas que quelqu'un respondra pour luy)mais pource qu'il le trouue fort foible, & sur tout en ce qu'il dit que le Papat n'est pas l'Eglise. Je luy respon pour Calvin, qu'il ne scait pas que nous appellōs Papat; il pense que ce soyēt les hōmes: & nous disons que ce sont les erreurs, l'heresie qui est en l'Eglise Romaine, les folles deuotions, les abuz, l'idolatrie, la tyrannie, le fast, la pompe, & la fausse doctrine, que les Papes ont amenee en ceste Eglise Romaine, qui a esté autresfois & belle & pure; mais maintenant corrompue, & impure. Nous disons, que quand ce Papat sera l'Eglise, la peste en vn homme sera l'homme, la ladrerie d'un ladre sera l'homme, & en vne femme l'adultere sera la femme: car la Papauté s'est mise en l'Eglise Romaine, comme la peste en vn homme. Et comme la ladrerie fait d'un homme sain vn homme-la-

dre ; ainsi la Papauté a fait l'Eglise Romaine de saine malade. Et comme l'adultere fait la femme impure sale & desloyale : ainsi l'idolatrie du Papat de l'Eglise Romaine, l'a fait impure & idolatre. Nous distinguons ce qui corrompt l'Eglise, d'auec ce qui est l'Eglise ; c'est à dire, d'auec les hommes, qui sont & font l'Eglise : car elle est des hommes fideles. Ostez vostre Papat, & ce qui en depend, & vous & nous ne serons qu'une mesme Eglise ; car nous n'aurons qu'une mesme confession de foy. Lors l'Eglise de Rome, & l'Eglise de Geneue, se rencontreront en vnitè de foy, & pour estre chacune membre pur de l'Eglise sainte vniuerselle, ou Catholique, que vous dites, où est la communion des Saints. Ce qui corrompt l'Eglise n'est pas l'Eglise : or le Papat corrompt l'Eglise ; le Papat n'est point donc l'Eglise.

Il se plaint que si Calvin a dit, *que le Papat n'est point l'Eglise, qu'il ne dit pas laquelle c'est.* Que veut-il ? sçauoir si c'est l'Eglise de Geneue, ou celle de Rome qui est l'Eglise ? Toutes deux sont Eglise, membres de l'Eglise Catholique : mais l'Eglise Romaine impure & idolatre, & l'Eglise de Geneue plus pure & reformee par la parole de Dieu. Je dy donc que ceux sont en l'Eglise Catholique, sont vrais membres d'icelle, & sont Eglise de Dieu, qui croient, & confessent que le salut est de Dieu & de l'Agneau ; c'est à dire, par la misericorde d'un seul Dieu, & par la seule grace du Media-

teur. C  
salut ;  
l'Eglise  
bres d'  
qui est  
croient  
estre d  
reuler  
tions  
mand  
en fai  
preter  
persi  
maine  
Il se  
qu'il n  
respo  
uant,  
ue, on  
là qu'  
luy fa  
c'esto  
le vra  
Quel  
voul  
pat, &  
Spon  
iugen  
se par  
pure  
re. C  
pure

teur. Or nous en nos Eglises, croyons ainsi le salut ; Nous donc en nos Eglises, sommes en l'Eglise Catholique, nos Eglises vrais membres d'icelle, & Eglises de Dieu. Item, Ceux qui estans en l'alliance & Eglise de Dieu, ne croient toutesfois le salut, & ne le confessent estre de Dieu & de l'Agneau seulement : ains veulent estre sauuez par leurs œuures, deuotions, & autres moyens que Dieu n'a commandé, errent & sont Eglise impure. Or vous en faites ainsi en l'Eglise Romaine ; car vous pretendez salut par la Messe, & vos autres superstitions : vous errez donc en l'Eglise Romaine, & estes Eglise impure.

Il se plaint *que Calvin le laisse irresolu, pour ce qu'il ne dit pas à quelle Eglise il se faut ranger.* Page 138. Je respon, que de Sponde a dit vn peu auparavant, que puis qu'il estoit Ministre de Geneue, on peut bien par là veoir, que c'est à ceste-là qu'il entendoit qu'il se falloit ranger. Que luy faut-il donc ? que Calvin deuoit dire que c'estoit à Geneue, que c'estoit luy, qui estoit le vray Docteur de l'Eglise, & non le Pape. Quel besoin estoit-il de dire cela ? Il n'a pas voulu (nō plus que M. Luther) enuahir le Papat, & se seoir au siege du Pape, quoy que de Sponde le leur impose. Il a laissé à chacun le iugement de sa doctrine, & a monstré l'Eglise par ses vrayes marques, pour la cognoistre pure, & la discerner d'auec la fausse & idolatre. Calvin a mōstré que là où la doctrine est pure, selō la parole de Dieu, & les Sacremens

purement administrez, là est l'Eglise, & pure. Leue maintenant les yeux, regarde où c'est qu'il y a des Eglises; regarde-les toutes: regarde laquelle est la plus pure, & en iuge toy-mesme par la parole de Dieu. Là où vn seul Dieu est inuoque, là où est vn seul Christ pour Mediateur, & le salut annoncé par le seul merite de sa mort & passion, là il y a Eglise de Dieu, soit à Geneue, soit à Rome, soit ailleurs.

Il nous impose que nous disons, *qu'il n'y a point d'Eglise Catholique*. Disons-nous cela? Nous la croyons. Mais voicy ses mots; *Posons le cas*, dit-il, *que l'Eglise ait esté quelques fois obscurcie, maintenant que vous esclairez, enseignez-nous où elle est: car de Catholique, vous dites quelle n'est point*. Je respon, que nous auons dit où est l'Eglise, à quoy on la cognoist; & que ces Eglises où vn seul Dieu est inuoque, & par vn seul Mediateur, sont Eglises de Dieu chacune, & chacune membre de l'Eglise Catholique, qui est par tout l'vniuers composee de toutes ces Eglises, qui se rendent là comme tous fleuves & ruisseaux en vne mer. Si nous disons que l'Eglise Romaine n'est pas l'Eglise; Je dy vniuerselle (car elle est particuliere) disons-nous qu'il n'y a point d'Eglise vniuerselle? Si ceste-là ne l'est, il n'en y aura point? Dites vous donc qu'il n'y en a pas, & ne nous imposez point vos erreurs: car vous tenez que si l'Eglise Romaine n'est l'Eglise Catholique, qu'il n'y a point d'Eglise Catholique, c'est à dire vniuerselle. Ceux qui

croien  
salle, c  
qu'elle  
l'Eglise  
dions  
as qu  
spond  
Au  
maine  
sent p  
disen  
tholic  
point  
ne est  
vniuer  
n'y ap  
ront t  
qu'il  
qu'il f  
chee,  
De  
point  
enfan  
tu? C  
vois l  
Turc  
né, no  
né &  
vois l  
faut  
t'adi  
toy:

croient & cōfessent la sainte Eglise vniuerselle, confessent qu'elle est, & ne nient pas qu'elle ne soit: or nous croyons & confessons l'Eglise Catholique ou vniuerselle; nous confessons donc l'Eglise Catholique, & ne nions pas qu'elle ne soit. Comment donc dit de Sponde, que nous disons qu'elle n'est pas?

Au reste, ceux qui disent que l'Eglise Romaine est l'Eglise Catholique, ne recognoissent point d'Eglise Catholique. Les Iesuites disent, que l'Eglise Romaine est l'Eglise Catholique; les Iesuites donc ne recognoissent point d'Eglise Catholique: l'Eglise Romaine est Eglise particuliere, elle n'est point dōc vniuerselle ou Catholique. Dieu a-il dit qu'il n'y apoint de salut, que pour ceux qui croiront selon la croyāce de l'Eglise Romaine, & qu'il se faut de par tout ranger là? Où a-il dit qu'il se faut ranger, qu'ou la parole est preschee, ouïe & suyue?

De Sponde s'escrie apres, *Ne nous enuiez point nostre mere, puis que nous voulons estre ses enfans.* Helas! mon amy, qui la cache? où est-  
tu? Où sont tes parens? Les vois-tu? en eux tu vois l'Eglise; (Ie dy si tu n'es né de parens Turcs ou Sarrazins:) Car en l'Eglise où tu es né, nourri & instruit, tu vois l'Eglise. Si tu es né & baptizé en l'Eglise Romaine, en icelle tu vois l'Eglise, mais impure & idolatre; & il te faut departir de ceste impureté & idolatrie, & t'adioindre à l'Eglise plus pure prochaine de toy: Car les idolatres n'heriteront point le



Royaume de Dieu. La Papauté de l'Eglise Romaine, ne donne plus que de la poison, sa doctrine est fausse, son seruice idolatrie, sa religion superstition. Elle constitue le salut en l'idolatrie; ils aneantissent la iustice de Dieu entant qu'en eux est, pour establir la leur: car ils veulent estre iustifiez & sauuez par la iustice de leurs œuures. L'Eglise Romaine idolatre, a engendré comme vne pailarde, des enfans à son mary; les enfans enfuyrōt-ils les forfaits de leur mere adultere. Ainsi nous retirons-nous de l'idolatrie de l'Eglise Romaine, & si demeurons Eglise de Dieu, plus pure qu'elle n'est.

*Caluin, dit de Sponde, deuoit crier que c'estoit luy, qui estoit le vray Docteur, & ses compagnons aussi, & que c'est à Geneue qu'est l'Eglise.* Je respon, que Calvin s'est porté pour vray Docteur en l'Eglise de Dieu, a tenu Geneue pour Eglise de Dieu: il a remply le monde de sa doctrine, & en a laissé le monde iuge, & s'est fait entendre plus loin que vous ne voudriez. Que voudrois-tu? qu'il se fust porté pour Pape, & Geneue pour Rome? Il eust esté aussi fol que le Pape. Mais respon moy, Pourquoy n'a crié S. Pierre, C'est moy, c'est moy, qui suis Pape, prince des Apostres, le chef de l'Eglise, & son fondement? J'ay seul les clefs des cieux, & l'Eglise Romaine est l'Eglise Catholique, ou vniuerselle: c'est à l'Eglise Romaine qu'il se faut ranger, où on ne sera jamais sauué; & ne faut croire que ce que les

Papes  
diront  
ce que  
S. Pierre  
dire,  
c'est n  
Calui  
phete  
d'auo  
glise.  
N  
Rom  
que R  
re; N  
que r  
tenoy  
de l'  
laiss  
pure  
qu'il  
moir  
com  
uoir  
te ac  
nost  
A  
d'au  
cela  
car  
bier  
fieu  
lau

Papes mes successeurs & l'Eglise Romaine diront ; & faut tenir pour article de foy , tout ce que le siege de l'Eglise Romaine establira. S. Pierre'a-il dit cela ? mais s'il ne l'a pas deu dire, pourquoy eust crié Calvin, c'est moy, c'est moy, qui suis le Docteur de l'Eglise? Calvin a enseigné selon les escrits des Prophetes & Apostres, & aura tousiours ce tiltre, d'auoir esté fidele entre les Docteurs de l'Eglise.

*Nous disons ( dit-il ) que l'Eglise n'est plus à Rome, & demande où nous l'auons emportee, puis que Rome n'en est plus que le tombeau.* Il veut rire; Nous n'auons rien emporté de Rome: Ce que nous sommes Eglise de Dieu, nous ne le tenons pas de Rome, ains de Dieu, & l'auons de l'Eglise & doctrine des Apostres; nous laissons Rome & sa Papauté. Rome n'est pas pure en religion comme elle a esté, & disons qu'il n'y a à Rome Eglise qu'impure; au moins en ceste Eglise Romaine, qui se porte comme la mere des Eglises, qui se dit ne pouuoir errer, & que ne sera iamais vefue; & toute adultere, se dit la seule espouse pudique de nostre Seigneur.

Après cela, il impose à Luther & à Calvin d'auoir voulu chacun d'eux se faire Papes: & que cela a empesché Calvin de se dire le vray Docteur: car ( dit-il ) il craignoit Luther. Ne voila pas bien declamé contre Calvin? Sus, que Messieurs qui portent l'escarlate, couronnent de lauriers cest Orateur! Mais n'y a-il pas plus

Apoc. 7. 10

Page 140.

de iugement en vn enfant, plus de raison en vn fol? Car qu'est-ce que Luther & Calvin ont eu en horreur, que la Papauté? & cependant il dit, qu'ils ont voulu se faire Papes. Au reste, Calvin & Luther ont eu vne mesme esperance, & souscrit d'un bon accord à la confession de foy de l'Eglise Catholique, qui est; Que le salut est de Dieu & de l'Agneau. En ce qu'ils ont discordé d'ailleurs, nous auons amplement respondu cy dessus. Vous auez par vos artifices aigri les matieres; la maison d'Espagne ne lesçauoit nier, pour desunir nos Eglises: & ne regardez pas que vous desunissez la Chrestienté, & l'exposez en proye au Turc. Calvin & Luther n'ont point eu de different, & Calvin a esté de mesme aduis avec Luther, ayant suyui sa doctrine en ce qu'elle a esté cōforme à la doctrine des Prophetes & Apostres, & des articles de nostre foy. Si au reste il a contredit, ne le deuoit-il pas faire? *Luther (dit-il) a donc esté vn affronteur, s'il n'a tout entendu.* Dy donc que saint Pierre a esté affronteur, puis qu'il auoit presché long temps l'Euangile, & n'auoit pas tout entendu, & mesme qu'il deust estre presché aux Gentils: Car il a ignoré cela iusques à ce que Dieu le luy ait enseigné par reuelation, Act. 11. & les autres Apostres l'ignoroient iusques à ce que S. Pierre leur eust déclaré ce qui luy en auoit esté reuelé, & leur eust rendu raison pourquoy il auoit presché aux Gentils.

Il confesse aussi, qu'en cela Martin Luther peut estre supporté: pourquoy l'a-il donc appellé affronteur? Qu'y a-il plus? *Que Luther, (dit-il) a appelé sa doctrine son Euangile.* Sainct Paul en a fait autant; mais Martin Luther ne la peu ne deu dire, ny ne l'a dit comme Apostre, mais comme celuy qui adheroit au seul Euangile, l'aimoit & embrassoit de tout son cœur, ne preschoit autre chose que l'Eüagile du Fils de Dieu, & s'y consoloit entierement. Cela n'est ny insupportable, ny seduction: au contraire, c'est remettre au bon chemin, lequel Luther a enseigné & uniquement aimé..

*Les marques, dit de Sponde, que Calvin donne à l'Eglise, sont captieuses, entant qu'elles nous cachent les personnes, par l'administration desquelles nous deuions recevoir lesdites marques pretendues, qui ne sont qu'Idées sans solidité.* C'est le sommaire de ce qu'il dit en deux pages de son liure. Il veut dire, que la predication de la parole de Dieu, & l'administration des Sacremens, ne sont pas vrayes marques de l'Eglise. Pourquoy? *Pource, dit-il qu'elles cachent le predicateur & administrateur des Sacremens.* Je vous prie, iugez si cest homme estoit en son bon sens! La predication est-elle sans predicateur, ny l'administration des Sacremens sans ministre? L'un ne montre-il pas l'autre? à sçauoir la predication le prescheur, la participation aux Sacremens, les participans & l'administrateur? Ne se voit-il pas ainsi en nos Eglises, & en l'Eglise Romaine aussi?

Il parle des Idees : C'est bien luy qui fait des Idees, s'il pense que la parole de Dieu se presche sans prescheur, ou que les Sacremens s'administrent sans ministre. Que veut-il ? que nous constituions les marques de l'Eglise en la personne, qui aura vn froc, vn bonnet cornu, & lettre de couronne ? Et qu'est cela, sans la pure predication de la parole de Dieu, & les Sacremens, sans l'iuocation d'vn seul & vray Dieu, & au nom de son seul Christ ? Mais nous auons respondu à cela cy dessus en la dispute ; si la doctrine, ou les Docteurs sont marques de l'Eglise : C'est la mesme dispute, mais vn peu desguisee pour faire icy ce qu'il n'a peu faire là. N'est-il pas digne de risée, de nous imposer que nous disons, que la predication de la parole de Dieu, & l'administration des Sacremens, subsistent sans predicateurs, & sans ministres ? Il nous veut enseigner, que ce sont effects de personnes visibles. Qui le nie ? volontiers il veut dire, que nous ne sommes ny predicateurs ny ministres, & que nous vanter d'auoir la parole de Dieu & les Sacremens, c'est vouloir faire subsister la predication & les Sacremens sans predicateur ne ministre, d'autant que nous ne sommes ne predicateurs ne ministres, veu que le Pape ne nous a pas enuoyez. Nous luy auons respondu à tout cela cy dessus, & amplement. Aussi auons-nous monstre, que nostre vocation est legitime, & le monstres encores en son lieu, & que nostre ministere est tel que Dieu

le veut en son Eglise, & que les Apostres l'ont estably. A quel propos allegue-il Calvin, pour prouver que le ministere n'est commis ny aux Anges, ny aux personnes inuisibles? Nous disons-nous ou Anges, ou fantosmes, ou autres qu'hômes visibles & bien connus?

Il demande apres, *si Calvin n'a point en main* Page 141.

*quelques uns, qui preschent ceste parole, & administrent les Sacremens.* N'en vid-il iamais? On en voit en toutes nos Eglises, graces à Dieu: c'est Dieu nostre Seigneur qui les a en main, & en pouruoit nos Eglises; & là tu trouueras ces marques, & non es Idees de Platon. C'est pour certain que de Sponde resuoit en escriuant cecy, ou il vendoit la cause du Pape. Page 142.

Nous n'ostons pas les marques de l'Eglise, quand nous vous montrons la sainte predication de la parole de Dieu & l'administration des Sacremens, & qu'on voit nos ministres faire leur deuoir: nous montrons le thresor, le moyen de l'auoir, & les hommes qui le distribuent. Nous portons ce thresor en des vaisseaux de terre. S'il cherche l'Eglise, & le salut qui est en icelle, nous la luy montrons en ceste compagnie où se presche la parole de Dieu, & où visiblement on communique aux Sacremens: & s'il cherche la parole & les Sacremens, nous luy montrons cela en nos Eglises. Que cherche-il? Le salut? l'Eglise; la parole, les Sacremens, la predication, l'administration, ceux qui preschent & administrent? Nous auons tout cela, vous le mon-

strons, & ne vous en cachons rien; & sommes bien marris que vous ne venez pour voir & ouïr: nous vous mōstrons (dy-ie) tout, corps & ame ( qu'appelle cestuy-cy ) au moins tout ce qui se peut voir du ministration de l'Eglise.

Page 143. *Mais, dit-il, toutes les Eglises pretendent ces marques-là, & s'en ornent: faut-il que ie les croye toutes? C'est donc ce qu'il falloit disputer, & non pas consumer le temps en babil vain & inutile. Iete respon donc par ta similitude, que comme quand tu cerches vn vray homme, sans nommer qui, & qu'on te monstre vn homme, tu te dois contenter: Aussi quand tu cerches l'Eglise, & qu'on te monstre vne Eglise, ou assemblée où se presche la parole, & s'administrent les Sacrements comme Dieu a ordonné, tu te dois contenter aussi, & croire que toutes celles qui ont ces marques, sont Eglises de Dieu. Si quelques assemblees n'ont ces marques pures, ce sont Eglises impures, & corrompues, qui ont besoin de reformation (comme vous:) mais celles qui ont ces marques en toute pureté, comme Dieu l'a ordonné, sont Eglises de Dieu pures.*

*Au reste il dit, que crier contre le Pape & son estat, & ne dire point specialement où est ceste espouse de nostre Seigneur, n'est pas assez. Helas! mon amy, nous la montrons en nos Eglises, qui sont membres de l'Eglise vniuerselle, & font ceste Eglise, ceste espouse, qui est par toute la terre. Où la verray-ie, diras-tu? Iette l'œil sur telle Eglise que tu voudras, tu la ver-*



ras en vn de ses membres ; tu la vois en plusieurs & par ses parties . Comment se peut voir vn grand corps , qui occupe tout l'vniuers ? ainsi est l'Eglise , laquelle pour cela est appelée vniuerselle . Et combien qu'elle consiste de plusieurs Eglises , comme de parties , elle n'est pourtant qu'un corps , dont nostre Seigneur est le chef , cōme tous les membres ne font qu'un corps , & les parties vn tout . C'est la communion des Saints , tous viuans d'un esprit à vn Dieu , par vn Christ , en vne mesme foy , & esperance & vnion . Que veut-il ? que de toutes les Eglises on luy nomme , laquelle il faut prendre ? Celle que tu voudras ; la plus pure si tu le peux & le sçais faire , & te retirer en sa croyance , & tu seras mieux adressé qu'en l'Eglise Romaine , où est la corruption plus grande qu'en aucune Eglise qui soit .

C'est le conseil que Calvin a donné , & donne par ses escrits à de Sponde & à ses semblables : & il crie que nous n'auons pas pitié de luy ; & que si nous ne luy voulons monstrier l'Eglise , que nous luy monstions au moins les guides . Mais pourquoy pleure-il ? nous luy monstons toute l'Eglise & les guides : car nous luy monstons l'Eglise en plusieurs Eglises , & les guides qui y amènent , à sçauoir les Prophetes & Apostres , par leur doctrine : plusieurs bons Docteurs , Martyrs , & Confesseurs , tant anciens que modernes . Qu'il essuye ses larmes pour mieux voir ; Cal-

uin meſme luy ſera pour guide bien plus ſeu-  
re que Belarmin ( qui luy a broüillé l'enten-  
demēt ) que du Perron meſme, ny que l'Eueſ-  
que de Rome. *Caluin ne luy a pas dit, qu'il luy ſe-  
roit pour guide*, dit-il. C'eſt vn grand cas qu'il  
ne s'en eſt aduiſé ! Mais bien, il n'y a rien de  
perdu ; qu'il viſite ſes eſcrits, ſon catechiſme,  
formulaire des prieres eccleſiaſtiques, & des  
Sacremens, & autres exercices de pieté ; qu'il  
liſe ſes ſermōs, traitez, Inſtitution, commen-  
taires & leçons, il ſera contenté : car Caluin  
ne tient en perplexité, que ceux qui ne le veu-  
lent voir ny ouir.

Mais qu'eſt cecy ? Il ne veut pas Caluin  
pour guide ; il diſpute contre luy. Pourquoi  
ſe plaint-il donc, que Caluin ne ſe ſoit offert  
à luy pour guide, & qu'il l'a trop tenu en per-  
plexité ? Ceſt homme conſume le temps en  
vaines declamations, & eſt indigne de reſpon-  
ce. Ne ſouſtient-il pas bien la Papauté ? il me-  
rite la ſepulture au pied du crucifix, ou du  
grand autel.

*Doy-ie croire ( dit-il à Caluin ) ce que tu me  
dis, pource que tu le dis ; ou pource qu'il eſt vray  
du tout en ſoy-meſme ? Du premier, tu ne le diras  
pas : Si tu dis le ſecond, d'où vient que tout le mon-  
de ne croit vne ſi ferme & ſi certaine verité, qui  
eſt vraye d'elle-meſme ? Y a-il eu raiſon de faire  
eſtat de ceſt homme, comme du plus grand  
pilier de l'Egliſe Romaine, veu que iamais  
homme ne reſua ſi exorbitamment ? l'Euan-  
gile n'eſt-il pas vray ?* Pourquoi dōc le Turc,

le Tartare, le Persan, & le Chinois, ne l'em-  
braissent-ils? Ce que nostre Seigneur disoit,  
n'estoit-il vray, & la verité mesme? Pour-  
quoy ne l'ont creu tous les Iuifs, Grecs &  
Romains? Pourquoy l'a-on condamné d'es-  
tre faux Prophete, & l'a-on appelé sedu-  
cteur? Ne prend-il pour verité, que ce que  
tout le mōde croit? Il n'y a donc point de ve-  
rité; La Messe n'est pas verité, ny la Papauté:  
car tout le monde ne la croit pas, ny ne la re-  
çoit. Au reste, Calvin n'a rien dit qui repu-  
gne à l'Euangile, qui n'y soit, & qui n'y con-  
uienne:& quand l'Euangile sera creu & receu  
de tout le monde, la doctrine de Calvin n'en  
sera pas bannie; au contraire elle sera admise.  
Il allegue vne similitude, *que si quand le soleil*  
*luit, tout le monde voit, qu'aussi tout le monde doit*  
*croire la doctrine de Calvin, si elle est vraye, & luy*  
*docteur en l'Eglise.* Mais la doctrine de Calvin  
ne laisse pas d'estre bonne, encores que tous  
ne l'approuuent pas, de mesme que de la do-  
ctrine de nostre Seigneur. Et quand on voit  
que le soleil luit, on en peut bien estre cer-  
tain: mais voit-on la verité de la doctrine de  
Calvin par tout, comme on voit la clarté du  
soleil? Qu'il face donc la doctrine de Calvin  
aussi haute, & aussi claire à to<sup>9</sup> que la lumiere  
du soleil, & qu'o ait des yeux pour la voir de  
mesme. Dieu a donné des yeux pour voir le  
soleil; mais il n'a pas ouuert les yeux de l'E-  
sprit à tous, pour voir les secrets du royaume  
des cieux. En cela Dieu donne les yeux pour

voir, oreille pour ouyr, & cœur pour cōprendre. Pourquoi ne croyoit Caïphe comme S. Pierre? Pourquoi ne voyoit-il aussi bien que la doctrine de nostre Seigneur estoit vraye, comme il voyoit le soleil luire? Dieu fait-il croire & recognoistre à tous sa parole, comme il fait voir le soleil à tous?

Page 144.

Il dit, *que si la doctrine de Calvin estoit de soy-mesme veritable, qu'elle auroit esté deuant luy: car ce qui est de soy, ne depend point d'autrui.* Je respon, que la doctrine de Calvin a esté deuant luy, preschée & annoncée par les Prophetes & Apostres: que c'est l'Euangile, ie dy l'Euangile qui est appelé Eternel, nō seulement pour ce qu'il demeure à tousiours, mais parce que c'est le conseil eternal de Dieu, de sauuer le monde & se le reconcilier en son seul Christ. Calvin n'a presché ny escrit que cela; toute sa doctrine se rapporte là. Il n'a dit ny escrit rien qui y repugne, rien qui n'y conuienne: & en ce cas sa doctrine n'est point de luy, mais c'est la doctrine de Iesus Christ seul nostre maistre, Roy & Legislatteur, & seul l'Apostre de nostre confession: Cela donc que dit de Sponde est faux; à sçauoir, *qu'une infinité de choses que dit Calvin, n'estoyent point deuant qu'il ouurit la bouche.* Car la doctrine de Calvin est selō le vieil & nouveau Testamēt: c'est Que le salut est de Dieu & de l'Agneau, qu'un seul Christ est nostre paix, nostre redemption & nostre vie, satisfaction, & laue-ment: & que si nous ne cerchōns tout nostre

salut en luy seul, nous ne serōs iamais sauuez. Si vous estes circoncis, dit l'Apostre (à ceux qui cerchoyēt salut en la Circoncisiō) Christ ne vous profite de rien. Si la Circoncision, (que Dieu auoit ordonnee) n'aidoit point au salut, mais y nuisoit quand on l'y cerchoit, beaucoup moins aide à salut, ains plustost y nuit la Messe, & le reste de la Papauté, que Dieu n'a point ordonné, & que les hommes ont inuenté.

Caluin parle selon cela : Ce donc qu'il dit est recognu en l'Escripture sainctē; les Prophetes & Apostres l'ont dit & escrit, les anciens Docteurs l'ont tenu auant luy, il le monstre en leurs escripts : Cela est donc faux que de Sponde dit, à sçauoir, *Que Caluin vient de l'escolorre tout fraichement.* Il dit, *que Caluin a renouvelé beaucoup de choses, que l'Eglise auoit cassé.* Je respon, que l'Eglise ne peut casser, ce que Dieu a ordonné : or Dieu a ordonné que le salut seroit par son seul Christ; cela dōc ne peut estre cassé par le Pape & son Clergé. Ils ne peuvent ordonner le salut par autre vōye ny moyen, soit Messe, Pape, ou autre chose; ce n'est ny à eux ny à l'Eglise d'ordonner du salut. Cela appartient à vn seul Dieu, qui l'a ordonné en son seul Christ; Caluin n'a renouvelé ne remis que ceste saincte doctrine, que l'Eglise Romaine auoit presque estaint, obscurci & corrompu, par vne infinité de superstitions & fausses deuotions.

Au reste Caluin n'a point accusé d'asnerie

l'antiquité, ny les anciens Docteurs d'ignorance. Il parle par eux, & a l'antiquité pour foy: mais il condamné vostre Papauté, & vos erreurs, qui ne sont pas de l'Eglise ancienne des Apostres, ny des premiers & plus anciens Docteurs, car cela a esté depuis introduit en l'Eglise contre la parole de Dieu.

De Spôde, pour faire mieux paroïr ses inepties, parle à Calvin, & luy dit; *Dy nous doncques que tu es nostre Prophete, mais plus tost nostre Pasteur, l'office duquel comprend toutes les parties necessaires a la conduite de l'Eglise, comme tu dis.* Quoy? n'est il pas vray que tel est l'office du Pasteur? qui en doubte? & de tout Pasteur en son Eglise? que penſes-tu? qu'un seul Pape ait toutes ces parties? Tu te trompes, il n'en a pas vne. Mais que veut de Sponde? que Calvin se porte pour Pape? Il seroit vn fol, aussi fol que le Pape, (ce fol Pasteur & inhumain, qui casse les ongles des brebis, au lieu de les mener paistre.) Et quand Calvin se diroit Pape, & que tout le monde le receuroit & recognoistroit pour tel, seroit-il en cela ny Prophete ny Docteur, non plus que le Pape? & ceux qui le croiroyēt, seroyent-ils la vraye Eglise? Au reste, Calvin a monſtré & monſtre ſuffisammēt, ſans qu'il le faille faire crier par les trompettes, & bruïre par l'artillerie de Rome, qui il est: à ſçauoir vn vray & fidele Docteur en l'Eglise de Dieu; mais pourtant le recognoïſſez-vous pour tel? Que demande donc cestuy-cy, ſinon ce qu'il ne veut pas:

& se faire valoir par declamations pueriles?

Il ne fait plus ses apostrophes à Calvin ; il Page 145.  
 parle à nous , qui lisons ses escrits , & dit que  
*nous-nous pēserions parricides, si nous l'auions re-*  
*pris d'un seul terme couché de trauers.* Theodo-  
 re de Beze luy a contredit en sa presence , &  
 en ses escrits , en l'exposition de l'epistre de S.  
 Pierre, comme a esté dit cy dessus. Ioint que  
 nous ne mettons pas ses escrits ; au rang de  
 ceux des Prophetes & des Apostres , & ne les  
 fuyuons , sinon entant qu'ils sont confor-  
 mes à l'Ecriture sainte. Vn seul Seigneur Matth. 23.  
 est nostre Maistre, & n'auons pas iuré qu'aux  
 paroles d'iceluy , comme a esté dit cy dessus.  
 Il veut que quand nous aurons leu tout ce  
 premier chap. du 4. liu. de l'Institutiō de Cal-  
 uin, nous luy rendions quelque raison de no-  
 stre separation de l'Eglise Catholique. Cela  
 est fait , à sçauoir que nous ne nous sommes  
 pas separez de l'Eglise Catholique, que nous  
 y sommes ; que nostre confession en fait foy :  
 que nous ne nous sommes separez que de  
 l'Eglise Romaine faussement pretendue Ca-  
 tholique , & que nous ne nous sommes sepa-  
 rez de l'Eglise Romaine qu'en ce quelle est  
 idolatre , & tient de ce qui n'est pas de la foy  
 de l'Eglise vniuerselle , ou Catholique . De  
 Sponde retourne souuent à cecy : Car il n'a  
 rien à crier que le schisme , à quoy nous n'a-  
 uons respondu que trop amplement.

Et quand Calvin a dit que c'est crime de se Page 146.  
 separer de l'Eglise ; il n'a pas entendu l'Eglise



Romaine, mais celle qu'il tenoit pour vraye & pure Eglise, *Il deuoit donc dire reformee*, dit de Sponde. Voila vne grande faute, comme si eela ne s'entendoit pas, sans le dire : mais se separer de l'Eglise Romaine, est-ce crime? C'est selon Dieu, qui a defendu l'idolatrie. *Si l'Eglise Romaine*, dit-il, *est idolatre, l'Eglise a donc fini*. Cela est faux : Car l'Eglise Romaine n'est pas toute l'Eglise ; ce n'en est qu'une pource, & la plus chetive partie, ou membre plus corrompu : & toutesfois peut estre Eglise, encore qu'elle soit idolatre, veu qu'encore l'alliance de Dieu y est, comme Iuda estoit idolatre, & Eglise de Dieu : Tout Iuda n'estoit pas idolatre, dira-on, ne tous ceux de Iuda n'estoyent pas idolatres ; aussi ne sont tous ceux de l'Eglise Romaine ou qui sont à Rome, & où le Pape est recognu. En fin l'alliance de Dieu y est, quelque idolatrie qui y soit ; & ainsi l'Eglise n'y a pas du tout fini.

De Sponde nous veut respondre, en ce que nous-nous vantons (à ce qu'il dit) d'auoir reformé l'Eglise. Nous donnons gloire à Dieu, & ne nous vantôs de rien comme vous, qui dites, que vous ne pouuez errer avec vostre Pape, comme si vous & luy estiez autant que Dieu. Mais voyons ce qu'il dit. *Je vous oy* (dit-il) *vous dites que l'Eglise estoit toute abastardie, toute corrompue, toute idolatre, toute fourree de peaux de l'Auechrist*. Je respon, que cela est vray, & est encore ainsi en l'Eglise Romaine. *Vous l'auex donc* (dit-il apres) *legitimée, purifiée,*

*sanctifiée, & descouuerte au iour.* Cela est vray: Nous l'auons fait entre nous, & Dieu l'a fait par nous; nous vous auons laissé en vostre idolatrie: faites comme nous, & nous suyuez, & lors l'Eglise sera toute legitimee, sanctifiée, repurgee, & purifiée entre nous & vous, & claire comme le iour. *L'Eglise a donc fini,* dit-il, il ne s'ensuit pas. Comment fait-il ceste cōclusion cōtre son principe, qui est que l'Eglise a esté abastardie, toute corrompue, toute idolatre, & toute fourree de peaux de l'Antechrist? Tout ce qui est abastardi, tout corrompu, tout idolatre, & tout fourré, comme il dit, n'est pas pourtant tout perdu, tout esteint, tout fini, & qu'il n'y ait plus rien. Esaie dit, qu'en Iuda n'y auoit rien de sain, depuis la plante du pied iusques au sommet de la teste, ou du plus petit iusques au plus grand. C'estoit l'Eglise de Dieu pourtant, elle auoit besoin de guerison; de vous ainsi.

Ce qu'il demande apres, n'est que babil vain & importun, à sçauoir qui nous a gardé ceste verité si l'Eglise à fini; mais elle n'a pas du tout fini, & ceste verité s'y est gardee: nous l'y auons trouuee, à sçauoir és saints escripts des Prophetes & Apostres, & des bons & anciens Docteurs, & és articles de nostre foy; là elle s'est gardee, & non en la teste du Pape. Pour la trouuer, nous n'auons pas ouuert la teste d'un seul Pape, mais la sainte Bible où Dieu parle. Et puis il s'est tousiours trouué quelques vns en l'Eglise Romaine mesmes,

qui en ont parlé, presché & enseigné, l'un en vn poinct, l'autre en vn autre; l'un en vn tēps, l'autre en vn autre, tant és temples, qu'és escoles, & qu'en leurs escrits. En fin nous auons tout trouué; car Dieu nous a monstré & nous a fait en cela vn siecle d'or, & bien-heureux. Nous ne disons pas que le Pape ny la Papauté ait gardé ceste verité, ains a fait tout son effort de la perdre, & n'a peu. Les portes d'enfer ne peuuent rien contre l'Eglise, pour la surmonter du tout; & l'enfer ne sera iamais le plus fort contre l'Eglise de Dieu: cela se void aujourd'huy; & c'est Dieu qui garde sa verité. Cy dessus il a esté parlé de cela, & aussi comment c'est que l'Eglise est l'appuy, l'establiissement & gardienne de la verité. Ce qu'il dit, *que ceste gardienne n'a pas esté fidele, que nous l'ayons charmée*, n'est qu'un vain babil, indigne de responce. Il y a eu Eglise ailleurs qu'à Rome, où la verité s'est gardee mieux que dans le Capitole. A ce qu'il dit, *que l'Eglise Romaine auoit face d'Eglise*, nous auons respondu. A ce qu'il dit, *que Caluin y recognoist des traces essentielles d'Eglise*, nous repliquons que de Sponde a donc tort de nous imposer, que nous n'y recognoissons plus d'Eglise, ny rien d'Eglise, ains qu'elle y a du tout fini, & qu'il est vn refuseur en cela.

Page 147. Mais n'est-ce pas vn braue Docteur, de nous aduertir de nous donner garde de la resuerie de Pythagoras, touchant la transmigration des ames d'un corps en autre? A quel propos, dit-il cela, s'il

ne se veut faire declarer vn refuseur luy-mesme? L'Eglise Romaine a erré, & nous auons la verité. Les ames de ceux de l'Eglise Romaine, qui auoyent iadis la verité, sont donc venues en nos corps? Où est son iugement? Dieu le luy a osté, depuis qu'il s'est bandé contre sa verité; & ses sectateurs (qui en font vne idole) ne le peuuent pas voir. La verité ne saute pas d'un corps en l'autre: Dieu l'a donne, & ouure les yeux à qui il luy plaist; c'est Dieu qui donne des yeux aux auengles. Dieu n'a pas promis au Pape & à son Clergé qu'ils n'erreroient iamais, il a dît; *Je suis avec vous iusques à la fin du monde.* Item, *Où seront deux ou trois assemblez en mon Nom, ie suis au milieu d'eux;* mais il a dit cela à ses Apostres & disciples. Le Pape ne son Clergé, ne sont ny Apostres ne disciples de nostre Seigneur: car le Pape enseigne formellemēt contre, outre & par dessus la parole de Dieu, & la deboute, & fait le maistre en l'Eglise & le Clergé, & l'Eglise Romaine sont ses disciples, & non de nostre Seigneur. Ceste promesse n'est pas donc pour eux, ny ne leur compete aucunement; pourquoy n'auront-ils donc erré? S'assemblent-ils pour esclaircir la verité, & au Nom de nostre Seigneur? mais au contraire, c'est pour l'obscurcir & l'esteindre, & pour fulcir l'autorité du Pape. Ce n'est pas donc au Nom de nostre Seigneur, & pour l'auancement de son regne, comme a esté dit cy dessus. Qui ne voit aussi qu'ils errent, en ce qu'ils

idolâtrant, & cherchent d'estre sauuez autrement que par Iesus Christ, ou par quelque autre chose avec luy, comme plusieurs fois nous l'auons dit? Que sert donc qu'il nous commence le corps de l'Eglise aux Apostres, & puis qu'il file cela de chaisnon en chaisnon iusques à present? Pense-il que le Pape, sa Papauté, sa doctrine & son Clergé, soyent de ces chaisnons? Il se trompe, ces chaisnons de doctrine Papistique n'ont rien des Apostres. Qu'en ont-ils? La mitre, les chappes, les chapeaux, les bulles, la succession, la doctrine, l'election, la vocation, leurs ceremonies, la Messe, l'inuocation des Saints, l'adoration de la croix, & des images, les prieres pour les morts, leur doctrine qui enseigne le salut ailleurs qu'en Iesus Christ? En tout cela, ils n'ont du tout rien des Apostres, comme a esté dit. Ils ont tout le contraire; ce qu'ils ont en cela n'est ny Eglise, ny de l'Eglise, ce n'est que corruptions: ils sont pourtant en l'Eglise, en l'alliance de Dieu, & y a salut pour eux, s'ils se repentent & demandent pardon, en abhorrant la Papauté, autrement non. Et quand nous sommes separez d'eux, nous ne nous sommes separez ny de l'vnion, ny de ce qui estoit vni, comme il dit, mais de Babylon, de la Papauté & de la confusion horrible, comme celle de l'enfer. *Qui se separe, (dit-il) se separe de ce qui estoit vni, autrement comment se separeroit-il.* Je demande, qui se separe des Turcs des Payens, d'une compagnie de brigands, des

ligues, d'un bordeau, se separe-il de l'vnion? Qui se rendroit donc là, se redroit en l'vnion; où en serions-nous? Nous ne nous sommes pas separez de l'Eglise où est l'vnion: car nous tenons la foy des Apostres, leur Symbole, le vieil & le nouveau Testament, & la confession de foy de l'Eglise vniuerselle, à laquelle tous les Anges du ciel souscriuēt, en disant Amen: & qui est (cōme a esté dit) Que le salut est de Dieu & de l'Agneau. Nous-nous sommes separez de la desunion qui est en l'Eglise Romaine, cōtre l'vniō de la foy de l'Eglise. Pour donc nous estre separez de l'Eglise Romaine, nous ne nous sommes pas bandez contre l'vnion, ny attaquez contre icelle: ains auons quitté vn amas de tenebres, & vn enfer d'erreurs, pour estre en la vraye vnion de l'Eglise: laquelle vnion consiste en vnitē de foy, d'esprit de doctrine, & d'esperance, comme de charité.

Il dit, *que le corps de l'Eglise Romaine a toujours esté, puis qu'il a toujours eu ses aduersaires & a toujours vaincu, & demeure immobile*, dit-il apres. Il se trompe en tout ce qu'il dit; car pense-il que ceux qui ont esté aduersaires à S. Pierre, aux autres Apostres, aux premiers Docteurs, & à l'Eglise Romaine, lors qu'elle estoit en sa pureté, ayent lors combattu, ou eu affaire contre le Pape & la Papauté? mais lors il n'y auoit ne Pape ne Papauté. C'est de ceux-là qui ont combattu contre la doctrine des Apostres, & l'Eglise primitiue qu'est nee

la Papauté, & de l'ambition, de l'ignorance, de l'heresie, & de la fausse doctrine. Les Apostres & les plus anciens ont combatu la Papauté & sa fausse doctrine; & ceux qui au iourd'huy combattent la Papauté, c'est par la doctrine des Apostres, de quelques vns des Euesques de Rome mesmes, & des anciens Docteurs. On rage tout cela en bataille contre le siege du Pape & sa fausse doctrine. Il dit *que ce corps d'Eglise Romaine, a esté tousiours victorieux.* Je respon, qu'en ce qui est d'auoir quelque trace d'Eglise, & quelque reste de doctrine, soit: mais en ce qui est de la Papauté, non. *On a tousiours (dit-il) crié contre cest estat de l'Eglise Romaine.* Je respon qu'ouy, depuis qu'il est tel qu'on le voit à present, & que ce n'ont pas esté du tout des coups perdus: Dieu a fait son ceuvre, autant qu'il a voulu. La beste a esté blessée & puis guerie, mais à present il en y a tant apres, qu'elle ne peut plus eschapper; faut qu'elle meure. Cōment dit-il q̄ cest estat de la Papauté demeure comme vn rocher immobile, veu que presque par tout on crie; Elle est cheute, elle est cheute la grande Babylon, la mere des fornications de la terre? *Qu'il passe par tous les royaumes de l'Europe, il verra en la plus grande part la Papauté chassée, & le Pape desiniché; & ailleurs on luy en procure autant.* Pourquoy donc, dit-il, *que ce rocher demeure immobile?* Il est poussé, cassé, froissé, & tantost tout foudroyé. S'il est immobile, pourquoy crie tant de Spō-

Apoc. 14.

Apoc. 14.  
8.9.



de ? dequoy a-il peur ? Mais quelles fantasies veut-il que nous digerions ? Graces à Dieu, il n'en y a pas en nous en cecy, où nous ne suy-  
 aions que ce que porte sa parole, qui nous en-  
 seigne de fuir l'idolatrie : qu'ils monstrent  
 qu'ils ne sont pas idolatres ; mais i'ay cy des-  
 sus monstté cent & cent fois qu'ils le sont.

*Ces chaisnons de l'Eglise rompus*, dit-il, *com-* Page 148.  
*ment sont-ils renoïez en vous ?* Je respō, que l'E-  
 glise Romaine a erré, les Euesques de Rome  
 ne tiennent pas en tout & par tout la doctri-  
 ne de S. Pierre & des autres Apostres ; en  
 sont descheuz en la pluspart des poincts de la  
 religion Chrestienne, ne sont plus chaisnons  
 liez aux Apostres. L'Euesque de Rome ne  
 porte plus que les clefs d'enfer, & du puits de  
 l'abyfme, Depuis qu'il est Pape, il a rempli  
 l'Eglise d'erreur, d'ignorance, & fausses deu-  
 tions. Nous l'auons recognu, Dieu nous la  
 esclairé, retiré de là, & remis la doctrine de  
 salut entre nous, & sommes chaisnons bien  
 liez & vnis à S. Pierre & à S. Paul, & aux au-  
 tres Apostres, tenans leur doctrine & mesme  
 foy & esperance. Est-ce vne fantasie ? mais  
 l'œuvre de Dieu. Il dit, *que nous sommes les sin-*  
*ges des autres.* Il deuroit dire en quoy, si c'est  
 en ce que nous-nous sommes separez de l'E-  
 glise Romaine. Qui s'en est separé que nous  
 tous, & tous en mesme temps, de plusieurs  
 lieux, & païs & royaumes, qui sont refor-  
 mez. Où a-il veu, ny ouï parler d'autres Egli-  
 glises dressees, comme sont les nostres d'au-

Apoc. 9. 1. 2  
 &c.

iourd'huy, de qui nous soyōs les singes ? fait-il sortir les Lutheriens des Anabaptistes ? Les autres Iesuites font sortir les Anabaptistes des Lutheriens: nous ne sommes point sortis des Anabaptistes, pour estre leurs singes, ny ne sommes Anabaptistes. Ils n'ont ennemy que nous: mais ils font des vostres, & tollerez entre vous.

Il dit apres, *que quand il seroit vray, que des chaisnons de l'Eglise auroient esté rompus pour estre renouiez en nous, & en nous plustost qu'en tous les autres (ce qu'il tient à blaspheme, voire le penser seulement) que nous auons allumé contre nous le feu de routes les sectes de ce temps, qui nous tiennent desia pour retranchez de l'Eglise.* Io respon, que dire que la Papauté n'est pas vn chaisnon de l'Eglise des Apostres, & de ceste primitiue Eglise, n'est point blaspheme: ains que dire que cela soit de l'ordonnance de Dieu, qu'un homme mortel comme le Pape puisse ordonner contre les commandemens de Dieu, & enfreindre sa parole, comme vous dites qu'il le peut, est impieté & horrible blaspheme, & aneantir la parole de Dieu. Quant au feu, que nous auons allumé, c'est comme nostre Seigneur dit; Pensez-vous que ie soye venu mettre la paix en terre? mais vn glaiue, & allumer le feu; & dit qu'il estoit desia allumé. Il sera vn but, disoit Simeon, auquel on contredira. Au reste, il va bien pour nous, que nous sommes chaisnons liez aux Apostres; puis que nous sommes vnis à eux en doctrine, foy & espe-

Bald. in l.  
vlti. C. sent.  
rescind. in  
l. Barbar. de  
offic. przt.

rance ; nous-nous soucions peu de ce qui tempeste contre nous : car , comme tu dis , ce ne sont que sectes avec la Papauté & les Iesuites , qui sont bandez contre nous ; Dieu esteindra ce feu . Si vous ne iouïez point des cousteaux , & ne suscitiez les troubles , on ne verroit que paix . Mais qui nous tient pour retranchez de l'Eglise que vous , qui ( quoy que vous soyez en l'Eglise ) estes ennemis de l'Eglise , autant qu'Esau , qui persecutoit son frere au ventre de la mere ?

Il trouue blasphemie , de penser que l'Eglise soit plustost reformee , & ces chaisnons d'Eglise ( par luy imaginez ) plustost renouiez en nous , qu'en quelques autres . Mais pourquoy ? Dieu est libre de ses biens . Il cacha à Caïphe , & reuela à Nathanael : aux bergers , Iean x.  
& non aux plus grands de la Iudee , il reuela Luc 2.  
la naissance de nostre Seigneur . Tu as caché ces choses aux grands & aux sages du monde & les as reuelees aux petis , disoit nostre Seigneur . Matth. 13.

De Sponde entre encore en ses vehemen-  
ces. *Que dites-vous* , dit-il , *l'Eglise a laissé perdre la verité ? vous l'avez trouuee errante & vagabonde : vous l'avez hebergée & recueillie ?* Il en a dit cy dessus autant ; si ce n'est en mesmes termes , c'est vne mesme chose . Luy faut-il autre responce maintenāt , sinon qu'au lieu de parler serieusement , il se moque , comme feroit vn contēpteur de Dieu ? Qui appelle-il l'Eglise , le Pape ? c'est le chef , le Pasteur , le vicaire de

In C. quo-  
niam de  
immunit.  
in 6.  
Dist. 96. C.  
fatis.  
Bald. in l.  
vlti. c. sen-  
tent. rescid  
Abb. in c.  
licet de el.  
Dist. 40. c.  
si Papa.

Dieu, le grand pere, la mere qu'ils appellent  
saincte mere Eglise, c'est l'espouse, & si est  
l'Espoux de ceste espouse. Que voulez-vous  
plus ? c'est tout : car il a seul tout, & tous les  
droicts diuins & humains au cabinet de sa  
poictrine : il est Dieu en terre, luy & Dieu  
n'ont qu'un conseil. Il ne peut errer, non pas  
quand il auroit damné vne grande partie du  
monde; vous dites tout cela. Si vous le voulez  
nier, bruslez auparavant vos liures. Commēt  
cestuy-là auroit-il laissé perdre la verité, luy,  
qui ne dit rien que comme si Dieu parloit, ou  
comme si saint Pierre le disoit ? l'adiure icy  
ciel & terre, si vous, si vostre Pape, si vostre  
Clergé insensé, n'avez pas perdu la verité ! s'il  
y a menterie impudente & effrontee cōme la  
vostre. Vous n'erre pas en vos idoles ? vous  
n'erre pas en disant qu'un prestre fait autant  
& plus pour nostre salut en chātant vne Mes-  
se, que nostre Seigneur en a fait en mourant ?  
vous n'erre pas, en disant que si le prestre est  
marié, la Messe ne vaut rien, mais qu'encore  
qu'il soit dissolu en sa vie est elle bonne ; là où  
iamais elle ne vaut rien, non pas quād vn An-  
ge la chanteroit ? Vous n'erre pas de donner  
à la Messe, la mesme vertu qu'à la mort de no-  
stre Seigneur ? Et de dire que la mort de no-  
stre Seigneur ne peut sauuer sans la Messe, sans  
l'eau benite, & sans le reste de vos insulses de-  
uotions ? L'Eglise Romaine n'a pas seulement  
laissé perdre la verité, en tant de poincts fon-  
damentaux de son salut : mais elle a chassé  
ceste

ceste verité, la bannit, l'estrange, la met au feu, & plusieurs fait brusler la sainte Bible. Nous auons recucilli la verité, & elle demeure avec nous, & l'aimons vniquement, & plus que nos vies mesmes.

Ce qu'il dit, que ceste Eglise (que nous disons auoir laissé perdre la verité) nous couuoit, est insulse. L'Eglise Romaine ne nous eust iamais esclôs, ny ne nous a esclôs ce que nous sommes; moins ceste sale beste de Papauté. Dieu nous a fait ce que nous sommes, le troupeau de sa pasture. Il nous a engédrez par la semence incorruptible de sa parole, & par icelle nous appelle souz ses ailes. Nous ne tenons rien de la papauté, ne du Pape. Au lieu de nous esclorre à Dieu, la Papauté nous couuoit, estouffoit, & suffoquoit à l'enfer. Loué soit Dieu qui nous en a sauué. Si quelques docteurs preschans en leur tēples nous ont par fois donné quelque bonne instruction, & esclairé; c'a esté en ce qu'ils preschoyent cōtre la Papauté & ses erreurs, & selon l'Euangile.

Après cela, il retourne encore au schisme, & demande; *pourquoy nous auons fait dinorce d'avec la Papauté: & si en l'Eglise Romaine on ne preschoit pas, & si on n'y administroit pas les Sacremens?* Il se respond, *qu'on y bien: mais non pas à nostre guise.* Ce qu'il appelle nostre guise, c'est cōme Dieu a ordonné. Nous ny mettons ne plus ne moins, car si on celebre la Cene autrement, S. Paul dit que ce n'est pas la

Cene du Seigneur . Pour cela donc , & pour leurs horribles idolatries , nous auons fait ce diuorce.

Après cela il demande, *d'où nous auons appris, qu'on faisoit mal en l'Eglise Romaine ?* & puis se respond, *que nous diròs que c'est de la parole de Dieu.* Quelle (dit-il?) & puis respond, *celle qui est en l'Escripture sainte.* Et comment (dit-il après) *Caluin dit que la predication s'estoit esuanouie durant quelques siecles par l'artifice du diable.* Quoy ? Bellarmín a-il fueilleté toute l'Institution de Caluin, pour y trouuer ces trois mots ; à fin de nous prendre là au guichet ? Est-ce tout ce qu'il y a cherché ? Le luy demande, s'il pense qu'on ne puisse pas bien-apprendre aussi par la lecture de l'Escripture sainte, lors que la predication defaut ? Sondez les Escriptures, dit nostre Seigneur, vous pensez par icelles auoir la vie eternelle ; elles rendent tesmoignage de moy. Ils ont Moyse & les Prophetes, qu'ils les oyent. La predication est vn beau don de Dieu, & necessaire à l'Eglise ; mais Dieu supplée au defaut d'icelle par la lecture des saintes Escriptures, y ouurant par la grace de son Esprit, la fontaine de clarié.

Iean 5.

Luc 16.

Page 149.

C'est de là que Caluin a peu apprendre, & Martin Luther aussi, & des Docteurs anciens, des Conciles, des Canons des Papes, dont on vous a combatu, & batu de vostre baston mesme. Item, on a peu apprendre des Scholastiques. Et quant à ce qu'il dit, que Caluin

tient les anciens Docteurs pour des bestes, cela est faux (comme a esté dit :) & aussi ce qu'il dit que Calvin s'est forgé la doctrine luy-mesme, il l'a puisée des Prophetes & des Apostres qui ne voudra croire, lise ses œuvres. Je laisse ce qu'il impose à Calvin, que s'il eut osé, il eust dit que la lumiere de l'Evangile auoit esté ralumée par luy. Comment iuge-il de ce qu'il ne sçait pas? c'est qu'il void biē que les travaux de Calvin sont dignes de louange, & le don de Dieu admirable en luy. Et de vray il a esté vne lumiere à l'Eglise, & le fera à jamais. Celuy qui l'a appelé soleil, a en cela ensuiuy l'exemple de Gregoire Nazianzene, qui en a autant dit de Basile, excellent seruiteur de Dieu, mais non sans erreurs.

Pour voir maintenant que de Sponde ne Page 150. sçait qu'il cherche cōtre Calvin; il dit, *que Calvin leur laisse vn grand doute en l'esprit. Comment? tu ne crois rien de ce qu'il dit, tu luy contredis en tout: te pourroit-il donc laisser de doute en l'esprit? Mais en quoy? En ce, dit de Sponde qu'il ne limite point le temps certain, durant lequel il dit que ceste predication s'est esvanouie. Es-tu bien en peine de cela? que te seruiroit de le sauoir? si tu penses que cela te soit de si grande consequence, regarde quel a esté le temps de la plus grande ignorāce, & quand ce fut que Curez & Euesques cesserent de prescher; & que les meynes commencerent de monter en chaire, sans auoir vocation, & lors qu'ils n'estoyent tenuz que pour laics.*



1. Timot. 5.  
17.

Act. 6. 7.

Apostres porte, que si aucun Pasteur se reti-  
roit de la compagnie & liët du mariage, pen-  
sant viure plus sainctement au celibat & hors  
le mariage, qu'il soit deposé de sa charge. A  
nos Pasteurs nous donnons des Anciës pour  
aides & Surueillans, des Diacres pour la sub-  
vention des pauvres, pour recueillir les de-  
niers, & les distribuer aux necessiteux. Ainsi  
faisoit-on du temps des Apostres. Vos Dia-  
cres, Archediacres, Soufdiacres ne font que  
chanter, de quoy on n'a que faire; les pauvres  
ne vivent pas de chāsons. Les Apostres n'ont  
pas ordonné ceste charge pour cela, ny d'E-  
xorcistes aussi. Nous auons nos Proposans au  
lieu des Acolytes, qui aspirent au ministere,  
s'essayent à traiter l'Escripture saincte, & de-  
uant qui veut, & le font avec edification en  
la prelence des Pasteurs, & autres qui les peu-  
uent redresser, & rédre tesmoignage de leurs  
estudes, pour estre promeus au ministere en  
tēps & lieu. Nous auōs nos lecteurs qui lisent  
l'Escripture saincte deuant toute l'Eglise, avec  
vne tresgrāde edification, reuerence, & crain-  
te de Dieu. Nous sommes tous chantres, &  
tous chantons les loüanges de Dieu, comme  
le S. Esprit nous en a donné les Cantiques és  
Pseaumes; Vous n'avez rien de tout cela.  
Nous auons aussi nos portiers, & portes, &  
verrouz, tant que faire se peut. Mais d'Arche-  
uesques, de Primats, Patriarches, Pape, ny de  
primauté, nous ne voyons pas que Dieu an  
ait rien ordonné en l'Eglise du nouveau Te-

stament, & voyons que nostre Seigneur l'a de-  
 tendu. L'Apostre au 4. des Ephesiens, où il Mat. 18. 4.  
 & 20. 25.  
 26.  
 Mat. 23. 7.  
 8. 9. 10. 11.  
 Marc 9. 35.  
 Luc 9. 46.  
 & 22. 24.  
 Ican 13. 13  
 14. 15. 16.  
 parle des charges, du gouuernement de l'Egli-  
 se, ne dit rien de cela, ny de Pape, ny de Papau-  
 té. Ce qu'il n'eust omis, si l'autorité du Pape  
 estoit si necessaire en l'Eglise que vous dites;  
 Je dy vous qui constituez là le salut, la Chre-  
 stienté, & toute la religion, comme si sans Pa-  
 pe on ne pouuoit pas estre sauué.

De Sponde se fasche que Calvin confonde le Page 151.  
 mot de Prestre avec le mot d'Euesque, & qu'il  
 trouue que celuy qui estoit Prestre estoit aussi ap-  
 pellé Euesque: mais qu'il se fasche donc contre  
 S. Hierosme, qui la dit mil ans auant que Cal-  
 uin fut né. Et au reste Calvin dit vray, & le  
 prouue bien: car S. Paul escriuant à Tite, pour Tite 1. 5.  
 ordonner des Prestres en chacun lieu, adioust  
 quant & quant; Qu'il faut que l'Euesque soit  
 irreprehensible. S. Paul donc appelle là Eues-  
 que, celuy que parauant il auoit nomme Pre- Tite 1. 5. 7.  
 stre ou Ancien. Il saluë aussi les Euesques de  
 l'Eglise de Philippes, qui estoient plusieurs en  
 vne mesme ville; dont faut dire que c'estoyent Phil. 1. 1.  
 Prestres, & que ceux qu'on appelloit Prestres  
 & Anciens estoient aussi nommez Euesques:  
 & S. Luc apres auoir dit que S. Paul conuo- Act. 20. 17.  
 qua les Prestres d'Ephese, il les appelle quant  
 & quant Euesques. Par ces trois passages, Cal-  
 uin a prouué, qu'Euesque & prestre lors estoit  
 vne mesme charge en l'Eglise. Tu as veu cela,  
 quoy qu'il en soit, Belarmini, qui te fait par-  
 ler, l'a veu. Comment osez-vous en cela con-

tre dire à Calvin, veu qu'il parle par l'Eſcriture ſaincte. Comment appelles-tu cela meſonge, veu que l'Apoſtre a ainſi parlé ? Comment diſ-tu que les Anciens ont eſté aueuglez de ne l'auoir veu? car S. Hieroſime la veu: ceux qui ne l'ont veu, de vray ont eſté aueugles comme toy.

Inſt. liu. 4.  
ch. 4. ſect. 7

• Mais tu trouues que Calvin a dit, *que ſi nous y voulons prendre garde de pres, nous verrons que les anciens Eueſques n'ont voulu eſtablir vne autre forme d'Egliſe, que celle que Dieu auoit preſcript par ſa parole.* Mais il faut noter, que ce que Calvin dit là, de l'ordination des Archeueſques, & des Patriarches par le Concile de Nicce, à cē qu'ils fuſſent par deſſus les Eueſques en dignité & hōneur, q̄ cela fut ordonné pour la confirmation de la police; & montre cōment c'eſt; que ce qui ne ſe pourroit vider par les Eueſques, paſſaſt par les Archeueſques, & ce qui ne ſe pourroit vider par ceux-cy, qu'il ſe vuidaſt par les Patriarches; & ſi par ceux-cy ne ſe pouuoit vider, il failloit aller au Synode general. Calvin veut dire, qu'en cela ils n'ont pas voulu forger vne forme de gouverner l'Egliſe, diuerſe de celle que Dieu a ordonnee par ſa parole. Car ce n'eſtoit pas pour ordonner en la Religion (Dieu en a ordonné) mais pour la cenſure des delinquans, pour pacifier les troubles, empeschier les ſcandales, conſeruer le miniſtere, pour retrancher de l'Egliſe, & pour y reünir & reconcilier; & elles autres choſes qui ſont de la conduite

de la paix, & du gouuernement de l'Eglise. Mais ce Concile a-il en cela ordonné de Pape par dessus tout? qui ne voit que non?

Il se plaint apres, *pourquoy Calvin a renuersé l'ordre ecclesiastique*, en mettant les Diacres, qui sont (dit-il) proprement les ministres, au premier rang: les prestres (par lesquels il entend les anciē) au second: les Euesques, qui signifient les Surueillants, au dernier. le respon, que Calvin n'a pas fait cela, & qu'il met les Pasteurs ou Euesques au premier rang: les Anciens adioints aux Pasteurs, pour veiller sur les mœurs & reprendre, au second; & ceux qui ont le soin des pāures apres. C'est vne imposture que ce que dit de Sponde: il le sçait bien. Et cependant il dit, *dites moy deuant Dieu & son Eglise, n'est-ce pas mettre le tout c'en dessus dessous?* Ose-il ainsi adiurer deuant Dieu pour vne imposture, que luy ou Belarmin ont bastie? Et quand mesme Calvin auroit fait cela, pour monter du dernier au premier; qui ne sçait qu'il a preferé traiter la parole, à amasser pour les pāures, & leur distribuer? Qui dira que de Sponde ait eu quelque rondeur en son ame? Mais cōment dit-il cela, veu qu'il asseure que Calvin a bien gardé sa primauté dans Geneue? & si luy (le Docteur, le Pasteur, & le ministre a esté le premier) comment auroit-il donc mis les Diacres au premier rang, & luy & ses compagnons au dernier? Pourquoi impose-il donc à Calvin d'auoir renuersé cest ordre, veu qu'il dit *qu'il l'a conserué toute sa vie*

Inst. liu. 4.  
chap. 3.  
sect. 8.

*dans Geneue ?* Ceste hierarchie Romaine y estoit abolie, auant que Calvin preschast ny escriuit. Pourquoy donc, est-ce qu'il impose à Calvin de l'auoir abolie, & d'en auoir vſé ? Ce qu'il dit que l'Angleterre a moins alteré ceste vieille hierarchie, est vray ; mais elle n'est pas si vieille, qu'elle soit Apostolique. Au reste, Calvin a vescu en bonne vnion avec les Euesques & Eglises d'Angleterre, & n'a rien troublé, ny voulu remuer aux Royaumes reformez, ny n'a entrepris d'y faire de reformation, non plus que l'enfant qui ne fait que naistre. Comment dit-il donc, que les mains & le cœur luy ont demangé, de remuer mesnage à sa poste ? est-ce pource que des ministres que l'Eglise de Geneue a enuoyé, il n'en a pas fait les vns Euesques, les autres Archeuesques, les autres Primats, Patriarches, Prestres, Archiprestres, & le reste de vostre sequelle ? où est le reuenu pour nourrir cela ? mais cela n'est pas de l'institution des Apostres, & n'est que charge, dissolution, & vn faix intollerable au monde ; ie dy comme il est en l'Eglise Romaine. Mais puis qu'il parle de l'Angleterre, pourquoy les Euesques de France n'ont-ils fait eux-mesmes la reformation comme ceux-là ? C'est qu'ils n'en auoyent ny le sçauoir, ny l'esprit. Ceux qui en ont eu quelque volonté, ont eu peur ; l'ignorance qui est tousiours cruelle, les a intimidez : car la plus part des Euesques se sont monstrez plus loups que Pasteurs, & gens ignorans.

De Sponde confesse, que toutes ces distin- Page 152.

ctions ne sont pas particularisées en l'Escripture  
 sainte, toutesfois qu'il semble que cela ait esté en  
 usage du temps des Apostres. Il allegue pour  
 preuue de son dire, que saint Paul escriuoit à  
 Timothee, Euesque d'Epheſe, de ne receuoir accu-  
 sation cõtre le Prestre, sinon que sonz deux ou trois  
 tesmoins: mais il a luy-mesme respondu à cela,  
 en disant qu'en l'Escripture sainte les Eues-  
 ques semblent quelquefois estre cõfondus a- A& 20. 17.  
 uec les Prestres, comme a esté veu cy dessus, Phil. 1. 1.  
 que ceux qui sont appelez Euesques, sont ap- Tite 1. 5.  
 pellez Prestres; & en ce passage ne sont point Page 153.  
 distinguez. Car si Timothee estoit Euesque,  
 ceux qui sont appelez Prestres, estoient aussi  
 appelez Euesques. Il semble bien que saint  
 Paul luy donne autorité, ou la preeminence  
 en ceste Eglise sur les Prestres: mais saint  
 Paul escriuoit à luy, & autant à chacun des  
 autres Prestres ou Euesques; & puis Timo-  
 thee estoit là le premier, le plus ancien, il con-  
 duisoit & gouernoit ceste Eglise. Tite aussi  
 auoit charge d'establir des Anciens: mais ceux  
 qui sont appelez Anciẽs au verset 5. sont ap-  
 pellez Euesques au verset 7. & Tite n'auoit Tite 1. 5. 7.  
 en cela, que comme chacun des autres Pa-  
 steurs en son troupeau, à sçauoir d'esslire à la  
 charge du ministère, comme se faisoit lors  
 par l'aduis & par les voix du peuple, comme  
 sera dit en son lieu. Pour cela donc Tite n'e-  
 stoit point esleué en plus grãde autorité, que  
 ceux qu'il est ablissoit, apres qu'ils auoyent e-

sté establis. Car tous estoient Prestres, ou Anciens, & tous Euesques; saint Paul le monstre ainsi. Quant à ce qu'il allegue de saint Clement & d'Anaclet: cela est ridicule, & indigne de responce, & estant l'Epistre fausse (comme a esté veu, & supposée, à saint Clement) le dire d'Anaclet est donc nul, s'il n'a autorité que de là. *Les Apostres*, dit-il, *n'ont pas executé leur charge avec confusion*. Je respon que non, que nous le voyons, & eslisons à leur exemple & regle, & aussi sans aucune confusion. Quant au 6. Canon du Concile de Nicee, il y a esté respondu, & a esté dit pourquoy fut fait ce Canon, & qu'il n'est pas des Apostres, ains des Euesques dudit Concile. *C'est vne ancienne coustume*, dit de Sponde, soit: mais non Apostolique; le Canon le porte & le declare assez, c'estoit vne coustume iusques alors comme incognue aux autres Eglises. Elle auoit prins son commencement en l'Eglise Romaine, pour esclorre l'Antechrist, qui en est aussi finalement sorti, & par ce moyen s'y est assis, & par l'autorité de Rome sur tout l'Occident. Au demeurant, on ne doit rien rapporter aux Apostres qui contreuienne à leurs escrits: ceste primauté y contreuient, & à nostre Seigneur, elle ne doit point donc estre rapportee aux Apostres. Il dit, *que les Anciens ont appellé saint Pierre le prince des Apostres*. Je respon, qu'il ne leur a iamais rien commandé, n'a eu que sa voix: ils l'ont enuoyé, & non luy eux: ils l'ont repris, non luy eux: luy



ont fait rendre raison, & non luy à eux ; & n'a iamais rien ordonné contre la parole de Dieu. Et si a esté le premier d'entr'eux ; ou que ce fut cōme le premier venu à nostre Seigneur, ou comme le plus apparent, ou comme le plus ancien : mais sans auoir autorité ny domination ou commandement sur eux.

Il dit, *que l'Eglise a fleuri & subsisté sous ceste hierarchie vn long temps, que ce sont les promesses d'eternité, & ce que disoit Gamaliel, que le cōseil ou l'affaire de Dieu ne se peut rompre.* le respon que cela est faux, que l'Eglise ait fleuri ny prospéré sous cesté hierarchie Romaine, si ce n'est en fast, en pompe, en bordeaux, dissolution, gloire du monde, entemples, idoles, ignorance, tyrannie, cruauté, mespris de Dieu, & atheïsme, est-ce fleurir ny prospérer ? l'Eglise a cuidé perir sous ceste Hierarchie, peu s'en est fallu, & y a esté comme esteinte : l'Eglise a subsisté dans les heresies, schismes, impietez, erreurs, ignorance, & idolatrie de la Papauté : non comme la rose dans les espines, ou comme le grain souz la paille seulement : mais comme vn petit lumignon de clarté dans vne fornaisse d'obscurité, & souz les tenebres de l'enfer. Les portes de l'enfer ne peuuent tant contr'elle, que la puissent surmonter, & du tout destruire. Ce conseil de Dieu ne peut estre desfait. L'affaire de la Papauté n'est pas de Dieu, il sera desfait, & l'est desia en la plus part des Royaumes de l'Europe, où on crie *Apoc. 14. 8*  
Que Babylon est cheute, que les Royaumes

Cene du Seigneur . Pour cela donc , & pour leurs horribles idolatries , nous auons fait ce diuorce.

Après cela il demande , *d'où nous auons appris , qu'on faisoit mal en l'Eglise Romaine ?* & puis se respond, *que nous diròs que c'est de la parole de Dieu. Quelle ( dit-il ? )* & puis respond, *celle qui est en l'Escripture sainte. Et comment ( dit-il après )* *Caluin dit que la predication s'estoit esuanouie durant quelques siecles par l'artifice du diable. Quoy ?* Bellarmin a-il fueilleté toute l'Institution de Caluin , pour y trouuer ces trois mots , à fin de nous prendre là au guichet ? Est-ce tout ce qu'il y a cherché ? Je luy demande , s'il pense qu'on ne puisse pas bien-apprendre aussi par la lecture de l'Escripture sainte, lors que la predication defaut ? Sondez les Escriptures, dit nostre Seigneur, vous pensez par icelles auoir la vie eternelle ; elles rendent tesmoignage de moy. Ils ont Moyse & les Prophetes, qu'ils les oyent. La predication est vn beau don de Dieu , & necessaire à l'Eglise ; mais Dieu supplée au defaut d'icelle par la lecture des saintes Escriptures, y ouurant par la grace de son Esprit, la fontaine de clarté.

Iean 5.

Luc 16.

Page 149.

C'est de là que Caluin a peu apprendre, & Martin Luther aussi, & des Docteurs anciens, des Conciles, des Canons des Papes, dont on vous a combatu, & batu de vostre baston mesme. Item, on a peu apprendre des Scholastiques. Et quant à ce qu'il dit, que Caluin

tient les anciens Docteurs pour des bestes, cela est faux (comme a esté dit :) & aussi ce qu'il dit que Calvin s'est forgé sa doctrine luy-mesme, il l'a puisée des Prophetes & des Apostres qui ne voudra croire, lise ses œuvres. Je laisse ce qu'il impose à Calvin, que s'il eut osé, il eust dit que la lumiere de l'Evangile auoit esté ralumée par luy. Comment juge-il de ce qu'il ne sçait pas? c'est qu'il void biē que les travaux de Calvin sont dignes de loüange, & le don de Dieu admirable en luy. Et de vray il a esté vne lumiere à l'Eglise, & le sera à iamais. Celuy qui l'a appelé soleil, a en cela ensuiuy l'exemple de Gregoire Nazianzene, qui en a autant dit de Basile, excellent seruiteur de Dieu, mais non sans erreurs.

Pour voir maintenant que de Sponde ne sçait qu'il cherche cōtre Calvin; il dit, *que Calvin leur laisse vn grand doute en l'esprit. Comment ? tu ne crois rien de ce qu'il dit, tu luy contredis en tout : te pourroit-il donc laisser de doute en l'esprit ? Mais en quoy ? En ce, dit de Sponde qu'il ne limite point le temps certain, durant lequel il dit que ceste predication s'est esvanouie. Es-tu bien en peine de cela ? que te seruiroit de le sauoir ? si tu penses que cela te soit de si grande consequence, regarde quel a esté le temps de la plus grande ignorāce, & quand ce fut que Curez & Euesques cesserent de prescher ; & que les meynes commencerent de monter en chaire, sans auoir vocation, & lors qu'ils n'estoyent tenuz que pour laies.*

Mais quoy? tu dis apres, que Calvin mesme te resout de cela quand il dit, que les premiers cinq cens ans l'Eglise se porta assez bien. Pourquoy te plains-tu donc qu'il te laisse irresolu, & qu'il te laisse vne grande doute en l'esprit? de ce que tu dis contre luy, tu te desdis quant & quant. Calvin a dit voirement, que lors qu'on alleguoit la succession personnelle contre les heretiques & schismatiques, que la doctrine n'estoit point corrompue: cela est vray, & notamment en ce dont estoit questio, & qu'on debatoit cõtre les heretiques & schismatiques. Lors donc & du tẽps de S. Gregoire, il y auoit doctrine & predication en l'Eglise Romaine: es-tu content? ne te plains plus en cela de Calvin. Mais pourtant Calvin n'a pas dit, que lors l'Eglise Romaine fut du tout sans erreur. Les escrits de S. Gregoire fort impurs font foy du contraire, & S. Gregoire se plaint aussi en ses homelies sur Iob, que lors la predication cessoit en beaucoup d'Eglises.

De Sponde voudroit du moins, *que l'Eglise fut remise comme elle estoit du temps de S. Gregoire; & demande pourquoy Calvin ne la reformee à ce modelle.* Ic respon, que Calvin n'a pas fait la reformation, qu'elle estoit faite à Geneue, mesme auant que Calvin y mit le pied. Il a dressé le formulaire Ecclesiastique des prieres, du sanct Baptisme, & de la sainte Cene: vous n'auetz iamais sceu y rien reprendre, ny en celuy de la benediction du mariage: & au

este, nostre reformation est selon la simplicité de l'Eglise du temps des Apostres, & selon la pureté de leur doctrine.

Mais dit nostre aduersaire, *dans ceste antiquité ie ne voy rien que des Primats, des Archeuesques, des Euesques, des Prestres, des Archidiares, des Diares, des Sousdiares, des Acolytes, des Exorcistes, des Lecteurs, des Chantres, & des portiers.* Je respon, que cela n'est pas de l'institution des Apostres, ny n'a esté de leur tēps, mais long temps apres. Nous sommes mieux qu'avec tout cela, qui couste trop, & ne fait que despendre, & ne sert de rien à l'edification de l'Eglise. Estes-vous pour tout cela ny mieux, ny plus sages, ny plus gens de bien? C'est l'ambition qui a amené ces primautez, ces Archeuesques, ces Patriarches; & a apporté de grands troubles entre les principaux sieges, & aux villes des sieges de grâdes confusions, & fait espandre beaucoup de sang; tesinoignage que Dieu reprouue cela. Et de ces primautez est né vn Pape, qui a voulu voler sur l'Orient, le Midy, le Nort; & le Couchant; mais il luy a fallu se contenter de l'Occident. Quant à nous, nous auons de tout cela, le peu qu'il nous en faut. Nous auons nos Pasteurs, qui sont nos Euesques & Prestres, & Ministres, qui nous administrent la parole de Dieu, & les Sacremens. Sainct Hierosme dit, qu'anciennement Prestre & Euesque estoit tout vn. Les nostres sont mariez, si estoient les Anciens: & mesmes le Canon des

1. Timot. 5.  
17.

Act. 6. 7.

Apostres porte, que si aucun Pasteur seretiroit de la compagnie & liët du mariage, pensant viure plus sainctement au celibat & hors le mariage, qu'il soit deposé de sa charge. A nos Pasteurs nous donnons des Anciës pour aides & Surueillans, des Diacres pour la subvention des pauvres, pour recueillir les deniers, & les distribuer aux necessiteux. Ainsi faisoit-on du temps des Apostres. Vos Diacres, Archediacres, Sousdiacres ne font que chanter, de quoy on n'a que faire; les pauvres ne vivent pas de châsons. Les Apostres n'ont pas ordonné ceste charge pour cela, ny d'Exorcistes aussi. Nous auons nos Propofans au lieu des Acolytes, qui aspirent au ministration, s'essayent à traiter l'Escripture sainte, & deuant qui veut, & le font avec edification en la presence des Pasteurs, & autres qui les peuvent redresser, & rēdre tesmoignage de leurs estudes, pour estre promoteus au ministration en tēps & lieu. Nous auōs nos lecteurs qui lisent l'Escripture sainte deuant toute l'Eglise, avec vne tresgrande edification, reuerence, & crainte de Dieu. Nous sommes tous chantres, & tous chantons les louanges de Dieu, comme le S. Esprit nous en a donné les Cantiques & Psalmes; Vous n'avez rien de tout cela. Nous auons aussi nos portiers, & portes, & verrouz, tant que faire se peut. Mais d'Archeuesques, de Primats, Patriarches, Pape, ny de primauté, nous ne voyons pas que Dieu en ait rien ordonné en l'Eglise du nouveau Te-

stament, & voyons que nostre Seigneur l'a de-  
 tendu. L'Apostre au 4. des Ephesiens, où il Mat. 18. 4.  
& 20. 25.  
26.  
 parle des charges, du gouuernement de l'Egli-  
 se, ne dit rien de cela, ny de Pape, ny de Papau-  
 té. Ce qu'il n'eust omis, si l'autorité du Pape Mat. 23. 7.  
8. 9. 10. 11.  
Marc 9. 25.  
Luc 9. 46.  
& 22. 24.  
Iean 13. 13  
14. 15. 16.  
 estoit si necessaire en l'Eglise que vous dites;  
 Je dy vous qui constituez là le salut, la Chre-  
 stienté, & toute la religion, comme si sans Pa-  
 pe on ne pouuoit pas estre sauué.

De Sponde se fasche que Calvin confonde le Page 151.  
*mot de Prestre avec le mot d'Euesque, & qu'il*  
*trouue que celuy qui estoit Prestre estoit aussi ap-*  
*pellé Euesque :* mais qu'il se fasche donc contre  
 S. Hierosime, qui la dit mil ans auant que Cal-  
 uin fut né. Et au reste Calvin dit vray, & le  
 prouue bien: car S. Paul escriuant à Tite, pour Tite 1. 5.  
 ordonner des Prestres en chacun lieu, adiouste  
 quant & quant, Qu'il faut que l'Euesque soit  
 irreprehensible. S. Paul donc appelle là Eues-  
 que, celuy que parauant il auoit nomme Pre- Tite 1. 5. 7.  
 stre ou Ancien. Il saluë aussi les Euesques de  
 l'Eglise de Philippes, qui estoient plusieurs en  
 vne mesme ville; dont faut dire que c'estoyēt Phil. 1. 1.  
 Prestres, & que ceux qu'on appelloit Prestres  
 & Anciens estoient aussi nommez Euesques:  
 & S. Luc apres auoir dit que S. Paul conuo- Act. 20. 17.  
 qua les Prestres d'Ephese, il les appelle quant  
 & quāt Euesques. Par ces trois passages, Cal-  
 uin a prouué, qu'Euesque & prestre lors estoit  
 vne mesme charge en l'Eglise. Tu as veu cela,  
 quoy qu'il en soit, Belarmini, qui te fait par-  
 ler, l'a veu. Comment osez-vous en cela con-



tredire à Calvin, veu qu'il parle par l'Escripture sainte. Comment appelles-tu cela mensonge, veu que l'Apostre a ainsi parlé? Comment dis-tu que les Anciens ont esté aueuglez de ne l'auoir veu? car S. Hierosime la veu: ceux qui ne l'ont veu, de vray ont esté aueugles comme toy.

Inst. liu. 4.  
ch. 4. sect. 4

• Mais tu trouues que Calvin a dit, *que si nous y voulons prendre garde de pres, nous verrons que les anciens Euesques n'ont voulu establir vne autre forme d'Eglise, que celle que Dieu auoit prescript par sa parole.* Mais il faut noter, que ce que Calvin dit là, de l'ordination des Archeuesques, & des Patriarches par le Concile de Nicee, à ce qu'ils fussent par dessus les Euesques en dignité & hōneur, q̄ cela fut ordonné pour la confirmation de la police; & monstre cōment c'est; que ce qui ne se pourroit vider par les Euesques, passast par les Archeuesques, & ce qui ne se pourroit vider par ceux-cy, qu'il se vuidast par les Patriarches; & si par ceux-cy ne se pouuoit vider, il faillloit aller au Synode general. Calvin veut dire, qu'en cela ils n'ont pas voulu forger vne forme de gouverner l'Eglise, diuerse de celle que Dieu a ordonnée par sa parole. Car ce n'estoit pas pour ordonner en la Religion (Dieu en a ordonné) mais pour la centure des delinquans, pour pacifier les troubles, empescher les scandales, conseruer le ministere, pour reuancher de l'Eglise, & pour y reünir & reconcilier; & ellez autres choses qui sont de la conduite

de la paix, & du gouuernement de l'Eglise. Mais ce Concile a-il en cela ordonné de Pape par dessus tout? qui ne voit que non?

Il se plaint apres, *pourquoy Calvin a renuersé l'ordre ecclesiastique, en mettant les Diacres, qui sont (dit-il) proprement les ministres, au premier rang: les prestres (par lesquels il entend les anciens) au second: les Euesques, qui signifient les Surueillants, au dernier.* Il respon, que Calvin n'a pas fait cela, & qu'il met les Pasteurs ou Euesques au premier rang: les Anciens adioints aux Pasteurs, pour veiller sur les mœurs & reprendre, au second; & ceux qui ont le soin des pauvres apres. C'est vne imposture que ce que dit de Sponde: il le sçait bien. Et cependan- Inst. liu. 4.  
chap. 3.  
sect. 8. il dit, *dites moy deuant Dieu & son Eglise, n'est-ce pas mettre le tout c'en dessus dessous?* Ose- il ainsi adiuurer deuant Dieu pour vne imposture, que luy ou Belarmin ont bastie? Et quand mesme Calvin auroit fait cela, pour monter du dernier au premier; qui ne sçait qu'il a preferé traiter la parole, à amasser pour les pauvres, & leur distribuer? Qui dira que de Sponde ait eu quelque rondeur en son ame? Mais cōment dit-il cela, veu qu'il asseure que Calvin a bien gardé sa primauté dans Geneue? & si luy (le Docteur, le Pasteur, & le ministre a esté le premier) comment auroit-il donc mis les Diacres au premier rang, & luy & ses compagnons au dernier? Pourquoy impose-il donc à Calvin d'auoir renuersé cest ordre, veu qu'il dit *qu'il l'a conserué toute sa vie*.

*dans Geneue?* Ceste hierarchie Romaine y estoit abolie, auant que Calvin preschast ny escriuit. Pourquoy donc, est-ce qu'il impose à Calvin de l'auoir abolie, & d'en auoir vſé? Ce qu'il dit que l'Anglèterre a moins alteré ceste vieille hierarchie, est vray; mais elle n'est pas si vieille, qu'elle soit Apostolique. Au reste, Calvin a vescu en bonne vnion avec les Euesques & Eglises d'Anglèterre, & n'a rien troublé, ny voulu remuer aux Royaumes reformez, ny n'a entrepris d'y faire de reformation, non plus que l'enfant qui ne fait que naistre. Comment dit-il donc, que les mains & le cœur luy ont demangé, de remuer ménage à sa poste? est-ce pource que des ministres que l'Eglise de Geneue a enuoyé, il n'en a pas fait les vns Euesques, les autres Archeuesques, les autres Primats, Patriarches, Prestres, Archiprestres, & le reste de vostre sequelle? où est le reuenu pour nourrir cela? mais cela n'est pas de l'institution des Apostres, & n'est que charge, dissolution, & vn faix intollerable au monde; ie dy comme il est en l'Eglise Romaine. Mais puis qu'il parle de l'Anglèterre, pourquoy les Euesques de France n'ont-ils fait eux-mesmes la reformation comme ceux-là? C'est qu'ils n'en auoyent ny le sçauoir, ny l'esprit. Ceux qui en ont eu quelque volonté, ont eu peur; l'ignorance qui est tousiours cruelle, les a intimidéz: car la plus part des Euesques se sont monstrez plus loups que Pasteurs, & gens ignorans.

De Sponde confesse, *que toutes ces distinctions ne sont pas particularisées en l'Ecriture sainte, toutesfois qu'il semble que cela ait esté en usage du temps des Apostres.* Il allegue pour preuve de son dire, *que saint Paul escrivoit à Timothee, Euesque d'Epheſe, de ne recevoir accusation cõtre le Prestre, sinon que souz deux ou trois tẽmoins: mais il a luy-mesme respondu à cela, en disant qu'en l'Ecriture sainte les Euesques semblent quelquefois estre cõfondus avec les Prestres, comme a esté veu cy dessus, que ceux qui sont appelez Euesques, sont appelez Prestres; & en ce passage ne sont point distinguez. Car si Timothee estoit Euesque, ceux qui sont appelez Prestres, estoient aussi appelez Euesques. Il semble bien que saint Paul luy donne autorité, ou la preeminence en ceste Eglise sur les Prestres: mais saint Paul escrivoit à luy, & autant à chacun des autres Prestres ou Euesques; & puis Timothee estoit là le premier, le plus ancien, il conduisoit & gouvernoit ceste Eglise. Tite aussi avoit charge d'establiſir des Anciens: mais ceux qui sont appelez Anciẽs au verset 5. sont appelez Euesques au verset 7. & Tite n'avoit en cela, que comme chacun des autres Pasteurs en son troupeau, à sçavoir d'eslire à la charge du ministere, comme se faisoit lors par l'aduis & par les voix du peuple, comme sera dit en son lieu. Pour cela donc Tite n'estoit point esleué en plus grãde autorité, que ceux qu'il est ablissoit, apres qu'ils auoyent e-*

Page 54.

Act. 20. 17.

Phil. 1. 1.

Tite 1. 5.

Page 53.

Tite 1. 5. 7.

ité establis. Car tous estoyét Prestres, ou An-  
 ciens, & tous Euesques; saint Paul le mon-  
 stre ainsi. Quant à ce qu'il allegue de saint  
 Clement & d'Anaclet: cela est ridicule, & in-  
 digne de responce, & estant l'Epistre fausse  
 (comme a esté veu, & supposée, à saint Cle-  
 ment) le dire d'Anaclet est donc nul, s'il n'a  
 autorité que de là. *Les Apostres*, dit-il, *n'ont*  
*pas executé leur charge avec confusion.* Je respon-  
 que non, que nous le voyons, & eslisons à leur  
 exemple & regle, & aussi sans aucune confu-  
 sion. Quant au 6. Canon du Concile de Ni-  
 cee, il y a esté respondu, & a esté dit pour-  
 quoy fut fait ce Canon, & qu'il n'est pas des  
 Apostres, ains des Euesques dudit Concile.  
*C'est vne ancienne coustume*, dit de Sponde, soit:  
 mais non Apostolique; le Canon le porte &  
 le declare assez, c'estoit vne coustume iusques  
 alors comme incognue aux autres Eglises.  
 Elle auoit prins son commencement en l'E-  
 glise Romaine, pour esclorre l'Antechrist, qui  
 en est aussi finalement sorti, & par ce moyen  
 s'y est assis, & par l'autorité de Rome sur  
 tout l'Occident. Au demeurant, on ne doit  
 rien rapporter aux Apostres qui contreuienne  
 à leurs escrits: ceste primauté y contreuiet,  
 & à nostre Seigneur, elle ne doit point donc  
 estre rapportee aux Apostres. Il dit, *que les An-*  
*ciens ont appellé saint Pierre le prince des Apo-*  
*stres.* Je respon, qu'il ne leur a iamais rien com-  
 mandé, n'a eu que sa voix: ils l'ont enuoyé, &  
 non luy eux: ils l'ont reprins, non luy eux: luy

ont fait rendre raison, & non luy à eux ; & n'a jamais rien ordonné contre la parole de Dieu. Et si a esté le premier d'entr'eux ; ou que ce fut cōme le premier venu à nostre Seigneur, ou comme le plus apparent, ou comme le plus ancien : mais sans auoir autorité ny domination ou commandement sur eux.

Il dit, *que l'Eglise a fleuri & subsisté sous ceste* Page 154.  
*hierarchie vn long temps, que ce sont les promesses*  
*d'eternité, & ce que disoit Gamaliel, que le cōseil ou*  
*l'affaire de Dieu ne se peut rompre.* le respon que  
 cela est faux, que l'Eglise ait fleuri ny prospéré sous cesté hierarchie Romaine, si ce n'est en fast, en pompe, en bordeaux, dissolution, gloire du monde, entemples, idoles, ignorance, tyrannie, cruauté, mespris de Dieu, & atheïsme, est-ce fleurir ny prosperer? l'Eglise a cuidé perir sous ceste Hierarchie, peu s'en est fallu, & y a esté comme esteinte : l'Eglise a subsisté dans les heresies, schismes, impietez, erreurs, ignorance, & idolatrie de la Papauté : non comme la rose dans les espines, ou comme le grain souz la paille seulement : mais comme vn petit lumignon de clarté dans vne fornaisie d'obscurité, & souz les tenebres de l'enfer. Les portes de l'enfer ne peuuent tant contr'elle, que la puissent surmonter, & du tout destruire. Ce conseil de Dieu ne peut estre desfait. L'affaire de la Papauté n'est pas de Dieu, il sera desfait, & l'est desia en la plus part des Royaumes de l'Europe, où on crie ApoC. 17. 8  
 Que Babylon est cheute, que les Royaumes

Apoc. 11.  
15.

de la terre sont reduits à Dieu & à son Christ. Que si ceste Papauté ou Hierarchie triomphe & triomphera tousiours indubitablement, pourquoy crient tant de Sponde, & les Iesuites, & le Pape? que ne dorment-ils à leur aise? Pourquoy remuēt-ils tant? Mais pourquoy pour fulcīr ceste Papauté, qui panche de tous costez, la cimentent-ils de tant de sang? Ces promesses d'eternité, dōt il parle, sont faites à l'Eglise, & non à la Papauté: & s'accōplissent en l'Eglise Romaine mesme, en ce que Satan ne l'a peu toute estaindre, subuertir, ny submerger par la Papauté.

Ce qu'il dit apres, qu'il faillloit guerir leur corps malade, & non s'en retirer, a esté discuté cy dessus, & la responce se void. Comment eussions-nous guerir ceux qui nous iettoient au feu, quand nous apportions nos remedes, si mieux nous n'aimions aller au feu d'enfer avec eux? Tout leur estat, c'estoit lors de nous faire idolatres comme eux. Les idolatres sont excluz du Royaume des cieux. *L'Eglise primitive seroit* (dit-il) *bien estōnee de nous voir.* Je respon, qu'elle seroit bien plus estōnee de les voir: de voir dy-ie vn Pape, des Cardinaux, des Euesques mitrez, & telle ignorance: tant d'idoles, tant d'autels, tant de Prestres qui se vantent de faire autant pour nostre salut, en chantant sur vn autel, que nostre Seigneur a fait pour nous en mourant sur le bois de la croix. Et de faict, que diroit l'Eglise primitive, si elle voyoit vos temples pleins d'autels,



vos images dessus, vos prestres braire à l'en-  
 uiron, le peuple leur esclairer de iour la chan-  
 delle au poing, les baisser, les porter ? Mais si  
 l'Eglise primitiue voyoit vos prestres parer  
 leurs images, estaler leurs reliques, tendre là  
 leurs gluaux pour prédre de l'argët, ou autres  
 offrandes, & le prestre affamé estre là prompt  
 pour souffler les chandelles, ne seroit-elle pas  
 bien estōnee de cela ? & d'ouïr le bruit de vos  
 cloches, de vos orgues, & les madrigales que  
 vous y iouëz, & mesmes à l'esleuation du  
 Dieu de la Messe ? Que diroit l'Eglise primiti-  
 ue, si elle voyoit des Prestres, voire non ma-  
 riez, & des moines aussi confesser les femmes,  
 & souuent en quelque coing secret du tem-  
 ple, & parler aux plus belles bec à bec, cōme  
 on dit ? Mais quoy ? si l'Eglise primitiue les  
 voyoit vestir la chemise sur la robe, & là des-  
 sus encore se vestir de rouge, de verd, ou de  
 iaune, & pour représenter la mort de nostre  
 Seigneur cōme vous-vous dites faire à la Mes-  
 se ? Mais quoy ? de vous ouïr dire q̄ la mort de  
 nostre Seigneur ne sauue pas sans ceste Mes-  
 se, & de voir vn Pape manier tout, s'asseoir en  
 la place de Dieu, ordonner vn autre seruice  
 diuin, & en vn langage qu'on entend pas, de-  
 bouter les Rois de leurs Royaumes, defen-  
 dre ce que Dieu a permis, permettre ce que  
 Dieu a defendu, & encore forcer l'Eglise de  
 croire, que ce Pape ne peut errer ? Le demande  
 si l'Eglise primitiue ne seroit pas bien eston-  
 nee de voir tout cela ? Et de Sponde dit, qu'el-

le seroit bien esbahie de voir nostre reformation, n'a-il pas raison? mais ie luy respon, qu'en nostre reformation l'Eglise primitiue se reuerroit, & se recognoistroit entierement: car elle ny verroit que son ancienne simplicité, & sa premiere face.

De Sponde veut, *que nous posions le cas que les prelatz (qu'il appelle les legitimes successeurs & heritiers de l'Eglise) la dissipassent toute, comme prodigues & perdus: pour tant, dit-il, de quel droit entreprendra vn estrange de les dechasser de leur bien?* Ie respon qu'il se trompe, s'il pense que les prelatz soyent les seuls legitimes successeurs & heritiers de l'Eglise: Il se trompe aussi s'il pense, que les benefices & reuenus ecclesiastiques, soit ce de quoy nous sommes en dispute. Si on les a deboutez de là, pourquoy s'en prend-il à Calvin, qui ne la fait, ny fait faire, non plus que nous? Il voudroit qu'on leur rendist le benefice, quand ils seroyent plus sages: mais est-ce chose prestee, ny d'une part ny d'autre? Ie dy à eux d'estre plus sages, ny à ceux qui tiennent de rendre; nous n'en tenons rien. Mais cest homme pense, qu'il ne soit question que de piaffer en l'Eglise, & iouir du riche benefice: que cela osté, tout est perdu, c'est de cela qu'il se plaint, c'est où il regarde, & non à l'erudition du peuple. Et pourtāt il se plaint, qu'on a spolié les prestres (qu'il appelle les legitimes heritiers & successeurs de l'Eglise) comme si l'heritage & succession de l'Eglise consistoit au reuenue de vingt mille ou cent mille

mille escuz, & que d'en iouir pour faire bõne chere cõme ils fõt, fut le vray seruice de Dieu.

Il dit apres, *que leur prendre cela, & ne restituer iamais rien, qui le pourroit prendre en patience ?* Ce sont ses mots: & de fait, cela leur fait mal ; mais si est-ce qu'il confesse *qu'on leur a prins cela iustement, puis qu'il dit qu'on leur doit rendre quand ils seront sages.*

De Sponde proteste apres deuant Dieu & ses Anges, *qu'il ne nous peut tenir pour ses Docteurs*, & pourtant il crie comme à pleine teste, *Rendez-moy mes Docteurs, mais plustost ramenez-les à l'Eglise de Dieu.* Helas, mon amy, les auons-nous ? vous auez les escrits des morts, & si auez leurs os ; des viuans nous ne les gardons pas. Que veut-il ? que nous les restituions en leurs chaires, d'où ils ont esté ostez ? S'ils viuoyent, on ne pourroit en bonne conscience : qu'il les demande, non à Calvin, mais à ceux qui les luy ont ostez ; cela estoit fait auant que Calvin escriuit, comme a esté dit. Il dit que c'est iouër trop à descouuert : si est-ce qu'on n'a rien fait par ieu, mais le tout à bon escient. On a bien mis le tout à descouuert, quel remede ? il le falloit. Quoy donc ? croupir en l'idolatrie sans rien dire, & laisser le peuple de Dieu en erreur, en ignorance, & en l'enfer ? Il se plaint aussi, *qu'on le meine à un nouueau apprentissage.* S'il parle de luy particulierement, c'est luy-mesme qui à nostre grand regret s'y est mis. Mais, peut estre, veut-il dire, que leurs Prestres ne sont pas apprins à trai-

ter la doctrine, & catechiser & conduire l'Eglise, cōme se fait entre nous, que ce seroit vn trop long apprētissage pour eux, apres auoir prins beaucoup de peine au leur. C'est vn autre tort qu'il dit que nous auōs fait à saincte mere Eglise; qui luy en fera raison? Ce qui n'est selon Dieu & sa parole, & ce qui est contre Dieu en l'Eglise, quoy qu'il y soit de long temps, & par plusieurs establi, doit estre chāgé. Or leur seruice n'est selon Dieu & sa parole, ains contre Dieu; car il est idolatrie: leur seruice deuoit donc estre changé. Mais ne veut-il pas nous faire rire, quād il dit; *que nous luy auons esteint ses belles lumieres, à sçauoir d'Euesques, de Chanoines, de Curez, & de Prestres, & ceste autre unique lumiere, à sçauoir le Pape, qui luisoit sur toutes les autres.* Pourquoi auez-vous fait cela, dit il? Et apres il se respond comme en nostre nom, *pource que c'estoyent des fumeuses & obscures lumieres; ie n'en crois riē faites que ie les reuoye, car i'ay des yeux aussi clairs-voyans que vous.* Escriuoit-il cecy sans rire tout son foul, quoy qu'il face le catholique zelé? vn tel homme n'a peu escrire en ceste sorte, sans se moquer de la Papauté.

Apres cela il adioust, *qui estes vous si hardis, qu'il faille que toutes les consciences tremblent sous les allarmes que vous leur donnez?* Il respon, que nous parlons au nom de Dieu, auons sa parole en main: quand Dieu parle, qui n'aura peur? Que le lion bruye, qui ne s'espouuatera? Le lion de Iuda a brui, vous auez ouy

sa voix, & vous demeurez obstinez: mais si estes vous estonnez, & tremblez en vos consciences. Il n'y a point de fort où Dieu n'entre, ne face sentir sa vertu, & ne vous face trëbler, & fussiez-vous dans le chasteau sainct Ange, & dans les plus forts boulevards de Rome. Pourquoy tremblez-vous, sil n'y a dequoy? le iuste est asseuré comme le lion.

Il nous demande; *Si tout l'Orient, tout l'Occident, tout le Septentrion, tout le Midy est damné, pour auoir ses Primats, ses Archeuesques, ses Euesques, & tout le reste des officiers de l'Eglise?* Je luy respon, que ceux qui sont damnez en l'Eglise Romaine, le sont chacun pour ses pechez, soit d'idolatrie ou autres. A quoy n'ont que trop aidé ces Archeuesques, Euesques, & autres tels officiers d'Eglise (qu'il appelle) par leur fausse doctrine, ignorâce, & meschâs exemples. Mais fut tout a aidé à cela, celuy qu'il ne nomme pas entre les officiers d'Eglise (aussi l'appellent-ils le sainct pere, & Dieu, Dieu en terre) qui a ordonné du seruice de Dieu à sa volonté, outre & par dessus & contre la parolë de Dieu. Le monde n'est pas sauué, pour auoir vn tel pilote, mais plustost dâné, pour les erreurs & corruptions qu'il a introduit en la Religiõ. Les Primats, Archeuesques & Euesques & Pasteurs, seruoient à l'edification de l'Eglise au cõmencement qu'ils fûrēt establis, qui fut plusieurs cẽtaines d'ans apres la mort de nostre Seigneur. Car cela ne fut establi qu'au Concile de Nicce (& à

Steeus de  
donatione  
Constan.  
Pag. 141.

l'exemple de l'Euesque de Rome, qui auoit desia commenc  , & prins son siege le premier) ce fut trois cens ans apres les Apostres. *On a est  * (dit-il) *Chrestien, sans nostre remuement.* Le resp  , qu'aussi l'a-on est   du temps des Apostres, & auant vostre Hierarchie Romaine, auant qu'il y eust Pape; voire auant la Papaut  , le Christianisme a est   plus pur que depuis. Nous voulons reuenir    cest estat d'alors, pour le plus seur;    qui faiso-nous tort    au Pape, & aux Euesques de les auoir deposez? Les Estats & Princes qui ont fait cela, resp  dent de leur faict, & disent que c'est selon le droict, que ce qu'on leur a ost   on le leur auoit donn   pour en mieux yser. Mais quelle chrestient   auoit-on auparauant la reformation? quelle foy? quelle religion? que tout m  l   de superstiti  , mesmes depuis que les Papes ont eu cong   d'introduire tout ce qu'ils ont voulu en l'Eglise, & d'y commander? Car c'est de l   & depuis que les Pasteurs ont est   muets, que l'ignorance a gagn  , que les tenebres ont chass   la lumiere, & l'idolatrie la piet  ; on a depuis est   plus Chrestien de nom que de faict. La reformation estoit necessaire pour oster le mal, amener le bien, b  nir l'ignorance, reestabliir la do  trine, casser les fols Pasteurs, en establiir de meilleurs, oster la corrupti  , les abuz & la superstition, & ramener l'Eglise de la mort    la vie. O   est la reformati   plus necessaire qu'en la Religion, si la corruption y'a entr  ? Les Rois Iosaphat,

Ezechias, & Iofias, ont bien reformé l'Eglise, eust-il fallu dire lors, à quoy ce remuement? De Sponde dit, qu'il aime la reformation, & non la dissipation : qu'il sâche, qu'on n'a rien dissipé de l'Eglise, ny de la Religio ; mais que le tout a esté remis en sa pureté autant qu'on a peu, & selon qu'on a veu par la parole de Dieu, & par le droict se deuoir faire.

Ce qu'il allegue de saint Hierosime ne fait rien pour luy : car S. Hierosime parle de choses nouvelles, & contraires à la parole de Dieu, qu'on vouloit introduire en l'Eglise, & dit ; N'auons-nous pas iusqu'aujourd'huy esté Chrestiens sans cela? Mais voicy ses mots ; *Cur post quadringentos annos docere nos niteris quod ante nesciuimus? Cur profers in mediū quod Petrus & Paulus edere noluerunt? usque adhunc diem sine ista doctrina mundus Christianus fuit.* c'est à dire, il y a quatre cens ans q̄ nous sommes Chrestiens, & Eglise de Dieu, & n'auons point sceu ce que tu nous veux maintenāt enseigner ; pourquoy te trauailles-tu en cela? Pourquoy mets-tu en auāt ce que S. Pierre & S. Paul n'ont iamais voulu enseigner? Iusques à ce iour, sans ceste doctrine, le monde a esté Chrestien. Ce passage est contre vous. Car pourquoy mettez-vous en auāt autre doctrine, que des Prophetes & des Apostres? Pourquoy vous trauaillez-vous de nous faire croire, ce que Dieu n'a pas commandé de croire ; & que les Apostres n'ont pas enseigné, ny leur Eglise creu? Ne serons-nous pas Chre-



S. Hierosime  
sur le 9.  
d'Esaie.

stiens sans cela ? ne l'a-on pas esté auant que cela fut introduit . Exemple , du temps de S. Hierosime il n'y auoit ny Primat , ny Patriarche , ny Archeuesque : car il constitue toute l'Eglise en ces cinq sortes de personnes, à sçauoir , d'Euesques ( Prestres qui preschoyent avec les Euesques ) Diacres, le peuple, & ceux qui ne sont point baptisez . N'estoit-on pas donc Chrestien sans vostre Hierarchie de Pape, Primat, Archeuesque Patriarches, Abbez, Prieurs, Mendians, Exorcistes, Officiaux Protonotaires , & autres ? pourquoy crie donc tant cestuy-cy, de ce qu'on a reformé cela ? mais pourquoy s'en rue-il si furieusement contre Calvin, comme s'il auoit fait cela, où il n'apas touché ?

Page 157.

Il dit, *nous denions reprēdre ces Prelats estant parmi eux, & non pas en sortir pour huer contre eux.* On les a reprins, mais combien en ont-ils fait mourir, de ceux qui leur ont voulu remonstrier ? Et en Boesme, & en l'Anguedoc il y a pres de quatre cens ans ? & en France depuis cent ans ? Il a fallu sortir d'entr'eux pour sauuer nos vies, & pour n'idolatrer avec eux, & seruir Dieu au milieu de nous selon sa volonté, & loin de vostre idolatrie.

*Nous n'auions pas pouuoir de les reprēdre (dit-il) pourquoy nous blasme-il donc de ne les auoir repris.* Nous pouuōs tousiours prier, remōstrier, requerir, & supplier de ce qui est de l'edificatiō de l'Eglise, du salut, & de la gloire de Dieu: ce que nous auōs fait en toute reue-

rence, & sans huer: mais en fin vostre cruauté a fait crier plus haut qu'on n'eut fait. Que peut-on dire que du mal le mal, comme du bien le bien? Au reste, nous sommes sortis d'entre vous comme brebis d'entre les loups, & comme Israël d'Egypte.

De Sponde se plaint que Calvin dit, *que le gouvernement ecclesiastique de la Papauté est avec tel desordre, avec tant d'abus que qui voudra considérer la face de ce gouvernement, trouuera qu'il ny a nulle briganderie tant desordonnée au monde.* De Sponde n'y contredit pas beaucoup. Car il adioust apres, & en y eut-il encore plus qu'il ne dit: pour le moins les trouue-il dans ce desordre reuestus de leurs charges, & fussent-ils plus brigans qu'il ne pense; est-il leur iuge pour les desponiller ou pour les punir? Le respon, que Calvin ne les trouue pas reuestus de leurs charges: au contraire, ne faisant aucunement leur charge, ains en abusant du tout. Et Calvin trouue qu'on ne scauroit faire vn plus grád deshonneur à Iesus Christ, que de prédre son Nom, pour colorer vn regime tant confuz & débordé: & que la succession personnelle dont ils se vantét, n'est qu'un badinage, en ce qu'ils pensent qu'ils ont l'autorité des Apostres. Calvin móstre aussi, qu'ils n'ont rien de commun avec les Apostres, & qu'il n'est point question d'une dignité hereditaire, qui vient en dormant, mais de la charge de prescher la parole de Dieu. Item, que les Anciens en tenant l'ordre de l'Eglise ordonné par les Apo-

Instic. liur.  
4. chap. 5.  
section 13.

stres n'ôt point songé à traiter l'estat du Clergé du Pape, si difforme qu'il est aujourdhuy. Et quant aux moynes, il auoit monstré en la section huiëtiesme du 5<sup>e</sup> cha. 4. liure qu'ils n'ont, ny ne peuuēt auoir charge en l'Eglise, non plus que les laics: & que par leur profession, cela leur est deffendu, & qu'ils sont souz le regime des Prestres cōme les laics; & cela dit-il apres S. Gregoire. Des Chanoines, ils se preparoyent anciennemēt pour seruir au ministere, & prescher la parole de Dieu, à quoy pour le iourd'huy on ne les employe pas. Il demande, *si Caluin est leur iuge, pour les despoüiller ou pour les punir.* Mais pourquoy se prend-il à Caluin, qui n'e a despoüillé ny puni aucū?

De Sponde adiousté apres, *quand le feu est à la maison, quand l'ennemi est sir les murailles (dites vous) tout le monde voire les moindres ont assez de vocation pour esteindre ce feu, & pour s'opposer à ses ennemis.* Il ne reprouue pas cela, car il ne peut; toutesfois ceste similitude ne luy plaist pas. Mais s'il est ainsi, que chacun ait vocation pour esteindre le feu, crier au feu, repousser l'ennemi; n'a-on pas de vocation pour esteindre le feu d'enfer de la maison de Dieu, & repousser l'ennemi qui l'enuahist, & crier cōtre luy? n'est-il pas loisible de s'opposer à ceux qui en font vne cauerne de brigans? Il n'est pas loisible d'escrire & de prescher contre cela? nul n'osera parler que par le cōgé du Pape & de son Clergé? Qui sont ceux qui mettent le feu en la maison de Dieu & la destruisent?

Cependant nous ne disons pas, ny ne souffrons, que tous montent en chaire.

Mais il replique à cela, *qu'au lieu d'esteindre* Page 158.  
*le feu de la maison, nous auons ietté le maistre dehors, & nous sommes faits maistres de la maison, & les plus forts en la ville, sous pretexte de repousser l'ennemi.* Le respon, qu'en beaucoup de païs nous auõs esteint le feu, & mis dehors l'ennemi qui allumoit le feu: q̃ l'Euesque de Rome n'est pas le maistre, mais l'ennemi de la maison de Dieu, & son Clergé avec luy. Nous auons prouueu apres à la maison de Dieu. Les Rois, Princes, & estats ont fait cela, & le deuoyent faire. Nous auõs, dit-il, *raui leurs troupeaux.* Le respon, que les troupeaux sont à Dieu, ils les païssoient mal. Les troupeaux souz eux, estoient les brebis d'occision: nous les faisons viure par nostre ministere. Nous auons bonne vocation (cõme a esté veu, & sera veu encore) tant de la part de Dieu, que de la part des hõmes, à qui il appartient de nous cõmettre ceste charge. En tout cela n'a esté fait aucũ mal, ains tout bien, & n'en fort que bien.

*Mais voyons, dit-il, que dit Calvin; la vocation des Euesques ne luy plaist, en ce qu'on y met des ignorans, des vicieux, des enfans bien souuent, & en ce que les Chanoines eslisent, & non le peuple, comme anciennement; & qu'au reste leur ordination n'est qu'un badinage.* Corrigeons ce qui se peut, ce qui se doit, dit de Sponde. *Il veut qu'on y mette des hommes doctes, sages, & d'aages competant; & puis demande, Si Calvin en*

*voyoit un tel à Geneue, s'il luy quitteroit la place qu'il a emblee.* Helas, mon amy, il l'a desia quittee ; mais il ne l'a iamaïs tenue sinon que pour prescher : mais vous ne parlez pas de cela, ains du reuenu duquel Calvin n'a iamaïs iouï. Y voudrois-tu bien estre Euesque à ce pris ? La Seigneurie de Geneue s'en estoit faisie, auât que Calvin y mit le pied, & distribué tousiours ce reuenu à l'entretènement des escholes, des hospitaux, à la nourriture des pauures, & à l'entretènement du ministère. Calvin les deuoit-il diuertir de cela, ou plustost les y exhorter ? S'il eut dit le contraire, qu'eut-il aussi gagné ? Lors que de Sponde estoit à Geneue, il leur deuoit remonstrer cela.

Page 159. Il demande, *s'il en entroit un à Geneue homme d'aage competant, docte, & sage, si Calvin luy quitteroit sa place ?* Il veut dire, si on le feroit Euesque. Et puis respond luy-mesme que non, *pource qu'il n'auroit pas fucilleté les escrits de Calvin, & scent-il toute la Bible, & tout S. Cyprien, & tous les autres anciens Docteurs.* Est-ce la cause qu'il ne seroit pas receu, ou plustost ne seroit-ce pas qu'ils ne l'auroient ny esleu, ny nômé ny cherché, & qu'ils n'en veulent pas à Geneue de la main du Pape ? Et quant aux escrits de Calvin, ils sont beaux & saincts, & ne mourront iamaïs ; & nul digne d'estre Euesque, ne les desdaigne pas.

De Sponde entre au poinct de l'election, *le trouue le plus scabreux, dit que Calvin fait l'e-*

*lection populaire, pour gagner la faueur du peuple.*

Peut-il dire cela, veu que Calvin suit le Canon du Concile de Laodicee, a eslire les Pasteurs ? L'election & nomination se faisoit par le Clergé, ou par les Pasteurs. Iceux of-  
froyent les esleuz, & nommez aux Gouver-  
neurs, & s'ils l'approuoyent, on rapportoit  
le tout au peuple, qui approuoit ou reproc-  
uoit : quelquefois les Pasteurs scauoient du  
peuple celuy qu'on aimeroit le mieux ; & le  
nommoient aux Gouverneurs, qui confir-  
moient le tout. Leon dit ainsi, qu'on eslise ce-  
luy qui aura esté demandé du Clergé & du  
commun, au moins de la plus grande multi-  
tude. Item, il faut auoir les voix des bour-  
geois & citoyens, le tesmoignage du peuple,  
l'authorité des Gouverneurs, l'election du  
Clergé. Item, qu'on ait le tesmoignage des  
Gouverneurs, la suscription du Clergé, le  
consentement du Senat, & du peuple. Nous  
auons donc Leon & sainct Cyprien pour  
nous, & suyons leur aduis. Calvin allegue  
cela, & de Sponde dit qu'il ne se couure que  
de haillons. Qui ne void en cela, que l'electiō  
anciennement estoit populaire, & par l'ad-  
uis de toute l'Eglise ? Mais de Sponde ne le  
peut nier ; il le confessera cy apres. Que luy  
faut-il donc à disputer icy ? Calvin (dit-il) *n'a  
pas costé ces passages.* Cela est faux : car il les a  
cotez en la section 11. & 12. du 4. chap. du  
liure 4.

Leon epist.  
9. cap. 2.

Epist. 57.

Il dit apres, que Calvin n'allegue aucun

Page 160.

passage de l'Escripture sainte, pour prouuer que l'election des Pasteurs doit estre populaire: partant qu'il n'est pas tenu de croire Calvin; & que quand il l'aura conuaincu en cela de fausseté, qu'on ne le croira pas au reste. Sus donc, & quand Calvin aura prouué qu'en l'election des Pasteurs ou Euesques, le peuple a son droict & sa voix, & l'aura monstré par l'Escripture sainte; au moins alors le croiras-tu en cela, & au reste? Pourquoy ne le croiras-tu quand il parlera, non de soy, mais par la parole de Dieu? Or au 4. liu. chap. 3. section 15. il allegue le 14. des Actes vers. 23. où les Apostres eslisoyent par les voix & suffrages du peuple, & en leur faisant à chacun leuer la main. Le mot dont vse saint Luc, signifie cela. Calvin allegue aussi le premier chapitre des Actes verset 26. quand l'Eglise enlisoit vn, pour estre en la place de Iudas, & que des deux nommez, Dieu en approuua l'vn par sort, ietté sur eux pour cela: car ils estoient concurrens en voix, comme est vraysemblable, & falloit aussi que ceste election Apostolique se fit en telle sorte, que Dieu seul en fut l'Auteur. Calvin allegue aussi le 6. chapitre des Actes verset 3. où les Apostres commandent que l'assemblee eslise sept Diacres, & l'assemblee en a fait l'election, & non les Apostres; ains seulement la confirment. Il allegue aussi le premier à Tite verset 5. & le 5. de la 1. à Timothee verset 22. & monstre, comme est vray, que Tite & Timothee n'or-



donnoient pas seuls, ny n'eslisoyēt; mais seulement recueilloyent les voix, presidoient en l'election pour moderer le tout. Puis imposoyent les mains, confirmoyent l'election, & constituoyent les Euesques, qui sont aussi nommez Prestres, & qui sont les Pasteurs en l'Eglise. Calvin prouue donc, que lors l'election estoit populaire. Croiras-tu maintenāt, de Spōde? Mais n'auoit-il pas leu cela en Calvin? n'a-il pas perdu toute honte, de dire que Calvin n'auoit allegué vn seul texte de l'Ecriture sainte, pour prouuer que le peuple ait voix & droict en l'election de ses Pasteurs?

Cy deuant en la page precedēte, pour conuaincre que le peuple n'a aucune voix en l'election des Pasteurs, il dit; *que le peuple n'est pas l'Eglise, & condamne Calvin d'appeller si hardiment le peuple, l'Eglise.* Calvin ne dit pas que le peuple soit seul l'Eglise; mais qui ne sçait que les Ministres & Docteurs sont les Pasteurs? l'Eglise ne consiste moins au peuple, en la Noblesse, qu'au Clergé. Pourquoi ne sera le peuple l'Eglise? le peuple n'est-il pas baptizé? ne sera-il pas sauué? n'est-il pas le corps de Christ, la communion des Saints? Coimmēt dit donc cest homme avec son Belarmin, que le peuple saint n'est pas l'Eglise? Mais qu'appellent-ils l'Eglise, que la peste de l'Eglise, & ce qui est le moins l'Eglise, à sçauoir le Pape, la cour de Rome & son Clergé? c'est à cela que les Iésuites donnent le droict, & l'autorité de prouoir l'Eglise de Dieu de

Pasteurs. Ne l'assignent-ils pas bien, car ils ne veulent pas que le peuple y ait ne voix, ny droict, ny suffrage.

C'est icy où de Sponde se roidit cōtre Calvin. *Le peuple dis-tu a droict d'eslire les Euesques. Si Iesus Christ ou les Apostres me l'eussent dit, ie le croiroy; mais toy seul comment te garderas-tu de fausseté, & moy de legereté si ie te croy? mais si tu as failli, ie ne veux pas faillir; & prie tout le monde de prendre garde à toy: car si ie te puis conuaincre de faux en cecy, on te croira moins, comme on doit au reste.* Ie respon, que Calvin a monstté, que le peuple a droit en l'election des Euesques & Pasteurs, l'a prouué par l'exemple des Apostres: son dire n'est pas donc faux, il n'a en rien failli en cela, il a parlé selon la parole de Dieu & la raison. Croire à la parole de Dieu, sera-ce legereté? Au reste, nous auons veu cy dessus, que nous n'excluons pas les Pasteurs, les Gouverneurs, les Nobles, non plus que le peuple: ains que les Pasteurs y ont leurs voix, & le peuple en son lieu: & auons monstté, que les Estats du Royaume en ont ainsi à peu pres ordonné à Orleans (s'il estoit obserué) pour l'election des Euesques. C'est comme nous tenons, que se doyuent eslire les vrais Pasteurs & Euesques de l'Eglise.

Page 161.

De Sponde replique à cela, *que nostre Seigneur a esleu ses Apostres sans le consentement du peuple.* Cela est vray: mais la vocation de l'Apostolat deuoit estre de Dieu immediatemēt; & c'est ainsi que S. Paul dit qu'il a esté appelé

Galat. 1. 1.

à estre Apostre, non de par les hommes, ny par homme, mais par Iesus Christ nostre Seigneur. Les Pasteurs & Euesques ne sont pas appelez à estre Apostres : Leur vocation ne doit pas donc estre cōme celle des Apostres immédiatement de Dieu. Cela ne se fait plus (non pas mesmes en l'Eglise Romaine.) Il y faut proceder à l'exemple des Apostres, qui y ont procedé par les voix & suffrages de toute l'Eglise. Il replique, *que nostre Seigneur auoit donné à ses Apostres la mesme puissance qu'il auoit ; & allegue ce que dit nostre Seigneur, Comme mon Pere m'a enuoyé ie vous enuoye :* mais estoit-ce pour eslire des Apostres comme il en auoit esleu ? ou pour eslire les Pasteurs, de mesmes qu'il auoit esleu les Apostres ? Pourquoy est-ce donc, que les Apostres ne l'ont pas ainsi fait ? Car ils ont esleu par les voix, & approbation du peuple, & de l'Eglise. Mais pour eslire cōme nostre Seigneur, il eut fallu qu'ils eussent esté Dieu ; autrement les Pasteurs ne peuuent estre esleuz immédiatement comme les Apostres. Nostre Seigneur n'a pas enuoyé ses Apostres en tout & par tout, comme le Pere l'auoit enuoyé, & pour faire en tout & par tout de mesmes ; autrement il les eut enuoyez pour racheter le monde. Mais cōme le Pere auoit enuoyé nostre Seigneur pour prescher le salut, & recueillir l'Eglise à Dieu, ainsi nostre Seigneur les a enuoyez. C'est vne argutie de Belarmin, que nous appellons, à dicto secundum quid, ad di-

Act. 14.23.

*Etum simpliciter.* Car nostre Seigneur n'a enuoyé ses Apostres que pour precher le salut, nous dōner le nouueau Testament, & recueillir l'Eglise à Dieu. Et vous voulez que c'ait esté pour faire tout ce que nostre Seigneur a fait; comme si ce qui est dit pour vn regard, estoit dit pour tout. Si nous argumentions ainsi, comment nous réuoyeriez-vous? voicy vostre fillogisme: Comme le Pere a enuoyé nostre Seigneur, ainsi nostre Seigneur a enuoyé ses Apostres. Or le Pere a enuoyé nostre Seigneur pour eslire ses Apostres immédiatement, de luy seul, & non par l'aduis des hommes. Les Apostres ont donc deu seuls eslire les Pasteurs, & non par l'aduis des hommes; & les ont esleuz seuls sans y demander l'aduis d'aucun. Je respon, que ceste conclusion est fausse, absurde, impossible, & que cela ne s'est iamais fait. Fausse, car nostre Seigneur n'a pas enuoyé ses Apostres pour cela, ny ne leur a donné ceste autorité; ils n'en ont aussi iamais vsé. Absurde, car il leur eust fallu donc eslire des Apostres comme nostre Seigneur; ce que non. Impossible, car il eut fallu que chacun Apostre eut esté Dieu comme nostre Seigneur pour eslire comme Dieu, & immédiatement, & les Apostres ont esleu  
 autrement; à sçauoir, par les aduis, voix, & suffrages des fideles, en leur faisant leuer la main, & en donnant aux Eglises ceux, dont les Eglises rendoyent bon tesmoignage, & que chacun iugeoit propres & dignes à ceste charge,

charge & agreable à l'Eglise.

Après cela il demande, si *Matthias* fut esleu par le peuple, ou par les *Apostres*; & respõd que ce furent les *Apostres* qui en presenterẽt deux, & que Dieu en esleut l'un par sort. Je respon, qu'il fut esleu avec *Ioseph*, par l'assemblée qui estoit là, laquelle estoit de six vingts hommes, & non par les seuls *Apostres*: que cela fut fait en l'assemblée, à laquelle toute *S. Pierre* parloit pour cest affaire; & ils en presenterent deux, à sçavoir *Ioseph* & *Matthias*. Qui fust-ce qui les presenta, que ceux à qui *S. Pierre* parloit? qui estoient-ils que ces six vingts qui estoient là assemblez, à qui *S. Pierre* auoit proposé cela, & non aux seuls *Apostres*? Car il est dit nommément, qu'ils estoient là six vingts, & que *S. Pierre* leur proposa ceste affaire: voila donc l'electiõ des deux, faite par ceste multitude, la presentation par les *Apostres* faite à Dieu, & l'acceptation que Dieu fit de *Matthias* par le sort. Mais pour preueue que les *Apostres* l'esleurent, il dit qu'ils les presenterent. J'ay dit que ce fut à Dieu, que les *Apostres* firent ceste presentation, & que ce fut Dieu qui esleut *Matthias*, & non les *Apostres*. Dieu fit ceste election par sort, à fin qu'elle fut immediate, & non faite par homme: comment la veut-il donc rapporter aux *Apostres*?

De Sponde dit, que ce sort est un tesmoignage indubitable que le droit d'election est tout diuin. Je le confesse, mais en ce qui est de l'apostolat

dont est icy question, non de l'episcopat ou pasteur simple en l'Eglise, dont n'est pas question. Vous argumentez tousiours mal; eslire & appeller à la charge de Pasteur, & à la charge d'Apostre sont deux. Si vous voulez eslire les Euesques & Pasteurs, comme nostre Seigneur a esleu les Apostres diuinemēt, & non par les hommes, il faudroit que cela se fit sans vous, & que nul que Dieu ne fit l'election des Pasteurs.

Il dit, *que Iesus Christ confere aux Pasteurs qu'il a ordonnez en son Eglise le droit de l'election.* Il n'apparoit pas par cest exemple, car ce fut Dieu qui accepta Matthias par le sort. Et ce fut toute l'Eglise (& nō les seuls Apostres) qui esleut Ioseph & Matthias, à fin que Dieu acceptast celuy qu'il luy plairoit pour Apostre, au lieu de Iudas. Là dessus de Sponde parle du sort, & le met entre les ceremonies de Moysē, le fait aboli & illicite; ce qui est tout faux, cōbien qu'on n'en vse pas en ce qui est de l'election & vocatiō des Pasteurs. Ce que les Apostres en firent, fut chose en cela extraordinaire, & pour sçauoir par le sort (car Dieu y preside) lequel il plaisoit à Dieu d'accepter pour Apostre de nostre Seigneur.

De Sponde dit, *que cela a esté cassé peu à peu par l'introduction d'un autre moyen, de mesme nature & de mesme authorité.* Apres la pleine reception du S. Esprit (dit-il) qui fut apres l'election de Matthias, la chose print autre train: c'est à dire, l'election se fit autrement que par sort, &

demeura neantmoins tousiours (dit-il) dās le corps du Clergé: c'est à dire, que l'election des Pasteurs depuis que les Apostres eurent receu le S. Esprit, s'est faite par le Clergé: ce qui est faux. Car les Apostres eslisoyent (comme a esté veu) par l'aduis & les voix du peuple mesmes, & cela a tousiours duré en l'Eglise, iusques à saint Cyprien en Affrique, iusques à Leon en l'Eglise Romaine; ouy iusques à l'an 876. comme se verra cy apres. Les Lecteurs mesmes, ny les Diacres n'ont pas autrement esté esleuz. Et les Apostres, ny leurs successeurs n'ont pas voulu tollir au peuple son droit en cela. Que babilie icy de Sponde, veu qu'il est contraint de le confesser, & le confessera cy apres?

Act. 14. 23.

Il se sent pressé par le 6. des Actes, où l'election des 7. Diacres est toute populaire, & confirmée par les Apostres: & à cela il respond, que ce lien ne iustifie pas que l'election des charges ecclesiastiques appartienne, de droit divin au peuple pour trois raisons. La premiere, que ce n'est pas une regle expresse, comme faudroit. Mais refuse-il, ou quoy? y a-il regle plus expresse que le commandement du S. Esprit qui parloit par les Apostres? En cecy, quelle autre regle demande-il, que l'exemple des Apostres, & que ce que l'Eglise a pratiqué par leur commandement? En second lieu il dit, que c'est une particuliere permission des Apostres, lesquels pour monstren mieux l'union & la correspondance qu'ils vouloyent auoir avec ces nouueaux fidelles



leur lascherent ceste prerogative, qui proprement leur appartenoit, par la premiere institution de Iesus Christ, lequel auoit donné à eux seuls la conduite de l'Eglise. Je respon, que S. Luc ne dit rien de tout cela, & que l'vnion & correspondance des Apostres & des nouueaux fideles, paroïssoit assez sans cela; comme est dit à la fin du 2. chap. des Actes: que tous les iours ils perseueroyēt tous d'un accord au temple, & rompsans le pain de maison en maison, prenant leur repas avec ioye & simplicité de cœur, & ayant toutes choses communes, iusques à vendre leurs possessions, pour secourir ceux qui auoyent necessité. Ceste vnion n'apparoïssoit-elle pas assez en cela? & en vn baptisme, en vne communion, en vne foy, en vne loy, en vn Euangile, en vne esperance, en vn salut, en vn Christ, & en vn Dieu? Mais comment prouueriez-vous ce que vous dites? car S. Luc n'en dit rien. Monstrez-nous par S. Luc (car il n'y a que luy qui parle de cecy) que les Apostres ayent concedé ceste prerogative, d'eslire les Diacres à tout le corps de l'Eglise, pour tesmoigner de leur vniō & correspondance avec ces nouueaux fideles? S. Luc ne dit pas cela, ains qu'il n'estoit pas raisonnable, qu'ils delaïssassēt la parole de Dieu, pour seruir aux tables. Item, S. Luc dit, qu'il y eüst vn murmure, car les Grecs disoyent que leurs vefues estoient mesprisees au seruire ordinaire, à sçauoir de ceste subuention; dont les Apostres dirent à la multitude, Esli-

sez sept hommes d'entre vous, de qui on ait bon tesmoignage, pleins du S. Esprit & de sapience, à qui nous commettons cest affaire; & quant à nous, nous poursuurons à vaquer à la priere, & à l'administration de la parole. Ce fut donc la raison pour laquelle les Apostres voulurent, que les Diacres fussent esleuz par toute la multitude des disciples, pour cōmettre ceste distribution entre les mains de gens qui auroient bon tesmoignage, & pour obuier au murmure, & que les Apostres ne fussent empeschez ny à la recepte, ny à la distribution qui se faisoit lors pour les pources, ains fussent du tout libres à la priere & à l'administratiō de la parole. Cependant de Sponde dit, que les Apostres firent faire ceste election à la multitude, pour mōstrer leur vnion avec ces nouueaux fideles; où auez-vous songé cela? C'est la peine que vous prenez à resister à la verité. Il dit *que ceste election appartenoit proprement aux Apostres*. Quoy? cognoissoient-ils les hōmes de tous les costez & endroits, en ceste multitude, propres à cela? en pouuoient-ils rendre tesmoignage? n'eut-on pas peu dire, quelle gens nous donne-on icy? s'y faut-il fier? Mait tout cela estoit osté, quād les Apostres leur dirent comme estoit de raison. Eslisez-les vous-mesmes, qui ayent bon tesmoignage, pleins du S. Esprit & de sapience, & nous leur cōmettrons ceste affaire. C'estoit donc au peuple d'eslire, & estoit aux Apostres de commettre la charge à ceux que

Ephes. 4.

le peuple auoit esleu. Mais qu'il nous prouue, que ceste prerogatiue, qu'il dit que les Apostres donnerēt à la multitude, appartenoit seulement aux Apostres. Il ne l'a pas fait encore. Il dit que nostre Seigneur a donné aux seuls Apostres la conduite de l'Eglise. S. Paul ne dit pas cela; ains que nostre Seigneur montant au ciel, en a donné les vns pour estre Apostres, les autres pour estre Docteurs, les autres pour estre Pasteurs, les autres pour estre Prophetes, les autres pour estre Euangelistes. Il n'a pas donc donné aux seuls Apostres la conduite de son Eglise. Ouy bien à eux seuls, de planter les Eglises, & d'y establir des Pasteurs: ce qu'ils ont fait par l'aduis & du consentement des Eglises, ayant en cela leur tesmoignage & volonté, comme se void Actes 14. 23.

Actes 14.  
23.

La troisieme raison qu'il met en auant, pour dire que ce passage ne iustifie pas, que l'election des charges ecclesiastiques appartiene de droit diuin au peuple, *c'est qu'il n'estoit lors question que de l'election des Diacres, desquels (dit-il) la charge s'estendoit à l'administration des biens communs à toute l'Eglise, tant aux Pasteurs, qu'aux troupeaux (combien qu'ils eussent aussi charge de prescher) & semble raisonnable, que personne ne s'en meslast qui ne fut agreable aux vns & aux autres.* Que veut dire cest homme, qui fait commun ce qu'on recueilloit pour les pources seulement, tant aux Pasteurs qu'aux pources? ne veut-il pas iustifier les E-

uesques, & Abbez, & Cardinaux, & autres qui mangēt & leur part, & la part des pources; en mangēt tout le reuenu de leurs benefices, & en conuertissant en benefice ce qui n'estoit donné que pour les pources? Mais où a mis de Spōde son esprit? car il appelle les pources l'Eglise, aussi bien que les Ecclesiastiques & Pasteurs; & neātmoins cy dessus il a reprins Calvin d'appeller le peuple l'Eglise. Au reste, il dit vray, qu'il n'est pas icy questio en ce 6. des Actes d'ellire des Euesques: mais s'il faut que les Diacres soyent esleus par le peuple, pourquoy non les Euesques aussi? n'est-il pas autant ou plus necessaire, à fin qu'il ne soit donné à l'Eglise pasteur ou Euesque que docte, approuué en vie & doctrine, & agreable à toute l'Eglise? Ceux que le peuple ellisoit, sont appelez Prestres & Euesques, comme a esté veu cy dessus. Si Calvin dit, que la vocation de vos Euesques n'est pas legitime: il monstre qu'il a raison, tāt pour la forme que vous y tenez differente de celle des Anciens, que pour l'abus enorme que vos Euesques commettent en leurs charges; & aussi tout vostre seruice n'est qu'idolatrie. Mais il cherche vn autre eschappatoire, à sçauoir, qu'il n'y a plus de sort pour l'election des charges ecclesiastiques, ny de voix ou suffrages populaires; voicy ces mots, *J'adiouste que comme le sort a esté laissé en fin pour se seruir de l'electio ordinaire de l'Eglise, c'est à dire du S. Esprit, aussi ces premieres permissions populaires ont esté estain-*

Phil. 1.  
Tite 1.5.7.  
Act. 20.17.

tes. Le respon, que le sort n'est à comparer en cecy, aux voix & suffrages du peuple. Le sort a esté pratiqué au choix de Marthias & de Barsabas, & pour la necessité lors extraordinaire. Mais des voix, suffrages, & consentement du peuple; cela a esté du temps des Apostres, cōme il le confesse; & ainsi a esté pratiqué huiët cens ans apres. Cela a esté laissé de tous; mais c'est en l'Eglise Romaine: & est restabli en nos Eglises, selon l'institution des Apostres. Au reste, veut-il dire que comme leurs Euesques sont appelez, soit œuure du S. Esprit? Tel est appelé à estre Euesque, qui ne sçait pas parler, commēt peut-il prescher? Tel à prescher aux François, qui ne sçait pas trois mots de Frāçois, ou qui ne sçauroit s'expliquer en Frāçois. Tel est appelé à gouverner l'Eglise, qu'on berce encore au berceau.

Page 63.

Là où de Sponde nous renuoye, à sçauoir à l'vsage des Apostres en l'election des Pasteurs; c'est là où nous voulons estre. Nous auons veu comme ils en vsoyēt, par le premier des Act. par le 6. & par le 14. v. 23. & se void encore par le 16. chap. v. 2. & par la 1. à Timothee 4. ver. 14. par là conste que les Apostres n'eslisoyēt pas seuls: car S. Paul exhorte Timothee, De ne mettre à nonchaloir le don qui estoit en luy, lequel luy estoit donné par prophetie, par l'imposition des mains de la compagnie des Anciēs: & au 16. est monstre, que S. Paul l'esleut au Ministère ou Episcopat, ayant eu bon tesmoignage de luy, par les

freres qui estoient là. Et n'est pas croyable que Timothee & Tite y aient procedé autrement que les Apostres : que seuls aient imposé les mains, eueu, receu, appelé & admis aucun au ministration de leur seul aduis; ny proueu Eglise de Pasteur, sans l'aduis, le gré & tesmoignage de l'Eglise : Ceste election estoit donc en partie populaire. Est-il raisonnable de donner à l'Eglise vn Pasteur incognu, sans tesmoignage, & sans le consentement de l'Eglise, non plus que sans le consentement du Pasteur ? quelle edification pourroit autrement recevoir l'Eglise ? Au reste, si Tite & Timothee estoient Euesques pour ordonner des Anciens, ces Anciens estoient aussi Euesques. L'Apostre les nomme ainsi au 7. verset du premier à Tite, comme aussi le confesse de Sponde. Tournât ainsi les mots de l'Apostre; Je t'ay laissé en Crete, pour ordonner des Euesques de lieu en lieu.

Il veut excogiter quelque raison, pour dire que les Apostres ne pouuoient demander l'aduis du peuple, pource. que le peuple n'estoit pas rangé au Christianisme: voire, cōme si les Apostres eussent donné des Pasteurs aux Payens, lesquels n'auoyent rien tant en horreur. Apres il se retire de ceste opinion, & dit bien qu'ils n'en ordonnoient, que là où estoient les Chrestiens. Et aussi apres auoir dit, que ceste election n'estoit point populaire à son commencement (ce que nous auons monsté estre faux) il s'en desdit en ces mots.

*C'est une chose donques arbitraire au iugement de l'Eglise, selon l'estat des lieux & des personnes, qui peut estre permise ou restrainte, à la mesure qu'il sera trouuee raisonnable. C'est comme de Sponde est irresolu, & combat contre sa conscience, & comme il faut, contre sa volôté, qu'il recognoisse la verité. Mais si l'obscurcit-il tant qu'il peut, car il veut faire l'election arbitraire, c'est à dire, à l'arbitre & volonté de l'Euesque ou Pasteur, pour eslire de son seul aduis, ou s'il veut, par le consentemēt du peuple, ce qui n'est point: & comme nous auons dit, il n'est pas raisonnable de donner à vn troupeau vn Pasteur sans son consentement, & qu'il ne l'ait aussi esleu, ou accepté, & rendu de luy bon tesmoignage. C'est comme les Apostres en ont vſé.*

Page 164.

*Il dit donc, que l'election a esté populaire (mais cela non de droit, ce qui est faux) que la premiere institution a esté changée, & qu'il n'en eust esté de besoin, sinon pour cōseruer ceste union: que Calvin le dit ainsi, & qu'il allegue S. Cyprien à ce propos, qui a en toutes ses elections concedé au peuple aussi son droit, & non que pour cōseruer la concorde des Euesques avec leurs peuples. Ce qui est tout faux; comme aussi ce qu'il dit, que nous combatons l'Eglise; car nous ne combatons que la Papauté.*

*Il nous aduertit apres, de ne penser pas que le Clergé n'entreuinst point en ceste election; qui en doute? ce sont les Pasteurs qui conduisent le tout. Ils font les premiers l'election, la no-*



mination ; le peuple approuue ou reprouue :  
 s'il approuue, ils conferment l'election, & le  
 peuple accepte le Pasteur. Ainsi se faisoit an- s. August.  
 ciennement, & se fait entre nous ; mais non epist. 110.  
 en l'Eglise Romaine.

Il dit, *que quelque temps apres les Apostres,*  
*on commença de demander au peuple son aduis.*  
 I'ay monstré que cela est faux, & que les A-  
 postres ont demandé l'aduis au peuple, & ont A& 14. 23.  
 monstré cōme on se doit en cela gouverner, & 16. 2.  
 à sçauoir par leur exemple : & du temps de  
 Tertullien il se faisoit ainsi. Pourtant il dit, Apol. c. 39.  
*que les Anciens apres auoir esté approuuez, acque-*  
*royent cest honneur, non a pris d'argent, mais par le*  
*tesmoignage qui leur auoit esté rendu de leurs me-*  
*rites, à sçauoir par le peuple.* Que veut-il plus ?  
 Il ne dit pas, que ce fut pour tenir les peuples  
 & les Euesques en vnion. Aussi le mot *seniores*  
 qu'il tourne Euesques, signifie ceux qui con-  
 duisent l'Eglise avec grande vigilance, que S.  
 Paul appelle Euesqs & Prestres. Qu'il ne s'a-  
 muse pas au mot de presider, car le mesme est  
 doné aux Anciē : c'est aussi vne sorte de deu- Heb. 1. 3.  
 nation, que de dire, que les Euesques estoient  
 bien Anciens ou Prestres ; mais non les Pre-  
 stres Euesques. Sainct Paul dit le contraire,  
 & sainct Hierosme aussi, sur ce lieu de sainct Tit. 5. 8.  
 Paul : & dit, que c'estoit tout-vn anciennement Act. 20.  
 que Prestre & Euesque, & que qui estoit Pre-  
 stre estoit Euesque. Autant en dit Gregoire En son orai  
 Nazianzene, & s'escrie de ce nouveau nom son apres  
 donné aux vns & osté aux autres, & remon- son retour.

estre le mal qui deslors en sortoit, disant: O  
 qu'à ma volonté il n'y eut point de preséance, ny de  
 prelation de lieu; ny de preeminence violente, à fin  
 que nous fussions recognus par la seule vertu! mais  
 maintenant estre au costé droit, estre au gauche, e-  
 stre au milieu, & le siege plus haut, & le siege plus  
 bas, & ceste coustume qu'on a introduite de mar-  
 cher le premier, de suivre de mesme pas, ne nous  
 ont apporté que ruine, mis plusieurs en la fosse, &  
 au rang des boucs: non pas de ceux du commun peup-  
 le mais des Pasteurs, qui étant maîtres en Is-  
 rael, ont ignoré ces choses. P'en laisse beaucoup  
 de ce que dit cest anciē Docteur à ce propos:  
 où conste que ceste crectiō de dignité Archi-  
 episcopale par dessus les autres Pasteurs, n'est  
 pas de l'institution des Apostres, & qu'elle est  
 malheureuse à l'Eglise. De Sponde allegue  
 encore faussement Leon & saint Cyprien,  
 car ils ne disent rien de ce qu'il dit: ains sim-  
 plement que le consentement du peuple, sa  
 voix & approbation, estoyēt requises aux ele-  
 ctions: ce que nous auons, & vous non.

Leon epist.  
 87. & 88.  
 Cyp. 33. 42.  
 68.

Page 165.

Ce qu'aussi il dit apres, qu'encore depuis  
 en plusieurs endroits, le peuple vsurpa ce  
 droit de suffrage, est aussi faux & inepte:  
 car il a eu tousiours anciennement ce droit  
 (en leuant la main comme en l'election des  
 Consuls) & approuuant tout haut & de viue  
 voix. Il allegue Chrysostōme, mais où? 3.  
 (dit-il) mais quoy? ou Tome, ou Homelie, ou  
 Epistre? ne voilà pas vn homme diligent à  
 coter ces lieux, luy qui accuse Calvin de ne-

gligence en cela? Il nous enuoye chercher vne aiguille dans vne charretée de foin, ou plustost ce qui ne se peut trouuer.

Il dit apres, *que les elections & demandes du peuple furent abolies, pour les inconueniens & les troubles qui en sortoyent. Quels? Ruffin, dit-il, les recite; tout cela est faux, & ce qu'il dit aussi de saint Augustin. Car quant à Ruffin il n'y trouue que l'electio de S. Ambroise, & qu'elle fut faite par les voix du peuple, & confirmée par l'Empereur. Il ne dit pas qu'à cause du trouble qu'il y auoit, ceste maniere d'election fut abrogee; car au contraire tout le trouble cessa, ayant pour pasteur saint Ambroise, lequel le peuple demandoit.*

Quant à S. Augustin, il proposa au Cler- Aug. epist. 110.  
gé & au peuple Eradius pour son successeur, le peuple l'accepta par plusieurs fois, en criant louange à Dieu. Par 16. fois pria, & cria vie longue & santé à saint Augustin: crierent par vingt fois qu'Eradius estoit digne & capable de la charge, & par six fois qu'il l'auoit mérité, & par six fois Eradius fut appelé Pere & Euesque. Saint Augustin recite bien qu'en vne Eglise d'Afrique, vn Euesque auoit nommé pour successeur vn des Anciens, & par l'aduis des autres Anciens: mais qu'aucuns du peuple n'estoyent pas contens, que cela se fit sans leur consentement. Toutes fois que saint Augustin y estant, & ce successeur présenté au peuple pour l'accepter, il fut receu de tous; & la nomination ou election

approuuee, & que lors estant approuuee du peuple, elle eut lieu, & non autrement.

Et quant à ce qu'il allegue de l'Epistre 225. c'est que le peuple de Hipone vouloit qu'un certain Pinianus accepta la charge de Ancien, à quoy Pinianus contredisoit. S. Augustin estoit requis, voire fort importuné, de l'ordonner. Il s'excuse, & dit ne le pouuoit faire contre la volonté de Pinianus; & qu'il luy auoit iuré qu'il ne l'ordonneroit pas contre son gré, comme n'estoit raison. Si est-ce qu'en fin le peuple obtint, qu'au cas que ledict Pinianus acceptast la charge du ministere, ce seroit pour seruir en l'Eglise de Hipone. En cela conste, que le peuple auoit droict & voix, en l'election de ses Pasteurs.

Il dit, *que les demandes & les elections du peuple furent abolies, & qu'il ne leur resta que le seul tesmoignage qu'on leur demande publiquement.* Mais qui les a abolies que le Pape? & au reste saint Augustin, ny saint Cyprien ne disent rien de cela: mais quel tesmoignage demandez-vous en l'Eglise Romaine, ny de la vie, ny des mœurs, ny de la doctrine de vos Euesques à leur election? Le peuple est contraint de receuoir un Euesque, qu'il n'aura iamais ny cognu ny veu, & si ne sçait ce qu'il sçait faire: & faut-il parler de la forme de les eslire, & vos prestres aussi? Il faut donc rire, ie dy si rire on peut en cela.

Car pour un Euesque, voicy comme on y procede. L'Euesque ne fera ny esleu ny nom-

mé; on ne s'enquerra ny de sa doctrine, ny de ses mœurs: le Pape qui le baille, ne sçait qui il est, aussi peu le peuple auquel il est donné. Le peuple ne l'a pas demandé. A quoy est-il ordonné, à manger ses fruiçts? Pourueu qu'il ne soit point de la religion reformee, encore qu'il fust vn chasseur, gédarime, ou Epicurien, c'est tout vn; c'est le tout qu'il face vn seul iour bonne mine. Il est présenté deuât le peuple, qui le voit volôtiers vn seul iour en sa vie; & encore est-il souuent pour le peuple mieux loin que pres: car que sçait-il faire, que des signes, de croix deuant soy? est-ce ainsi qu'il faut benir? attend-on quelque presche? rend-on graces à Dieu d'un Euesque qu'on a de nouveau? Il laisse là vn Vicaire, prend le reuenu, & le despend à la cour, à la chasse, & en tous plaisirs & voluptez.

Pour parler maintenant de l'election de leurs Prestres; l'Euesque ayant fait quelques ceremonies, vestu & tout prest pour dire Messe, il se sied le dos tourné à l'autel. Lors l'Archediacre crie, que tous ceux qui veulent recevoir les Ordres s'approchent. Ceux qui veulent estre faits Prestres se presentent, se mettent à genoux tous en rond; l'Euesque les absout de toute excommunication, c'est à dire, les descharge de toute indignité d'estre faits prestres. L'Archediacre demande encore, s'il y a quelqu'un qui ne soit cōfirmé. La confirmation se fait (l'Euesque frottant le front du personnage avec le pouce, & en luy don-

nant vn petit soufflet.) Il retourne encore s'asseoir le dos tourné à l'autel, & crie, que nul ne se presente pour receuoir les ordres, qu'on n'ait receu son nom, & ne soit enrollé, examiné, approuué, & nommé, de peur que furtiuelement ou en tressautant, l'Euesque ne recoyue & consacrer quelqu'un qui soit excommunié, interdit ou suspendu, ou par autre raison prohibé: comme s'il estoit d'un autre Diocese, & n'auoit licence de son Euesque. Il faut que chacun de ceux qui veulent estre faits Prestres, ait son surplis sur son bras gauche, vne chandelle allumée en sa main (quoy que soit, de beau iour) Ils sont appelez autour du roolle, chacun respond & dit Amen. L'Euesque assis, comme a esté dit, aduertit que nul ne prenne couronne, & ne s'y aduançe: apres il prie Dieu en Latin (car Dieu entend mieux ce langage que pas vn autre) & dit; Treschers freres, prions nostre Seigneur Iesus Christ pour ses siens seruiteurs, qui se hastent de se faire tondre pour l'amour qu'ils luy portēt, qu'il leur donne son saint Esprit, qu'il conserue tousiours en eux l'habit de la religion Chrestienne. Il n'y a là que l'Euesque & les Prestres qu'il fait; si ce n'est quelque protonotaire, le barbier de l'Euesque, & quelque autre officier avec vn Archidiacre. Mais ie demande, l'amour que nous portons à nostre Seigneur Iesus Christ, est-ce à se faire tondre par vn Euesque? & l'habit de la Religion Chrestienne, est-ce de vestir vn surplis sur ses draps?

draps ? Apres on chante vne Antiphoine & partie du Pſeume 16. en Latin; que vaudroit-il autrement ? L'Euesque cependant coupe le poil, le serre en vn vaisseau (mais ie ne ſçay pas à quoy faire) & prie derechef, que ceux qui ont là laissé du poil pour l'amour de Christ, & ont prins le surplis, puissent meriter la vie eternelle; veu qu'ils prennent le surplis, & portent la semblance de la couronne de Dieu. Mais quelle couronne ont-ils veu à Dieu, qu'ils s'en facent vne semblable, ou en ayent la semblance ? Au reste, ils ne veulent pas le ciel, qu'ils ne l'ayent bien gagné; voire encore que Dieu le donne & l'offre gratuitement. Le veulent-ils sans luy en estre attenuz ? mais l'auront-ils, veu qu'on ne l'a que par grace ? Ils renuersent la iustice de Dieu, pour establir la leur. Je demande, quelle election & vocation y a-il en cela ? Où est le peuple qui doit ouïr le Pasteur, & l'aggreer, ou recuser, & qui le doit appeler & receuoir ? Ie dy donc, qu'il n'y a ny vraye & legitime election, ny vocation en l'Eglise Romaine; mais vn abuz au lieu de cela, & vn badinage, & que c'est se moquer de l'Eglise.

Or que le peuple ayt eu droit en l'election & vocation des Pasteurs, nous l'auons montré cy dessus, par les Actes des Apostres, & par S. Augustin; comme cela conste aussi par l'Epistre 87. & 88. de Leon, & par les Epistres de saint Cyprien 33. & 42. & 68. en ceste Epistre qu'il escrit aux Euesques d'Es-



pagne, il dit ainsi ; *propter quod plebs obsequens  
præceptis dominicis, & Deum metuens, a peccato-  
re præposito separare se debet; nec se ad sacrilegi sa-  
cerdotis sacrificia miscere, quando ipsa maximam  
habeat potestatem vel eligendi dignos sacerdotes,  
vel indignos recusandi.* C'est à dire, que le peu-  
ple qui craint Dieu, & obéit à ses saints com-  
mandemens, se doit retirer du Pasteur pecheur,  
& n'adherer à ses sacrifices : veu qu'il a tres-  
grande puissance en l'election des Pasteurs  
qui sont dignes, & à recuser ceux qui sont in-  
ignes. Item, que cela vient de l'autorité diui-  
dine, que le Pasteur soit esleu, *præsente plebe, &  
coram omnium oculis publicòq; iudicio comproba-  
tùr* : c'est à dire, le peuple present deuant tous,  
& approuué par l'aduis de tous. C'est comme  
sainct Cyprien monstre, que l'election du Pa-  
steur se faisoit, le peuple present, acceptant,  
eslisant, & reculant. Mais apres cela, sainct  
Cyprien le monstre encore mieux, disant, que  
cela est vne tradition diuine & Apostolique,  
laquelle se doit obseruer, & presque par tou-  
tes les prouinces de l'vniuers s'obseruoit : &  
mesmes en Espagne, en Affrique, & à Rome,  
comme se void aux epistres de Leon, & y a e-  
sté obseruee iusques à Charles, & Louis en  
l'an 876. & en Grece aussi selon Chrysosto-  
me liure. 3. *de sacerdotio.* Que peuuent à cela  
repliquer les Iesuites ? mais ils le confessent  
si & notamment Pamelius, & de Sponde aus-  
si : Car il accorde qu'on a osté au peuple les  
voix & les suffrages. Que si on a osté au peu-

Pamel. sur  
Epist. 68.  
de S. Cyp.

am.

ple ce droit, il s'en suit donc, que le peuple l'auoit, & autrement cōment le luy eut-on osté?

De Sponde dit après, *c'est que ces demandes & elections du peuple, ont esté abolies peu à peu.* Si est-ce que Pamelius cōfesse, comme est vray, qu'elles ont duré pour le moins 876. ans, à sçauoir iusques aux Empereurs Charles & Louis. Mais qui a osté ce droit au peuple, que le siege de Rome? Car le Pape se dit seul auoir le pouuoir de conferer les benefices, & faire Euesque celuy qu'il voudra, en prenant le reuenu d'un an: C'est ce qu'on cherche, à sçauoir tondre la brebis, & non la paistre.

Quand au canon 13. du Concile de Laodicee, il ne porte pas que le peuple doye faire l'election, ains il porte le contraire: cependant il n'exclud pas le peuple de son consentement & approbation: & ce Canon estant conioinct avec le precedent porte, que l'election ne se doit faire autrement; & entre nous se fait ainsi. Car le Clergé, qui sont les Pasteurs, choisissent homme propre pour seruir à l'Eglise: le proposent, luy font traicter l'Ecriture, font l'examen, le nomment, & le peuple l'accepte & declare l'auoir pour agreable (si tant est qu'il l'aggree) s'il dit qu'il ne l'a pour agreable, il ne luy est pas donné contre son gré. Et ainsi selon le Cōcile de Laodicee, le Clergé nommoit celuy qu'il auoit esleu, le peuple le receuoit, consentoit & approuoit l'election, & rendoit graces à Dieu. L'Eglise de Hipone souhaittoit longue vie à S. Augu-

stin d'auoir prouueu l'Eglise d'Eradius ; & ainsi les Pasteurs confirmoyent le tout , apres l'approbation du peuple.

Il dit qu'au 6. Concile general , qui est le 3. de Constantinople ( ou Honorius Euesque de Rome fut condamné apres sa mort, de l'heresie des Monothelites ) il fut confirmé que l'election ne demeureroit pas deuers le peuple . Il nous deuoit coter le Canon , il ne l'a pas fait : qui le croira , veu mesmes que ce qu'il dit, ne s'y trouue pas ? Et au reste, nous ne disons pas, que l'election soit toute, ny la plus part deuers le peuple ; ains seulement qu'il y a son droict, sa voix , & ses suffrages, comme a esté dit: Car l'election, la nomination, la proposition, & la cōfirmation appartient au Clergé, où desia il y a Eglise dressée. Au reste, ce Concile fut tenu l'an 681. & l'an 876. le peuple auoit encore sa voix aux elections Ecclesiastiques.

Il nous en donne apres vn autre, quand il dit; *que cela fut encore repeté au Concile tenu par le Pape Martin.* Ce Pape fut l'an 649. Et l'an 876. selon Pamelius mesme, le peuple auoit son droict & sa voix en l'election de ses Pasteurs : & le Concile qu'assembla à Rome le Pape Martin, ne fut que contre les Monothelites : & il n'y a ny article, ny mot de ce que dit de Sponde. Il y eut en ce temps trois Conciles à Toledé, à sçauoir, le 8. & le 9. & le 10. où n'en fut non plus parlé.

De Spōde nous ramene encore au 7. Con-

cile general qui est le 2. de Nicee, il se fonde sur le 3. article qui est de la vocatiō des Euesques, laquelle le Concile veut estre faicte comme est porté par le 4. Canon du 2. Concile de Nicee, & non par la violence & autorité des Princes : & veut que tous les Euesques de la prouince l'a donnent : & si tous ne s'y peuuent trouuer, le Concile veut que les absens donnent leur consentemēt par lettres, & que la donation soit confermee par le Primat. Cela fut contre les abus des Princes, qui vouloyēt faire Euesques ceux qu'il leur plaisoit : Mais le Concile ne tollut point au peuple les suffrages & son consentement, dont il iouïssoit lors, & long temps apres en a iouï. Que si l'ordination des Euesques n'est valable, sans le consentemēt vniuersel de tous les Euesques de la prouince, comme porte cest article 3. du 2. de Nicee, vos Euesques n'ont aucune vocation ; car ils n'y sont appelez que par des Chanoines, ou par le Prince & par le Pape, sans l'aduis & tesmoignage des Euesques, de la Noblesse, ny du peuple.

Ce qu'il allegue du Concile general tenu l'an 870. est de mesme, à sçauoir q nul n'aspire à estre Euesque, & n'viurpe le degré par l'autorité, tyrannie & puissance des grands. Que l'Euesque qui auroit fait cela, soit depolé : Mais en cela le Concile ne tollit ny au peuple ny aux Seigneurs leur iuste droit. Je dy donc, que ces compagnies n'ont pas bronché. Calvin ne les a pas releuees, ains il main-

tient qu'il se faut gouverner aux elections Ecclesiastiques, comme ont fait ces Peres. C'est donc sans propos que de Sponde dit, que si tant de Peres n'ont peu soustenir l'Eglise, qu'il ne pense pas qu'un seul Calvin la puisse iamais releuer. Car ces Peres l'ont ainsi bien soustenue. Et un seul Pape en introduisant vne police toute autre, la presque ruinee. Veut-il dire qu'un homme seul, aidé & soustenu de Dieu, ne puisse releuer l'Eglise quelquesfois? Paphnutius releua seul l'Eglise contre 318. Euesques, qui interdisoyent le mariage aux Pasteurs de l'Eglise: Car le celibat a esté vne des causes de la ruine de l'Eglise: & ce grand nombre d'Euesque suyuit bien l'aduis d'un seul Paphnutius cōtraire au leur.

De Sponde laisse l'Escripture & l'antiquité, l'une & l'autre luy sont contraires. Venons maintenant (dit-il) à la raison, *Les iugemens des peuples vous semblent-ils si certains & si solides, que ceux d'une compagnie sacrée; en laquelle il est plus enuidé que les personnes discrettes & prudentes, puissent faire choix d'un homme de merite, que une populace confuse, & sujette aux discordes?* Je respon que pour venir à la raison, il faut suyure ce que les Apostres ont fait, ou bien dire qu'ils ont fait contre la raison. C'est un exemple, dira-il. Ouy, & lequel il faut suyure; & l'Eglise l'a suiuy par huiet cens ans. Mais puis qu'il parle de la raison, faut-il bailler à un troupeau un Pasteur, qui ne soit cognu approuvé, & n'ait bon tesmoignage? Qu'il lise

*Grauermina curia*, on trouuera que du temps de Charles 5. on se plaignoit qu'on donnoit des Euesques ignorans, incognus, & qui ne scauoient bien parler François.

De Sponde trouue, qu'il y a plus de solidité au iugement d'une compagnie sacree, qu'il n'en y a pas au iugement du peuple. Je demande, où est ceste compagnie? Est-ce celle qui fait l'élection, soit de l'Euesque, soit du Prestre? Pense-il que les Euesques s'elisent par quelque compagnie sacree, non plus que les Prestres & le reste du Clergé? Si vos Euesques estoient esleuz par l'aduis des Nobles, des Iuriconsultes & du peuple, ny auroit-il pas vn meilleur iugement, qu'en l'élection des Chanoines?

De Sponde craint *que les ignorans ou les turbulens* (desquels (dit-il) le nombre est toujours le plus grand) l'emportent par la pluralité des voix. Page 166.  
 Je respon, qu'il y a bon remede en cela, que l'Eglise l'a ainsi practiqué par tout plus de 800. ans, & que nous en nos Eglises auons vn ordre propre pour obuier à cela, cōme a esté dit, & le sera encōres.

De Sponde ose bien dire, *que l'élection qui se fait en l'Eglise Romaine, est œuvre du S. Esprit.* Nous auons veu cy dessus comment on y procede, & qu'il n'y a ny vocation ny election legitime, & faite en forme valable. Au reste, les Apostres qui ont eu le S. Esprit, n'ont pas esleu les Pasteurs aux Eglises, comme on fait en la Papauté.

De Sponde a peur pour nous de beaucoup de choses, & premierement *que selon l'aduis de beaucoup de peuples, nos Pasteurs n'ayent pas vocation legitime. Item, que nous ne iettions l'Eglise de Dieu en incertitude & peril, dont elle a esté sauuee* (dit-il) *par l'election telle que se fait en l'Eglise Romaine. D'auantage il a peur, & nous prie d'y penser, que concedans au peuple ce que nous luy concedons, il voudra auoir un Euesque à sa fantasie.* Je respon, que nous ne craignons rien de tout cela, en nous y comportant comme nous faisons : Car nous y procedons comme ont fait les Apostres, & comme a fait l'Eglise pres de 800. ans, voire plus de 1000. & sans craindre rien de tout cela. Mais depuis qu'en la Papauté on a changé ceste ancienne façon d'eslire les Pasteurs, la corruption & l'ignorance ont corrompu les Eglises, & la porte a esté ouuerte à l'idolatrie.

De Sponde craint aussi, *qu'il ne monte en la fantasie du peuple de chager ou de s'ennuyer de son Pasteur, ou d'en desirer un autre.* Mais nous auons monstré, que nous ne concedons au peuple que ce qui est de raison, & que toute l'election & vocation n'est pas deuers le peuple. Au reste, S. Augustin fit escrire par notaire, l'approbation & acceptation d'Eradius, qu'auoit fait l'Eglise à Hipone. Que si le Pasteur se red indigne de sa charge, ou par sa doctrine, ou par sa vie, ou autrement ; quel mal de le debouter de sa charge ? Mais n'est-ce pas bien fait ? Heliodore fut depose de l'E-



glise de Ricca, pour auoir cōposé les amours de Theagenes & Cariclea: & Arnolphe Euesque de Reims fut deposé, pour estre factieux & homme de mencees, l'an 992.

*De Sponde approuue la Monarchie* comme il dit, & nous aussi, & ne faisons rien contre icelle, ny cōtre l'estat du Royaume, comme font, luy, les Iesuites, & les Liguez, qui esleuent le throsne du Pape par dessus celui du Roy en France, & comme ceux qui ont voulu faire le Royaume electif. Nous ne voulons rien establir au preiudice de la Couronne. Mais icy ce sont affaires Ecclesiastiques, qui vont par election, & non comme la Couronne de France, qui va par succession hereditaire & naturelle, selon les loix fixes du Royaume, où n'est loisible de rien changer; ie dy en ce qui est de l'Estat. Est-ce à luy bien disputé de dire, que la forme de nostre election tient de la Democratie, & que ce qui tient de la Democratie est contraire à la Monarchie; partant que nostre forme d'election est contraire à l'estat du Royaume? Ie respon, q̃ les Apostres l'ont ainsi instituee, que l'Eglise l'a ainsi long tēps pratiqué, que nul inconueniēt n'en est encores sorti. Quel Roy a perdu son estat pour cela? Les Apostres auoyent l'esprit de prudence, pour preuoir le danger, si danger y auoit. Mais les Estats du Royaume tenus à Orleans, l'ont ainsi ordonné, sans craindre que cela remuast rien en l'Estat.

De Sponde dit tout ce qu'il peut, sans re-

garder si c'est à propos, & si son argument porte ou non. Sa Monarchie ou Hierarchie Papale, conserue-elle mieux les Royaumes? Il n'y a rien qui les ruine plus, qui plus les mette en sedition, en feu & en sang. Ce que les Rois souffrent ceste monarchie Papale, c'est qu'eux & leur conseil aduisent mal à l'estat, ou sont trop superstitieux, ou plustost plusieurs si malitieux; que quoy qu'ils l'abhorrent, ils l'adorent pour s'en seruir à iouer au Roy despoüillé. Car le Pape frappe d'anatheme, excommunie les Rois, foudroye, les declare heretiques, & expose leurs Royaumes en proye; & puis apres (qui peut les occupe) comme s'il auoit le droit de Dieu, car le Pape, Dieu en terre, en ordonne ainfi.

Il dit apres, *que nous ne devons pas penser que iamais l'Eglise ait pensé à se despoüiller de ce droit d'election, & que si elle en a fait part au peuple, c'est esté par indulgence maternelle, & tendres affections de ses enfans, & non par necessaire.* Mais de quelle

hierarchie

Lis *Graua mina curia*, & tu verras que tous les Estats, Parlemens, & Vniuersitez du Royaume en ont autant dit, voire que la Sorbonne à tenu, que la Chrestienté se passeroit bien de Pape. Il parle des anciens heretiques & schismatiques; & veut dire, qu'ils n'ont pas esté si desbordez que Calvin contre le Pape. Mais de leur temps y auoit-il de Pape?

De Sponde dit, *qu'il y a 1200. ans qu'ils ont cest usage*. Ainsi il accorde ce qu'aussi il a accordé cy dessus (toutesfois apres l'auoir nié & contredit) qu'en la primitiue Eglise le peuple auoit ce droit, & qu'il en a ioui pres de 400. ans. Mais si lors on a accordé cela au peuple, n'est-il pas maintenant autant de besoin? N'est-ce pas la raison? C'est le droit dont le peuple & la Noblesse ont ioui iusques en l'an 876. *Les Prelats (dit-il) ne dependront point du peuple, pour tout ce que vous dites*. Le res-

que nous sçauons bien qu'ils ne le veu-

s. Nous ne voulons pas aussi, que l'e-

des Pasteurs depende du peuple seul;

oul' chacun y ait son droit. Les

ur: le leur, la Noblesse le sien,

tin: n. Que si les Apostres, &

y a ainsi procedé; pour-

i nous les ensuyuons? N'est-

Von, dit-il, *Mais nous les von-*

le nombre, puis que nous ne pou-

n. J'ay dit que nous regardons

ut-il donner vn Pasteur à vne

re la volonté, aduis; & cognois-

sance d'icelle?

De Sponde s'esbahit comment nous parlons de ceste forme d'election, veu que Luther, Calvin, & Farel n'ont point esté esleu, le peuple y estant appellé, & y ayant voix. Qui luy a dit cela? Il en parle, & n'en sçait rien. Quand Luther (dit-il) se desbanda du Conuēt, quele estoit le peuple qui l'auoit esleu? Quand Farel fulminoit dedans Geneue, à l'election de quel peuple rapportoit-il sa charge? Et ne sçauons-nous pas que Calvin ne s'arresta iamais à Geneue, que par les horribles imprecations que Farel ietta sur luy? Le respon pour Martin Luther, quel peuple l'eust esleu dedans le Conuent? Il n'estoit pas encore ce qu'il fut apres. Quand Martin Luther sortit du Conuent, ce fut comme quand Noé se sauua du deluge, Lot de Sodome, & comme Abraham d'Vr des Chaldeens; ce fut vn tison recoux du feu, & vne ame retiree de l'enfer; Dieu l'en tira ainsi. Mais apres qu'il fut sorti du Conuent, eut esté ouï, sa doctrine approuuee selon Dieu, le Prince, son cōseil, ses estats, Clergé, & peuple l'esleurent, & appellerent auec d'autres, pour leur vray & legitime Pasteur. Calvin y a esté appellé par le Magistrat souuerain, & par le peuple de Geneue. Quant au Clergé Romain, il ny estoit plus, & là où il estoit, il n'estoit qu'ennemi de la verité. Farel l'adiura: car il ne vouloit pas accepter ceste charge, il s'en iugeoit incapable, comme Moysé & Ieremie. Qui sera capable pour ces choses, dit l'Apōstre? N'estoit-ce pas mode-

stie en luy ? Et tu l'en calomnies : il obeit finalement, & acquiesça aux remonstrances de Farel. Farel n'estoit pas là sans vocation, il y auoit du peuple qui l'auoit appelé, & le Magistrat aussi.

*Nous auons (dit-il) fait vn grand trouble: Car* Page 168.  
 (comme il dit) *les peuples estoient endormis en la tranquillite de l'Eglise, & nous les auons reueillez en sursaunt.* Je respon, que de vray le peuple estoit endormi d'un profond sommeil, en la corruption & ignorâce de l'Eglise Romaine, les peuples resuoient, & ne sçauoyent ce que faisoient, adoroyent la creature au lieu du Createur, & les idoles mortes au lieu du Dieu viuant, & vn crucifix comme Iesus Christ. On cherchoit la vie en la mort, & Paradis en l'enfer. Le diable berçoit le pource monde couché & lié en ceste Papauté, comme en vn berceau. On l'esueille, deslie de là, & amene de la mort à la vie, & des tenebres à la lumiere, de l'erreur à la verité, & des resueries à la sagesse de Dieu. Nous sçauons ce que nous croyons: mais vous, que sçauuez-vous que vous adorez?

Il dit aussi, *que nous n'auons pas esté esleuz, ny approuuez & receuz par nos Eglises.* Par qui donc? Que veut dire cest homme? Que nous sommes ingerez, & apres qu'on nous a contrainct de monter en chaire? Accordez cela. Mais nos Eglises nous oyent, nous les gouvernons par la parole de Dieu, elles nous ont demandé, & honorent nostre ministere: elles en iugent, & si nous ne les enseignions

pas par la parole de Dieu, elles nous chasseroient comme vos prestres & moines. Il dit, *qu'il n'a iamais veu le peuple eslire les Ministres.* Il luy replique, que quand il est question de l'election du Pasteur, les Pasteurs & nos Anciens & Surueillans (que nous appellons) sont lors presens, proposent au peuple, & premierement aux Nobles, & autres plus qualifiez, qui sont appelez pour regarder à cela, & apres nomment publiquement, & donnent liberte à chacun d'apporter son aduis, son consentement ou dissentement, & on prend le silence pour consentement, apres plusieurs aduertissemens. Il m'ennuye de tant repeter. Ceux qui dissentent, sont ouïs en toute liberte, & à chacun est fait selon le droit. En cas de discorde, il y a les Colloques; si le Colloque ne peut decider l'affaire, il y a le Synode prouincial: si iceluy ne peut, nous auons le Synode de tout le Royaume, que nous appellons National. C'est comme on y procedoit iadis auant la Papauté. A ce qu'il dit, *qu'on va par les familles*: ie respon, que cela se fait en quelques lieux, pour sçauoir si on aggroit le Pasteur nommé. Mais cela ne tesmoigne-il pas que le peuple a donc sa voix en l'election de ses Pasteurs? & toutesfois il dit que non. Quel homme est cecy, qui dit & se contredit en vn mesme instant?

Il dit, *que si nos Eglises lisoient nos escrits, nous serions deseriez.* Helas, mon amy, nous sommes bien marris qu'on ne les lit mieux! Nous

ne craignons rien, & si escriuons assez. Vous en plaignez-vous ? Mais vous voudriez que nous ne sceussions ny parler ny escrire. Si peu de nos Ministres escriuent, il n'est pas de besoin aussi ; ils sont à excuser : car là où tu dis qu'ils sont à leur aise, ils sont bannis, exilés, & desnués de toutes commoditez pour escrire : toutesfois il se trouue tousiours qui vous respond.

*L'Eglise (dit-il) peut estre corrigee, si en quelque chose de la forme exterieure elle s'est mesprise.* Mais par qui ? *Par ceux qui en ont le pouuoir.* C'est (dira-il) *par le Pape.* Le maquereau interdira le bordeau ? En puis il veut que ceste reformation se face où elle se doit faire, à sçauoir en vn Concile de Moines, Euesques, Prestres, & Cardinaux. Et quoy ? Ce sont là nos parties. Qu'ont-ils reformé, si ce n'est les Breuiaires ? Chacun Euesque auoit son vsage ; ils ont tout remis à celui de Rome. Ne s'est-on pas présenté aux Conciles ? y voulut-on ouïr ny Brence, ny les autres Allemans ? On les condamna sans les ouïr. Y voulut-on faire vne reformation selon la parole de Dieu, comme requeroit le Roy Henry 2 ?

*Caluin (dit de Sponde) a fort offensé.* Mais en quoy ? *en ses aspres reprimendes,* dit-il. Comment ? *Ceste regle de nostre Seigneur est belle & observable, laquelle il nous commande de garder, quand nos freres ont offensé. Le passage est bien notable (dit-il) & vaut bien la peine de vous le rapporter tout au long. Si ton frere*



*a peché contre toy, va, & le reprends entre toy & luy seul, &c. Et quoy? veut-il que nous allions reprendre le Pape à Rome? Ne l'a-on pas repris & son Clergé aussi? Combien de liures pour cela? Combien d'Euesques a-il fait mourir en Italie, pour le luy auoir signifié? Il a esté ainsi repris, se peut-il autrement faire? sommes-nous ses Pasteurs? Nous oit-il? nous l'auons signifié à l'Eglise, & le tenons pour l'Antechrist, apres le luy auoir suffisamment remonstré. Et apres, *Qui sçait* (dit-il) *si sa douceur eust plus serui, que la rudesse n'a profité?* De Sponde ne se moque-il pas, de dire que Calvin deuoit aller vers le Pape, & l'excommunier à Rome, si le Pape ne l'eust voulu ouyr? S'il ne veut dire cela, que veut-il dire? Mais pourquoy saint Paul estant à Rome, n'est-il allé chercher le prestre de Iupiter, ou le souuerain Sacrificateur en Ierusalem, pour les excōmunier? Apres il dit, *que si les Prelats ont failli, & sont deserteurs de leurs offices, qu'il les faut remettre, & contraindre de s'y remettre, & que lors il n'y aura plus à redire.* Hélas, mon ami, autant & plus que iamais! Ne sçais-tu pas qu'ils ne sçauent rien faire, & qu'on n'en veut plus de tels en ces lieux-là, & moins que iamais? Ils ne sont ennemis de rien, tant que de la verité de l'Euangile. On ne veut plus de cela, ny de Pape à Geneue; Que feroit-on de ce peuple-là?*

Page 170.

Page 171.

*Saint Gregoire* (dit-il) *& S. Bernard, n'ont pas fait vne Eglise à part.* De saint Gregoire cela

cela est vray. Il estoit Euesque de Rome, il n'auoit tant de cognoissance ou de courage, qu'il peut reformer ceste Eglise; & puis elle n'estoit pas du tout si corrompue que maintenant: si a-il condamné le vœu de virginité; & a dit apres S. Paul, qu'il valloit mieux se marier que brusler (ny donner occasion de mal, comme on fait en faisant le vœu de ne se marier iamais.) Il a aussi condamné la primauté de vostre Papauté, & a tenu le siege de la Papauté, semblable à celui de Satan, comme nous auons veu cy dessus. Quant à saint Bernard, il a aucunement fait Eglise à part: car il fit vn Monastere, s'y retira avec quelques Moines: & de là n'en a pas moins dit que nous, contre l'Eglise Romaine, iusques à dire que la cour du Pape estoit vn parc de diables, & qu'il n'y apparoiſſoit plus rien de la succession de saint Pierre. Calvin en a-il plus dit que cela? Mais il n'en a pas tant dit. Que si saint Bernard n'a passé outre, c'est qu'il n'auoit pas pleine cognoissance de tous les abus de la Papauté. Au reste, Calvin ne dit pas, qu'il se faille retirer de l'Eglise, si les Euesques ne font leur deuoir; mais bien quand ils sont idolatres, & font idolatrer. Si Calvin a dit que les Anabaptistes ne se deuoyent pas

Bernrad en  
ses cōside-  
rations.

Page 172.

Caluin pretend parler, laquelle n'est pas idolatre : Et aussi les Anabaptistes n'ont deu se retirer de l'Eglise Romaine, pour la corruption des mœurs simplement. Nous ne nous en sommes pas aussi retirez, que pour leur fausse doctrine & idolatrie. Je laisse son long discours qu'il fait, pour nous conuaincre que nous deuons aller à la Messe, & n'auoir corps d'Eglise que le leur. Pour cest effect il dit, *que Caluin compare l'Eglise Romaine à celle d'Israel, & qu'on alloit adorer au temple, à cause que les Sacrificateurs auoyent vocation.* Je reison, que vostre Clergé n'a pas telle & si legitime vocation que les Sacrificateurs & Leuites: Et que quand la vocation du Pape & du Clergé seroit aussi legitime, que nous ne pourrions pas pourtant assister à leurs seruices; par ce que ce n'est qu'idolatrie, laquelle Dieu a defendu. Et au contraire, ce qui se faisoit au tēple, estoit ordonné de Dieu, & estoit commandé d'y assister.

Après cela, de Sponde veut confesser qu'il y a idolatrie en l'Eglise Romaine, & le confesse à demy; & puis le retracte. *Il y en a*, dit-il, *qui en particulier peuent venir bigots & superstitieux. Tels sont ceux*, dit-il, *qui courent de temple en temple; qui mangent de baisers importuns un autel, une pierre, un bois, qui marmotent incessamment une mesme chose, & qui se peuent appeller fanatiques.* Il confesse qu'il se moque de ceux-là. Il dit, *que ce sont quelques particuliers.* Quoy? Le Pape

approuue cela, le commande, en baille des bulles & pardons. Cela est permis à tous en l'Eglise Romaine ; & sont-ce donc quelques particuliers ?

Aussi de Sponde iustifie ce qu'il a condané, & dit ; *que cela se peut faire en vn homme de bien, avec vn rauissement d'esprit.* En fin de Sponde condamne cela, & encore l'approuue. *Ceste deuotion encore que ne ualle rien, vaut mieux (dit-il) que de n'en auoir pas du tout.* Si est-ce qu'on n'est pas pourtant sauué plus par l'vn que par l'autre. Et combien que les Atheniës approuuassent plus Phidias, que Diagoras & Protagoras ; si n'y auoit-il pas de salut plus pour Phidias idolatre, que pour Diagoras & Protagoras qui estoient atheistes. Il n'y a point de salut que pour ceux qui inuocquent vn seul Dieu, & par vn seul Christ. *Caluin, dit de Sponde, ne s'attaque pas à cela ; à sçauoir, de courir d'autel en autel, & de manger vn autel de baisers importuns.* Pourquoi-non ? C'est vne idolatrie ? A quoy donc se prend Caluin ? *A ceux qui établissent vne idolatrie manifeste en l'Eglise, & y contraignent ceux (dit de Sponde) qui participent à leur communion.* Mais vous établissez ceste idolatrie, quand vous la souffrez. Vous baillez les honneurs à ceux qui font cela, & si vous en moquez : & faites mourir ceux qui ne le font pas, & y cōtraignez ceux qui sont de vostre communion ; & nous y voulez contraindre, nous qui n'en sommes pas.

*De Sponde baille la Messe pour exemple, de ce que Calvin appelle idolatrie. Mais où a-il trouué que Calvin dit, que les Prestres n'ont que l'autel des ceremonies de Moysé ? Car nous n'avons plus d'autel icy, que nostre Seigneur au ciel: & Calvin n'approuve leur autel, nō plus que le reste de leur Messe.*

Escau. 107.  
37.

Il pretend d'enveloper Calvin en contradiction, de dire que l'Eglise Romaine sacrifie au diable ; & que cependant elle est Eglise de Dieu. Il iuge que cela est impossible. Mais Israël au desert de Moab, estoit Eglise de Dieu, & toutefois fit de ses miserables familles offrande au diable. Non tous, direz-vous: aussi tous n'ont pas idolâtré, durant vostre papauté. Ahas fit passer son fils par le feu ; & pres de Ierusalem on sacrifioit les enfans à Moloch. A qui sacrifiez-vous ceux que vous mettez en vos conuents, à Dieu ? Mais vous lesiettez au feu d'enfer : au feu, dy-ie, de toutes sales concupiscences, & si estes Eglise de Dieu, comme a esté dit.

De Sponde nous fait plusieurs questions au coup ; *S'il y a plus d'une Eglise au monde ?* Le luy respon, qu'il n'y a qu'une seule Eglise sainte & catholique ; mais qui consiste de plusieurs Eglises particulieres. Ceste-là est le gros de tous les enfans de Dieu, esleus à salut, & escrits au liure de vie, & font au vray la vraye maison où Dieu habite. Mais chacun Royaume a ses Eglises qui se rendent là, comme les fleuves en la mer. Qui a oreille,

oye ce que l'esprit dit aux Eglises. Item, les <sup>Apoc. 2. &</sup> Eglises sçauront que ie suis celuy qui fonde <sup>3. & 2. 23.</sup> les cœurs & les reins. Il demande encore, *si l'Eglise peut estre où sera l'Antechrist?* Le respon, qu'il ne doit pas estre assis ailleurs: que <sup>2. Theſ. 2. 7</sup> S. Paul a dit qu'il seroit assis au temple de Dieu. Il demande encore, *de quoy Calvin a basti son Eglise?* Le respon, qu'elle estoit bastie avant Calvin, que c'est nostre Seigneur qui baptist son Eglise d'hommes, & les prend de toutes nations & peuples. Il demande encore, *sur quoy Calvin a basti son Eglise?* La responce est sur Iesus Christ: car Calvin ne se fonde pour le salut qu'en vn seul Iesus Christ. L'Eglise n'a pas d'autre fondement que Christ. Il dit, *que donc Calvin, n'a pas de fondement, à sçauoir pour y bastir, puis que l'Antechrist est assis dessus.* Cela est ridicule. L'Antechrist ne tient point de place sur Iesus Christ, qui ait empesché Calvin d'y bastir. L'Antechrist n'est pas assis sur ceste Eglise que tu appelles de Calvin, ny en ce temple que nous baptissons: mais en vostre Eglise Romaine, qui estant temple de Dieu, à sçauoir particulier, vous en auez fait vne cauerne de brigans. L'Antechrist ou le Pape, n'est pas fondé sur Iesus Christ, entant qu'Antechrist; mais bien entant qu'homme & baptisé en l'alliance de Dieu, & de profession Chrestien, pour estre sauué s'il appartient à l'lection de Dieu & s'il a repentance. L'Antechrist de faict n'a pas demoly le fondement; il est immobile. Et ce fondement, qui est

Christ, ne luy demeure pas. Le Pape n'y arië, si Dieu ne luy fait misericorde. Il réuerse bien le fondement entant qu'en luy est; & en ce notammët, qu'il cherche le salut ailleurs qu'en Christ: mais ce fondemët demeure tousiours ferme. De Sponde dit apres, *que Calvin se contredit en ce qu'il dit, que l'Eglise Romaine n'est pas l'Eglise de Iesus Christ; & que neantmoins Iesus Christ y a conserué son Eglise.* Je respon, qu'on ne te nie pas, que l'Eglise Romaine ne soit Eglise de Iesus Christ, rachetee par luy, baptisee en son Nöm, & tyränisee par l'Antechrist, & Eglise idolatre. Au reste, pour ce que là Dieu a vn nombre grand d'esleuz, nous disons que tout ce corps est nommé Eglise de Iesus Christ, à cause de ce nombre d'esleuz, qui font la vraye & sainte Eglise. C'est pour leur regard que l'Eglise Romaine est appelée Eglise de Iesus Christ: Car ils en sont vne partie, & vrais membres de l'Eglise Catholique; & en ce regard l'Eglise de Iesus Christ y est conseruee. Nous responderös à son traicté de l'Antechrist, ou plustost traicté de Belarmini; Dieu aidant, & le tenons pour veu.

Page 176. *Mais de Sponde iure sur l'autel de verité, que ce qu'il hait, ce sont les sophismes: & c'est ce qu'il aime; chacun le void. Il dit, que si l'Eglise Romaine est idolatre, tant peu que ce soit, qu'elle n'est pas Eglise de Iesus Christ. Pourquoy non, aussi bien qu'Israël idolatre? Ceux qui sont en l'alliance de Dieu, sont en l'Eglise de Dieu, & Eglise de Dieu. A Rome, en Italie, en Espa-*



gne, en Frâce, & en l'Europe, on est en l'alliance de Dieu, & baptizé pour tesmoignage de cela. Là dōc on est en l'Eglise de Dieu. La femme sera espouse, & si sera adultere: elle sera espouse, iusques à ce que le mary l'ait repudiée; de vous il en est ainsi. Vous estes Eglise, mais idolatre: & serez Eglise, iusques à ce que Dieu vous ait du tout retranchez de son alliance, comme Iraël.

De Sponde retourne encore aux images, & dit; *que pour prier les saints, & auoir leurs images, qu'ils ne sont pas idolatres.* Nous auons cy dessus satisfait à tout ce qu'on peut dire des images, & plus qu'amplement. Il fait difference entre idole & image: mais c'est vne malice à vn homme Grec comme luy, de dire cela. L'Euesque qui a traduit Plutarque de Grec en François, luy contredit: Il dit, *que qui fait vne statue d'un homme, cōme si c'estoit Dieu, fait vne idole.* Le respō, que si Laban appelloit des marimousets ses dieux, que c'est comme vous appelez vne image de nostre Seigneur en l'hostie, & tenez que c'est Dieu. Vous faites dōc vne idole, vous estes dōc idolatres en cela. Mais qui fait vne image pour représenter Dieu, l'a en reuerence, & s'encline deuant, fait ce que Dieu a defendu, & est idolatre. Or vous faites cela; vous estes donc idolatres.

Pourueu (dit de Sponde apres) *qu'on ne sacrifie aux images & aux saints, & qu'on ne les adore de l'adoration de latrie, ce n'est pas idolatrie.* Mais vous leur sacrifiez de l'encens, des par-

funs, des presens, des Messes, que vous appelez sacrifices. Vous les seruez, vous y enclinez, & vous sacrifiez vous-mesmes à des idoles; n'est-ce pas donc idolatrie? En tout cas de Sponde confesse qu'on les adore, & qu'on les doit adorer: car il dit, *que pourueu qu'on ne les adore de l'adoratiõ de l'airie, que ce ne sera idolatrie.* Il concede de les adorer de l'adoration de dulie, qu'ils appellent seruice. N'est-ce pas les adorer, & de plus grande adoration qu'ils n'adorent pas Dieu, comme a esté dit cy dessus? quel auuglement est cela? Mais avec cela, de Spõde, *tu dis que tu ne veux pas icy bannir la modestie.* Quelle modestie y admet-tu? Ne leur faites-vous pas plus qu'à Dieu-mesmes? vous n'adorez Dieu que d'honneur, & les images vous les adorez de seruice.

Il dit, *que l'vsage discret des images redonde à la gloire des ames bien-heureuses & de là à la gloire de Dieu.* Je te demande, Est-ce vn vsage discret, de les adorer plus humblement que Dieu? vous le faites. Mais en quoy sont les ames bien-heureuses glorifiées? Que les saincts soyent icy deguisez, exposez en risée, facent bõne morgue en vn temple sur vn autel, facent rire les fols, que les autres idolatrent là, adorent le bois & la pierre, & que Dieu y soit offensé? est-ce vne belle gloire à l'ame de S. Pierre, de le représenter par vne fouche vermoulue; & à la Vierge de la représenter comme vne femme fardee? Mais ces ames bien-heureuses ont-elles à faire de ceste

gloire? en sont-elles mieux? quel bien leur fait cela? Si elles sont en la gloire de Dieu, hélas! leur faut-il autre gloire? celle-là ne suffit-elle pas? Que sçavez-vous que c'est ny de Dieu ny de sa gloire? cela surpasse tout; Dieu seul tient les ames bien-heureuses, elles n'ont rien ailleurs: & autrement Dieu ne seroit pas Dieu, ny le plain rassasiement en sa face. C'est ce que l'œil n'a veu, ny l'oreille ouy, & que le cœur de l'homme ne peut comprendre. Et vous voulez icy donner des esbats aux ames des saincts, en processions, festes, & offrandes que vous faites à leurs images. *Et Dieu mesme*, dis-tu de Sponde, *y est glorifié*; là où il y est horriblement offensé. Penses-tu qu'il prenne plaisir en vos esbats, & que les ames s'esgayent de cela au ciel, & en soyent plus glorieuses? C'est vous qui prenez là vos esbats, y faites vos icux, vos danfes, vos festes, & vous y enyurez en toutes sortes: & lors vous est bien aduis que le ciel s'en porte mieux aussi, & que tout s'y esgaye comme vous icy. *Dieu y est glorifié*, dit de Sponde; *Cependant il consent que tout cela soit aboly, pourueu que l'Eglise l'ait déterminé*. Quoy? faut-il abolir cela, où tu dis que Dieu est glorifié? Au moins ainsi confesses-tu que c'est abus. Mais tu veux que l'Eglise ordonne, que cela soit aboly. Dieu ne l'a-il pas déterminé en ce beau Concile qu'il tint en Sinaï, qu'il a tenu en Ierusalem, dou est sortie sa parole? Est-ce à l'Eglise d'ordonner & de terminer où Dieu a parlé? Qui abbatit le ser-

Exod. 20.  
Esa. 2.

pent d'airain qu'Ezechias? qui fit la reformation que Iofias? Et sur la determination, non des Prestres, mais du Deuteronomie? Et de Sponde laisse la parole de Dieu en arriere, & renuoye le tout au Pape & aux Prestres, qui viuent ainsi que les Prestres de Cybele; des offrandes de leurs idoles. Attendez d'eux quelque belle determination en cela.

*De l'innocation des Saints.*

**D***Esfendre d'auoir recours aux Saints, est malice*, dit de Sponde. C'est donc malice de dire qu'il faut auoir recours à vn seul Dieu. Si est-ce que Dieu l'a ainsi ordonné; Tu n'auras point d'autres Dieux deuât moy, dit Dieu: c'est à dire, Tu n'auras recours qu'à moy pour tout tō salut. Qui sauue que Dieu? Mais quelle raison a de Spōde, qu'ils viuēt au ciel? Ils ne sont dōc plus avec nous, ils en sont bien loin; nostre estat leur est incognu. Nul ne void par tout, & les fonds de nos cœurs que Dieu. Ils ne sont pas Dieu; ils ne sçauent donc rien de nostre estat. *Ils sont membres de l'Eglise*, dit de Sponde. Je respon, que nostre Seigneur Iesus Christ en est le chef, qu'il est Dieu, void tout, par tout, & que nous sommes vnis à luy: qu'il nous aime bien, qu'il est plus pres de nous, que non pas les Saints; que nous n'auons cōmandement de prier qu'en son Nom. De luy seul il est dit, Qu'il est assis à la dextre de Dieu, & que là il intercede pour nous.

*Nous prions icy les uns pour les autres, dit-il, sans faire tort à Iesus Christ. Je respon, que nous prions, non comme intercesseurs, ou mediateurs & aduocats; mais comme affligez en la personne de nos freres; & prians pour eux, nous prions pour nous. L'enfant prie pour son bien, s'il prie pour son pere: La femme aussi, si elle prie pour son mary: & ainsi de l'amy, s'il prie pour son amy; c'est qu'il prie comme pour soy-mesme. Le bien, la santé, la ioye de son amy, prochain, & voire de son ennemi, selon Dieu, doit estre, & est son bien, sa santé, & sa ioye; ce qui n'a lieu en ceux qui sont morts. Dieu est leur ioye & contentement entier. Puis la compassion que nous auons de voir l'affliction, si nous auons charité, nous fait prier pour eux. Ce qui n'est de la foy est peché: Recourir aux Saints, morts, n'est pas de la foy; recourir aux saints morts, est dōc peché. Ce qui n'est de la parole de Dieu, n'est point de la foy. Or recourir aux morts, n'est point de la parole de Dieu, Recourir aux morts n'est pas donc de la foy; partant c'est peché.*

*Ce qui nous trouble, dit de Sponde, c'est que nous ne pensons pas qu'ils nous oyent. Cela ne nous trouble point: Car nous sommes bien resolu qu'ils ne nous oyēt, ny ne nous voyēt. Nous argumentons ainsi. Nul n'oit, ny ne void, ny n'est par tout, ny ne peut par tout que Dieu: or les Saints ne sont pas Dieu; ils ne nous oyent, voyent, ny sont, ny ne peu-*

peuvent donc par tout. Item, Dieu ne donne point sa gloire à vn autre. Or c'est la gloire de Dieu de voir par tout, & pouuoir, & estre par tout. Dieu ne donne point donc ceste gloire à vn autre. Ioinct que Dieu ne seroit pas seul Dieu. Ce qui est propre à vn seul Dieu, ne peut estre donné à vn autre. Or estre par tout est propre à vn seul Dieu: cela n'est point donc donné ny aux Saincts, ny aux Anges, ny à aucune creature.

*Les Saincts, dit de Sponde, sont comme les Anges. Or les Anges voyoyent en terre: Les Saincts y voyent donc.* Je respon, que les Anges voyent où ils sont enuoyez, & non par tout: car ils ne sont pas par tout; cela est à vn seul Dieu. Dauantage quand il est dit, que les Saincts seront semblables aux Anges, c'est apres la resurrection, & non plustost, & encore non que pour vn regard; à sçauoir, que comme les Anges ne se marient point, qu'aussi apres la resurrection on ne se mariera pas: & la femme ne cognoistra plus le mary, ny le mary la femme. *De Sponde a iuré qu'il hait les sophismes; Et en voilà vn de Belarmin; à dicto secundum quid, à dictum simpliciter.*

Il dit encore; *que les Anges se resiouyssent au ciel, du pecheur qui vient à repentance.* Les Anges vont & viennent en terre, en l'air, qui est appellé ciel, & voyent la conuersion du pecheur icy, & ioyeux, en rendent graces à Dieu au ciel, & louent sa bonté. Au reste, les ames bien-heureuses ne sont pas Anges; c'est à dire

messagers pour estre avec nous, & sçauoir nostre estat. Il dit, *que les Saintes le peuent sçauoir par les Anges, puis qu'ils sont en leur compagnie.* Ouy, ils le leur vont dire: veut-il faire telle communication au ciel? Quel besoing que les Anges rapportent nostre estat aux ames qui sont au ciel? Est-ce qu'elles prient Dieu pour les parens, apres auoir sçeu qu'on leur a porté & chandelles & offrandes? Faut-il qu'ils sollicitent Dieu à nous bien faire, & se mettent en la place de nostre Seigneur seul nostre Intercesseur? N'est-ce pas desroger à l'amour infinie de Dieu enuers nous, seul la cause, & la source de nostre salut, & de tout bien? Dieu ne sauue que pour l'amour de soy-mesme. C'est moy, c'est moy, qui pardonne Esa. 43. 25. tes péchez, & pour l'amour de moy-mesme. C'est de là qu'est tout nostre bien; à vn seul Dieu la gloire.

*Sainct Pierre, dit de Sponde; vid dedans le cœur d'Ananias par le saint esprit. Par iceluy les Saintes au ciel peuent bien voir dans nos cœurs.* Je respon, que ce fut le S. Esprit qui voyoit au cœur d'Ananias, & conduisoit & faisoit ceste œuvre. Car saint Pierre dit, qu'Ananias auoit menti au saint Esprit. Prouuez que ce qu'un seul Apostre a fait icy vne fois, lors qu'il y preschoit, & pour autoriser sa doctrine (que Dieu veut que tous les esprits bien-heureux le facent au ciel) maintenant qu'ils ne preschent plus, & que nous croyons que leur doctrine est de Dieu? Mais quel be-



soin est-il que le S. Esprit qui est avec nous, & y habite, pour nous consoler, fortifier, faire prier, & nous mener à salut, luy vray Dieu qui fait nostre salut avec le Pere & le Fils vn seul Dieu; quel besoin, dy-ie, qu'il monstre nos maux aux Saints, à fin qu'ils prient & sollicitent Dieu pour nous? Dieu a-il affaire de ceste sollicitation? Depend-il d'eux, ou de soy-mesme? fait-il nostre salut pour l'amour d'eux, ou de sa seule bonté?

Page 179.

Je respon de mesmes à saint Gregoire; à sçauoir, que luy, & tous ceux qui font les ames voir dedas la clarté de Dieu, & n'ignorer rien de ce qui est au dehors, & qu'elles voyent tout par tout: que ceux-là, dy-ie, parlent de choses qu'ils ne sçauent pas, qu'il n'y a là rien de certain. Au contraire, que tout cela est impie, & contraire à la nature de Dieu, & ouure la porte à l'athéisme. Quoy qu'il en soit, cela rait à Dieu ce qui est du propre de la nature & gloire de Dieu, & propre à Dieu seulement: car ce qui est propre à la Deité, est incommunicable à la creature; ce qui est infiny, est incommunicable à la creature. Nostre aduersaire retourne encore chercher quelque lieu en l'Euāgile, par lequel il puisse prouuer que les Saints voyent nostre estat. Et pourtant il dit, *Et si le mauvais riche voyoit du milieu des tormens de l'enfer, la dissoluë vie que menoyent ses freres au monde, & en a eu du soucy, que doyuent faire les fideles au ciel?* Je respon, qu'il n'est pas dit, qu'il vid de l'enfer; mais qu'il auoit laissé

au monde ses freres. Cela n'est qu'une parabole, d'où on ne prend pas tout ce qui est dit mot à mot au pied de la lettre. Car autrement il faudroit dire, que les esprits auroient langue, doigts, & de l'eau pour esteindre leurs flammes, qu'ils communiqueroient les uns avec les autres du ciel en l'enfer, & qu'ils voudroient aller de l'un en l'autre; ce qui n'est point. Ce propos n'est donc qu'une similitude. Or en icelle nostre Seigneur veut nous enseigner, qu'il n'y a ny remede ny redemption apres la mort: & que les morts ne peuvent rien, ny pour les morts ny pour les vivans. Et toy & Belarmin, avez-vous tout vostre conte?

Il dit apres, *que les prieres des esprits bienheureux sont plus agreables à Dieu que les nostres; car (dit-il) les Saints au ciel sont sans peché.* Mais leurs prieres ny les nostres n'ont esté jamais, ny ne sont agreables à Dieu, qu'à cause du Mediateur, par la main duquel nos prieres montent à Dieu. Mais tousiours te faut-il prouver, que les Saints voyent nostre estat, en sont esmeus à pitié, & prient pour nous: qu'ils ont ceste charge, que Dieu fait pour eux & en leur faueur, ce qui est de nostre salut. Pense-il que leurs prieres nous donnent entree à Dieu, ou celles de nostre Seigneur? Nul ne peut nous donner entree à Dieu, que Dieu: Or les Saints ne sont pas Dieu; ils ne peuvent donc nous donner entree à Dieu. Nostre Seigneur a dit, Demandez en mon

Nom; Tout ce que vous demanderez en mon Nom à mon Pere, il vous le donnera. Ce n'est leur pureté, qui nous donne accez à Dieu, mais vne plus grande, à sçauoir, celle de nostre Seigneur, leul l'appoinctement pour nos pechez, & seul nostre reconciliation enuers Dieu. Et quand nous prions icy les vns pour les autres, nostre Seigneur prie pour nous tous au ciel: & sommes exaucez, par ce qu'il prie pour nous, & nous donne accez à Dieu; ce que nul que luy ne peut faire. Si ie prie pour mon frere, ie prie pour moy-mesme, comme a esté dit: car en son mal i'ay mal, en sa perte i'ay perte, en sa santé ie suis sain, & si ie meurs, les miens vivent en sa vie. La charité nous lie, la necessité nous estreint, & la grace de Dieu nous oblige les vns aux autres; & la cognoissance de la necessité nous fait auoir pitié les vns des autres; ce qui ne peut estre és esprits bien-heureux. Au reste, nous ne disons pas que les saincts desirs de l'Eglise triomphante soyent idolatries, comme de Sponde nous veut imposer: mais nous disons que les prier, c'est idolatrie.

Ie respon, quant à Origene, n'a-il pas fait d'autres fautes? Si vous dites, qu'en cecy il n'a pas failly, il conste que si: car il a inuouqué Iob, l'a prins pour Mediateur enuers Dieu. Iob a icy prié Dieu pour ses enfans (dira quel-qu'un) c'est ce que tout pere doit. Mais Dieu nous a-il faits aduocats au ciel? Il n'y en a que vn, Iesus, seul l'appointemēt pour nos pechez, qui

qui seul intercede pour nous à la dextre de Dieu. Nul ne peut nous donner entree à Dieu, que Dieu. Iob n'est pas Dieu, il ne peut donc nous donner entree à Dieu. Origene a failly en cela. Que sert de coter le temps, veu que nostre Seigneur est dès le commencement, seul l'appointement pour nos pechez, & nostre reconciliation enuers Dieu? Il y a treize cens ans qu'Origene a dit cela, & plus de cinq mille & cinq cens, que nostre Seigneur est seul nommé, pour nostre vie, & cause de salut. Il est seul estably nostre Sacrificateur ou Mediateur. Il y a vn Dieu, dit l'Apostre, & vn Mediateur entre Dieu & les hommes; & ne faut pas dire qu'il soit là nommé nostre Mediateur pour la redemption. Car il est là question de prier Dieu, où S. Paul dit, que nostre Seigneur est seul nostre Mediateur: & dit comment; à sçauoir, en ce qu'il s'est donné en rançon pour tous. Origene parle donc en cela sans la parole de Dieu, voire contre icelle. Le croirons-nous; & mesme veu ce qu'il dit ailleurs, à sçauoir, qu'il ne faut croire que selon la parole de Dieu? Au reste cela n'est pas d'Origene, mais de quelque Arrien, qui a semé parmy ses escrits cecy; *Iob prie pour nous pecheurs, que la misericorde de Dieu nous preserve.* Sainct Iean prouue la Deité de Iesus Christ, de ce qu'il nous donne entree à Dieu, & nous obtient misericorde. Que si Iob peut faire cela, ou vn autre saint, l'argument de saint Ieā est faux; & nostre Seigneur n'est pas vray

Homel. 7.  
sur Esaye &  
sur le Leui-  
tique 5.  
Homel. 16.  
sur le Ge-  
nes.

Iean 14.1.  
2.3.4.6.

Dieu, & aueré & reconnu tel, en ce que seul il nous donne entree à Dieu, & nous obtient salut. Que direz-vous à cela, que ie vous fais Arriens? vous auez bien d'autres heresies que vous ne pensez pas.

Quant à S. Cyprien, il desire que la charité demeure tousiours entr'eux, & mesmes au ciel. Mais a-il prins Corneille pour aduocat? il auroit fait contre la parole de Dieu; & faut qu'il soit iugé par luy-mesme; car il a dit, que Christ seul doit estre ouy. Nous ne deuons pas regarder que c'est qu'aucun a pensé auparavant; mais à ce que Christ, qui est sur tous, a fait le premier. C'est au dire de nostre Seigneur que nous deuons nous tenir, non à celuy ny d'Origene ny de S. Cyprien.

Lib. i. epist.  
3.

Ad Pöpei.  
côtra epist.  
Stephani.

Gregoire  
Naz. en l'o  
raison fu-  
neb.

Ie vien maintenant à Gregoire Nazianzene; il dit ainsi, Basile comme ie pense, fait maintenant sacrifices au ciel. Il dit, comme ie pense. Il ne dit donc rien de certain, & dit d'autres choses que de Sponde & les Iesuites auroyent honte d'alleguer: comme, O toy, chef sacré & diuin, regarde nous d'en haut; & par tes prieres arreste l'aiguillon de la chair, ou persuade-nous de le porter vaillamment, & change nostre vie en mieux, & puis reçois nous en tes tabernacles. C'est attribuer à Basile plus qu'il ne conuient: Mais quel sacrifice faisoit Basile au ciel? disoit-il la Messe?

Basile. en  
l'orais. des  
40. mart.

Basile dit, que ces 40. martyrs s'estoyent partagé le monde, & que chacun gardoit son quanton, & qu'ils estoyent autant de tours

munies l'vn ça & l'autre là. Cependant qu'ils sont tous ensemble & tous chez chacū ; qu'auant l'Eglise auoit trauaillé beaucoup à trouuer qui l'a reconciliaſt à Dieu : mais qu'elle en auoit là 40. de conte fait. Que ſçauroit-on dire de plus infulſe, de plus impie, & blaſphematoire, contre le benefice de la mort de noſtre Seigneur, & contre ſon interceſſion & office de Mediateur au ciel? vous alleguez ceſte Homelie, mais vous n'oſez reciter le tout.

Quant à S. Hieroſme, il diſpute beaucoup de cecy contre Vigilantius ; mais il ne prouue rien par l'Eſcriture ſaincte. Il dit, que ſi les Apoſtres ont prié eſtant icy, qu'ils priēt bien eſtant au ciel. Comme ſi icy & là eſtoit tout vn, & meſme eſtat & meſmes affaires, neceſſité & trauaux, & cognoiſſance de maux & dangers. Au reſte S. Hieroſme dit, qu'il ne faut pas les adorer : dont ſ'enſuit, qu'il ne les faut pas prier ; auſſi ne le dit-il pas. Il dit bien à ſa Paule eſtāt morte, *vale* ; c'eſt à dire adieu, & qu'elle l'aide de ſes prieres. C'eſt vn ſouhaiet ou apoſtrophe de Rhetorique, qui n'a aucun fondemēt en la parole de Dieu. Sainct Ambroïſe au liure des veſues dit, qu'il faut prier les Anges & les Martyrs ; & ſur le premier chap. aux Romains il condamne cela. Quelle reſolution prendrez-vous là, ſi non de ne les croire, que quand ils parlent par l'Eſcriture ſaincte?

S. Aug. dit, que l'oraïſon de S. Laurent aide. Epist. 44. cit. de Dieu lib. 22. c. 10  
Mais là il n'eſt parlé de prier qu'vn ſeul Dieu,

des confes.  
lib. 10. c. 42

& par vn seul Mediateur; non pas mesmes quand on prioit au sepulchre des Martyrs. Si donc ce sermon du iour de S. Laurent est de saint Augustin, il se contredit, & contredit à la parole de Dieu.

Côtra Fan-  
stum li. 22.  
cap. 21.

Hieros. cō-  
tra Vigilāt.

De Sponde dit apres, *qu'auant nous, on ne sca-  
noit pas que ce fust idolatrie d'inuoker les Saints.*  
Le Cōcile de Laodicee mōstre du contraire;  
& Theodoret, aussi sur le 2. cha. de l'epist. aux  
Colossiens, où est defendu le seruice des An-  
ges. Donneriez-vous plus aux Saints, qu'aux  
Anges? S. Augustin dit, que l'oraison, & le sa-  
crifice sont deuz à vn seul Dieu; & vous le  
transferez à d'autres. Selon son dire, c'est  
donc idolatrie; & autre chose n'est l'oblation  
que vous leur faites. S. Bernard dit serm. 66.  
que de son temps aucuns se moquoyent de la  
Kyrielle & letanie, où on dit aux saints, *priez*  
*pour nous.* Saint Hierosme en dit autant des  
Eglises des Gaules. On tenoit donc cela  
pour idolatrie auant nous, & mesmes en l'E-  
glise ancienne Gallicane.

### *De la Messe.*

**I**L ne suffit pas à de Sponde d'auoir cy des-  
sus parlé de la Messe; il crie encore, *que*  
*Caluin l'appelle sacrifice diabolique.* Soit: Car aus-  
si tout sacrifice où sont employez les gestes,  
ceremonies, & façon de faire, & les accoustre-  
mens & reuestiaires des Payens, que le Dia-  
ble auoit inuenté & dressé, est diabolique. Or  
au sacrifice de la Messe sont employees les



ceremonies, les gestes, les habits, les oublies que Numa Pōpilius auoit ordōnez selon que la Fee Aegeria, c'est à dire vn diable, luy auoit enseigné : Vostre sacrifice de Messe donc est diabolique. Itē, tout sacrifice auquel on attribue autant de vertu, & plus, qu'au sacrifice de la mort de nostre Seigneur, est diabolique, & inuenté de Satan, pour auentir celuy de la mort de nostre Seigneur. Or vous donnez autant de vertu à la Messe, qu'à la mort de nostre Seigneur, & dites que sans le sacrifice de la Messe, la mort de nostre Seigneur ne sauue ny ne peut sauuer : Vostre sacrifice de Messe est donc diabolic & inuenté de Satan, pour auentir le merite de la mort de nostre Seigneur, & faire chercher salut ailleurs qu'en luy, ou en quelque autre avec luy, cōme vous faites en la Messe, & au Prestre qui la dit. D'auantage, tout autre sacrifice, qu'on dit estre le sacrifice de la mort & passion de nostre Seigneur (hors-mis icelle mort) est faux & diabolique. Or vous dites que vostre Messe est le mesme sacrifice q̄ la mort de nostre Seigneur; vostre sacrifice de Messe est donc vn sacrifice faux & diabolic. Vous dites, que c'est le mesme sacrifice que la mort de nostre Seigneur, hors-mis qu'il n'y a pas de sang espendu. Que si vous ne luy donnez la mesme vertu qu'à la mort de nostre Seigneur, pourquoy y cherchez-vous salut, constituez toute la Religion en cela, & nous tenez pour chiēs & indignes de nos sepulchres; pource que nous cerchōs

comme les Apostres (& ainsi qu'enseignent l'Evangile, & les articles de nostre foy) tout nostre salut en vn seul Iesus Christ, mort pour nos pechez, & resuscité pour nostre iustification?

Page 180.

*De Sponde ne sçait s'il doit icy desmentir Calvin. Il se resoud que non: pource, dit-il, qu'il ayme vne paisible decision des differens. Mais l'Eglise, dit-il, ne dit pas, qu'elle sacrifie au diable. En estes-vous là? Aussi ne le disoyent ceux qui sacrifioient leurs enfans au diable: mais Dieu qui parloit par ses Prophetes, le disoit. La parole de Dieu vous condamne, quand elle defend ce que vous faites, en cherchant la remission de vos pechez en la Messe, laquelle vous appelez sacrifice expiatoire, & agreable à Dieu, pour la remissiõ des pechez des viuans & des morts. Tout sacrifice, où le pain & le vin sont adorez au lieu de Dieu, est diabolic. Or en vostre sacrifice de Messe, le pain & le vin sont adorez au lieu de Dieu: vostre sacrifice de Messe est donc vn sacrifice diabolic. Que vo<sup>2</sup> adoriez le pain & le vin de la Messe, il conste par cecy; que vous appelez vostre hostie saint, saint, saint, & le Dieu des armées. Vous châtez qu'elle ouure le ciel, vous chantez que les cieux sont plains de la gloire & de la Maiesté de ceste idole, que vous appelez l'Agneau de Dieu qui oste les pechez du monde, & l'adorez à genoux & à mains joinctes. Pouuez-vous donc nier, que vous n'adoriez cela comme Dieu? Mais ie deman-*

Psau. 106.

de, si iamais on ouït parler d'idolatrie plus horrible? D'où cela, que de l'enfer? Et cependant l'Eglise Romaine où cela se fait, est Eglise; mais idolatre & horriblement idolatre. Et les Turcs ne sont pas Eglise (encore qu'ils aient horreur de vostre horreur) car ils ne sont pas baptizez, ny en l'alliance de Dieu, comme l'Eglise Romaine. *Toute l'Eglise primitive a reconnu* (dit de Sponde) *le sacrifice de la Messe, la pratique religieusement, la recommandé à toute la Chrestienté.* le respõ que cela est faux, que nostre Seigneur n'a point ordonné ce que vous faites. Et pour vous monstrier que l'Eglise primitive n'a point cognu vostre Messe, en l'an 1212. Honorius estoit Pape; iceluy ordonna qu'on leueroit ou qu'on mōstreroit souuent l'hostie. Gelaze 2. Pape enuiron l'an 1115. mit en la Messe les Graduels & Collectes & prefaces; Thomas d'Aquin fit la prose du *Corpus Domini*: Sergius 2. ordonna qu'on mettroit l'hostie en trois pieces: le Pape Leon enuiron l'an 800. y mit l'encensemēt: Adrian enuiron l'an 775. y mit l'Offertoire double: Sergius enuiron l'an 693. y mit l'*Agnus Dei*: Gregoire enuiron l'an 600. y adiousta le *Kyrie eleison*, & autres pieces. Pelagius qui estoit enuiron l'an 558. y mit la memoire des trepassez, & de la dire à neuf heures selon que dit Platine & Volateran: Leon l'an 444. y adiousta *Hæc igitur oblationem*: Gelaze l'an 495. y mit *verè dignum & iustum est*: Thelephore y mit le *Gloria in excelsis*: Le Pape Estienne les

Page 181.

Decif. 3.  
tit. 1. c. 10.

reuestiaires : Pontian le *Confiteor* : Alexandre  
 1. le pain non leué : Sixte 1. le *Sanctus*. Vous  
 direz , que le mystère ne consiste pas en ce-  
 la. Je vous demande, en quoy donc ? Laissez  
 donc cela, & n'ayez que du pain & du vin, que  
 ferez-vous ? qui n'en rira ? Les Apostres n'a-  
 uoyent rien de tout cela, ny les Grecs, ny les  
 Eglises des Gaules, iusques à Charlemagne.  
 L'Eglise primitive d'oc, à la prendre du temps  
 des Apostres, n'a rien cognu en tout cela ;  
 mesmes il n'y a pas encore trois cens ans, que  
 la Messe a esté acheuue. Les Iesuites s'abusent  
 donc de dire, que toute l'Eglise primitive a  
 recognu ce sacrifice, l'a fait & recommandé.

Page 182.

Heb: 10 14

De Spode dit, que *Caluin n'allegue rien de l'E-*  
*criture sainte*. Qu'est-ce d'oc qu'ad il dit, que  
 nostre Seigneur par vne seule oblation (à sca-  
 uoir de sa mort) a consacré à perpetuité ceux  
 qui sont sanctifiés, & que maintenant il ne  
 reste plus d'oblation pour le peché ? De Spon-  
 de replique non seulement à Calvin, mais au  
 Prophete David & à l'Apostre, qui disent  
 que nostre Seigneur est seul estably Sacrifica-  
 teur pour nous enuers Dieu ; & dit, que *cela*  
*n'empesche pas qu'il n'y ait d'autres Sacrifica-*  
*teurs avec luy: comme ce qu'il est appelle l'Enesque*  
*de nos ames, n'empesche pas qu'il n'y ait icy des E-*  
*nesques & Pasteurs*. Je respon, que nous som-  
 mes tous Sacrificateurs, pour presenter nos  
 prieres à Dieu, mais qu'elles montent à Dieu,  
 de la main & par le moyen d'un seul Iesus  
 Christ, par qui nous sommes reconciliez à

Dieu, le sang duquel est tousiours frais & vi- Heb. 13.  
uant pour nous reconcilier à Dieu, sans qu'il  
nous faille icy vn prestre de loüage pour chã-  
ter sa Messe, & par là nous obtenir la remis-  
sion de nos pechez & nostre salut. Nous vous  
disons que tous auons accez à Dieu par Iesus  
Christ, sans antre Sacrificateur que luy. No-  
stre Seigneur, estant monté au ciel, a donné  
dons aux hommes, & a ordonné les vns pour  
estre Prophetes, les autres pour estre Apo-  
stres & Pasteurs, les autres pour estre Do-  
cteurs; mais il n'en a point ordonné pour estre  
tels sacrificateurs: nostre Sacrificateur, nostre  
autel sont au ciel. Nostre Seigneur seul, à la  
dextre de Dieu, intercede pour nous: seul suf-  
fist à cela pour tous. Il est Dieu; il ne luy faut,  
ny ne peut auoir de compagnon: il a trou-  
ué redemption en vne fois qu'il est mort, &  
s'est offert pour nous. Parlons-nous sans rai-  
son? Il donne vertu à sa mort au ciel. La Vier-  
ge & les Apostres ont bien esté sauuez sans la  
Messe; car elle n'estoit pas de leur temps: el-  
le n'est non plus necessaire maintenant, que  
lors des Apostres.

De Sponde dit, *que qui considerera l'intention* Page 183.  
*de l'Apostre en son Epistre aux Hebreux, verra*  
*aisemēt, qu'elle tend à monstrier, que la sacrificatu-*  
*re d'Aaron a pris fin en Iesus Christ, qui a resta-*  
*bly ce premier & ancien ordre de Melchisedec,*  
*siyuant lequel il est à present eternel Sacrificateur.*  
Ie respon, que c'est bien le but de l'Apostre,  
de monstrier que la sacrificature Leuitique a-

Pſca. 110.

Heb. 10.

Heb 9. 24.

Heb. 10. c.

10. 12. 14.

Heb. 9. 24.

&amp; 10. 12.

uoit pris fin. Item, que nostre Seigneur est seul nostre Sacrificateur, & à iamais, selon l'ordre de Melchisedec, cōme Dieu l'a iuré: & qu'il n'y a plus de sacrifice en l'Eglise. ~~pour~~ pour auoir la remission des pechez; & nostre Seigneur l'a nous a obtenue par le sacrifice de son corps, & de son sang en sa mort: Et par ceste oblation du corps de Iesus Christ vne seule fois faite, nous sommes sanctifiez selon la volonté de Dieu. C'est donc le but de l'Apostre, que le sacrifice du corps & du sang de nostre Seigneur, fait par sa mort en la croix, est le sacrifice par lequel seul nous auons salut; & que nostre Seigneur est le seul Sacrificateur, qui pour nous comparoist deuant Dieu.

L'accorde aussi à de Sponde ce qu'il dit, à sçauoir que le but de l'Apostre a esté, que ce peuple se retirast des ombres de la Loy, & des Ceremonies des sacrifices. Mais ie ne luy accorde pas ce qu'il dit, & ainsi qu'il l'entend; à sçauoir que nostre Seigneur mettant fin à la Sacrificature d'Aaron, a reſtably ce premier & ancien ordre de Melchisedec. Car il presuppōse que Melchisedec estoit Sacrificateur de pain & de vin (ce que ie monstrey faux cy apres.) Il pretend aussi, que nostre Seigneur ait ordonné selon l'ordre de Melchisedec vne sacrificature de pain & de vin; ce qui est faux aussi. Et ie monstrey, que ce n'est pas en sacrifice de pain & de vin que nostre Seigneur est Sacrificateur selon

l'ordre de Melchisedec; mais seulement en ce Heb. 7. 1. 2.  
 que dit l'Apostre, & aussi que nostre Sei- 3. 4.  
 gneur n'a sacrifié à Dieu ny pain ny vin, ny en  
 la Cene ny en la croix, mais soy-mesme : en  
 se donnant de bonne volonté à la mort de la  
 croix, à fin d'estre le sacrifice agreable à Dieu  
 pour la satisfaction de nos pechez. Que vou-  
 lez-vous ? que nostre Seigneur ait institué là  
 le sacrifice de pain & de vin que fait le prestre  
 à la Messe, où il se dit sacrifier le corps & le  
 sang de nostre Seigneur ? A ce conte nostre  
 Seigneur ne seroit pas le Sacrificateur, ains le  
 prestre ; au moins nostre Seigneur ne seroit  
 seul Sacrificateur, ains les prestres avec luy :  
 & il ne seroit Sacrificateur à iamais, ains au-  
 roit resigné cela aux prestres.

Cela donc qu'escriit de Sponde, à sçauoir,  
*que ce que dit l'Apostre s'entend en deux sortes ;*  
*l'une, à fin qu'on sceust que les temporels par con-*  
*sequent auoyent fini ; l'autre que la reiteration des*  
*anciens sacrifices figuratifs du vray sacrifice de*  
*nostre Seigneur estoit à son terme, est vray pour*  
 l'une, à sçauoir pour l'abolition des sacrifices  
 Leuitiques. Pour l'autre s'il entend qu'une  
 autre sacrificature deust succeder à la Leui-  
 tique pour reiterer le sacrifice de nostre Sei-  
 gneur, cela est faux ; il ne se reitere point, com-  
 me nous auons veu. Mais comme que soit,  
 qu'il le prenne ( car il parle en homme cap-  
 tieux, à deux ententes ) nous disons que les sa-  
 crifices Leuitiques sont abolis, & que Dieu  
 n'a pas estably d'autres sacrifices en l'Eglise



pour auoir la remission des pechiez, le salut, la vie eternelle, & estre recõciliez avec Dieu: que nostre Seigneur a fait cela par le sacrifice de son corps & de son sang en sa mort & passion, & que ce sacrifice ne se reitere pas ny en pain, ny en vin, ny en Messe, ny par prestre, ny n'en est besoin: qu'il est suffisant d'auoir esté fait vne fois par nostre Seigneur, & qu'un Prestre ne le scauroit mieux faire. Il dit, *que S. Paul ne parle point icy du sacrifice de la Messe, pour l'opposer au sacrifice de la croix; mais il oppose celui de la croix aux Iudaïques.* Je respon, qu'il ne parle pas du sacrifice de la Messe; car elle n'estoit pas encore. Mais si l'Apostre parle des sacrifices Iudaïques, & les oppose à celui de la croix, pour dire qu'ils n'auoyent aucune vertu à sauuer; ains que le salut est au seul sacrifice, que nostre Seigneur a fait de son corps & de son sang en la mort de la croix, ne dirons-nous pas que si ces sacrifices Leuitiques, que Dieu auoit ordonné, ne seruoient point à salut, ains y nuisoyent; que vostre Messe (que Dieu n'a point ordonné) ny peut seruir, ains y nuist? En cela ne sommes-nous pas fondez sur le dire de l'Apostre? Je dy dõc que l'Apostre foudroye sur vous, sur vostre Messe, & sur le Prestre qui l'a chante, comme s'il la nõmoyet; quand il dit, que c'est nostre Seigneur qui maintenant comparoist pour nous deuant la face de Dieu, que c'est luy qui intercede pour nous, & qu'il est nostre seul Sacrificateur, & à iamais, & qu'il a vne fois

comparu pour l'abolition du peché par le sacrifice de soy-mesme: & que par l'oblation v- Heb. 9. 26.  
ne fois faite de son corps (à sçauoir en la croix) il nous a sanctifié selon la volonté de Dieu, & nous a obtenu redemption eternelle. De Sponde dit, *que ces mots n'ont point d'esclat.* Je respon, qu'ils foudroyent tous sacrifices où on cherche la remission des pechez, soyent Leuitiques que Dieu auoit ordonné, soyent les Papistiques, cōme la Messe, & autres deuotions & offrandes, que Dieu n'a pas ordonné. L'Apostre ne parle pas moins contre la Messe, que s'il l'a nommoit: mais semble que par esprit de prophetie, il ait preueu ceste abomination, & escrit à l'encontre. En vn mot qu'auons-nous affaire de Messe, ny de prestre en terre, pour nous reconcilier à Dieu; veu que nostre Seigneur a fait, & fait suffisamment seul tout cela au ciel? Dieu a-il ordonné la Messe, comme moyen pour nous reconcilier à luy & auoir salut?

De Sponde dit, *que c'est autre chose comparer la sacrificature de Iesus Christ avec l'Eglise Indaique, & avec l'Eglise Chrestienne.* Quoy? qui fait ceste comparaison? L'Apostre compare la sacrificature de nostre Seigneur, avec celle de Leui. Lors il n'estoit pas question de vostre Messe, comme a esté dit: & nous comparons la sacrificature de nostre Seigneur, avec vostre impie & abominable Sacrificature de Messe, qui butine à nostre Seigneur la gloire de nostre salut; Et disons que si le salut est par

la sacrificature de nostre Seigneur, par sa mort, par le sacrifice de soy-mesme, & par ce qu'il intercede pour nous; qu'il n'est non plus par vostre Messe que vous avez basty, que par la sacrificature Leuitique que Dieu auoit ordonné. *De Sponde appelle la Sacrificature Leuitique l'Eglise Iudaïque, & la prestrie de la Papauté l'Eglise Chrestienne.* Quoy ? n'y auoit-il en Iuda Eglise, que les prestres de Leui ? Et n'y a-il Eglise Chrestienne, que les prestres de la Papauté ? L'Eglise de Dieu n'est donc que de pources prestres. Mais quelle prestrie ou sacrificature (qu'il appelle Eglise) pense-il qu'il y ait maintenant icy bas, que toute l'Eglise ? Nostre Seigneur nous a tous faits Rois & Sacrificateurs, sans distinction ny d'age, ny de sexe, pour presenter nous-mesmes tous nos prieres à Dieu par la main du Mediateur, qui intercede pour nous, comme nostre souuerain Sacrificateur, voire seant sur le throne de Dieu.

Heb. 7. 21.  
24. 25.  
Heb. 5. 6. 9.  
Heb. 9. 24.  
& 10. 12.

*De Sponde s'esbahist que Calvin ait esté le premier phare en cecy, & que les anciens Peres n'ayent cognu cela comme luy, & ayent, dit-il, fait naufrage.* Quoy ? pense-il que les anciens Peres l'ayent entendu autrement ? Nous monstrerôs cy apres que non. Mais pense-il que les anciens Peres ayent cognu ceste idole de Messe ? Elle n'a iamais esté qu'en l'Eglise Romaine, & és Eglises Occidentales, depuis que l'Eglise Romaine y a eu domination. Et il n'y a pas encore trois cens ans, que la derniere piece y

fut mise, à sçauoir les *Oremus* cōtre les Turcs. Il se trompe en ce qu'il impose à Calvin d'a- Page 184.  
 uoir tenu à peu pres vn temps l'Épistre aux  
 Hebreux pour apochryphe. Calvin y a fait  
 vn riche commentaire.

Le second argument de Calvin qu'il veut  
 confuter, c'est qu'il ne reste apres la mort de  
 nostre Seigneur, aucune oblation pour le pe-  
 ché. C'est de vray vn des argumens de Calvin  
 contre la Messe ; mais comment confute-il  
 cest argument ? Il consent à tout ce que dit  
 Calvin, ou plustost à ce que dit l'Apostre, à Heb. 10. 18.  
*sçauoir ; que le sacrifice de la mort de nostre Sei-  
 gneur vne fois accomply, a vertu toute eternelle &  
 corrépondante à celuy qui l'a offert, qui est Dieu,  
 & Sacrificateur eternellement.* N'est-ce pas le  
 mesme que nous disons ? Quel besoin ( com-  
 me confesse de Sponde) a le sacrifice de nostre  
 Seigneur d'estre reïteré ? En cela de Sponde  
 contredit à ce qu'il a dit cy dessus, de la reïte-  
 ration de ce sacrifice. Au lieu donc de confu-  
 ter Calvin, de Sponde s'accorde maintenant  
 avec luy ; & toutesfois crie contre luy.

*Calvin, dit-il, ne se peut contenter, quand on luy* Page 185.  
*dit que ce n'est qu'une repetition ou une applica-  
 tion ; comme si l'une & l'autre estoient derogeantes  
 à ceste vertu de Sacrifice fait vne fois en la croix,  
 dōt l'efficace pour l'un est perpetuelle d'elle mesme,  
 & l'autre ne se fait qu'en la mādication. Le respō  
 pour Calvin, que de vray la Messe n'est pas ny  
 repetition ny application du sacrifice de la  
 mort de nostre Seigneur. Ce qui est parfait*

n'a besoin d'estre reïteré. Le Sacrifice de nostre Seigneur est parfait; il n'a point donc besoin d'estre reïteré. N'est-il pas parfait, puis que par iceluy nous auons redemption eternelle, & à iamais, sans qu'il soit dit qu'il le faille repeter? Qui aussi le scauroit faire plus valable que nostre Seigneur, qui est tousiours deuant Dieu, avec la vertu de sa mort & passion, pour nous reconcilier à Dieu?

Nous reprouuons de faict la Messe, pour l'application du sacrifice de la mort de nostre Seigneur. Car il nous est appliqué par la predication de la parole de Dieu, & par la participation aux saincts Sacremens, tant du Baptisme, que de la sainte Cene, quand nous les prenons pour gages de salut, nous asseurons d'iceluy, & croyons aux promesses qui nous sont faites en l'Euangile. Nous ne disons pas, que le benefice de la mort du Fils de Dieu, nous soit appliqué seulement par la manducation & participation de la Cene; car nous y conioignons & le baptisme & la predication de l'Euâgile. C'est comme le saint Esprit le nous applique; car c'est luy qui fait cest œuure en nous, par la predication de la parole, & par le baptisme, & par la participation au saint Sacrement de la Cene: ainsi par le saint Esprit, se fait la vraye & reelle manducatiō de nostre Seigneur en nos ames; lors que la parole de salut y est creuë, & receuë par foy: Et autrement ceste manducation & l'application du sacrifice du Fils de Dieu

Dieu ne se peut faire, non pas à la Cene mesme. Comment donc se feroient ceste manducation & application à la Messe, qui n'est ny la predication de la parole de Dieu, ny la sainte Cene; mais vn abuz & corruption de l'un & de l'autre?

Au reste, de Sponde confesse, *que le sacrifice sanglant de la mort de nostre Seigneur, n'a plus besoin d'estre reiteré, mais que pour cela le non sanglant soit defendu: il le faut prouuer, dit-il, par d'autres textes que ceux-cy.* Il respon, qu'il ne faut point prouuer que ce sacrifice non sanglant soit defendu, que premiereinent vous n'ayez prouué, qu'il y a vn sacrifice non sanglant du corps & du sang de nostre Seigneur. Mais quand nous vous prouuons par ces mots de l'Apostre, qu'il n'y a plus de sacrifice qui se face pour la remission des pechez; ny sanglant, ny autre: & que le seul sacrifice de nostre Seigneur, fait par luy-mesme en la mort de la croix, suffist pour nostre salut; n'est-ce pas assez prouué, qu'il n'y a plus de sacrifice pour cela, & que vostre sacrifice de Messe, pretendu, non sanglant, ou comme vous voudrez l'appeller, est defendu: voire est chose fausse & horrible, en ce que vous dites, que cela a telle vertu de nous reconcilier à Dieu, que la mort de nostre Seigneur, & plus? Puis donc que leur dire est plus qu'horrible, quels textes faut-il pour le confuter? Les textes que nous auons alleguez cy dessus le confutent, à sçauoir que nostre Seigneur par vne seule

Heb. 10.

Heb. 9. 24.

&amp; 10. 10.

12. 14.

Heb. 10. 10 oblation nous a consacré à perpétuité, que sa  
 9. 12, 7. 25, mort a vertu éternelle, qu'il est seul Sacrifi-  
 9. 24, 1. 18. cateur à iamais, qu'il intercede pour nous au  
 ciel, fait valloir seul à salut sa mort deuant  
 Dieu, & que maintenant il ne reste plus de sa-  
 crifice pour le peché.

*Il n'y a point de responce à ceste distinction de  
 sacrifice sanglant, qui est la mort de nostre Sei-  
 gneur, & de non sanglant qui est la Messe, dit de  
 Sponde, sinon que d'opiniaestre. Je dy qu'il y a  
 responce : c'est qu'ils ne peuuent prouuer leur  
 sacrifice non sanglant tel, en telle forme & fin  
 qu'ils l'ont. Au reste ils veulent que la Messe  
 soit le mesme sacrifice que la mort de nostre  
 Seigneur, & ne veulent pas que ce soit sa mort,  
 ny ne veulent pas qu'il soit sanglant, ny aucuns  
 que le sacrifice de la mort de nostre Seigneur  
 soit reiteré. Car c'est le mesme (disent-ils.)  
 Comment donc sera-ce le mesme sacrifice?  
 sera-ce en forme, ou façon, ou en matiere, ou  
 en valeur & vertu? Je demande, qu'ils s'expli-  
 quent. S'ils disent, que c'est en façon ou ma-  
 tiere, ie dy qu'il faut d'oc dire que nostre Sei-  
 gneur y meurt, & meurt encore tous les iours  
 à la Messe; ou autrement, comment sera la  
 messe en forme, façon & matiere, le mesme sa-  
 crifice, que la mort de nostre Seigneur? Que  
 s'ils disent que c'est en valeur, vertu & effica-  
 ce, i'ay desia dit par deux fois, qu'il n'y a hor-  
 reur comme cela; à sçauoir, de dire qu'un pre-  
 stre fera autant pour nostre salut en beuuant,  
 mangeant, chantant, & tournant & virant au*



pres de son autel, que nostre Seigneur a fait en mourant en la croix. Osez-vous dire cela? Ily a plus, c'est que nostre Seigneur s'offre & comparoist deuant Dieu pour nous luy-mesme, comme il s'est offert luy-mesme vne fois par l'esprit eternal; & n'est besoïn de payer vn homme pour l'offrir & sacrifier pour nous. Qui est digne de l'offrir, si ce n'est luy-mesme? Dauantage, il nous falloit vn sacrifice qui ne deust estre reïteré. Or ce sacrifice qu'il no<sup>9</sup> falloit, c'est celuy de la mort de nostre Seigneur. Le sacrifice donc de la mort de nostre Seigneur, ne peut ny ne doit dōc estre reïteré, soit sans sang, ou avec sang. Itē, ce grād, eternal, & dernier sacrifice de l'Eglise chrestienne, selon l'Apostre, doit estre offert par vn Sacrificateur saint, innocēt, separé des pecheurs, & plus haut que les cieux. Or vostre sacrifice de Messe, est offert par des hōmes pecheurs: vostre sacrifice de Messe n'est pas donc ce grand, eternal, & dernier sacrifice de l'Eglise chrestienne. Dauantage, le sacrifice que nostre Seigneur a offert à Dieu son Pere, c'est soy-mesme. Or le Prestre n'offre pas nostre Seigneur; est-il digne de cela? Ce n'est pas donc le mesme sacrifice que celuy de nostre Seigneur, ny le mesme que sa mort & passio. Itē, nostre Seigneur n'eust peu s'offrir à Dieu en reconciliation pour nos pechez, s'il n'eust esté Dieu; & pourtant il est dit, qu'il s'est offert par l'esprit eternal. Or le prestre n'est pas Dieu, il ne peut donc offrir le mesme sacrifi-

Heb. 9. 24.

Heb. 7. 26.

Heb. 9. 14.

ce qu'a offert nostre Seigneur en sa mort, ny en vertu, ny en effect, non plus qu'en forme & façon. Et de faiçt autre est la formè & la façon, dont nostre Seigneur a souffert & est mort; & autre la façon & forme en laquelle le Prestre fait & dit la Messe : ie dy toute autre, quelque mine qu'il y face, & quelque façon qu'il luy donne, pour représenter, ou plustost contrefaire la mort de nostre Seigneur. Comment donc sera la Messe, le mesme sacrifice que celuy de la mort de nostre Seigneur ? ie dy, encôre que nostre Seigneur ne meure pas à l'autel côme en la croix, ny à la Messe cômme en sa mort & passion, & que son sang ny soit pas espandu. Comment donc vous a-heurtez-vous là ? Y a-il opiniastreté comme la vostre ?

J'ay respondu au passage de Malachie, & monstté que le Prophete parle de tout le seruice de Dieu, qui luy est fait en l'Eglise du nouueau Testament, selon qu'il se faisoit en l'Eglise du vieil Testament. Comment est-ce que le Prophete en eust parlé en vne autre façon ; veu que le seruice de l'Eglise du nouueau Testament n'estoit encore autremét reuelé ? Et j'ay dit ; que là il n'est pas parlé particulièrement de l'Eucharistie. Sainct Hierosme, & les autres anciës Docteurs l'ont entendu ainsi que nous. Calvin l'a monstté, & n'a amené exposition que des Docteurs de l'Eglise.

grands fleuves ; soit : mais quand il dit, qu'il ne les laissera pas, pour aller boire en ses petits esgouts de Calvin, Qu'il sache que les Iesuites & autres docteurs Papistes, ne sont pas si cōscientieux, & que sans les escrits de Calvin ils ne feroient que de pources prestres. Il dit, qu'il ne sçait si Calvin est en l'Eglise. Il y est : Ceux qui sont baptizez, ont vestu Christ, & sont en l'alliance de Dieu ; & Calvin est en l'Eglise fidele Docteur. Le Pape y est aussi, mais vn Antechrist.

De Sponde. *establist Athanase ingé entre Calvin & luy.* Sus donc, oyons la sentēce d'Athanasie. *Mais, quel autre, hors-mis Iesus Christ,* Sur le g. ch. de l'ep. aux Hebr. *peuuent les Iuifs mettre en auant qui soit fait Sacrificateur selon l'ordre de Melchisedec ? ne sçoyēt-ils pas tous souz la Loy ? ne gardoyent-ils pas tous les Sabbats, & offroyent des sacrifices ? Cela donc a esté dit tresmanifestement de Iesus Christ ; Car cestuy-cy seul à la façon de Melchisedec sacrifioit en pain & vin.* Nous examinerōs cecy, & apres nous viendrons au reste de ce que dit Athanasie. Là Athanasie veut dire, que les Iuifs ne pouuoient mettre en auant autre Sacrificateur enuers Dieu, que Iesus Christ seul, l'appointement pour nos pechez. Et vous, comment pouuez-vous establir vos prestres pour intercesseurs & mediateurs enuers Dieu, avec leur sacrifices de Messe ? Peueēt-ils avec ceste Messe, faire l'appointemēt pour nos pechez ? Nos prieres monterōnt-elles mieux à Dieu de leur main, que de la main de nostre Sei-

Heb. 7. 25.  
9. 24. & 10.  
12.

gneur? Et leur Messe aura en cela plus de vertu, que sa mort & passion? Ont-ils plus d'autorité au ciel, q̄ le Fils bien-aimé nostre Seigneur, qui a icy satisfait pour nous au iugement de Dieu, & là haut intercede pour nous?

Athanase met apres deux raisons, pour dire que nostre Seigneur est seul Sacrificateur. Son dire est vray, mais mal prouué; & que de Spode en iuge. Sa premiere raison est, que les autres sacrificateurs estoient tous souz la Loy, gardoyent les Sabbats, & offroyent sacrifices. Je demandé sur cela, si par là ils estoient empêchez de ceste souueraine sacrificature, nostre Seigneur n'en fera-il pas aussi forlos? Car n'a-il pas esté souz la Loy, n'a-il pas gardé les Sabbats, n'a-on pas offert pour luy, n'a-il pas participé à ces Sacremens & assisté? Comment autrement auroit-il accompli la Loy? Il fut au huitiesme iour circoncis, il a esté au temple, & y a prié. Si on dit qu'Athanase a voulu dire, que la sacrificature deuoit estre establie eternelle, en vn qui l'a tñe eternellement, & fut seul sacrificateur à iamais; & sans ceste repetition de sacrifices Leuitiques; ie confesse que s'il a voulu dire cela, que cela est vray, & qu'en ces sacrificateurs de Leui cela ne se pouuoit faire; veu qu'au lieu d'abolir la Loy, ils l'establissoient, la gardant soigneusement, & y estans subiects: si que par là on n'eust eu iamais ny la fin ny la perfection de la Loy: Et partant qu'il falloit vn autre Sacrificateur & d'une

autre lignee pour l'accomplir. Athanase ne s'est pas assez amplement expliqué en cela, comme fait l'Apostre, en ce lieu qu'Athanase allegue. Il deuoit suyure l'Apostre, peser & faire valloir ses raisons : qui sont, que ces sacrifices continuels n'amenoyent rien à perfection, qu'ils estoient ombres des choses meilleures, que ces sacrifices ne pouuoient sanctifier quant à la conscience, qu'il falloit que prinsent fin par vn meilleur sacrifice, par vne meilleure esperâce par laquelle nous approchôs de Dieu. Itē, que les Sacrificateurs estoient plusieurs : car on ne pouuoit tousiours viure, qu'il falloit que la sacrificature fut parfaite & qu'un la tint éternellement, & que nostre Seigneur demeure éternellement : & qu'ainsi il a vne sacrificature éternelle, & peut tousiours sauuer à plein, tous ceux qui approchent de Dieu par luy, estant tousiours viuāt pour interceder pour eux. Dauantage, qu'il nous cōuenoit vn tel souverain Sacrificateur saint, innocent, separé des pecheurs, qui n'eust necessité d'offrir pour ses pechez, puis pour ceux du peuple, & ce tous les iours. Ioinēt que par ces sacrifices le peché n'estoit pas osté, mais nostre Seigneur l'a osté par le sacrifice qu'il a fait de soy-mesmes. Ces raisons, qui sont de l'Apostre, sont plus claires que celles d'Athanase, pour monstrier qu'autre que nostre Seigneur ne peut estre nostre sacrificateur à iamais enuers Dieu, & que les Iuifs n'en pouuoient mettre en auant d'au-

Heb. 5. & 7.  
8. & 9. &  
10. chap.

tre pour estre Sacrificateur à iamais, selon l'ordre de Melchisedec.

Mais l'autre raison d'Athanase, doit aussi estre discutee; à sçauoir, *qu'il n'y a que nostre Seigneur qui puisse estre nostre souverain Sacrificateur: parce que seul, à la façon de Melchisedec, il a sacrifié en pain & en vin.* Je respon, que Melchisedec n'estoit point Sacrificateur de pain & de vin, comme dit Athanase, & quelques autres Docteurs avec luy, encore qu'il fut Sacrificateur (comme se verra en son lieu.) Je dy aussi, que nostre Seigneur n'a sacrifié ny pain ny vin, mais soy-mesme. Et dy encore, qu'il n'est point Sacrificateur selon l'ordre de Melchisedec, pource qu'il a institué la Cene en pain & vin: mais il est Sacrificateur selon l'ordre de Melchisedec, en ce que dit l'Apostre; à sçauoir en ce qu'il est Roy de paix, & de iustice, sans pere, sans mere, sans commencement de vie, & sans fin de iours, ce qu'a aussi esté Melchisedec. L'Apostre ne parle là ny de pain ny de vin: & ne dit pas, que ny Melchisedec, ny nostre Seigneur ayent sacrifié ny en pain ny en vin, & que nostre Seigneur soit en cela Sacrificateur selon son ordre.

Je retourne maintenant à Athanase. Il dit apres, *Comment est eternellement nostre Seigneur nostre Sacrificateur? Pource qu'a present il intercede pour nous enuers Dieu son Pere; avec son mesme corps lequel il a immolé pour nous.* C'est à dire, il met en auant ce qu'il a souffert pour nous, à fin qu'il nous rende le Pere plus exorable, & luy tient

à tout propos ce langage. Ton Fils unique a enduré ces choses en sa nature humaine, aye donc pitié de ceux pour lesquels ie les ay endurees; ou bien il dit eternellemēt, pource qu'il est offert tous les iours, ou bien l'oblation, qui a Iesus Christ pour Pontife & pour Sacrifice, est offerte tous les iours par les ministres de Dieu, lequel Iesus Christ se rompt, se sanctifie, & se distribue luy-mesme pour l'amour de nous. Car toutesfois & quantes que cela se fera, la mort du Seigneur sera annoncée. Tout cela sont Page 187. les mots d'Athanase, comme de Sponde les a tournez. Or en ce qu'il parle de l'intercession de nostre Seigneur, nous disons, que cela surpasse nostre capacité, quant à la façon: mais bien croyons-nous qu'il prie pour nous; car il l'a dit. Athanase parle ainsi pour nous faire entendre, ce qu'autrement ne se peut comprendre. L'Apostre ne met qu'une seule raison, pour laquelle nostre Seigneur est nostre Sacrificateur à iamais. Ceste-là seule suffit, à sçauoir que, pource que Iesus Christ demeure Heb. 10. eternellement, il a vne Sacrificature eternelle, & qu'il peut tousiours sauuer à plein tous ceux qui s'approchent de Dieu par luy. L'Apostre ne dit pas dōc ce que dit Athanase, à sçauoir que nostre Seigneur est Sacrificateur à iamais, pour ce qu'il est offert, ou que tous les iours il se rompt pour nous. Mais bien; accordons-leur ce que dit Athanase: car que fait pour eux ce qui est contre eux? Iesus Christ est offert tous les iours; à qui? à Dieu, ou à l'Eglise? Ils veulent que ce soit à Dieu. Athanase veut



le contraire, & aussi suffit qu'il ait esté offert à Dieu vne fois, & par luy-mesme, y a-il là à redire? vn autre fera-il mieux? C'est donc à l'Eglise qu'il est offert. L'oblation, dit Athanase, qui a Iesus Christ pour sacrifice & pour sacrificateur, c'est à dire, de laquelle Iesus Christ est le sacrifice & le Sacrificateur, est offerte tous les iours par les ministres de Dieu. Qui sont ces ministres de Dieu, que ceux qui annoncent purement la parole de Dieu, & administrent fidelernent les saincts sacremens? Ceux-là offrent ceste oblation & le merite d'icelle, en le dispensant à l'Eglise. Et pourtant il vse du mot de rompre, pour dire que comme le pain est rompu & distribué, que ainsi à la Cene nostre Seigneur, qui est mort pour nos pechez, nous est présenté & donné par le ministere de la parole de Dieu. Athanase dit; *que nostre Seigneur se sanctifie, se rompt, & se distribue soy-mesme pour l'amour de nous.* Il se sanctifie en nous, quand il nous sanctifie en soy. Il se rompt & se distribue, quand il se communique à nous, & nous fait chair de sa chair, & nous depart du sien, & si demeure entier & tout en soy. Au surplus, Athanase n'entendoit pas cela de vostre Messie, elle n'estoit pas encore; ains de la Cene où nostre Seigneur se sanctifie en ses membres de plus en plus, les vnit à soy, & regenere par son Esprit, qui se sert de la predication de la parole de Dieu, & des sacremens à cest effect. Qu'Athanase ne vueille dire cela, il le monstre; di-

fant; Car toutesfois & quantes que cela se fera, la mort du Seigneur sera annoncee. Ce que l'Apostre dit, parlât de la Cene: c'est que on y celebre la memoire de la mort de nostre Seigneur, pour de plus en plus nous asseurer de nostre salut, l'auoir & en iouir vraiment par le merite de la mort de nostre Seigneur.

De Sponde nous renuoye icy à l'antiquité; & nous y sommes. *Les anciens Docteurs*, dit-il, *s'accordent tous en cela, que nostre Seigneur apres la celebration de la Pasque Iudaïque, a accompli luy-mesme le sacrifice de Melchisedec, quand il donna son corps & son sang par le pain & par le vin à ses Apostres.* Je respon, que nostre Seigneur n'a pas accompli le sacrifice de Melchisedec en cela, mais en sa mort & passion; & qu'en instituant la Cène, il a donné la maniere de celebrer la memoire de sa mort & passion. Et pourtant l'Apostre dit, Toutesfois & quantes que vous mangerez de ce pain, & boirez de ceste coupe, vous annoncerez la mort du Seigneur iusques à ce qu'il vienne. Item, Faictes cecy en commemoration de moy. Il n'est point donc là question du sacrifice de Melchisedec, ou de l'accomplissement d'iceluy; ains d'annocer la mort de nostre Seigneur, pour estre asseurez de nostre salut en vertu d'icelle, & non en vertu d'autre sacrifice. Si vous dites, que c'est le sacrifice du corps & du sang de nostre Seigneur, qui se fait là souz les signes du pain & du vin par lequel on est sauué; Je respon, que ce sacrifice

1. Cor. 11.  
26.

ne se fait pas à la Messe, que nostre Seigneur l'a fait en sa mort, que par iceluy vne fois fait, nous sommes sauuez, & non par celuy du prestre. La mort de nostre Seigneur a toute vertu sans la Messe.

Et quant à ce que de Sponde dit des anciens Docteurs: Je respon, que ceux qui ont pensé que nostre Seigneur ait (en instituant la Cene) accõpli le sacrifice de Melchisedec, se trompent, comme en ce qu'ils pensent que Melchisedec ait esté Sacrificateur de pain & de vin, comme se verra cy apres. Et nul d'eux n'a jamais pensé, qu'on soit sauué par vn sacrifice de pain & de vin; ny que nostre Seigneur ait ordonné, fait, & commandé de faire la Cene, pour y faire vn sacrifice de pain & de vin, par lequel on soit sauué; ou y sacrifier & offrir le corps & le sang de nostre Seigneur pour auoir salut. Nostre Seigneur a fait ce sacrifice luy-mesme, & a vertu d'une seule fois qu'il a esté fait. Que seruiroit sa mort, si par elle nous n'auions salut? De donner (direz-vo?) vertu à la Messe pour sauuer. Quoy? Nostre Seigneur osterà à sa mort la vertu qu'elle a de sauuer, pour la donner à la Messe, à fin que la Messe sauue & nō sa mort, & que de là le Prestre face son trafic de Messes, & en viue? Mais nostre Seigneur n'est-il pas mort pour nos pechez? N'est-il pas luy seul, non la Messe, nostre paix, reconciliatiō, l'appointement pour nos pechez? Toutes nos iniquitez ont esté mises sur luy: & il est l'A-

gneau de Dieu qui oste les pechez du mōde, seul, & sans la Messe, & l'a esté auant la Messe.

De Sponde adiousté apres, *que si nostre Seigneur à la Cene a sacrifié luy-mesme, comme, dit-il, toute l'Eglise l'a tousiours tenu, & qu'il aye cōmandé à ses Apostres qu'ils en fissent autant*, hoc facite, faites cecy: *Pourquoy est-ce que Calvin nous rompt tant la teste de ses subtilitez si grossieres, que l'antiquité n'en a tenu conte?* Je respon, que de Sponde presuppōse faux; comme a esté dit. Nostre Seigneur ordonna auant mourir la Cene; pour commemoration de ce sacrifice de sa mort, & non pour le faire & reïterer à fin d'en auoir salut: Car il a vertu d'auoir esté fait vne fois par le Fils de Dieu en sa mort, & non en la Cene. Et dy que nostre Seigneur ne sacrifia pas à la Cene, sinon que loüanges & actiōs de graces à Dieu, de nostre salut par sa mort, à laquelle il s'est offert, & s'alloit offrir en la croix pour nous. La Cene a esté ordonnee aussi pour rendre graces à Dieu, & loüanges de nostre salut, & nous asseurer que nous l'auons par le sacrifice de la croix; & non pour y sacrifier, & offrir nostre Seigneur, ou pain ou vin, & pour ainsi faire là nostre salut. Nous l'auons; nostre Seigneur l'a fait, & nous en rendons graces. Et pourtant la sainte Cene est appelée Eucharistie; Calvin veut dire cela. Je demande, si ce sont subtilitez grossieres? si ce n'est pas la verité; ie dy la verité que l'antiquité n'a pas ignoré?

Toutesfois de Sponde nous veut esclarcir

que non; & voicy cōment. *Je dy donc, dit-il, que Iesus Christ est Sacrificateur eternellement selon l'ordre de Melchisedec; & nous sommes d'accord en cela: Je respon, que cela est vray. Apres il adioulte, Il s'ensuit donc que Melchisedec estoit Sacrificateur: & de vray il l'estoit, car Moysse & saint Paul le disent. Ce que nous accordons aussi. Or dit de Sponde, s'il estoit Sacrificateur, il sacrifioit quelque chose. Je luy demande, qui doute de cela? Ce n'estoyent pas des sacrifices sanglans (dit-il) C'est là où ie l'attendoy. Je dy que si, que c'estoyent les sacrifices d'alors, & du premier, & du second mode, à sçauoir sacrifices sanglans. Qu'il n'y en eust d'autres comme des fruiets de la terre, ie ne le nie pas. Il demande, comment nous prouuerons que c'estoyent sacrifices sanglans, puis que l'Escripture n'en parle pas, & que l'Eglise n'en a aucune tradition? Mais luy & Belarmin, comment prouueront-ils que ce ne fussent sacrifices sanglans, veu que lors c'estoyēt les sacrifices communs & ordinaires, & veu que l'Escripture ne dit pas, que Melchisedec ait offert autre sacrifices que les autres Sacrificateurs? Si Melchisedec n'eust sacrifié en sang, il n'eust pas esté figure de Iesus Christ, ny son sacrifice figure du corps & du sang de nostre Seigneur. De Sponde pense prouuer, que ces sacrifices de Melchisedec n'estoyent sanglans, ains du pain & du vin: & allegue que Moysse le dit, & les Rabins aussi. Cela est faux: ny Moysse, ny les Rabins n'y ont pas pensé.*

Mais il faut venir au passage de Moyse, il est tel; *Melchisedec aussi Roy de Salem, apporta pain & vin ( & iceluy estoit Sacrificateur du fort Souuerain) & le benit, disant, Benit soit Abraham par le Dieu Souuerain, possesseur des cieux & de la terre.* Ces mots portent-ils, que Melchisedec sacrifia ny pain ny vin? Il est dit qu'il apporta pain & vin : mais à quoy, que pour bailler quelque rafraichissement aux gens d'Abraham, qui venoyent de la guerre? Les Rabins, Iosephe, les anciens Docteurs pour la plus part l'ont ainsi entendu: & n'ont pas entendu qu'il apporta ce pain & ce vin pour sacrifier (comme dit de Sponde) les ombres du corps & du sang de nostre Seigneur.

Mais de Sponde veut disputer sur les mots, & poinctiller, comme on dit sur les poincts. Il dit, *que le vau des Hebreux equipole à la particule rationale Ki, qui est, quia en Latin, & pour ce que, en François.* Je respon, que cela est faux, & dy que Moyse n'a point employé icy ceste particule *ki*, que les Grecs n'ont point tourné *καί*, ains *καί*, qui signifie *autem*, & *or* en François; & dy que les Latins avec saint Hierosme & Sanctes, ont tourné *& ipse*, & les François, *& iceluy*. Je dy dōc, selon les hōmes doctes, que le vau signifie *&* : aussi le cōtexte ne le porte pas autrement. Car il porte que Melchisedec comme Roy liberal, apporta pain & vin à ceux qui reuenoyent de la guerre, & que comme Sacrificateur il benit Abraham, & print la disme d'Abraham. De Sponde dit

Genes. 14.

aussi, que l'accent distinguant *Athnah*, conioinct en ce verset 18. la dernière partie du verset avec la précédente, & non pas avec la subsequente. Ce qui est faux: Car il ne conioinct pas, mais distingue, & icy notaimment: & distingue le precedent d'avec le subsequent, pour monstrier qu'il apporta (ou fit apporter) le pain & le vin comme Roy, & que cōme Sacrificateur il benit Abraham, & print la disme. Ce poinct *Athnah*, se trouue au milieu des versets, & vaut autāt que nos deux petits poincts pour departir le verset en deux parts, comme se fait icy. Car le poinct *Athnah* distingue le verset en ceste sorte. Et *Melchisedec Roy de Salem apporta pain & vin: Et iceluy estoit Sacrificateur du Dieu fort, & Souuerain*. C'est le verset que nous distinguōs par ces deux poincts: qui sont comme le poinct *Athnah* des Hebreux. De Sponde dit, que cepoinct lie la dernière partie du verset avec la précédente, & non avec la subsequente. Je respon, que c'est selon que le fil du contexte porte: & icy porte, de lier la secōde partie de ce verset 18. au verset 19. Et pour mieux le faire voir, & qu'on en iuge, ie mettray icy les versets 18. 19. & 20. du 14. chap. de Genese.

18 *Et Melchisedec Roy de Salem apporta pain & vin: & iceluy estoit Sacrificateur du Dieu fort, Souuerain.*

19 *Et le benit, disant, Benit soit Abraham par le Dieu fort, Souuerain possesseur du Ciel & de la terre.*

*Et loué*



*Et loué soit le Dieu fort souverain, qui a livré tes ennemis entre tes mains : Et Abraham luy donna la disme de tout.*

Qui ne void en cela que la derniere partie du verset 18. se rapporte aux versets suyvans, & non à la premiere partie de ce vers. 18. Car en ceste premiere partie est monstté qu'il estoit Roy, & ce qu'il fit comme Roy ; à sçavoir, de tirer ou faire tirer dehors pain & vin, comme a esté dit, pour les gens de guerre. Et en la secõde partie dudiët verset 18. est monstté, qu'il estoit sacrificateur : & aux versets suyvans, ce qu'il fit cõme sacrificateur, à sçavoir qu'il benit Abraham, & print la disme de tout.

Il allegue encore, que le verbe Hebreu *Hotfi*, qui signifie fit tirer, est propre au sacrifice par la reigle de leur Grammaire, qui dit, que les verbes qui sont profanes en la coniugaison *Cal*, sont sacrez en la coniugaison *hiphil*. Je respon, que le verbe *Carat*, qui en *Cal* signifie approcha, est en *Hiphil* Icrif ; & signifie, fit approcher, pour dire sacrifia : & icy le verbe *Hotfi*, signifie, fit tirer : & en *Cal* *jatfa*, signifie tira. Mais est-ce à dire que tous verbes en *Hiphil* soyent sacrez, ou de choses sacrees ? Abus. Les Iesuites nous feront de nouvelles reigles en la grammaire Hebraique aussi ? Pense-il que ce verbe *Hotfi* se prend pour sacrifier, ou faire chose sacree ? il s'abuse. Car au 16. chap. du 2. liure des Rois il est dit, que Manahen fit

2. Rois 15.

19. 20.

Roy de Syrie, à fin qu'il luy aidast. Là est le propre mot qu'icy *Hotsi*. Étoit-ce chose sacrée que faire sortir l'argent d'Israël, pour le donner à cest incirconcis, & faire alliance avec luy? c'est ce que Dieu auoit defendu à Israël.

Il dit apres, *que le pain & le vin, que Melchisedec fit tirer pour apporter à Abraham, estoient consacrez, voire sacrifiez au Seigneur*. Le texte n'en dit rien, ny l'Apostre aux Hebreux: il l'eust dit là nommément, où estoit question de sacrificature, en la cōformité de Melchisedec avec nostre Seigneur. Mais lisez Iosephe, il vous dira que ce fut à Abrahā & à ses hommes, qui reuenoyent de la guerre, que Melchisedec fit apporter ce pain. Origene en dit autant, & S. Augustin en la question 109. du vieil Testament. Sainct Ambroise, en dit autant au 4. liure des Sacremens chap. 3. & sur le 7. de l'Epist. aux Hebr. Chrysostome aussi, & Rabi. Kinki; Tous ceux-là tiennent, que ce pain ne fut pas apporté pour sacrifier, ny le vin aussi; mais pour rafraischir ces gens qui venoyent de la guerre.

Page 182.

De Sponde reprique, *que l'Apostre ne dit pas, que Melchisedec ait benit Abraham comme Sacrificateur, & qu'il le peut auoir beny comme Roy & Sacrificateur*. le respon, que luy Roy & Sacrificateur a beny, mais que l'Apostre rapporte la benediction à la sacrificature. Les mots de Moyse sont clers. De Sponde veut, *que nous voyons les textes de Moyse & de saint*

*Paul*: aussi auons-nous, & ny trouuons que ce que nous disõs; & que vous y mettez faulsemēt plus qu'il n'y a, en faisant dire la Messe à Melchisedec, ou luy faisant faire ce sacrifice de pain & de vin, que vous appelez Messe, & les ombres du corps & du sang de nostre Seigneur, où Melchisedec ne songea iamais.

Pour monstrier maintenant que les Iesuites s'abusent, de se persuader que Melchisedec sacrifia le pain & le vin, cōme les ombres du corps & du sang de nostre Seigneur; Ie dy q̃ Moysē n'en dit rien, ny l'Apostre non plus: l'Apostre, dy-ie, qui poursuit tout ce qu'il y a eu de semblable entre Melchisedec & nostre Seigneur. Mais puis qu'ē l'Apostre il est question de sacrifice, & de sacrificateur, & de sacrificature, l'Apostre n'auroit pas dit cōment Melchisedec auroit sacrifié pain & vin, comme les ombres du corps & du sang de nostre Seigneur: & que nostre Seigneur auroit accompli cela en la Cene, & institué le sacrifice de la Messe, pour y sacrifier son corps & son sang avec pain & vin, à l'exemple de Melchisedec, par les prestres, à fin d'estre sauué. Si la Messe estoit tel sacrifice si necessaire à salut, que sans iceluy il n'y eust aucun moyen d'estre sauué, l'Apostre n'en auroit-il point parlé? Mais l'Apostre dit tout le contraire, quand il nous met & monstre maintenāt nostre Seigneur, pour nostre seul Sacrificateur au ciel, intercedant pour nous, apres nous auoir reconciliez à Dieu par le sacrifice de son

corps & de son sang fait par luy-mesme; & nō qu'il se doye sacrifier par vn autre sacrifice tous les iours en l'Eglise, avec du pain & du vin. Que pense de Spōde, que Melchisedec fit là cōme nostre Seigneur à la Cene ? ce ne fut pas donc comme fait le Prestre à la Messe: car ce que le Prestre fait, & ce que fit nostre Seigneur sont deux. Que si Melchisedec fit alors comme fait le Prestre en sa Messe, il ne fit rien de ce que nostre Seigneur a fait & ordonné en la Cene. La raison que de Sponde a, de dire que Melchisedec fit ce sacrifice de pain & de vin; c'est, dit-il, *qu'il n'est pas dit qu'il ait fait d'autre sacrifice*. Mais ie demande, s'il est dit qu'il ait fait ce sacrifice de pain & de vin dont vous chantez tant ? Tant s'en faut, qu'il n'est nullement dit qu'il y ait fait aucun sacrifice, (cōme a esté dit.) Moÿse ne le dit pas, & l'Apōstre n'en dit rien; cōment le prouuez-vous donc ? *L'Escripture diroit* (dit de Sponde) *s'il auoit fait d'autre sacrifice*. Ie respon, qu'aussi diroit-elle qu'il auoit fait ce sacrifice de pain & de vin, s'il l'auoit fait. Il repliche *que l'Escripture dit, qu'il estoit Sacrificateur*. Ie respon, que ce n'est pas à dire qu'il fist là pour l'heure quelque sacrifice ny de pain ny de vin, ny autre: mais qu'il benit Abraham, print la disme, & fut figure de nostre Seigneur, ainsi que sera dit; l'Escripture ne nous cache rien là. Car elle nous dit, que Melchisedec a esté sacrificateur, & en quoy il a esté figure du fils de Dieu, & comment nostre Seigneur est sacri-

ficateur selô l'ordre de Melchisedec. De dire quel sacrifice il sacrifioit, puis qu'il dit qu'il estoit Sacrificateur : qui ne presuppôse qu'il sacrifioit comme Adam, comme Enoc, comme Noé, cômme Abraham & les autres? Vous voulez qu'il ait sacrifié du pain & du vin; Moyse ny l'Apostre ne le disent pas. De Sponde se fasche que nous ne voulons pas croire qu'en pain & en vin, il sacrifia là les ombres de son corps & de son sang : & que nostre Seigneur en la Cene accomplit cela en instituant leur sacrificature de pain & de vin, pour sacrifier tous les iours le corps & le sang de nostre Seigneur en la Messe, & pour estre sauuez par icelle. Refusons-nous cela sans raison, comme a esté dit? Ce seroit renoncer le merite de la mort de nostre Seigneur, & chercher salut en l'œuure d'un Prestre. De Sponde dit *qu'ainsi nous le iettons aux resueries* : mais y a-il plus grand resuerie ny blasphemie, que de dire que l'hostie & le calice que le Prestre leue, soit le sacrifice du corps & du sang de nostre Seigneur, que le salut est là & par là & non autrement? & que nostre Seigneur & Melchisedec ont fait cela & sacrifié ainsi? Pourquoy ne cherchez-vous le salut plustost en la mort de nostre Seigneur, qu'en vostre Messe?

De Sponde demande, *quelle conuenance il y a entre ces deux Sacrificateurs, à sçauoir nostre Seigneur & Melchisedec, & quel sera l'ordre de Melchisedec selon lequel nostre Seigneur est seul*

*Sacrificateur eternal.* Je respon, que quant à la conuenance d'entre Iesus Christ & Melchisedec, elle a esté touchée cy dessus ; mais i'en parleray icy plus amplement. L'Apostre aux Hebr. 7. la met en cecy : c'est que Melchisedec estoit Roy de paix, Roy de iustice, Sacrificateur du Dieu souuerain, sans pere, sans mere, sans genealogie, sans commencement de iours, & sans fin de vie. Ce Melchisedec selon les Anciens estoit Sem, lors Roy de Ierusalem. Sem estoit lors au second mode, à sçauoir apres le deluge: partant lors sans pere & sans mere, & sans commencement de iours, & sans fin de vie : car il auoit surueſcu apres le premier monde. Lors seul des hommes du premier monde, il suruiuoit en l'Eglise : & à luy la Royauté & la sacrificature appartenoyēt. En tout cela l'Apostre le trouue auoir esté figure, & propre pour représenter Iesus Christ ; & pourtant que Iesus Christ est Sacrificateur selō l'ordre de Melchisedec, à sçauoir Sacrificateur eternal. Car Iesus Christ est sans pere, pour le regard de l'humanité, & sans mere pour le regard de la Deité : & a esté représenté par Sem, qui n'auoit ny pere ny mere au monde, veu qu'il estoit du premier monde. Aussi nostre Seigneur a esté représenté par Sem, pour le regard de son eternité, en ce que Sem estoit lors au monde sans genealogie, commencement de iours, & sans fin de vie. Car veu qu'il n'estoit pas de ce monde d'alors (c'est d'apres le deluge) Il

estoit comme eternal & immortel, ou sans fin de vie, pour le regard du premier monde (comme a esté dit:) car tout le premier mōde estoit mort hors-mis luy. Melchisedec estoit Roy de Ierusalé. C'est là où nostre Seigneur a esté couronné Roy, & est monté au ciel de la montagne des oliuiers, comme Dieu, & Roy de gloire; & de là a cōmencé son regne eternal sur tous peuples & nations, pour regner à iamais en iustice & paix, & auoir les cieux, la terre, & les enfers souz son puissant empire, seant à la dextre de Dieu, & comme nostre Sacrificateur souuerain à iamais, y presentant nos prieres à Dieu: Il les luy rend agreables par la bonne odeur du sacrifice de sa mort, intercede pour nous, nous dōne entree à Dieu, & seul nous obtient salut, & tousiours, d'autant qu'il demeure eternellement; car il n'est pas Sacrificateur selon l'ordre d'Aaron, où par mort on changeoit le Sacrificateur, mais selon l'ordre de Melchisedec, qui a esté comme immortel. C'est comme nostre Seigneur est Sacrificateur selon l'ordre de Melchisedec, tant pour la Royauté que pour la Sacrificature, duree & immortalité, voire biē autre duree que celle de Sem, car nostre Seigneur est l'Eternal & demeure eternellemēt.

Ce que dit de Sponde, alleguāt l'Apostre, que tout leur venoit en figure pour nous, est vray en beaucoup de choses; mais non icy, en ce qui estoit du pain & du vin: car ce n'estoit ny sacremēt ny sacrifice (quoy que quelques



vns des Anciēns ayent pensé) mais en ce que Melchisedec estoit Roy, Sacrificateur, sans pere, sans mere, sans genealogie, sans cōmencement de vie, & sans fin de iours. En cela de vray selon l'Apostre, Melchisedec a esté figure de Iesus Christ, vray Dieu, vray homme, vray Roy, & Sacrificateur à iamais. Au reste, Iesus Christ est la verité de toutes ces choses, & a tout accomply en la croix; où il dit, Tout est accōply; ie dy ce qui est de la satisfaction pour nos pechez, & figuré par ces ombres, sacrifices, figures, & ceremonies de l'ancien Testament. Mais pourquoy dites-vous que nostre Seigneur a accōply toutes les ombres de l'ancien Testament, & notammēt ce sacrifice q̄ vous-vous imaginez de Melchisedec, en donnant du pain & du vin en la Cene, plustost qu'en sa mort & passion; si ce n'est que vous voulez establir le salut en la Messe, & nō en la mort & passion de nostre Seigneur? Où menez-vous le monde? vous renoncez ainsi à la mort de nostre Seigneur, pour establir la Messe; elle vous plaist pour route Religion & seruice de Dieu. Prouuez que nostre Seigneur ait fait nostre salut en la Cene, non en sa mort? Prouuez que la Cene soit vn sacrifice pour l'expiation de nos pechez, & que par iceluy nos pechez nous soyent pardonnez? Nostre Seigneur sacrifia-il à la Cene, que louanges à Dieu? Il s'offrit à la mort pour nostre salut; mais il l'effectua en la croix, là fit nostre salut, & accomplit tout: & à la Cene

nous rendons graces à Dieu, d'auoir le salut par sa mort. Et pourtant la Cene est appellee le sacrement de l'Eucharistie, c'est à dire d'action de graces:& vous dites que la Messe est la Cene,& que Dieu l'a ordonnee, à fin qu'en la faisant, & l'oyant, chacun soit sauué. Pourquoy tenez-vous le salut plustost de la Messe, q̄ de la mort & passion du Fils de Dieu? Estes-vous Mahumetistes, ou Iuifs, qui ne veulent pas ouyr parler, que le salut soit par la mort & passion de nostre Seigneur? vostre sens abhorre-il aussi cela? Trouuez-vous mieux, à vostre aduis, la satisfaction pour vos pechez en vos œuures, & notamment en la Messe? Dieu vous a aveuglez par son iuste iugemēt. Nos pechez mortels & sanglās, ne se peuuent expier que par sacrifice de mort, & qui soit sanglant. Or c'est la mort de nostre Seigneur Iesus Christ nous a lauez en son sang, & fait la purgation de nos pechez par soy-mesme, en sa mort, & sa seule mort est nostre vie.

Nostre aduersaire s'en va du pain & du vin de Melchisedec à la manne: C'est pour prouuer la transsubstantiation. Il dit, *qu'en l'Eucharistie nostre Seigneur a pertinemment respondu à la demande que faisoÿēt les Juifs, quand il voyoyēt la manne figure du mesme sacrifice. Qu'est cecy? Cecy? C'est mon corps* (dit nostre Seigneur) *non plus pain, non plus manne, mais mon corps, la verité de la figure, la lumiere de l'ombre. Nostre Seigneur auroit-il bien tant tardé de respondre aux Iuifs 3500.ans ou plus? Vous plaidez*

vous en vos inuentions ? où est la raison ? Le peuple dit de la Manne. Qu'est cecy ? Et vous dites que nostre Seigneur leur respond, Cecy est mon corps : non plus pain, non plus manne. Vous n'avez pas honte de vous rendre ridicules. *La Manne* (dit de Sponde) *estoit figure de la Messe*. Horreur ! Mais figure de la vie par la mort de nostre Seigneur, & de nostre salut par sa mort. Car par sa mort il nous est la vie. Il a donné sa chair pour la vie du monde, & se donne à nous en viande & nourriture de vie eternelle. Le pain est le corps de Christ, comme l'estoit la Manne, non autrement. Les luifs en mangeant la Manne, & en beuuant l'eau du rocher, ont beu le mesme  
 1. Cor. 10. bruage & mangé la mesme viande que nous: ils ont beu l'eau de la pierre qui les suyuoit; or la pierre estoit Christ. Ils ont eu salut par luy, & ont iouï de luy. Ont mangé sa chair, beu son sang, sans que la Manne fust transsubstantiée en chair, & l'eau, en sang.

*Il ny a plus de pain* (dit de Sponde) S. Paul l'appelle pain, auât la manducation, & apres, & en la manducation. Le pain que nous rompons, est la communion au corps de Christ. Item, que l'homme s'esproue, & ainsi qu'il mange de ce pain. Item, Qui mangera de ce pain indignement, il mange sa cōdamnation. Et nostre Seigneur appelle le vin, vray vin de vigne, lors qu'on le beuuoit, & exprez: pour nous aduertir, que c'est & vray vin & vray pain que la bouche prend, mäge, boit & aua-

le, & que l'ame reçoit lors nostre Seigneur, dont le pain & le vin sont vray gages, car comme ils nous sont donnez & les prenons, nostre Seigneur aussi nous est donné, & est vie à l'ame, qui le mange spirituellement.

*C'est la lumiere de l'ombre, & la verité de la figure* (dit de Sponde.) Veut-il dire que la Cene soit la verité de la Manne, vn sacrement verité d'un sacrement, le pain figure de la Manne, & le vin de l'eau du rocher? Cela n'est pas. La Manne & l'eau ont figuré Christ. Il est la lumiere de ceste ombre, & la verité de ceste figure, & a esté lumiere, vie, & verité, lors aux fideles au desert. Et en l'Eucharistie le pain & le vin figurent Christ: & il est là aussi la verité de la figure, & la lumiere de l'ombre. Là le salut est promis, figuré, représenté, & assuré en Iesus Christ; non à venir comme iadis, mais venu, & ayât fait nostre salut. De Sponde ne veut pas, qu'il y ait plus de pain ny de vin. Je dy que le sacrement consiste en la figure, & en la chose figuree. Le pain & le vin sont les signes ou figures, & le corps & le sang de nostre Seigneur, ce qui y est figuré & signifié, quand il donnoit le signe de son corps, dit saint Augustin. Il ne fit point de difficulté de dire, Ceci est mon corps. S'il ny auoit plus de pain ne de vin, ce ne seroit plus sacrement. Nous disons que la verité y est donnée. Ce qui a esté signifié par la Manne, a esté accompli en la croix, & est figuré & donné certainement à la Cene, à sçauoir; nostre Sei-

Cont. Adim.  
ment. c. 12.

gneur Iesus Christ, & le salut en luy & avec luy, comme aux Peres auant sa mort.

Pour prouuer que le pain n'est plus pain, il veut qu'on espluche les mots de tous les E-uangelistes; & dit, *qu'on trouuera qu'ils se rapportent tous à ce sens. Cecy est mon corps qui est donné pour vous, cecy est mon sang qui est respan-du pour vous, ou donné (dit-il apres) ou respan-du : non en la croix, car il n'y estoit pas enco-re, mais souz le pain, mais souz le vin.* Je respon, que si c'est souz le pain & souz le vin, que le pain & le vin demeurent en leur propre substance, autrement ce ne seroit ny pain ny vin; il se contredit donc, & contredit aux Iesuites. Mais que veut-il dire, *que quād nostre Seigneur dit, Qui est donné pour vous, & qui est respan-du pour vous, il ne l'entend pas de la croix, mais de la Cene?* Helas ! Où a-il trouué cela ? Car S. Paul vse du mot de liuré, & puis le mot de respan-du parlant de son sang, ne se rapporte-il pas à la croix, & non pas à la Cene ? En outre, nostre Seigneur dit (pour plusieurs) monstrant qu'il parloit du fruit de sa mort. Quand nostre Seigneur a dit (*pour vous, & pour plusieurs*) il a bien mōstré que ceste effusion n'estoit pas en la Cene, ains en la croix, car là il n'y auoit que les Apostres.

*Nostre Seigneur parle (dit-il) en temps present, cela se rapporte donc à l'action de la Cene, non de la croix.* Je respon, que c'est selon que parle le saint Esprit d'une chose qui se doit faire, comme si elle estoit faite. Esaïe chap. 53. par-

le ainsi, Il a esté frappé pour nos forfaiëts. Zachar. 9. Voicy ton Roy vient monté sur vne asneffe. Nostre Seigneur dit, Dieu a tant aimé le monde, qu'il a donné son Fils, à fin que quiconque croira en luy ne perisse point. Ceste donation a esté en la croix, où il est mort pour nous. Et la Cene est ordonnee pour nous asseurer, que luy qui s'est donné à la mort pour nous, se donne à nous: & c'est en vertu de sa mort que nostre Seigneur nous est donné pour vie à la Cene; car à la Cene, nous ne le prenons pas, que nous ne le prenions & contemplions premierement mort en croix, & maintenant viuant au ciel. C'est ainsi, que nostre Seigneur a donné à ses Apostres son corps & son sang, c'est de là qu'ils l'ont receu: & pourtant là il leur a parlé de sa mort, qu'il mourroit pour eux, espendroit son sang pour eux, & pour plusieurs en remission des pechez; c'est de là que le corps & le sang de nostre Seigneur ont vertu de nous nourrir en vie eternelle. Et c'est ce que dit Gregoire Nissene, qu'on ne mange point l'animal que premierement il ne meure, & que les Apostres ne l'ont mangé qu'en sa mort ou en vertu d'icelle. Quand donc ils mangoyent le pain, le corps de nostre Seigneur qui parloit à eux, & qu'ils voyoyent deuant eux, ne couroit pas souz leurs dents pour y estre mangé, ny le sang de ses veines dans la coupe pour y estre beu. Mais ils viuoyent du fruit de la mort & passion de nostre Seigneur, & auoyët

Orat. 1. de  
resur.

la remission de leurs pechez, en l'effusion de son sang en la croix. Et de Sponde pense que les Apostres s'arrestoyent à la Cene, sans regarder à la mort de nostre Seigneur: & pense que ce que nostre Seigneur disoit (*liuré pour vous, & resspandu pour vous,*) il l'entendoit non de sa mort, ains de la Cene. Mais comme dit Gregoire Nazianzene, que seruiroit cela? Car où est la satisfaction pour nos pechez, & la vie qu'en sa mort? Vous-vous abusez donques, de penser que l'Eucharistie sauue. La mort du Fils de Dieu est le prix de nostre redemption, & l'Eucharistie est le seau, sacrement & tesmoignage de cela. Vous-vous abusez aussi de penser, qu'à la Cene on mange Iesus Christ, autrement que de l'ame. Iesus ne fut pas sacrifié en la Cene des Apostres, sinon entant qu'ils participerent à l'efficace du sacrifice de sa mort. Et de fait, ce sacrifice leur estoit present. Nostre Seigneur leur en parloit, leur en donnoit la vertu en l'ame, le gaigne à l'œil & à la main, & en la mesme heure se donna & se liura à la mort pour nous. C'est comme Gregoire Nissené dit, que nostre Seigneur fut sacrifié en la Cene des Apostres.

Page 191.  
Homil. 24.  
sur la 1.  
Cor. chap.  
11. vc. 25.

Il allegue Chrysostome, & dit; qu'il fait force sur ce mot de *rompu*. Pourquoi? Pour môstrer qu'il est rompu à la Messe. Il n'a point cognu vostre Messe, & n'a pas entendu que nostre Seigneur y soit rompu ou brisé. Mais Chrysostome a dit beaucoup de choses hyperboliquement, & qu'il ne faut pas prendre



au pied de la lettre. Aussi de Sponde le reconnoist bien ; car il dit, *qu'il faut entendre ceste fraction non du corps & du sang, ains des especes du pain & du vin.* Mais en cela il contredit au Canon *Ego Berengarius*, qui dit que le corps de nostre Seigneur est brisé & rompu souz les dents. De Sponde dit, *que ce ne sont que les especes de pain & de vin.* Il demande, qu'appelle-il especes, la blancheur du pain, & la rondeur sans substance? L'Apostre dit, Le pain que nous rompons, est la communion au corps de Christ. C'est donc le pain qui est rompu, car le pain n'est pain sans substance. Vous dites, que si vn prestre veut, il consacrerait tout le pain qui sera en la rye d'un boulen-gier, & tout le vin d'une caue. Qui mangeroit ce pain & boiroit ce vin, apres estre consacré, n'en viuroit-il pas? Vit-on des couleurs, ou des peintures? Mais ne dites-vous pas, *Nulla rei sit scissura, signi tantum sit fractura, quia nec status nec statura signati imminuitur.* Vous dites donc, que c'est le signe qui est rompu & brisé, à sçauoir le pain, & non la chose signifiee qui est Christ Or la blancheur n'est point le signe, mais le pain en toute sa substance. C'est donc à dire que le corps de nostre Seigneur n'est pas rompu, mais le pain.

Dist. 2. de  
conf. Ego  
Beren.

*Saint Luc* (dit-il) *est hors de replique.* Cela est vray, ses mots sont tels ; *Ceste coupe est le nouveau Testament en mon sang, qui est respendu pour vous.* Ces mots (dit-il) ne se peuvent entendre de ce que son sang fut espendu en la croix, mais de

la Cene, ains de l'effusion qui se faisoit à l'instant que Iesus Christ prononçoit ces paroles. Ose-il dire cela? Ceste effusion qu'il pretend que se fit à la Cene, ne pouuoit estre que pour les Apostres, car là il n'y auoit qu'eux : Et saint Mathieu & saint Marc n'ont pas voulu dire autrement que saint Luc, ny saint Luc autrement qu'eux. Or ils ont dit du sang de nostre Seigneur, qu'il estoit respandu pour plusieurs, qui presuppose vne autre effusion qu'à la Cene ; à sçauoir, celle qui fut en la croix le iour suyuant, & ce mesme iour ( à prendre le iour comme lors le prenoient les Iuifs ) à sçauoir, d'un soir à l'autre soir. Ce donc que nostre Seigneur disoit de son sang respandu, regardoit à sa mort & passion, & non à l'action de la Cene. Qui l'a iamais entendu autrement? Et quand à la Cene, nous celebrôs la memoire de la mort de nostre Seigneur, ne regardôs-nous pas à l'effusion de son sang en la croix, & n'en faisons-nous pas commemoration? C'est donc de certain, que comme nostre Seigneur ne meurt pas derechef à la Cene, qu'aussi son sang n'y est pas derechef respandu, ny son corps ny son sang presens localement, ny mangez ny beuz oralement ou corporellement, ny brisez ou rompuz souz les deux, comme vous dites. Mais oyez saint Augustin sur le Pseaume 98. où il introduit nostre Seigneur parlant en sa premiere Cene, & s'expliquant. Vous ne mangerez pas ( dit-il ) ce corps que vous voyez, & ne beurez pas ce  
sang

sang qu'espandront ceux qui me crucifieront, mais ie vous en donne vn sacrement, lequel vous viuifiera, pourueu qu'il soit entendu spirituellement. S. Augustin a-il donc entendu que le corps de nostre Seigneur fut mangé de la bouche par les Apostres, & que son sang fut là espandu? Oyez encores sur cecy sainct Cyprien. Le Seigneur (dit-il) estant à table a donné à ses disciples de ses propres mains du pain & du vin : mais en la croix, il a donné son corps entre les mains des Gendarmes pour estre nauré. Péséz-vous que le sang de nostre Seigneur reiaillit de ses sacrez vaisseaux en la coupe, en laquelle beuoyent les Apostres, & que chacun beust tout son sang? Chacun mängeoit-il tout son corps, ny partie d'iceluy? Ils prenoyent de sa main, mangeoyent-ils sa main de leur bouche? Ils mangoyēt le pain, & beuoyent le vin : mais au cœur, en l'ame, & par foy, ils viuoyent de nostre Seigneur. Il leur estoit viande, & le mängeoyent spirituellement & tout entier, & vray Dieu & vray hōme. Car autremēt la chair ne profite de rien, ie dy sans la Deité : car s'il n'estoit Dieu, il ne nous pourroit pas donner la vie, ny maintenant, ny au dernier iour. Il nous est la resurrection & la vie, veu que nous sommes chair de sa chair, & os de ses os. Mais pour cela est-il besoin que nous le mangions corporellement, le rompions des dents, ou l'auallions en l'estomac? Mais faut-il que le pied & la main mangent le chef, pour viure de la vie du chef?

Cyprien  
de Cœna.

ou que le chef bouge de son lieu pour cela? N'en viuent-ils pas mieux autremēt, à sçauoir vnīs comme ils sont, par les ligamens naturels du corps humain, & des membres avec le chef? faut-il que le chef bouge de son lieu, & descēde au pied, à fin que le pied en viue? faut-il plus que nostre Seigneur descende du ciel, que la main le prēne, la bouche le mange? Ne nous viuifie-il pas suffisammēt, nous vnissant à soy par son esprit, plus estroitement que ne sont les membres avec le chef? N'est-ce pas vraye vie, & vn suffisant manger pour viure à iamais? Quel meilleur manger pretendez-vous de sa chair? La Cene est vne viande pour l'ame, & non pour le corps, dit S. Cyprien. *Cibus mentis, & non ventris.*

Canon qui  
manducat.  
de conse-  
crat. dist. 2.  
Cyprien  
sermo de  
chrismate.

Ce qu'il dit (*que nous le voudrions voir & le toucher*) est sot, & indigne de responce. Nous laissons cela à S. François, qui fit tant que la vierge Marie le luy apporta, & toute vne nuit l'eut entre ses bras, & le mania comme il voulut, dit le liure des Conformitez. Nous laissons cela à vous, qui pensez l'auoir en l'hostie. Nous sçauons bien où il est, & ne le voulons, ny ne le cerchons pas en la terre, car nous le voyons & le croyons au ciel, où saint Estienne la veu, S. Paul aussi: & où S. Pierre dit qu'il sera, iusques au iour de la restauration de toutes choses. Là nous l'adorons, non dans les armoires, ou entre les mains des Prestres. Vous dites, qu'un berger disant les paroles Sacramentales, le fit venir entre ses

bras, & que depuis, les Prestres disent ces paroles tout bas, de peur qu'on ne les apprenne: & que tous n'ayēt la science de faire venir nostre Seigneur entre leurs mains, aussi bien que le Prestre, par la vertu de ces paroles. Itē, vous dites, que des Iuifs l'ont fait saigner empoignant vne hostie. Vous auiez lors congé de tout dire. Nous ne croyons rien de cela, non plus que vous, & ne croyons pas que vostre hostie soit nostre Seigneur, ny rien qui en approche. Comment l'y voudrions-nous voir ny toucher?

De Sponde n'est pas plus sage, de nous imposer que nous disons, qu'un corps ne peut estre en vn lieu sans estre veu. Cela est faux. Nous ne disons pas cela: nos yeux peuuent estre tenuz si Dieu le veut; & lors nous ne pourrons voir vn corps, qui sera deuant nos yeux tous ouuerts. Je dy si ainsi il plaist à Dieu. Nostre Seigneur passa au trauers des Iuifs qui le vouloyēt lapider. Les Sodomites ne peurent voir la porte de la maison de Lot, ny Lot sortir & passer au trauers d'eux. Vn Ange se voit (dit-il) & si est inuisible. Ce n'est rien dit, vn Ange est esprit, & ne se peut voir, si Dieu ne luy donne vn corps qui le fait visible.

*Nous ne nions pas (dit-il apres) que Dieu ne le* Page 192.  
*puisse faire s'il veut. Mais que nous disons, qu'il ne le veut pas: & qu'il se desmentiroit s'il destruisoit vn corps, & le changoit en esprit. Nous ne disons rien de tout cela: Nous disons q̄ le corps*

de nostre Seigneur est glorieux, & corps non esprit, mais corps spirituel, & d'autre qualité que les nostres, combien qu'il soit prins d'Adam, mais sans peché, car il a esté conçu par le S. Esprit. Et disons, qu'il tient vn certain lieu, comme mesmes les esprits tiennent lieu, & ne sont pas par tout. Et disons, que le corps de nostre Seigneur est de sa nature visible: & abhorrons l'heresie de Marciõ, & ce que vous en tenez, en faisant nostre Seigneur inuisible en vostre Messe, où faussemēt vous dites, que vous le tenez, le Prestre le leuāt par les pieds, & l'adorez. C'est le nœud de la matiere. C'est que nous ne voulons pas mettre en autant d'hosties, autant de corps de Christ, en cent mille coupes, en chacune tout son sang, & tout cela en vn mesme instant par tout. Et disons, que si chacune de ces hosties estoient Dieu, qu'il y aüroit bien des dieux, & trop, pour n'en auoir qu'vn: & disons qu'il n'y en a qu'vn, qui ne se chāge point. Nous abhorrons donc cela comme le Paganisme, comme vne semence d'atheisme, pour faire qu'vn corps ne soit corps, faire qu'vn corps soit par tout, faire que l'humanité soit Deité, c'est aneantir toute Deité. Si pour cela nous montons au Martyre, c'est avec raison. Il le faut, & plustost mourir, que consentir à telles impietez, mais vous en estes les bourreaux.

*De Sponde demãde si ce que nous disons est texte d'Euangile, au moins de l'Euangile que reçoit l'Eglise? le respon qu'il n'y a qu'vn Euangile*

qui est au nouveau Testament. Mais quoy? n'est-il pas dit en l'Evangile, que nul ne vit jamais Dieu? Et vous dites cependant à la Messe, regardez Dieu: Item, on leue Dieu. Vous l'y leuez, l'y baïssiez, le couchez, le mangez, le brisez des dents & l'aualiez. Vous estes Anthropophages & Theophages. Vous mangez l'humanité, vous mangez Dieu à vostre conte. Oyez ce que dit Cicéron, Y a-il quelqu'un si insensé, qu'il pense que ce qui se mange soit Dieu? Au reste, nous parlons par l'Evangile, ne disons rien que selon l'Evangile: vous le voyez, & ny pouuez pas cōtre dire. Pourquoy refusez-vous doncques l'Evangile & voulez faire le Pape iuge du différent? Si ce que nous disons n'est texte d'Evangile, nous voulons l'Evangile pour iuge, & vous non. Nous parlons donc par l'Evangile.

Cicero de  
natura Deo  
rum.

De Sponde nous impose encore que nous disons, que Dieu ne veut pas ce qu'il dit qui est; car il dit, *que ce qu'il baille c'est son corps, & nous disons que non.* Il se trompe: Nous disons que nostre Seigneur nous baille son corps, voire que luy-mesme tout entier se donne à nous. Que ferions-nous du corps seul, ny du sang, ny de l'ame, s'il n'estoit tout nostre, cōme il est, à sçauoir Dieu & homme, nostre chef, & nous vnis à luy par son esprit? N'est-ce pas nostre vie que luy, le viuant viue en nous, & nous en luy? C'est nostre salut, car il n'y a point de condānation à ceux qui sont en luy: Mais il veut dire que nostre Seigneur a dit,



*que le pain est son corps, & que nous disons que non: Et qu'en cela nous le dementons.* Je respon, que nous disons que le pain est le corps de nostre Seigneur, ainsi que nostre Seigneur l'a entendu, & le veut: à sçauoir, comme se fait en sacrement par signification, mais signification sacramentale; c'est à dire, où vrayement la verité est donnée avec le signe, & le fidele en est fait veritablement participant. Vous nous repliquez là dessus, que nostre Seigneur n'a pas dit, ce pain signifie mon corps, mais a dit, c'est mon corps. A quoy ie vous respon, premierement, que si nostre Seigneur eust dit, signifie mon corps, & non pas est mon corps, qu'on eust pensé que le corps n'eust pas esté donné avec le pain, mais que seulement eust esté signifié, & n'eust esté que quelque signe vain: là où au contraire nostre Seigneur a nommé le pain son corps, pour nous assurer que son corps nous est donné avec le pain, & que nous auons communion avec luy, & en sommes vrayement faits participâs, voire entierement de luy, vray Dieu & vray homme. Le pain que nous rompons (dit S. Paul) est la communion au corps de Christ. Selon les mots de S. Paul, le pain demeure pain, mais nostre Seigneur Iesus Christ est donné avec le pain, puis que c'est la communion au corps de Christ. Je dy aussi en second lieu, que nostre Seigneur ne deuoit pas dire, ce pain signifie mon corps: car on eust dit, que ce n'estoit pas vn sacrement, veu qu'en matière de

sacrement le S. Esprit ne dit pas signifie, mais dit, Est. Puis donc que c'est icy vn sacrement, il falloit que nostre Seigneur parlât selon l'Escriture sainte en matiere des sacremens. La Circoncision, est appelée l'alliance; le sang des sacrifices, le sang de l'alliance; l'agneau, le passage; l'Arche de Dieu, le Dieu des armées; la Manne, la mesme viande que nous mangeons à la Cene; & l'eau du rocher, le mesme bruuage que nous beuuons, à scauoir le sang de Christ; la pierre est appelée Christ. La Pierre estoit Christ, dit l'Apostre. Si vous voulez que le pain soit le corps, pour ce que nostre Seigneur l'a dit: dites donc q̄ la pierre estoit Christ; l'eau du rocher, son sang; la manne, son corps; l'arche, Dieu; le sang des sacrifices, le sang de Christ; l'agneau, le passage; & la circoncision, l'alliance. Car il y a autant de raison en l'vn qu'en l'autre; & Dieu n'en a pas moins dit de cès Sacremēs, que de celui de la Cene. Forcerez-vous Dieu, & prendrez ses paroles autrement qu'il ne veut, & que le S. Esprit n'a entendu? Que si vous ne pouuez comprendre comment le pain demeure pain, & neantmoins est nōmé le corps de Christ, & commēt le corps de Christ nous est donné, & neantmoins est resscant & resident au ciel, qu'y ferons-nous? De faict c'est vn grand mystere que de nostre conionction avec Iesus Christ, cela surpasse tout nostre sens. Mais cependant ce n'est qu'opiniaistreté en vous, car en tout, ne faut-il pas suyure l'in-

terpretation qui est selon la parole de Dieu? Or nous interpretons ce passage de mesme que les autres, où est question de sacrement, selon l'analogie de la foy, laquelle croit nostre Seigneur au ciel, selon la gloire & maiesté de sa personne: de n'estre plus suieût à corruption, ains d'estre en son regne, & selon sa puissance ineffable, de nous faire participâs de foy du ciel en terre, par la vertu du son Esprit. Mais que voulez-vous dire, que si cela ne se fait de la bouche & des dents, & si le corps de nostre Seigneur n'est rompu, brisé, mangé & aualé corporellemēt, cela ne se fait pas? Nous vous auons monstré que si, & que cela ne se peut faire de la bouche ny des dents. *C'est vne imagination (dite-svous) vne opinion, & non le fait.* En estes-vous-la? Ce que le saint Esprit fait, n'est pas fait en verité? Mais y a-il rien plus vray, & mieux fait? La foy est-ce vne opinion, & vne vaine imaginatiō? Que sera-ce donc de tous les mysteres de nostre salut, & de tout cestuy-cy qui consiste en foy & croyance? Ce ne sera qu'une fantasie? Que sçavez-vous que c'est de foy? Qu'y a-il plus certain que ce que Dieu veut? le croire, s'en asseurer, l'esperer, est-ce vne imagination? Mais n'est-ce pas en iouir? Et ainsi dés icy, nous sommes assis par esperance és sieges celestes. Rien si accompli, que ce que fait le saint Esprit en l'ame du fidelé: ny rien si asseuré, que ce que le fidelé croit selon la promesse de Dieu, & le gage qu'il en donne au saint Sacrement.

Il parle de ce que l'Eglise en a creu de tout temps, & dit; qu'elle a creu la Transsubstantiation, & que le pain n'est plus pain, mais le propre corps de Christ. Cela est faux: eux-mêmes en l'Eglise Romaine ne le peuvēt croire, quelque mine qu'ils facent. Et nous ne lisons pas que la Transsubstantiation ait esté approuvee, iusques au Concile de Latran, qui fut il y a environ de 300. ans, où elle fut mise pour le 13. article de foy. Si quelques vns en ont eu quelque opinion auparavant, ils n'ont pas esté approuvez, ains s'est trouué qui les a confutez. Le Roy Charles le Chauue, comme de son temps se broüilloit quelque chose de ceste opinion, en voulut estre esclarci; Ce qui fut par vn Bertran Prestre, dont le liure se lit encore. Il en escriuit au Roy, selon qu'en croyoit l'Eglise Gallicaue. Berengaire en escriuit apres Bertrand de mesme: mais l'Eglise Romaine (qui lors commandoit en maistresse) le fist se retracter: Si retourna-il en son opinion, & y mourut, quoy que de Sponde escriue le contraire. Les Docteurs Scholastiques, presque tous la reiettent, excepté vn Lanfracus (qui fist tuer en Italie par ses disciples à coups de caniuets l'Escot) pource qu'il la reiettoit. Tous les autres Scholastiques ne ont trouuē raison de la recevoir, sinon que l'Eglise Romaine (à laquelle n'osoyent contredire) l'a receuoit: car l'Escot fut assigné pour ne la vouloir croire & l'enseigner. Vous voulez manger la chair de nostre Seigneur à

L'an 840.

Aug. sur le  
Psea. 34.

Athan. sur  
ces mots,  
Qui aura  
blasphémé  
contre le S.  
Esprit.

belles dents. N'estes-vous pas comme les Capernaïtes, que S. Augustin appelle les premiers heretiques de l'Eglise du nouveau Testament? Car quelle mādication songeoient-ils que la vostre, à sçauoir que la chair de nostre Seigneur ne se peut māger, que des dents & avec la bouche? C'est pour cela que nostre Seigneur disoit; Que sera-ce, quand vous verrez le Fils de l'homme monté où il estoit premierement? c'est à dire, Ne direz-vous pas alors, que sa chair ne se mange pas charnellement, & comme vous pensez? Ouy, lors qu'il l'aura ostee de deuant vous, & qu'elle ne sera plus en terre, mais en la gloire que j'ay eue avec mon Pere de toute eternité? Item, nostre Seigneur disoit à ce propos, La chair ne profite de rien, les paroles que ie vous dy, sont esprit & vie? Péssez-vous que la chair de nostre Seigneur touchée, baisée, & mangée, sauue l'ame? Il faut que ce soit l'ame qui la baise, la touche, & la mäge, & en embrassant par foy nostre Seigneur pour Sauueur comme vray Dieu & vray hōme: autrement la chair ne profite de rien. Nostre opinion (qu'il appelle) est fōdee en la raisō, aux articles de nostre foy, en la parole de Dieu, en la nature des Sacremēs, & es mots exprez de nostre Seigneur, & en la croyance de l'Eglise ancienne, & des anciens Docteurs, comme encore se verra cy apres.

Il dit, *que nous vsons d'ergotismes & de subtilitez.* Nous n'en auons que ce qui a esté dit. L'Arche estoit signe visible de la presence in-

uisible de Dieu, elle est appelée Dieu ; Aussi le pain est signe visible du corps de nostre Seigneur, & de nostre communion avec luy, & que nous sommes faits participans de son corps : pourtāt nostre Seigneur le nomme du nom de son corps. Sainct Cyprien dit ainsi, qu'és Sacremens mesmes nom est donné à ce qui signifie, & à ce qui est signifié. Theodoret dit, que nostre Seigneur a donné au pain le nom de son corps : Sainct Hierosme en dit autant sur le 23. de sainct Matthieu, Vostre glose sur l'onzième de la 1. aux Corinthiens pose ainsi, *Hoc est corpus meum*, id est, *signum corporis mei*. Et sainct Augustin, *cum daret signum corporis sui, dixit, Hoc est corpus meum*. Quand nostre Seigneur donnoit le signe de son corps, il dit ; C'est mon corps. Et contre Maximin, Aux Sacremens, il ne faut point prendre garde que c'est qu'ils sont ; mais que c'est qu'ils signifient : Car ce sont signes qui en leur matière sont vne chose, & en signifient ou figurent vne autre.

Pseau. 24.  
Pseau. 47.  
Pseau. 99.  
2. Rois 19.

Liu. 2. ep. 3

Theod. dialogue 1.

De doct. chri. lib. 2. c. 5. & 9. & lib. 3. c. 15. 16.  
Pap. Clem. decret. 1. per dist. 27.  
Aug. cont. Adim. cap. 12.

De Sponde demande, *pourquoy il croir à nostre opinion plustost qu'une autre ? Chacun*, dit-il, *allegue textes & raisons*. Je respon, qu'il faut esprouuer le tout, & retenir ce qui est bon, & non pas flotter tousiours dans ces coups de vagues, comme il dit. Il cherche vn port pour s'en sauuer, & s'en va à celuy où nous auons failly de nous perdre, lequel nous auons veu dangereux comme l'enfer mesmes. Nous sommes ioyeux d'en estre eschappez, & en e-

stendōs iusques aux cieux les mains ioinctes.  
 Page 193. Mais pource qu'il nous impose d'auoir trop  
 tost prins le largue, & d'auoir esté dissipé par  
 l'orage; il luy faudroit monstrer comment  
 c'est que l'Eglise Grecque, Latine & Galli-  
 cane, & autres, on creu en ce poinct comme  
 nous. Ce que ie feroys si M. Daneau ne l'auoit  
 desia fait, monstrant quē de cent ans en cent  
 ans s'est trouué, qui a condamné la Transsub-  
 stantiation. Et puis les centuries de Made-  
 bourg en font foÿ. Et outre cela, vn traicté  
 orthodoxe de l'Eucharistie. Mais outre ce que  
 i'ay dit cy dessus, j'ameneray encore Theo-  
 doret, à sçauoir, que comme en la personne  
 Dial. 3. de nostre Seigneur, l'humanité n'est pas la  
 Deité, mais sont distinctes: ainsi le pain n'est  
 pas le corps de Christ, ny le vin son sang,  
 ny le corps & le sang de Christ le pain & le  
 vin. Cependant nous croyons que le fidele  
 reçoit l'un & l'autre à la Cene, & hors la Ce-  
 ne mesme, est fait participant du corps & du  
 sang de nostre Seigneur; ou bien il n'est pas  
 fait par le saint Esprit chair de sa chair, & os  
 de ses os. C'est comme l'a entendu Athanasé  
 en exposant ces mots; Qui aura blasphemé  
 contre le Fils. Comment est-ce, dit-il, que  
 tout le monde auroit assez à manger de ce  
 corps, qui ne seroit assez que pour quelque  
 peu de gens? mais pour cela il fait mention  
 de son assention au ciel, à fin qu'il les retirast  
 des pēsees corporelles, & apprinsent dorese-  
 n-uant qu'il les vouloit nourrir au ciel là sus,



& les paistre spirituellement de la chair de laquelle il auoit parlé. Et Chrysostome homelie 83. sur saint Mattheu dit, que le pain demeure tousiours en sa nature de pain, encore qu'il chage de nom par le moyen du Prestre; c'est à sçauoir, lors que le ministre le donne pour gage du corps de Christ. Et apres le mesme Chrysostome dit, si Christ n'est pas mort, dequoy sera signe & figure ce Sacrement? Et saint Gregoire, <sup>De conf. dist. 2.</sup> Quand nous mangeons le pain ou leué, ou sans leuain, nous sommes faits vn corps de nostre Seigneur. Il parle de ce qui se fait à la Cene, & y appelle le pain qu'on y mange pain leué, ou non leué. Là S. Gregoire. n'appelle le pain qu'on mange à la Cene, que pain; Où est vostre Transsubstantiation? A ce conte elle n'estoit pas du temps de saint Gregoire. Saint Ambroise sur la premiere aux Corinth. chap. x. dit, que le calice signifie le sang. S. Hilaire appelle le pain figure: Denis appelé Areopagite dit, que le prestre descouure le pain à la Cene, le pain qui est entier, puis le met à morceaux. <sup>De conf. dist. 2. c. Corpus.</sup> Theodoret au dialogue premier dit, que quoy que nostre Seigneur ait en la Cene honoré les signes du nom de son corps, si est-ce qu'il n'a pas changé leur nature (qu'il prend pour substance.) Mais si vous en voulez dauantage, lisez son 3. dialogue: là il dit, que les signes ne perdent point leur nature après la priere du prestre, ains demeurent en leur substance. Si vous voulez des Cōciles, lisez ccluy de Con-

stantinople l'an 700. Celuy de Chalcedoine l'an 445. de Nicee l'an 320. qu'il faut leuer les yeux au ciel, non les auoir fichez au pain. Lisez l'Escot, lisez Lombard au 4. des sentéces, qu'il prend de la 3. Epistre de S. Augustin qui dit, que le pain est le corps de Christ, non en verité, mais en signification: Lisez Bertrand, lisez Beda sur le Psal. 2. Lisez Isidore sur le 6. du Leuit. Lisez Gelaze contre Nestor & Eutiches: lisez Cyrille, Hesichius sur le Leuit. Origene sur S. Matthieu chap. 15. & sur le Leuit. homelie 7. & Tertullien contre Marcion l'an 250. lisez Irenee l'an 176. duquel voicy les mots: *Quâd le pain terrestre est ordonné à ce-cy par la parole de Dieu, il n'est plus pain cō-mun, ains d'iceluy est faite l'Eucharistie, à laquelle deux choses sont requises, la terrestre & la celeste: contre les Valentinien, lisez Justin Martyr: tous ceux-là estoient Docteurs & Prestres en l'Eglise; nous les suy-uons. Prenons-nous le largue pour nous faire dissiper à l'orage? Mais nous auōs la parole de Dieu pour nous, & les anciens Docteurs aussi. A-uons-nous prins de nouvelles routes? C'est l'opinion que de Sponde doit croire, mais parce que c'est la nostre, il ne le fera pas.*

Mais puis qu'il dit, que l'orage nous a dissipez, & que nous auons prins quelques nouvelles routes, faisons luy voir en quelles fondrieres il s'est precipité, se retirât d'auec nous, & mōstrons-luy leur absurditez de la Transubstantiation. Et premierement, là où nostre

Seigneur n'a qu'un seul corps au ciel, il en auroit tousiours vne infinité en terre; à sçauoir, autant qu'il y a d'hosties consacrees, chacune d'icelles seroit Dieu, & l'une aussi bien que l'autre. Que si chacune estoit Dieu, & qu'il y eust tant de Dieux, il n'en y auroit point. Car il n'y a qu'un Dieu, où il n'y en a point. D'auantage, nostre Seigneur auroit un corps fait de pain en terre par le prestre, & un autre au ciel glorieux; & le corps de nostre Seigneur se feroit tous les iours. Dieu mesme se feroit, vne hostie seroit Dieu, & Dieu vne hostie. Le corps de nostre Seigneur seroit par tout, ou en diuers lieux, partant il seroit Dieu. Nostre Seigneur eust esté mort & viuant à la Cene des Apostres, & eust passé souz les dents des Apostres, se fust mangé soy-mesme, le prestre feroit descendre nostre Seigneur du ciel, Dieu seroit enclos en vne boîte, là où les cieus des cieus ne le peuuent contenir. Et si nostre Seigneur estoit en l'hostie, tous les Saints y seroyent; car il a dit, là où ie seray, mon seruiteur sera, la gloire de Paradis seroit à la Messe. Si l'hostie estoit nostre Seigneur, les meschans & reprouuez le mangeroient, & nostre Seigneur seroit menteur; car il a dit, que qui mange sa chair viura eternellement, là où tous les reprouuez sont sans salut: & nostre Seigneur seroit poison; car plusieurs ont esté empoisonnez en mangeant l'hostie. Nostre Seigneur seroit subiect à estre pourri, icché dehors, vomi, & à estre

bruslé & noyé; ie dy si l'hostie estoit son corps: si l'hostie est bruslee, ou rōgee de vers, ou pourrie, ne mettez-vous pas la vermoulure, les rongneures, ou restes, & les cendres, au reliquaire? Si le prestre auoit consacré cent tonneaux de vin, pour estre le sang de nostre Seigneur (vous dites qu'il le peut faire) si ce vin se pourrissoit, le sang de nostre Seigneur pourriroit. D'autrepart, nostre Seigneur seroit mort à la Messe, car vous auez son corps d'un costé, & son sang de l'autre. Voilà vos routes, aduisez où vous-vous iettez. Nous suyons l'Escripture sainte, les articles de la foy, les anciens Conciles, les Docteurs, & la nature des Sacremens; reprouuons vos idoles, & nous trouuons en tranquillité.

Nostre aduersaire retourne encōre à son different d'entre Luther, Zuingle, & Calvin, & si en a parlé cy dessus plusieurs fois. Nous luy auons satisfait. Mais puis que de Sponde nous reproche, que nos Docteurs ne s'accordent pas, voyons comment s'accordent les Docteurs de l'Eglise Romaine en ce point icy. Ils discordent en l'explication des paroles sacramentales: Car ce mot *hoc*, c'est à dire, cecy; les vns le prennent pour rien, les autres pour le corps qui est en l'hostie, les autres pour celuy qui est au ciel. Roffensis dit, qu'il demonstre le pain; Bonauenture, la Transsubstantiation du pain: Thomas l'expose pour dire souz ces especes: l'Escot le prend pour vn indiuidu vague. Voilà bien des opinions; là où il

où il n'y a point de difficulté: car il se refere au pain, puis qu'il est dit que nostre Seigneur print du pain, & dit; Cecy est mon corps. Et saint Paul dit, le pain que nous rompons.

Sur ce verbe *Est*, les vns le prennent pour *erit*, c'est à dire *sera*, comme Occan: les autres pour *fit*, c'est à dire, *se fit*: les autres *transsubstantiatur*. c. est *transsubstantié*: & nostre Seigneur n'a dit ne l'un ne l'autre, & le mot n'est iamais prins pour transsubstantier. Aussi nostre Seigneur ne dit pas que le pain soit transsubstantié, ains qu'il est son corps: ce qui est (non par transsubstantiation, mais par signification, non vaine, ains vràye & efficace) comme se fait en tous sacremens (ainsi qu'a esté dit.) Vos Docteurs Scholastiques discordent en tout cela: comme aussi ils discordent & ne sont resolués, de la façon de laquelle le corps de Christ est en l'hostie; s'il est tout au pain & tout au vin; s'il est entier en l'un, comme est entier en l'autre: pourquoy il a ordonné le vin, puis qu'il est, disēt-ils, tout entier au pain; puis s'il y est touché de la main, masché des dents, & avalé en l'estomac. Le Pape Nicolas fit dire qu'ouy à Berengaire. Et Pierre Lombard, le maistre des Sentences dit, que cela est faux, & que c'est le pain qui est rôpu, & non le corps de Christ. Durand tient que le corps de Christ est en la Cene sans grâdeur; Occan le desment. Les vns disent, qu'il y est sans accidents; les autres, qu'il y est avec accidents, qui ne sont appréhendez par le sens de l'hom-

Sur le 4. des  
sent. dist.  
10. c. 2.

Major lib.  
1. sent. dist.  
10.

Thom. 3.  
part. sum.  
6. quest. 7.  
art. 3.

me. Les vns disent, qu'il est tout entier, là où est vne partie de l'hostie, comme Thomas; les autres que non. La glose sur le Canon dit, qu'il est faux, & impossible que le nez & les pieds se trouuent ensemble souz l'hostie en vn mesme lieu. Lombard dit, que le corps de Christ est caché souz l'apparence du pain. Les autres disputent que cela est faux, qu'un corps de sept pieds soit caché en si peu de lieu qu'une hostie, ou vne partie d'icelle. Quand l'hostie est rompue, Durand tient que c'est le pain; les autres les especes sans matiere & substance. C'est aussi l'aduis de Sponde. Les autres, que rien n'est rompu, encore qu'il le semble. Ils ne sçauēt si le corps de nostre Seigneur est dans la blancheur de l'hostie, ou uni à icelle, ou en la concavité d'icelle. Les vns tiennent, qu'il y est sans quantité, & qu'il n'y a pas les accidens qu'il a au ciel; les autres disent que si. Ils ne sçauēt que dire, si son corps y est de mesme mesure qu'au ciel, & en disputent aussi comme du reste. Item, de quel costé fera la teste, & de quel costé les pieds. S'il y est debout, ou assis. Ils debattent aussi si le corps void le Prestre, & oit ce qu'il dit; & n'y a pas peu de peine à s'y resoudre. Ils ne sçauēt que deuient le corps, quand l'hostie est en la bouche, & ne s'accordent pas qu'il soit brisé souz les dents. Les autres disent, qu'il descēd en l'estomac & au ventre: mais ils ne sont pas d'accord, s'il y demeure tousiours ou longuement. Les vns disent, qu'il s'enuole au ciel si

toſt qu'il ſent la dent, que les eſpeces ne deſcendent point en l'eſtomac; ou que ſi elles y deſcendent, qu'elles en ſortent par ſueur, & non par le bas, ſelon que dit la gloſe ſur les Canons. Auſſi ne ſçauent-ils dire, ſ'il vient en l'hoſtie auant ou apres les paroles dites, & ſi le Preſtre, en ſe remuant, remue le corps de Dieu (qu'ils appellent) & auſſi ne s'accordent ſi le corps ne bouge du ciel, comment il peut eſtre en terre, & comment il peut eſtre en pluſieurs lieux. Les vns tiennent l'un, les autres tiennent le contraire. Qu'on liſe Thomas & ſes ſectateurs; qu'on liſe Ægidius Romanus, Henricus Gaudenſis, Ioannes Maior, & les autres, on y verra tout cela & plus. S'il y a vn ſeul petit poinct de cōtrouerſe entre Luther, Zuingle & Caluin, il ne le nous doit pas reprocher; veu qu'il y a mille & mille differens entre le Pape & ſes Docteurs, & en ce poinct de la Cene tant que plus. En quel poinct de doctrine ne diſcordent-ils de quelque choſe? Qu'ils accordent donc tous ces chalumeaux, & apres qu'ils nous reprochent que nous ne nous accordons pas.

C. ſi per negligent. ſpecies.  
c. qui bene. c. trib. grad. c. à timore de conſec. diſt. 2.

Ie diray encores, qu'ils ne ſont non plus d'accord, quand, & comment le pain deuient chair, & le vin ſang, ny quelles ſont les paroles qui ſont cela, & en vertu de quoy. Les vns tiennent, & preſqu'es tous, que le corps de noſtre Seigneur eſt fait de pain, & Thomas dit que non. Thomas dit, que la forme du pain demeure, & la matiere ſe cōuertit en la chair

3. part. & ſum. 2. quæſt. 75. art. 2.



de Christ. Durand dit le contraire, & que la forme se perd, & que la matiere est enfermee de la chair & du sang de Christ. Rupertus, que le pain est fait le corps, comme la parole faite chair: Ioannes Parisiensis, qu'une partie de la chair de Christ s'unist avec le pain. Le maistre des Sentences tient, que la transsubstantiation est vne subrogation du corps & du sang, au lieu du pain & du vin: & l'Anfrancus tient, que le pain est vrayement changé & reellement au vray corps & naturel, & le vin au sang, & que la substance se perd; & le maistre des Sentences, qu'elle se resoud es elemens. Durand, Thomas, Occan, & l'Escot, preferent l'opinion que suit Luther à toute autre, & semble que Luther l'ait prise d'eux; à sçauoir, que la substance du pain demeure avec celle du corps. Pierre de Alliaco, qui estoit il y a cent soixante ans, a suiuy la mesme opinion. Les autres approuuent la Transsubstantiation. Les autres, que le pain ne chāge sa substance en chair, ny le vin en sang; mais que la substance du pain & du vin deuiennept en rien, & puis qu'en leur place viennent la substance du corps & du sang de nostre Seigneur. Ce sont les diuerses opinions de vos Docteurs. Ils ne sont non plus d'accord des paroles de la cōsecration: car les vns tiennent, que la consecration se fait, en disant, Ceci est mon corps. Les autres disent, que c'est quād le prestre dit, *Iube hæc dona perferri in cœlū per manum Angeli tui*, c'est à dire, commande que

ces choses (c'est leur oblation & sacrifice du corps & sang de Iesus Christ qu'ils prétédēt) soyēt portees au ciel par la main de ton Ange. Les autres disent, que la consecration se fait, quand le Prestre dit, *benedixit*. Le Pape Innocent (qui en deuoit plus sauoir que les autres) dit, que nostre Seigneur dit quelque parole tout bas (c'est pourquoy on ne l'a iamais peu sçauoir) & puis tout haut, *Cecy est mō corps*. Mais si le Pape dit vray, commēt peut le Prestre consacrer, veu qu'il ne sçait pas ces paroles que nostre Seigneur dit tout bas? Ez cautelles de la Messe (car il y a des cautelles aussi) toute la vertu pour faire la cōsecration qu'ils font en disant, *Cecy est mon corps*, gist en ce mot, *Mon*. Les autres disent, que c'est de l'intention du prestre, que se fait la consecration; (car sans ceste intention, rien, mais avec elle tout) & que par icelle le Prestre conuertist le pain en la chair du fils de Dieu. Les autres disent, que ces paroles liuré & espendu, font la consecration: Les autres disent que non: mais avec ces mots là, sont necessaires plusieurs autres du Canō. Chacun a ses raisons. Iugez là dessus: & sur tout, si les Apostres ont consacré, veu qu'ils n'auoyent pas ce Canon. Je demande, Ne sont-ils pas de bon accord en l'Eglise Romaine, en ce poinct de si grande importance?

Ils ne sçauent aussi que dire, de l'eau qu'ils meslent au vin. Les vns tiennent, qu'elle est transsubstantiee en l'eau qui sortit du costé

Ioan. Mai.  
sur le 4. des  
sent.

Quæst. 75.  
art. 7.

de nostre Seigneur ; les autres , qu'elle se reduit à rien apres la consecration : d'autres , qu'elle est transsubstantiee en phlegme . Thomas tient , qu'elle se change en vin , & le vin en sang . Thomas dit que la consecration se fait en vn instant . La glose condamne S. Thomas sur le Canon, *Ante benedictionem*, & dit que la consecration se fait syllabe apres syllabe ; & pourtant le Prestre prononce ces mots peu à peu (car il ne faut pas se haster, de peur de faillir à faire Dieu: que seroit-ce, s'il faisoit vne idole?) Aussi la transsubstantion n'est pas chose qui se face tout d'un coup & si facilement qu'on pourroit penser: par ce que le corps de nostre Seigneur estant de plusieurs parties & membres, tout ne peut entrer en vn instant, & changer le pain, & chacune partie s'accommoder en son droit lieu.

Mais sont-ils mieux d'accord, en vertu de quoy se fait la consecration? Les vns tiennent que c'est par les merites du Prestre, & qu'un prestre paillard, ou pecheur, ne cōsacre point. Les autres tiennent, que c'est par la force des paroles, & que la paillardise ou peché du Prestre ne peut empescher cela ; autrement ce seroit pitié, & toute l'Eglise Romaine seroit idolatre, (aussi bien deçà comme de là.) Les autres disputent, si la cōsecration se peut faire quand l'hostie est cassée, ou rompue, & n'est entiere, & s'il n'y a intention de consacrer, & si le vin est fort foible. Gabriel Biel ne se peut resoudre, si nostre Seigneur pouvoit

consacrer sans dire, Cecy est mon corps, & si c'a esté peu à peu. Roffensis tient, qu'on ne sçauroit prouuer par l'Escripture sainte, que vn Prestre puisse consacrer la vraye chair & le vray sang de Christ. Car encore que nostre Seigneur l'ait fait (dit-il) il ne s'ensuit pas que le Prestre le face. Je pense auoir monstré que lesdifferēs en vn seul poinct sont en grād nombre en l'Eglise Romaine, & ils nous reprochent vn seul differēt, que nous auons entre nous en cela.

De Sponde pense auoir trouué quelque grand cas, quand il s'escrie, *Triumuirat* (parlant à Luther, à Zuingle, & à Calvin) *Chefs de part*, dit-il, *ne vous departez point si contraires*. Le luy respon, qu'aussi ne font-ils pas, tāt que font les Docteurs de l'Eglise Romaine entre eux sur ce poinct mesme. Il a esté satisfait à cela cy dessus.

A ce qu'il dit, *que nostre opinion est depuis cinquante ans en ça*. le respon, que i'ay monstré que c'est l'opinion des anciens Docteurs, & de leur saint Gregoire mesme, il y a mille ans. Il dit *que Berengarius en est le chef*, il y a cinq cens ans. Nous auons respondu à cela & à ce qu'il dit, *qu'il fut confondu souz la maiesté de l'Eglise, & qu'il mourut en son giron*; car cela est faux, qu'il soit mort en l'opinion de l'Eglise Romaine. Bien peut-il estre estonné de l'autorité & tyrannie de l'Eglise Romaine & de sa gloire, qu'il appelle Maiesté. On s'estonne bien quelque fois de moins.

Et quoy? elle fait trembler les Rois, & les fait varier en leur foy, voire les plus hardis, & constants. Il dit, *que l'opinion de l'Eglise Romaine estoit unanimement receüe en l'Eglise*. Cela est faux. Et en l'Eglise Romaine mesmes, on y a contredit. L'Escot fut tué en Italie, pource qu'il y contredisoit, ainsi qu'a esté dit cy deuant. Ce bon supposit de transubstantiation, Lanfrancus le fit assassiner. *Nous estimons, dit-il, auoir puisé des sources du saint Esprit nostre intelligence*. Je respon, que quant à nostre croyance nous ne l'estimons pas, mais nous le croyons, & l'auons amplement monstre cy dessus. Car nous n'exposons ces mots, *Cecy est mon corps*, que comme les autres lieux de l'Escripture sainte, où est question de Sacramens. Et n'est point nous aimer nous-mesmes : ouy bien si nous aimions mieux renoncer ceste verité de Dieu, pour nous plaire dans les delices de la Papauté.

Il demande, *si le saint Esprit est si broüillon de nous tromper ainsi, ou si nous-mesmes trompons le saint Esprit?* Je respon, que le saint Esprit ne nous trompe pas, & que nous ne le scaurions pas tromper; que le S. Esprit parle en l'Escripture sainte, selõ laquelle nous croyõs. Nous ne nous trompons pas donc, car nous croyons, & parlons par raisons, par l'Escripture sainte, par les anciens Docteurs & Conciles: & sommes d'un bon accord en tout nostre dire, & vous non. *De Sponde se fait accroire que Calvin est pressé de ces paroles, Cecy est mon*

corps; & que pour se liberer de ceste difficulté, il allegue l'interpretation de l'Eglise sur ces mots. Si Calvin l'a fait, il l'a peu faire. Sur cela il annote, que Calvin accorde l'interpretation à l'Eglise: que cela est bon, mais que Calvin conclud tresmal. Je demande, en quoy? Car s'il interprete ces mots, côme a fait l'Eglise des Grecs, de l'Asie, de l'Affrique, l'ancienne Eglise de Rome, & des Gaules, & des Allemagnes, & d'ailleurs: & s'il monstre que ceste interpretation est selon la parole de Dieu, selon l'analogie de la foy, la maiesté glorieuse de nostre Seigneur au ciel, qu'avez-vous pour repliquer à cela?

Je vien maintenant à deux poincts, qu'il amene de saint Augustin; Le premier, pour prouver que les meschans mangent le corps de nostre Seigneur: le second, qu'il faut adorer nostre Seigneur en l'Eucharistie. Pour preuue du premier, il allegue l'epistre cent soixantedeuxiesme, que nostre Seigneur mesme endura Iudas son diable, son larron, & son vendeur, & luy laissa prendre (parmi ses autres disciples innocents) son pris, que les fideles cognoissent. Mais il falsifie le passage de S. Augustin: Car voicy ses mots; *Tolerat ipse Dominus Iudam, diabolum, furem, & venditorem suum: sinit accipere (inter innocentes discipulos) quod fideles nouerūt, precium nostrum*; c'est à dire, Nostre Seigneur souffre Iudas son diable, vn larron, & qui l'auoit vendu: & luy a laissé prendre (entre ses disciples innocents) nostre pris, que les fideles ont cognu. Il semble que

S. Augustin parle là, & non de la Cene, mais du pris que Iudas receut pour trahir nostre Seigneur. Ce que nostre Seigneur sçachant, le tolleroit neantmoins entre ses disciples, & luy laissa faire la Cene avec les autres, tous innocents. Et au milieu de la sentence il y a deux poinçts, que de Sponde change en vne virgule. Mais soit que ce pris s'entende de la Cene, ce sera dōc de participer aux signes du Sacrement, à sçauoir au pain & au vin, & non au corps & au sang : car Iudas n'y participa iamais. On y participe par le S. Esprit, qui n'estoit pas ny n'habitoit en Iudas : Il n'estoit pas de la cōmuniō de nostre Seigneur ; car il ne se fust pas desesperé. Qui m'age ma chair & boit mon sang ne mourra point ; mais ie demeureray en luy, & luy en moy, dit nostre Seigneur. Au reste, les fideles cognoissent q̄ le pain de la cene est le gage du Seigneur, nostre marreau, signe & pris de salut par metonymie : pource qu'il nous represente la mort du Seigneur, le pris de nostre redēption. Les fideles le sentēt, & cognoissent chacun en soy, & en sont cōsolez. Iudas cependant, cōme dit S. Aug. homel. 59. ne m'agea pas le pain, le Seigneur ; mais le pain du Seigneur. S'il eust esté de la cōmuniō de nostre Seigneur, il ne se fust pas estranglé luy-mesme, ains eust recouru à la misericorde de Dieu (comme a esté dit.) Et pourtāt saint Augustin en l'homelie 62. dit, qu'en prenant le pain du Seigneur, il fut asserui au diable. Au 5. liure contre les Donatistes, il dit que le



pain de la Cene n'a pas laissé d'estre le corps de Christ, à ceux qui le mangeoyent indignement & à leur condânation; & que s'ils l'ont mal prins, ce n'est pas à dire qu'ils n'ayent rien prins. C'est cela mesme que nous auons dit, que le pain est le pain du Seigneur, soit qu'on reçoive le Seigneur, ou non: Et qu'au si nostre Seigneur est tousiours offert & présenté de la part de Dieu; & le pain & le vin sont vrais gages de cela, encore que son corps ne soit pas localement en terre. Il est receu des fideles, quand ils se sentent par le saint Esprit entez en luy, en sont consolez, rendent graces, & sont assurez de leur salut en luy. Cependant que les reprouuez le reçoient, Homel. 56.  
& hom. 61. saint Augustin le nie aux lieux alleguez. Au reste au 21. de la Cité de Dieu chap. 25. il dit, qu'on reçoit nostre Seigneur par foy, & non par la bouche. Or les reprouuez n'ont pas la foy, ils ne peuuent donc le recevoir: & par consequent le pain n'est pas transsubstantié au corps de Christ. Car si ainsi estoit, les reprouuez le receuroient. S. Augustin dit là, qu'on recoit du pain, & q le cœur est rassasié.

L'autre passage qu'il allegue, *C'est que nostre Seigneur (dit-il) a souffert que son traistre, qui auoit de sia receu son pris, demeurast avec luy entre les innocents, iusques au dernier baiser de paix. Et toutesfois il donna en commun à tous le premier Sacrement de son corps & de son sang, Judas n'estant pas encore sorty. Ce passage ne fait rien pour ce que dit de Sponde. Ce pris dont par-* Page 195.

le saint Augustin, c'est l'argét de la trahison. Et au reste S. Augustin tient, que Iudas receut le Sacrement. Les enfans d'Israël le receurent tous: & Dieu ne print pas plaisir en plusieurs d'eux. Pour recevoir le pain & le vin, on ne reçoit pas ce qui est représenté par iceux, sinon qu'on soit du corps de Christ & de sa cōmunion; ce q̄ Iudas n'estoit: mais il est vraysemblable que Iudas estoit sorti, quād nostre Seigneur fit la Cene. Conclusion, saint Augustin a disputé cela fort & ferme, que le pain n'est pas le corps de Christ, sinon que par signification: que le corps de Christ ne se mange pas que spirituellement, & en l'ame; & que les infideles n'y participent pas, encore qu'ils participent au Sacrement; c'est à dire aux signes visibles du S. Sacrement. Ce qui n'est participer au saint Sacrement qu'en partie, c'est à sçauoir aux signes seulement.

Pour le regard de l'autre poinct, qui est d'adorer nostre Seigneur en l'Eucharistie, nous ne discordons pas en cela. Nous adorons nostre Seigneur au Baptisme, & à la Cene, & au presche, & en toutes nos prieres: mais non pas le pain, ny à la Cene, ny ailleurs. Car nostre Seigneur n'a pas dit, adorez; mais bien, prenez, mangez. Il veut que Calvin lise S. Augustin sur le Pseau. 99. Voicy les mots de S. Augustin, comme il les a traduits; *Le Fils unique de Dieu a prins la terre de la terre; pour ce que la chair est de terre, & qu'il a prins chair de la chair de Marie. Et pource qu'en ceste chair il a*

*marché icy, & nous a baillé ceste mesme chair à manger pour nostre salut, & que nul ne l'a mangée qui ne l'ait premierement adorée. On a trouue comme on adore le scabeau des pieds du Seigneur, si bien que nous ne pechons pas en l'adorant; mais nous pechons en ne l'adorant point. Je respon, que ce passage ne fait rien contre nous: car nous adorons Iesus Christ, soit à la Cene, soit ailleurs. Et ce que nous l'adorons en sa chair, n'est pas que nous adorions la chair à part; elle est creature. Mais nous l'adorons Dieu & homme, & ne le pouuons adorer autrement, puis que Dieu & homme il n'est qu'une personne: & ainsi nous ne mangeons pas sa chair sans premierement l'adorer, en adorant la parole qui a esté faite chair, & qui est Dieu benit eternellement. Mais ce n'est pas la question s'il faut adorer la chair de nostre Seigneur, mais si le pain est sa chair, & s'il faut adorer le pain, comme si c'estoit la chair de nostre Seigneur. Nous disons que non; & que nostre Seigneur n'a pas dit adorez, mais prenez, & mangez. Et disons, que du temps de saint Ambroise, on prenoit le Sacrement avec la main. Nous mangeons sa chair veritablement, quand nous viuõs, nous sentons viuifiez d'icelle, entât que nous y sommes conioints & faits chair de sa chair, & os de ses os, qui est yn vray & real māger, puis q̄ c'est vne vraye vie. Mais ce manger, ce boire, & ceste vie, ne se font pas des dents; ains du cœur, de l'ame, & de l'esprit. Nous adorons nostre Sei-*

gneur comme sainct Thomas l'adoroit, vray Dieu & vray homme; & disons, mon Dieu, & mon Seigneur. Nous ne nions pas la presence reelle de nostre Seigneur à la Cene, mais nous disons qu'elle est en ce, que le S. Esprit par sa vertu nous vnist à nostre Seigneur. Nous nions vostre presence reelle de nostre Seigneur, que vous voulez establir dans vne hostie, sur vn autel, ou entre les mains du prestre, ou entre vos dents. Il dit, *que Calvin nie la presence reelle de nostre Seigneur.* Cela est faux. Calvin ne nie la presence de nostre Seigneur, que telle que vous l'establissez en vostre Messe, à sçauoir locale en terre, & sur l'autel, & par transsubstâtiation du pain & du vin en la chair & au sang de Christ. Au reste Calvin dit, que nous sommes faits chair de la chair de nostre Seigneur, viuons en luy, & luy en nous; sommes entez & incorporez en luy: sommes-nous donc loing de luy, ny luy de nous? non; mais pres comme les membres du chef, qui font vn corps entier & parfait avec le chef. Ceste presence n'est-elle pas reelle & vraye?

*Calvin, dit-il, attache nostre Seigneur au ciel avec de gros cloux d'aymant.* Il veut rire; c'est vn blasphemateur, il ne faut point là de cloux. C'est sa vertu diuine par laquelle nous serons soustenuz és cieux des cieux avec luy, en la puissance de sa gloire. La parole de sainct Pierre, des Anges, nos articles de foy portent, que nostre Seigneur est là, & n'en viendra

qu'au dernier iour pour iuger le monde. Mais bien, encore Calvin le loge mieux que vous, plus proprement & cōuenablement à sa gloire, Deité, puissance & maiesté. Car vous le tirez du ciel, & le logez en terre sur des autels, entre des mains sales, & en des prisons, dans des armoires derriere des verroux de fer, où vous escriuez, Adore icy, & au coup en cent mille lieux en vn seul Royaume. Qui vous a appris cela? •

De Sponde pretend apres, avec les arguties de Belarmin, de trouuer en nous les mesmes absurditez que nous trouuons en eux; en ce que nous croyons, que quelque part que nous soyons, nous sommes tous en general, & chacun en particulier, vnis à Iesus-Christ. Si ainsi est, dit-il, *Iesus Christ n'est-il pas en un mesme instant en plusieurs lieux, icy en terre, & tout entier en vne chacune personne, & en un million de personnes?* Et pour monstrier que cest homme parle contre sa conscience, & qu'il entend mieux qu'il ne dit, & se moque de la grace & vertu de Dieu, au plus grand mystere de nostre redemption, oyons ses mots. *Tu ne laisse pas neantmoins, dit-il, de nous vouloir faire croire, que tu reçois reellement la substance de ce corps, mais s'il n'y est present, comment le reçois-tu? s'il est au ciel, & toy icy, qui conioint si reellemēt des substances si separees? le saint Esprit à ton aduis? En quelque façons quelles soyent conioinctes, si elles sont reellement conioinctes, ne nous fais-tu pas un corps inuisible, & neantmoins conioinct à toy?*

Page 196. *Et puis si tu le reçois tout entier, & un million de personne, & encore chacun tout entier en mesme temps, un mesme corps est-il pas en mesme tēps en diuers lieux; qui sont les absurditez que tu trouues en la foy Catholique, & ausquelles tu t'es empestre sans y penser?*

Ce sont les mots de Spondē. Je respon au premier, que nous ne disons pas, que nostre Seigneur soit localement en terre, ains qu'il est au ciel en sa gloire: & quant à sa vertu, & à la presence de sa grace, qu'il l'a nous communique realement, & mieux que le soleil sa chaleur: qu'en ce cas nous ne voyōs pas icy son corps qui est visible au ciel, & se verra au dernier iour; mais il nous est icy sensible, vie & consolation, par la presence réelle de sa vie, vigueur & grace; ie dy de ceste propre grace qui est en son corps, & dont il vit, & qu'ainsi par son Esprit nous sommes réellement conionctés à luy. Le saint Esprit lie & fait cela, nous vnit à luy, & nous y ente, & fait chair de sa chair: car il habite en luy, & habite en nous, & en nous tous, en millions de millions de personnes, & tout en vne chascune personne, ne faisans tous qu'un corps duquel nostre Seigneur est le chef, & chacun fidele est membre de ce chef, & vni à luy par son Esprit, & viuifié de la vie qui est en luy, mieux que le chef naturel ne viuifie ses membres. Nostre Seigneur ne bouge point du ciel pour cela, ny n'est de besoin; non plus qu'à terre n'est de besoin de descendre aux pieds pour

pour les viuifier. Car le S. Esprit est Dieu tout-puissant, & tout present par tout. Iceluy habite en nostre Seigneur & en nous, quelque part que nous soyons, pour nous viuifier de luy, & en luy, & tous en mesme instant & tousiours; ce qu'aussi se fera en toute plenitude, mais que nous soyons recueillis és cieux, & tous pleinement conioincts à luy. Mais ce n'est pas en la Cene seulement que nous participons à Iesus Christ; ains hors la Cene, & quelque part que nous soyons, si nous croyons en luy, comme est monstré Iean 6. Car il est là parlé de la manducation, que nous faisons de nostre Seigneur par foy en nos ames, autant hors la Cene qu'en icelle. Nostre Seigneur en S. Iean ne parle pas de la Cene seulement, ny ne restrainct là son propos: il parle de ceste communion que nous auons avec luy, en croyant en luy; soit que nous soyons à la Cene, ou non. Aussi les Peres, auant que nostre Seigneur print chair humaine, ont mangé la mesme viande que nous mangeons, & beu le mesme breuuage que nous beuons. Et comment, que comme nous? Et comment nous, que comme eux? Et comment eux & nous, que par foy? se mange-elle des dents? Ainsi l'entendoyent les Capernaïtes; nostre Seigneur les en a reprins.

Mais à quel propos dit de Spode, *Souviene-toy donc que tu reçois la substance*. Que pretend-il par là, qu'on ne reçoit pas la substance, sans receuoir le corps? C'est-ce qu'il veut,



& pourtāt il dit, *Tu n'entens pas qu'en receuant la substance, elle soit separee du corps; car le corps sans substance que seroit-il?* Que veut dire cest homme? Ne sçait-il pas que nous receuons Iesus Christ entieremēt, & vray Dieu & vray homme? Ha! ie m'abuse, il n'en sçait rien, ny ses semblables. C'est vn nom, ou vne chose que nul ne cognoist, sinō celuy qui l'a receu. Mais luy qui fait du docteur, ne sçait-il pas que cela est en la priere que nous faisons à la Cene? *Que demande-il donc?* Nous ne nous arrestons ny au corps ny à l'ame, mais voulons iouir de nostre Seigneur entierement, de luy vray Dieu & vray homme, & veritablemēt le sainct pain de nos ames: Mais le mangeons-nous charnellement, ou corporellement, ou bien spirituellement & en l'ame? N'est-ce pas comme les Apostres en la nuit que nostre Seigneur fut liuré, ou cōme Israël au desert, à sçauoir spirituellemēt & par foy? Car nostre Seigneur a esté leur viande, leur vie, & leur salut, ne plus ne moins qu'à nous, & l'ont mangé cōme nous. *Qui manducat corde, non premit dente;* c'est à dire, qui le mange, le mange du cœur, & non des dents, dit S. Augustin, contre ce que vous dites, qu'il est rompu & brisé souz les dents. Ce manger n'est pas donc charnel, ains spirituel, & conuenable à vn si haut mystere qui est diuin, celeste, & supernaturel, & par la vertu de l'esprit de Dieu, non des dents ny du gosier: & de Sponde s'en rit, car il dit, *Qu'est-ce en fin?* Mais

que seroit-ce, si on le mangeoit de la bouche & des dents? cela ne profiteroit de rien. Nostre Seigneur a dit, mangez; mais cela se rapporte au pain: comme prenez, & beuvez, au vin. Il a dit, si vous ne mangez la chair du Fils de l'homme, vous n'aurez point la vie en vous: mais ce mot de manger, est metaphorique, & se rapporte à l'ame: & se fait, non point des dents, mais en croyant, & la dent n'y fait rien que prendre & briser le signe pour gage que la chose, à sçauoir Christ, est donné à l'ame, & luy est vie. Iesus Christ, est ainsi salut & vie à ceux qui le baissent, le reçouyent, luy font hommage, l'embrassent, & le mangent par foy; & ainsi ceux-la tirent vie de luy en leurs ames: autrement il ne leur est rien à salut, non plus qu'à Iudas de l'auoir baissé, ou à ceux qui le fouëttoient & crucifioient, encore que son sang leur ait touché. Sa vertu est en esprit, faut que par iceluy nous en soyons arrousez, & où cela qu'en l'ame? La chair ne profite de rien, dit nostre Seigneur. Les paroles que ie vous

dy, sont esprit & vie. L'ame en est arrousee, nourrie, rassasiée, & viuifiée, quand elle reçoit par foy nostre Seigneur pour son Sauueur.

Lors il luy est viande & breuuage, & l'homme en est repeu à souhair. Nostre Seigneur a vſé du mot de māger, disant; Si vous ne mangez la chair du Fils de l'homme: non à propos de la Cene simplement; il n'en parloit pas alors, mais à propos de ceux qui le cerchoyent pour le faire Roy, parce qu'ils auoyent mangé du

1. Pier. 1. 1.  
Ican 6. 53.

Canon qui  
manducat.  
de cōf. dist.

2.  
Can. cre-  
dere. de  
cōsec. dist.

pain. De ce pain & de ce manger, nostre Seigneur les mene à vn autre pain, & à vn autre māger, à sçauoir à luy vray Dieu, le pain descendu du ciel pour donner la vie au monde.

Ce manger, c'est croire en luy, & venir à luy, pour n'auoir iamais faim ny soif. C'est cōme nostre Seigneur mōstroit qu'il est vray Dieu, qu'en luy est la vie, qu'on ne l'a iamais eue, & qu'on ne la peut auoir que par luy. A la Cene nous māgeons & beuuons le pain & le vin de la bouche & du gosier, & l'aualons en l'estomac; mais en l'ame nous māgeōs Iesus Christ, quand nous croyōs en luy, & en sommes realement & totalēmēt repeus. Le pain, le vin, le manger & le boire, nous en sont le gage & le sacrement (comme a esté dit) & par là le S. Esprit nous en assure, comme par parole visible, nous y fortifie, & y enflamme de plus en plus nostre foy, & tous nos esprits.

De Sponde adiousté apres, *que Calvin fait grand cas de receuoir, mais qu'en fin il delaisse toute ceste realité & actiue manducation à la bouche de la foy; & si crie contre Zuingle, de n'imaginer en ce mystere rien que la foy.* Je te respon, que Calvin ne crie point contre Zuingle. Il y a plus de 40. ans que les Ministres de Suisse & luy, & les Ministres de Geneue sont d'accord en cela, & bien vnīs, & souzcriuent en mesme croyance touchant cecy. Mais ceste realité & ceste manducation actiue, à quoy les laisserons-nous, qu'à la vertu du S. Esprit pour les faire? Ceste manducation se peut-elle mieux

Can. crede-  
re, de con-  
secr. dist. 2.

Can. vt qui  
paras dētes  
dist. 2.

Can. cred.  
dist. 2.

Canon qui  
manducat.  
de consec.  
dist. 2.

Canon qui  
manducat.  
dist. 2.

faire, que par la bouche de la foy? en y a-il de plus a<sup>c</sup>tive, reale & vraye? Homme profane! que scais-tu que c'est de la foy, & si en veux parler? La foy est vn don de Dieu, cognu seulement de ceux qui l'ont. C'est autre chose de la foy, qu'une imagination. La foy se fonde sur la parole de Dieu; il n'y a rié si certain. La foy se fonde sur les promesses de la bonne volonté de Dieu, qui consiste en l'Ecriture sainte. La foy s'assure de cela, s'y tient ferme, n'y varie point: Dieu la donne; s'il y a de la foiblesse, Dieu la fortifie. La foy est vne ferme subsistance des choses qui ne se voyent point. Le S. Esprit forme la foy, & la fortifie en nos cœurs. Les effects de la foy sont grâds selon la verité de Dieu, selon sa puissance, quand la foy ne croit, ne cherche, ny ne veut que ce que Dieu veut & promet. Il n'y a là merueille que Dieu ne face, ny bien qu'il promette, qu'il ne nous donne. La foy approche Dieu de nous, le nous fait present. Dieu veut que nous soyons chair de la chair, & os des os de Iesus Christ: cela ne sera-il pas? Que si l'ordonnance de Dieu fait que le mary & la femme sont vne chair, quoy que distans de lieu; la volô<sup>t</sup>é de Dieu, son ordonnâce, la vertu de son Esprit, ne pourront pas faire qu'aussi nous soyons chair de la chair de nostre Seigneur, os de ses os, ses membres, & conioints à luy inseparablement, combien qu'il soit au ciel, & nous icy en terre? le S. Esprit nous vnist à luy; le lien, c'est la foy. Le saint Esprit par

foy nous fait de sa communiõ bien-heureuse, nous ente en luy, encore qu'il soit au ciel & nous icy, & fait que nous luy touchõs d'aussi pres que les membres au chef, que nous vi- uons en luy, & luy en nous par ce mesme Es- prit, qui vit en luy & en nous: & ainsi sommes chair de sa chair, & os de s'es os, encore qu'il soit au plus haut des cieux, & nous icy. Or le pain & le vin que nous prenons, mangeons, & beuons à la Cene, & qui sont reduits en no- stre substance, nous testifient, que nous por- tons en nostre chair tesmoignage, que nous sommes chair de la chair de nostre Seigneur, & que nous auons la vie en luy. C'est comme luy vray Dieu & vray homme nous est viade & breuuage. C'est comme nous le mangeons realement & entierement; mais tout cela en nos ames, & spirituellement, cõme dit le Ca- non prins de S. Augustin, comme a esté dit cy dessus. *Prima quidem heresis, de consecra. dis- tinct. 2.* disant, Ce ne sera pas ce corps lequel vous voyez, que vous mangerez, & ne boirez pas le sang que respãdront ceux qui me cru- cifieront; c'est vn sacrement. Et apres, quand vous verrez son corps môté au ciel, comme il dit Iean 6. Vous direz qu'il ne donne pas son corps à manger, comme vous penlez. Car nous ne le mangeons qu'en l'ame & spirituel- lement. La foy donques n'est point vne telle quelle imagination ou simple apprehension (cõme dit de Spõde) ains elle nous fait si pro- ches de Iesus Christ, qu'il n'est pas possible

de plus ; voire iusqu'à estre vn en luy , entez en luy, viure en luy, & luy en nous. Quel autre moyen y a-il de viure en Dieu, d'auoir la vie, & qui plus est, de l'auoir pour iamais ne mourir? C'est cōme la foy apprehēde par vne ferme resolution Iesus Christ, la iustice, le salut, la paix, & la vie en luy, & qu'il nous resuscitera au dernier iour. La foy l'apprehēde en la predication, & en la participatiō au sainct sacrement: car en l'vn commē en l'autre, nostre Seigneur se communique vrayement à nous.

Après de Sponde parle à Calvin, & luy dit, *Je confesse que tu as fait un effort d'esprit à nager dans ceste matiere, mais tu t'es noyé quand tu de-  
uous prendre terre.* Le luy respon, qu'il ne peut rien oster à Calvin de ce qui luy est deu, qu'il est sorti heureusement de ceste matiere; là où vous tombez en diuers précipices d'absurdez, d'idolatries, de contrarietez, de blasphemmes, & de questions, dont ne pouuez vous resoudre. Vous-vous estes mis trop auant en matiere, quand vous auez voulu faire d'une chose morte, cōme est vostre oublie, le Dieu viuant; & de l'œuure de vos mains, le Dieu eternal, qui a créé le ciel & la terre. Vous-vous estes perdus dans les gouffres, & contraires courans de vostre Transsubstantiation. Vous ne pouuez prendre terre. Vous-vous noyez, tesmoin que vous ne sçauiez plus que vous faites. Si nous vous tendons la main pour vous sauuer, si vous pouuez nous empoigner de toute vostre force, vous faites effort de

nous tirer à vous , pour nous perdre comme vous. Ainsi font ceux qui se noyent.

*Caluin*, dit de Sponde, *se contredit*. En quoy? *en ce qu'il dit* ( ainsique dit de Sponde ) *que la foy nous esleue en haut , & tantost que la chair de Iesus Christ descend en nous pour nous nourrir*. Que reprens-tu en cela? Ce n'est pas le dernier. Trouues-tu mauuais le premier? c'est la parole de Dieu. Où nous esleuera d'oc la foy qu'au ciel , où est Iesus Christ nostre Seigneur? veux-tu qu'elle nous arreste à la terre, sur vn autel , sur la teste d'vn prestre , dans vn ciboire? Nous te disons, que nostre Seigneur a esté veu monter au ciel , que les Anges ont dit que c'est là sa demeure . Sainct Pierre l'a dit avec eux , que S. Paul & sainct Estienne l'y ont veu, & que nous le croyons là selon les articles de nostre foy. C'est la doctrine de l'Eglise Romaine meismes. C'est leur Canon, *Prima quidem heresis, de consecr. distinct. 2.* Le Seigneur est là haut iusques à la fin du monde. Mais neâtmoins la verité du Seigneur demeure icy avec nous : car il faut que le corps auquel il est ressuscité, soit en vn certain lieu, & sa verité est diffuse par tout. Mais où a Caluin dit , que sa chair descend en terre pour nous nourrir? Si Caluin a dit, que nous viuõs de la vie & substance de la chair glorieuse de nostre Seigneur, comme les membres de celle du chef, comme le serment de celle du sep, l'ente de celle de la souche ; cest tout, & cela est vray , puis que nous sommes entez en luy,



qu'il est le sep, nous les sermens; le chef, nous les membres, chair de sa chair, & os de ses os. Mais que pour cela nostre Seigneur descende icy, & y apporte ou face descendre sa chair, il n'est pas de besoin, non plus qu'il n'est besoin que le chef descende au pié pour le viuifier; ou que le soleil descende en terre pour l'eschauffer, ainsi qu'a esté dit cy dessus. Le S. Esprit fait cela proprement, quand habitant en nostre Seigneur, il habite quant & quât en nous en terre, & nous viuifie icy de la mesme vie dont nostre Seigneur vit au ciel; en qui n'y a substance, qui ne soit gloire & vie. Le saint Esprit nous fait conformes à luy, nous sanctifie, regenere, & renouuelle, qui est naistre derechef: nous ne pouuons autrement voir le Royaume de Dieu. Car comme par nature nous sommes chair de la chair, & os des os d'Adam, & en tirons ceste vie naturelle en corruptiō, en peché, & en mort: aussi par le S. Esprit nous sommes faits chair de la chair, & os des os de ce second Adam Iesus Christ nostre Seigneur; à fin de tirer de luy supernaturrellement & par grace, ceste vie supernaturrelle, qui est en sainteté, iustice & integrité: & viure en luy, & avec luy, & de la vie dont il vit, comme les membres avec le chef, & à fin qu'il viue en nous comme le chef avec les membres, & qu'il nous viuifie: ce qu'il fait, quand il nous regenere par son Esprit, qui nous incorpore en luy, & nous fait creatures ou nature nouuelle, ostant le mal & y met-

tant le bien. C'est comme ceste substance vigoureuse, & ceste vie de la chair glorieuse de nostre Seigneur, vient en nous par le saint Esprit, en nous incorporant en luy, ainsi qu'à esté dit.

Cela ne contredit pas à ce que nous disons, que la foy regarde en haut, à Iesus Christ, ains y conuient: car ainsi nous cherchons les choses qui sont d'enhaut, & par foy aspirons à la vie celeste, où nostre Seigneur nous appelle & nous meine. Et ceste participation que nous auons icy avec nostre Seigneur, c'est pour nous y mener. Calvin ne se contredit point dōc, ny ne combat pas comme les Andabates; De Sponde luy impose cela faussement: Calvin mene au ciel à Iesus Christ, qui est la vie. Son pillotage (que dit de Sponde) est donc bon, & le vostre est pauvre & malheureux: car il fait adorer vne idole morte, vostre hostie, que vous appelez hostie salutaire, portiere du ciel, & dites (ò gens insenséz!) que les cieux & la terre sont pleins de la gloire de sa Maiesté; & dites que cela, qui ne se sçauroit defendre contre vne souris, est le Dieu des armées, & l'adorez. Quant à la similitude de Calvin qu'il prend du soleil, & laquelle tu reprouues; ie confesse, qu'il n'y a similitude qui ne cloche de quelque pied, non pas mesme celles dont nostre Seigneur a vsé, mais il ne les faut prendre, qu'en ce pourquoy on les amene. Nous auons dit cy dessus, comme nous en vsions; à sçauoir,

que si le soleil, sans descendre du ciel, peut par ses rayons agir icy bas pour vegeter & nourrir; nostre Seigneur par son Esprit en peut bien faire autant en nous, pour la regeneration, & pour ce qui concerne la vie eternelle. Les rayons du soleil pourrôt-ils plus, pour ce qui est de la vegetation de ce monde, que son Esprit, pource qui est de la vie eternelle? Le soleil pourra-il eschauffer & nourrir de la substance de la terre, ce qui vit & vegete en terre; & nostre Seigneur par son Esprit ne nous pourra pas regenerer & viuifier de sa propre substance glorieuse, veu que nous sommes conioincts à luy?

Il demande apres cela à Calvin, *Comment il s'imagine que le saint Esprit luy enuoye icy la substance d'un corps; & qu'on void les rayons du soleil: mais Calvin ne veut pas qu'on voye la substance du corps de nostre Seigneur.* Et vous? voulez-vous qu'on voye ceste substance en l'hostie, où vous faites le corps de nostre Seigneur mesme inuisible? Mais ie respon, qu'il a esté dit, comment le S. Esprit nous enuoye la substance du corps de nostre Seigneur; à sçauoir, que nous ayant vni à luy, il nous viuifie en luy, & de sa propre substance: tu l'a veux voir; tu ne peux voir en toy comment le chef nourrist de sa vie les membres, qui est chose corporelle: ny comment la souche viuifie l'entree, ou le sep le serment: comment verrois-tu donc comme le saint Esprit nous viuifie de la grace de nostre Seigneur? Cela se sent,

Comment nous sommes viuifiez de la substance de nostre Seigneur.

mais nul ne le cognoist que celuy à qui Dieu la donné. Tu ne vois pas comment le soleil viuifie la terre, mais tu le sens. *Caluin* (dit-il) *n'est que sur la matiere de l'esprit.* Cela est faux: il n'exclud pas le corps, quand il dit, que par le saint Esprit nous sommes faits participans de la vie, gloire & grace, du corps & du sang de nostre Seigneur, & de luy tout entier, qui est vray Dieu & vray homme: Mais cela par le saint Esprit, & en croyant (non pas en le mangeât de la bouche & entre les dents) ains en le mangeant en l'ame, & spirituellement. *Nous faisons*, dit-il, *d'un corps un esprit.* Cela est faux. Nous disons, que le corps de nostre Seigneur, est vray corps: mais que la grace d'iceluy, & ceste substance du corps glorieux de nostre Seigneur, nous est inuisible, spirituelle, celeste, glorieuse, & toutesfois elle se fait bien sentir à l'ame du fidele.

Il dit, que *Caluin a confessé qu'il ne comprenoit ce mystere.* Je respon, qu'il a dit apres saint Paul, que c'est vn grand secret, à sçauoir, touchant Iesus Christ & son Eglise. Nous ne comprenons pas ce mystere par les sens externes, ains en nostre esprit, & iceluy inspiré par le saint Esprit; & encore ne pouuons atteindre à tout selon nostre souhait. Dieu nous en donne autant qu'il luy plaist, ou selon nostre portee.

*Le mot de Transsubstantiation te fâche* (dit-il à *Caluin*) *comme contraire à l'Escripture, & destitué du consentement de l'Eglise ancienne.* Je res-

pon,  
saint  
qu'il  
men  
de p  
ceat  
rer.  
fica  
tut  
ste  
sub  
ou  
Sac  
tio  
tre  
cie  
ny  
m  
q  
q  
ti  
f

pon, que puis qu'il est contraire à l'Eſcriture ſaincte, & que les Anciens n'en ont vſé, & veu qu'il eſt monſtrueux & horrible, & notamment en ceſte matiere, à ſçauoir d'un morceau de pain en faire Dieu, & faire Dieu vn morceau de pain, nous le deuons plus qu'abhorrer. Le ſainct Eſprit n'en a iamais vſé; ſa ſignification ne ſe trouue aucunement en l'Eſcriture ſaincte. Le verbe Latin, *eſt*, ſignifie en noſtre langue, eſt; mais il ne ſignifie pas tranſſubſtantié en ces mots, *Cecy eſt mon corps*, où eſt queſtion de ſacrement: Car en faiet de Sacremens, il n'y a point de tranſſubſtantiation, ains le ſigne demeure en ſa nature, autrement ce ne ſeroit pas ſacrement. Les Anciens Docteurs n'ont iamais recognu ce mot, ny n'en ont vſé; ny recognu aucun changement en la ſubſtance des ſignes du Sacrement, quant à leur matiere & nature. Les Scholaſtiques meſme n'ont approuué la Tranſſubſtantiation, ains l'ont reproüuee, ſelon l'Eſcriture ſaincte & la raiſon, & ne l'ont receüe que pour ce que l'Egliſe Romaine la receuoit, à laquelle n'oſoyent contredire. Il dit, *que ce mot exprime la doctrine ancienne en l'intelligence du Sacrement*: Nous auons monſtré le contraire cy deſſus.

Il a vn argument inuincible, au moins il le Page 198.  
penſe. *C'eſt, tant de Prelats ſi bien arrangez dans ce Concile de Latran, qui l'ont ainſi reſolu, là où eſtoit ce Pape Innocēt troiſieſme, docteur & fort homme de bien, dit de Sponde, les deux Patriarches*

de Constantinople & de Ierusalem, soixante dix  
Metropolitains, quatre cens Euesques, douze Ab-  
bez, huit cens Prieurs de conuent, les Legats de  
l'empire de Rome & de Grece, les Orateurs des  
Rois de Ierusalem, de France, d'Espagne, d'An-  
gleterre remplissoient ce grand Abrege de Chre-  
stiente. Et toy, dit-il à Calvin, qui n'estois qu'un  
homme, ne deuois-tu pas trembler, de voir là presi-  
der ce Pape tant docte, & homme de bien avec;  
quand tu voyois que ce grand Concile l'auoit ainsi  
resolu? Je respon, que s'il pense que pour estre  
là si bien arrangez, ils n'ayent peu mentir,  
qu'il n'est gueres sage. Constitue-il la verité  
en ce qu'ils estoient si bien assis, chacun en  
son lieu, ou au grand nombre? Ceux-cy ont  
establi vne faulxe doctrine, nous le mōstrons,  
ils ont erré: les croirons-nous? Ceste doctri-  
ne de la Trāssubstantiation n'estoit pas en l'E-  
glise auparauant. Cest Innocent l'a mit pour  
vn treizieme article de foy: & elle est contre  
la parole de Dieu, contre le symbole des A-  
postres, & contre la nature des Sacremens.  
Tous ceux-là feront-ils bien, qu'une hostie  
soit Dieu? & quand ils l'auroient decreté  
cent mille fois, en sera-il rien? Calvin est-il  
seul en son opinion? Auant qu'il escriuist con-  
tre la Transsubstantiation, n'y en auoit-il pas  
plus grand nombre & plus doctes, & de mes-  
me qualité que ceux de ce Concile? Calvin  
n'a parlé qu'apres ceux qui ont les premiers  
rompu la glace, & de Sponde ne se prend qu'à  
Calvin: Et auparauant le Concile, tous les

Docteurs anciens ont reprouué la Transsubstantiation ; nous l'auons fait voir. L'Esprit de Dieu n'est-il qu'au Concile ? faut-il attacher la vertu de Dieu à ces idoles ? *Ils estoient assemblez*, dit-il, *pour estrangler l'heresie*. Il ne sçait qu'il dit : c'estoit pour la guerre contre les Sarrafins ; & là ils establirent l'idolatrie de la Messe, non ouye auparauât. Tout cela a erré & fieschi le genouil à Baal ; & non tout le reste de la Chrestienté. Je demande si de Sponde n'est pas vn ignorant avec Belarmin, ou s'il ne l'a donne pas belle, de dire qu'Innocēt III. estoit fort homme de bien. Il excommunia pour son plaisir trois Empereurs, Philippe, Othon, & Frederic, print la Poüille sur le dernier : & pour faire cela plus facilement, le contraignit d'aller à la guerre contre les Sarrafins : & escriuit au Souldan, de ne rendre pas à Frederic ce qu'il auoit prins sur les Chrestiens, comme il auoit promis & conuenue avec ledict Frederic. Il mit par trois fois l'Allemagne au feu, au sang, & à la faim : & ne fit cela que de meschanceté & rage. Il broüilla l'Italie, la France, & se fit payer au Roy d'Angleterre mille marcs d'argent par an. Et, dit de Sponde, c'estoit vn fort homme de bien. Ne se moque-il pas tout ouuertement ? & aussi de prendre la probité de ce broüillon, pour preuue que la Transsubstantiation doit estre receuë pour article de foy, veu qu'elle est venue de si bon lieu.

Il dit apres, *que si l'Eglise a ignoré le mot de*



Cyprien de  
cœna Do-  
mini.

*Transsubstantiation, elle n'a pas ignoré le mot de transmutation, transelementation, transformation & conuersion.* En fin de Sponde ne contredit pas, que l'Eglise n'ait ignoré ce mot de Transsubstantiation. Le passage de saint Cyprien qu'il allegue, ne fait rien à propos: car il dit que le pain demeure pain en sa forme, c'est à dire vray pain, mais qu'il change en sa nature; ce qui est vray à prendre sa nature pour propriété & usage: Car sa nature, c'est de nourrir le corps, sa substance est pour cela; mais à la Cene il a vne autre nature, car lors on en use comme de Sacrement pour la nourriture de l'ame, & pour la vie à venir, non pour ceste-cy, ne pour la nourriture du corps. Et là saint Cyprien ne parle ne de transmutation ou conuersion, & ne dit pas que la chair de nostre Seigneur y vienne; mais la diuine grace. Et auparauant, là mesme, il appelle le pain que print Iudas, le pain sanctifié. Là mesme il deteste de manger la chair de Christ, comme vous dites; & dit qu'à la manger ainsi, elle ne scauroit suffire à tout le gère humain. Et là mesme, où il dit q̄ nostre Seigneur a dit, *Cecy est mon corps*, il adioust; *Or auoyent-ils mangé du mesme pain selon la forme visible*; mais auant ces paroles, ceste viande seruoit seulement pour nourrir le corps, & substentoit la foiblesse de la vie corporelle: mais tout aussy tost que nostre Seigneur eut dit, *Faites cecy en memoire de moy*, ce pain substantiel fut consacré pour la vie & salut de tout hōme, quand

(dit-il)

(dit-il) ceste parole est receuë par foy. Là il ne parle que de consecration, qu'il explique dedier d'un vsage commun à un vsage sacré. Ce qu'il dit, que le pain est changé en chair & en sang, il ne l'entend pas de la chair de nostre Seigneur; mais que le pain que nous mangeons, se change en nous, en nostre chair, & en nostre sang. Et S. Cyprien ne dit pas que le vin soit changé, transelementé, & transformé en sang, mais que par le vin le sang est démontré. Il dit, que le pain y est tousiours pain apres la consecration. Item, que nostre Seigneur a donné du pain & du vin à ses disciples, & son corps à la croix. Item, que les choses qui signifiēt, sont nommées du nom de celles qui sont signifiees. Ainsi le pain est nommé le corps de Christ. Il veut prendre le mot de nature, pour substance en S. Cyprien, & pour dire que le pain change sa substance & n'est plus pain; mais S. Cyprien dit le contraire, comme nous auōs veu, & desia par plusieurs fois. De Spōde nous veut forcer & S. Cyprien aussi, à le prédre ainsi, par un passage de Basile le grād, qui dit qu'ēs sacrez documēs, le mot de nature signifie substāce. Je respon, que Belarmin se mesprend: car le lieu n'est pas où il l'allegue, mais en vne epistre de Basile escrite à Gregoire de Nissene son frere: & là Basile n'entend parler qu'en ce qui est de la sainte Trinité, dont il parle là, & pour prendre le Pere, le Fils, & le S. Esprit pour un seul Dieu, qu'il appelle la nature Diuine, & vne substan-

Liu. 2. ep. 3  
Liu. 4. ep. 6

Page 199.

ce, en ces trois personnes ; Basile escrit cela à son frere, & l'enseigne cōme il doit croire, & parler d'un si grand mystere, que celuy de la sainte Trinité : où il prend & dit, qu'il faut prendre Nature & Substance pour vne mesme chose. Il ne parle point là de la Cene. Pourquoy sortent de Sponde & Belarmin de son propos : car Basile n'a dit cela qu'au mystere de la sainte Trinité, & ils le rapportent à la Cene.

Il amene aussi S. Ambroise : mais il n'alle-  
gue rien de luy. Il nous veut faire peur du  
nom de S. Ambroise, lequel luy est contraire:  
Car voicy comme il parle sur la 1. Corinth.  
chap. 11. *Pour figurer*, dit-il, *le sang*, nous prenons  
le Calice, qui signifie le sang. Item, C'a esté la  
vraye chair de Christ, laquelle a esté crucifiée  
& enseuclie. Et pourtant cecy est vn sacre-  
ment, ou vn signe de ceste vraye chair. Ce  
sont les mots d'Ambroise. Y a-il rien là qui  
nous esmeue, pour nous diuertir de nostre  
opinion; mais qui ne nous y confirme? Qu'a-  
il amené pour nous faire trembler, mais dont  
plustost il ne doyue auoir honté? Veu que S.  
Ambroise escrit formellement contre l'opi-  
nion de l'Eglise Romaine, quand il dit, que le  
Calice signifie le sang, & que la vraye chair a  
esté crucifiée. Item, que la Cene est vn sacre-  
ment, ou signe de ceste vraye chair. Vous ab-  
horrez ce mot de signe. Sainct Ambroise en  
a vsé.

Sur la 1.  
Cor. cha.  
11.

Il pense nous renuerser par l'autorité de

Chrysofotome homel. 83. sur S. Matthieu, où il trouue le mot de transmuer: mais ceste transmutation n'est pas que d'usage en usage, d'un usage commun à un sacré. Car comme la nature & propriété du pain, est à nourrir le corps, à la Cene c'est pour la nourriture de l'ame. C'est de vray vne transmutation ou d'usage, ou de nature, mais non de substance. En la mesme homelie on peut voir que Chrysofotome l'a ainsi entendu: car il dit, *que le pain, qui a esté sanctifié, combien qu'il ne soit plus appelé de ce nom de pain, demeure tousiours neantmoins en sa nature de pain.* Quelle transmutation, transsubstantiation & transelementation trouue là de Sponde? Qui ne void que contre sa conscience il resiste à la verité? Mais le mesme auteur sur l'Epist. aux Corinth. homel. 24. Si Christ n'est pas mort, dequoy sera signe & figure ce Sacrement? Il ne parle pas là de transsubstantiation, ny de transmutation de l'essence du pain & du vin; ains dit que le pain demeure pain.

Nostre aduersaire ne veut pas qu'on luy responde, *que ceste transmutation ou conuersion se doit entendre de l'usage excellent, auquel ce pain est destiné, qui est pour signifier le corps de nostre Seigneur, ou pour en estre l'arre ou le symbole.* Car ce changement, dit-il, n'est proprement qu'une alteration de qualité. le respon, qu'il se trompe, & qu'au pain la qualité est d'estre ou blanc, ou noir, ou bon ou mauuais, comme nous disons, & qu'en cela le pain ne change

pas à la Cene : mais en son vſage qui eſt de nourrir, que S. Cyprien a appellé nature. Vn Paſteur qui vient à eſtre Roy, comme Dauid, change bien de qualité, d'vſage, de perſonne, & aucunement de nature, comme d'office; mais non pas de ſubſtance. Le pain ne change non plus de ſubſtance, mais d'vſage ou de propriété à la Cene : Car c'eſt pour la nourriture de l'ame, & teſmoignage de ſalut, qu'il eſt là donné & receu, & non pour nourrir en ceſte vie. Mais pourquoy ſe donnent tant de peine Belarmin & de Sponde ſur cecy ; veu qu'ils voyent bien, que S. Cyprien & Chryſoſtome cōfeſſent, que le pain demeure pain, & ne change pas ſa ſubſtance? De Sponde ſ'abuse, & falſifie Chryſoſtome, de dire qu'il prend en l'Euchariftie la tranſmutation en l'eſſence du pain & du vin, & non en l'vſage.

Chryſoſto.  
homel. 83.

Mais pourquoy a-il allegué cela, veu qu'il ne s'y fie pas ? Car il le quitte : ce n'eſt qu'un brouillon. Il a encore ſon recours aux vieux docteurs, & nous feroit peur ſi nous ne voyōs qu'il leur impoſe & les falſifie : *Ils vſent, dit-il, de termes plus forts & plus exprez, quand ils appellent ceſte conuerſion changement, d'un element en un autre: ou bien, cōme quand d'une creature il ſe fait une autre creature.* Dy-nous donc qui ſont ces Docteurs, qui ont dit que cela ſe fait au pain de la Cene ? Vous dites, que le pain eſt tranſſubſtantié au corps de Ieſus Chriſt : Vous ne voulez pas auoir le corps ſans le ſang, ny ſans l'ame, ny l'humanité ſans

Page 200.

la Deité: vous ne pourriez pas aussi; ce ne seroit pas Iesus Christ, s'il n'estoit Dieu & homme en vne personne. Et vous le ferez donc de pain, & ce sera cōme tu dis, transelemētation, & changement d'un element en l'autre element? Comment? Dieu sera un element, & Dieu se transelemētera? ou le pain sera transelemēté en Dieu? Le vous prie, peut-il y auoir absurditez plus grande, que de dire, que du pain qui est vne creature, sera fait Iesus Christ? de la creature, Dieu le createur sera fait? faites-vous ainsi Dieu? Les Payens auroient honte de vostre idolatrie.

Il se rue encore contre Calvin, & dit qu'il allegue tres-faux (mais c'est luy, qui impose à Calvin) d'auoir dit que la cause de la transsubstantiation vient de ce qu'on a pensé que la consecratiō fust vne incantation magique. Calvin n'a pas dit cela: mais a dit, qu'on a pensé que la consecration fut comme un enchantement magique. Quand il dit, comme, il ne dit pas que ce soit la chose mesme. Et de fait Calvin n'a pas voulu dire, qu'ils ayent estimé que la consecration soit un enchantement, mais qu'on fait la consecratiō en l'Eglise Romaine, en barbotāt tout bas sur le pain, comme si c'estoit quelque enchantement. Et de fait, que sert ceste susurratiō que fait le Prestre, quand il souffle sur le pain tout bas ces quatre ou cinq paroles, *Hoc est enim corpus meum*? Pourquoi cachent-ils au peuple ce qu'ils disent au pain? Le pain a-il des oreilles,

ou ces paroles s'adressēt-elles au pain ou aux fideles, qui participent au sacremēt? Ne leur semble-il pas, qu'en disant cela tout bas au pain, ou sur le pain, il n'est plus pain? Et pensent-ils que ces paroles iettees par la force du soufflé, changent le pain d'une substance en l'autre? C'est comme on fait vn enchantement, ou cōiuration d'art magique. Les Magiciens vsent de paroles, à la prolation basse desquelles, ils donnent la vertu de faire, desfaisre, lier, deslier, changer, oster, tourner & retourner. Ces marmottes bas entre les dents, ou du gosier, c'est comme de celuy qui enchāte l'alpic. Cela ne se peut excuser en l'Eglise, où faut parler haut & clair comme vne trompette, & que tous l'entēdent: Quand en nos Eglises on commence de celebrer la Cene, le Ministre prenant & donnant le pain parle si hautement, que toute l'Eglise l'oit, disant; Le pain que nous rompons est la communion au corps de Christ: & apres de la Coupe, La coupe d'action de graces que nous bénissons, est la communion au sang de Christ. C'est nostre consecration: ainsi dedions-nous le pain & le vin à vn vsage sainct & saeré; & non comme vous faites, où vous cachez ce que vous dites, comme si autremēt il ne pouuoit auoir vertu. Calvin n'a dōc que bien & proprement parlé, de dire que vous en faites comme d'un enchantement. Cependant, dit de Sponde, c'est vn torrent d'iniures, & appelle Dieu, qu'il vienne à la defense de son Eglise.



se, comme si Calvin, pour auoir dit cela, la desfaisoit.

*Toute l'antiquité a inuoké le S. Esprit, dit-il, pour parfaire ce sacrifice plein d'honneur & de reuerence.* Nous auons veu quel sacrifice est vostre Messe, le plus impie qui fut iamais, desrogeant entierement à la mort de nostre Seigneur. L'antiquité ne la point fait; ce sont les Pontifes de Rome. Le S. Esprit n'a point basti cela, contre le merite de la mort de nostre Seigneur, & contre la parole de Dieu. Chrysostome a bien dit, que la Cene est vn mystere digne d'honneur & reuerence: mais il n'a pas dit cela de vostre Messe, qu'il n'a iamais veu ny cognue, & de laquelle il n'a ouy parler; elle n'estoit de son temps. Nous-nous accordons avec Chrysostome, avec S. Augustin & avec S. Ambroise, qu'en la Cene le S. Esprit opere inuisiblement en ceste sanctification, à sçauoir en nos cœurs, pour sceller en nous par le moyen du Sacrement, nostre communion avec Iesus Christ nostre Seigneur: non en changeant le pain d'une substance en l'autre, c'est de pain en chair; mais en le nous faisant prédre pour seau de nostre communion avec Iesus Christ, & pour seau de la iustice de la foy. Et pourtāt nostre Seigneur a changé le nom de pain, non que le pain change de substance de pain en chair, mais plustost nous en la chair de Christ, qui pour cest effect se communique, & se donne entierement à nous par son Esprit, & par iceluy est receu & ac-

cepté de nous, à fin qu'il soit en nous, & nous en luy; que nous soyons ses membres, luy nostre chef, & que tout ce qu'il a soit nostre. Et nous accordons avec Gregoire Nissene, qu'au sacrement par la vertu de la parole de Dieu entendue, creuë, & meditée, se fait ceste consecration, & que le pain est fait la chair de Christ, non par changement de substance; (Nissene ne dit pas cela) mais le pain change de nom: car il change d'usage, & est nommé le corps de Christ, comme en estant le signe avec lequel le corps de Christ nous est donné, & luy-mesme entierement, & nous en sommes vrayement faits participans, estans faits chair de sa chair. Tes anathemes ne nous font point de peur, ô de Sponde, ny ceux du Pape non plus.

Page 201.

Irenee liu.  
4. chap. 34.

De Sponde vouloit parler du sacrifice de la Messe, & il s'estoit arresté encore à la transubstantiation: mais le voicy sur le sacrifice de sa Messe. *Que direz-vous*, dit-il, à Ireneë, *quand il dit; L'oblation de l'Eglise que nostre Seigneur nous a enseigné d'offrir par tout le monde, a esté reputée sacrifice pur envers Dieu, & luy est agreable, non pas qu'il ait besoin d'un sacrifice de nous, mais pour ce que celui qui offre, est glorifié en ce qu'il offre, si son offrande est bien receüe. Que sert cela à de Sponde ny à Belarmin? debattions-nous du sacrifice, dont parle Ireneë? De quel sacrifice parlez-vous que de la Messe, & de sacrifier encore Iesus Christ à Dieu, & d'a- uoir icy des autels pour cela? Ireneë ne dit*

mot de cela. Il dit que l'autel est au ciel, là le temple Dieu ouuert, que nous presentons sacrifice d'action de graces, de prieres, de charité, & ne venons pas vuides deuant Dieu; & vse là d'un mot (dont l'Apostre auoit nommé le don des Philippiens) qu'il a nommé oblation. S. Paul appelle ainsi ceste liberalité, dont les Philippiens luy auoyent subuenu. C'est de cela dont parle Irenee, en ce lieu que de Sponde allegue, que nous offrons à Dieu: non qu'il en ait besoin, mais que nous en auons besoin, & que celuy qui offre en reçoit honneur, comme celuy qui offre à vn Roy; & dit que c'est donner à vlture à Dieu; c'est qu'il le rend bien. Il parle donc de l'oblation faite à nostre Seigneur en donnant aux pauures, & vous rapportez cela à sacrifier Iesus Christ à Dieu pour la remission des pechez. Y faut-il encore retourner? Cela n'est-il pas fait? vos prestres scauroyent-ils mieux faire? & comme a esté dit, en sont-ils plus dignes que nostre Seigneur? Qui estes-vous? vous ancantifiez le merite du sacrifice de la mort de nostre Seigneur, pour establir vostre bagatelle de Messe.

Il trouue encore qu'Irenee dit vn peu apres, *Comment, disent-ils, que la chair denient à corruption, puis qu'elle est nourrie du corps & du sang de nostre Seigneur? ou qu'ils changent donc d'aduis, ou qu'ils desistent d'offrir, ce que nous auons dit.* Mais qu'a Irenee entendu d'offrir, que sacrifice d'action de graces, prieres, participer aux

Matth. 25.  
35.

Sacremēs, loüanges, & ne cōparoir vuide de-  
uāt Dieu: mais luy apporter le pſent & le don,  
en donnāt aux p̄auures, aux malades, aux pri-  
sonniers, & autres neceſſiteux? Irenee s'expli-  
que aſſez, & allegue le 25. de S. Mat. à ce pro-  
pos. Au reſte, noſtre Seigneur a prins toute la  
nature humaine, & la parole a eſté faite chair:  
toute noſtre perſonne eſt dōc nourrie de luy;  
noſtre chair de ſa chair, & elle nous eſt viāde,  
& elle nous reſuſcitera au dernier iour: car el-  
le n'eſt point ſeparee de la Deité, qui agit en  
icelle, noſtre Seigneur vray Dieu & vray hō-  
me en ſa chair iugera les viuans & les morts:  
& puis quē nous ſommes ſes membres, nous  
reſſuſciterons en gloire avec luy, cōme chair  
de ſa chair, & os de ſes os, dequoy la Cene  
nous eſt ſeau Sacrement & gage. C'eſt ce que  
dit Irenee contre ceux qui nioient la reſurre-  
ction, & non pour approuuer la tranſſubſtan-  
tiation, (car il l'a reprouue, comme a eſté dit)  
mais pour mōſtrer que noſtre Seigneur nous  
eſt viande & vie, non ſeulement pour l'ame,  
mais pour toute la perſonne. C'eſt comme  
l'ame en eſt raffaſiee, la chair engraiſſee (a dit  
vn ancien) voire en reſuſcitera, & en ſera glo-  
rifiée, & viura pour ne mourir iamais. Or les  
Anciens ont appellé la Cene ſacrifice, par ce  
qu'elle a ſuccedé aux ſacrifices de la Loy, les  
a oſtez, eſt en leur place, & auſſi par ce que  
nous-nous y ôffrons en ſacrifice à Dieu, luy  
offrons ſacrifice de loüange, y celebrons la  
memoire du ſacrifice de la mort de noſtre

Seigneur: & pourtant elle est memorial de ce sacrifice; & à cause de cela, & de ce qui a esté dit, S. Augustin & quelques autres Docteurs l'ont appelée sacrifice.

Quant à saint Cyprien, qu'y a-il en ce qu'il l'allegue pour la Messe? Car il tient nostre Seigneur pour seul Sacrificateur. Il parle de pain & de vin. Cela est-il donc le sacrifice? Nostre Seigneur a fait vn sacrifice; est-ce de pain & de vin, ou de soy-mesme? saint Cyprien dit, que nostre Seigneur offrit pain & vin, c'est à dire son corps & son sang; il s'explique ainsi, & où a-il offert qu'en la croix? En la Cene il l'auoit signifié par le pain & par le vin, & n'offert, ains auoit signifié qu'il s'offriroit en la croix: & en la Cene a institué vn sacremēt pour participer à ce sacrifice de son corps & de son sang; & pource a commandé de manger & de boire le pain & le vin, arres du corps & du sang du Seigneur: mais non de sacrifier à Dieu, ny pain ne vin, ny nostre Seigneur mesme: mais en ceste mesme Epistre S. Cyprien fait Noé aussi sacrificateur, & figure de Iesus Christ, en ce qu'il s'enyura, lors qu'il monstra ses parties honteuses. Il faut lire les anciens Docteurs avec iugement & discretion; & vous les croyez comme texte d'Euangile, & mieux. Nous auons montré que Melchisedec ne fit point de sacrifice de pain & de vin, en ce pain & vin qu'il fit apporter aux gens d'Abraham, & l'auons montré par S. Augustin quest. 109. sur le vieil Testament.

Cyp. 2. e-  
pist. 3.

par saint Ambroise liure 4. des Sacrements, chapitre 3. & sur le 7. des Hebreux, & par Iosephe & autres.

Page 201.

C'est que le Canon porte (dit de Sponde) *que nostre Seigneur est exposé sur la sainte table, & sacrifié par les Prestres*. C'est tout vn: car saint Paul ne dit-il pas, qu'il a pourtrait Christ crucifié deuant les yeux des Galatiens? mais c'est par la predication de l'Euangile, comme a esté dit: aussi par la mesme predication il est exposé & mis deuant les yeux comme crucifié sur la table, & donné en viande & nourriture eternelle. De mesme faut exposer le pouuoir d'offrir le sacrifice; à sçauoir, que nul ne distribue la Cene, que celuy qui a la charge de prescher: car c'est en la predication de l'Euangile, où nostre Seigneur est offert, sacrifié, crucifié, & représenté mort pour nos pechez: comme si on le voyoit encore crucifié, ou sacrifié vne autre fois. C'est par la predication, non par vostre Messe; & c'est à la table de la Cene que nostre Seigneur est derechef offert nō à Dieu, mais à l'assemblée sainte, & là est offert par celuy qui l'offre, par la predication, & l'administration de la sainte Cene: car le ministere n'est, ny ne peut estre vain & abusif. Brief, ce canon 14. porte, que les Diacres, qui n'ont la puissace d'offrir le sacrifice, c'est de prescher, ne distribueront pas la Cene aux Pasteurs: mais les Pasteurs à eux, & qu'ils communiqueront apres les Pasteurs, & appelle la Cene sacrifice, pour les raisons

qui ont esté deduites cy dessus. Quant à vostre Messe, elle n'estoit pas lors, ny n'a iamais esté receuë à Nicee, ny és Eglises de Grece.

Ce n'est rien, s'il ne nous allegue encore S. Hierosme, qui dit, *que l'Euesque de Rome offre à Dieu sacrifices sur les os venerables de S. Pierre, & de S. Paul, & tient leurs tombeaux pour autels de Christ.* Quels sacrifices, dit-il, que ceux que l'Eglise reitere du corps & du sang de nostre Sauueur? Je respon, que S. Hierosme ne dit pas cela: car il ne parle point de la Messe, ny de sacrifice expiatoire, pour la remission des pechez des viuants & des morts; & ie dy qu'il parle de sacrifices en nombre pluriel, & non d'un cōme vous dites la Messe: & que cela se doit entēdre, entout cas de sacrifices de prieres, & louanges, & de celebrer par la predication, & par la participatiō à la Cene la memoire du sacrifice de la mort de nostre Seigneur, avec louāges à Dieu de nostre salut, qu'il nous ottroye. Au reste, on auoit anciēnement ceste façon de faire, de prescher, prier & administrer le sacrement aux sepulchres des Martyrs, & non que pour fortifier l'Eglise au martyre: dont cependant est sortie l'idolatrie des Reliques, & l'inuocation des Saints.

Le passage de S. Augustin, où il dit, que le sacrifice de nostre Seigneur est respandu par toute la terre, ne fait rien pour prouuer la Messe. Car le Sacrifice de nostre Seigneur n'est respandu, que, comme a esté dit, par la predication de la parole de Dieu: mais lors



sa mort est exposée, proposée deuant les yeux de tous, ce secret de pieté presché & creu au monde: & pourtant il dit, *tous les iours & à toute heure*, à sçauoir quand la memoire nous en est rafraischie, ou par la lecture de l'Euaugile, ou par meditation, par prieres, par predication, & par la participation au saint Sacrement. C'est selon cela que S. Augustin à voulu dire, que nostre Seigneur est immolé, comme estant pourtrait & crucifié deuant nous, & par nous accepté pour Sauueur.

Page 203.

La conclusion que fait de Sponde de ce qu'il a dit pour ce poinct: *c'est que la Messe n'est pas vn sacrifice aux diables*. Le luy respon, qu'on ne pense pas sacrifier aux diables, qu'on veut sacrifier au vray Dieu: mais qu'il n'acceptera que ce qui luy aggree, & rien ne luy aggree, que ce qu'il a ordonné par sa parole: le reste il le reprouue, comme non sien. A qui sera cela? mais il dit ailleurs, allez à vos dieux de fiente, parlant de ce qu'il n'a point ordonné, & qu'on fait pensant bien faire. Or si cela n'est à Dieu, il faut qu'il demeure au diable, ou tant qu'il y ait quelque tiers, qui ne soit ny Christ, ny Belial: ce que non. Tout sacrifice qui est contre Dieu, contre la mort de nostre Seigneur, contre le merite d'icelle, & qui l'aneantist, qui fait chercher salut ailleurs que au merite d'icelle mort: & tout autre sacrifice, outre celuy de sa mort & passion, que nostre Seigneur presente à Dieu au ciel; qu'on veut presenter à Dieu, pour estre reconcilié à luy,

satisfaire à son iugement & auoir la remission des pechez, le salut, & la vie eternelle, est sacrifice au diable. Or la Messe est contraire à Dieu, contre le merite de la mort de nostre Seigneur, l'aneantist, fait chercher salut ailleurs qu'en la mort du Fils de Dieu : car on fait ce sacrifice de Messe pour appaiser Dieu, estre reconcilié avec luy, auoir la remission des pechez, le salut, & la vie eternelle. La Messe dōc est vn sacrifice aux diables, quoy qu'on ne face pas la Messe à ceste intention.

Il luy reste encore vn mot, *C'est qu'en ce 4. lin. de l'Institution chap. 7. section 27. Calvin dit quelque mal des Papes : Calvin n'a-il pas grand tort, & mesmes veu que les Historiens en auoyent tant dit ? Calvin a-il parlé de leur Theologie, pour dire qu'il y auoit en eux plus d'atheisme que de religion ? Si Calvin mentoit, il le falloit conuaincre par quelques beaux faits & doctes escrits de ces gens-là. Mais Calvin ne deuoit-il pas rougir & craindre que la main* Page 104.  
*ne luy sechast* (comme dit de Sponde) quand il escriuoit cela contre ces dieux terrestres tous de mesme estoffe que Iupiter ? C'est merueille que Belarmin, & tant d'autres, n'ayent repris cela fort aigrement. En cela de Sponde les surpasse tous en zele catholique. Toutes-fois puis qu'il ne defend mieux leur cause, il la perd, & fait qu'on recerchera icy leur vie. Il le veut, autrement à quel propos auroit-il dit cela ? On a dit de Boniface 8. qu'il estoit entré en la Papauté comme vn regnard, y a-

Dist. 40.  
Can. si Pa-  
pa.

uoit regné comme vn lion, & y estoit mort  
côme vn chien. Cestuy-là s'appelloit, en riant  
avec ses amis, le portier du ciel. Sa Decretale  
porte, que nul ne le deuoit reprendre; non  
pas mesmes quand il meneroit les ames en  
enfer par bandes. Il disoit que tout luy estoit  
loisible, que tous les Royaumes luy apparte-  
noient. Ce fut luy qui, pour signifier cela,  
sortit de son conclaue avec deux espees nuës,  
criant; Voicy deux glaiues. Il voulut oster à  
Philippes le Bel le Royaume, & mourut en-  
ragé. Iules 2. se resiouyffoit d'auoir espandu  
beaucoup de sang. Il eut la cōpagnie de deux  
ieunes enfans, que la Royne Anne enuoyoit  
à Rome, à Robert Cardinal de Nantes, pour  
les instruire. Il exposa en proye le Royaume  
de Nauarre; il mourut enragé, reniât, & blas-  
phemant. Leon 10. son successeur, tenoit l'E-  
uangile de nostre Seigneur pour vne fable, &  
telle banque d'Indulgences, que Samson de  
Milan, Cordelier, outre ce qu'il apporta au  
Pape, auoit pardeuers soy (qu'il y auoit gai-  
gné) six vingts mille ducats, qu'il offrit pour  
acheter la Papauté. Il mourut de ioye, & sou-  
dainement, mangeant & beuuant, ioyeux de  
ce que les François auoyent perdu la bataille  
à Milan.

Paul 3. bailla sa sœur au Pape Alexandre  
6. pour estre fait Cardinal & Euesque d'Ho-  
stie: fit mourir sa mere par poison, & vn sien  
neueu aussi; eut la compagnie de son autre  
sœur, & de ialousie l'empoisonna: abusa vne  
fille

filles de noble maison, se desguisant en vn de ses Gentilshommes souz ombre de mariage: il paillardoit sa niepce, où il fut blessé par le mary d'icelle; paillardoit sa propre fille Constance, & fit empoisonner (pour en mieux iouyr) son mary Bossius Sforce.

Cest Alexandre 6. à qui Paul 3. vendit sa sœur pour vn chapeau de Cardinal, extermina toutes les plus puissantes maisons de Rome, espandit beaucoup de sang, eut la compaignie charnelle de sa fille, qui s'abandonnoit aussi à son frere. Il auoit acheté la Papauté; voulant empoisonner, il fut luy-mesmes empoisonné. Il auoit vsé aussi de l'art du Diable, pour paruenir à la Papauté. Le diable se presenta en sa garderobe à son seruiteur, qui venoit pour prendre son liure de magie, & l'apporter au Pape. Le diable à la seconde fois dit au seruiteur avec vn horrible cry, que c'estoit luy qui estoit le Pape, & se presentoit en la mesme forme du Pape: & puis le vint trouuer en sa chambre, en forme de courrier, pour luy signifier que le terme qu'il luy auoit donné estoit finy: & quoy que le Pape dit que non, il luy fallut ainsi mourir: & son ame deslogea avec grands & effroyables cris, comme le courrier s'en alloit. Ce n'est pas donc Dieu, mais le diable qui fait vostre S. Pere. Iules 3. fit Cardinal son bardache, prenoit plaisir de conter ses folastries & saletez: donnant le chapeau de Cardinal à vn meschant ieune homme, dit qu'il le meritoit aussi bien que

luy d'estre Pape. Iceluy despita Dieu pour ce qu'on ne luy auoit pas seruy du pourceau à son souper : & vne autre fois pource qu'on ne luy auoit pas seruy vn Paon froid, qu'il auoit commandé de garder au matin, & dit qu'il n'offensoit en depitant, non plus que Dieu en se courrouçant pour vne pomme. Je laissoy' que Paul 3. (ainsi que dit Baleus) auoit 45000. putains par leur nom en ses memoires, qui luy payoyent tribut de leurs pail-lardises: Je laisse aussi Gregoire 7. qui ietta le *Corpus Domini* (que vous appelez) d'as le feu, pource qu'il ne luy respondoit pas à quelque requeste qu'il luy faisoit. Qu'on lise Platine, Baleus & les autres Historiens, qui ont escrit depuis 900. ans en ça, on en verra bien d'autres, par où on pourra iuger de la foy, de la pieté & religion de ce saint siege, qu'on appelle Catolique & Apostolique Romain.

*Fin de la Confutation, &c.*

## P R I E R E.

**O** T O V T-puissant , qui tiens & la terre & les cieux, & les enfers obscurs, souz ton puissant empire ; baissè tes yeux sur le peuple de ton alliâce, esclaire-nous en nos tenebres, & par la clarté de ton Euangile, chasse au loin ces obscuritez d'erreur & d'ignorance.

Tu es seul Dieu, qui sauue si ce n'est toy? fais donc qu'à toy seul nous tendions nos mains ioinctes, & que de toy seul se celebre la gloire. C'est par ton Christ que nous auons accez au throne de ta grace : Car cest luy seul qui nous a reconciliez à toy. Il s'est acquis son Eglise par son sang: car par sa mort il l'a rachetee du peché, de la mort, & de l'enfer. Il se l'a sanctifie par son Esprit; il y habite comme en son temple: car il nous fait chair de sa chair, & os de ses os, & de sa communion bien-heureuse. C'est comme il te plaist, ô grand Dieu, nous vnir vrayement à toy, qui seul es la vie; à fin que vrayement & à iamais, nous viuions avec toy.

Mais, bon Dieu, puis qu'il te plaist nous vnir à toy par ton Esprit; par iceluy vnis-nous tous ensemble, comme les membres saincts qui font ce corps mystique de ton Fils glorieux: que nous, qui sommes vnis à luy, soyôs tous vnis en vne toy, en vn esprit, en vn mesme sentiment; & selon ta parole en vne mesme esperance, & en ce seul salut que nous auons en ton Christ, qui est seul la propitiation, l'ap-

pointement & la satisfaction pour nos pechez deuant ton iugement.

Pardonne donc, ô Dieu & pere tres benin, à ton peuple ses pechez, nettoye ton Eglise de ses iniquitez, destourne de nous ta face courroucée, & ramene toute ton Eglise de la grande Babilon, & de la seruitude del'Antechrist, & la gouuerne par ton esprit; à fin qu'elle soit conduite à salut par ta parole. Rebastis les breches de ta Sion, restablis par tout son saint miniftre, & l'orne de toutes res graces & benedictions; à ce que par tout cest vniuers resplendisse la lumiere de ta verité, & que toutes superstitions & idolatries abolies, ton seul nom soit reclamé d'un bout du monde à l'autre: Car à toy seul est le regne, la puissance & la gloire à iamais.



1949

# SVR LA CONFVT. DES

DECLAR. DE SPOND. ET ARG.

de Bellar. par M. Boyssoul.

STANCES.

**A**POSTATS, c'est en vain, que la verité sainte  
 Vous voulez deguiser; vous travaillez en vain:  
 Car le labour meschant de la meschante main  
 Est vn labour sans fruct, une ombre & une feinte.

Mais non, ce n'est en vain; vous moulez vostre peine,  
 Vostre ver, vostre feu, vos gesnes, vos prisons,  
 Au moule de l'Enfer, moule de vos raisons:  
 La verité vous iuge & l'esprit qui vous meine.

Vos raisons sont ainsi que ces lumieres folles  
 Qui trompent en la nuit les yeux des voyageurs:  
 Vous deceuez ainsi, mais les infirmes cœurs,  
 Mais les esprits errans es doctrines friuoles.

La verité tousiours pareille à elle-mesme,  
 Ne se peut obscurcir, ne se deguise point:  
 Ainsi en vos discours, si tost qu'on vient au point,  
 On la void tout à nu, vos folies de mesme.

Telles sont les raisons & les escrits de Sponde,  
 De Sponde, vrayement belle ame, bel esprit,  
 S'il n'eust laissé sa foy, s'il n'eust contr'elle escrit,  
 Et cherché de tirer à sa faute le monde.

Mais pour sauoir comment sont ses raisons friuoles,  
 Comment de Belarmin sont les argumens vains,

*Qu'on te lise, Boyssseul, en tes repliques saints  
Et l'on dira d'eux deux, ce ne sont que paroles.*

*Iceux & leurs escrits passeront comme un songe:  
Mais comme tu defens de Dieu la verité,  
Tes escrits te feront à perpetuité  
Vivre en la verité, eux mourir au mensonge.*

I. B. R.

STANCE.

**I**O, ie voy le fan de la louue Romaine  
Dans l'orque à mort bronchant; i'oy ses derniers abbois:  
Je voy la folle gent, l'adorant autresfois,  
Se sauuer de sa cheute en ceste Arche Chrestienne.  
Chrestiens, tendez la main à vos germains venus;  
Au retour du prodigue il faut demener ioye.  
Chantons avec les Saints, que Dieu s'est maintenus,  
Que la Conuersion est bonne à qui fournoye!



A. M. de F.

## *Fautes suruenues en l'impression.*

Page 20. ligne 1. lis, &, pour ou.

Pag. 49. lig. 12. apres la parentese adioustee, pour faire les saints Aduocats d'intercession.

Pag. 89. lig. 12. lis, Thryphon, pour triomphe.

Page. 116. lig. 24. lis, vendredy, pour udenredy.

Pag. 118. lig. 30. lis, ou vous voulez, pour ou vous la voulez.

Pa. 130. lig. 11. lis, au signe, pour au bois.

Pag. 132. lig. 19. lis, reliquaires, pour reliquaie.

Pag. 141. lig. 24. lis orde, pour ordre.

Pag. 156. lig. 13. lis, Theantrophages, pour Theantrophages.

Pag. 159. lig. 16. lis, par, au lieu de pour.

Pag. 178. li. 19. lis, maintenant, pour manifestement.

Pag. 182. lignes 23. & 24. lis, commettent, pour comment.

Pag. 189. lig. 25. lis, violences, pour violens.

Pag. 209. lig. 24. lis, qui n'ayent, pour qui n'ait.

Pag. 224. lig. 3. apres Anciens, adioustee l'ont mangé. Et lig. 23.

lis, ne vous le, pour ne vous les.

Pag. 257. lignes 10. & 11. lis, voulu les dire, pour voulu dire.

Pag. 258. lig. 1. lis, faisant, pour faissant. & lign. 10. sou-

strayast, pour soustryast.

Pag. 298. lig. 16. lis, syndereses, pour synderesses.

Pag. 415. lig. 4. lis, consste, pour cnoiste.

Pag. 548. li. 24. lis, que non, pour qu'il n'y est plus.

Pag. 590. li. 6. lis, estoient donc des escruelez, pour estoient des escruelez.

Pag. 597. lig. 25. lis, la ramene, pour le ramene.

Pag. 660. lig. 21. lis, choisis, pour chosis.

Pag. 702. li. 22. lis, voulue, pour voulu.

Pa. 713. li. 14. lis, est parlé, pour parlé est.

Pag. 747. en marge à la cote lis, 147. pour 140.

Pag. 752. li. 26. oste ceste interrogat, & le mets à la ligne 24.

Pag. 769. lign. 6. lis, rendez-les, pour ramenez-les.

Pag. 774. lig. 6. mets apres Prestres, la parentese (qui y est deuant. Et l. 17. lis, Il dit que nous,

pour, Il dit nous.

Pag. 783. lig. 18. lis, voix, pour viox.

Pag. 844. lig. 28. lis, ad dictum, pour à dictum.

Pag. 828. lig. 25. lis, la nommoit, pour la nommoient.

Pa. 937. li. 2. lis, temple de Dieu, pour temple Dieu.

